



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

HL WIDENER




HW P98R W


C
1276
3.3



HARVARD COLLEGE LIBRARY
FROM THE LIBRARY OF
JOHN CHIPMAN GRAY
CLASS OF 1859
PROFESSOR OF LAW 1875-1913







T

D.

FR
A
ADS
AD
AC
CHI
CAN

THEOLOGIA

MORALIS

ILLUSTRISSIMI AC REVERENDISSIMI

D. ALPHONSI DE LIGORIO,

OLIM EPISCOPI S. AGATHÆ GOTHORUM,

ET RECTORIS MAJORIS CONGREGATIONIS SS. REDEMPTORIS,
A PIO VII, 15 SEPTEMBRIS ANNI 1816 BEATORUM FASTIS
ADSCRIPTI, ADJUNCTA IN CALCE PERUTILI INSTRUCTIONE
AD PRAXIM CONFESSARIORUM, UNA CUM ILLUSTRISSIMI
AC REVERENDISSIMI JOANNIS DOMINICI MANSI AR-
CHIEPISCOPI LUCENSIS EPITOME DOCTRINÆ MORALIS ET
CANONICÆ EX OPERIBUS BENEDICTI XIV.

EDITIO CÆTERIS CORRECTIOR.

TOMUS SEXTUS.

*Continens prosecutionem Tractatûs de Pœnitentiâ
et Tractatum de Censuris.*

ANTVERPIÆ,

Æ PRELO JANSSENS ET VAN MERLEN, IN PLATEA
CORIARIORUM.

1822,

C 1276.3.3

HARVARD COLLEGE LIBRARY
FROM THE LIBRARY OF
JOHN CHIPMAN GRAY
GIFT OF ROLAND GRAY

SEP 4 1934

THEOLOGIA MORALIS.

CAPUT II.

DE MINISTRO SACRAMENTI PÉNITENTIÆ.

DUBIUM I.

Quis sit Minister ?

539 *Confessarii indigent approbatione, et jurisdictione.*

540 *An in casu necessitatis sit obligatio confitendi laico vel Clerico? An verò Clericus vel laicus in articulo mortis, deficiente Sacerdote, possit absolvere à censuris?*

541 *Nullus autem Sacerdos validè absolvit, nisi sit approbatus, vel Parochus.*

• **R**ESP. Est Sacerdos approbatus ab Episcopo, sal- 539
» tèm respectu sæcularium, et habens jurisdictionem.
• Est certum. Ratio primæ partis sumitur ex Joan. i.
• *Accipite Spiritum S., quorum remisistis, etc.* Ratio
» secundæ sumitur ex Trid. sess. 23 c. 15 *de refor-*
» *mat.* ubi decernit, nullum..... posse Confessiones
» sæcularium.. audire.. nisi aut parochiale beneficium
» obtineat, aut ab Episcopis.. idoneus judicetur* (*Hanc*
» *ad rem facit damnatio inflicta ab Alex. VII duabus pro-*
» *posit. scilicet 13 et 16*) * Addidi respectu sæcularium,
» quia circà Confessiones Regularium Concilium ni-
» hil videtur notasse; undè ii cuius, etiàm non ap-
» probato, quem Prælati præfecerit, possunt con-
» fiteri; intellige, quantum est ex vi Concilii, quia
» Gregorius XV statuit, ut Monialium Confessarius
» ab ordinario approbetur. Ratio tertiæ partis ex Flo-
» rentino, et Tridentino loc. cit. quia absolutio est
» actus judicialis, qui requirit subditos.

Undè resolves.

510 » 1. Nullo casu , vel dispensatione hoc Sacramen-
tum validè administratur à non Sacerdote. »

Dixit *Magister sentent.* in 4 dist. 17 quod in casu necessitatis debeat fidelis confiteri laico : et huic adhæsit D. Th. Suppl. quæst. 8 art. 2 ad 1. dicens : *Quandò necessitas imminet , debet facere pœnitens quod ex parte una est , scilicet conteri , et confiteri cui potest ; qui quàmvis Sacramentum perficere non possit... defectum tamen Sacerdotis summus Sacerdos supplet.* Hoc tamen intelligendum est non esse de præcepto sed de consilio , ad excitandam contritionem , vel ad solatium , sive consilium capiendum , ut dicunt Wiggandt tr. 13 n. 62. Laym. c. 10 Salm. c. 11 num. 3. Croix n. 1482 et alii passim. Teuēt autem S. Anton. Ang. Henr. Candidus, Panorm. Led. etc. apud Salm. de Censur. cap. 2 n. 47 et probabile putant Sanch. , lib. 2. Dec. c. 13 n. 13. Croix n. 1483 et Diana p. 3. t. 4 R. 133 cum Led. Valer. Lacruz. etc. quod Clericus absente Sacerdote , et laicus absente Clerico , in articulo mortis ex præsumpta concessione Ecclesiæ possit absolvere à censuris , ne infirmus privetur sepulturâ et suffragiis. Sed probabilius hoc negant communiter tam de laico , quàm de Clerico Conc. pag. 452 n. 10. Lugo dist. 18 n. 7. Croix loc. c. Salm. de Censur. c. 2 num. 48 cum Avila , Pal. Sayr. Corn. et Villal. item Laym. Con. Suar. Soto , etc. ap. Dian. Ratio , quia id nullo jure nisi Sacerdotibus conceditur , et numquàm contrarium in Ecclesia fuit consuetudine introductum. Tantò magis , quod eo casu (ut in Rituali habetur) , si excommunicatus decesserit cum signo pœnitentiæ , poterit ejus cadaver absolvi ab habente facultatem super illa excommunicatione.

541 » 2. Ubi Trident est receptum , secùs alibi , nullus Sacerdos , etiàm Regularis , validè absolvit , nisi
» sit approbatus , vel Parochus , cui non solùm intra , sed etiàm extrâ diœcesim suam , validè dele-

- » gatur jurisdiction, potestque eligi in Confessarium
- » ab omni habente potestatem eligendi, quamdiu ta-
- » men retinet Parochiam. Ita Fill. t. 1 c. 7. Fagund.
- » Suar. Dian. p. 3 t. 4 R. 146. * (Sed de hoc vide di-
- » cenda n. 544 et n. 565) * »

DUBIUM II.

Quid sit approbatio, et à quo petenda?

- 542 Quid est approbatio?
- 543 An liceat Sacerdoti simplici excipere Confessionem venialium?
- 544 An Parochus possit adsciscere cooperatorem alium Parochum alterius Diocesis? Dub. 2. An ejusdem?
- 545 Dub. 2. Debet eligi approbatus, aut Parochus? An sufficiat approbatio sine examine, et sine judicio interno?
- 546 An sufficiat approbatio petita, et negata?
- 547 A quo Episcopo habenda sit approbatio?
- 548 Resolvitur questio ex Bulla Innoc. XII.
- 549 An Religiosi approbati in una Diocesi possint audire Confessiones in alia?
- 550 Alia notanda apud Busemb.
- 551 An injusta revocatio approbationis sit invalida?
- 552 An Episcopus ex justa causa possit approbatos iterum examinare, aut approbationem revocare, vel restringere?
- 553 Sancita à Bened. XIV. circa Confessionem complicitis de peccato turpi?
- 554 Quid veniat nomine peccati turpis? An peccata interna? an dubia?
- 555 An absolutio complicitis sit invalida quoad omnia peccata?
- 556 Qu. 1. An incurrat censuram Papalem, qui Confessionem complicitis tantum audit, et eum non absolvit? Qu. 2. An Episcopus, vel ejus delegatus, ex facultate Tridentini in cap. Liceat, possit absolvere Confessarium, qui complici in peccato turpi absolutionem impertierit?

- Resp. 1. Approbatio non est collatio jurisdictionis, 547
- » sed tantum publicum judicium de aptitudine per-
- » sonæ ad audiendas Confessiones, essentialiter præ-
- » requisitum, supposito jure Tridentini, ad jurisdictio-

» tionem recipiendam. Ità Sanch. lib. 6. de Matrim.
» d. 28. et alii.

Undè resolves.

- » 1. Etsi Doctores, et Licentiati, hoc ipso, quod
- » promoventur, censeantur, secundum quosdam,
- » approbati à Papa, ut notat *Sa verbo Confessor*;
- » probabilius tamen est, quod ipsi etià egeant ap-
- » probatione. * (Et hoc hodiè certum est ex Bulla
- » S. Pii V. apud Salm. cap. 11 n. 94. etià quodad-
- » Prælatos Regulares.) * licet non deceat, ut ipsi, vel
- » Lectores in Theologia examinentur. * (*Modò lege-*
- » *runt Morales.*) *
- » 2. Etià Parochus, qui reliquit beneficium
- » Parochiale, debet approbari, si velit audire Confes-
- » siones.
- 543 » 3. Non requiri hanc approbationem ad auditio-
- » nem venialium, docet Dian p. 2. t. 2. misc. res.
- » 44 ex Valero, Et ratio esse videtur, quod approba-
- » tio tantum requiratur in ordine ad jurisdictionem;
- » hanc autem quivis Sacerdos pro venialibus, uti et
- » mortalibus, à quibus ritè quis est absolutus, habeat
- » collatam ab Ecclesia in ipsa ordinatione, ideoque
- » ab iis absolvere possit, ut habent Bon. d. 5 q. 7 p. 2
- » n. 8. Vasq. Suar. Card. de Lugo d. 18. sect. 3 d. 21
- » n. 1. ubi docet, ab Ecclesia in *Trident.* non appro-
- » batum reddi incapacem jurisdictionis, tantum in
- » ordine ad mortalia non prius confessa. »

Quæritur, an Confessio venialium facta simplici Sacerdoti sit illicita, et invalida? Quod sit illicita, hodiè certum est ex Decreto Innoc. XI. de Communionem quotidiana (hoc Decretum affertur per extensum apud Bonac. tom. 1. sub initio), edito anno 1679. 12. Febr. quo non solum vetitum fuit Episcopis, *Ne permetterent, ut venialium Confessio fieret Sacerdoti non approbato ab Episcopo*; sed etià fuit interdictum ipsis Sacerdotibus, his verbis, quæ immediatè sequuntur: *Si quicumque Sacerdotes secus egerint, sciant Deo*

se rationem esse reddituros. Utrum autem talis Confessio sit invalida? *Prima* sententia communissima negat, et hanc tenent Salm. c. 11 n. 8. cum communiter ut asserunt, Holzm. n. 681. Viva q. 8. art. 1 n. 6. Pal. d. n. p. 13 n. 5. Croix n. 1489. Lugo d. 18 n. 41. Suar. d. 26. sect. 5. et Elbel p. 298 n. 329. cum Mastr. Herincx, etc. Sed undè habeant Sacerdotes simplices hanc jurisdictionem, Auctores discrepant; nam Palud. Capreol. Canus, Led. et Vasq. ap. Lugo dicunt, hanc eos habere à Christo Domino, eò quod peccata venialia non sint materia necessaria; ergò creditur Christus non subdidisse eorum absolutionem potestati Ecclesiæ. Alii verò dicunt, eos jurisdictionem accipere ab Ecclesia, ut Viva l. c. Ronc. c. 1. qu. 3. R. 2. et Lugo loc. cit. cum Suar. Bon. Con. et Henr. Secunda verò sententia, quam tenent Conc p. 341. et Platel. cum aliis apud Croix l. c. affirmat, et hanc satis probabilem puto, quia, posito, quod simplices Sacerdotes non habeant jurisdictionem à Christo, sed ab Ecclesia, ut supra, hodiè post Decretum Innocentii non præsumitur Ecclesia velle eis conferre jurisdictionem, cum ipsos expressè prohibeat uti tali jurisdictione.

« 4. Parochi non possunt asciscere cooperatores, 544
» nisi Parochos, vel approbatos, ut habent Fag. p. 2
» l. 7 n. 42. Sanch. etc. ex declaratione Card. contra
» Ledesm. et alios. Vide Dian. p. 3. t. 4 res. 146, et
» Bon. d. 5 q. 7 p. 4 § 1. »

Hic dubitatur 1. An Parochus possit advocare Parochum alienæ Diocesis ad excipiendas Confessiones suorum subditorum? *Prima* sententia affirmat, et hanc tenent Pal. p. 17 § 2 n. 7. Lugo d. 21 n. 21. Cone. p. 540 n. 3. Viva in prop. 16. dam. ab Alexand. VII. n. 11. Wigandt tract. 13 n. 68 R. 12. item Suar. Vasq. Aversa, etc. apud Croix n. 1537. Ratio, quia Parochus censetur approbatus pro tota Ecclesia, ut supponunt inferri ex Trid. sess. 23. de reform. c. 15. ubi dicitur: *Nullum posse Confessiones audire, nec ad id idoneum reputari, nisi aut Parochiale Beneficium obtineat, etc.* Hinc colligunt, Parochiale Beneficium poni à Tridenti-

tino pro approbatione universali. *Secunda* verò sententia, cui mihi libet adhærere, negat, eamque tenent Barbosa in Trid. l. c. n. 19. N. SS. P. Bened. XIV. Notif. 86 n. 7 et Croix l. c. cum Laym. Garzia, Hom. et Piasec. Ratio, quia Parochus minimè approbatur ab Ecclesia universali, sed tantùm, ex dispositione Tridentini, à suo Episcopo, pro sola ejus Diœcesi, et juxtà ejus voluntatem Et hæc sententia magis firmata fuit ex Declaratione S. C. Concilii apud Piton. de Paroch. n. 814, die 19. Januarii 1641, quâ dictum fuit: *Parochus unius Diœcesis non potest Confessiones audire sine licentia Episcopi Diœcesani.* Et ex alia Dec. apud Monacell. tom. 4 p. 16 n. 172, die 3 decembr. 1707, ubi ad quæsitum: *An Curati unius Diœcesis vocati à Parochis alienæ Diœcesis possint in ista audire Confessiones absque licentia Episcopi?* S. C. respondit: *Affirmativè quoad subditos, negativè quoad alios..*

Dubitatur 2. An Parochus vocatus ab alio Parochò ejusdem Diœcesis, possit in ejus Parochia Confessiones audire? Præter AA. citatos, id affirmant Bonac. d. 5 q. 7 p. 4 § 1 n. 23, et Croix n. 1536, cum communiori; imò Palaus, et Mazzotta ll. cc. communem sententiam vocant. Sed oppositam sententiam tenent Barbosa in Trident. d. sess. 23 c. 15 n. 19, cum Homob. et Piasec. in praxi Episcop. p. 2 cap. 1 n. 10. ex alia Declaratione ejusdem S. C. Concilii, quam referunt Barb. et Piasec. ll. cc. ubi ad quæsitum: *An provisor de parochiati per concursum censendus sit approbatus idoneus minister ad audiendas Confessiones in illa Diœcesi, in qua illam parochialem obtinet?* S. C. respondit: *Censeri ad audiendas Confessiones dumtaxat in ea Civitate, vel Oppido, ubi sita sit parochialis, non autem passim per totam Diœcesim.* Et ratio hujus sententiæ est, quia (sicut diximus) Parochus non approbatur ab Ecclesia pro Ecclesia universali, sed tantùm ab Episcopo juxtà Episcopi voluntatem; unde nisi constet aliundè de diversa voluntate Episcopi, Parochus censetur approbatus tantùm pro Parochia, ad quam eligitur; potest enim Episcopus aliquem judi-

care idoneum pro uno loco, et non pro alio. Rectè verò dicunt Bon. l. c. n. 12. Clericat. de Pœnit. Decis. 37 n. 12. Idque admittit Bened. XIV in cit. Notif. 86 n. 13 quod sententia opposita locum habere possit in iis locis, ubi talis adsit consuetudo, quæ jurisdictionem benè conferre valet. Imò Wigandt tract. 13 n. 80 primam opinionem approbat, *ex praxi* (ut asserit) *variarum Diacesium*.

« 5. Qui habet potestatem eligendi Confessarium, ⁴⁴⁵
» non potest eligere, nisi approbatum, vel Parochum.
» 6. Ad approbationem non necessariò requiritur
» examen, modò adsit iudicium prudens de sufficien-
» tia. Con. Laym. * (*Et quàmvis Episcopus interne*
» *reprobet, valet externa approbatio ad jurisdictionem*
» *conferendam*. Salm. cap. 11 de Pœnit. n. 90 et 91.) *
» 7. Non sufficit approbatio petita, et negata, ut ⁴⁴⁶
» docetur communiter contra Nav. Henriq. et Diana
» p. 1 t. 2 res. 24. etsi probabiliter cum prædictis do-
» cuerint Coninck, et Laym. Regulares mendicantes,
» si ab Episcopo repellantur, cum manifestè idonei
» sint, et à Prælatis suis præsententur, posse nihi-
» lominùs pro Confessionibus sæcularium exponi,
» ut habetur Clementinà Dudum, § statuimus: istis
» tamen privilegiis Trid. et Urbanum VIII. an. 1628
» derogasse, notat Lugo de Pœnit. d. 21 n. 29 et 51.
» * (*Ideoque opinio Laym. et Conc. hodiè improbabilis*
» *est; maxime post Prop. 13 damn. ab Alexand. VII.*
» *quæ dicebat: Satisfacit præcepto annuæ Confessio-*
» *nis, qui confitetur Regulari Episcopo præsentato,*
» *sed ab eo injustè reprobo. Privilègium autem lo-*
» *quitur, quando injustè negatur jurisdictio, non autem*
» *si injustè negetur approbatio, quæ de jure novo Tri-*
» *dentini hodiè necessariò requiritur, ut rectè dicunt*
» Salm. de Pœn. c. 11 n. 95. cum Logo.) *

» Resp. 2. Approbatio petenda est ab Episcopo, ⁵⁴⁷
» et quidem proprio, scilicet Sacerdotis; ut intelli-
» gunt Suarez, Conin., Regin. Filliuc. et alii; vel,
» ut probabiliter vult Vasq. pœnitentis. Ratio est,
» quia est actus jurisdictionis, vel saltèm auctori-
»

tino pro approbatione universali. *Secunda* verò sententia, cui mihi libet adhærere, negat, eamque tenent Barbosa in Trid. l. c. n. 19. N. SS. P. Bened. XIV. Notif. 86 n. 7 et Croix l. c. cum Laym. Garzia, Hom. et Piasec. Ratio, quia Parochus minimè approbatur ab Ecclesia universali, sed tantùm, ex dispositione Tridentini, à suo Episcopo, pro sola ejus Diœcesi, et juxtà ejus voluntatem Et hæc sententia magis firmata fuit ex Declaratione S. C. Concilii apud Pitton. de Paroch. n. 814, die 19. Januarii 1641, quâ dictum fuit: *Parochus unius Diœcesis non potest Confessiones audire sine licentia Episcopi Diœcesani*. Et ex alia Dec. apud Monacell. tom. 4 p. 16 n. 172, die 3 decembr. 1707, ubi ad quæsitum: *An Curati unius Diœcesis vocati à Parochis alienæ Diœcesis possint in ista audire Confessiones absque licentia Episcopi?* S. C. respondit: *Affirmativè quoad subditos, negativè quoad alios.*

Dubitatur 2. An Parochus vocatus ab alio Parochò ejusdem Diœcesis, possit in ejus Parochia Confessiones audire? Præter AA. citatos, id affirmant Bonac. d. 5 q. 7 p. 4 § 1 n. 23, et Croix n. 1536, cum communiori; imò Palaus, et Mazzotta ll. cc. communem sententiam vocant. Sed oppositam sententiam tenent Barbosa in Trident. d. sess. 23 c. 15 n. 19, cum Homob. et Piasec. in praxi Episcop. p. 2 cap. 1 n. 10. ex alia Declaratione ejusdem S. C. Concilii, quam referunt Barb. et Piasec. ll. cc. ubi ad quæsitum: *An provisor de parochiati per concursum censendus sit approbatus idoneus minister ad audiendas Confessiones in illa Diœcesi; in qua illam parochialem obtinet?* S. C. respondit: *Censeri ad audiendas Confessiones dumtaxat in ea Civitate, vel Oppido, ubi sita sit parochialis, non autem passim per totam Diœcesim*. Et ratio hujus sententiæ est, quia (sicut diximus) Parochus non approbatur ab Ecclesia pro Ecclesia universali, sed tantùm ab Episcopo juxtà Episcopi voluntatem; unde nisi constet aliundè de diversa voluntate Episcopi, Parochus censetur approbatus tantùm pro Parochia, ad quam eligitur; potest enim Episcopus aliquem judi-

Cap. II. Dub. II. De Ministro hujus Sacramenti. 9
 care idoneum pro uno loco, et non pro alio. Rectè
 verò dicunt Bon. l. c. n. 12. Clericat. de Pœnit. De-
 cis. 37 n. 12. Idque admittit Bened. XIV in cit. No-
 tif. 86 n. 13 quod sententia opposita locum habere pos-
 sit in iis locis, ubi talis adsit consuetudo, quæ ju-
 risdictionem benè conferre valet. Imò Wigandt tract.
 13 n. 80 primam opinionem approbat, *ex praxi* (ut
 assent) *variarum Diœcesium*.

- » 5. Qui habet potestatem eligendi Confessarium, 445
- » non potest eligere, nisi approbatum, vel Parochum.
- » 6. Ad approbationem non necessariò requiritur
- » examen, modò adsit judicium prudens de sufficien-
- » tia. Con. Laym. * (*Et quàmvis Episcopus interne*
- » *reprobet, valet externa approbatio ad jurisdictionem*
- » *conferendam*. Salm. cap. 11 de Pœnit. n. 90 et 91.) *
- » 7. Non sufficit approbatio petita, et negata, ut 446
- » docetur communiter contra Nav. Henriq. et Diana
- » p. 1 t. 2 res. 24. etsi probabiliter cum prædictis do-
- » cuerint Coninck, et Laym. Regulares mendicantes,
- » si ab Episcopo repellantur, cum manifestè idonei
- » sint, et à Prælatiis suis præsententur, posse nihi-
- » lominus pro Confessionibus sæcularium exponi,
- » ut habetur Clementinâ Dudum, § statuimus : istis
- » tamen privilegiis Trid. et Urbanum VIII. an. 1628
- » derogasse, notat Lugo de Pœnit. d. 21 n. 29 et 51.
- » * (*Ideoque opinio Laym. et Conc. hodiè improbabilis*
- » *est; maxime post Prop. 13 damn. ab Alexand. VII.*
- » *quæ dicebat : Satisfacit præcepto annuæ Confessio-*
- » *nis, qui confitetur Regulari Episcopo præsentato,*
- » *sed ab eo injustè reprobat. Præilegium autem lo-*
- » *quitur, quando injustè negatur jurisdictio, non autem*
- » *si injustè negetur approbatio, quæ de jure novo Tri-*
- » *dentini hodiè necessariò requiritur, ut rectè dicunt*
- » Salm. de Pœn. c. 11 n. 95. cum Logo.) *
- » Resp. 2. Approbatio petenda est ab Episcopo, 547
- » et quidem proprio, scilicet Sacerdotis; ut intelli-
- » gunt Suarez, Conin., Regin. Filliuc. et alii; vel,
- » ut probabiliter vult Vasq. pœnitentis. Ratio est,
- » quia est actus jurisdictionis, vel saltèm auctorita-

» tiva declaratio; ergò debet fieri à superiore. Porro
 » nomine Episcopi etiàm intelliguntur Prælati habentes
 » jurisdictionem Episcopalem, ut quidam Abbates,
 » et Capitulum Sede vacante, non autem Provinciales;
 » aut Generales Ordinum, (*Episcopus confirmatus, etsi nondum consecratus, rectè potest*
 » *approbare, quia jam habet jurisdictionem. Secus, si*
 » *sit tantùm electus, et non confirmatus; vel qui Episcopatu*
 » *renunciavit, quia tunc jurisdictione caret.*
 » Salm. de Pœnit. c. 11 n. 96. cum Lugo, et Croix
 » l. 6 p. 2. n. 1495.) * *

548. Quæritur, à quonam Ordinario habenda sit approbatio? Tres sunt sententiæ. *Prima* docet, habendam esse ab Ordinario pœnitentis; quia ad illum spectat, cui vult, suas oves committere, et ergà ipsas jurisdictionem concedere. Ità Vasq. apud Busemb., qui probabile vocat: et ità plurimi DD. apud Suar. ut testantur Salm. de Pœnit. c. 11 n. 99. Hinc Salm. d. l. n. 100. circa fin. tenent, Confessarium approbatum ab Episcopo pœnitentis posse excipere ejus Confessionem in alia Diocesi, si ibi peregrinetur, sine loci Ordinarii approbatione. Hanc Croix l. 6 p. 2 n. 1516. vocat non improbabilem, saltem (ut ait) pro Parocho, vel Confessario magnatum, qui respectu illorum habetur pro Parocho. Sed quoad Parochum respectu subditorum rectè affirmant Salm. d. l. c. 11 n. 55. et ex communi, ex Decreto S. C. relato n. 544. dub. 1. Quoad delegatum verò etiàm dicunt ex Lugo, Suar. etc. posse istum absolvere subditos delegantis, ubicumque eos reperit. Et ità etiàm tenent Busemb. dub. 3 seq. n. 2. cum Suar. Henr. Sanch. et aliis.

Secunda sententia docet, requiri approbationem ab Ordinario Sacerdotis. Ità Bonac. de Pœnit. disp. 5 q. 7 punct. 4 § 1 n. 15 et 16. Viva de Pœnit. q. 8 art. 3 n. 3. cum Con. et Lugo, etc. et ità Suar. et Pal. ap. Croix d. l. n. 1516. Ratio, quia approbatio, eum sit actus jurisdictionis, nequit exerceri, nisi in subditum. Sed Bonac. et Viva loc. c. rectè explicant hanc

sententiam cum Pal. apud Salm. d. l. n. 99. et dicant, ad hoc satis esse, si Sacerdos approbandus, quàmvis externus, subditus fiat Episcopi approbantis ratione domicilii, vel saltèm habitationis pro illo tempore; ità etiàm Busemb. hic n. 2. Et talis reverà est praxis universalis.

Tertia sententia, quam probabiliorem putant Croix dict. n. 1516. et Carden. cum Nav. Barbos. et pluribus aliis apud Salm. a n. 96. docet ex communi praxi fidelium, approbationem petendam esse ab Ordinario loci, ubi Confessiones excipiuntur. Nec obstat dicere, quod jurisdictione ergà pœnitentes non concedatur, nisi ab ipsorum Episcopis. Nam hoc ipso, quod quis velit confiteri in aliquo loco, quòad hoc subditus sit Ordinarii illius; vel saltèm hoc valet ex consensu universali, sivè conniventia Episcoporum, à quibus data præsimitur jurisdictione ergà proprias oves ob bonum ipsarum cuicumque Sacerdoti approbato ab Episcopo loci, ubi confessio fit. Ità Viva de Pœnit. q. 90 art. 3 n. 5. in fin. Salm. c. 11 n. 99. Et hæc ultima sententia hodiè est omninò tenenda cum Roncag. de Sacr. Pœnit. c. 1 q. 6 ex Bulla, Cum sicùt, Innocent. XII. edita anno 1700 die 10 Aprilis) relata per extensum apud Salm. tr. 18 de Privil. c. 4 hum. 80.) ubi sic sancitum fuit: Confessarii tam sæculares, quàm regulares, quicumque illi sint, in vim... Bullæ Cruciatæ.. nulloatenùs confessiones audire valeant sine approbatione... Episcopi... loci, in quo ipsi pœnitentes degunt, et Confessarios eligunt... Nec ad hoc suffragari approbationem semel, vel pluries ab aliis Ordinariis aliorum locorum et Diœcesium obtentam, etiàm si pœnitentes illorum Ordinariorum, qui Confessarios electos approbassent, subditi forent. Deindè Pontifex declarat, aliàs Confessiones fore invalidas, et Confessarios suspensos etc. reprobata tamquàm falsà; et temerarià quâcumque contrarià opinione. Et constat ex eadem Bulla, Pontificem locutum fuisse ex Cathedra, ut ostendunt Salm. l. c. n. 81. Bullam Innocentii nuper confirmavit Summus Pontifex Benedictus XIV. per aliam Bullam, quæ incipit, Apos-

solica etc. Scribit Mazzotta de Pœnit. disp. 2 q. 1 c. 3 § 1 has præfatas Bullas minimè elidere probabilitatem primæ sententiæ Suarii etc. ut suprâ ; ait enim, Bullam Innocentii emanatam fuisse ob querelas Episcoporum Portugalliæ, eò quod subditi sine ipsorum licentia Confessarios eligebant per alios Ordinarios approbatos, etiâmsi iidem alii Ordinarii repugnassent, vel approbationem revocassent. Hinc dicit minimè reprobata fuisse sententiam, quod Confessarius sæcularis approbatus in aliquo loco possit absolvere subditos illius in alia Diœcesi peregrinantes. Sed huic opinioni non acquiesco ; nam in primis invenio, titulum illius Bullæ Innocentianæ fuisse sic descriptum (apud Salm. loc. c. n. 88.) : *Sanctissimi Domini Nostri Innocentii Papæ XII. Declaratio . . . cum damnatione opinionis asserentium, facultatem huiusmodi habere locum, etiâmsi Confessarius non fuerit approbatus ab Ordinario loci, in quo Confessiones excipi contigerit.* Nota *Loci in quo etc.* Deindè in ipsa Bulla legitur, ut suprâ, Papam nullas declarasse Confessiones, quæ fiunt *sine approbatione Episcopi loci, in quo ipsi pœnitentes degunt.* Quid clarius ? Si autem adhuc cum privilegio Bullæ Cruciatæ requiritur approbatio ab Episcopi Loci, quantò magis sine privilegio ? Verùm Salm. n. 111. contra Roncaglia cap. 1 qu. 6 dicunt, oppositam sententiam non esse hanc Bullâ damnatam, si quis privilegium haberet generis diversi, quàm Cruciatæ, puta Jubilæi, vel simile. Sed huic obstat Bulla Benedicti XIV. quæ incipit, *Benedictus Deus* (in Bullar. t. 3 p. 262 § 4.), ubi dicitur, quod detur facultas in Jubilæo tam sæcularibus, quàm Regularibus eligendi sibi Confessarium, modò sit ex approbatis ab Ordinario loci ; Moniales verò ex eadem possunt sibi eligere Confessarium, sed nonnisi ex approbatis ad Confessiones Monialium in illo loco, quàmvis pro aliis Monasteriis.

- 419 « 1. Religiosi, etiâmsi exempti, debent approbari » ab Episcopo loci, in quo degunt : quia illius, quod » hunc actum, sunt subditi. »

Et hoc certum est ex Brevi Innocentii X. apud Salm. de Pœn. c. 11 n. 97. quo Pontifex sic statuit : *Regulares in una Diœcesi approbatos non posse in alia Confessiones audire sine approbatione Episcopi illius.* Et idem statuit Innoc. XIII. in Bulla Apostolici ministerii, (confirmata à Bened. XIII. per aliam Bullam appositam in calce Concilii Romani) ubi dicitur : *Declaramus, Sacerdotes tam sæculares, quàm regulares, qui ab Episcopis obtinuerint licentiam audiendi Confessiones limitatam vel quoad locum, vel quoad genus personarum, vel quoad tempus, non posse Pœnitentiæ Sacramentum administrare extra tempus, vel locum, vel genus præscriptum, quocumque privilegio etiàm in vim Bullæ Cruciatæ nullatenus suffragaturo.*

« 2. Episcopus in sua Diœcesi non potest approbare Sacerdotem alienum, nisi subdatur illi, saltem ad tempus. 550

» 3. Episcopus potest approbare per se, vel Vicarium generalem, vel alios quoscumque deputatos, quia non est actus ordinis, sed jurisdictionis. * (V. n. 588.) *

» 4. Approbatio potest fieri cum restrictione ad certum genus personarum, locum, tempus, etc. Nav. Suar., Vasq. contra Vegam.

» 5. Episcopus peccat, si Sacerdoti, præsertim Regulari, idoneo, sine causa sufficiente neget approbationem. Bonac. Vasq. art. 3 d. 3 Card. de Lugo d. 21 sect. 3 n. 54. Sanch. etc.

» 6. Approbatio semel absolutè concessa non tantùm non extinguitur morte concedentis, sed nec 551
» revocari potest sine justa causa : ex causa tamen, v. gr. mutatione morum, judicii, etc. potest ; ut docent Suar. Fill. et alii. Quod si fiat absque causa rationabili, Conin. Suar. et quidam alii censent revocationem esse nullam : * (Et hanc vocant satis probabilem Lugo de Pœnit. d. 21 n. 64. Pal. de Pœnit. p. 18 § 4 n. 6. Salm. c. 11 n. 107. cum Dicast. Ratio, quia, ut dicunt, Episcopus non videtur posse auferre sine justa causa jus jam acquisitum à Confessario. Excepit Fagund, apud Palaum, si Episco-

» *pus approbet pro suo beneplacito ; sed Palaus hoc non*
 » *admitit , quia intelligendum semper est de beneplacito*
 » *justo. At hanc opinionem vix in praxi probabilem cen-*
 » *seo , quia injustitia revocationis deberet esse luce cla-*
 » *rrior , et abesse quodcumque hallucinationis periculum ;*
 » *sed hoc vix accidere potest , cum innumeræ possint*
 » *esse causæ justæ apud Episcopum revocandi appro-*
 » *bationem , quæ ignorentur à Confessario ;)* * alii illi-
 » citam tantum , Fill. t. 7 cap. 9 quæst. 12. In dubio
 » autem , an ex justa causa revocatio sit facta , præ-
 » sumendum esse pro Prælato , docet Cardinal. de
 » Lugo n. 67.

55a » 7. Ex justa causa possunt , præsertim à succes-
 » sore Episcopo , ad examen revocari non tantum
 » sæculares , sed etiam regulares. Docent tamen qui-
 » dam , Mendicantes habere privilegium , ut non pos-
 » sint revocari ab eodem , à quo antè sunt approbati ;
 » sed contrarium docent Suarez , et Lugo d. 21 n. 61
 » et 62. * (*Et hæc sententia hodiè omninò tenenda ,*
 » *cum Alexander VII. (ut refert Cabassut. T. J. lib. 1*
 » *cap. 10 n. 13.) in causa Andegavensis Episcopi , et*
 » *Regularium Societatis Jesu , et aliorum Ordinum ,*
 » *sequentem propositionem die 30 Januarii 1659 tam-*
 » *quàm temerariam et erroneam damndrit , quæ dice-*
 » *bat : Non possunt Episcopi limitare seu restringere*
 » *approbationes , quas Regularibus concedunt ad*
 » *Confessiones audiendas , neque ulla ex parte revo-*
 » *care. Nec tenetur de tali revocatione Episcopus ulli*
 » *rationem reddere , ut statutum refert Cabassut. T. J.*
 » *l. 1 c. 1 n. 14. à Rege Christianissimo cum Consilio*
 » *statùs Regni die 4 Martii ann. 1669. Et cum ab*
 » *Episcopo approbatio limitatur quodad locum , tempus ,*
 » *aut personas , Confessarius , sive sæcularis , sive re-*
 » *gularis , nequit alio modo uti illà ob quodcumque Pri-*
 » *villegium , etiam Bullæ Cruciatæ ; ità declaratum fuit*
 » *in Bulla , Apostolici ministerii , edita à Clem. XII.*
 » *per Hispanias , et confirmata postea à Bened. XIII*
 » *per totum Orbem , ut refert Bened. XIV. in Bulla ,*
 » *Apostolica indulta § 3 in Bullar. n. 100.)* *

» 8. An approbatus ab uno Episcopo possit in alia
 » Diocesi, sine nova approbatione, recipere jurisdictionem,
 » controvertunt Doctores : ac licet utraque sen-
 » tentia olim videri potuerit probabilis, post decretum
 » tamen Urbani VIII. 1628 apud Lugo d. 21 sect. 2
 » n. 29 negativa omninò tenenda est. * (Item hoc cer-
 » tum ex Brevi Innocent, X. et ex Bulla Innocent XII.
 » juxta dicta n. 549.) * Vide Aversam, quæst. 16 sect.
 » 8. * (Item advertendum, quod S. Pius V. in Constit.
 » Romani, *dixerit quod Regulas approbati ab Episcopo*
 » *antecessore potuerint iterum examinari à Successo-*
 » *re, et si minus idonei reperti fuerint, reprobari.*
 » Hinc inferunt Sylvester, Miranda, Fagund. et alii
 » apud F. Ferraris, *quod Vicarius Capitularis nequeat*
 » *Regulares revocare ad examen, nec eos privare facul-*
 » *tate excipiendi Confessiones, nisi facultas data sit ab*
 » *Episcopo, ad nostrum beneplacitum; tunc enim*
 » *morte Episcopi illa expirat.*)*

Notanda hæc ultimò sunt duo Decreta SS. Pontificis ⁵⁵³
 nostri Benedicti XIV. *Sacramentum, et Apostolici mu-*
neris, posita in fine Libri Numer. I. et II. quibus de-
 claratum fuit, Confessarium omninò carere jurisdic-
 tione ad absolvendum peccatum complicitis turpe contra
 sextum Præceptum, atque excommunicationem Papa-
 lem incurrere, si Confessionem complicitis excipere
 audeat. Excipitur tamen casus extremæ necessitatis,
 nimiram articuli mortis, in quo permittitur ei absol-
 vere complicem, modò deficiat quicumque alius, etiàm
 simplex Sacerdos, qui absolutionem impertiri possit;
 nisi nequeat alius ille Sacerdos vocari, vel accedere
 sine gravi infamia, aut scandalo; tenetur tamen Con-
 fessarius complex talia pericula infamiæ, aut scandali
 avertere, si potest, sub eadem poena excommunicationis,
 licet tunc validè absolveret, si non adverteret.

Circà tale Decretum adverte I. quod nomine *peccati* ⁵⁵⁴
tarpis veniat omne peccatum externum grave contra
 sextum Præceptum, licet sit solus tactus, sive collo-
 quium, ut certè dicendum sentio cum pluribus doctis,
 quos consului super hoc judicio, ab aliis immeritò in

dubium revocato. Et idem sentiunt Salm. Append. de Bulla Cruciatæ, c. 6 p. 169 n. 282 contrà aliquos, qui dicebant, Bullam intelligendam tantùm de copula consummata. Ratio nostra est 1. quia verba generalia generaliter accipienda sunt. 2. Quia leges etiàm pœnales sunt in sensu proprio et naturali interpretandæ, et in sensu naturali verba Bullæ: *In peccato turpi atque inhonesto contra sextum præceptum*, quæcumque peccata turpia sine dubio comprehendunt. 3. Quia finis legis hujus est quidem remove occisiones, non tantùm copulæ, sed omnis turpitudinis à sanctitate tribunalis Pœnitentiæ. Contra verò non comprehenduntur peccata venialia inhonestatis, sivè sint ex parvitate materiæ, sivè ex defectu advertentiæ, aut consensûs; quia venialia non sunt de obligatione in Confessione manifestanda; ità Salm. ibid. n. 277. Idem rectè dicunt etiàm n. 278 de mortalibus mere internis, vel non plenè exteriùs significatis: quapropter peccatum non erit reservatum, quàmvis interiùs fuerit grave, si etiàm exteriùs grave non fuerit, ut ajunt n. 279. Addunt n. 280 ex Suárez, Dicast. et Anacl. nec reservata esse mortalia dubia, ex dubio facti, vel juris, quia non videntur Superiores velle reservare dubia, nisi expressè declarent; et hoc est juxtà communem sententiam, quam proferemus infra n. 600. vers. Quær. I. Idem censent Salm. cit. n. 280. Si adsit dubium, an pœnitens graviter peccaverit, licet Confessarius certum mortale commiserit; quia Bulla intelligenda est de complici formali in peccato mortali turpi, ut ipsi antecederent dixerunt n. 241.

555 Adverte II. quod absolutio à Confessario complici impertita irrita sit, ut sentio, etiàm quoad mortalia, quæ complex, qui nondùm ab alio de peccato turpi fuerit absolutus, ipsi confiteatur. Hoc infero ex verbis ejusdem Bullæ, quibus dicitur: *Atque idèò absolutio nulla atque irrita omninò sit*. Secùs verò censeo, si de peccato turpi ille jam fuerit absolutus, quia tunc cessat dispositionis suscipio, ob quam Pontifex jurisdictionem Confessario abstulisse videtur, Addunt Salm. Ap-

pend. cit. n. 277 idem dicendum de peccato mortali commisso et legitime confesso antè expeditionem Bullæ, quia lex non respicit retrò, ut docet P. Suarez.

Quæstio autem sit 1. an incurrat hanc excommunicationem Sacerdos, qui complicem non absolvit, sed tantum in Confessione audit? Super hoc dubio consulti sacram Pœnitentiarum, quæ die 9 Julii 1751. respondit absolutè: *Non vitari excommunicationem à prædicto Confessario per fictionem absolutionis.* Et huic sententiæ ego jamdudum adhæsi; sed postea, cum percurrissem Constitutionem ejusdem Pontificis Ben. XIV. *Inter Præteritos*, pluries citatam §. 59, oppositum satis declaratum reperi, ut patet ex sequentibus verbis: *Non minus Sacerdoti complici, qui vel extrà mortis articulum Confessionem excipit pœnitentis, EUMQUE ABSOLVIT, vel qui in articulo mortis ABSOLVIT, cum aliis Sacerdos non desit. . . excommunicationis majoris pœna à nobis in citatis Constitutionibus imposita fuit.*

Quæritur hîc 2. an Episcopus ex concessione Tridentini in cap. Liceat. 6 sess. 24, possit absolvere Confessarium, qui complici in peccato turpi absolutionem impertierit? Videtur ex una parte negandum; nam si Episcopus vel alius ab eo delegatus possent ab hoc casu, quando est occultus, absolvere, reservatio Pontificis evaderet inutilis et elusoria, casus enim hic non potest nisi occultè accidere: cum autem aliqua lex posterius (ut rectè ait Fagnan. in cap. Nonnulli de Rescript, n. 46 t. 1 p. 171 cum Oltrad.) non potest habere effectum, nisi derogetur privilegio ab eodem Superiore prius concesso, per ipsam necessariò intelligi debet facta generalis privilegii derogatio, ne lex frustratoria reddatur. Et idem sentit Diana p. 7 tract. 2 res. 21 cum aliis sic dicens: *Quod si clausula (vel aliqua lex) generalis nequeat vera reddi, nisi in eo solo casu, contra Concilium, debet hæc generica derogatio reputari pro specifica, aliàs nullius esset momenti.* Attamen probabiliter videtur posse dici, quod, etiam salva facultate Episcopis à Concilio impertita absol-

vendi hunc casum, quando est occultus, reservatio Pontificis non omnino redderetur inutilis, et elusoria, tum quia, licet ordinariè hic casus occultus sit, tamen aliquando potest accidere quod sit publicus: tum quia lex reservationis saltèm Romæ locum haberet, et in omnibus aliis locis, ubi Tridentinum non est receptum, et ubi nequeunt quidem Episcopi præfatâ facultate uti; ut docent communiter Suar. de Censur. d. 14. sect. 2. n. 6. Sanch. Dec. lib. 2. c. 11. n. 2. Salm. cum Alter et Castrop. 4. 1. tract. 4. d. 4. p. 3 §. 1. n. 2. cum Barb., et Garcia; quia Concilii facultas mediâ receptione eis conceditur: non enim fas est, ut fruantur privilegiis, qui onera repellunt. Et idem nobiscum sentiunt Salm. Append. tract. VI. de Bulla Cruciatæ cap. 6. p. 171. n. 300. Ibiq. pro hac sententia plures citant Auctores, qui super Constitutionem *Sacramentum*, suprâ citatam, recenter scripserunt.

DUBIUM III.

Quid, et quotuplex sit jurisdictio Confessarii, et undè eam habeat?

- 557. *Quid sit Jurisdictio, et quis habeat ordinariam?*
- 558. *An habeat Vicarius Generalis contradicente Episcopo? Et qui possint eam delegare?*
- 559. *An delegatio expiret morte delegantis?*
- 560. *An hæretici, et excommunicati vitandi validè absolvant in articulo mortis?*
- 561. *An omnes Sacerdotes possint absolvere tam in articulo, quam in periculo mortis? Et quale censeatur hujusmodi periculum?*
- 562. *An simplex Sacerdos possit absolvere præsentè approbato?*
- 563. *In quibus casibus possit licitè absolvere? Dub. I. An quivis Confessarius possit absolvere moribundum à reservatis, etià præsentè Superiore? Dub. II. An in morte, ad absolvendum à reservatis Papæ, admodus sit Episcopus? Dub. III. An teneatur moribundus petere absolutionem à Superiore, saltem per litteras, aut nuncium?*

- 564 *An excommunicatus toleratus, possit absolvere à venialibus? An Regulares possint absolvere sine approbatione Episcoporum? Et an omnes Sacerdotes ab Episcopis approbati possint Confessiones audire sine licentia Parochi?*
- 565 *Qui et quomodo possint eligere sibi Confessarium? Dub. 1. Quomodo Episcopi, et alii Prælati? Dub; 2. Quomodo Cardinales? Et an Parochi?*
- 566 *Quando habens potestatem delegatam possit eam subdelegare? Et quid de delegato ad universitatem causarum?*
- 567 *An absolutus in morte à reservatis teneatur postea se sistere Superiori?*
- 568 *Vide alia?*
- 569 *A quo possint absolvi scholares, milites, peregrini, etc.? Capellani exercitus nequeunt absolvere milites degentes in Præsidiis?*
- 570 *An sufficiat facultas præsumpta excipiendi Confessiones?*
- 571 *Quando liceat absolvere cum jurisdictione dubia, vel probabili?*
- 572 *Qu. I. An error communis det jurisdictionem?*
- 573 *Qu. II. An liceat ministrare Sacramentum cum jurisdictione tantum probabili?*
- 564 *An sit obligatio confitendi Parocho?*
- 575 *An Regulares itinerantes possint confiteri cuicumque Sacerdoti?*
- 576 *An Moniales petentes extraordinarium, et non obtinentes, possint cuique confiteri?*
- 577 *Plura notanda de Confessariis Monialium, Qu. An Capellani exercitus possint absolvere milites degentes in Præsidiis?*

» **R**ESP. est auctoritas aliqua in aliam, ut subditum, 567
 » in quem, in foro interno, accipit potestatem dis-
 » tinctam à potestate Ordinis; hæc enim datur per
 » Sacramentum Ordinis, et omni Sacerdoti. neo tolli
 » potest; illa per externam concessionem Ecclesiæ,
 » nec omnibus Sacerdotibus, potestque ab iis tolli,
 » ac nisi adsit, invalida est absolutio, ex Trid. sess. 14.
 » can. 7. Est autem duplex: ordinaria, et delegata.
 » Ordinaria est, quam habent ii, qui ex vi proprii of-
 » ficii curam animarum habent, ut Papa, Episcopus,
 » Parochus (huc revocantur Archiepiscopi erga sub-
 » ditos suorum Episcoporum, tunc tantum, quando

- actu visitant), Archipresbyteri , Archidiaconi , Præ-
- » lati Religionum , Vicarius perpetuus Episcopi , vel
- » etiã Parochi. »

558

Quæritur , an Vicarius Generalis Episcopi habeat jurisdictionem ordinariam etiã in foro sacramentali , ita ut possit Confessiones audire , et aliis audiendi potestatem concedere ? *Prima* sententia negat , et hanc tenent Soto , Led. Archidiac. et alii pauci apud Salm. c. 11. n. 42. Hi dicunt , Vicarium in solis causis civilibus jurisdictionem habere ordinariam , in spiritualibus verò delegatam ab Episcopo. Hocque probant 1. ex eo , quod mortuo Episcopo , cesset jurisdictio Vicarii. Probant 2. ex Trid. Sect. 23 c. 25, ubi statuitur , nullum posse audire Confessiones nisi approbatum ab Episcopo. *Secunda* tamen sententia communior et verior affirmat , eamque tenent Azor. t. 2 lib. 3 c. 43. Sylv. v. *Confessio* 1 q. 1. Fagnan. in c. Quod nobis. De Clandest. desponsat. n. 45. Salm. c. 11 n. 43 cum Gran. Aversa , Fill. Dic. Boss. et Sanch. de Matr. lib. 3 d. 29. n. 15 cum Host. Nav. Ang. Henr. Palac. Lop. etc. Ratio , quia Vicarius Generalis , suppositâ nominatione Episcopi , jurisdictionem habet ordinariam tam in civilibus , quàm in spiritualibus , non jam ab Episcopo , sed à Canone , cum faciat ipse unum tribunal cum Episcopo ; ut habetur ex c. 2 de Consuetud. in 6 et c. Romana de Appellat. in 6. Et confirmatur ex Trid. Sess. 24. c. 6 de Ref. ubi , cum voluit Concilium excludere Vicarium à facultate absolvendi ab hæresi , id expressit dicens : *Eis tantum* (idest Episcopis) *non eorum Vicariis sit permissum*. Ergò supponit Tridentinum , facultates Episcopi , nisi expressè à jure restringantur , intelligi communicatas etiã Vicariis. Ad 1. autem respondetur , quod mortuo Episcopo cesset jurisdictio Vicarii , non quia ejus jurisdictio non est ordinaria , sed quia deficiente Episcopo desinit ipse esse Vicarius. Ad 2. respondetur , quod ibi nomine Episcopi comprehendatur etiã Vicarius , qui (ut diximus) unum facit tribunal cum Episcopo.

» Delegata jurisdictio dicitur , quæ legitimè datur

- » ab habente ordinariam, idque vel tacite, vel expressè; ut à Papa pro tota Ecclesia, ab Episcopo pro Diocesi, à Parocho pro Parochia; hoc discrimine, quod Papa possit dare invitis Episcopis, et Parochis, non contrà. Ac, licet exterior, jurisdictio expiret morte delegantis, non tamen hæc interior, nisi successor revocet, ut docet, Sanchez, Suarez, Navar. Conink. contra Sylv. et Vasq. Vide Laym. l. 5 c. 10 n. 22. »

An delegatio expiret morte delegantis? Distingue delegationem generalem à particulari. Delegatio generalis à Papa, communis est sententia, et praxis; quod non extinguatur ipsius morte, ex c. 9 de Offic. Deleg. in 6 lra Salm. de Poenit. c. 11 n. 78. Conc. p. 545 n. 25 et alii passim; nisi concessio facta fuerit hoc modo: *Usque ad beneplacitum nostrum*: vel *Ad arbitrium nostræ voluntatis*, et simili; Salm. n. 85. Delegatio autem generalis ab Episcopo, alii sentiunt; quod ejus morte extinguatur, si nondum Confessio coepta sit, ut Vasq. Sylv. etc. Alii censent non extinguì; donec revocetur à successore, vel præfixum tempus labatur; ità communius et probabilius Sanch. de Matr. l. 8 d. 28 n. 72. Pat. tr. 3 d. 4 p. 16 § 4 n. 3. Conc. pag. 545 n. 26. et Salm. d. c. 11 n. 80. cum Conc. Suar. Lug. Dict. et aliis. Et hoc firmatur ex praxi, et regula generali, quod gratiæ factæ non expirent finitâ jurisdictione concedentis.

Si verò delegatio fuit in particulari, scilicet de audienda alicujus tantum Confessione, rectè Salm. d. c. 11 n. 69. cum Sanch. Lugo etc. tenent, quod expiret morte concedentis, nisi Confessio jam fuerit incepta.

- » Porro hujusmodi potestatem delegatam absolven-
» di quemcumque à quibuscumque peccatis, in arti-
» culo, seu periculo mortis (hæc enim pro eodem
» sumuntur in jure, ut vid. Dian. p. 3 tr. 4 res. 57. et
» et 72) habet ex jure communi quivis Sacerdos etià
» excommunicatus, et degradatus, si alius desit.
» * (ut etià ait Sanch. Dec. lib. 2 cap. 13 n. 5. cum
» Zambr. et pluribus. *Sed vide mox dicenda*) *.

Quær. I. An hæretici, schismatici, et excommunicati vitandi possint absolvere in articulo mortis, si alius desit? *Prima* sententia affirmat, et hanc tenent Navar. Man. c. 27 n. 272. Sanch. Dec. l. 2 c. 13 n. 5. et Salm. c. 11 n. 20. cum Suar. Vasq. Palud. Lugo, Soto, Sylv. etc. Et probant ex Trid. Sess. 14 c. 7 ubi dicitur : *In Ecclesia Dei custoditum semper fuit, ut nulla sit reservatio in articulo mortis ; atque idè omnes Sacerdotes quoslibet pœnitentes à quibusvis peccatis et censuris absolvere possunt.* *Secunda* verò sententia tenenda negat, et hanc tenent S. Th. 3 p. q. 82 art. 7 ad 2 ubi loquens de prædictis abscissis à communione Ecclesiæ, dicit : *Possunt licitè baptizare in articulo necessitatis, in nullo autem casu licitè possunt Eucharistiam consecrare, vel alia Sacramenta conferre.* Nec obstat, quod S. Doctor dicat, *in nullo...licitè*, non autem invalidè ; nam illicitè in nostro casu idem est, ac invalidè ; si enim posset excommunicatus vitandus infirmo in articulo mortis validè ministrare Sacramenta, teneretur utique ea ministrare (præsertim Sacramentum Pœnitentiæ) ex præcepto divino, et naturali, cui non posset ob stare præceptum humanum Ecclesiæ. Idem dicunt Fagnan. in c. *Non est vobis, de Sponsal. etc. per totum.* Petrocorens. t. 4 p. 158 qu. 8 Auctor apud Croix de Offic. Confess. l. 1 c. 1. v. Dico 2. Conc. p. 576 n. 21. (qui hanc probabiliorē vocat, licet contrariam putet non improbabilem), et alii plures ut infra, qui scripserunt antè Concilium, quo tempore ipse Navarrus l. c. fatetur nostram sententiam fuisse communem. Ratio quia (ut diximus n. 562. v. Id clarius). Concilium in cit. c. 7 minimè loquitur de simplicibus Sacerdotibus, sed de carentibus jurisdictione in casus reservatos, quâ eos non carere declarat in articulo mortis ; tum quia Tridentinum (ut ibid. probavimus) ibi non condidit jus novum, sed tantum jus antiquum Ecclesiæ approbavit : antè Concilium autem, ut probat Fagnanus, et ipse Navarr. fatetur, communis erat sententia, quod præcisi ab unitate Ecclesiæ absolvere non possent. Et ita declaravit S. C. Gener. Concilii ap. Fagn.

n. 2. ubi sic habetur : « (Quæsitum fuit ab Episcopo
 » Valentinensi, an pœnitentes in articulo mortis pos-
 » sit à casibus reservatis absolvere quilibet Sacerdos
 » excommunicatus et denunciatus ? S. C. Generalis
 » censuit non posse, quia communis videtur illa sen-
 » tentia, quod tales excommunicati non possint ab-
 » solvere etiàm in hoc casu necessitatis ; ita Mag.
 » Sent. S. Thom. Ricch. S. Anton. Scotus, Durand.
 » Turr. etc. contra Palud. Sylvest. et Soto. Nee ob-
 » stat cap. 7 de Casuum reservatione, quod debet intel-
 » ligi de omnibus Sacerdotibus in unitate Ecclesiæ
 » viventibus : referendumque (*nota*) ad eos Sacer-
 » dotes, de quibus eod. c. 7 in prima et secunda parte
 » agitur, qui habent vel ordinariam vel delegatam
 » potestatem) ». Hucusque verba Declarationis. Undè
 ait Fagnanus, quod DD. post Concilium idèd oppo-
 sitam sententiam tenuerint, quia ignorarunt præfa-
 tam Declarationem S. Congregationis Concilii. His
 tamen non obstantibus, rectè dicit Continuator Tourn.
 quod in hoc casu benè poterit Sacerdos hæreticus,
 vel excommunicatus vitandus (absente alio) absolve-
 re moribundum sub conditione, quia in extrema, vel
 urgenti necessitate ex communi sententia Doctorum
 ut diximus n. 482 vers. Sed dicēs, cum Juvenino,
 Sanch. Carden. Soto, Navar. Croix, et aliis, licitum
 est uti opinione adhuc tenuis probabilitatis. Imò dicti
 præfatus Cont. Tournely t. 6 de Pœnit. n. 663. quod,
 sicut olim communis erat secunda sententia, hodiè
 communis sit inter DD. prima affirmativa ; quàmvis
 enim Concilium loco citato novam legem non condi-
 disset, tamen ex aliis verbis, quæ ibi leguntur, *Nè*
hac occasione aliquis pereat, satis eruitur intentio Ec-
 clesiæ, quod in casu necessitatis benè possit vitandus
 moribundum absolvere, aliàs jam aliquis perire pos-
 set. Idem sentit Sylvius qu. 8 art. 6 cum Cano, Sylvi,
 et Angelo ; respondetque ad doctrinam S. Thomæ,
 sic eam intelligi, nempe quod Sacerdos excommuni-
 catus in casu mortis solum Baptismum licitè minis-
 tret, tunc enim non operatur ut minister Ecclesiæ

adid deputatus, sed ut quilibet homo, qui in necessitate baptizat; sed in aliis Sacramentis, eò quod debeat illa ut minister conferre, ideò debet ea ministrare in gratia manens. Præterea citatus Auctor (Cont. Tour.) addit id, quod refert Cardinalis Albitius p. 1 de Inconst. etc. c. 18 et 19 nempe quod Declaratio suprâ relata non reperiatur in Registro S. Congregationis, signum quod illa vel foras non exierit, vel quod in desuetudinem abierit, tamquam communi sententiæ opposita. Item refert, quod, cum hujusmodi dubium ad Innocentium XI. delatum fuisset, Pontifex præceperit, non amplius dubitandum de veritate primæ sententiæ affirmativæ. Et hanc sequitur etiã P. Ferraris t. 5 Bibl. v. Moribundus n. 33. ad 39 innixus auctoritati prædicti Card. Albitii.

86. Quæritur II. An quilibet Sacerdos possit absolvere à quibuscumque peccatis, et censuris non solum in articulo, sed etiã in periculo mortis? Negant Canus Relect. p. 5 pag. 145 et Soto, Cov. Graff. et Ledesm. apud Salm. c. 11 n. 23. Sed veriùs et communius affirmant Suar. D. 26 R. 4 n. 43 Sanch. Dec. l. 2 c. 13 n. 1. Pal. p. 13 n. 7. et Salm. n. 24. cum Nav. Sylv. Lugo, Bonac. Palud. Vasq. Vill. Trull. et aliis. Ratio, quia in hac materia pro eodem accipitur articulus, et periculum, ut patet ex c. Si quis suadente 29 caus. 17 q. 4 ubi, *Nullus Episcoporum illum præsumat absolvere, nisi mortis urgente periculo*. In tali enim periculo quisque existens in mortali eodem modo tenetur confiteri, acsi esset in articulo. Consentit Concina p. 542 n. 15. modò tale periculum sit adeò grave, ut vix distingui certò possit ab articulo: sed veriùs sufficere videtur, quod adsit prudens timor mortis ex illo periculo eventuræ.

Tale autem periculum censetur adesse in prælio, in longa navigatione, in difficilii partu, in morbo periculoso, et similibus, ut Sanch. l. c. n. 9. Salm. d. 1 n. 28. Idem de eo, qui est in periculo probabili incidendi in amentiam, n. 27: Idem de captivis apud Infidèles cum exigua spe libertatis, si credantur nullos alios Sacerdotes habituri. Vide ibid.

Quæritur III. An Sacerdos simplex possit pœnitentem absolvere moribundum, etiã præsentè Confessario approbato? *Prima* sententia communissima negat, et hanc tenent Sanch. Dec. l. 2 c. 13 n. 7. Suar. d. 26 sect. 4 n. 4. Molina de Just. t. 4. D. 63. Azor. t. 1 l. 8 c. 19 qu. 5. Bon. qu. 7 p. 1 n. 16 Carden. in 2 Crisi. D. 2 n. 424. Antoine p. 528 q. 3. Pal. p. 13 n. 8. Lugo D. 18 n. 24. cum Sylv. Soto, Arm. Cov. Rosell. Graff. etc. Mazott. t. 3 p. 393 dub. 1 cum Vasq. Con. et Laym. ac Salm. c. 11 n. 30. cum pluribus aliis. Probatur ex Trident. Sess. 14 c. 7 ubi dicitur: *Piè admodum, ne hac occasione aliquis pereat, custoditum semper in eadem Ecclesia Dei fuit, ut nulla sit reservatio in articulo mortis; atque idè omnes Sacerdotes quoslibet pœnitentes à quibuscvis peccatis absolvere possunt. Extrà quem articulum Sacerdotes, cum nihil possint in casibus reservatis, id unum pœnitentibus persuadere nitantur, ut ad Superiores et legitimos Judices pro beneficio absolutionis accedant.* Ex quibus verbis duplex colligitur ratio pro hac sententia. Prima, quia, cum ibi dicatur, *custoditum semper in Ecclesia fuit*, infertur, Concilium non constituisse jus novum; sed tantum antiquam Ecclesiæ consuetudinem declarasse et approbasse, nempe quod Sacerdotes simplices tunc solum absolverent, quandò deest copia Confessarii approbati; hancque antiquam consuetudinem probant AA. citati ex cap. Presbyteris 26 q. 6 c. Inter cunctas, § Incendiarii de Privil. et aliis textibus. Secunda ratio, quia idè Ecclesia in articulo mortis omnibus Sacerdotibus facultatem præbet absolvendi à quibusvis peccatis, quia tunc extrema urget necessitas, et Ecclesia eis jurisdictionem confert, *ne aliquis pereat*; at hæc ratio cessat, quandò adest Sacerdos approbatus. Et Mol. l. cit. testatur, ità declaratum fuisse à Gregor. XIII. *Secunda* verò sententia affirmat, et hanc tenent Sa. v. Absolutio n. 3. Sayr. Dec. 21. Nav. Cons. 15 aut 23 de Pœnit. Barbosa in Trid. l. c. n. 12 cum Vega. Led. Reg. Valer. Homob. Boss. etc. item Comit. Henr. Vill. Angles. Conrad. Diana, Marchin. etc. apud Lugo Dist. 18 n. 23. Atque probabilem putant

Viva q. 8 art. 2 n. 5. Sporer n. 725. Elbel n. 628. et Lugo l. cit. ubi impropere *Turrianum*, qui vocat eam improbabilem, et damnatam à Gregor. XIII. nam ait Lugo, quod de enunciata Declaratione non constet authenticè, et proindè sic loquitur : *Certè sententia, quam tot et tam graves DD. tenent, negari non potest cum probabillis sit; præsertim cum fundetur in verbis Tridentini, quæ non facillè explicari possunt ab adversariis.* Ratio igitur hujus sententiæ est, quia à Concilio videtur indistinctè concessa omnibus Sacerdotibus potestas absolvendi tempore mortis ad salutem animarum faciliorem reddendam, verbis illis : Atque idè omnes Sacerdotes quoslibet pœnitentes à quibusvis peccatis absolvere possunt. Ubi autem lex non distinguit (commune axioma est), nec nos distinguere debemus. Neque ex ullo textu dicunt comperitum haberi, quod ex antiqua consuetudine prohibeantur simplices Sacerdotes absolvere moribundos præsentè approbato; textus enim oppositi (ut ajunt) non loquuntur de absolutione Sacramentali, sed de reconciliatione publicorum pœnitentium cum Ecclesia; aut sanè id asserunt de absolutione censurarum reservatarum, à quibus (ut infra dicetur) nequeunt utique absolvere inferiores, præsentè Superiore.

His tamen non obstantibus puto non recedendum à prima sententia, ob auctoritatem Ritualis Romani (*de Sacr. Pæn. sub initio*), ubi sic dicitur; *Sed si periculum mortis immineat, approbatusque (nota) desit Confessarius, quilibet Sacerdos potest à quibuscumque censuris et peccatis absolvere.* Possunt igitur simplices Sacerdotes absolvere, si desit approbatus Confessarius; ergò non possunt, si adsit approbatus. Quo insuper Rituale clarè videtur adstruere, hanc fuisse priscam Ecclesiæ consuetudinem, dum Paulus V. in sua Bulla, per quam hoc Rituale approbat, dicit : *Restabat, ut uno volumine comprehensi sacri et sinceri Catholicæ Ecclesiæ Ritus, qui in Sacramentorum administratione servari debent, Apostolicæ Sedis auctoritate prodirent.* Deindè asserit se receptos et approbatos Catholicæ Ecclesiæ Ritus suo ordine digestos conspexisse. Tandem sic

concludit : *Hortamur in Domino Patriarchas , Episcopos , Parochos , etc. ut in posterum Ecclesiæ Romanæ constituto Rituali in sacris functionibus utantur , et in re tanti momenti , quæ Catholica Ecclesiæ , et ab ea probatus usus antiquitatis (nota) statuit , inviolatè observent.* Ergò hoc, quod præscribitur in Rituali de absolutione moribundi , satis declarat Pontifex probato usu antiquitatis statutum fuisse. Accedit Catechismus Rom. de Poen. § 55 ubi ait, Concilium docere , quemlibet Sacerdotem posse absolvere ab omni peccato et censura , *si mortis periculum imminet , et proprii Sacerdotis (nota) facultas non datur.*

Id clariùs et fortiùs probatur ex eo , quod præfata verba Tridentini , *Atque Idèd omnes Sacerdotes quoslibet pœnitentes à quibusvis peccatis et censuris absolvere possunt* (ut rectè dicunt Fagnan. in c. *Non est vobis* , de Sponsal. etc. n. 4. Petrocor. t. 4 p. 158 q. 8. et Auct. ap. Croix in princ. de Offic. conf. l. 1 c. 1 in fine, v. Dico 2.) , non jam referantur ad quoscumque Sacerdotes , sed ad eos tantùm , de quibus antecederet loquitur Concilium , nempe de illis , qui *ordinariam* , aut *subdelegatam habent jurisdictionem*. Et hoc declaravit S. C. Generalis Concilii apud Fagnan. l. c. n. 2 ubi dixit : *Caput 7. Trident. de casuum reservatione referendum ad eos Sacerdotes , qui habent ordinariam vel delegatam potestatem.* Ergò omninò dicendum est , Concilium in hoc puncto non condidisse jus novum , sed tantùm antiquam Ecclesiæ consuetudinem declarasse , nempe quod *nulla sit reservatio in articulo mortis* , respectu ad solos Sacerdotes , qui ordinariam vel delegatam potestatem absolvendi habent. Quod autem simplices Sacerdotes , exceptis excommunicatis vitandis , hæreticis , et schismaticis , (ut diximus n. 561) possint validè , et licitè absolvere in articulo mortis ab omnibus peccatis , et censuris , id non habetur ex Tridentino , sed aliundè , nempe ex c. Presbyter , 26 q. 6 item ex Rituali Rom. et ex Declaratione ejusdem S. C. Concilii apud Fagnan. loc. cit. num. 6 et ex communi Ecclesiæ consuetudine.

Probabiliter tamen simplices Sacerdotes. possunt 563

absolvere tempore mortis, etiã præsentē Confessario approbato, in sequentibus casibus : I. Si approbatus nollēt, vel non posset audire Confessionem, quia tunc idem accideret ac si deesset; itã communiter Sanch. Dec. l. 2 c. 13 n. 8. Lugo D. 18 num. 32. Renzi c. 4 q. 11 et Salm. c. 11 n. 33 cum Aversa. II. Si approbatus sit nominatim excommunicatus vel suspensus, quia tunc præferendus est simplex Sacerdos; Sanch. l. c. n. 10. Suar. D. 26 sect. 4 n. 4. Renzi l. c. cum Hurt. et Mazzotta l. 3 p. 397 d. 1 cum Bonac. Et hoc est certum juxtã dicta n. 560. III. Si approbatus esset alienæ Diœcesis, quia iste respectu ad infirmum minimè dicitur approbatus: itã probabilius Lugo D. 18 n. 37. Salm. c. 11 n. 40 cum Trull. item Henr. Aversa, et Diana apud Croix n. 1563 contra Suar. l. c. et Sanch. d. n. 10 cum Zambrano. IV. Si moribundus itã horreret manifestare sua crimina Confessario approbato, ut esset in periculo confitendi sacrilegè, tunc enim Sacerdos simplex posset eum absolvere, adhuc præsentē approbato; quia hoc valdè consonum videtur benignitati Matris Ecclesiæ, *ne hac occasione aliquis pereat*, ut dicitur in Tridentino; forlè enim poterit accidere quod approbatus sit inimicus, consanguineus, aut objectum peccati, et tunc non censetur Ecclesia in tanta necessitate vel infirmum obligare ad ei tantum confitendum; itã probabiliter Mazzotta l. c. cum Croix, ex D. Thoma, et Spor. pag. 260 n. 725. Qui idem censet procedere, si infirmus non posset confiteri approbato sine magna difficultate aut incommodo, vel si ille simplex Sacerdos esset ei manifestè magis idoneus ac utilis futurus quàm Parochus rusticus. V. Si Confessarius approbatus superveniat jam inceptã Confessione Sacerdoti simplici, quia tunc compleri debet iudicium jam inceptum; itã communiter Sanch. d. c. 13 n. 15. Lugo d. 18 n. 33. Mazz. l. c. Renzi c. 4 q. 12. Croix l. 6 p. 2 n. 1562 cum Sylv. et Salm. cap. 11 num. 34 cum Gran. Henr. Dian. Aversa, Præpos. Trull. etc. Hinc probabiliter dicunt Sanch. n. 16. Renzi q. 13 et Salm. n. 35 cum Lugo, Diana, et Aversa, quod, si Confes-

Cap. II. Dub. III. De Ministro hujus Sacramenti. 29
si facta Sacerdoti simplici fuerit invalida, etiã superveniente approbato, benè poterit infirmus priori Sacerdoti confiteri, quia reverà ille habuit jurisdictionem ad priorem Confessionem, quæ non censetur finita, cum invalida fuerit absolutio impertita. VI et ultimò, casu quo Sacerdos approbatus fuisset complex infirmi in peccato turpi, tunc omninò debet præferri Sacerdos simplex, juxtà dicta n. 553.

Rectè tamen Lugo, et Renzi ll. cc. ac Salm. n. 36 cum Aversa excipiunt casum, quo moribundus esset innodatus excommunicatione reservatà, tum enim deberet, quàmvis confessionem inceperit, prius obtinere absolutionem à censura, si Superior sit præsens, et postea Confessionem perficere. Item hìc advertendum, quod, si poenitens jam receperit absolutionem à simplici Sacerdote, et postea recordetur alicujus peccati, superveniente approbato, teneatur huic confiteri, cum illa sit nova Confessio, ità communiter Sanch. n. 15 in fine cum Zambr. Suar. d. 23 sect. 1 n. 2. Salm. n. 37. Renzi q. 13 cum Trull. Dian. et aliis.

Dubitatur I. An, præsente Superiore, possit quivis Confessarius moribundum absolvere à peccatis, et censuris reservatis? Sic distinguendum: Quòd peccata reservata veriùs puto cum Antoine pagin. 528. v. Porro, et auctore de Offic. Confess. apud Croix l. 1 c. 1 q. 25 etc. (contrà Roncag. c. 1 q. 3 R. 1) benè posse inferiorem ab eis absolvere, quia in articulo mortis omnis cessat reservatio, *ne hac occasione aliquis pereat*, ut declaravit Tridentinum. Ex quo rectè inferunt Lugo d. 18 n. 38. Suar. d. 26 sect. 4 nu. 4. Sanch. Dec. l. 2 d. 13 n. 10 cum Zamb. et Salm. c. 11 n. 39 cum Aversa, quod, si infirmus habeat peccata reservata, et adsit Confessarius approbatus, non poterit eum absolvere Sacerdos simplex; nam licet Confessarius ille non habeat facultatem super reservatis extrà articulum mortis, in articulo tamen mortis habet, quia tunc (ut diximus) omnis reservatio cessat.

Secùs verò dicendum censeo quòd censuras reservatas, quia poenitenti ipsis innodato tenetur Confes-

sarius carens facultate imponere, ut elapso periculo mortis, se præsentet Superiōri; juxtà dicenda n. 567. Ergò si infirmus potest tunc antè absolutionem se sistere Superiōri, utique tenetur priùs absolutionem à censuris obtinere, ut deindè possit à peccatis absolvi. Utrùm autem teneatur eo casu adire Superiorem per litteras vel Cōfessarium? vide in Dubio sequenti III.

Dubitatur II. An, occurrente periculo mortis, in casibus Pontifici reservatis, si non possit adiri Pontifex, adeundus sit Episcopus? *Prima* sententia, quam tenent Suar. d. 30 s. 3 n. 4 Mol. t. 4 de Just. d. 63 n. 2 et Sanch. Dec. lib. 2 c. 13 n. 9 cum Henr. distinguit et dicit; quod, si casus sit occultus, tunc omninò adiri debeat Episcopus, quia Episcopi jure ordinario (ut rectè probat Sanch. c. 11 possunt absolvere à reservatis occultis, ex concessione Tridentini in c. Liceat. 6 sess. de Reform. Secùs verò si casus esset publicus, quia tunc, exceptà percussione Clerici ex c. Ea noscitur, etc. De cætero. De Senten. excomm. 1 ubi expressè præcipitur, adeundum esse Episcopum, si nequeat adiri Pontifex; in aliis verò casibus non est obligatio adeundi Episcopum, eò quod in reservatis Pontifici, Episcopi nihil possint; è converso, eum in morte omnis cesset reservatio, tunc æquales sunt Episcopus et quivis alius Cōfessarius. Sed contradicunt communius Navarr. cap. 27 n. 81. Pal. de Censur. d. 2 p. 11 § 5 num. 6 cum Sayr. Ugol. Hurt. et communi ut asserunt, ac Salm. eodem tit. c. 2. de cens. nu. 63 cum Con, Avila, Cornejo, etc. etiàm communiter, quia, (ut ajunt) præfatus textus in c. *Ea noscitur*, extenditur ab absolutionem cujuslibet censuræ Papæ reservatæ, cum eadem ratio urgeat. Undè præsentè Episcopo nequit Cōfessarius absolvere à casibus Papæ reservatis, quia omnes casus à Papa reservantur propter censuram, et à censuris reservatis nequit inferior absolvere, præsentè Superiōre, ut mox supra probavimus in dub. præcedenti. Sed hoc non obstante, non puto improbabilem primam sententiam. Dixi, *præsentè Episcopo*: nam si absit, vide dicenda in dub. sequenti.

Dubitatur III. An quilibet Confessarius possit absolvere moribundum à censuris reservatis, si possit peti facultas à Superiore per litteras, vel internuntium? *Prima* sententia negat, et hanc tenent Bonac. de Censur. tom. 1 d. 1 q. 3 p. 3 n. 5, cum Zambr. et Croix l. 6 p. 2 n. 1697, cum Suar. Lugo, et Aversa, Ratio, quia cum hujusmodi infirmus satisfacere posset suæ obligationi, impetrando absolutionem per procuratorem, aut litteras (quod enim quis per alium facit, censetur per seipsum facere), ad id tenetur. *Secunda* verò sententia communior et probabilior affirmat, et hanc tenent Azor. l. 3 cap. 19 q. 5. Sporer n. 756. Viva in prop. 7. Alex. VII. n. 8. Sanch. Dec. l. 3 c. 13 num. 14. cum Henr. Val. et Cord. Con. d. 14 n. 241. Dian. p. 5 tr. 9. R. 6. Pal. de Censur. d. 1 p. 2 §. 5 n. 6. Salm. eodem tit. c. 2 n. 65 cum Cornejo, et Avila, item Carden. Tamb. Dicast. et Stoz apud Croix l. c. Ratio, tum quia in hoc adest manifestationis periculum, quod non videtur tam remotum, ut supponunt adversarii, cum plures possint accidere casus, quibus notitia peccati patefieri potest; tum quia in cap. *Quamvis de Sentent. excomm.* dicitur impeditus, quicumque quolibet impedimento canonico retrahitur, quominus Romanum Pontificem possit adire. Hinc Nav. Man. c. 27 n. 90 ad 5 item Henr. Ugol. et Sayr. apud Sanch. dicunt reputari legitimè impeditum qui personaliter superiorem nequit adire, etiãmsi per procuratorem valeat. Et Auctor apud Croix de Offic. Confess. c. 1 q. 25 eodem modo excusat infirmum eo casu ab accersendo Superiorem, si in hoc sua fama periclitaretur.

« Ex consuetudine quivis toleratus absolvere potest 564
 » à venialibus, et mortalibus aliàs confessis. * (*Sed*
 » hoc hodie reprobatur, ut vidimus tr. 560) * Ex
 » privilegio, Religiosi Mendicantes quosvis fideles ab-
 » solvere possunt, juxta tenorem suorum privilegio-
 » rum * (*Modò tamen non sint revocata per Concilium*
 » *Tridentinum* in sess. 23 c. 15. *de Ref. ubi sancitum fuit,*
 » nullum... Regularem posse Confessiones sæcularium,
 » etiãmsi Sacerdotum audire... nisi... ab Episcopis... ap-

» probationem...obtineat, privilegiis et consuetudine...
 » non obstantibus. Hinc damnata fuit Prop. 36, ab Alex.
 » VII, quæ dicebat : Regulares possunt in foro con-
 » scientiæ uti privilegiis suis, quæ sunt expressè revo-
 » cata per Concilium Tridentinum.) *

» Ex concessione Ordinarii directa quicumque Sa-
 » cerdos approbatus, cui id ille committit. * (*Undè*
 » *fideles liberè possunt confiteri cuicumque Confes-*
 » *sario approbato. Ità communiter Pitton. de Confess.*
 » *n. 370. Mazz. to. 3 p. 293 et Bon. de Sacr. d. 5 q. 5*
 » *sect. 2 p. 4 n. 35. cum Sa, Conc. Val. et communi ;*
 » *idque fusè probat Benedict. XIV. Notif. 18 n. 9.*
 » *Et hoc etiàm tempore Paschali, et invito Parocho,*
 » *ut Mazz. et Papa Bened. Illud enim, quod dicitur in*
 » *c. Omnis, de Poen. et Rem. quod fideles debeant*
 » *confiteri semel in anno proprio Sacerdoti, intelligen-*
 » *dum (ut ait ibi Glossa, et Fagn. in c. Ne pro de*
 » *Pœnit. ac Cabass. lib. 3 c. 8 n. 9.) omni Sacerdoti,*
 » *qui ab Ordinario est approbatus. Et hoc saltèm ex*
 » *præsenti universali consuetudine hodiè certum est,*
 » *quidquid antiqui aliter dixerint. Hinc. S. C. Episc.*
 » *die 3 Apr. 1584 (apud Pitton. de Confess. n. 361.)*
 » *sic resolvit : Decretum Episcopi, in quo habetur,*
 » *quod nullus Confessarius etiàm ab Ordinario ap-*
 » *probatus possit tempore Paschali Confessiones ali-*
 » *cujus audire sine licentia proprii Curati, nullo*
 » *modo est observandum, cum satis validè faciat pœ-*
 » *nitens, deferendo Parocho fidem Confessionis au-*
 » *ditæ à persona approbata) **

365

» Deniquè ex indirecta is, qui audit eum, qui ha-
 » bet potestatem eligendi Confessarium, quales sunt.
 » I. Ex jure, Episcopi omnes, etsi sint tantum titu-
 » lares ; item superiores Episcopis, ut Archiep-
 » scopi, etc. item Prælati iis inferiores exempti, ut
 » Abbas exemptus (non tamen Abbatissa), Genera-
 » lis, Provincialis, Prior, salvis tamen Privilegiis
 » Ordinum. Vide Dian. p. 4 tr. 4 R. 1 et 2. 2. Ex
 » consuetudine, Cardinales, qui etiàm domesticis
 » de Confessore providere possunt : item Pastores,

» imò multis locis etià cæteri Sacerdotes sæculares,
 » ut docent Valentia, Sa, Suarez dist. 27 sect. 3 Re-
 » ligiosi tamen tenentur eligere tales, quales illia
 » permittunt statuta: item et Reges et Principes, quo-
 » rum tamen privilegium ad familiam non extendi-
 » tur; denique domestici Pontificis. 3. Ab homine
 » eam habent, quibus sive Pontifex, sive Episcopus,
 » sive Parochus concessit. * (Sed V. dicta n. 544.) *.

Dubitatur hîc 1. An Episcopi possint eligere sibi
 in Confessarium quemcumque Sacerdotem? Videba-
 tur olim affirmandum ex cap. fin. Ne pro dilatione,
 de Poenit. et Rem. ubi dicitur: *Permittimus Episco-
 pis, et aliis Superioribus, necnon minoribus Prælati-
 exemplis, ut etià præter sui superioris licentiam pro-
 vidum et discretum sibi possint eligere Confessorem.*
 Sed declaravit S. C. apud Fagn. in d. c. n. 62. id tantum
 intelligi, quod Episcopi (intellige quoad Episcopos,
 si sint extrà Diocesim; nam intrà possunt quidem
 cuique Sacerdoti facultatem impertire), et alii ut supra,
 possint sibi eligere Sacerdotem subditum, aut Pa-
 rochum, aut alium approbatum à proprio Ordinario (nota
proprio idest ab Ordinario domicili Sacerdotis, ut ex-
 plicat Lugo d. 21 n. 39 et 42). Et idem postea confirma-
 vit Greg. XIII. 1 Dec. an. 1582 ut referunt Fag. l. c.
 et Pitton. de Confess. n. 350. Nomine autem *Præla-
 torum exemptorum*, veniunt Referendarii, Auditores
 Rotæ, Protonotarii Apostolici, et alii Prælati Curie
 Romanæ, necnon Prælati Regulares, et Abbates, et
 alii Superiores locales immediati; ita Suar. d. 27 sect.
 2 ex n. 8. Lugo d. 19 n. 4. Diana p. 2 tr. 2 de dub.
 Regul. en Renzi to. 1 pag. 537 q. 10.

Dubitatur 2. An Cardinales possint eligere Confes-
 sarium sibi et familiæ. Affirmant generaliter Alphonsus
 de Leone, et Diana ex Lugo apud Renzi to. 1 p.
 537 qu. 10. Sed hoc admittendum est tantum in Urbe,
 nam extrà non possunt, cum non alio gaudeant quàm
 privilegio Episcoporum mox supra declarato, ut rectè
 probat Fagn. in d. c. fin. n. 53 et 65. Nec censendum,
 tenere oppositum Lugo d. 19 n. 5. et Suar. d. 27 sect.

2 n. 6, ibi enim nihil aliud asserunt, nisi quod Cardinales comprehendantur in citato cap. fin. Concedit autem Fagnan. n. 66. quod Cardinales possint secum conducere Confessarium approbatum in urbe; et idem dicit de Episcopis n. 30. cum Hostiensi.

An autem Parochi possint sibi eligere Confessarium? Omnino negandum ex Proposit. 16 damn. ab Alexand. VII. quæ dicebat: *Qui beneficium curatum habent possunt sibi eligere in Confessarium simplicem Sacerdotem non approbatum ab Ordinario*. Dicunt tamen Wigandt tr. 13 n. 89. Sporer p. 257 n. 705 et Elbel p. 289 n. 299. quod Parochi ex consuetudine possint confiteri Sacerdoti curato, vel approbato etiã alienæ Diœcesis. Et hoc quidem non videtur reprobandum, ubi reverà adest talis consuetudo, quia tunc adest tacitus consensus Episcoporum.

- 566 « 1. Qui habet potestatem delegatam, non potest
 » eam subdelegare alteri, cum diversa sit potestas
 » utendi jurisdictione, et eam delegandi. Excipitur
 » 1 nisi hoc ipsum concessum sit; 2 nisi sit delegatus
 » ad universitatem causarum, ut v. gr. si cui com-
 » mitteretur officium Parochi absentis, vel nondum
 » sacerdotis: (a) talis enim aliqua exercitia jurisdic-
 » tionis alteri ex præsumpta voluntate Ordinarii subde-
 » legare posset, non tamen integrum officium. Laym.
 » hîc l. 5 t. 6. »

Generaliter igitur loquendo, nequit delegatus subdelegare, nisi id expressè sibi sit concessum. Excipitur 1 si quis esset delegatus à Principe. Sed hoc intelligitur (ut explicant Laym. de Pœnit. cap. 10 n. 14. et Castrop. eod. tit. D. unica p. 13 n. 15.) cum delegatio facta est tamquàm per officium; non verò si eligitur persona propter suam peritiam, aut si ei committitur alicujus causæ executio. Excipitur 2 si quis est delegatus ad *universitatem causarum*, quàmvis non à Principe. Sed in hoc etiã oportet distinguere cum Laym. l. c. n. 12. v. Duobus, duplici modo posse alicui delegari jurisdictionem ad universitatem cau-

(a) Textus P. Bussembaum habet *minoremis*.

sarum : primo modo , cum ei committitur aliquod officium , cui annexa est jurisdictio ; idque currit etiãmsi officium non sit proprium , sed Vicarii , v. gr. Vice-Parochi , seu Vice-Rectoris pro Parocho absente , aut non adhuc Sacerdote : hujusmodi Vicarius potest jurisdictionem suam subdelegare , non quidem totam , sed pro una vel altera , causa , ut communiter DD. docent ; quia tunc non tantum huic commissum est exercitium Parochi , sed etiãmsi Parochi officium , qui competit non solus usus , sed adhuc delegatio jurisdictionis. Itã Sanch. de Matr. l. 3 d. 31 n. 1 et 15. cum Sylv. Cov. Lop. Abb. etc. Laym. l. c. n. 10. Pal. l. c. n. 16. cum Henr. et aliis , ex D. Th. quod l. 12 art. 31 ubi ait : *Vicarius non potest totam suam potestatem communicare , sed potest partem*. Secundo modo , cum alicui delegatur non officium , sed jurisdictio , velut privilegium perpetuo annexum suo officio , aut dignitati ; tunc enim talis jurisdictio reputatur tamquam ordinaria , prout est facultas impertita Episcopis à Tridentino in c. Liceat 6 sess. 24. Dicunt autem Rodriq. et Viva q. 8 art. 1 n. 13. cum Nav. Peyrin. Naldo , Bord. etc. quod , si Episcopus concederet alicui Confessario facultatem absolvendi ab omnibus casibus reservatis , posset hic Confessarius subdelegare illam facultatem alteri in aliquo particulari casu ; sed melius Laym. et Castrop. locis sup. cit. cum Coninc. id in eo solo casu admittunt , quo talis facultas conceditur ratione officii , v. g. Parochi , aut Vice-Parochi , ut suprà dictum est ; sed non cum facultas datur alicui ratione suæ peritiæ , aut probitatis : facultas enim subdelegandi tantum competit illi , cui officium committitur , sed non ei ; cui committitur solus usus , sive exercitium jurisdictionis.

« 2. Cum jurisdictio respiciat subditos , exerceri
 » in eos potest , tam à delegato , quam ordinario ,
 » quocumque loco fuerit , ut docent Sanch. Henr.
 » Suarez in 3 p. t. 4 d. 28 sect. 1 et 7 et alii. * (*Sed*
 » *hodiè hoc reprobatur est , vide dicta n. 547.*) *

» 3. Probabile est , quod absolutus in articulo 567
 » mortis non teneatur se postea sistere Superiõri , vel

2 n. 6. ibi enim nihil aliud asserunt, nisi quod Cardinales comprehendantur in citato cap. fin. Concedit autem Fagnan. n. 66. quod Cardinales possint secum conducere Confessarium approbatum in urbe; et idem dicit de Episcopis n. 30. cum Hostiensi.

An autem Parochi possint sibi eligere Confessarium? Omnino negandum ex Proposit. 16 damn. ab Alexand. VII. quæ dicebat: *Qui beneficium curatum habent possunt sibi eligere in Confessarium simplicem Sacerdotem non approbatum ab Ordinario*. Dicunt tamen Wigandt tr. 13 n. 89. Sporer p. 257 n. 705 et Elbel p. 289 n. 299. quod Parochi ex consuetudine possint confiteri Sacerdoti curato, vel approbato etiã alienæ Diœcesis. Et hoc quidem non videtur reprobandum, ubi reverà adest talis consuetudo, quia tunc adest tacitus consensus Episcoporum.

- 566 « 1. Qui habet potestatem delegatam, non potest
 » eam subdelegare alteri, cum diversa sit potestas
 » utendi jurisdictione, et eam delegandi. Excipitur
 » 1 nisi hoc ipsum concessum sit; 2 nisi sit delegatus
 » ad universitatem causarum, ut v. gr. si cui com-
 » mitteretur officium Parochi absentis, vel nondum
 » sacerdotis: (a) talis enim aliqua exercitia jurisdictio-
 » nis alteri ex præsumpta voluntate Ordinarii subde-
 » legare posset, non tamen integrum officium. Laym.
 » hic l. 5 t. 6. »

Generaliter igitur loquendo, nequit delegatus subdelegare, nisi id expressè sibi sit concessum. Excipitur 1 si quis esset delegatus à Principe. Sed hoc intelligitur (ut explicant Laym. de Pœnit. cap. 10 n. 14. et Castrop. eod. tit. D. unica p. 13 n. 15.) cum delegatio facta est tamquàm per officium; non verò si eligitur persona propter suam peritiam, aut si ei committitur alicujus causæ executio. Excipitur 2 si quis est delegatus ad *universitatem causarum*, quàmvis non à Principe. Sed in hoc etiã oportet distinguere cum Laym. l. c. n. 12. v. Duobus, duplici modo posse alicui delegari jurisdictionem ad universitatem cau-

(a) Textus P. Busembaum habet *minoremis*.

sarum : primo modo , cum ei committitur aliquod officium , cui annexa est jurisdictio ; idque currit etiãmsi officium non sit proprium , sed Vicarii , v. gr. Vice-Parochi , seu Vice-Rectoris pro Parocho absente , aut non adhuc Sacerdote : hujusmodi Vicarius potest jurisdictionem suam subdelegare , non quidem totam , sed pro una vel altera , causa , ut communiter DD. docent ; quia tunc non tantum huic commissum est exercitium Parochi , sed etiã Parochi officium , qui competit non solus usus , sed adhuc delegatio jurisdictionis. Itã Sanch. de Matr. l. 3 d. 31 n. 1 et 15. cum Sylv. Cov. Lop. Abb. etc. Laym. l. c. n. 10. Pal. l. c. n. 16. cum Henr. et aliis , ex D. Th. quod l. 12 art. 31 ubi ait : *Vicarius non potest totam suam potestatem communicare , sed potest partem*. Secundo modo , cum alicui delegatur non officium , sed jurisdictio , velut privilegium perpetuò annexum suo officio , aut dignitati ; tunc enim talis jurisdictio reputatur tamquam ordinaria , prout est facultas impertita Episcopis à Tridentino in c. Liceat 6 sess. 24. Dicunt autem Rodriq. et Viva q. 8 art. 1 n. 13. cum Nav. Peyrin. Naldo , Bord. etc. quod , si Episcopus concederet alicui Confessario facultatem absolvendi ab omnibus casibus reservatis , posset hic Confessarius subdelegare illam facultatem alteri in aliquo particulari casu ; sed melius Laym. et Castrop. locis sup. cit. cum Coninc. id in eo solo casu admittunt , quo talis facultas conceditur ratione officii , v. g. Parochi , aut Vice-Parochi , ut suprà dictum est ; sed non cum facultas datur alicui ratione suæ peritiæ , aut probitatis : facultas enim subdelegandi tantum competit illi , cui officium committitur , sed non ei ; cui committitur solus usus , sive exercitium jurisdictionis.

« 2. Cum jurisdictio respiciat subditos , exerceri
» in eos potest , tam à delegato , quam ordinario ,
» quocumque loco fuerit , ut docent Sanch. Henr.
» Suarez in 3 p. t. 4 d. 28 sect. 1 et 7 et alii. * (*Sed*
» *hodiè hoc reprobatur est , vide dicta n. 547.*) *

» 3. Probabile est , quod absolutus in articulo 567
» mortis non teneatur se postea sistere Superiõri , vel

• alteri pro reservatis, nisi hæc habeant annexam
 » censuram, ut docent Navarr. Suar. March. Fill. t.
 » 7 c. 10 q. 6 n. 288. Bon. d. 5 q. 7 p. 1 n. 13. quia
 » directè absolutus fuit. * (Ità verius tenent Salm. c.
 » 11 n. 21. cum Sanch. Hurt. Præp. Nav. etc. Vide
 » de hoc dicenda de Cens. l. 7 n. 91.) * Contra Hurt.
 » Diana p. 4 t. 4 R. 199.

568 » 4. Improbilas, aut inscitia proprii Sacerdotis
 • non dat jurisdictionem alteri: ideòque in tali casu
 » expectandum est, aut ad Superiorem recurrendum.
 » Si tamen ignorantia esset tanta, ut confessio illi facta
 » foret invalida, aut illicita, neque esset alius privi-
 » legiatus, aut habens jurisdictionem, licere alteri
 » confiteri, docent Nav. Vasq. in 3 p. t. 4 q. 92 art.
 » 2 dub. 3. Hurt. d. 10 dif. 10. Vide Dian. p. 4 tr. 4
 » res. 201 et p. 8 t. 1 R. 86 ex c. Placuit, de Pœnit.
 » d. 6. Idem licere, quandò quis proprio non potest
 » confiteri sine gravi periculo, docent Tol. Sylv. et
 » Med. qui idem concedit, quandò proprius non vult;
 » aut non potest audire, vel injustè negat facultatem
 » confitendi alteri, v. g. Parochus concubinæ. Diana
 » p. 3 t. 4 R. 79 ex Hurt. et aliis quatuor. Verùm ista
 » communiter refutantur ab aliis. * (Sed vide n. 564.) *
 » 5. Etsi graviter peccare possit proprius, si neget
 » suis facultatem adeundi alterum, modò præsumere
 » possit eos justè petere; si tamen injustè neget,
 » probabilius videtur, eos invalidè ab alieno absolvi
 » ut docent Sotus, Suarez, Laym. etsi non improba-
 » biliter Sylv. Henr. Mald., Palud. Richar. Tolet.
 » et Dian. p. 3 t. 4 R. 79. putent, quod validè, præ-
 » sertim si sine periculo salutis, famæ, et simili,
 » non liceat suo proprio. * (Sed vide n. 564. v. Ex
 » concessione) *.

569 » 6. Cum jurisdictio acquiratur ratione domicilii,
 • vel quasi domicilii vel etiàm actualis habitationis:
 » hincii, qui duobus locis habent domicilium, vel quasi,
 » possunt utrobique absolvi, ut scholares, milites,
 » mercatores: item vagi, et peregrini possunt absolvi
 » à Parocho loci, in quo versantur. V. Laym. hîc,
 » Vasq. etc.

Communiter docent DD. peregrinos, spectatâ consuetudine, et tacito consensu Episcoporum, posse confiteri cuilibet approbato in loco ubi reperiuntur. Itâ Palaeus de Pœnit. punct. 13. n. 12. Lugo eodem t. d. 19 n. 7. Conc. pag. 544 n. 20. Salm. Bon. de Pœn. d. 5 p. 2 n. 5 cum Suar. Vasq. etc. Limitant tamen præfati auctores, dummodò ipsi peregrini ex industria non discedant è proprio domicilio, ut extrâ confiteantur. Sed Tamb. de Pœnit. c. 4 § 3 n. 11. Renzi de Pœnit. c. 4. q. 14 et Mazz. tom. 3 p. 403 n. 11 de Pœnit. d. 2 § 2 n. 2 cum Pont. Fill. et aliis, verius dicunt, quod prædicta limitatio non sit necessariò servanda, ex illa regula generali juris, quod nullus videatur fraudulenter agere qui utitur jure suo; nec autem aliundè habetur, quod Ordinarii in prædicto casu signum aliquod umquàm dederint sui dissensûs. Hasque sententias rectè dicunt præfati AA. valere etiâ pro implenda Confessione præcepti Paschalis. Vide dicta n. 564 v. ex concessione. Et de hoc hodiè non est ampliùs dubitandum ex præsentî consuetudine universali. Per Bullam tamen Clementis X. vetitum est pœnitentibus accedere ad alienam Dioecesim pro Confessione in fraudem reservationis suarum culparum; de hoc vide dicenda infra n. 589.

« 7. Validè absolvit is, qui audit Confessiones, ⁵⁷⁰
 » præsentè, vel scientè, et non contradicente Ordinario, v. gr. Episcopo, vel Parocho, cui constet
 » eum aliundè non habere Jurisdictionem: quia tunc
 » præsumitur tacitè eam dare; sufficit enim, ut rectè
 » docent Fill. et Fagund. præc. 2 l. 7 c. 2 facultas interpretativa, et præsumpta, modò præsumptio
 » fundetur in signis, quæ indicent consensum præsentem, ut fit in casu posito * (*Quare consensus*
 » *merè internus non sufficit.* Salm. ex communi c. xi
 » n. 65.) * (uti etiâ v. gr. si Parochus, qui jam absens est, aliàs significaverit id sibi gratum esse);
 » nam existimatio de futuro consensu, vel ratihabitione, quod scilicet, quando resciverit, futurus sit
 » contentus, non sufficit; quia consensus futurus
 » non dat jurisdictionem pro tempore præsentî, quo

» datur absolutio. V. Dian. p. 3 t. 4 R. 68. Sanch. de
» Matr. l. 3 d. 35. Bec. Conc. qui addit peccare, si
» de consensu dubitans incipiat audire.

- 571 » 8. Peccat, qui absolvit cum jurisdictione dubia,
» nisi necessitas urgeat: qualis est v. g. quia pœnitens
» diù non est confessus, vel debet communicare, nec
» alius adest: tunc enim licitè absolvit cum condi-
» tione hac, *si possum*, et cum onere (etsi Salas in 2
» tract. 8 art. 1 hoc onus non agnoscat) aliàs iterùm
» confitendi habenti jurisdictionem certam. Expedi-
» autem tunc veniale aliquod adjicere, à quo directè,
» et à cæteris indirectè saltèm absolvatur. Ità Regin.
» Suar. Coninc. d. 8 dub. 5 n. 45. * (Dicunt probabi-
» lius Holzm. p. 178 n. 682 et Elbel p. 297 n. 326
» cum Bambest. *sufficere ad absolvendum cum juris-*
» *dictione dubia sequentes causas. 1. Si urgeat pericu-*
» *lum mortis. 2. Si urgeat præceptum annuæ Confessio-*
» *nis. 3. Si pœnitens deberet celebrare, vel communica-*
» *re, aliàs infamiæ notam incurreret. 4. Addunt Salm.*
» *c. 11 n. 72. si Sacerdos teneretur celebrare ex obli-*
» *gatione. Vide dicta n. 28. Probabiliter autem censent*
» *Suar. d. 26 s. 6 et Salm. ib. cum Aversa (contra Sa-*
» *las, et Cornejo) in iis casibus pœnitentem non teneri*
» *ad Confessionem, sed tantùm, ad contritionem, quâ*
» *semper eget, etiâmsi confiteatur.)* Quod si tamen*
» *ex probabili ratione dubium resolvat, nimirùm ha-*
» *bere se jurisdictionem, etsi cum formidine oppositi,*
» *absolutè absolvit licitè: ut docent Suar. Præp. Lugo*
» *d. 10 n. 49 tum quia tunc practicè, et moraliter*
» *est certus; tum quia Papa eo casu dat facultatem,*
» *uti et in sequentibus casibus: I. Quandò communi*
» *errore, v. gr. ob titulum coloratum, putatur ali-*
» *quis esse Pastor, seu habere jurisdictionem, qui*
» *non est ob censuram, vel alium defectum. Bon. d.*
» *5 q. 5 s. 2 p. 3 n. 11. Dian. p. 3 tr. 4 res. 22. Quod*
» *etiâmsi, si desit titulus coloratus probabile esse docet*
» *Dian. p. 3 tr. 4 res. 122 ex Pontio, Molfes et Sanchi;*
» *item part. 2 t. 2 misc. res. 43 si quis bona fide tali*
» *confiteatur: verùm id communiter ab aliis negatur.*
» II. Cum quis ex consuetudine, præscriptione, aut

» bona fide absolvit, aut nescit potestatem suam re-
 » vocatam, ut habent Sylv. Nav. Henr. Mald. in 2. p.
 » q. 9 art. 5. Sanch. mor. l. 2 c. 9 n. 35. Salas. Vasq.
 » Vide Dian. p. 1 t. 13 res. 1. III. Quandò secundùm
 » probabilem sententiam judicatur quis habere juris-
 » dictionem, et Sacerdos sequitur favorabilem. Bon.
 » l. c. quia quandò communis est error, Ecclesia dat
 » jurisdictionem propter publicam utilitatem. Vide
 » Suar. Dian. ll. cc. Card. de Lugo d. 10 n. 28.»

Hic quæritur I. Utrùm, stante errore communi, ⁵⁷²
 suppleat Ecclesia jurisdictionem in Sacramento Pœ-
 nitentiæ? Si error communis est cum titulo colorato
 sivè putativo, certum est apud omnes, ab Ecclesia con-
 ferri jurisdictionem; ità Sanch. de Matr. l. 3 d. 22
 n. 5. Conc. p. 546 n. 29. Antoine p. 524 q. 2 et Card.
 in Præp. 1 damnata ab Innoc. XI. d. 2 c. 6 n. 149 cum
 Cajet. Palud. Soto, Arm. Ang. Sylv. Nav. et commun.
 Et probatur ex lib. Barbarius, ff. de offic. Prætor. qui
 textus, etsi civilis, tamen, cum non sit reprobatus
 jure canonico, vim habet etiam in illo, ut habetur in
 c. 1 de Novi oper. nunciat. utque fusè diximus in fine
 v. Dub. 3. Probatur etiam ex c. Infamis 3 q. 7 ubi di-
 citur; *Si servus* (qui est incapax jurisdictionis), *dum*
putaretur liber, ex delegatione sententiam daret, quam-
vis postea in servitutem depulsus sit, sententia ab eo
dicta rei judicatæ firmitatem tenet. Ratio, quia ex be-
 nigna interpretatione præsumitur eo casu pia mater
 Ecclesia ad bonum animarum supplere jurisdictionem.
 Benè tamen advertit Sanchez l. c. quod, ut Ecclesia
 suppleat, non sufficiat titulus fictus, sed requiratur ti-
 tulus, qui licet sit tantùm putativus (quia fortè est
 ex aliqua causa invalidus), tamen sit reverà colla-
 tus à legitimo Superiore, etsi huic vetitum sit aliundè
 titulum illum conferre, ut sancitur in Novella 44 c. 1.
 Authent. de Tabell.

Majus dubium sit, an ex solo errore communi, sine
 titulo, Ecclesia suppleat jurisdictionem? *Prima* sen-
 tentia affirmat, et hanc tenent Lugo d. 19 n. 30. Sanch.
 Dec. l. 1 c. 9 n. 35. Pontius l. 5 c. 20 n. 2. Pal. t. 1

tr. 1 d. 2 punct. 1 n. 9. Suar. 2 p. d. 26 sect. 6 n. 6. Less. c. 29 n. 68. Bon. d. 2 de peccat. q. 4 part. 9 n. 19. Dian. p. 2 tr. 13. R. 2 cum Molf. et aliis, item apud Carden. l. c. n. 143. Vill. Malder. Gran. Turr. Henr. et Martin. Item Host. Innoc. Felin. etc. apud Sanch. de Matr. l. 3 d. 22 n. 48. Ratio, quia, cum adest error communis, recurrit eadem ratio legum, quas ^{suprà} retulimus, nempe quod Ecclesia pro bono fidelium præsumatur jurisdictionem supplere: eum eadem adæquata ratio communis boni valeat pro solo errore communi, et pro titulo colorato, propter quem nulla est ratio specialis, cur magis provideatur bono publico, quàm per solum errorem communem.

Secunda verò sententia communior negat sufficere solum errorem sine titulo, et hanc tenent Busemb. ut ^{suprà} (qui asserit primam communiter rejici) et Sylv. v. Confessio, n. 1 q. 15. Ang. eod. verb. Conc. p. 547 n. 31. Ronc. c. 1 q. 3. R. 3. Holzm. p. 179 n. 684. Sporer n. 714. Elbel p. 393 n. 213 et Sanch. (sibi contrarius) de Matr. lib. 3 d. 22 n. 49 cum Nav. Arm. Tab. Cov. Caj. Lop. Gabr. Ugol. Henr. Palac. Arag. etc. Ratio, quia, cum deest titulus coloratus, minimè præsumitur Ecclesia velle supplere jurisdictionem; eò quod, si Ecclesia cum solo errore communi jurisdictionem conferret, majus proveniret damnum fidelibus quàm utilitas; plures enim Sacerdotes impii ex hoc occasionem sumerent simulandi se Confessarios. et ~~sic~~ plurimos errores et hæreses possent disseminare, fideles seducendo. Sed hæc ratio non omninò convincit, nam dato, quod Ecclesia jurisdictionem hujusmodi impiis Sacerdotibus denegaret, nequè impediretur, quominus ipsi, qui damnationem suam jam nihili faciunt, suos errores disseminarent; et versa vice fideles ob invaliditatem suarum Confessionum evidenti periculo perditionis exponerentur. Undè meritò primam ~~sententiam probabilem~~ putant Carden. l. c. p. 75 n. 151. Viva q. 8 art. 1 n. 16. Tamb. l. 5 de Pœnit. c. 4 § 7 n. 17 et Rono. Spor. Holzm. ac Elbel cum Henno, Gab. Henr. et Stoz. Et ideo probabiliter dicunt non esse

Cap. II. Dub. III. De Ministro hujus Sacramenti. 41
obligandos fideles ad repetendas Confessiones bona
fide factas apud Sacerdotem, qui ex Communi errore
Confessarius reputabatur.

Quæritur II. An liceat administrare Sacramentum⁵⁹³
Pœnitentiæ cum jurisdictione tantum probabilis? Ad-
sunt tres sententiæ. *Prima* negat, et hanc tenent Conc.
p. 548 n. 2. Antoine p. 526 q. 25 et Eliz. p. 2 l. 5 q.
15 §. 2. Ratio, quia ex Propos. 1 damnata ab Inn. XI.
in administratione Sacramentorum non licet uti opi-
nione probabilis, ne Sacramentum exponatur periculo
frustrationis. *Secunda* verò sententia communis docet
licitum esse absolvere cum probabilis jurisdictione,
modò opinio sit verè probabilis, gravi fulcita ratione
et auctoritate; ità Sanch. de Matr. l. 3 d. 22 n. 65 et
Dec. l. 1 c. 9 n. 35 Lugo d. 19 ex n. 30 (qui putat tu-
tissimam) Bon. q. 7 p. 5 §. 4 n. 4. Pal. t. 1 tr. 1 d. 2
p. 5 n. 9. Less. l. 2 c. 29 n. 68. Conc. d. 8 n. 22. Fill.
tr. 7 c. 9 n. 227. Croix n. 1516. Tamb. l. 3 c. 3 n. 1.
Viva in dicta Prop. 1 et de Jubil. qu. 3 art. 2. Card.
in eamd. Prop. a n. 160 item Hozes, Filguera, Corella,
et Lumbier, in dicta Prop. et Salm. tr. 6 c. 11 n. 74
cum Turr. Vill. Reg. Avers. Salas, Dic. Herincx, Bon.
et Salm. scholast. tr. 24 d. 12 dub. 7 §. 1 n. 80 et 85
cum Maldero, Gran. Henr. et Gabr. Et eam vocant mo-
raliter certam Sanch. Tamb. et Card. l. 1 c. ac Dicast.
Ills. Gorm. Stoz, etc. apud Croix. Ratio 1. quia error
communis, etiãsi non adsit titulus coloratus, præ-
bet jurisdictionem, modò opinio ab omnibus teneatur
ut probabilis; nam si alii sapientes dubitarent de pro-
babilitate, et coram Deo falsa esset, error esset, sed
non communis. Verum hæc ratio non convincit; nam
licet præfata opinio (quod existente errore communi
Ecclesia suppleat jurisdictionem) non sit improbabilis,
ut diximus in quæstione præcedenti, tamen non est
certa, ut requiritur ad licitè ministrandum Sacramen-
tum. Ratio 2. quia cum quilibet Sacerdos habeat po-
testatem directam super venialia, pœnitentes, qui bona
fide confitentur Sacerdoti habenti jurisdictionem tan-
tum probabilem, jam validè absolvuntur eo casu, di-

rectè à venialibus , et indirectè à mortalibus. Sed opinio illa , quod Confessio venialium apud simplicem Sacerdotem sit valida , nec etià est certa , ut diximus n. 537 undè nec etià hæc ratio vincit. Ratio 3. quia Ecclesia supplet jurisdictionem ex ratihabitione de præsentì , cum videat sic communiter praticari , et ob bonum animarum annuit. Ratio 4. et potior est , quia in Ecclesia adest univèrsalis consuetudo ferè omnium Confessariorum absolvendi cum jurisdictione probabili , ut testantur communiter Suar. d. 27 sect. 4 n. 7. Lugo d. 19 n. 31. Card. n. 166. Arriaga d. 39. sect. 5. Diana p. 3 tr. 2. R. 3. Croix l. c. et omnes alii AA. citati pro hac secunda sententia. Communis autem sententia Doctorum fundat moralem certitudinem de præfata consuetudine ; et licet contrarii illicitum putent absolvere cum jurisdictione probabili , præscindunt tamen , nec possunt negare hanc consuetudinem adesse , saltèm apud partem longe majorem Confessariorum. Posita igitur ut certa hac consuetudine , certum est , licitum esse Sacramentum ministrare cum jurisdictione probabili , cum ipsa consuetudo jurisdictionem præbeat , prout docent Suar. t. 4 de Rel. t. 8 l. 2 c. 9 n. 3. Nav. Comment. 2 de Regul. n. 65 ubi ait : *Hanc jurisdictionem magna ex parte introductam vel auctam esse consuetudine , quæ vim habet dandi jurisdictionem ; Barb. de potest Ep. p. 1 tit. 4 n. 36. Carden. n. 161. Quaranta in summ. Bullar. verb. Archiep. Auctoritas v. 25 Pelliz. t. 2 tr. 10 c. 10 n. 42. Idque probant ex cap. Contingat. De Foro Compet. ubi dicitur : Nisi fortè hi , quibus delinquentes ipsi deserviunt , ex indulgentia , vel consuetudine speciali jurisdictionem hujusmodi valeant sibi vindicare. Ubi Glossa ait : Quod consuetudo det jurisdictionem. Nec obstat Prop. 1 damnata , etenim respondent Viva q. 8 ar. 2 n. 2. et Wigandt tr. 13 n. 19. cum Gonet , Propositio loquitur de opinionibus circa ea in quibus nihil potest Ecclesia , idest circa materiam , et formam , non verò circa jurisdictionem , quæ ab Ecclesia suppleri potest , et moraliter certò præsumitur supple-*

ri in hoc casu ob bonum animarum : undè Confessarius absolvendo, non absolveret cum sola opinione probabili, sed moraliter certa, non directa, sed reflexa.

Tertia sententia, quam amplector, et tenent Suar. d. 26 sect. 6 n. 6. Holzm. pag. 178 n. 683. March. tit. 3 q. 4 et Gobat. tr. 7 n. 115. Wigandt tr. 13 n. 91. Sporer n. 717 et Elbel p. 292 n. 311, cum Bardi, Sancio, et Babenst. dicit licitum quidem esse ministrare hoc Sacramentum Pœnitentiæ cum jurisdictione probabili, sed nonnisi quandò adest causa gravis necessitatis, aut magnæ utilitatis, ut ajunt Elbel et Wig. vel causa rationabilis, ut inquiunt Suar. et Spor. Ratio hujus limitationis est; quia, licet Ecclesia eo casu ob bonum animarum quidem censi possit jurisdictionem supplere, tamen non præsumitur, nulla justa causa accedente, velle connivere meræ libertati Sacerdotum. Hujusmodi autem causa (ut censent Sporer, et Holzmänn. II. cc.) accidit. 1. Quandò pœnitens indiget auxilio sive consilio illius Confessarii. 2. Si complex peccati pœnitentis sit notus Confessario, qui certa pollet jurisdictione, et ignotus Confessario habenti solam probabilem. 3. Si Confessarius, qui habet jurisdictionem probabilem, prudenter timeat, ut pœnitens faciat Confessionem integram apud eum qui certam habet. 4. Addit Spor. ne pœnitens incidat in aliquam aversionem, vel damnosam suspicionem Confessarii certi. 5. Si urgeat Præceptum Confessionis, aut singularis Indulgentia lucranda, vel quia diù quis non poterit confiteri.

- » 9. Nemo tenetur umquàm Parocho confiteri, ne⁵⁷⁴
- » quidem in paschate. Lugo d. 19 sect. 2 n. 28 etc.
- » cum Diana p. 8 t. 1 res. 88. Quare Parochi frustrà
- » nolunt, ut Parochiani confiteantur mendicantibus,
- » etiàm in Paschate, cum habeant privilegium pro
- » omnibus Christi fidelibus. Suarez, Conin. Henriq.
- » Regin. Zerola c. 15 q. 3 et commun. apud Bon. d. 4
- » q. 1 sect. 2 part. ult. * (*Et ità pariter nequit prohibere Parochus, ne sui subditi confiteantur Confessa-*

» *rio approbato ab Ordinario loci ; vide dicta p. 564.) **
 » Adeo ut, qui docent, confessos Regularibus, etiam
 » in Paschate, tenêri iterum eadem confiteri suo Pa-
 » rocho, fiant suspecti de hæresi. Diana p. 4 tom. 8
 » R. 102. et alii. * (*Joannes XII. damnavit opiniones*
 » *Joannis Poliaci dicentis, Confessiones factas Regu-*
 » *laribus repetendas apud Curatum. Deinde Clem. VIII*
 » *an. 1592 et Clem. X in Const. Suprema, decreve-*
 » *runt, benè satisfacere Confessioni annuæ qui confi-*
 » *tentur Religiosis simpliciter approbatis. Vide Bene-*
 » *dict. XIV. Notif. 18 ex n. 5.) ** Vi tamen hujus pri-
 » vilegii non possunt absolvere eos Religiosos, aut
 » Religiosas, quæ non habent facultatem extrâ suum
 » Ordinem confitendi, ut ex communi notat Rodr. et
 » Comp. privil. Societ. v. Absol. § 1 et ex his Laym.
 » hic. Quia privilegio generali non censetur derogari
 » consuetudini, vel statuto particulari, nisi id expri-
 » matur. * (*Clarius id explicat Pal. p. 14 n. 11 cum*
 » *Suar. Laym. etc. quia omnes Religiones privilegium*
 » *habent ab Innoc. IV. et aliis Pontificibus, ne Reli-*
 » *giosi extrâ Ordinem aliis confiteantur sine consensu*
 » *suorum Prælatorum.) ** Usus tamen fert, ut Regu-
 » lares peregrinantes, ex præsumpta voluntate Supe-
 » riorum, si Ordinis socium non habeant, à quovis
 » alio, etiam sæculari absolvantur, exceptis reserva-
 » tis : in quæ si Religiosi Societatis extrâ domicilium
 » incident, videant ordinationes Præp. Gener. c. 6 n.
 » 6 et Laym. hic. *

575 Religiosi peregrinantes, si habent socium sui Or-
 dinis, debent ipsi confiteri, ut dicunt communiter
 Laym. tr. 6 c. 10 n. 20. Ronc. p. 89 q. 8 R. 1. Tam-
 bur. de Sacram. Pœnit. cap. 5 §. 2 n. 16. Croix n. 1524.
 Salm. tr. 18 c. 4 n. 125 (qui benè addunt, modò
 socius ille sit idoneus, et sic etiam Laym. sentire vi-
 detur). Et patet ex verbis Innoc. VIII. ut infra. Si
 verò desit socius, vel alius Confessarius idoneus sui
 Ordinis, benè possunt ex præsumpta licentia Prælati
 confiteri alteri Sacerdoti idoneo regulari, vel sæcula-
 ri ; et in hoc omnes conveniunt. Sed dubium est,

utrùm hic Sacerdos debeat esse ad Confessiones approbatus? Affirmant Wigandt tr. 13 n. 83 et Antoine p. 525 v. Porro, et Conc. p. 539 n. 14 cum Vasq. etc. Alii verò communissimè et veriùs negant, ut Suar. de Rel. tr. 8 l. 2 c. 17. Spor. p. 255 n. 685. Escob. l. 16 n. 20. Pal. p. 14 n. 12. Elbel pag. 296 n. 319. Mazzotta t. 3 p. 474. Roncaglia l. c. Tamb. de Pœnit. l. c. n. 17 et Salm. d. n. 125 cum Rodr. Bordon., Anton. a Spir. S. Portel. etc. Et probatur ex concessionibus Xisti IV. et præsertim Innocenti VII. (ut ferunt *Palas, Escob. et Salm. ll. cc.*) qui dixit: *Nos igitur... Fratribus hujusmodi, quos itinerari et per eorum Superiores mitti contigerit, ut si aliquem Presbyterorum idoneum ex professoribus dicti Ordinis habere non possint, quemcumque alium Presbyterum idoneum et discretum Religiosum, vel sæcularum eligere valeant, qui Confessiones eorum audire... licitè possit.* Ubi apposite notant *Salmant. cum S. Antonin. Sylvest. et Soto*, quod per to idoneum Sacerdotum, reputetur quilibet simplex Sacerdos aptus ad excipiendas Confessiones, etiãmsi à nullo Prælato sit approbatus, quia olim antè Tridentinum jam quilibet poterat confiteri cuicque simplici Sacerdoti. Prætereà dicunt præfati AA. quod Prælati regulares, præbendo licentiam peregrinandi, aut alibi morandi, tacitè concedant suis Religiosis licentiam confitendi cuicumque Sacerdoti idoneo, et hanc esse testatur consuetudinem Religionum, videntibus et non contradicentibus Superioribus. Nec obstat Trid. in sess. 23 c. 15: ibi enim Concilium requirit Confessarium approbatum ab Episcopo tantum ad Confessionem sæcularium, non verò Regularium: Neque obstat Breve Benedicti XIV. *Quod communi* etc. sub die 30 Mart. 1742 (in Bullar. tom. 1 n. 49) ubi concessum fuit Fratribus Capuccinis, ut in itinere confiteri possint cuicumque Confessario, modò ab Episcopo loci esset approbatus; tale enim Breve loquitur tantum de Capuccinis, qui particularem habent Constitutionem non confitendi nisi propriis Confessariis. Undè perperam Cont. Tourn. t. 6 p. 2 p. 143

n. 619 affert præfatum Breve tamquàm commune respectu omnium Regularium. Advertendum cum Busemb. quod facultas prædicta, quam habent Religiosi itinerantes confitendi cuicumque Sacerdoti idoneo, non habeat locum respectu casuum reservatorum.

- 576 « 18. Quod si Superiores Regularium Monialibus » sibi subjectis (idem est Monialibus subjectis Epis- » copo) non concedant aliquoties in anno alium Con- » fessarium, potest, et tenetur illis eum dare Epis- » copus ; quod si nec is faciat, ipsæ eligere possunt. » Quintan. t. 3 sect. 26 ex Declaratione Cardin. apud » Barhos. »

Idem dicunt Palud. et sex alii apud Dian. p. 1 tr. 3 res 39 n. 2 Quia licentia, ut ajunt, jure petita, et injustè negata, videtur à jure concessa, aut saltèm à Pontifice ex ejus præsumpta voluntate. Sed hæc sententia, ut rectè dicit de Alexand. Confess. Mon. cap. 6 § 7 Quæst. 9 minimè est admittenda : primò ; quia videtur reprobata ex Propos. 13 damnata ab Alexan. VII. quæ dicebat : *Satisfacit præcepto annuæ Confessionis, qui confitetur Regulari, Episcopo præsentato, sed ab eo injustè reprobato.* Prætereà videtur reprobata ex cap. Omnis utriusque sexûs. De Pœnit. et rem. ubi habetur, quod, si quis voluerit alieno Sacerdoti confiteri, etiàm cum justa causa, non possit ab illo absolvi, nisi licentiam priùs obtineat. Tunc autem licentia injustè negata habetur pro concessa, quandò ipsa requiritur tantùm ad executionem actûs, pro quo faciendo jam obtenta sit facultas, non verò quandò ex ipsa licentia facultas ad actum conceditur, ut Pignat. l. 6 Cons. 98 n. 41. In nostro casu autem non supponitur facultas obtenta, cum hæc dependeat ab approbatione Episcopi. Ex his omnibus apparet, quod sententia Busemb. saltèm sit valdè dubia, et ideò non sit tuta in praxi. Idque videtur confirmatum ex Bulla *Pastoralis*, edita 5 Aug. 1748 N. SS. Bened. XIV. ubi n. 5. sic statuitur : *Quod si Episcopus in hac re negligens esset, ut Monialibus suis bis terve in anno extraordinarii Confessarii copiam facere prætermitteret, tunc*

volumus, majorem Pœnitentiarium, statim ac pro parte Monialium requisitus fuerit, Confessarium extraordinarium, ex eorum tamen numero, qui ad excipiendas Monialium Confessiones ab ipso Ordinario loci approbati fuerint, cum omnibus necessariis facultatibus concedere et deputare. Ex quo inferitur, quod, si Episcopus negligit dare extraordinarium, nihil aliud monialibus concedatur, quàm ad Pœnitentiarium recurrere. In eadem Bulla sancitur, quod Moniales, etsi non teneantur extraordinario confiteri, teneantur tamen ei se sistere ad audienda monita salutaria. Item, quod Episcopi hoc idem observent cum Conservatoriis. Item, quod in articulo mortis cuilibet Moniali postulanti concedatur ab Episcopo Confessarius particularis: et si Monasterium sit exemptum, non concedente Prælato regulari, assignetur ab Episcopo, vel recusante etiàm Episcopo à Pœnitentiariorum majore, si tempus suppetat. Item, quod, si aliqua Monialis renuat confiteri Confessario ordinario, deputetur ei alius ab Episcopo pro certis vicibus, et si Monasterium sit exemptum, à Prælato regulari: et ipso recusante, concedatur ab Episcopo, vel Pœnitentiariorum majori. Hortatur autem Pontifex Episcopos, ne sint difficiles ad peculiaribus Monialibus extraordinarium Confessarium aliquandò petentibus concedendum. Denum statuit, quod Prælati Monialium regulares teneantur bis vel ter in anno assignare extraordinarium ex probatis ab Episcopo ad Confessiones Monialium, qui saltèm semel in anno sit vel sæcularis, vel alterius Ordinis, aliàs deputet illum Episcopus; et eo tempore ordinarius nullius, neque Abbatis, neque Novitiarum audiat Confessionis.

Insuper quodam Confessarios Monialium plura sunt⁵⁷⁷ hinc advertenda. Notandum 1 quod omnes Confessarii Monialium indigeant speciali electione et approbatione Episcopi loci, ex Decretis S. C. apud de Alexand. Conf. Mon. cap. 6 § 6. Qu. 1. Si verò Moniales sint exemptæ, Confessarii earum præsentantur à propriis, sed etiàm ab Episcopo approbantur ex Constit. Gre-

gor. XV. *Inscrutabili*, quam confirmavit Bened. XIII. in Bulla *Pastoralis* anno 1726 die 27 Mart. Et hoc etiã pro Confessione culparum tantum venialium, ut decrevit S. C. apud de Alex. ib. Qu. 2.

Not. 2 quod Confessarii Monialium, elapso triennio, declarentur suspensi ab audiendis ipsarum Confessionibus, nisi licentiam S. C. obtineant, ex pluribus Declar. S. C. apud de Alex. ibid. Qu. 3. Et hoc valet etiã pro Confessariis Conservatoriorum, ex alio Decreto ib. Putat tamen probabiliter de Alex. ibid. quod, si aliquis Confessarius eligatur pro supplemento, benè possit confirmari per aliud triennium post tempus supplementi, quia prohibitio de non eligendo Confessario ultrà triennium, prout odiosa, strictè accipienda est de electione ordinaria, non extraordinaria.

Advertit etiã de Alex. Q. 4 in fine, quod Episcopi in aliquibus locis, ratione deficientiæ Confessariorum idoneorum, sinant ipsos durare ultrà triennium.

Advertit idem de Alexand. cum Bordon. Quæst. 5 quod aliquandò Moniales possint recusare Confessarium ab Episcopo deputatum, ex justa causa, nempe si Confessarius sit inimicus propinquorum aliquarum Monialium, vel si sit nimis rigidus, etc.

Not. 3. quod prohibeantur eligi in Confessarios Monialium Vicarii Generales, Parochi, si cura notabiliter læderetur, omnes Regulares, ex pluribus Decr. S. C. apud de Alex. c. 6 § 6 Qu. 6. Item Canonici Pœnitentarii, ex alii Declar. S. C. Concilii. Sed eos posse eligi, si Episcopus aliter judicaret, sentit de Alex. Qu. 7.

Notandum 4 quod ex Decl. S. C. apud Alex. Q. 8. præcipiatur, ut Confessionalia monialium amoveantur à Sacristia, vel aliis locis occultis, et collocentur in exterioribus Ecclesiæ. In necessitate tamen licet audire Confessiones in alio loco, modò vitetur aspectus Confessarii, et Monialis, ut advertit ibi de Alex.

Notandum 5 stipendium Confessarii non posse ex-

Cap. II. Dub. IV. De Ministro hujus Sacramenti. 49
 cedere duos julios pro quolibet die, ut ex Declarat.
 S. C. apud de Alex. Q. 9. Sed ipse ait, hoc videri
 non esse in usu. Et Diana, ac Scortia dicunt, quod,
 si Confessarius inserviat cum magna patientia, et as-
 siduitate, possit Abbatissa aliquid amplius ei dare
 ultra stipendium taxatum.

Nota hîc ultimò, quod Capellani exercituum ne-
 queant absolvere milites degentes in Præsidiis sine
 facultate Sedis Apostolicæ, aut licentia Ordinarii,
 ex pluribus Decl. S. C. quas refert P. Zacharia apud
 Croix lib. 6 p. 2 ad n. 1518.

DUBIUM IV.

Quid sit reservatio casuum, et quis habeat po-
 testatem reservandi, et absolvendi ab iis?

578 *Quid est reservatio.*

579 *Qu. I. An sit licita, et valida reservatio facta sine
 causa?*

580 *Qu. II. An ignorantes reservationem casuum Papalium
 ab ea excusentur.*

581 *Dub. I. An excusentur ignorantes casus reservados ab
 Episcopis? Dub. 2. Quid, si casibus Episcopalibus
 sit annexa excommunicatio?*

582 *Dub. 1. An possint reservari peccata venialia? Dub. 2.
 An peccata merè interna? Dub. 3. Quid si peccatum
 fuerit externè leve, et internè grave?*

583 *An Regulares possint reservare casus; et quos? An no-
 vitii, et familiares sint exempti à casibus reservatis?*

584 *Vide quæ sunt apud Busemb.*

585 *Quando possit simplex Confessarius absolvere à reserva-
 tis? Dub. 1. An, si impedimentum sit perpetuum,
 possit directè absolvere? Dub. 2. An tunc pœnitens te-
 neatur confiteri, ut possit communicare? Remissivè ad
 n. 265. Qu. I. Dub. 3. An tunc debeat manifestare
 etiàm non reservata. Remissivè ad eumd. n. 265. Qu. II.*

586 *Quid, si Superior neget facultatem absolvendi?*

587 *A quo possint absolvi peregrini?*

588 *Dub. 1. Quid, si peccatum est tantùm reservatum in loco
 Confessionis?*

30 Lib. VI. Tract. IV. De Sacramento Pœnitentiæ.

- 589 *Dub. 2. Quid, si est tantum reservatum in patria? Et quid, si quis discedat à patria in fraudem? Et quomodo intelligendum to in fraudem?*
- 590 *Dub. 3. An peregrinus possit absolvi à censura reservata in patria?*
- 591 *Dub. 4. An peccans in aliena Diœcesi, ubi casus est reservatus, incurrat reservationem? Et an excommunicationem annexam?*
- 592 *Dub. 5. An peccans in Monasterio exempto, vel in alia Diœcesi, possit absolvi in patria à simplici Confessario?*
- 593 *Dub. 6. An Episcopi possint absolvere peregrinos à casibus Papalibus occultis, et cum eis dispensare in irregularitatibus? An eandem facultatem habent Vicarii Capitulares, et alii Prælati habentes jurisdictionem quasi Episcopalem? Not. 1. An Episcopi possint tollere reservationem extrâ Sacramentum? Not. 2. Quid, si Episcopus inciderit in crimen reservatum? Not. 3. Quando intelligatur crimen esse occultum? An autem Episcopus possit dispensare in votis cum Peregrinis? Et in irregularitatibus etc. cum impeditis? Remissivè.*
- 594 *Dub. 7. An facultas in cap. Liceat, sit pro casibus tantum antè Concilium reservatis? Dub. 8. An Episcopi possint absolvere à reservatis ab aliis Episcopis? Dub. 9. An Episcopi possint hanc facultatem generaliter committere? An possint absolvere à casibus Bullæ Cœnæ? Remissivè.*
- 595 *An Superior possit aliquando absolvere à reservatis, et pro aliis mittere pœnitentem ad inferiorem?*
- 596 *An absolutus ab habente potestatem possit à quocumque accipere absolutionem de reservatis? Qu. I. An, si pœnitens confiteatur bonâ fide, vel obliviscatur reservati, validè, et licitè absolvatur à simplici Confessario?*
- 597 *Qu. II. An confessus Superiori, et oblitus reservati, possit à quocumque absolvi?*
- 598 *Qu. III. An per Confessionem inculpabiliter invalidam tollatur reservatio? Qu. IV. Quid, si Confessio fuerit sacrilega.*
- 599 *Qui possint absolvere à reservatis? An Pœnitentarii? An Mendicantes possint absolvere à casibus Episcopis, vel ab Episcopis reservatis?*
- 600 *Qu. I. Utrum in dubio, an pœnitens incurrerit casum reservatum, possit à quocumque absolvi? Qu. II. Quid, si postea pœnitens cognoscat peccatum ut certum?*
- 601 *Qu. III. An qui peccavit in confidentiam licentiæ? Qu.*

IV. An licentia valeat pro peccatis etiam post illam commissis?

602 *Qu. V. An moniales subjaceant reservationi factæ ab Episcopo? Qu. VI. An subjaceant Moniales exemptæ? Qu. VII. An Episcopus quoad clausuram possit casus Monialium reservare?*

» **RESP. I.** Reservatio hæc est negatio jurisdictionis 578
 » circa aliquod peccatum. Ac certum est in Ecclesia
 » potestatem esse quædam peccata reservandi, à qui-
 » bus inferiores Confessarii non possint absolvere, ut
 » sic subditi melius dirigantur, et absterreantur à pec-
 » catis, quorum difficilem remissionem vident: quam-
 » quam, nisi graves causæ sint, non debeat quivis,
 » nequè qui potest, quidvis facillè reservare, nequè
 » difficulter veniam dare absolvendi à reservatis, ne
 » alioqui cedat in destructionem, quod debebat in
 » ædificationem. Porro etsi quivis Ordinarius potes-
 » tatem habeat reservandi, in Parochis tamen con-
 » suetudo eam abrogavit. Vide Suar. d. 30 sect. 5 C.
 » de Lugo d. 15 sect. 6 §. 3 * (Adverte hîc Decretum
 » S. C. Concilii apud Fagnan. in c. Cum olim, de Præ-
 » script. n. 24 nempè quod Prælati habentes jurisdic-
 » tionem quasi Episcopalem, benè possint casus reser-
 » vare.) * »

Quæritur hîc I. An sit valida reservatio facta sine 579
 justa causa? Communiter affirmant, peccare lethaliter
 Superiores, si sine rationabili causa casus reservant.
 Vide Holzm. p. 181 n. 690. An autem invalidè reser-
 vent? Affirmant P. Soto. Ledesma, Henr. etc. apud
 Escob. l. 16 n. 470 quia ex Concilio sess. 14 c. 7. Epis-
 copis datum est reservare casus, *in ædificationem* (ut
 ibi dicitur), *non in destructionem*. Negant tamèn com-
 muniùs et veriùs Laym. l. 5 tr. 6 c. 12 n. 5 Holzm. d.
 n. 690. Suar, p. 2 d. 39 sect. 4 n. 8. Lugo d. 20 n. 36.
 Ciera de Cas. res. d. 1 n. 13. et Escob. n. 472 cum
 Sylv. Fag. etc. Ratio, quia tota jurisdictio emanat ab
 Episcopo, qui sicut potest Confessariis suis etiam Pa-
 rochis, non concedere facultatem absolvendi aliquem
 casum, ita poterit reservare; in omni autem dubio

standum pro potestate Superioris, qui eam possidet. Limitant verò Lugo 12. 37 et Ciera n. 14 respectu Parochorum, si tantà sit reservatio, ut moraliter non possent suum officium exercere, tunc autem illa reservatio tantum esset nulla, quæ esset posterior et excedens.

580 Quæritur II. An ignorantes reservationem alicujus casus, ab ea excusentur? Hic distinguendum inter casus reseratos à Papa, et reservatibz ab Episcopo. Si casus sit Papalis, commune est inter DD. (contrà Conc. p. 575 n. 20) ignorantes à reservatione excusari. Ità Suar. 3. p. d. 29 sect. 2 n. 8. Sanch. Deo. l. 2 c. 8 n. 3 et c. 11 n. 1 et de Matr. l. 9 d. 32 n. 18. Mol. t. 1 de Just. d. 92. Laym. c. 12 n. 2. Viva de Jubil. q. 11 art. 1. Wigandt. tr. 14 n. 58. Ciera d. 1 n. 29. Croix l. 6 p. 2 n. 1614 cum Aversa, et Stoz, Tamb. de Cas. res. l. 5 c. 5 n. 7. Abelly p. 144 n. 2. Diana p. 5 tr. 9. R. 17. Pal de Pœn. p. 15 §. 2 n. 1 cum Vasq. Gon. et Henr. ac Salm. tr. 18 de Privil. c. 4 n. 9 cum Trull. Vidal, Moya, Caj. Durant. Hurt. Gran. etc. ac Croix n. 1614 cum Aversa, Gob. etc. et probabilem putant Lugo d. 20 num. 11 et Mazzotta. t. 3 pag. 455 cum Bon. Fag. Quàrti, etc. Ratio, quia casus Papales principaliter reservantur propter censuram, à qua certe excusat ignorantia, juxtà dicenda l. 7 n. 43 utquè patet ex cap. 2 de Constit. in 6 ubi dicitur: *Ut animarum periculis obviatur, sententiis per statuta quorumcumque Ordinariorum prælatis ligari nolumus ignorantes, dummodò tamen eorum ignorantia crassa non fuerit, aut supina.* Et licet in casibus Papalibus non reservetur tantum censura, sed etiàm peccatum, ut verius et communius docent Sanch. d. n. 5 et Suar l. c. n. 8 cum D. Thoma, Palud. Gabr. Major. Nav. etc. contra Gajet. Durand. et Trull. nam aliàs hæreticus, qui bonà fide confiteretur suum peccatum cuicumque Confessario, maneret ab eo absolutus, nec teneretur postea illud Superiori confiteri, quod non videtur probabile; attamen, quia in casibus Papæ reservatis immediatè reservatur censura (cum in Bullis dicatur, *sub pœna excommunicat-*

tionis nobis reservatæ), et mediâtè peccatum, quod est censurâ ligatum, ideò cum peccatum sit indivisibile à censura, reservatâ censurâ, etiâ peccatum manet reservatum; contra verò, cum censura sit medium, quo reservatur peccatum, sublato medio, id est censurâ, non remanet reservatum peccatum. Si autem aliquis sciens censuram, ignorabat esse reservatam, Bon. et alii apud Mazotta l. c. excusant eum à reservatione, sed meliùs dicit Mazzotta cum Quarti, non excusari, quia is jam consentit in poenam censuræ, adeòque implicite in ejus reservationem, et in omnes alios effectus ejusdem, licet ignoratos.

Diximus, quod casus Papales ut plurimùm reserventur cum censura, sed excipiendi sunt duo casus, qui sunt Pontifici reservati sine censura. Casus 1 est, si quis falsò accusat Sacerdotem innoxium de sollicitatione apud Judices ecclesiasticos, sive per seipsum, sive procurando ut per alios calumnia inferatur; ita ex Constitut. Bened. XIV. quæ incipit *Sacramentum*. Casus 2 est (ut fert Auctor libri, cui titulus, *Instruzione per li Novelli Confessori* p. 2 c. 15 n. 306) si quis accipiat dona à Regularibus utriusque sexûs, nisi priùs totum restituerit, si dona valeant pluris decem scutis Romanis, vel, si valeant minoris, saltèm partem ad arbitrium Pœnitentiarii. An autem ab his duobus casibus incurrendis excuset ignorantia? vide mox dicenda, num. sequenti. Præterea excipiunt Sanch; de Matr. d. n. 18 et Conich. d. 8 n. 82 casum simoniacè promoti vel promoventis ad Ordines ex Bulla Xisti V. De hoc tamen casu loquens Sanch. l. c. dicit, illum non incurri ab ignorante, quia hæc reservatio fuit imposita in meram pœnam delinquentium; sed meliùs dicendum cum Palao l. c. non incurri, quia in Extrav. de Simon. huic crimini postea imposita est excommunicatio Papalis.

Sed dubitatur 1. An ignorantes invincibiliter reservationem excusentur ab incurrendis casibus etiâ ab Episcopis reservatis? Adsunt tres sententiæ. *Prima* universè affirmat, et hanc tenent Ciera d. 1 n. 3; item

Palud. Graff. Quintanad. etc. apud Salm. tr. 18. c. 4 n. 13 item Reg. Mald. Bass. Coriol. etc. apud Mazz. p. 455. v. *Tertia*, ac probabilem, putat Lugo D. 20 n. 11. Ratio, ut ajunt, quia reservatio habet rationem pœnæ, à qua excusat ignorantia. Hanc sententiam probabilem quoque putant Salm, d. c. 4 n. 13 et Roncag. p. 106 c. 2 q. 4 (et idem sentiunt Elbel p. 303 n. 346. Gobat. tr. 7 nu. 306 et Sporer num. 735 cum aliis,) dum inquirunt, ignorantem prima vice posse absolvi. Verum Salm., et Roncag. diversâ ratione utuntur: fatentur enim, reservationem non esse meram pœnæ, sed dicunt quod habeat rationem pœnæ medicinalis, ut illius timore retrahantur homines ab atrocioribus peccatis; at nullo modo retrahi possunt à peccando per reservationem, qui eam ignorant; undè, cessante fine adæquato reservationis in ignorantibus, cessat etiâ reservatio. *Secunda* sententia, quæ parùm differt à prima, et quam tenent Joseph de Januar. de Casib. Reser. Res. 1 et probabilem putant Viva l. c. et Diana p. 10 tr. 14. R. 63 cum Graff. et Nav. distinguit, et dicit, incurri quidem reservationem factam Episcopo per præceptum particulare; secùs verò si facta fuerit per legem generalem, aut Statutum Synodale, prout sunt casus reservati, qui annotantur in Tabella. Ratio, quia in primo casu reservatio habet rationem medicinæ, et directè respicit Confessarios; in secundo autem casu, cum reservatio fiat in statuto, habet rationem pœnæ, et directè respicit pœnitentes. *Tertia* verò sententia communior, cui subscribo, universè negat, posse absolvi ignorantes reservationem, et hanc tenent Sanch. de Matr. l. 9 d. 32 n. 18. Pal. tr. 2 d. 1 p. 19 n. 8. Holzm. p. 180 n. 687. Wigandt tr. 14 n. 58. Tamb. de Cas. res. c. 1 n. 2. Antoine p. 527 qu. 1. Concina p. 563 ex n. 2. Viva qu. 9 a. 3 n. 2 et Croix n. 1608 cum aliis communissimè. Ratio, quia reservatio non est quidem pœna respiciens pœnitentes, sed restrictio jurisdictionis respiciens Confessarios, et de hoc videtur dubitandum; nam Tridentinum Sess. 14 c. 7 ad ostendendum quod *Sacerdotes nihil possint in*

casibus reservatis (ut ibi in fine declarat), hæc verba præmittit: *Nullius momenti absolutionem eam esse debere, quam Sacerdos in eum profert, in quem ordinariam, aut subdelegatam (nota) non habet jurisdictionem. Magnopere verò ad christiani populi disciplinam pertinere SS. Patribus nostris visum est, ut atrociora quædam crimina non à quibusdam, sed à summis dumtaxat Sacerdotibus absolverentur.* Ideò igitur nihil possunt Sacerdotes in reservatis, quia carent jurisdictione super illis, cum Episcopi ob publicum bonum quorundam graviorum criminum iudicium sibi reservent. Pater ergò, quod reservatio directè respiciat Confessarios, non poenitentes. Nec obstat dicere, quod, licet reservatio respiciat Confessarios, eorumque limitet jurisdictionem, finis tamen reservationis directè respiciat poenitentes, cum tantum ad poenitentium remedium reservatio instituta sit, ut pœnitum à culpis atrocioribus retrahantur: undè, cessante fine adæquato reservationis in eam ignorantibus, cessat etià reservatio. Nam respondetur, quod finis reservationis non sit tantum, ut fideles à culpis gravioribus absterreantur, sed etià (prout rectè dicit Fagnan. in c. Omnis, de Poenit. n. 90. cum aliis) ut recipiant à Superioribus poenitentias, et monita, ac remedia opportuniora, quæ nonnisi à prudentioribus applicari expedit; ergò, cum in ignorantibus non cesset adæquatè finis reservationis, reservatio non cessat.

Dubitatur 2. An ignorantes excusentur à casu reservato ab Episcopo, si casus est annexa excommunicatione? Certum est, quod ignorantia excuset ab excommunicatione; dubium est, an tunc excuset etià à reservatione casus? *Prima* sententia affirmat, et hanc tenent Wigandt. tr. 14 n. 58. Ciera d. 1 n. 31 et Fagund. Bonac. Quarti, Aversa, et Jan. apud Mazzotta t. 3 p. 455. v. Secundo. Ratio, quia cum adnectitur casui excommunicatio, reservatio fit indivisiibilis; undè qui non incurrit excommunicationem, nec etià incurrit peccati reservationem. *Secunda* verior sententia negat, et hanc tenent Tamb. de Cas. res.

c. 5 n. 7. Suar. de Pœnit. d. 29 sect. 2 n. 11. Layman l. 1 tr. 5 p. 2 c. 6 n. 10. Croix l. 6 p. 2 n. 1614 cum Stoz, et Mazzotta l. c. cum Mèrrol. Bossio, et aliis. Ratio, quia in hoc differunt casus Papales ab Episcopalibus; in Papalibus enim (ut diximus) principaliter, et indivisibiliter reservatur censura; in Episcopalibus verò principaliter, et per se reservatur casus, eique annectitur censura; ad hoc, ut peccantes fortius ligentur, et per duplicem reservationem à peccando absterreantur; et ideò in Tabella casuum reservatorum ad Episcopis sic illi annotantur: *Casus reservati, quibus est annexa excommunicatio.*

« 1. Cum non sit obligatio confiteudi venialia, ea » frustra reservantur, etsi fortassè possint, saltèm à » Papa; ideòque sola mortalia, eaque nonnisi externa » graviora, opere consummata, prudenter reservan- » tur * (*Hinc incestus, vel sodomia extra vas, non re- » servatur; vide Mazzotta tom. 3 pag. 592 num. 9 » et pag. 549. Insuper peccata reservata debent esse » perfecta in sua specie: unde sodomia imperfecta, » v. gr. maris cum fœmina, non intelligitur reservata; » ut Tournely tom. 3 pag. 501 vers. Etsi, cum Azor. » Sylvio, Conc. etc. ex D. Thoma 2. 2 q. 154 art. 1 » ubi ad sodomiam requiritur accessum ad indebitum » sexum.*) * »

✱ Hic dubitatur 1. an possint reservari peccata venialia? Negat Vasq. apud Croix n. 1604. Sed communissimè affirmant Holzm. p. 182 n. 692. Conc. p. 559 n. 2. Ciera n. 63 et Croix l. c., cum Suar. Lugo, Conc. Fill. Dic. et Aversa, Ratio, quia licet non sit obligatio confitendi venialia, tamen ipsa non possunt remitti per Sacramentum Pœnitentiæ, nisi ex vi jurisdictionis dependentis ab Ecclesia, quæ benè potest negare vel limitare.

Dubitatur 2. an possint reservari peccata merè interna? Videtur negandum, cum peccata interna, utpotè occulta, non subjiciantur judicio Ecclesiæ, quæ non judicat de occultis. Sed communiter et rectè affirmant Elbel n. 342. Viva quæst. 9 a. 2 nu. 1. Ant

p. 527 q. 1 et Croix n. 1605 cum Suar. Vasq. Bonac. Soto, Sylvio etc. Ratio, quia omnia peccata etiã interna absolvuntur vi jurisdictionis, quæ ab Ecclesia (cujus est dare jurisdictionem) potest restringi. Unde Ecclesia, reservando peccata interna, non judicat de illis, sed de absolutione ab illis; quæ est actus externus. Advertit tamen Tamburr. de Casib. reser. l. 5 c. 4 n. 12. Ecclesiam numquã consuevisse hujusmodi peccata interna reservare.

Dubitat 3. An cadat sub reservationem peccatum externè leve; si internè sit grave? Affirmat Turrianus in Select. Disp. p. 3. D. 31 dub. 71. Sed alii veriùs et communiter negant, ut Lugo d. 20 n. 15. Suar. tr. 4 de Relig. l. 2 c. 18 num. 12 ac Ciera D. 1 n. 69 cum Granad. Bon. Heringq. Sanch. et aliis. Ratio, quia, licet actus externus imbibat totam malitiam actus interni, et totam mereatur pœnam æternam, tamen quodã reservationem diversa eurrit ratio, quia Superiores non intendunt reservare peccata, nisi graviter exteriùs consummata, cum non soleant reservare interna.

• Unde Clemens Octavus statuit, ut Prælati Reli- 583
 » gionum, si quidem velint, undecim tantum casus
 » reservare possint, nec plures sine consensu Capi-
 » tuli generalis pro tota Religionè, vel Capituli pro-
 » vincialis pro Provincia. Quod tamen de culpa tan-
 » tum, et non censuris intelligendum est; potest enim
 » Prælati aliquid præcipere sub excommunicatione
 » sibi reservata, * (*Sed communiùs et probabiliùs negant*
 » *DD. posse Prælatos imponere censuras super aliquem*
 » *casum; idè Lugo d. 20 n. 47. Sanch l. 6 c. 1 n. 15 et*
 » *Holz. p. 181 n. 688 cum Diana, quia hoc esset indi-*
 » *rectè velle reservare, et eludere prohibitionem Clem.*
 » *Et de hoc Cont. Tournely t. 6 p. 2 p. 125. profert*
 » *Dècretum S. C. Episc. sub 7 Julii 1717.*)*

« Casus autem Clementis sunt sequentes: 1. Apos-
 » tasia à Religionè, etiã retento habitu. 2. Noctur-
 » na, ac furtiva à Monasterio egressio. 3. Veneficia,
 » incantationes, et sortilegia. 4. Proprietas contra
 » votum paupertatis, quæ sit peccatum mortale.

» 5. Furtum mortale de rebus Monasterii. 6. Lapsus
 » carnis voluntarius opere consummatus. 7. Juramen-
 » tum falsum in iudicio legitimo. 8. Procuratio ,
 » consilium , vel auxilium ad abortum fœtus animati
 » etiã effectui non secuto. 9. Occisio , vel vulnera-
 » tio , seu gravis percussio cujuscumque personæ.
 » 10 Falsificatio manûs , vel sigilli officialium Mo-
 » nasterii. 11. Malitiosum impedimentum , retardatio
 » aut apertio litterarum à Superioribus ad inferiores,
 » vel contra. »

Hic notandum , quod Religiosi exempti non subja-
 ceant reservationi Episcopi, nec eorum Novitii : Maz-
 t. 3 p. 458 q. 5. Neque ipsorum familiares , ut habe-
 tur ex Bulla Clementis VIII. *Superna*, modò (ut ibi
 dicitur) *inibi sint quasi de familia , et continui com-
 menses*. Id extendit Bordon. ad Alumnos Monaste-
 riorum. Si verò Novitius inciderit in casum reserva-
 tum antè ingressum , non poterit quidem absolvi à
 quolibet Confessario sæculari, sed poterit à Confessa-
 rio Religionis , ob privilegium Religioni concessum ;
 Mazzotta l. c. cum Sanchez , Tamb. et aliis..

584 « Is, qui confitetur reservatum , mittendus est ad
 » superiorem (suadebit tamen charitas , imò ali-
 » quandò coget , ut ipse Confessarius tacitâ personâ ,
 » et casu à Superiore veniam petat absolvendi.)
 » * (*Ordinariè tamen loquendo , consultum est , ut Con-
 » fessarius à subeundo tali onere absteineat , ut Tamb.
 » in Meth. Conf. c. 9 § 4.)* * Quod si Superior adiri
 » non possit , et sit causa urgens , verbi gratiâ , ti-
 » mor infamiæ , vel scandali , ex omissione confes-
 » sionis , vel communionis , tunc potest inferior ab-
 » solvere à reservatis , cum onere , ut pœnitens se
 » postea superiori sistat , * (Vide de Censur. lib. 7
 » n. 91.) * Quod etiã verum est , quàmvis casus
 » censuram reservatam annexam habeat. * (*Imò hoc
 » est certum ex c. De Cœtero , et c. Ea noscitur , de
 » Sent. excom. Vide lib. 7 n. 86.)* * Porro eo casu
 » peccata non reservata tantùm confiteri sufficere pu-
 » tant probabiliter Sotus , Corduba , et Gabr. Anton.

- » Palaus, Dian. t. 2 tract. 4 res. 104 et Lugo d. 14 de
- » Euchar. n. 86 non improbat : S. Th. tamen, Suar.
- » et alii commun. docent omnia esse confitenda ,
- » quod tutius est. »

Quando igitur adest impedimentum, et urget gra-⁵⁸⁵
vis causa confitendi, quivis Confessarius potest indi-
rectè absolvere à casibus reservatis ab Episcopo (et
etià à reservatis à Papa, si Episcopos non possit
adiri, ut diximus n. 563 dub II.) Ità communiter
Laym. c. 12 n. 10. Suar. d. 31 sect. 3 n. 3. Pal. p. 15.
Conc. p. 558 n. 10. Wigandt. tr. 14 n. 76. Viva q. 9
art. 2 n. 9. Elbel. n. 372. Bon. par. 5 § 3 num. 5 et
Ciera n. 74. Salm. c. 14 n. 74 cum Coninck Rodriq.
Henr. etc. Et hoc etià si peccatum sit reservatum
cum excommunicatione, ut dicunt Suar. d. 31 sect. 2.
Fill. n. 303. Salm. num. 75. Ciera l. c. cum Lugo,
et Bon. ibid cum Vasq. Cano, et Led. (contrà Nav.
Sa, etc.) Vide dicta n. 265. Qu. III.

Diximus 1. si adsit *gravis causa*, nempè si nequeat
adiri Superior sine Scandalo, aut nota infamiæ (ut
ajunt Conc. et Wigandt, vel sine magna difficultate ;
puta si habens facultatem longè distet (ut dicunt
Laym. Elbel, et Bon.) ; et ex alia parte urgeat necessi-
tas communicandi, vel implendi præceptum annuæ
Confessionis, aut ne diù poenitens maneat in peccato
mortali ; ut dicunt communiter omnes præfati AA.

Diximus 2. *indirectè*, undè (juxtà sententiam proba-
biliorem, allatam n. 265. Qu. I.) tenetur poenitens Con-
fessario non habenti facultatem in reservata, confiteri
alia mortalia non reservata, ut directè ab his absol-
vatur, et indirectè à reservatis, ac deindè tenetur,
cessante impedimento, reservati confiteri Confessario
habenti potestatem, juxtà dicenda in dub. seq. et de
Censur. l. 7 n. 91. Et sic pariter, si non habeat aliud
mortale non reservatum, et dubitet de contritione,
urgente præcepto Confessionis, tenetur confiteri sal-
tèm aliquod veniale, vel mortale aliàs confessum.
Vide dicta d. n. 265.

Dubitatur 1. An, si impedimentum adeundi Supe-

riorem sit perpetuum, possit tunc inferior directè absolvere à peccato reservato sine censura, ità ut pœnitens deobligetur in posterum ab adeundo Superiore, si postea cessabit impedimentum? Affirmant Sanch. Mor. lib. 2 c. 13 n. 50. et Salm. de Censur. c. 2 num. 46. quia (ut dicunt) nullo jure cavetur adesse onus se præsentandi ad Superiorem pro peccatis sine censura reservatis, quæ supponuntur eo casu directè remissa. Sed veriùs docent Suar. d. 30. sect. 3 n. 8 Laym. c. 12 n. 10. et Ciera n. 164. cum communi, quod extrà articulum mortis nullus inferior Sacerdos possit directè absolvere à reservatis.: *Extrà quem articulum* (dicit Trid. sess. 14 c. 7.) *Sacerdotes nihil posse in casibus reservatis.* Hoc verò procedit in casibus Episcopalibus; nam in Pontificiis regula juris est (ut benè ait Suar. l. c.) quod, quoties non patet aditus ad Pontificem, possit pœnitens directè absolvi ab Episcopo, vel cum etià adsit impedimentum adeundi Episcopum, à quolibet Confessario, cum onere in posterum se præsentandi Pontifici, quando poterit, si impedimentum non est perpetuum; nam si est perpetuum, omninò liberatur, juxtà dicenda lib. 7 num. 88. De absolutione autem horum casuum Papalium pro his, qui sunt impediti, quominùs Pontificem adeant, vide alia dicenda de Cens. lib. 7. ex n. 84.

Dubitatur 2 Utrùm habens peccatum reservatum, si desit Confessarius, qui habeat facultatem, teneatur confiteri inferiori, urgente necessitate communicandi? Quàmvis negativa sententia non sit improbabilis, communior tamen et probabilior est affirmativa, quia antè Communionem fieri debet Confessio, saltèm formaliter integra, quando materialiter fieri nequit. Vide dicta n. 265. Qu. I.

Dubitatur 3. Utrùm hujusmodi pœnitens volens confiteri inferiori, teneatur tunc manifestare tam mortalia reservata, quàm non reservata? Vide ib. Quæst. II. ubi diximus, probabilem esse sententiam negativam, nisi manifestatio reservatorum sit necessaria, ut Confessarius possit rectè judicare de dispo-

sitione poenitentis, et opportuna remedia præscribere. Undè si Confessarius interroget, tenetur omninò Poenitens etiàm reservata manifestare; nam (ut benè ait Lugo d. 16 n. 123.) esto poenitens per se aliquandò non teneatur aliqua manifestare, debet tamen ea patefacere, si interroget Confessarius, qui jus habet agnoscendi statum ejus conscientiae, tam uti judex, ut rectè possit judicare de dispositione, quàm uti Medicus, ut remedia salutaria queat applicare. Et huic videtur concordare id, quod docet D. Thomas Suppl. 3. p. q. 9. art. 2. ad 4. ubi ait: *Etiàmsi Sacerdos non possit de omnibus absolvere, tamen tenetur poenitens ei omnia confiteri, ut (nota) quantitatem totius culpe agnoscat.*

« 3. Si Superior injustè neget facultatem absolven- 586
di à reservato, posse ab alio Confessario etiàm di-
rectè absolveri, affirmant Henrig. et Dian. p. 2 tom.
» 4. Resol. 29 esse probabile. Sed rectius negant Laym:
» lib. 3 traet. 9 cap. 13 Card. de Lugo d. 29 n. 233:
» * (*Et hanc tenendam puto cum communi, quam tuen-*
» *tur* Lugo d. 20 n. 148. Laym. cap. 13 n. 3. Salm:
» cap. 13 n. 62. et Ciera d. 1 n. 126. cum Suar. Soto,
» Alensi, Med. etc. *Ratio, tum quia, ex Trid. ut su-*
» *prà, Sacerdotes inferiores nihil possunt in reservatis;*
» *tum quia, sicut valida est injusta reservatio, ità etiàm*
» *injusta denegatio facultatis).*

» 4. Peccant Superiores, si sine justa causa diffi-
ciles se præbeant in concedendis licentiis pro ab-
» solutione reservatorum. Quintan. t. 3 n. 13. ex Fag.
» Conc. et aliis 10. Et si ex negatione timeatur grave
» subditi detrimentum, peccant contra charitatem, et
» justitiam. Lugo, Diana p. 6 t. 6 R. 56. * (*Undè ait*
» *Ciera D. 1 n. 109. cum Suar. ex D. Thoma, Superi-*
» *orem regulariter non debere esse difficilem in conce-*
» *dendu facultate; ac proinde peccare, si eam neget,*
» *casu quo sciat poenitentem nullo modo posse induci ad*
» *ipsum aleundum).* *

» 5. Si Superior Confessario Regularium ad hoc
» deputato neget facultatem absolvendi, Confessarius

» autem judicet debere concedi, potest is pro ista
 » vice absolvere. Avers. q. 17 sect. 5 Lugo d. 20 sect.
 » 4 referens sic declarasse Clementem VIII. haberi-
 » que in quarto tomo Bullarii, Bulla 26 Urbani VIII.
 » (Ità etià communiter Salm. de Pœnit. cap. 13
 » n. 63. cum Gabr. et Viva q. 9 art. 4 n. 7. qui notat
 » quod to., pro ista vice, *intelligatur toties quoties in-*
 » *terciderit, Et de hoc* Conc. Tournely to. 6 p. 2 pag.
 » 125 profert Decretum S. C. de consensu Urb. VII.)
 » et Quintan. t. 3 sect. 11 dicens, non esse dubium
 » ea de re : additque ex aliis septem probabile esse,
 » idem posse, si viro religioso, pio, docto, et pru-
 » denti, licet non ex designatis de facto, neget. Dian
 » p. 3 t. 3 res. 126 par. 6 to. 6 rez. 56 et par. 9 tom. 3
 » R. 15 ex Pellizario (qui vult idem esse, si pœni-
 » tens ipse petat) et aliis. Imò Quintan. loc. cit. cen-
 » set probabile, quod idem fieri possit, si Superior
 » adiri nequeat, et urgeat tempus celebrationis, vel
 » communionis, v. g. quia sine nota non potest ab-
 » stinere, cum alii omnes communicent. ibid ex Trull.
 » et aliis sex. Deniquè Dian. p. 3 tr. 2 res. 26 notat
 » ex Suar. de Relig. tom. 4 lib. 2 c. 15. Regulares
 » semel sine licentia suorum Superiorum posse ab-
 » solvi à reservatis, puta eos, qui adhuc, et quate-
 » nùs hoc privilegium commune habent cum FF.
 » Minoribus, quorum id esse testatur Emmanuel
 » Rodr. tom. 1 qq. Reg. q. 62 art. 6.

» 6. Nihilominus certum est, posse aliquandò Su-
 » periores justis de causis negare facultatem, et co-
 » gere subditum, ut ad se veniat. Card. de Lugo loc.
 » cit. Nam si ex casu reservato grave scandalum, vel
 » damnum communitatis timeatur, potest Superior
 » negare absolutionem, donec pœnitens per se, vel
 » Confessarium Superiori det sufficienter notitiam ad
 » illud evitandum : aliàs non est satis tutus, nec
 » dispositus ad absolutionem. Quare si Confessarius
 » eo casu urgeat absolutionem, debet is attendere,
 » et pœnitens obligationi suæ satisfaciatur in adhiben-
 » do remedio communi malo, vel damno, si sit ejus

- » periculum , quia , nisi hoc faciat , non potest ab-
- » solvi , non ex defectu jurisdictionis , sed quia non
- » est dispositus. Ad hoc tamen requiritur , ut et obli-
- » gatio pœnitentis certa sit , et alia remedia adhiberi
- » non possint. Suar. to. 4 de Relig. l. 8 c. 5 n. 10.
- » 7. Peregrinus , quoad reservationem judicandus 587
- » est juxta diocesim , in qua versatur : in qua quæ
- » reservata sint , discant Pastores ex Agendis , aut con-
- » suetudine. »

Quæritur igitur , an peregrinus discedens in aliam Diocesim possit ibi absolvi à casibus reservatis ? Si peccatum in utraque Diocesi est reservatum , commune est apud omnes , talem non posse absolvi à quolibet Confessario ; ita communiter Suar. D. 30 s. 1 n. 6. Nav. Man. cap. 17 n. 261. Lugo D. 20 n. 69. Bon. D. 5 q. 7 par. 5 § 2 n. 9. et alii passim. Posse verò absolvi à Confessario habente facultatem in reservata , dicunt Suar. Bon. et Lugo l. cit. et P. Milante in prop. 12 damn. ab. Alexand. VII. pag. 102 ac Viva quæst. 9 art. 3 n. 5 in fine , cum communiori , quia (ut ait Suar.) talis pœnitens judicandus est quoad Confessionem tamquam incola illius Diœcesis.

Sed dubitatur 1. An possit absolvi à simplici Con- 588
fessario peregrinus habens peccatum quod est reser-
vatum in illa Diocesi , sed non in patria ? *Prima* sen-
tentia affirmat , quam tenent Fagund. et Stoz apud
Croix n. 1631. ac Sotus apud Viva qu. 9 art. 4 n. 4.
v. Equidem , (qui probabilem putat) et alii ap. Suar.
D. 30 sect. 1 n. 6. Ratio , quia peregrinus debet judi-
cari juxta leges Superioris sui , cujus tacito consensu
Confessarius loci eum absolvit. *Secunda* verò senten-
tia negat , et hanc tenent Suar. l. c. Lugo D. 20 n. 72.
Bon. part. 5 § 2 n. 11. Concina pag. 570 n. 4. Wigandt
tract. 14 n. 58. Ciera D. 1 n. 61. et Salm. cap. 13 n. 26.
cum Villal. Dian. Aversa , et Dicast. ac probabilem
etiã putat Viva l. c. Ratio , tum quia peregrinus de-
bet se conformare legibus loci , in quo se subijcit ju-
dicio sacramentali ; tum quia , sicut talis pœnitens
sentit commodum , ut possit per quemlibet Confessa-

rium absolvi à peccatis reservatis tantum in sua patria, prout dicemus in dubio sequenti, ita debet sentire incommodum, ut non possit absolvi à peccatis reservatis in loco Confessionis. Et sic resolvit S. C. Episc. 17 Novemb. 1616 apud Pitton. de Confess. n. 620. Hæc sententia est quidem communior, et longè probabilior, quia peregrini, stante hodiernâ consuetudine (ut mox infra dicetur), nempe quod absolvantur ubique à quocumque Confessario approbato, hodiè non amplius absolvuntur ex voluntate suorum Episcoporum, sed ex voluntate Ecclesiæ, quæ talem consuetudinem approbando tribuit facultatem, ut habeantur ipsi tamquam incolæ loci ubi confitentur: cum autem reservatio (ut probavimus n. 581.) respiciat Confessarios, non pœnitentes, Confessarius loci nequit absolvere eos à peccato, in quo sibi limitata est jurisdictio à suo Ordinario.

- 389 Dubitatur 2. An possit absolvi peregrinus irretitus peccato, quod est tantum in sua patria reservatum? *Prima* sententia negat, et hanc tenent auctor de offic. Confess. apud Croix lib. 1 cap. 1 art. 2 quæst. 18 item Vega, Comitol. Nunnus, et Megala apud Dian. part. 3 tract. 4 R 103. et Soto, Fag. Graff. etc. apud Salm. cap. 13 n. 22. Ratio quia cum peregrinus absolvatur ex licentia sui Episcopi, non videtur credibile, quod Episcopus, qui in sua Diocesi casum reservat, non reservet etiam extrâ. *Secunda* verò sententia communissima et verior affirmat, eamque tenent Lugo D. 20 n. 71. Suar. D. 20 sect. 1 n. 4. cum Cajet S. Antonin. et Palud. Concina pag. 570 n. 4. Ronc. pag. 106. quæst. 1 R. 2 Mazzotta tom. 3 pag. 479. Croix n. 1631. Cahassut. lib. 3 cap. 12 n. 1. cum Vasq. Bonac. ac Salm. c. 13 n. 24 cum Præpos. Gabr. Henr. etc. Ratio, quia sic habet universalis consuetudo, ut peregrini quoad Confessionem reputentur uti incolæ loci ubi versantur. Hæcque consuetudo approbata est consensu Prælatorum, et maxime Eugenii IV. qui (uti ferunt Lugo, et Salm. ll. cc.) approbavit, quod ii, qui in alieno Episcopatu bonâ fide

versantur , se gerant in ordine ad Confessionem sicut incolæ illius loci. Valdè autem rationabilis est talis consuetudo , aliàs Confessarii vix possent ullum peregrinum absolvere , cum sæpius accidat , quod neque pœnitentes , neque Confessarii sciant casus in aliena Diœcesi reservatos.

Idque confirmatur ex Bulla , *Superna* , Clemen. X. edita 21 Junii 1670 (relata in extensum apud Croix lib. 7 p. 2 n. 1502.) in qua sic dicitur : *Posse autem regularem Confessarium in Diœcesi , in qua est approbatus , confluentes ex alia Diœcesi à peccatis in ipsa reservatis , non autem in illa , ubi idem Confessor est approbatus , absolvere ; nisi eosdem pœnitentes noverit in fraudem reservationis ad alienam Diœcesin pro absolutione obtinenda migrasse.* Quæ limitatio valet non solum pro Confessariis regularibus : sed etiàm (imò tanto magis) pro sæcularibus , ut rectè dicunt Croix n. 1631. Viva quæst. 9 n. 3. art. 4 et Roncaglia pag. 106 qu. 1 R. 2 ex Declaratione S. C. apud Dianam.

Quomodò autem intelligendum illud *in fraudem reservationis* , multum DD. discrepant. P. Concina p. 570 n. 4. dicit intelligi , si non fiat bona fide ; et in hoc reverà conveniunt omnes , sed sic non explicatur , ubi consistat fraus , quod est punctum difficultatis. Alii verò , ut P. Mazzotta to. 3 pag. 470 in fine , cum Tamb. et aliis , explicant *to in fraudem* , si casus deductus sit ad forum contentiosum , secùs si occultus ; sed hæc explicatio non videtur congrua , cum Pontifex non loquatur de foro externo , sed tantum de sacramentali. Alii , ut P. Milante in prop. 12 damn. ab Alexandr. VII. pag. 102 (cui consentit Wigandt tract. 14 n. 60.) sic explicat : « (Tunc enim dicitur pœnitens in fraudem reservationis aliò migrare , quando peccavit in confidentiam absolutionis obtinendæ , ubi peccatum reservatum non erat. Si verò postquàm crimen commisit , ut faciliùs absolvatur , aliò divertit , non censetur per fraudem operari , quia nullo intercedente dolo , sed causà majoris facilitatis è suâ Diœ-

rium absolvi à peccatis reservatis tantum in sua patria, prout dicemus in dubio sequenti, ita debet sentire incommodum, ut non possit absolvi à peccatis reservatis in loco Confessionis. Et sic resolvit S. C. Episc. 17 Novemb. 1616 apud Pitton. de Confess. n. 620. Hæc sententia est quidem communior, et longè probabilior, quia peregrini, stante hodiernâ consuetudine (ut mox infra dicetur), nempe quod absolvantur ubique à quocumque Confessario approbato, hodiè non amplius absolvantur ex voluntate suorum Episcoporum, sed ex voluntate Ecclesiæ, quæ talem consuetudinem approbando tribuit facultatem, ut habeantur ipsi tamquam incolæ loci ubi confitentur: cum autem reservatio (ut probavimus n. 581.) respiciat Confessarios, non pœnitescentes, Confessarius loci nequit absolvere eos à peccato, in quo sibi limitata est jurisdictio à suo Ordinario.

- 589 Dubitatur 2. An possit absolvi peregrinus irretitus peccato, quod est tantum in sua patria reservatum? *Prima* sententia negat, et hanc tenent auctor de offic. Confess. apud Croix lib. 1 cap. 1 art. 2 quæst. 18 item Vega, Comitol. Nunnus, et Megala apud Dian. part. 3 tract. 4 R 103. et Solo, Fag. Graff. etc. apud Salm. cap. 13 n. 22. Ratio quia cum peregrinus absolvatur ex licentia sui Episcopi, non videtur credibile, quod Episcopus, qui in sua Diocesi casum reservat, non reservet etiam extrâ. *Secunda* verò sententia communissima et verior affirmat, eamque tenent Lugo D. 20 n. 71. Suar. D. 20 sect. 1 n. 4. cum Cajet S. Antonin. et Palud. Concina pag. 570 n. 4. Ronc. pag. 106. quæst. 1 R. 2 Mazzotta tom. 3 pag. 479. Croix n. 1631. Cabassut. lib. 3 cap. 12 n. 1. cum Vasq. Bonac. ac Salm. c. 13 n. 24 cum Præpos. Gabr. Henr. etc. Ratio, quia sic habet universalis consuetudo, ut peregrini quoad Confessionem reputentur uti incolæ loci ubi versantur. Hæcque consuetudo approbata est consensu Prælatorum, et maxime Eugenii IV. qui (uti ferunt Lugo, et Salm. ll. cc.) approbavit, quod ii, qui in alieno Episcopatu bonâ fide

versantur , se gerant in ordine ad Confessionem sicut incolæ illius loci. Valdè autem rationabilis est talis consuetudo , aliàs Confessarii vix possent ullum peregrinum absolvere , cum sæpius accidat , quod neque poenitentes , neque Confessarii sciant casus in aliena Diocesi reservatos.

Idque confirmatur ex Bulla, *Superna*, Clemen. X. edita 21 Junii 1670 (relata in extensum apud Croix lib. 7 p. 2 n. 1502.) in qua sic dicitur: *Posse autem regularem Confessarium in Diocesi, in qua est approbatus, confluentes ex alia Diocesi à peccatis in ipsa reservatis, non autem in illa, ubi idem Confessor est approbatus, absolvere; nisi eosdem poenitentes noverit in fraudem reservationis ad alienam Diocesin pro absolutione obtinenda migrasse.* Quæ limitatio valet non solum pro Confessariis regularibus: sed etiàm (imò tanto magis) pro sæcularibus, ut rectè dicunt Croix n. 1631. Viva quæst. 9 n. 3. art. 4 et Roncaglia pag. 106 qu. 1 R. 2 ex Declaratione S. C. apud Dianam.

Quomodò autem intelligendum illud *in fraudem reservationis*, multum DD. discrepant. P. Concina p. 370 n. 4. dicit intelligi, si non fiat bona fide; et in hoc reverà conveniunt omnes, sed sic non explicatur, ubi consistat fraus, quod est punctum difficultatis. Alii verò, ut P. Mazzotta to. 3 pag. 470 in fine, cum Tamb. et aliis, explicant *to in fraudem*, si casus deductus sit ad forum contentiosum, secùs si occultus; sed hæc explicatio non videtur congrua, cum Pontifex non loquatur de foro externo, sed tantum de sacramentali. Alii, ut P. Milante in prop. 12 damn. ab Alexandr. VII. pag. 102 (cui consentit Wigandt tract. 14 n. 60.) sic explicat: « (Tunc enim dicitur poenitens in fraudem reservationis aliò migrare, quando peccavit in confidentiam absolutionis obtinendæ, ubi peccatum reservatum non erat. Si verò postquam crimen commisit, ut faciliùs absolvatur, aliò divertit, non censetur per fraudem operari, quia nullo intercedente dolo, sed causâ majoris facilitatis è suâ Dio-

cesi abscedit : non secùs ac si accederet ad aliam Diœcesim , in qua idem crimen foret reservatum , sed plures adessent pœnitentarii à quibus posset absolvi.) » Et ità sentit etiàm Palaus tr. 3 d. 1 p. 24 § 5 n. 4. cum Basil. de Leone (quibus adhærent Salm. de Leg. c. 3 n. 63. in fine), dum dicit, habentem casus reservados posse peregrinari eâ intentione , ut alii confiteatur. Sed huic explicationi, nempè quod illud *in fraudem* intelligatur de peccato in confidentiam , neque acquiescere valeo, cum Pontifex prohibeat absolvi, non qui peccant in fraudem, sed qui in fraudem migrant ad alienam Diœcesim. Alii, ut Passerin. to. 1 q. 187 art. 1 n. 562. et Auctor libri (Istruz. per li Novel. Confess. part. 2 cap. 22 n. 503.) et Campione pag. 63 n. 18. dicunt, pœnitentem tunc migrare in fraudem , si ad solum finem obtinendi absolutionem aliò discedat , sine alio rationabili motivo. Alii tandem probabiliùs , ut Lugo d. 20 n. 70. cum Fagundes , Roncaglia pag. 106. quæst. 1 R. 2 et Viva quæst. 9 art. 3 n. 4. cum Portel. explicant to *in fraudem* , quandò quis alienam petit Diœcesim ob principalem finem obtinendi absolutionem , vitandique iudicium proprii Pastoris. Ratio , quia fraus dicitur intervenire, ubi lex redditur elusoria, ut ait Barbosa, Axio- mate 102 n. 4. Eluderetur autem hic reservationis lex , si pœnitens aliò migraret ex principali motivo petendi absolutionem. Undè benè ipse absolvi poterit , si abscesserit ad aliquam Diœcesim ob aliquem honestum finem , puta negotii agendi , vel Indulgentiam lucrandi ; vel ut confiteatur cum minori incommodo , aut citiùs Confessionem expediat ; vel ut Confessarium incognitum , aut prudentiorem inveniatur , qui meliùs eum dirigat , et tranquillitati suæ conscientiæ consulat , et similia. Secùs (ut diximus) si eò accedat ex principali fine , ut effugiat iudicium sui Superioris , vel ut faciliùs absolvatur. Neque tunc proderit huic pœnitenti , quod bona fide credat hoc ei non esse velitum ; nam licet tunc ipse non migraret cum fraude , reverà tamen migraret in fraudem

reservationis. Et hoc dicit Ronc. p. 106 q. 2 procedere, etiãmsi poenitens accedat aliquò ad Confessarium habentem facultatem absolvendi à reservatis, quia tunc etiãmsi eadem fraus interveniret. Idemque ait Mansi de casib. res. p. 1 q. 1 n. 19. (cui adhæret Roncag. ibid.) de eo, qui in fraudem reservationis peccatum reservatum in patria extrà committeret, ad finem obtinendi ibi postea absolutionem. Sed huic ego non adhæreo, quia hic non jam migraret *in fraudem reservationis pro absolutione obtinenda*, ut habetur in Bulla Clementis (ut suprà n. 389), sed migraret aliò, ne incurreret reservationem.

Dubitatur 3. An poenitens extrà Dioecesim possit³⁹⁰ absolvi à censura, quæ tantum in patria est reservata? Affirmant Passer t. 2 q. 187 n. 470. et alii. Sed melius negant Wigandt tr. 14 n. 59. et Ronc. p. 106 q. 1 R. 2. Ratio, quia tota facultas simplicis Confessarii absolvendi à censuris habetur ex c. Nuper de sent. excom. in 6, ibi autem dicitur, simplicem Confessarium non posse absolvere à censuris, quando sunt reservatæ, quapropter in censuris reservatis Confessarius simplex nihil potest.

Dubitatur 4. An peregrinus peccando in alia Dioe-³⁹¹cesi, ubi casus ille est reservatus, incurrat reservationem, et nequeat ibi absolvi nisi à facultatem habente? *Prima* sententia negat; et hanc tenent Pel. Dian., et alii apud Mazzotta p. 457 qui probabilem putat; quia peregrini (ut asserit ex Sanch., Azor. Conc. etc.) non tenentur legibus loci, in quo versantur, nisi ibi saltèm quasi domicilium habeant. *Secunda* tamen sententia probabilior affirmat, quam tenet idem Mazz. l. c. et Aversa q. 17 sect. 3. Ratio, tum quia, licet peregrinus probabilius (ut diximus de Legib. lib. 1 n. 156.) non subiaceat legibus loci, per quem transit, tamen ratione delicti, illius, dum peccat, fit subditus; tum quia probabilius (ut diximus n. 588.), Confessarius, quem respicit reservatio, non potest absolvere peregrinos, nisi juxta limites jurisdictionis, quam habet à suo Ordinario.

Incurrer igitur iste peregrinus casum reservatum, non tamen incurrer excommunicationem illi annexam, ut veriùs dicunt Coninck d. 13 dub. 7 n. 58. Suar. de Censur. d. 5 sect. 5 n. 8. Salm. eod. tit. c. 1 n. 117. cum Sylvest. Avila, Covar. ac Mazzotta l. cit. et to. 4 p. 263. cum Sayr. (contra Abbat. Graff. etc.) idque probant ex cap. A nobis, 25, de sent. excomm. in 6 ubi sic dicitur: *Solos subditos comprehendi sub excommunicatione lata ab Episcopo pro futuris delictis*. Ratio est, quia excommunicatio non potest ferri nisi in subditos et contumaces; peregrini autem, quàmvis constituentur subditi ratione peccati, tamen, cum antè peccatum non fuerint subditi, nequeunt dici contumaces. Et hoc sive excommunicatio sit inflictà per modum sententiæ particularis, sive per modum statuti generalis; quia alienigenæ non subjacent his censuris, nisi contraxerint domicilium, vel quasi, in loco ubi illæ sunt latæ, ut probabiliùs dicunt Salm. de Censur. c. 1 n. 116 et 117. cum Sanch. Less. Sylv. Bon. Candido, Sayr. Avila, et Covar. (vide dicta l. 1 n. 156. v. Pro majori) Excipit Mazzotta l. c. excommunicationes, quæ feruntur per statutum respiciens commune bonum territorii etc. Vide dicta lib. 1 numero 156.

⁵⁹² Dubitatur 5. An peccans intrâ Diœcesim, sed in Monasterio exempto, incurrat casum reservatum? *Prima* sententia negat, et hanc tenent Baucius, et Henric. apud Dianam p. 10 tr. 14 R. 7 qui probabilem censet. Ratio; quia (ut dicunt) non incurritur reservatio, quandò committitur peccatum, ubi nulla est reservatio. *Secunda* verò sententia communior, quam amplectimur, affirmat, eamque tenent Suar. de Censur. d. 5 sect. 4 n. 6. Con. dub. 13 eod. tit. dub. 7 n. 63. Pal. to. 1 tr. 3 d. 1 p. 24 § 5 n. 30. Fill. tr. 11 n. 149. Concina de Pœnit. p. 570 n. 5. et probabilem putant Bon. de Cens. q. 1 p. 11 n. 8. et idem Diana l. c. cum Bord. Salas, Pasq. Vidal, etc. Ratio (ut dicunt) quia Monasteria Regularium, esto sint exempta quoad personas, non tamen sunt exempta

quoad locum. Sed hæc ratio non omninò suadet, quia (ut diximus l. 1 n. 156. v. Notandum II.) probabiliter hujusmodi Monasteria etià quoad locum sunt exempta, dum Tridentinum sess. 14 c. 5 de Reform. in fine appellat tam personas, quàm loca exempta. Ratio mihi potior est, quia casuum reservatio (ut diximus n. 581.) non jam respicit poenitentem, sed Confessarium, cui limitatur jurisdictio: undè Confessarius, qui absolutionem non ex alia impertire potest huic poenitenti, quàm ex facultate sui Episcopi, nequit illum absolvere, cum ab eodem Episcopo facultas sit ei limitata. Et ob eandem rationem idem dicendum cum Ronc. p. 106 q. 1 R. 1 Conc. l. c. Salm. c. 13 n. 26. Lugo d. 20 n. 72. et aliis, si talis poenitens peccatum, quod est reservatum in sua patria, commiserit in Diocesi, ubi reservatum non est: is quidem non poterit in propria Diocesi absolvi à simplici Confessario.

Dubitatur 6. An Episcopi possint absolvere peregrinos in sua Diocesi versantes à casibus Papalibus, et cum eis dispensare in irregularitatibus et suspensionibus Papæ reservatis? Quod ad hanc dispensationem pertinet, decisum est à Gregorio XIII. (ut refert Fagn. in c. Dilectus, de tempore ord. n. 36. p. 375) nihil posse Episcopum cum alienigenis, etià si hi fungentes officio Prætoris, aut Medici in ejus Diocesi commorentur. Quoad absolutionem verò casuum, commune est apud DD. quod Episcopus benè possit absolvere peregrinos à casibus Papalibus, modò sint occulti, ex facultate Tridentini in c. Licet 6 sess. 24. Ità Suar. de Poenit. d. 30 sect. 2 n. 3. et de Censur. d. 41 sect. 2 n. 12. Sanch. Dec. l. 2 c. 11 n. 8. ad 17 et Matr. l. 3 d. 23 n. 12. Bon. de Cens. d. 1 q. 3 p. 2 n. 5. et Barbosa in Trid. l. c. n. 43. cum Henr. Zer. Garcia, Naldo, Duaro, Navar. Boss. Marc., Trull. Homob. etc. Nec obstat, quod Concilium hanc facultatem Episcopis concesserit tantum ergà *delinquentes sibi subditos*; nam, uti rectè dicunt AA. præfati, subditi etià dicuntur tales peregrini, qui in foro sacra-

mentali subjiciuntur Episcopo Diœcesano. Idque refert Suar. l. c. de Censuris n. 10. declaratum fuisse à S. C. quæ respondit, posse absentem à sua Diœcesi absolvi ab Episcopo illius Diœcesis, in qua moratur, non autem à suo; rationem reddens, quia Concilium in d. cap. Liceat, loquitur de absolutione sacramentali in foro conscientiæ, quæ requirit præsentiam.

Eamdem autem facultatem habent Vicarii Capitulares Sede vacante, ut dicunt, communiter Sanch. Dec. l. 2 c. 11 n. 13. Croix l. 7 n. 135. et Salm. de Cens. c. 2 n. 54. cum Bon. Henr. et Avila. An autem eamdem facultatem habeant Abbates, et alii Prælati habentes jurisdictionem quasi Episcopalem? Negant Concina p. 571 n. 8. Barbosa in Trid. sect. 24 c. 6 n. 7. cum Garc. Gav. Led. item Suar. in 3 p. t. 4 d. 30 sect. 2 n. 6 ex quadam Declar. S. C. quâ dictum fuit: *In hoc Decreto Trid. non comprehenduntur habentes jurisdictionem ordinariam et quasi Episcopalem, sed tantum Episcopi privativè quodam omnes alios.* Ratio, quia talis facultas specialiter Episcopis est concessa, et concessionem strictè interpretari oportet. Affirmant verò Sanch. loc. citat. num. 5. et de Matrim. l. 8 d. 3 num. 9. Croix l. 7 num. 141. Salm. l. c. cum Henr. et Avila, Fagnan. in cap. accedentibus de Exces. Præl. n. 29. item Sayr. Duard. Pal. Portel. Trull. Boss. etc. apud Barb. loc. cit. Ratio, tum quia, (ut probat Fagnanus) nomine Episcoporum veniunt etià Prælati, qui habent jurisdictionem quasi Episcopalem privativè ad Episcopos; tum quia, quandò concessio facta est in jure, habet rationem legis, quæ extendi debet ad omnes casus, ubi eadem ratio currit: eadem autem ratio proculdubio currit tam pro Episcopis quàm pro hujusmodi Prælati, quia alias eorum subditi non haberent ad quem recurrerent pro absolutione prædictorum casuum. Neque obstat, ait Sanch., Declaratio S. C. quia de ea non constat authenticè, neque illi (ut ait) necessariò standum est. An Prælati regulares hanc habeant facultatem in subditos? Affirmat Sanch. n. 13. etc. apud Barb. alleg-

39 n. 18. ob Bullam S. Pii V. Sed negat Croix l. cit. cum Dicast. ex Decr. S. C. et Mendo ibid. confutat dictam Bullam.

Hic autem notandum 1 ex præfata Declaratione S. C. (contra id quod dicunt Salm. loc. c. cum Suar. Sanch. Bon. etc.) decisum esse, quod Episcopi extrâ Sacramentum Pœnitentiæ non possint absolvere à prædictis casibus Papalibus. Idque fert Fagnan. in cap. Dilectus, de temp. Ord. n. 36. pag. 375, declaratum fuisse etiâ à Greg. XIII. Notandum 2 declaratum quoque esse à S. C. (apud Fagn. ibid. n. 34.) quod, si Episcopus inciderit in aliquod crimen, de quo fit mentio in dicto c. Liceat, poterit deputare proprium suum Confessarium, esto sit extrâ suam Diœcesim, ad se absolvendum cum eadem facultate, quâ ipse posset alios sibi subditos absolvere. Notandum 3 ab eadem S. C. Concilii declaratum fuisse (apud Fagn. n. 37 et 38.) non esse tutum in conscientia, quâ absolveretur aut quocum dispensaretur à proprio Episcopo in casibus, sive irregularitatibus, aut suspensionibus contractis ob crimen patratum coram duobus, vel tribus testibus, quia Trid. utitur termino *occultis*, quod propriè loquendo est illius, quod probari non potest. Et ita etiâ sentiunt Graff. Garc. et Armentar. ap. Barb. in Trid. sess. 24 c. 6 n. 25. asserentes dici occultum, quod non potest probari. Sed alii communiter dicunt illud esse occultum, quod non est notorium, et quod potest aliquâ tergiversatione celari, etiâ si per aliquos testes probari possit; ita Suar. t. 4 d. 13 sect. 2 n. 2. Sanch. de Matr. l. 8 d. 34 n. 55. Bonac. de Cens. d. 1 q. 3 p. 2 n. 1. cum Avila, Reg. Azor. Contin. Tourn. to. 2 p. 448 R. 3 cum Sayr. et tom. 3 p. 322 in fin. Salm. de Cens. c. 2 n. 59. cum Pal. Henriq. Pell. etc. item Barbos. l. cit. n. 26. cum Mol. Comit. Fagn. Gav. Vival. Vega, Sa, Gutt. Piasec. Ugolin. Durad. Marchin. Boss. et aliis innumeris ex Glossa apud Tournely, quæ ait: *quandoque dicitur occultum, quod probari potest*. Hinc docent Sanch Tournely, Bonac. cum Avila, Azor. et Reg. ac Salm. l. c. cum

Pelliz. Henr. Pal. etc. tunc crimen dici publicum , quandò scitur à majori parte Oppidi , vicinæ , vel Collegii , modò (ut ajunt Sanch. Salm. et Tourn.) saltèm ibi sint decem personæ.

Utrùm autem Episcopus possit cum peregrinis dispensare in votis ? et an cum impeditis adire Pontificem, urgente necessitate, an possit etiàm dispensare in irregularitatibus , et impedimentis Matrimonii ? Vide dicta lib. 1 de Leg. et lib. 3 de Voto n. 262. et n. 332. v. An autem.

- 594 Dubit. 7. An facultas à Tridentino intelligatur Episcopis concessa pro solis casibus et irregularitatibus Papæ reservatis antè Concilium ? Affirmant Floronus et Garcias ap. Dian. p. 7 tract. 2 R. 20, ex quadam Declaratione Gregorii XIII. quâ dictum fuit, Episcopum non posse absolvere Monialem frangentem clausuram ab excommunicatione occulta reservata Pontifici, ob Bullam S. Pii V. Undè idem dicendum inferunt de aliis excommunicationibus post Tridentinum impositis. Sed valdè probabiliter negant Sanch. Dec. 1. 6. c. 15 n. 73. cum Sorbo, Bon. de Claus. Monial. t. 1 q. 1 p. 5 n. 1/p. 692. et de Censur. d. 1. q. 3 p. 2 n. 1. Delbene de Imm. Eccl. d. 8 dub. 16. Renzi t. 2 p. 285. cum Suar. et Mazz p. 460. ac Dian. R. 20 et R. 22. cum Boss. ac Beja. Ratio, quia Concilium indefinite concedit Episcopis facultatem absolvendi *in quibuscumque casibus occultis etiàm Sedi Apostolicæ reservatis*; ubi autem lex non distinguit, nec nos distinguere debemus. Ad dictam autem declarationem Gregorii XIII. respondent præfati AA. de ea non constare authenticè. Sed hæc responsio mihi non satisfacit; nam præter Florenum, et Garciam, ut suprâ, ac Sanctarell. de Hæret. c. 5 dub. 1 n. 1. atque Zecchium, et alium auctorem apud Sanch. l. c. qui testantur de veritate hujus declarationis; magnam probationem mihi facit Fagnan. in c. Dilectus, de Temp. Ordin. n. 32 to. 1 p. 375. qui eamdem Declar. ut firmam adducit; et huic auctori minimè videtur in hoc fides neganda, cum ipse 15 annos functus sit munere

Secretarii S. C. Concilii , undè meliùs aliis poterat callere res gestas in eadem Congregatione : tantò magis , quod exponat factum cum suis peculiaribus circumstantiis : refert enim, quod Episcopus Florentinus petierit, an vigore Tridentini in cap. Liceat, potuisset absolvere quamdam Monialem, quæ occultè et ad malum finem Clausuram fregerat , non obstante Bulla S. Pii V. quæ subjecit Moniales frangentes , necnon licentiam concedentes , comitantes etc. excommunicationi , à qua præterquam à Romano Pontifice , nisi in mortis articulo , absolvi nequeant ? Plures Cardinales sentiebant, eum non posse absolvere, quia in Bulla aderat Clausula, *nisi in articulo mortis*, et quia Bulla confecta fuerat post Concilium; sed cum alii huic sententiæ non adhæsisent , res delata est ad summum Pontificem , qui declaravit, Episcopum non posse absolvere , undè animadvertendum cum eod. Fagn. in c. Quoniam , de Constit. n. 29 et 30. facultati à Tridentino Episcopis concessæ in dicto c. Liceat , derogatum fuisse pro casibus contentis in duabus Bullis , nempe in Bulla Coenæ , et in hac præfata S. Pii V. propter clausulas derogatorias , nempe in prima , *non obstantibus decretis cujusvis Concilii* : et in hac secunda, *nisi in mortis articulo*. Hinc dicimus, quod quælibet Bulla , ubi adsunt prædictæ clausulæ , auferat facultatem Episcopis absolvendi à casibus occultis Papæ reservatis. Non verò aliæ Bullæ , in quibus nulla adest derogatoria clausula , ut Dian. p. 7 tr. 2 R. 21.

Dubitatur. 8. An Episcopi possint absolvere à casibus occultis reservatis ab aliis Episcopis etiàm cum censura ? Respondent affirmativè Bon. de Censur. d. 1 q. 3 p. 2 n. 6 et P. Çutillus in Addit. ad Mancin. Pract. Visit. Infir. Pract. 3. de Cas. reser. dub. 38. Ex eo , quod in dicto c. Liceat , Tridentini dicatur : concedi omnibus Episcopis facultatem absolvendi *delinquentes in quibuscumque casibus occultis etiàm Sedi Apostolicæ reservatis*. Ex qua particula *etiàm* satis ostenditur, comprehendendi facultatem absolvendi à casibus, et excommunicationibus ab aliis Episcopis reservatis. Hanc opi-

nionem olim probabilem censuimus ; sed postmodum negativam coacti fuimus tenere ex duplici declaratione S. C. Conc. sub die 24 jan. 1711 et die 29 nov. 1712 in Thesauro Resolutionum S. C. to. 1. p. 392. Sed maximè ex Declaratione emanata à Bened. XIV. die 20 augusti 1752 quæ incipit, *Pias Christi fidelium etc.* Cum enim in Civitate Januensi concessum fuisset privilegium cuidam Confraternitati sub invocatione *S. Mariæ de Succursu*, ut Confratres eligere possent quemlibet Confessarium ab Ordinario loci approbatum, cum facultate absolvendi eos in articulo mortis, et bis in vita à casibus etiam *Sedi Apostolicæ* reservatis; Pontifex declaravit per enunciatum privilegium, *absolvendi facultatem... non verò etiam Ordinariis locorum reservatis... per Nos in præcitatis nostris Litteris numquàm concessam fuisse, et consequenter absolutiones... contra præsentis Declarationis nostræ tenorem forsàn de præterito impertitas, aut in posterum impertitendas, nemini suffragari potuisse, sive posse, decernimus, et declaramus.* Vide Bullar. tom. 4. Bened. XIV et eundem de Synodo lib. 5 cap. 5 c. 9.

Dubitatur 9. An Episcopus hanc facultatem Tridentini possit generaliter aliis Sacerdotibus committere? Negant Henriq. Menoch. et Corduba ap. Sanch. de Matr. lib. 2 d. 40 n. 16, qui dicunt, posse tantum delegare in casibus particularibus, non verò generaliter. Idque inferunt ex verbis Concilii in dicto cap. Liceat, ubi conceditur Episcopis facultas absolvendi *per se ipsos, aut Vicarium ad id specialiter deputandum.* Sed probabilius, et communissimè affirmant posse Episcopum generaliter committere vices suas quodam absolvendum à casibus Papalibus occultis, quia hoc modo jam alii Sacerdotes reputantur specialiter deputari. Ità Sanch. l. c n. 17 et Dec. l. 2 c. 11 num. 23. Suar. de Pœnit. d. 20 sect. 2 n. 9. Barbosa in Trid. sess. 24 cap. 6 num. 45 in fine, Salm. cap. 13 num. 2. Croix l. 7 num. 135 et Salm. de Censur. l. 2 n. 54 cum Navarr. Gran. Vega etc. Ratio, quia facultas hæc competit Episcopis jure ordinario, cum ipsa sit annexa

dignitati Episcopali, et ideò benè potest alteri generaliter delegari. Hinc rectè ait Sanch. l. cit. de Matr. n. 16 cum Nav. Vicarium Episcopi non habere potestatem absolvendi ab his casibus ex generali commissione Vicariatùs, nisi specialiter ab Episcopo ei committatur. Hoc quòdà absoluteionem à casibus: quòdà facultatem autem dispensandi in irregularitaribus et suspensionibus in eodem cap. Episcopis impertitam dicunt Sanch. l. cit. Dec. n. 25 ex Suar. et Barb. l. c. n. 46 in fine, cum aliis (contra Mar. Alter.) etià posse ab Episcopo illam delegari generaliter cuicumque Sacerdoti, cù Episcopus suam facultatem committat: hocque ex potestate ordinaria, quam Episcopi habent.

Utrùm autem Episcopi possint absolvere ab hæresi, et ab aliis casibus Bullæ Cœnæ? Vide dicenda de Cens. lib. 7 ex n. 82, ubi negativam sententiam tuebimur.

« 8. Superior, auditis solis reservatis, potest ab iis absolvere, et reliqua inferiori committere, ex causa urgente: qualis tamen non est multitudo negotiorum, ut docent Suar. Fernand. et Fill. sed alia gravior; tum quia etià occupatissimus potest dare facultatem adeundi alterum, cum onere postea comparandi; tum quia integritas confessionis est de jure divino. »

Certum est, quod nulla multitudo negotiorum possit esse sufficiens causa ad dimidiandam Confessionem, ut rectè ait Croix l. 6 p. 2 n. 1154 cum Suarez Layman. Vasq. et aliis passim; maximè hodiè post prop. 59 damn. ab Innoc. XI. quæ dicebat: *Licet sacramentaliter absolvere dimidiatè tantùm confessos, ratione magni concursus pœnitentium, qualis v. gr. potest contingere in die magnæ alicujus festivitatis, aut Indulgentiæ.* An autem possit Superior absolvere pœnitentem à reservatis, et pro aliis eum remittere ad inferiorem? Alii universè affirmant, ut S. Anton. 3 p. tit. 14 c. 19 § 6 et Palud. Cajet. Sa, et Henr. apud Laym. l. 5 tr. 6 c. 12 n. 8 quia dicunt hanc esse Ec-

clesiæ consuetudinem. Alii verò , ut Suar. d. 31 s. 1 n. 10. Nav. c. 29 n. 6 et Laym. l. cit. cum Adriano , Sylvest. et Cano negant hanc consuetudinem , et dicunt id tantum licere in casu gravis necessitatis , puta si Superior non posset se expedire ab aliquo gravissimo negotio , et contra , necessarium judicaret personaliter audire peccatum reservatum. Idque admittunt Lugo d. 20 n. 78. Salm. c. 8 nu. 134. Croix dict. n. 1254 et Pal. p. 15 § 5 n. 3 cum Vasq. et Con. Sed in casu rarissimo , addito , quod pœnitens esset in necessitate communicandi ; et nollet eadem peccata bis confiteri. Hoc ultimum non videtur improbabile , posito casu cum omnibus his conditionibus : vide dicta n. 484 et 487.

596. « 9. Qui à Superiore absolutus est à reservatis , potest ab eisdem postea absolvi à quovis : quia non sunt amplius materia necessaria Confessionis.

» 10. Qui bonâ fide confitetur , nesciens suum casum esse reservatum , vel Sacerdotem carere potestate circa illum , validè quidem absolvitur , cum onere tamen comparendi , Præp. * (juxta dicenda l. 7 n. 91.) * Similiter si Confessarius probabiliter credit non esse reservatum , esto reverà sit , valet absolutio. Less. Dian. p. 9 t. 9 res. 29 * (Cum Lugo Dicast. et Salm. c. 13 n. 14 et potest absolvere , etiamsi dubium sit negativum ; vide dicenda n. 600.) *

» 11. Qui confitens habenti potestatem ordinariam , delegatamque in reservata , oblitus est inculpabiliter reservatum , potest illud postea confiteri etiam inferiori , et absolvi. Quod etiam valet , saltem si prior habuerit potestatem ordinariam , etiamsi prior absolutio ob indispositionem , vel alium defectum pœnitentis invalida fuisset. Ratio est , quia is intendit absolvere , quantum potuit . ergò saltèm sustulit reservationem , quoad fieri potuit , absque Sacramento. V. Præp. in 3 p. q. 9 d. 4 n. 24. Merat. t. 3 d. 80 sect. 3. Dian. p. 4 tract. 4 res. 124. »

Quæritur. I. An in casibus allatis à Busemb. nempe

si pœnitens bonâ fide confiteatur peccatum reservatum non habenti potestatem ; vel si inculpate peccati illius obliviscitur , aut id confiteatur urgente necessitate , Confessarius simplex validè et licitè ipsum absolvat ? Negat Antoine p. 529 q. 5, et per se loquendo ejus sententia satis est probabilis ; ut enim diximus (n. 265. Quæst. I.) , probabile est cum Vasquez , Tourn. Armil. Gerson. Trull. etc. Confessarium simplicem omni carere jurisdictione in habentem reservata , cum non sit ejus competens Judex : i leò neque à non reservatis potest eum absolvere. *Secunda* verò sententia communis , et probabilior affirmant , quam tenent Suar. Pal. Lugô, Concina , et Salm. et alii allati dicto n. 264. Ratio , quia , licet Confessarius non possit sine rationabili causa absolvere à non reservatis , non absolvendo à reservatis , in quæ potestate caret , non per hoc tamen caret potestate in non reservata ; undè quandò bonâ fide confitetur pœnitens , vel habet necessitatem confitendi , tunc benè potest directè absolvi à non reservatis , et indirectè à reservatis. Et cum hæc sententia sit communis , ut fateatur ipse Antoine , et valdè probabilis , imò certè probabilior , ut diximus : benè potest deduci in praxim , nam (ut probavimus nu. 573) est moraliter certum , quod cum opinione probabili Ecclesia suppleat jurisdictionem.

Quæritur II. An ; si pœnitens confessus sit Superiori⁵⁹⁷ et inculpabiliter sit oblitus peccati reservati , poterit deindè cuilibet illud confiteri , et absolvi ? *Prima* sententia communissima affirmat , et hanc tenent Bus. ut suprâ , Lugo d. 2 n. 85 et 89 (ubi vocat communem) Sanchez de Matr. l. 8 d. 15 nu. 21 Pal. p. 15 § 6 n. 3. Holzm p. 184 n. 697. Ciera d. 1 n. 90. Viva q. 9 ar. 4 n. 2. Salm. c. 13 n. 43 (qui etiâ assertunt communem) et Escob: l. 16 n. 510 cum Cano , Fill. et Adriano , et Led. Ratio , quia præsumitur Superior pœnitentem rectè dispositum velle liberare ab omni vinculo peccatorum , à quo potest ; idque videtur confirmari verbis illis , quæ Confessioni præmittuntur :

In quantum possum et tu indiges, etc. Et hoc admittunt Pal. l. c. Salm. num. 45 cum Con. et Aversa (contra alios), etiãmsi Confessio fiat apud inferiorem delegatum; quia adhuc censetur Superior velle per illam reservationem auferre. *Secunda* verò sententia negat, eamque tenent Suar. d. 31 sect. 4 num. 12. Conc. p. 573 n. 14. Antoine p. 530 qu. 6 item Sylv. Ang. Rosel. et Gabr. ap. Lugo d. 20 n. 85 *et fortè probabiliorem* vocat Holzm. Hi dicunt, non tolli reservationem sive Confessio fiat Superiori, sive delegato. Ratio est valdeurgens, quia ad auferendam reservationem requiritur, ut peccatum subjiciatur iudicio Superioris, eo quod finis reservationis sit (ut probavimus n. 581) ut non tantum pœnitentes à peccato absterreantur, sed etiã ut convenientem medicinam et pœnitentiam recipiant. Unde non censetur ablata reservatio, nisi ex aliquo positivo indicio habeatur præsumptio, voluisse Superiorem reservationem auferre, ut rectè dicit Concina; vel nisi Pœnitens (ut ait Suar. n. 15.) ad hunc finem adiverit Superiorem vel habentem facultatem, ut ab omnibus reservatis absolveretur et hanc suam intentionem illi manifestaverit. Nec non benè excipit Suarez n. 20 quando privilegium fuit concessum in favorem pœnitentis, prout est privilegium Jubilæi, et Bullæ Cruciatæ. Cæterum, præcisus istis tribus exceptionibus, hanc secundam sententiam probabiliorem censeo: et hanc Sylvius tom. 4 suppl. q. 20 a. 2 circa fin. tenet ut veram cum Sylves., Angelo, Adriano, Navarr. Covar. Botac. Sa, Coninck. et aliis pluribus, quibus consentit Pontas casu 25 et adhæret Concin. Tourn. tom. 6 p. 2 p. 131. Licet prima videatur etiã probabilis, tum ob auctoritatem DD. qui (ut fatetur ipse Conc.) communiter eam docent; tum quia probabiliter potest præsumi Superior consentire, ut auferatur reservatio, semper ac pœnitens confitetur apud habentem potestatem. Omnino tamen dicendum puto, reservationem non auferri, quando adesset positiva præsumptio, quod, si Superior audisset peccatum reservatum, absolutionem distulisset,

Quæritur III. An per confessionem inculpabiliter invalidam tollatur reservatio? Negat P. Conc. p. 674 n. 16 sive Confessio fiat Ordinario, sive Confessario delegato. Ratio, quia Superior non tollit reservationem, nisi sacramentaliter absolvendo, undè quando Confessio est invalida, non aufertur reservatio; inferior contra, cum nihil possit in reservata extrà Sacramentum, quoties Sacramentum est nullum, peccata manent reservata. Sed communis sententia, et probabilior affirmat, et hanc tenent Suar. d. 31 sect. 4 num. 10. Wigandt tr. 14 n. 77. Lugo dist. 20 n. 106. Pal. p. 15 § 6 n. 2. Holz. p. 183 n. 696. Roncag. p. 109. qu. 6. R. 2. Viva de Jubil. q. 11. art. ult. n. 2. Croix n. 1475. Bonac. dist. 5 qu. 7. p. 5 § 5 n. 9. cum Vasq. Fill. Reg. Nunno, Rodr. etc. ac Salm. cap. 13 n. 41. cum Sylvest. Cajet. et Conc. Ratio, quia reservatio principaliter ordinatur, ut peccata deferantur Superiori, utque ipse super ea ferat judicium, præbendo monita salutaria, ac poenitentiam imponendo; undè semper ac subditus suum peccatum subicit judicio Superioris, vel alius habentis facultatem, jam obtinetur finis reservationis. Nec obstat dicere, quod tam Ordinarius, quam Delegatus, non tollant reservationem nisi per absolutionem sacramentalem, quæ hîc deest, cum Confessio sit nulla; nam respondetur, quod Superior benè possit sine absolutione sacramentali, ut fatetur ipse *Concina*, reservationem auferre. Esto autem inferior non possit tollere reservationem nisi per sacramentalem absolutionem, attamen, cum subditus peccatum ei defert, tunc Superior ipse, cum jam consequatur finem reservationis, censetur illam auferre, vigore consuetudinis (ut dicunt Salm.) communi DD. auctoritate firmatæ.

Quæritur IV. An tollatur reservatio per Confessionem culpabiliter nullam? *Prima* sententia negat, eamque tenent *Concina*, *Holz.*, *Viva*, *Croix* ll. cc. eamque absolutè veram vocat *Ronc.* R. 3 citans *Lugonem*, et *Salm.* sed non benè, nam isti omninò oppositum tenent. Ratio, quia non præsumitur Superior velle,

ut subditus ex sua iniquitate commodum reportet. Hæc sententia est quidem valdè probabilis, sed contraria est longè communior, nec caret suâ probabilitate. *Secunda* igitur sententia affirmat, et hanc tenent omnes AA. allati pro secunda sententia in quæstione præcedenti, exceptis citatis in quæstione præsentis. Ratio, quia pro Confessione sacrilega currit eadem ratio ac pro inculpate nulla; alius enim est finis Confessionis, alius reservationis: finis confessionis est, ut remittatur peccatum, finis autem principalis, et directus reservationis est, ut hujusmodi peccata reservata committentes subjiciantur iudicio Superioris; ergò cum subditus peccatum suum Superiori defert, et pœnitentiam ab eo impositam acceptat, etiâsi sacrilegè confiteatur, jam obtinetur finis reservationis, quàmvis non remittatur peccatum. Quod autem peccator ex tali iniquitate commodum reportet, hoc per accidens evenit; nam licet ex voluntate interpretativa nollet auferre reservationem, si sacrilegium agnosceret; tamen ex voluntate actuali jam vult auferre.

Rectè verò excipiunt Wigandt, et Lugo, cum Suar. et Vasq. si pœnitens culpabiliter reticeat ipsum peccatum reservatum; vel si (ut ait Lugo) illâ sacrilegâ Confessione inculpabiliter obliviscatur confiteri peccatum reservatum, quia minimè præsumitur Superior in tali sacrilegâ Confessione velle auferre reservationem peccati sibi non delati. Item excipit Suarez, si pœnitens habuerit animum non vitandi in posterum peccatum illud reservatum, vel non implendi pœnitentiam impositam; dicit verò tolli reservationem, si animum mutet. Item rectè addit Bonac. semper tenèri pœnitentem, etiâ postquàm inferior ab illo peccato reservato absolverit, implere pœnitentiam à Superiore impositam. Item excipienda est (ut diximus n. 537.) Confessio invalida sive culpate sive inculpate facta in Jubilæo; quia ibi, cum Pontifex non præbeat facultatem absolvendi à reservatis, nisi ad finem, ut fideles lucrentur Jubilæum, non censetur velle auferre reservationem, si illi Jubilæum pon. lucrantur; vide dicta n. 537. Qu. II.

- » Resp. 2. A reservatis absolvere potest 1. Ipse re- 599
- » servans. 2. Ejus in spirituali jurisdictione Superior.
- » 3. Cui ipse delegavit. 4. Sacerdos inferior, quando
- » Superior adiri non potest, v. g. à reservatis Papæ
- » absolvere potest Episcopus eos, qui Romam ire non
- » possunt »

Pœnitentarii majores Cathedralium, quàmvis habeant potestatem ordinariam absolvendi, non possunt tamen absolvere à reservatis Episcopo, vel ab Episcopo, et tantò minùs eam delegare, ut habetur ex Declar. S. C. Concilii die 6 Julii 1647 apud Pitton. de Confess. n. 881. Idque tenent Viva q. 9 art. 4 n. 1. Ronc. p. 108 q. 1 R. 2. Barbosa Col. 581 n. 24 et Diana p. 9 tr. 8. R. 11, qui reprobat contrariam consuetudinem (si fortè alicubi adest) tamquam irrationabilem.

- » Resp. 3 Extra periculum mortis: de quo v. *dicta*
- » *dubio superiore*, nullus inferior per se, et directè ab-
- » solvere potest, nisi ex jure, vel privilegio conce-
- » datur. Dicitur primò *per se*; quia de indirecta, et
- » per accidens colligitur ex dictis.

- » Dicitur 2. *Nisi, etc.* quia à casibus Papalibus ab-
- » solvere potest Episcopus per se, vel Vicarius, quan-
- » dò sunt occulti, ut docet Nav. c. 27.

Undè resolves.

- » Mendicantes ex vi juris communis non possunt
- » absolvere à reservatis Episcopo: quia ut sic non
- » habent potestatem majorem Parochis; et privile-
- » gium, quod circà hoc habuerunt, sublatum est de-
- » creto Urbani VIII. anno 1628. * (Hoc etiàm confir-
- » matur ex Prop. 12 inter damnatas ab Alex. VII.) *
- » Excipit tamen Aversa cum Diana p. 8 t. 7 res. 71 eos
- » casus, qui Episcopis à jure tantùm reservantur;
- » imò Quintan. t. 1 tract. 3 sect. 14 affirmat, Regulares
- » adhuc posse absolvere, sicut antè decretum, eo
- » quod hoc in Provinciis non sit promulgatum, quod
- » Dian. p. 9 t. 6 resol. 51 non audet probare, nisi ad
- » Episcopum non pateat recursus; tunc enim ab ip-

» sis reservatis posse absolvere , sicût possent à Papæ
 » reservatis. Granat. Dian. part. 5 tit. 14 res. 58. Vide
 » etiàm Præp. qu. 19 d. 1. »

Certum est , quod Regulares nequeant absolvere à casibus reservatis ab Episcopis , ut communiter dicunt cum aliis Salm. c. 13 n. 52. Viva in Prop. 12 damn. ab Alexandr. VII. n. 13 et Cabass. T. J. lib. 1 c. 11 n. 5 ex Bulla Greg. XIII Cum à sacra. Et hoc sive casus sint reservati ab Episcôpo , sive ab ejus Synodo , ut rectè ait Croix n. 1628 cum Viva (quidquid dicat Pelliz.) ; nam id quod agitur à Synodo , principaliter ab Episcopo agitur , qui est caput illius.

An autem Regulares possint absolvere à casibus Episcopis à jure communi reservatis ? Vide infrà lib. 7 n. 99 ubi dicemus probabilius esse , quod possint , exceptis tamen sex Casibus à Clemente VIII reservatis , nimirum , percussio Clerici , duellum , violatio immunitatis ecclesiasticæ , violatio clausuræ Monialium ad malum finem , simonia realis , et simonia confidentialis ; facultas enim à prædictis casibus absolvendi expressè à Clemente fuit Regularibus adempta. Vide lib. 7 n. 75. Probabiliter igitur absolvere possunt procurantes abortum fœtus animati , cum hic casus non fuerit à Clemente reservatus ; vide cit. n. 99 in fine.

600 « Resp. 4. Si Confessarius dubitet , an pœnitens
 » lapsus sit in mortale reservatum , si quidem dubium
 » sit positivum , potest (sequendo opinionem probabilem , et judicando probabiliter non esse reservatum) absolvere. Si verò dubium sit negativum , posse
 » absolvere negant aliqui , ut Armil. Cord. etc. Probabiliùs affirmant Suar. Fill. Henr. Hurt. Bonac.
 » Lugo d. 20 sect. 2. »

Quæritur I. Utrùm in dubio , an pœnitens incurrit casum reservatum , possit illum absolvere simplex Confessarius ? Si dubium est facti , nempe si pœnitens dubitet , an peccaverit graviter , vel non , communis est sententia quod possit absolvi à quolibet Confessario ; quia reservatio est strictæ interpretationis ; undè debet intelligi de peccatis certè gravibus ; ità Concina

p. 567 n. 15. Suar. de Censur. d. 40 sect. 6 n. 5. Lugo dist. 20 num. 18. Sanch. Decret. lib. 1 cap. 10. n. 23 et DD. mox infra citandi cum alis passim (contra Wigandt tr. 14 num. 53.) Si verò dubium est juris, nempe si quis dubitet, an aliquod peccatum sit reservatum, negant Concina, et Wigandt l. c. item Arm. v. Casus n. 13 et Antoine p. 528 qu. 2. Ratio, quia cum dubitatur, an peccatum sit reservatum, dubitatur etiam, an Confessarius facultatem habeat absolvendi, unde Confessarius dubiam tantum habens facultatem, non potest absolvere. Sed pariter communiter affirmant DD. ut præter Suar. Lugo, Sanch. ll. cc. docent Fill. tr. 21 c. 4 n. 172. Bonac. p. 5 §. 4 n. 5. Escob. l. 16 n. 447. cum Sa, Anacl. p. 624 n. 4. Tamb. de Cas. res. l. 5 c. 4 n. 7. Elbel n. 643. Viva qu. 9 art. 2 n. 4. Diana p. 4 tract. 3. R. 4. Sporer p. 162 n. 743 cum Gob. et Quintan. et Salm. c. 13 n. 16, cum Aversa, Portel. Dicast. Henr. Hurt. et aliis. Et hoc, sive dubium sit positivum, vel negativum, quia in utroque eadem ratio currit. Ratio autem est, tum quia (ut diximus) reservationem strictè interpretari oportet; tum quia melior est conditio possidentis: unde, licet dubitetur, an peccatum sit reservatum, certum tamen est, Confessarium suam possidere facultatem absolvendi. Præterquamquod, cum hæc sententia sit communis, et certè probabilis, certum etiam sit, Ecclesiam jurisdictionem supplere, juxta dicta n. 573: et sic respondetur rationi oppositæ. Neque obstat, ut objicit Concina, quod Clemens VIII prohibuerit omnes Confessarios etiam privilegiatos absolvere à casibus, *etiam dubiis in bulla Cænæ reservatis*, et in Extrav. *Perlectis*, declaretur percussio Clerici esse reservata Papæ, etiam quandò dubitatur, num sit levis vel gravis; nam hujusmodi prohibitiones magis firmant nostram sententiam, quod Confessarius in aliis casibus possit absolvere, qui sunt dubiè reservati; exceptio enim firmat regulam. Hic autem sciendum, quod Clemens (ut referunt Ronc., et ipse Antoine ll. cc.) anno 1602. Decretum illud moderaverit de medio auferens verba illa, *dubiè reservatis*.

Limitant verò hanc sententiam Bonac. et Sanch. ll.

cc. ac Bonasp. et Alph. de Leone apud Salm. n. 14 (atque probabile putat Diana l. c.) si crimen in foro externo habeatur ut certum, quia tunc idem iudicium formandum est pro foro interno. Sed veriùs refutant hanc limitationem omnes AA. pro nostra sententia citati, et signanter Salm. Lugo, Escob. Sporer, et Tamb. Ratio, quia in foro externo non creditur pœnitenti, quia nemo in causa propria testari potest; aliud tamen est in foro interno, ubi omninò credendum est pœnitenti, cum ipse tantum possit esse suæ cōscientiæ testis.

Quæritur II. An, qui confessus est inferiori peccatum dubiè reservatum, omninò liberetur à reservatione, etiàmsi postea illud cognoscat ut certum? Negat Concina p. 508 n. 16 quia, licet à peccato dubiè reservato ob dubietatem facti possit absolvere quilibet Confessarius, tamen quando de illo pœnitens postea certè recordatur, tenetur adire Superiorem; Confessio enim peccati dubiè reservati non efficit, quin peccatum illud sit reservatum. Sed communiter alii affirmant, ut Lugo dist. 20 n. 22. Escob. lib. 16 n. 451. Sporer p. 262 n. 734. Viva q. 6 art. 2 n. 4 cum Bald. ex Sanch. Dec. lib. 4 c. 44 et Salm. c. 13 n. 16 cum Dicast. Aversa, et aliis. Ratio, quia cum peccatum dubiè reservatum est confessum, jam directè est remissum (ut ipse Concina n. 15 concedit), ac proindè manet directè ablata reservatio: undè, quàmvis teneatur pœnitens, cum recordatur peccati certi, priùs confessi ut dubii, illud iterum tamquàm certum confiteri, ut ad suppleendam integritatem illud exponat, uti erit in cōscientia, ejusque cognitam gravitatem Confessario manifestet, juxtà dicta n. 458, tamen non tenetur amplius se sistere Superiori pro ablatione reservationis, quia, ablato peccato ablata est etià reservationis.

601 Quæritur III. An absolvi possit à reservatis, qui peccavit in confidentiam licentiæ? Videntur negare Cov. et alii apud Lugo dist. 20 n. 129. Sed affirmandum cum communi sententia, quam tenent Sanch. Dec. lib. 4 c. 54 n. 18. Fill. tr. 8 n. 262 Lugo n. 130 cum Vill. Led.

Cap. II. Dub. IV. De Ministro hujus Sacramenti. 85
etc. ac Salm. c. 13 n. 40 cum Bonac. Molf. Aversa,
Gabr. etc. Ratio, quia, esto concedens licentiam no-
lit, ut peccatores propter ipsam facilius peccent, non
tamen excludit, quominus ii, qui occasione ejus pec-
caverint, possint absolvi, si verè proponant illud vitare.

Quæritur IV. An licentia data absolvendi à re-
servatis extendi possit ad peccata post ipsam commis-
sa? Distinguendum: Si concessio facta fuit præcisè
pro peccatis narratis, vel per tot vices commissis,
tantum pro eis valere potest. Secus verò, si licentia
est concessa indefinitè; ita communissimè, et valde
probabiliter Lugo dist. 20 n. 122. cum Bon. et Præ-
pos. Ronc. p. 110 qu. 7 cum Passer. Mansi, et Gabr.
S. V. ac Salm. c. 13 n. 39. cum Aversa, Leand. Dic. etc.
Dummodò, rectè limitant, non interponatur magna
distantia (puta ultra mensem: ut ait Ronc. cum Mansi)
inter concessionem licentiæ, et commissionem nova-
rum culparum: intellige, si pro quodam particulari
pœnitente sit tantum impertita licentia. Item benè ad-
vertit Roncag., præfatam sententiam non procedere,
si licentia impertita fuerit intuitu alicujus festivitatis.

Hic addenda sunt aliqua circa reservationem ca-
sum respectu Monialium. 602

Quæritur igitur V. An Moniales subiaceant casibus,
et censuris ab Ordinario in Diœcesi generaliter reser-
vatis? Negant Cespèd. et alii apud de Alex. Conf. Mon.
c. 6 § 2. Qu. 9. Quia (ut dicunt) Moniales, cum indi-
geant speciali directione Episcopi, juxta Regulas
suas, non comprehenduntur legibus conditis ad di-
rectionem universalem populi. Addunt, quia verba,
quæ possunt accipi in genere et in specie, in materia
odiosa, ut est reservatio, in specie sumi debent, ut
per Seraph. Dec. 853 n. 7. Affirmat verò subjacere
communis sententia cum Diana, Bord. et de Alexand.
l. c. Quia, quandò verba generalia concurrunt cum
veri-imili mente legislatoris, tunc omnes compren-
duntur, qui in lege non sunt expressè excepti. Et hæc
est verior.

Quæritur VI. An prædictæ reservationi subiaceant

etiã moniales exemptæ? Affirmat probabiliter Tamb. Conf. et l. 5 de Cas. res. c. 3 n. 4. Quia in Const. Inscrutabili, Gregorii XV. statuitur, quod Confessarii Monialium exemptarum omninò approbandi sint ab Episcopo loci: Episcopus igitur (ait Tamb.) sicùt potest his Confessariis limitare in approbatione tempus, locum, et personas; sic etiã potest limitare casus. Negant verò adhuc probabiliter Pelliz. et Quintan. apud Tamb. n. 3. ac P. de Alex. d. cap. 6 § 2. Quia cum communi, ut asserit: quia Monasteria exempta sunt prorsus extrà jurisdictionem Episcopi, ac si essent extrà territorium, ut communiter ibi dicunt Bonac. Bord. etc. Et, quàmvis Episcopus debeat approbare earum Confessarios quoad idoneitatem, non potest tamen ipse illimitatè eos approbare, cum expressè in Constit. Clementis X. Supernâ, dicatur, posse ab Episcopo limitari tempus, locum, et personas, sed nihil dicatur de peccatis, quæ aliundè à Prælati regularibus, Monialibus exemptis jam reservantur.

Quæritur VII. An Episcopus circà clausuram, ut delegatus Sedis Apost. possit reservare casus quoad Moniales exemptas, v. gr. si ostio aperto loquantur cum sæcularibus? Affirmat de Alex. l. cit. Qu. 12. cum Baucio. Ratio, quia (ut dicunt) stante delegatione concessâ à Trid. sess. 25 c. 5 Episcopis, respectu ad clausuram, habentur Moniales tamquàm non exemptæ, ità ut in casu transgressionis, ipsæ non jam à Prælato regulari, sed ab Episcopo sint absolvendæ; hocque colligunt ex Decreto Clementis VIII. ubi prohibentur Regulares, ne absolvant vi cujuscumque privilegii à casibus Ordinario specialiter reservatis. Sed hæc ratio non satis probat, undè non videtur improbabilis sententia opposita Dianæ, et Pasqu. apud Alex. ibid. qui dicunt, delegationem prædictam concessam Episcopis respicere tantum forum externum; verba autem Trid. hæc sunt: *Bon. VIII. Constitutionem... renovans S. Synodus, universis Episcopis... præcipit, ut in omnibus Monasteriis sibi subjectis, ordinariis, in aliis verò Sedis Apost. auctoritate, clausuram*

Cap. I. Dub V. De Ministro hujus Sacramenti. 87
*Sanctimonialium, ubi violata fuerit, diligenter restitui. . .
procurent.*

Hic ultimò notandum cum Ronc. pag. 110 qu. 9
R. 1 quod ex Decretis à S. C. emanatis anno 1601 et
1602 auctoritate Clementis VIII. et anno 1607 aucto-
ritate Pauli V. quicumque Confessarii præsumentes
prætextu alicujus privilegii absolvere à casibus reser-
vatis Papæ, vel Episcopis incurrant ipso facto excom-
municationem Papæ reservatam.

DUBIUM V.

Quid sit Officium, et obligatio Confessarii?

- 603 *Quid sit officium Confessarii? Quando autem possit aut
debeat Confessarius differre absolutionem? (Remissivè
ad n. 462 et seq.*
- 604 *Qu. I. An possit Confessarius negare absolutionem ei,
qui adhæret sententiæ probabili? Quid, si adhæreat sen-
tentiæ falsæ, sed probabili putatæ?*
- 605 *Qu. II. An expediat Confessario uti sententiis rigidio-
ribus, vel benignioribus?*
- 606 *Quos Confessarius possit vel nequeat absolvere?*
- 607 *Quomodo Confessarius teneatur rudiores interrogare?*
- 608 *Quomodo eos instruere, et disponere quantum potest?
Monitum ad Confessarios.*
- 609 *Quomodo debeat eos monere de suis obligationibus?*
- 610 *Quid, si prævidet monitionem non profuturam?*
- 611 *Inf. I. Quid, si advertat pœnitentem invalidè contraxisse
Matrimonium cum bona fide?*
- 612 *Quid, si Matrimonium sit contrahendum?*
- 613 *Quid, si accedant sponsi cum omnia sunt parata?*
- 614 *Inf. II. An debeat semper monere de restitutione facien-
da? Inf. III. Quid, si timentur scandala aliorum?*
- 615 *Excip. 1. Quando damnum est contra bonum commune.*
- 616 *Excip. 2. Quando pœnitens interrogat. Excip. 3. Quan-
do brevi speratur fructus. Utrum autem in dubio de fruc-
tu et nocumento fieri debeat monitio?*
- 617 *Confessarius ministrans debet esse in gratia. Quomodo
autem peccet, qui plures præbet absolutiones in mor-
tali successivè? (Remissivè ad l. 5 n. 50.)*
- 618 *Quid, si in mortali tantum audiat Confessionem? Remiss.*

ad hunc l. 6 n. 50. (*Et quid si urgeat necessitas absolvendi? Remiss. ad n. 33. ibid.*).

619 Quomodo teneatur Confessarius reputare defectus à seipso commissos?

620 Dub. I. Ad quid tenetur, si erravit circa valorem Sacramenti?

621 Dub. II. Ad quid si deobligavit à restitutione facienda? Et an teneatur ad restitutionem, si, cognito errore, non moneat? Quid si culpabiliter deobligavit, cum pœnitens erat dispositus, et postea pœnitens renuat parere monitioni? Quid si tantum omittat monere?

622 Dub. IV. An possit monere pœnitentem de his defectibus, sine ejus licentia extra Confessionem?

623 Quæ et quantas obligatio Confessarii audiendi pœnitentes?

624 An Confessarius non Parochus teneatur cum periculo vite absolvere peccatorem moribundum?

625 An tutus sit in Conscientia Sacerdos simplex, qui renuit munus Confessarii exercere, si populus est in gravi necessitate spirituali?

603 « **RESP. I.** Munus Confessarii est absolvere dispositum, et non alium; item curare rectitudinem istius iudicii, præsertim quandò coeptum est: et reos juvare, ac monere, cum prudentia tamen. Ratio primi est, ne sit injurius pœnitenti. Ratio secundæ, ne fiat sacrilegus. Ratio tertiæ est eadem: et quia debet curare, ut absolutio sit efficax.

Undè revolves.

» 1. Etsi interdum utiliter differatur absolutio etiam ejus, qui potest licitè absolvi; id tamen rarò, nec ferè nisi de pœnitentis consensu faciendum: quia potest vergere in grave ejus periculum, vel damnum. Vide Dian. p. 1 t. 4 R. 35 * (*Quandò Confessarius teneatur vel possit differre absolutionem, vide dicta n. 462.*)

» 2. Absolvendus est, qui adhæret sententiæ probabilis; quia est dispositus.

604 Quæritur I. An possit absolvi pœnitens, qui vult sequi opinionem contrariam illi, quam tene Confes-

sarius? *Prima* sententia negat, et hanc tenent Concina pag. 702 ex n. 1. item Fagnan. Baron. Eliz. Gonzal. etc. apud Croix l. 1 n. 452. Ratio, quia pœnitens tenetur stare iudicio Confessarii, qui est Iudex, aliàs erit indispositus ad absolutionem. *Secunda* verò sententia communis et sequenda docet, non solum posse, sed etiàm tenèri sub gravi Confessarium absolvere pœnitentem, qui vult sequi opinionem probabilem, licet opposita videatur probabilior Confessario. Ità Suár. 3 p. t. 4 d. 32 sect. 5 Soto in 4 d. 18 q. 2 art. 5 ad 5 §. Undè, Azor. t. 1 l. 2 cap. 17 qu. 10. Holzm. t. 3 pag. 197 n. 740. Salm. tr. 6 c. 12 n. 44. Roncaglia c. 2 Reg. 4 Pal. t. 1 tract. 1 p. 4 n. 2. et 6 Croix l. 1 n. 452. Sporer t. 1 pag. 11 n. 47. Viva qu. 7 art. 2 n. 6. Laymann. l. 1 tract. 1 c. 5 n. 10. cum Vasq. Med. etc. Sanch. Dec. lib. 1 c. 9 n. 28. cum Henriq. Salon. Salas, Val. Sayro, Man. Polanch. et aliis multis. Et in hoc consentiunt adhuc plures AA. rigidioris sententiæ, scilicet Pontassus, et Victoria; quorum loca et verba retulimus l. 1 n. 25. et præsertim Cabassutius T. J. l. 3 c. 13 qui cum Sylvio sic inquit: « (Quivis Confessarius absolvere debet pœnitentem, qui non vult ab opere abstinere, quod secundum probabilem piorum et doctorum aliquot hominum non reprobata in Ecclesia auctoritatem, est licitum: quàmvis juxta probabilem pariter aliorum auctoritatem, quam ipse sequitur Confessarius, habeatur ut minus probabilis). » Idem docet Cardin. Toletus lib. 3 cap. 20 num. 7. ubi ait: *Cum aliquid est sub opinione, si casu accidit Confessarium esse opinionis, esse illicitum, et pœnitentem, esse licitum, potest pœnitens obligare confessarium, ut ipsum absolvat in sua opinione.* Et concludit, quod tunc Confessarius possit utramque opinionem sequi, quàmvis ipse unam illarum probet. Idem dicit Navarrus Manual. c. 26 n. 4 ubi: *Si sint contrariæ Doctorum opiniones, quarum alteram Confessarius et alteram pœnitens sequitur, et Confessarius credit evidenti se textu vel ratione niti, pœnitentem dubià, non debet eum absolvere. At si Con-*

fessarius non adedè forti ratione nititur, vel pœnitens utitur pari vel ferè pari, et habeat aliquem pro se Doctorem clarum, poterit eum absolvere, ut post Adrianum tenuimus in c. Si quis autem. d. 7 n. 66. Ità Nav. non distinguens inter Parochum ad audiendum obligatum, et alium, qui (ut ait) potest audire, et non tenetur, ut nec Adrianus distinxit. Et in hoc rectè conveniunt Suar. Sanch. Azor. Salm. Croix, et alii communiter; nam licet alii Confessari non teneantur absolvere pœnitentes, antequàm eos audiant, postquàm tamen audierint, tenentur absolvere dispositos. Idem docet S. Anton. p. 3 tit. 17 c. 16 § 2 ubi dicit; Caveat Confessor, ne sit præceps ad dandam sententiam de mortali, quandò non est certus et clarus; et ubi in aliqua materia sunt variæ opiniones quamplurium et solemnium DD. utrùm sit licitum, vel illicitum... Consultet quod tutius est, scilicet quod à talibus abstineant (Extrà de Spons. Juven.) non tamen contemnet contrarium facientes, seu contrariam opinionem tenentes, ne propter hoc (nota) deneget absolutionem: sed (ut dicit Guil.) dicat Confessor, quod illud faciendo non est tutum, sed dubium, et ided sibi benè provideat; si autem omninò (idest evidenter) conscientia Confessoris dictaret illud esse mortale, nec posset conscientiam deponere (idest per judicium reflexum, nempè quod pœnitens, cum sit dispositus, efformando sibi conscientiam de honestate actionis, jus habeat ad absolutionem), quod tamen deberet ad consilium Sapientum, nulla modo deberet facere contra conscientiam, quia peccaret mortaliter, c. Omnes. 28 qu. I. §. Ex his, juncta Glossa. Sed cum illud tale esset contra communem opinionem DD. et communiter sic servatur à Sapientibus, quàmvis aliquem Doctorem audiret contrarium tenere non de levi (idest sine solida ratione), debet illi adhærere. Idem confirmat clariùs S. Anton. p. 3 tit. 16 c. 20 in fine dicens: Si credit (Confessarius) quod sit peccatum, debet ei conscientiam facere, quod confitens diligenter se informet de illo facto, utrùm sit peccatum, Sed dato, quod ille non vellet cognoscere illud esse peccatum, nihilominus tenetur eum

absolvere, nec reputare eum inhabilem ad absolutionem, quia ex ratione, et non protervia hæc opinio est. Adde his S. Raymundum, qui lib. 3 tit. de Pœnit. et Rem. § 21 scribit: Unum tamen consulo, quod non sis nimis pronus judicare mortalia peccata, ubi tibi non constat per certam scripturam... aliàs possent induci homines in desperationem. Idem docet doctissimus Sylvius 2. 2 q. 154 ar. 2 loquens de superfluo ornato mulierum, ubi: Si Confessarii non possint clarè percipere, utrùm ibi sit mortale, aut solum veniale, persuadeant quòdàd possunt, ut pœnitens absterneat; si tamen nolit, non ei faciant conscientiam de mortali, ne deinceps mortaliter peccet, ubi alioquin non peccaret; neque absolutionem negent.

Ratio autem valdè urgens hujus sententiæ, est, quia pœnitens, factâ Confessione, cum sit dispositus, habet strictum jus ad absolutionem, quam denegando Confessarius gravem illi injuriam irrogaret, tum quia privaret eum gratiâ Sacramenti, tum quia obligaret ad magnum onus subeundum, nempe ad repetenda apud alterum sua gravia peccata. Nec obstat dicere, quod pœnitens non sit dispositus, cum sequi non vult judicium Confessarii. Nam respondetur, quod Confessarius non sit judex opinionum, quas pœnitens sequi tenetur, sed tantùm dispositionis sui pœnitentis, ut patet ex Tridentino sess. 14 c. 5. (cujus verba retulimus lib. 3 n. 669.) ubi Sacerdotes ad hoc tantùm dicuntur judices à Christo Domino constituti, ut ad eos deferant fideles peccata sua, et ipsi absolutionem eis impertiantur, vel denegent juxtâ eorum dispositionem, debitamque pro modo culpæ pœnitentiam imponant. Dispositio autem pœnitentis consistit tantùm in habendo verum dolorem de peccatis confessis, et firmam voluntatem non peccandi in posterum. Ergò judicium Confessarii circâ dispositionem pœnitentis in hoc tantùm consistit, nempe in cognoscendo, quod pœnitens verè doleat de suis culpis, et verè proponat eas non iterare. Quod verò pœnitens velit hanc vel illam opinionem sequi, hoc

impertinenter se habet ad iudicium Confessarii, nisi hic iudicet, opinionem pœnitentis esse evidenter falsam. Qua de re quodam opiniones illas quæ versantur circa præfatam dispositionem pœnitentis, vel etiã circa administrationem Sacramenti, puta si Confessarius iudicet, se non habere jurisdictionem, pœnitens debet stare iudicio Confessarii, et Confessarius tenetur proprium sequi iudicium; nam aliàs absolvendo sine debita jurisdictione, vel quem ipse iudicat indispositum, peccat agendo contra propriam conscientiam. Quodam verò alias opiniones, quæ versantur circa obligationem pœnitentis, nempe circa ea, quæ à pœnitente agenda aut vitanda sunt, Confessarius non est iudex, nec potest obligare ad sequendum opinionem suam pœnitentem, qui vult sequi contrariam, quam ipse putat non sine fundamento licitè posse tenei, ut optimè tradidit Adrianus q. 5. Dub 7 dicens: *Si à pluribus DD. contrarium teneatur, non debet Sacerdos adeò de se præsumere, ut totum velit in suam opinionem (quæ forsitan erronea est) coarctare.* Hinc quandò ex una parte pœnitens sibi efformat iudicium de honestate alicujus actionis, et aliàs Confessarius non habet certitudinem evidentem de illius falsitate, tenetur illum absolvere, utpotè sufficienter dispositum. Et tunc potest, imò tenetur permittere, quod pœnitens suam sequatur opinionem, si nequit abducere ab eam sequendo, quia (ut diximus) Confessarius non est controversiarum iudex; alioquin, si v. g. pœnitens esset doctior Confessario, et vellet sequi opinionem, quam ipse non sine fundamento reputaret probabiliorē, aut etiã certam, posset Confessarius denegare illi absolutionem, si teneret opinionem contrariam, quæ esset fortè in se erronea, sed hoc nullo modo videtur posse dici, cum dici nequeat quod eo casu pœnitens peccet sequendo opinionem suam; at si non peccat, jam est dispositus, utque talis jus habet ad absolutionem.

Adde, quod, si Confessarius non posset absolvere eos, qui volunt sequi opinionem minùs probabilem,

contra suam, quam ipse putat probabiliorem, multa videntur inconvenientia sequi. Ponamus enim casum, quod aliquis simoniacè pecuniam acceperit, iste secundum aliquos tenetur restituere pretium acceptum ei, qui dedit, secundum alios, Ecclesiæ, vel pauperibus; si fortè hic ad duos Confessarios accederet, quorum unus obligaret ad restituendum danti, putans primam opinionem probabiliorem, alter ad restituendum Ecclesiæ, quia contrariam tenet sententiam; quæro in hoc casu, cui pœnitens parère deberet, cum teneretur utriusque sui Confessarii iudicio se conformare? Et si fortè paruerit primo, et postea confiteatur secundo, num bis restitutionem facere debbit? Præterea si quilibet pœnitens teneretur sequi opinionem probabiliorem sui Confessarii, sequeretur, quod vix ullus Confessoriorum, vel Theologorum (adhuc rigidioris sententiæ) posset absolutionem sacramentalem recipere, nam vix umquam casus posset accidere, quod horum aliquis inveniat Confessarium, qui non habeat ut improbabiles, aut saltè minus probabiles, plures opiniones, quas tamquam probabiles ille tenet. Hinc alterum excogitemus casum: Duo Confessarii habent duas opiniones contrarias, quarum utrique sua opinio apparet probabilior; si unus velit alteri confiteri, deberet hic (juxta sententiam Fagnani, et Sociorum) suam deponere opinionem, captivando intellectum, ut Confessario suo iudici constituto pareat. Contra verò, si alter postea huic confiteatur, deberet hic secundus Confessarius suam resumere opinionem, quæ sibi probabilior apparet; tunc enim deberet judicare secundum suum proprium iudicium, et deberet illum obligare, ut deponat opinionem, quam sibi prius sequendam imposuit; et en comœdia risu digna, quæ quotidie inter Confessarios eveniret. Quis putabit, Christum Dominum ad hæc onera in Sacramento Pœnitentiæ Confessarios et pœnitentes voluisse obligare? Præterea, facile sequeretur, quod, cum accederet aliquis Confessarius ad recipiendum hoc Sacramentum, de-

beret ille , qui ejus Confessionem excipit , inquirere de omnibus opinionibus , quas pœnitens tenet , et quibus dirigit suos pœnitentes , ad hoc , ut , si inveniat eum habere aliquam opinionem , quæ videtur sibi minùs probabilis , obliget ad illam deponendam ; et meritò videretur Confessarius tenèri sic inquirere : quia non imprudenter dubitare debet , quin ille inter tot milia opinionum , facillè plures opiniones habeat , quas Confessarius putat minùs probabiles , et ideò deserendas. Ex his omnibus concluditur , quod Confessarius non sit quidem judex opinionum , quæ versantur circà obligationem pœnitentium , modò illæ non appareant ipsi evidenter falsæ , sed tantùm sit judex dispositionis eorum , nempè quod doleant et proponant Deum non offendere , et credant tutà conscientià , ac non temerè , se aliquam opinionem sequi. Undè Cabassutius , quàmvis hic Auctor rigidioris disciplinæ sit fautor , (in Theor. Jur. c. n. n. 14) loquens de Confessariis , qui compellunt suos pœnitentes ad deponendas proprias opiniones , ut suas sequantur , sic ait : *Præscribat sibi quisque quascumque libuerit austeræ vitæ leges , caveant tamen tetrici isti Censores aliorum apud Deum licitam libertatem tyrannicè opprimere.*

Sed dices , Judex fori externi debet judicare juxtà opinionem probabiliorē unius partis , quàmvis altera pars opinionem probabilem pro se habeat ; ergò Confessarius non potest absolvere pœnitentem , qui vult sequi opinionem probabilem contra suam probabiliorē. Respondetur : Longè dispar est ratio inter judicem fori externi , et sacramentalis ; in foro enim externo , cum agatur de veritate rei , nimirum , an ager sit unius vel alterius partis , Judex , qui tenetur unicuique jus suum tribuere , debet quidem rem adjudicare ei , qui jus probabilius habet , nec potest certè adjudicare alteri , qui pro se opinionem habet minùs probabilem ; istius enim probabilitas non potest efficere , quod res probabilius reverà non sit illius , qui jus probabilius habet , et per consequens injustè ageret Judex , si ipsi rem non adjudicaret. Confessarius

verò, quoties sua opinio non est evidenter certa, non potest (ut diximus) obligare pœnitentem ad illam sequendum ; undè tunc non solum potest, sed etiàm tenetur eum absolvere, permittendo, ut ille opinionem suam sequatur, semper ac pœnitens cum illa opinione efformet sibi conscientiam de honestate actionis, quia tunc jam satis est dispositus, et jus habet ad absolutionem per Confessionem peractam.

Et hanc sententiam dicunt Laym. l. c. Lugo d. 23 n. 47. Busemb. lib. 1 d. 2 n. 3. Sanch. l. c. n. 30. cum Valent. et Manue. ac Croix l. 1 n. 443. cum Suar. Carden. etc. locum habere, etiàsi Confessarius opinionem pœnitentis uti falsam teneret; nam si opinio illa haberet aliquam existimatam probabilitatem, puta (ut ait Sanchez) si probabilis reputaretur inter DD. probatæ auctoritatis, et pœnitens verè censeret illam esse probabilem, tunc non poterit Confessarius ei denegare absolutionem. Idem docet Sotus loco suprà cit. ubi sic ait: *Quis Sacerdos existimet, opinionem esse falsam, non tamen indè existimare debet, sibi non licere ipsum absolvere, si quidem propter probabilitatem excusabitur ille à culpa.* Hoc verò tum solum admittendum puto, cum opinio pœnitentis aliqualem habet probabilitatem, ità ut Confessarius, esto eam non habeat ut solidè probabilem, tamen non reputet omnino falsam; nam contra, si confessarius habet pro sua opinione principium certum, cui nullum videt paterè responsum, et clarè cognoscit, opinionem pœnitentis (quàmvis alicui DD. eam tueantur) niti falso fundamento, ac rationes illius procedere ex fallaci æquivocatione, tunc dico cum Navarro, et S. Antonino locis suprà cit. Confessarium non posse pœnitentem absolvere, quem videt pertinaciter velle sequi opinionem evidenter erroneam. Utrùm autem Confessarius teneatur monere pœnitentem, qui in bona fide velit uti aliquà opinione improbabili, si prævidet, monitionem non profuturam? Vide dicenda n. 610.

Cæterùm, cum vertamur in hoc dubio, ubi alii (sed pauci) dicunt, peccare Confessarium, si absolvat

pœnitentem, qui vult sequi opinionem minùs probabilem; alii verò auctores gravissimi, et quamplurimi tam ex antiquis, quàm ex recentioribus dicunt, eum peccare, si non absolvat; stante hac communi sententia, tot auctoritatibus et rationibus roboratâ, non video quomodo possit Confessarius tutâ conscientiâ absolutionem denegare volenti sequi opinionem, quæ ipsi pœnitenti probabilis apparet, imò fortè probabilior, si non directè, saltèm reflexè, ut communiter sentiunt auctores probabilistæ, qui sequendo opinionem probabilem in concursu probabilioris, existimant, posse se amplecti sententiam reflexè probabiliorem, utpotè gravioribus fundamentis et communissima Doctorum auctoritate firmatam.

- 655 Quær. II. An in defectu opinionum expediat Confessario uti opinionibus rigidioribus, aut benignioribus? Rectè ait Croix lib. 6 p. 2 n. 1737 quod, si pœnitens ostendat se paratum ad sequendum id, quod est tutius, teneatur Confessarius (per se loquendo) eum dirigere secundùm sententias tutiores; quia, cum hoc sit majoris perfectionis, tenetur quidem Confessarius incumbere majori profectui sui pœnitentis. Spectat autem ad prudentiam Confessarii deindè perpendere, utrùm tutioris, vel minùs tutæ sententiæ usus suo pœnitenti sit profuturus. Ideò dixi *per se loquendo*, quia licet id per se sit tutius et perfectius, tamen periculosius erit pluribus imponere obligationem operandi semper secundùm rigidiores sententias; undè Gerson. de vita spir. p. 3 Lect. 4. Coll. 19 scripsit: *Fût, ut per tales assertions publiques nimis duras et strictas, præsertim in non certissimis, nequaquam eruantur homines à luto peccatorum, sed in illud profondius, quia desperatiùs, immergantur.* Idcirco in praxi Confessarius potiùs (quòd fieri potest) debet esse benignus quàm rigidus cum pœnitentibus. Undè S. Gregorius Nazianz. Orat. 26 sic dixit: *Hortamur Sacerdotes, ut cum pœnitentibus leniùs agant, ex illo Apostoli ad Gal. 6. Instruite in spiritu lenitatis.* Et S. Bernardus Serm. de S. Andrea, loquens de Confessario, inquit: *Habeat*

in voluntate compati, et liberare eum; et nitatur, aliquid detrahare severitati, imitans dulcedinem Domini sui. Additque Serm. 42 in Cant. *Mallem aliquandò tacuisse et dissimulasse quod agi perperam deprehendi, quàm ad tantam reprehendisse perniciem.* S. Odilo Abbas (apud Ribadinèr, p. 2 die 1 Januarii) reprehensus de nimia benignitate in administrando Sacramento Pœnitentiæ, respondit: *Etiàmsi damnandus sim, malo tamen de divina misericordia, quàm ex duritia damnari.* B. Humbertus Generalis PP. Prædicatorum (in Glossa Prol. Constit. Ordin. lit. I.) dixit, salutem animarum pluries impediri per nimiam austeritatem opinionum, sic loquens: *Terrentur enim homines ex hoc in tantum, ut salutem negligant; idcirco relaxanda est quantum fieri potest austeritas, et agendum benignè; quia sic melius trahuntur ad salutem, cum sententiæ mitiores tenentur.* S. Bernardinus Senensis (to. 1 Fer. 2 post Dom. Quinquages. Serm. 3 art. 2 cap. 1 in fine) scripsit: *Secundum Scotum et Hostiensem, quando sunt diversa jura et opiniones, quæ tamen non sunt contra Deum et bonos mores (nempe quæ scandalum aliquod vel periculum afferant formaliter peccandi), cæteris paribus, humanior præferenda est.*

Sapienter autem dicit Holzm. de Pœn. n. 740. quod Confessarius in delectu opinionum debeat benigniores sententias sequi, quando illæ potiùs inducunt pœnitentem ad vitandum peccatum: Secùs verò, si illæ potiùs conducant ad legis transgressionem, prout sunt (ut benè advertunt Ronc. de Pœnit. cap. 2 quæst. 3 et Sporer l. 1 n. 48 et 49.) opiniones illæ, quæ, licet speculativè videantur probabiles, tamen in praxi sunt valdè periculosæ, sicut in materia sexti præcepti sunt opiniones aliquæ de tactibus, osculis, choreis, comœdiis, de reprimendis motibus sensualibus, et similibus; item in materia simoniæ, et usuræ, ubi plura videntur excusari ratione liberalis gratitudinis, sed in praxi magnum periculum involvunt; item quando agitur de compensatione facienda, vel de accusationem proæ-

quendo contra offensores, ubi facile est periculum
injustitiæ, aut vindictæ.

606 « 3. Moraliter ei constare debet de bona disposi-
» tione pœnitentis, aliàs absolvendo peccabit morta-
» liter * Vide dicta n. 459.) *

» 4. Non licet absolvere. 1. Qui nullam præbet
» materiam : qualis tamen non est, qui post absolu-
» tionem mox confitetur, cujus erat oblitus. * (Vide
» dicta n. 448. *ubi oppositum tenuimus.*) * 2. Qui cum
» possit, non est paratus restituere, et proximas pec-
» candi occasiones fugere. V. Navar. c. 15. Suar.
» d. 32 sect. 2. 3. Ignorantem ea, quæ omnes scire
» tenentur, v. g. decem præcepta, et quæ ad fruc-
» tuosam confessionem, et communionem spectant,
» undè talis communiter priùs est instruendus, vel
» aliò mittendus ad instructionem. * (V. dicta l. 2 ex
» n. 3 et in Praxi Confess. in fin hujus libri n. 22.) *

607 » 5. Rudiores ordinariè juvandi sunt * (Ex cap.
» Omnis de Pœnit. ubi dicitur : *Sacerdos sù discretus*
» *diligenter inquirens et peccatoris circumstantias, et*
» *peccati.* Item in Rit. Rom. habetur : *Si pœnitens nu-*
» *merum, et species, et circumstantias peccatorum ex-*
» *plicatu necessarias non expresserit, eum Sacerdos*
» *prudenter interroget. Sed caveat, ne curiosus... interro-*
» *gationibus quemquam detineat, præsertim juniores... de*
» *eo quod ignorant, imprudenter interrogans, ne... perca-*
» *re discant.*) * nisi sint incapaces instructionis, vel ob
» pœnitentium multitudinem fieri non possit, nec
» videatur expedire, ut dimittantur, vel sint peregri-
» ni, qui mox communicare, et abire debeant ; tunc
» enim, si alioqui bonâ fide agant, et temporis an-
» gustiæ, vel pœnitentium multitudo longum exa-
» men, vel instructionem non permittat, sufficere
» aliquandò integritatem formalem, docet Laym. c.
» 13 n. 10. quâ scilicet auditis aliquibus peccatis,
» absolvantur, cum onere redeundi ad confessionem
» plenioram. *

Sed hæc opinio videtur expressè damnata ab Inn.
XI. Prop. 59. Notamus autem hîc plura ad praxim

utilia, quòad interrogandos pœnitentes rusticos. I. Rustici, qui putantur non satis examinati, communiter non sunt dimittendi ad se meliùs examinandum; ità Salm. de Pœnit. c. 12 n. 26. cum Lugo Vasq. Dian. Dic. Et P. Segneri (in suo Confessar. Inst.) oppositum meritò putat intolerabilem errorem. Hinc rectè ait Sporer n. 798. Laym. c. 13 n. 10. cum Suar. et Golz. n. 731. cum Banbestub. et aliis passim, quod Confessarius examinare debeat ordinariè rusticòs; nam licet isti dimittantur, ut se meliùs prœparent, vix tamen paratiores umquàm redibunt, imò absterriti difficultate examinandæ conscientiæ, facilè à Confessione se retrahent. II. Non est obligatio interrogandi eos, qui videntur satis instructi, et diligentes in dicendis peccatis cum suis circumstantiis; Salm. cum Aversa l. c. n. 23. III. Confessarius non sit nimis anxius in interrogando, sed interroget tantùm de iis, quæ probabiliter pœnitenti conveniunt juxtà suam conditionem; Salmant. cum Suar. n. 21. Aliàs, ut ait Suarez, interrogatio erit onerosa pœnitenti. IV. Meliùs est examinare singula quæ pœnitens dicit, quàm omnia in finem reservare, ità rectè Salm. n. 25. cum Lugo et Dicast. V. Cavere debet Confessarius, ne acriter reprehendat pœnitentem, dum ille confitetur, ne fortè deterritus alia peccata reticeat; undè sic advertit Rituale: *Confessarius.... audiât Confessione, perpendens peccatorum... magnitudinem, opportunas correptiones... adhibebit.* Non tamen erit incongruum, si intrà Confessionem aliquandò humaniter gravitatem criminum pœnitenti exponat, dummodò illicò animum ei prœbeat ad reliqua confitendum.

- « 6. Si Confessarius notet, pœnitentem ignorare ⁶⁰⁸
- » aliqua necessaria ad hoc Sacramentum, tenetur
 - » eum instruere, et admonere officii, quantùm fieri
 - » potest, verb. gr. si nesciat illa, quæ necessitate
 - » medii sunt ad salutem necessaria, debet ea docere;
 - » item obligatos ad deponendum odium, ad restitutionem honoris, famæ, aut bonorum, aut ad occasionem peccatorum tollendam, aut amovendam, vel re-

- » paranda scandala, aliave damna illata, aut ad cor-
- » ripiendos delinquentes, juvandos iudigentes, ad
- » denuntianda delicta vel delinquentes in præjudi-
- » cium communitatis, vel innocentium: et deniquè,
- » si quam censuram incurrerint, etc. tenetur ea de
- » re monere, et hortari ad satisfactionem, quam si
- » recusent, negare absolutionem: quia aliqui se
- » ipsorum criminum participem, et sacrilegii reum
- » faciet. Aversa quæst. 16 sect. 12. *

Hic adverte cum Busemb. cui consentiunt Sporer n. 798. et Laym. c. 13 n. 10. cum Suar. et Llamus, quod Confessarius tenetur quantum potest ad disponendum suum pœnitentem, qui indispositus accedit. Quocircà nescio quandò à culpa excusari possint desides illi Confessarii, qui statim ac noverint pœnitentem non satis dispositum, dimittunt, nulla aut valdè modica præmissa diligentia ad eum curandum. Dico enim, quod Confessarius tenetur ex rigorosa obligatione charitatis eum disponere quantum valet, exponendo ipsi deformitatem peccati, valorem divinæ gratiæ, periculum damnationis, et similia, etiàmsi multum temporis in hoc impendere debeat. Nec ei curæ esse debet, quod alii pœnitentes expectent: nam tunc Confessarius non tenetur attendere ad bonum aliorum, sed tantum sui pœnitentis, pro quo tantum illo tunc, non verò pro aliis, rationem est Deo redditurus.

- 409 * 7. Tenetur monere eum, qui ex ignorantia vincibili, et mortaliter culpabili est in malo statu,
- » quia aliàs nec ipsi, nec Sacramento consulet, cum
 - » pœnitens sit indispositus. Si verò ignorantia sit invincibilis, v. gr. si bonâ fide teneat rem alienam,
 - » aut sit in matrimonio irritò, tenetur quidem monere, et instruere, quandò speratur fructus, nec
 - » timentur incommoda graviora: quæ si prudenter
 - » metuantur, aut fructus non speretur, non tenetur,
 - » imò non potest. Card. de Lugo de pœnit. d. 22 n. 24.
 - » nisi silentium officiat bono communi, quia debet
 - » bonum pœnitentis procurare, ac consequenter licet etiàmsi suadet, ut secundum suam ignorantiam

operetur, v. gr. Cajæ, ut reddat debitum Titio, quem invincibiliter credit suum esse maritum, cum non sit. V. Sanch. lib. 2 de matrim. d. 38. Nec obstare, etiãsi sit in præjudicium tertii particularis, ait Lugo, et Tamb. de exped. conf. l. 2. c. 4. Hinc si Confessor prævideat pœnitentem non restitutum, si ipsi detegatur nullitas tituli, quem pro se esse putet, non esse illi talem nullitatem à Confessario non interrogato detegendam. Quod si tamen pœnitens ipse dubitet, ac roget, tenetur dicere veritatem, quia tacere esset errorem approbare, prudenter tamen non plus dicendo, quàm rogatur, v. gr. si roget Titius, an post votum simplex castitatis matrimonium contractum valeat, possitque, ac teneatur reddere debitum, respondeat, quod sic, tacendo obligationem non petendi debiti. Vid. Laym. hîc, et Lugo loc. cit.

8. Quando Confessarii Principum, Prælatorum; aliorumque magnatum sociunt, ipsos non satisfacere officio, v. gr. circa collationem beneficiorum, electionem ministrorum, subditorum gubernationem, circa eleēmosynas ex bonis ecclesiasticis faciendas, etc. regulariter tenetur Confessarius monere pœnitentem de sua obligatione: aliàs si absolvit, suis humeris peccata illa imponit, et cæcus cæcum ducens, ambo in foveam inferni cadunt. Ratio est, quia in talibus rarò est ignorantia invincibilis; rarò item contingit, ut illa secum non afferant scandalum in subditis, existimantibus illa licere; vel certè non afferant damnum commune. Si tamen videat ignorantiam esse invincibilem, neque ex illa sequi scandalum, aut damnum commune: contra verò admonitionem fore in majus damnum pœnitentis, aut allaturam scandala, vel incommoda, potest secundum paulò antè dicta dissimulare, nisi interrogetur. Ità Lugo d. 22 n. 37.

9. Si etiã pœnitens teneretur, licet sub peccato mortali, ad aliquid adeò difficile, ut non credetur tunc æquo animo accepturus, et alià vice melius

- » suscepturus , posset prudens Confessor tunc illum
- » relinquere in bona fide excusante à peccato , et mo-
- » nitionem differre in tempus opportunius , ne terri-
- » tus à Confessione abstineat , graviusque detrimen-
- » tum incurrat. Tamb. c. 14 Lugo d. 22 §. 2 n. 27.
- 610 » 10. Minùs rectè dispositus excitandus est ad do-
- » lorem, et propositum emendationis, proposita pec-
- » cati scèditate, bonitate et periculo damnationis, etc.
- » Item remedia opportuna præscribenda contra pec-
- » cata futura. »

Quæritur, an Confessarius prævidens monitionem pœnitenti non esse profuturam, teneatur nihilominus eum monere? Certum est tenèri, si ignorantia sit culpabilis, vel sit circa aliquod medium ad salutem necessarium, aliàs pœnitens esset certè indispositus. Dubium igitur vertit, an monitiò faciendâ sit circa alia, quæ non sunt de necessitate medii, et cum ignorantia est inculpabilis? *Prima* sententia affirmat, et hanc tenent Adrian. apud Suar. de Pœnit. de 32 sect. 4 n. 5. item Wigandt tr. 2 n. 32. et Conc. p. 695 § 2 per totum. Idem tenent Gonzal. et Eliz. ap. Croix l. 6 p. 2 n. 1758 si ignorantia sit circa præcepta juris divini, secùs si juris humani. Rationes hujus sententiæ patebunt ex objectionibus ad secundam sententiam. *Secunda* tamen sententia communis et vera docet, quod si pœnitens laborat ignorantia inculpabili (sivè sit juris humani, sivè divini), et non speratur fructus, imò prudenter judicatur monitiò fore magis obfuturâ; quàm profutura, tunc Confessarius potest et tenetur eam omittere, relinquendo pœnitentem in sua bona fide. Ità cum Busemb. Suar. l. c. n. 4. cum P. Soto, et Corduba, Laym. l. 5 tr. 6 c. 13 n. 5. Sahch. de Matr. lib. 2 d. 38 n. 1 et 10. Lugo d. 22 n. 24. Nav. Man. c. 22 n. 83. Bon. de Matr. quæst. 3 p. ult. n. 7. Canus rel. p. 5. Anacl. p. 620 n. 52. Pal. p. 18 § 2 n. 7. cum Vasq. et Conc. Ronc. p. 94 q. 4 R. 2 Sporer p. 272 n. 795. Tamb. lib. 3 c. 4 § 1 Elbel p. 344 n. 471. Viva q. 8 art. 5 n. 4. Escob. l. 16 n. 633. cum Henr. Guttier. Medina, Holzm. t. 1 p. 12 n. 60. cum March.

Croix l. 6 p. 3 n. 540. et Salm. c. 12 n. 34. cum Pontio, Aversa, Vill. Diana, Gabr., etc. Et idem docet Habert (rigidioris disciplinæ fautor) t. 6 p. 466 q. 3 ubi loquens de Matrimonio nullo propter aliquod impedimentum, dicit; *Si adversus malum occultum, et invincibiliter ignoratum, nullum appareat remedium, et graviora incommoda prævideantur, dissimulandum est: (à Confessario) impedimentum, et conjux in bona fide relinquenda.* Idem sentit Antoine (recentior inter rigidos auctores) p. 534 qu. 3 ubi ait: *Si probabile periculum sit, ne ex admonitione sequatur peccatum for- male penitentis, vel grave scandalum, etc. differenda est monitio, et petenda dispensatio.*

Id probant 1. ex c. Si quis 2 de Pœnit. dist. 7. Sed hic textus reverà non facit ad casum, nam ibi loquitur S. Aug. tantùm de peccatore, qui vult differre pœnitentiam usque ad finem vitæ, et idè sic dicit: *Si scirem tibi nihil prodesse, non tibi darem* (ideest pœnitentiam). *Item, si scirem tibi prodesse* (uempè dilationem pœnitentiæ) *non te admonerem, non terrerem.* Ergò tene certum, dimitte incertum. Quid igitur hic textus refert ad rem? Probant 2 ex c. *Quia circa de Consang.* ubi Innoc. III. consultus de quibusdam, qui ex subreptitia dispensatione contraxerant, si respondit Episcopo interroganti; *Dissimulare poteris, cum ex separatione grave videas scandalum imminere.* Sed hic alius textus nec etiàm satis probat., quia saltèm non est certum, quod Papa sic respondens noluisset dispensare in illo impedimento (quàmvis Tournely... p. 317 cum pluribus intelligit ibi nullam adfuisse dispensationem); tantò magis quod aliquandò possit Pontifex ex urgentissima causa etiàm deobligare ab obligatione præstandi novum consensum, prout Clemens XI. 2 April 1701. egit cum quibusdam Populis Indiarum, ut refert Bened. XIV.

Potius igitur nostra sententia firmatur ex auctoritate D. Bernardi, qui Serm. 42 in Cantic. sit ait: *Mallem aliquandò tacuisse et dissimulasse, quod agi peperam deprehendi, quàm ad tantam reprehendisse perni-*

ciem. Conqueritur ergò S. Doctor per suam monitionem cognovisse se, majorem evenisse ruinam, quàm si dissimulasset reprehendere id quod cognovit malè agi. Maxime autem sententia probatur ex illa validissima ratione, scilicet quod de duobus malis minus sit permittendum, ut majus evitetur; undè in concursu peccati materialis et formalis, magis præcavendum est formale, quod solum punit Deus, cum ex solo peccato formali reputet se offensum. Ratio hæc magis patet ex responsionibus ab objectiones, quas mox recensensemus.

Objicitur I. illud Ezechielis (c. 33. v. 8.), *Si me dicente ad impium: Impie, morte morieris: non fueris locutus, ut se custodiat impius à via sua, ipse impius in iniquitate sua morietur, sanguinem autem ejus de manu tua requiram.* Sed quis non videt, hîc sermonem fieri de impio, qui est in mala fide, et quem tenetur utique Confessarius corripere, ut resipiscat? Et sic intelligendi alii textus Scripturæ, ac SS. Patrum, qui in contrarium afferentur.

Objicitur II. Confessarius est Doctor: ergò vi sui officii tenetur omninò instruere ignorantes, et legem manifestare. Respondetur, quod Confessarius non solum sit Doctor, sed etiàm Medicus, undè ut Medicus, cum prævidet monitionem vergere in ruinam pœnitentis, debet ab ea abstinere: et licet sit etiàm Doctor, attamen, cum munus Confessarii sit munus charitatis, à Christo Dom. tantum institutum in bonum animarum, debet quidem tradere doctrinam, sed illam tantum, quæ est proficua, non quæ nociva est pœnitentibus. Aliàs si ex munere doctoris de omni veritate teneretur instruere pœnitentes, deberet ab eis remove ignorantiam invincibilem adhuc juris humani, etiàm si prævideret monitionem obfuturam; sed hoc vel nemo dicet, vel nimis improbabiler dicet.

Objicitur III. quod in eo casu ignorantia pœnitentis non sit invincibilis, sed vincibilis; idque sic probant; Tunc adest vincibilis ignorantia, quando alicui vel occurrit dubitatio de præcepto vel aperta est

via præceptum addiscendi; sed huic ignorantia jam aperta est via, quandoquidem Confessarius paratus esset ad instruendum, si prævideret monitionem profuturam; ergo Confessarius tenetur monere talem pœnitentem, utpotè vincibili ignorantia laborantem. Sed respondetur: Ad constituendam ignorantiam vincibilem, non solum requiritur, ut pateat via ad veritatem præcepti assequendum, sed etiã omninò requiritur, ut occurrat dubitatio de præcepto, aliàs ignorantia semper esset invincibilis; ignorantia enim invincibilis, ut definitur à D. Th. 1 2 qu. 76 a 2 est illa, *quæ studio superari non potest*. Cum autem dubitatio de aliquo præcepto non occurrit, ignorantia studio superari certè non potest; quomodo enim studium quis adhibere potest ad inquirendum præceptum, de quo nullam notitiam ne confuse quidem per dubitationem habet? Undè rectè cum aliis communiter supponit P. Segneri (*in suo Confessar. Instructo c. 7.*) tunc utique adesse ignorantiam invincibilem: *Quando la persona non ha principio dubitare, e conseguentemente non ha nè anche maniera di vincere in suo errore*. Concludendum igitur, quod, cum alicui non occurrat dubitatio, ignorantia sit invincibilis: licet enim per se loquendo adsit via sciendi aliquam obligationem, illa tamen non patet ei, cui de obligatione nulla occurrit dubitatio. Aliàs, si talis pœnitens censendus esset laborare ignorantia vincibili, deberet dici, quod, etiãsi ipse non confiteretur, et etiãsi pœnitens monitus resipisceret, sed Confessarius propter incitiam vel oblivionem non adverteret ad eum monendum, adhuc pœnitens damnaretur, quia adhuc esset in mala fide, et in peccato formali, sed hoc non videtur ab ullo umquam posse dici. Quod autem confessarius advertat, vel non, ad faciendam monitionem, hoc merè per accidens se habet quoad pœnitentem, à cujus sola cognitione et voluntate pendet, quod ignorantia sit vincibilis; aut invincibilis.

Obijciunt IV. Quod talis pœnitens, qui si moneretur, non acquiesceret doctrinæ Confessarii, haberet

voluntatem obfirmatam in errore, undè tamquàm indispositus nequit absolvi. Sed respondetur, et quæritur, qualisne dispositio in pœnitente attendi debeat ut ei absolutio denegetur? num indispositio præsens sive actualis, vel futura seu interpretativa, scilicet quod, si ille in tali occasione poneretur, peccaret? non quidem interpretativa, alias plurimi absolvi non possunt qui hîc et nunc de aliquo peccato, plura de neganda fide non cogitant, sed, persecutione adveniente, facillè illam negarent. Item dicere debemus cum Pelagio (cujus error damnatus est ab Ecclesia), quod Deus in poenam peccatorum futurorum aliquos infantes non sinat ad Baptismum pervenire, et aliquos pervenire velit in præmium bonorum, quæ operaturi essent si vixissent. Quare minimè dici debet, quod pœnitens sit indispositus, eo quod si moneretur, non parèret Confessario, sed quod esset indispositus si moneretur. Sed Confessarius non debet attendere ad indispositionem interpretativam quam pœnitens haberet, sed ad actualem quam nunc habet. Et ideò, sicut non licet proximum exponere occasionì, in qua positus ille succumberet, ità Confessarius, cum prævidet ex monitione ruinam pœnitentis, tenetur ab ea abstinere, esto pœnitens relinquendus sit in peccato materiali, eo quod unum peccatum formale omnibus præponderet materialibus peccatis.

- 611 Ex his inferitur I. cum Laym. num. 5. Sanch. n. 8. Lugone n. 25. Salm. n. 34. Holzm. n. 60. Pal. § 2 n. 7. Habert, Antoine ll. cc. et aliis communiter (contra Concinam) quod, si confessarius noverit pœnitentem invalidè contraxisse Matrimonium ob aliquod impedimentum occultum, et periculum sit infamiæ, scandalì, aut incontinentiæ, si nullitatem manifestet; tunc debeat omittere monitionem, et illum relinquere in bona fide, donec obtineatur dispensatio; nisi dispensatio (ut rectè ajunt Laym. n. 6. Pal. et Salm. ll. cc.) de facili, et statim obtineri possit ab habente facultatem, et etiàm ab Episcopo (rectè dicit Palæus), ut liberetur pœnitens à peccato materiali. Vide dicen-

da de Matr. Dub. 3 n. 1123. Utrùm autem casu possit Confessarius obligare conjugem negantem debitum ad illud reddendum? Negat Bon. de Matr. q. 3 p. ult. n. 6, cum Soto, et Hurt. quia id esset consulere fornicationem; tantùm (nt ait) poterit in genere dicere, quod conjuges teneantur reddere debitum. Affirmant verò communiùs et probabiliùs Lugo et Sanch. ll. co. Fill. tr. 10 n. 98. Croix l. 6 p. 3 n. 542, et Escob. l. 16 n. 630, cum Conc. Henr. Led. et Corduba. Ratio, quia stante persuasione conjugis, quod Matrimonium sit validum, tenetur ille reddere, ut dictamen suæ conscientiae sequatur.

Quid, si Matrimonium sit contrahendum? Holzm. 61a t. 1 p. 12 n. 61, ait omninò tunc monitionem esse faciendam, etiàmsi certè non sit profutura, et certè obfutura; quia magis præcavenda est nullitas Sacramenti, quàm peccatum, aut infamia poenitentis. Holzm. citat etiàmsi Sporer pro hac sententia de Consec. c. 1 n. 9, sed Sporer loquitur ibi (et rectè tantùm de casu quo aliquis vellet ducere consanguineam: tum quia reverà abest infamia; tum quia poenitens post Matrimonium facilè poterit cognoscere ejus nullitatem, et sic facilè incidere in peccata formalia; præter alia pericula relinquendi filios illegitimos, etc. E converso Sanch. dict. d. 38 n. 7, in fine; et Lugo d. 22 n. 24, absolutè dicunt, adhuc in eo casu omittendam esse monitionem, quandò ipsa probabiliter censetur non profutura. Probabiliùs tamen mihi videtur dicendum cum Palao p. 18 § 2 n. 9 et Salm. c. 12 n. 35, quod, regulariter loquendo, omninò monitio tunc facienda sit, tum quia ex Matrimonio nullo frequenter plura inconvenientia oriuntur; tum quia sæpè post tale Matrimonium ignorantia cessare solet, et tunc facilè adest periculum peccandi formaliter. Undè benè ait Laym. c. 13. n. 6, quod eo casu monitio facienda sit, si aliquis saltèm spes adsit profectus. Et idèms, quod de Matrimonio nullo, dicit Sporer de Consc. c. 1 n. 29. de contractu illicito ineundo. Si verò Confessarius certò moraliter desperet de fructu, tunc meritò dicit

Croix lib. 6 p. 3 n. 540, cum Aversa (quibus jam videntur adhærere Pal. Salm. et Laym.) quod omittere debeat monitionem, donec obtineat dispensationem; quia melius est permittere peccatum materiale, quàm præbere occasionem certi peccati formalis. Nee obstat ratio Holzmanni, nam (ut dicunt Sanch. Pontius, Vasq. Salas, Salon. et alii citati l. 1 num. 32.) Sacramenta non exposcunt majorem reverentiam, quàm præcepta divina. Undè si in præceptis divinis permitti potest Materiale peccatum, ut ipsemet Holzm. admittit numer. 60, cur non poterit permitti materialis irreverentia Sacramenti in tanta necessitate, ut peccatum formale vitetur?

613 Sed hîc discutiendus est casus valdè facilis eventus, et difficilis solutus. Rogatur: quid agendum, si sponsi accedant ad Ecclesiam ad contrahendum Matrimonium, et alter eorum manifestet Confessario impedimentum occultum, dum omnia sunt parata, et non possit sine scandalo et infamia Matrimonium differri? Sanch. de Matr. lib. 2 d. 40 n. 8. Boss. p. 1 n. 1206 et Bon. eod. tit. q. 3 p. 15 n. 6 cum Guttier. suadent, ut pœnitens votum emittat castitatis ad tempus puta ad mensem. Sed hoc remedium, ut ajunt Roncag. p. 172 q. 2 et Auctor Instruct. pro novis Confess. p. 2 c. 1 n. 31 meritò videtur esse periculosum, propter suspicionem, quam facilè apud alios ingerere potest; tantò magis quod passim apud Casuistas tale remedium præscriptum inveniatur. Undè Lugo d. 22 n. 24 et præfatus Auctor Instruct. etc. dicunt, tunc consultius esse, quod Confessarius relinquat sponso in bona fide, et sinat eos nuptias contrahere; et huic consentit Laym. de Pœn. c. 13 n. 6 si omninò desperetur de fructu monitionis. Communissimè verò alii DD. et probabilissimè docent, in eo casu posse Episcopum dispensare; ita Sanchez dict. D. 40 n. 3 et 7. Bon. n. 4. Cabass. t. 1 l. 3 c. 27 n. 4. Pignat. t. 3. Cons. 33. Suar. de leg. l. 6 c. 14 in fine, Spor. de leg. p. 50 n. 353. Conc. de Matr. p. 343 n. 5. Pontius, l. 9 c. 6 n. 6. Dian. p. 8 tr. 3. R. 80. Pal. p. 18 §. 2 n. 9. Salm. de Matr. c.

14 n. 11. Viva q. 6 art. 1 n. 8. Elbel p. 500 n. 493 cum Bob. Fill. Mastr. et Croix de Matr. n. 838 cum Vasq. Sylvio, Barbosa, Hurt. Reg. Vill. Salas, Boss. Molfes. Machad. et aliis plurimis cum Card. (qui dicit esse sententiam moraliter certam) et Pyrrho, ac Corrad. (qui testatur ita declarasse Sixtum V. et communem vocat Bened. XIV. de Synod. l. 7 c. 31 n. 2 (contra rigidissimum Fagnanum, qui in c. Nimis, de Filiis Presb. negat, etiamsi id oporteat ad legitimandam prolem in articulo mortis; adversus communem DD. cum Pignatel. t. 3. Cons. 33 qui n. 8 ex aliis id extendit, etiamsi impedimentum fuerit publicum.) Ratio, vel quia tunc præsumentus est Pontifex delegare Episcopo facultatem dispensandi, quam requisitus certe ei non denegaret; vel quia (ut ratiocinatur Sanch. n. 3 et 7.) Episcopus potest in sua Dioecesi quidquid potest Pontifex in tota Ecclesia, nisi aliquid Pontifex sibi reservavit (juxta id quod plures dicunt de Matr. vide infra n. 980. Dub. 1.); undè, si Episcopus dispensare nequeat in iis impedimentis, id ex eo provenit, quia Pontifex reservat; sed cum reservatio fiat propter charitatem, et ob bonam Reip. gubernationem, non est verisimile, Pontificem dispensationem sibi reservare in casu tantæ necessitatis, quando aliter scandala vitari non possent; hoc enim esset contra charitatem. Ergò in eo casu intelligitur cessare reservatio, et idè Episcopus ex sua potestate ordinaria potest tunc dispensare, sicut potest in aliis legibus Pontificiis, quando aditus ad Papam non patet. Et eo casu probabiliter dicunt idem Sanchez n. 14. Elbel l. c. Bon. n. 6. cum Valent. Vasq. Salas, Henr. ac Salm. c. 14 n. 12 cum Con. Pal. Basil. etc. quod Episcopi legitime possint prædictam facultatem dispensandi delegare aliis, etiam generaliter pro omnibus casibus occurrentibus, quia hæc facultas conceditur Episcopis ratione Dignitatis, undè accipit conditiones potestatis ordinariæ. (Vicarius autem Episcopi ratione sui officii hanc facultatem certe non habet, prout notant Salm. ib.) Imò addit Pignatell. t. 3. Consult. 33 n. 5 ibique

fusè probat, quod eo casu censeatur omninò cessare
 lex, qua prohibetur tale conjugium contrahi; omnis
 enim lex (ut ait) ordinatur ad bonum publicum, ut
 reverà est commune apud omnes ex c. 2 de Observ.
 Jejun. ubi dicitur, quod necessitas careat lege, et ex c.
 2 dist. 4 ubi S. Isidorus ait : *Erit autem lex honesta ,*
possibilis secundum naturam , loco temporique conve-
niens , utilis , manifesta quoque etc. Undè quandò lex
 evadit perniciosa, utique non obligat, ut docet D. Th.
 2. 2. qu. 120 art. 1 ubi dicit, quod cum aliquid est
 contra commune bonum, *malum est sequi legem posi-*
tum, Idem Cajet. ib. Nav. c. 16 n. 37. Soto de Just. q.
 6 art. 8. Pig. t. 3. Consult. 33 n. 5 cum Covar. Led.
 et aliis passim; idem Salm. de Leg. c. 1 n. 15 et Pal.
 tr. 3 p. 1 n. 4, qui probat cum Suar. Bon. Vas. et Sa-
 las, quod lex bono communi non conveniens, non sit
 lex, nequè obligationem inducat. Et ideò ait Pignat-
 tellus, tunc alium inferiorem legislatore posse decla-
 rare, quod lex impedimenti cesset, et non obliget;
 cum in eo casu, si adhuc Pontifex vellet, legem obli-
 gare, talis voluntas respiceret malum, quia esset causa
 scandali, quod non est præsumentum. Undè dicit
 Ronc. p. 172 q. 2 (cujus opinionem ait Auctor Instruct.
 pro novis Confessar. p. 2 n. 32 ex Jordano, et Pignat.
 ut suprà, non esse rejiciendam tamquàm improbabilem
 et non tutam in praxi) quod, si aliquandò nec etiàm
 ad Episcopum aditus pateret, et nullo modo aliter
 vitari posset gravissimum periculum infamiæ, aut
 scandali, posset Parochus vel alius Confessarius de-
 clarare, quod lex impedimenti eo casu non obliget,
 quia eadem ratio (ut suprà) tunc urget, nempe quod
 cesset lex, quandò potius est nociva, quàm utilis. Et
 licet hîc non cesset finis legis in communi, sed in par-
 ticulari, cum tamen cessat finis legis in contrarium,
 lex etiàm cessat, ut omnes conveniunt cum Salm. de
 Leg. c. 4 n. 6. No'ant tamen præfati Auctores, quod,
 esto tunc permittatur contrahi Matrimonium, tamen
 quantocius (saltèm ad majorem securitatem, et ad
 salvandam reverentiam legibus Ecclesiæ debitam) re-

curri debeat ad S. Pœnitentiariam, ut ab illa dispensatio obteneatur.

Infertur II. quod, ubi non speratur fructus, omit-⁶¹⁴ tenda sit monitio etiã de restitutione facienda, ut dicunt Laym. c. 13 n. 4 Lugo d. 22 n. 26. Ronc. p. 94 q. 4. R. 2 Sporer de Pœn. n. 795. Viva q. 8 art. 5 n. 5. Elbel p. 344 n. 471 cum Tamb. Sanch. l. 2 d. 38 n. 8 et 10 cum Cano, Henr. Led. Met. et Cord. Holz. t. 1 de Consc. c. 3 n. 53 cum Henno, et communi, ac Salm. c. 12 n. 34 cum Vasq. Suar. Con. Pontio, Vill. Aversa, etc. (contra Concinam, Hab. ll. cc. et Antoine p. 534 qu. 3, qui duo ultimi in assignanda ratione circa monitionem de Matrimonio nullo, et de restitutione facienda, apertè sibi contradicunt). Ratio est, quia Confessarius, cum prœvidet, futurum, ut monendo de restitutione, pœnitens non pareat, et in peccatum formale incidat, magis prœcavere debet ejus spirituale damnum, quàm damnum alterius temporale. Beuè tamen advertunt Viva, et Ronc., non facilè judicandum, quod pœnitens, cognita veritatè, monitioni non obtemperaturus sit.

Infertur III. omittendam esse monitionem etiã quando timentur scandala aliorum, infamiæ, rixæ, et similia; ità Suar. d. 32 sect. 4 n. 3. Sanch. Dicta D. 38 n. 10. Laym. c. 13 n. 5. Lugo d. 22 n. 7. Pal. §. 2 n. 8. Ronc. p. 94 q. 4. R. 2 et Salm. c. 12 n. 34 cum Vasq. Con. Covar. Dicast. et Granade. Quia semper præstat vitare mala formalia aliorum, quàm materialia pœnitentis.

Excipiendum est tamen I. quandò damnum redun-⁶¹⁵ daret contrà bonum commune; licet enim Confessarius teneatur ratione sui officii principaliter incumbere bono pœnitentis, nihilominùs, cum ipse sit pars Reipublicæ, et in bonum Reip. Christianæ Minister constitutus, tenetur præferre bonum publicum bono privato pœnitentis; ità cum Busemb. ut suprà, Lugo d. 22 n. 30. Ronc. l. c. R. 1 Salm. c. 12 n. 37 cum Aversa, Dic. et aliis communiter. Hinc omninò monendus est Parochus, qui erroneè, etsi ex ignorantia invincibili, circa mores populum instrueret. Item monendus

qui bonâ fide putaret se Sacerdotem, cum non esset, ob Sacramenta quæ invalidè cōferret. Item ignorans nullitatem Matrimonii, si de illa publica sit fama. Item benè addunt Salm. n. 40 cum Busemb. ex Lugo d. 22 n. 3 (cujus doctrinam uti saluberrimam Confessariis sequendam proponit Pontifex in Bulla mox citanda) Confessarium debere admonere Episcopos, Prælatos, Principes, Gubernatores, Confessarios, et similes, qui ex ignorantia invincibili perperam se gerunt circa collationem Beneficiorum, electionem Ministrorum, subditorum gubernium, largitionem elemosynarum de superfluis Beneficiorum, administrationem Sacramenti Pœnitentiæ, etc. Ratio, quia rarò contingit, Hujusmodi ignorantiam esse inculpabilem, vel non esse perniciosam aliis, qui faciliè licita sibi putant, quæ à Superioribus fieri observant. Imò benè advertit N. SS. P. Benedictus XIV. in sua Bulla *Apostolica*, edita 26 Jun. 1749 (in Bullar. t. 3 p. 82 §. 20) monendum esse pœnitentem, *si in iis versetur facti circumstantiis, quæ, Confessario dissimulante, peccatorem in pravo opere obfirmant, non sine aliorum scandalo, cum quis arbitretur ea sibi licere, quæ ab iis, qui Ecclesiæ Sacramenta frequentant, impunè exerceri animadvertit.* Præterea benè addit Lugo, quod, si Confessarius rationabiliter dubitat, an hujusmodi pœnitentes suo debito satisfaciant, teneatur eos de illo interrogare.

- 616 Excipiendum II. si pœnitens interroget, tunc enim Confessarius tenetur detegere veritatem, nec potest dissimulare; quia, cum ille jam inceperit laborare ignorantia vincibili, dissimulatio Confessarii esset erroris approbatio; ita Suar. d. 32 sect. 4 n. 2 et 3. Laym. c. 13 n. 6. Pal. n. 10. Lugo d. 22 n. 29. Salm. c. 12 n. 36 et alii communiter cum Sanch. D. 38 n. 14, qui excipit, si pœnitens non interrogaret cum dubio, sed ex scrupulo; quia tunc (ut ait), dissimulante Confessario, ille etiàm remaneret in bona fide. Sed hoc meritò non admittunt Lugo, et Salm. ll. cit. cum Soto, Led. Lop. etc. quia, stante interrogatione facta, pœnitens faciet postea auctoritate Confessarii, quod antea facie-

bat ex ignorantia. Rectè verò dicunt Sanchez n. 8. Suar. Laym. et Sporer II. cit. quod, cum pœnitens interrogat, Confessarius non plus respondere debeat, quàm ab ipso interrogatur, ex. gr. si quis obstrictus voto castitatis interroget, an Matrimonium propter votum fuerit invalidum, et an teneatur uxori reddere debitum, Confessarius affirmet utrumque, tacens de obligatione non petendi, etiàmsi noverit, Matrimonium ob aliquod impedimentum dirimens esse nullum

Excipiendum III. si pœnitens brevi sit monitioni obsecuturus, quàmvis in principio non acquiescat; sic enim sapienter loquitur Laym. c. 13 n. 5. in fine: « Confessarius considerare debet quantum et quam diuturnum incommodum ex monitione timeatur; fieri enim quandòque solet, ut pœnitens initio conturbatus animo salutarem monitionem respuat, postea verò mentē sedatā eandem cum fructu recipiat.) • Imò dicit Lugo D. 22 n. 39 cum Adriano, Med. Cano, et Corduba, monendum esse pœnitentem, etiàmsi scandalum sit passurus, quandò scandalum, quod timetur, brevi mansurum putatur, et spes sit fore, ut monitio postea brevi habeat effectum suum. Sed hoc melius intelligendum locum habere, prout tradit Bened. XIV. in præfata Bulla Apostolica, l. c. casu quo, ut ait, *dissimulante Confessario, peccator in pravo opere obfirmaretur cum scandalo aliorum; vel quandò quis in proxima peccati occasione versatur; sin minùs in externis actibus, saltē in pravis cupiditatibus, ac morosis delectationibus assentiri consuevit.*

Utrum autem facienda sit monitio in dubio, an sit profutura vel obfutura? Resp. si non timetur de damno, omninò quidem fieri debet; si verò dubitatur tam de damno, quàm de fructu secuturo, tunc Confessarius pensare debet damnum et utile, item gradum timoris damni, ac spei utilitatis, et eligere id, quod judicat præponderare; ità Lugo d. 12 n. 31 et Salm. c. 12 n. 39 cum Dicast. et Aversa. Cæterum in dubio regulariter mihi videtur dicendum, quod mala formalia potius evitanda sint quàm materialia. Hinc loquens

P. Concina de correctione fraterna (in tract. de Eleēmos. c. 3 n. 9), dicit, quod in dubio, an correctio sit profutura vel nocitura, omitti debeat, quia (ut ait) imprudenter agit qui dubius operationi morali se committit.

- 617 « Resp. 2. Ut Confessarius licitè hoc Sacramentum
 » administret, debet esse in gratia, alioqui peccabit
 » mortaliter * (Vide dicta n. 31) *; item debet esse
 » talis, ut per hoc non exponatur proximo periculo
 » peccandi mortaliter. Pars prior constat ex dictis de
 » Sacramentis in genere. An verò audiens plures una
 » quasi vice morali tot numero peccata committat,
 » alii negant, ut Rod. alii affirmant, ut Bon. hîc
 » * (Vide dicta l. 5 n. 90 v. Qu. 6 ubi id omninò ne-
 » gatur) * Pars posterior patet.

Undè resolvitur hic casus.

- » Confessor conscius sibi peccati mortalis tenetur,
 » antequàm audiat, vel saltèm absolvat pœnitentem
 » * (Vide dicta de hoc lib. 6 n. 36), * ipse confiteri,
 » vel conteri de suo peccato. Si tamen vocatus impro-
 » visò ad moribundum recolligere se tam subito non
 » possit ad contritionem eliciendam, vel bona fide
 » putet se elicuisse, non peccat absolvendo. Præpos.
 » Lugo Tamb. l. 3 c. 2 § 3 * (Vide dicta n. 33.) *
 618 » Resp. 3. Si malè absolvit, committendo defec-
 » tum essentialem, v. gr. si non protulit formam,
 » vel absolvit à reservatis non subditum, tenetur in-
 » ducere ad repetendam confessionem, si sine scan-
 » dalo, infamia, fractione sigilli, et nocumento suo
 » possit: sin minùs, non tenetur. Si non absolvit à
 » censura, potest ab eadèm (si, vel quandò habue-
 » rit potestatem) absolvere absentem * Vide dicenda
 » de Censur. n. 117.) * Bonac. de Cens. in comm.
 » d. 1 q. 3 p. 6 ex Suar. Fill. t. 11 c. 10 q. 6. Reg.
 » Nav. Rodr.
 » Si non interrogavit sufficienter numerum, spe-
 » ciem, vel alias circumstantias, regulariter ad nihil

» tenetur , nisi ad pœnitentiam agendam ; monere
 » enim extrà Confessionem non debet , cum iudicium
 » sit finitum . Si tamen redeat ad Confessionem idem
 » pœnitens , debet moneri de defectu commisso ;
 » quia alioqui hæc confessio non erit integra , cum
 » quædam non sit debitè confessus .

• Dixi , *si non interrogavit* : quia si positivè dixit ,
 » non tenêri confiteri numerum , speciem , etc. debet
 » monere , si sine gravi scandalo , et detrimento po-
 » test ; quia est causa , quod alter præceptum grave ,
 » scilicet confitendi illa peccata , violet. Lugo d. 22
 » sect. 3.

» Si neglexit monere de restitutione , moneat , si
 » quidem commodè potest , (vel in confessione)
 » vel extrà , obtentâ priùs ab ipso veniâ , eâ verò
 » negatâ , ad nihil ultrà tenêri docet Tamb. l. 3 c. 8.
 » Sanch. contra Suar. quia tenetur ex charitate : si
 » non commodè potest , Deo commendet. Laym. l. 5.
 » t. 6 c. 9. Hen. Suar Sylv. Mercer. in 3 p. q. 9 art. 1
 » Diana p. 4 R. 198 et p. 1 t. 4. R. 109. Quod si ta-
 » men (ex gravi , seu mortali culpa contra jus alte-
 » rius) dixisset , eum non tenêri ad restitutionem ,
 » vel aliter (v. gr. opinionem falsam persuadendæ)
 » esset causa efficax ; cur non restituat , vel aliundè
 » detrimentum accipiat ipse , vel alius ; tenetur ipsemet
 » restituere , nisi moneat tempestivè , priusquàm pœ-
 » nitens fiat impotens , quia actione sua fuit injusta
 » causa damni . Si verò sine gravi culpa id fecit , tene-
 » tur nihilominus monere pœnitentem , si commodè
 » potest : alioqui ipse obligatur , sicut casu priore .
 » Si non commodè potest , excusabitur. V. Suar. Con.
 » d. 8. d. 17. Bon. Dian t. 2 m. R. 1. Lugo d. 22 s. 3 n.
 » 61 et suprâ l. 3 t. 5 c. 2 d. 1 art. 2 cas. 12. »

Hic distinguere oportet plura dubia , quæ hoc puni-⁶¹⁹
 tum concernunt. Dnbitatur I. Ad quid teneatur Con-
 fessarius , si erravit circâ valorem Sacramenti ? Si er-
 ravit sine culpa , conveniunt omnes , non tenêri cum
 gravi incommodo famæ vel honoris monere pœniten-
 tem de errore ; itâ Lugo. d. 22. n. 58. Salm. cap. 12

n. 56. Spor. p. 274 n. 803. Viva q. 8 art. 5 n. 10. Elbel p. 332 n. 437 et alii passim. Ratio, quia tunc Confessarius tenetur ad monitionem tantum ex charitate, quæ non obligat cum gravi incommodo. Hoc tantum valet pro Confessario delegato; aliter enim videtur dicendum de Parocho, juxta dicta l. 3 n. 401. *Omnes*: eo quod Parochus teneatur ex justitia reparare grave damnum spirituales subditorum. Rectè autem addunt præfati AA. quemcumque Confessarium teneri monere pœnitentem de nullitate absolutionis ei collatæ, si ille sit in articulo mortis vel in gravi periculo non amplius confitendi. Sed quid, si Confessarius cum culpa gravi erravit circa valorem Sacramenti, an tunc tenetur monere cum gravi suo damno? *Prima* sententia negat, et hanc tenent Bonac. q. 7 p. ult. n. 4. Suar. d. 32 sect. 6 et 7. cum S. Anton. Sylv. Nav. et Cord. et probabilem censent Salm. c. 12 n. 56 cum Vasq. Hurt. Aversa, etc. Ratio, tum quia tale præceptum non videtur obligare cum tanto dispendio; tum quia, sicut ipsi pœnitens non teneretur cum tanto incommodo sua peccata confiteri si monitus esset; ita nec Confessarius. Excipit tamen P. Suarez, si Confessarius deceperit pœnitentem, relinquendo illum in occasione proxima peccandi. *Secunda* verò sententia, quam sequimur, affirmat, et hanc tenent Lugo, Viva, Spor., et Elb. ll. cc. item Tamb. Meth. Conf. l. 3 c. 8 n. 5. ac Leand. apud Salm. loc. cit. Ratio, quia, licet Confessarius ex charitate onus susceperit audiendi Confessionem pœnitentis, tamen, postquam audit, tenetur ex officio, et ex quasi contractu cum pœnitente inito ritè ipsi ministrare Sacramentum: undè si invalidè ministraverit ex sua culpa, tenetur utique etià cum gravi suo damno (petitâ licentia) illum de errore mone- re; et sic respondetur primæ rationi oppositæ. Respondetur item secundæ, quod pœnitens, si monitus esset, posset sine Confessione aliter sibi providere eliciendo actum contritionis; at Confessarius non potest ipsum inscium relinquere in tanto gravi suo damno carentiæ gratiæ sacramentalis. Diximus, *petitâ li-*

centia, nam probabilius (contra alios) dicunt Conink, Bon. et Spor. apud Croix l. 6 p. 2 n. 1785. quod, si ex monitione gravis sequeretur offensio pœnitentis, non teneatur tunc Confessarius, nec possit monere, quia sigillum læderetur juxta dicenda n. 622. Item probabile videtur cum AA. primæ sententiæ, quod, si pœnitens iterum alteri confessus fuerit, tunc non teneatur Confessarius cum gravi incommodo eum monere de nullitate primæ Confessionis. Ratio, quia tunc jam moraliter certò pœnitens supponitur justificatus; et ideò, sicut ille non tenetur cum gravi dispendio procurare integritatem Confessionis, ita nec Confessarius. Et idem potest dici, si pœnitens Eucharistiam deinde suscepit, quia (ut diximus de Sacram. in genere n. 6. cum D. Thoma, et aliis communiter) Eucharistia cum attritione et bona fide suscepta, per accidens primam gratiam confert.

Dubitatur II. Quid, si error non fuerit circa valorem, ⁶²⁰ sed circa integritatem Confessionis, nempe si Confessarius neglexerit interrogare de speciebus, et numero peccatorum? Respondetur. Si Confessarius in hoc negativè se habuit non interrogando, tunc non tenetur monere de errore, nisi intrà Confessionem, ut cum Busemb. dicunt Lugo d. 22 n. 75. Spor. n. 804. item Suar. et Arriaga apud Croix n. 1779. Et hoc etiãsi Confessarius culpabiliter interrogare neglexerit. Ratio, quia obligatio faciendi Confessionem integram directè afficit pœnitentem, non Confessarium; unde, licet Confessarius teneatur intrà Confessionem interrogare pœnitentem de speciebus, et numero peccatorum, ut efformet judicium de statu causæ, et pœnitentis, finito, tamen judicio, cessat in Confessario hujusmodi obligatio. Si verò ipse positivè induxit pœnitentem, ne explicaret ille species sive numerum, tunc, si cum culpa gravi id fecerit, tenetur etiã extrà Confessionem cum licentia pœnitentis eum monere de errore, sed sine scandalo, et sine gravi suo damno; ut benè ajunt Lugo m. 73. et Sporer l. c. nam sicut grave damnum excusat pœnitentem ab

integritate Confessionis ità etiàm Confessarium. Quod si Confessarius in hoc non graviter peccaverit, tunc multò minor causa sufficiet ad eum excusandum à monitione facienda. Hinc rectè ajunt Lugo l. c. Tamb. l. 3 c. 8 n. 3. cum Fill. ac Suar. Arriaga apud Croix dict. n. 1779. quod Confessarius, qui bona fide deobligavit pœnitentem ab explicanda specie sivè numero, regulariter non teneatur admonere extrà Confessionem, quia regulariter (dico semper) sine incommodo, et rubore id facere non potest.

621 Dubitatur III. Ad quid teneatur Confessarius, si positivè deobligavit, vel non monuit pœnitentem de restitutione facienda? Respondetur; si illum positivè deobligavit cum sua culpa gravi, omnes dicunt, tenèri ad monitionem, etiàm cum gravi incommodo, vel intrà Confessionem, si pœnitens brevi ad confitendum redeat; vel extrà, petendo licentiam, si non redeat. Aliàs non monendo, vel monendo postquàm pœnitens factus sit impotens, tenebitur ipse Confessarius ad restitutionem; casu quo (intelligendum) pœnitens jam restituisset, si fuisset monitus. Ità communiter Lugo d. 22 n. 61. Pal. p. 18 § 3 n. 6. Bonac. de Restit. q. 7 p. 4 § ult. n. 22. Viva de Pœn. q. 8 art. 5 n. 10. Elbel p. 233 n. 439. Spor. p. 274 n. 805. et Salm. c. 12 n. 50. cum Gran. Gabr. Bonasp. et aliis passim. Ratio, quia Confessarius suo injusto consilio jam fuit causa damni. Si verò sine culpa gravi pœnitentem deobligavit, non tenetur jam cum gravi suo incommodo illum de restitutione monere; tenetur verò, si commodè potest, ut dicunt Salm. n. 51. cum Aversa, et Dicast. Imò tenetur etiàm cum aliquali suo incommodo, ut rectè ajunt Lugo n. 66. et Elbel, Viva, ac Sporer ll. cc. quia ex charitate quisque tenetur cum levi incommodo reparare grave damnum proximi.

An autem Confessarius, si tunc omittat monere, cum possit sine gravi suo incommodo, teneatur ipse ad restitutionem? Nègat Sanch. Cons. l. 1. c. 3. dub. 5. n. 2. eò quod Confessarius (ut ait) tunc non tenea-

tur ex justitia monere, cum non sit causa positiva damni, sed tantum negativa, scilicet non manifestando poenitenti ejus cognitam obligationem; tenetur ergo ad monendum tantum ex charitate, quæ non obligat ad restitutionem. Et consentit huic opinioni Cajetanus v. Restitutio cap. 7. in fine, ubi sic dicit: *Si datâ opera (Confessarius) docuit falsa, putans esse vera, non tenetur lege justitiæ.* Et idem ait Nav. ap. Sanch. l. c. Sed communius, et verius affirmant Lugo n. 63. Sporer, Elber, Viva ll. cc. et Salm. n. 51. cum Aver-sa, Dicast etc. item Aragon. et Salon. apud Sanchez. Ratio, quia, licet Confessarius sine culpa saltem gravi poenitentem deobligaverit à restitutione debita, tamen, cum suum consilium pergat influere in damnum creditoris, cognito errore, tenetur ipse ex justitia causam damni auferre, si commodè potest, alias obligatur restituere, cum hinc et nunc ipse sit causa damni; proût si quis sine culpa gravi accendit ignem in segetem alienam, tenetur postea (si commodè potest) ex justitia illum extinguere. Vide dicta l. 3. n. 994. Benè autem advertunt Busemb. ut supra, Lugo n. 64. et Bonac. loc. cit. quod, cum Confessarius jam monuerit poenitentem, priusquam ille fieret impotens, tunc ad nihil teneatur, etiâsi culpabiliter antea eum deobligaverit à restitutione; quia consilium tunc solum influebat ex auctoritate Confessarii, undè, revocato consilio, cessat ejus auctoritas influere.

Sed quid, si poenitens tempore Confessionis erat dispositus ad restitutionem, si monitus fuisset, et postea, mutato animo, nollet monitus restituere cum posset? Antoine pag. 544. qu. 10. R. 2. dicit, quod tunc Confessarius ad nihil teneatur, quia tunc Confessarius suâ monitione jam aufert causam damni, et ideo si poenitens non restituit, id ex ejus malitia provenit. Sed meritò sapientissimus Lugo d. n. 64. non excusat Confessarium eo casu à restitutione: ratio, quia, esto is qui auctoritative dat pravum consilium, revocato consilio, ad nihil amplius teneatur, ut communiter docent DD. l. 3. num. 559. hoc tamen procedit,

quandò damnum non est adhuc factum ; non verò cum ex consilio damnum est jam illatum alteri. Quandò autem Confessarius positivè , et culpabiliter deobligat pœnitentem dispositum ad restituendum , tunc ipse est causa , ut actu damnum creditori inferatur , cum aliàs , si non deobligaret , jam actu fieret restitutio. Undè , si damnum jam actu inferitur , confessarius , etiàmsi postea quærat inducere pœnitentem ad restituendum , si ille renuet , non excusabitur ipse à restitutione , cum ipse fuerit causa damni illati.

Hoc , si Confessarius positivè restitutionem impedivit. Si verò negativè se habuit , negligendo monere pœnitentem de restitutione , tunc distinguendum : Si inculpabiliter id egerit , non tenetur quidem cum gravi suo incommodo monere pœnitentem ; sed tenetur cum aliquali , ut diximus , quia charitas obligat quemquam ad reparandum cum levi suo incommodo grave nocumentum proximi. Et in hoc advertit Lugo n. 63. incommodum mensurandum esse respectivè ad damnum , quod si sit gravissimum , aderit fortè obligatio illud reparandi etià cum notabili incommo. Si verò Confessarius culpabiliter neglexit monere de restitutione , merito , dicunt Lugo , Elbel II. cc. tenèri cum majori suo incommodo ad monitionem faciendam. An autem omittendo hanc monitionem , teneatur ipse restituere ? Si inculpabiliter omittit , conveniunt omnes , eum ad nihil tenèri. Sed dubium est , si culpabiliter omittat , an teneatur ad restitutionem ? *Prima* sententia absolutè affirmat , et hanc tenent Nav. c. 17 n. 22 Fill. tr. 32 c. 3 q. 12 n. 79. item P. Nav. Mol. Sayr. Med. Arag. etc. apud Bon. de Rest. d. 1 q. 2 p. 11 n. 15. Quia (ut ajunt) Confessarius ex officio tenetur pœnitentem docere suam obligationem , aliàs non docendo , ipse est causa damni. *Secunda* sententia , quam tenent Less. l. 2 c. 13 n. 77. et 78 et Antoin. p. 544 q. 10 R. 3 censet Confessarium delegatum non tenèri : tenèri verò Parochum , quia Parochus ex officio obligatur impedire , ne sui subditi damnum aliis inferant. *Tertia* verò sententia communissima , quam

tenent Suar. d. 32 sect. 6 n. 9. Pal. p. 18 § 3 n. 6. Sanch. Dec. l. 1 c. 6 n. 5. et l. 2 c. 11 n. 23. Cabass. l. 6 c. 13 n. 11. Azor. 3 p. l. 4 c. 16 q. 3. Elbel n. 440. Salm. de Pœnit. c. 12 n. 52. Croix n. 1781. cum Vasq. Dian. p. 1 tr. 1 R. 1 Bon. l. c. cum Sa, Valent. et Reg. Lugo d. 22 n. 67. cum Conc. Maldero, et communi (ac probabilem putat ipse Less. l. c.), docet, Confessarium, sive delegatum sive Parochum, non tenêri ad restitutionem. Ratio, quia delegatus tenetur ad monitionem ex sola charitate, quæ non obligat ad restitutionem. Parochus autem, cum ipse sit constitutus tantùm pro bono spirituali subditorum, tenetur quidem ex suo munere damna ipsorum spiritualia impedire, non autem temporalia aliorum. Et hoc verius puto dicendum (quidquid confusè dicat Croix l. c.), etiãmsi Confessarius studiosè negligat monere pœnitentem, ut ipse non restituat; quia adhuc tunc deest positivus influxus in damnum aliorum qui omninò requiritur ad obligationem restitutionis, ut fatetur idem Croix l. 3 p. 2 n. 148. et communiter docent DD. juxta dicta l. 3 n. 584.

Dubitatur IV. An Confessarius possit loqui extrâ⁶²⁷ Confessionem cum pœnitente de defectu commisso in Confessione, sine ipsius licentia? *Prima* sententia dicit, eum non solùm posse, sed etiã tenêri, et hanc tuentur Suar. d. 33 sect. 5 n. 3. Petroc. t. 4 p. 96 n. 3. Spor. n. 822. et Fill. Turr. Hurt. Meratius, Lohn. etc. apud Croix n. 1776. et probabilem putat Laym. cap. 14 n. 15. Pal. p. 18 § 3 n. 6. Escob. lib. 16 n. 675. Bon. p. 15 § ult. n. 21. et Salm. c. 14 n. 44. Ratio, quia talis monitio supplet, et perficit eandem Confessionem inchoatam, quæ imperfecta manserat; unde, etiãmsi pœnitens licentiam negaret, poterit Confessarius ei manifestare defectum, cum esset tunc ille irrationabiliter invitus. *Secunda* verò sententia, cui subscribo, id negat, eamque tenent Sanch. de Matr. l. 3 dist. 16 n. 3 Lugo dist. 23 n. 130. qui ait, contrariam repugnare communi sensui Theologorum, et probabiliorem censent Croix, Pal. Escob. ll. cc. cum

Soto, Vict. Fag. Rodr. Philarc. et Salm. ib. cum Sylv. Val. Bonac. Reg. Aversa, Gab. Megala, Graff. et Dian. Ratio potissima, quia, licet monitio illa fiat ad reparandum defectum præteritæ Confessionis, attamen, cum non sit cum illa conjuncta, et judicium jam fuerit completum, evadit illicita, eo quod esset quædam peccati exprobratio, et ideò odiosam Confessionem redderet. Hoc tamen intelligendum, si Confessarius judicium jam perfecit, absolutionem imperiando; nam si non absolverit, vel quia oblitus fuit absolutionem dare, vel quia eam male protulit, tunc valdè probabiliter dicit Croix dicto num. 1776. cum Stoz, et Arriaga, benè posse Confessarium, non petita licentia, dicere pœnitenti, se eum non absolvisse; tunc enim reverà nulla intervenit peccati exprobratio.

Qu. Quæ et quanta sit obligatio Confessarii audiendi pœnitentes?

- 623 « Resp. 1. Quivis Sacerdos etià simplex, quandò
 • non est alius paratus, tenetur in extrema necessi-
 • tate, v. gr. in periculo mortis audire, et absolvere
 » volentem confiteri Ratio est lex charitatis.
 • Resp. 2. Parochus, et quivis Sacerdos curatus
 • tenetur audire confessionem sui subditi, non tan-
 • tùm in casu necessitatis, aut præcepto confessionis
 » urgente, sed etià, saltèm per se, vel alium, quo-
 » ties pœnitens id rationabiliter petit; v. gr. si sit in
 » gravi aliqua difficultate spirituali, vel velit pro-
 • mereri Jubilæum, etc. quia tenetur ejus bonum
 » spirituale promovere. Suar. Vasq. Lugo, etc. Si ta-
 » men nimis frequenter, vel intempestivè peteret,
 » excusaretur. Avers. q. 16 sect. 11. Quod si etià
 » semel tantùm, vel bis negaret, aut differret, non
 • peccaturum graviter, ob levitatem materiæ, docet
 » Suar. contra Bonac. Admittitque Aversa l. cit. si
 » non petat ex urgenti occasione, v. gr. solemnis fes-
 » ti, etc. * (Vide dicta hoc lib. 6 n. 58.) *
 » Resp. 3. Quotiescumque pœnitens ex mera devo-
 • tione vult confiteri, Parochum tenèri illum audire,
 » contra Sylv. Reg. etc. docent Azor. Suar. Con. Bon.

» Molf. Lugo etc. Sed rectè limitat Avers. loc. cit. si
 » non adsint alii Confessarii delegati, et Parochus
 » non legitimè impediatur.

» Resp. 4. Reliqui Sacerdotes, per se loquendo,
 » non tenentur audire confessiones; si tamen cœpe-
 » rint, tenentur absolvere, nisi quid obstat, neque
 » possunt remittere ad alium: quia pœnitens eo ipso
 » habet jus ad absolutionem, nec potest fructu, et
 » gratiâ Sacramenti privari. Avers. l. c. »

Rogatur I. An Confessarius non Parochus teneatur ⁶²⁴
 cum periculo vitæ absolvere moribundum existentem
 in mortali? *Prima* sententia negat, eum tenêri, et hanc
 defendunt Nav. Man. cap. 24 n. 9. Coninch. 25 n. 89.
 item Soto, Malder. et Sa, apud Lugo d. 22 n. 12.
 qui probabilem putat. Ratio, quia dum proximus
 potest absolutè à periculo damnationis se liberare,
 eliciendo actum contritionis, non est in tanta neces-
 sitate, ut alter teneatur ei succurrere cum periculo
 vitæ. Limitat verò Coninch l. c. si talis infirmus sit in
 extrema necessitate, nempè si ignoret, contritionem
 esse sibi necessariam, vel nesciat eam elicere: quod
 reverà censeo in rudibus ut plurimum accidere. *Se-*
cunda tamen sententia, quæ mihi magis arridet, af-
 firmat, eamque tenent Suar. d. 9 sect. 2 n. 3. et d. 32
 sect. 7 n. 1 Tourn. p. 282 et Valent. ac Lorca apud
 Lugo n. 12. Ratio, quia, esto in rigore loquendo pos-
 set moribundus per contritionem sibi providere, ta-
 men non potest negari, quod magno periculo expo-
 natur ille suæ æternæ salutis, si absque absolutione
 relinquatur; et sicut, cum certa est damnatio proximi
 si non absolvatur, teneris certam mortem subire; ita
 dico, cum proximus est in probabili periculo damna-
 tionis, teneris ei subvenire cum probabili periculo
 mortis, ex lege charitatis, quæ obligat in pari peri-
 culo exponere vitam temporalem ad salvandam vitam
 proximi spirituales. Si tamen Sacerdos nesciat, eum
 esse in mortali, non tenetur absolvere cum periculo
 vitæ, ut dicunt Tolet. et Verricel. apud Tourn. qui
 non reprobant.

625 Rogatur II. An simplex Sacerdos, qui degit in Oppido, ubi talis esset penuria Confessariorum, ut incolæ gravi laborarent necessitate spirituali, tutus sit in conscientia, si negligat Confessiones excipere, vel, cum possit, ad eas excipiendas se habilem reddere? Apud nullum auctorem de re morali tractantem hoc dubium inveni discussum; tantum ad manus mihi pervenit quidam libellus, cui titulus (Parroco di Villa p. 308), et cujus auctoris doctrinam ac pietatem varia ejus Opuscula satis comprobant; ubi hæc habentur: *Chi ha talento per Confessare è vede nella sua terra la mancanza della Confessione, e conosce o che non si frequenta, o si strapazza, è tenuto ad amministrare tal Sacramento; e se non è d'età molto avanzata, è tenuto in coscienza ad abilitarsi al meglio che può.* Affert idem auctor auctoritatem Patris Pavone Societatis JESU, viri admodum docti et pii, qui in suis operibus sic scripsit: *L'obbligo come Sacerdote è di ubbidire al mio Prelato, quando mi comanda che confessi, e non ho legittimo impedimento, perchè il Prelato può comandarmi, ed io non ho ragione di tener ozioso il talento.... Di più ho obbligo di offerirmi al Vescovo, e di chiederli facoltà di confessare, quando io mi accorgo essere in grave bisogno il popolo per mancanza de' Confessori.*

Breviter dicam super hoc puncto quid sentiam. Certum est, quod Sacerdotes sint à Deo constituti, ut salutem animarum incumbant; sicut enim divinus Pater misit Filium suum, ut salvaretur mundus per ipsum, ita Christus Dominus misit Sacerdotes, ut in suum Officium succederent, et pro eo legatione fungerentur, ut ait Apostolus 1 Cor. 3 et ipse Christus Dominus (Joan. 20. 21.); *Sicut misit me Pater, et ego mitto vos.* Ideo Concilium Trident. sess. 23 c. 14 requirit, ut promovendi ad Presbyteratum, *ad populum docendum ea quæ scire omnibus necessarium est ad salutem, ac ad ministranda Sacramenta... idonei comprobentur.* Præcipua autem Sacerdotum obligatio est ministrare Eucharistiæ, et Pœnitentiæ Sacramenta, ad hoc

enim sacrificandi , et absolvendi à peccatis confertur eis duplex potestas. Imò specialiter ad hoc munus absolvendi Christus Dominus Spiritum sanctum infudit , ut ipse testatus fuit loc. cit. dicens : *Sicut misit me Pater, et ego mitto vos. Hæc cum dixisset, insufflavit, et dixit eis : Accipite Spiritum Sanctum; quorum remiseritis peccata, remittuntur eis.* Ergò, si Christus misit Sacerdotes præcipuè ad salvandas animas , absolvendo eas à peccatis , sequitur hoc esse proprium Sacerdotum munus , ac consequenter ipsos tenèri saltèm in gravi populorum necessitate suam potestatem exercere , et ad hoc se habiles reddere , ne dicatur , quod in vacuum gratiam Dei receperint (2 Cor. 6). His positis , non video quomodò Sacerdotes illi , qui ob desidiam ab hoc onere se subtrahunt , possint esse tuti in conscientia , et excusari ab exprobratione Domini , ac à supplicio damnationis , inflicto servo illi otioso qui talentum abscondit , ut habetur Matth. 25. 18 quem textum Interpretes (ut Cornelius à Lapide , Calmet , et Tirinus cum S. Ambrosio) propriè explicant de eis , qui possunt suà operà procurare animarum salutem , et negligunt : *Notent hoc (ait Cornelius) qui ingenio, doctrinâ, aliisque dotibus sibi à Deo datis non utuntur ad suam, aliorumque salutem, ob desidiam, vel metum peccandi, ab his enim rationem reposcet Christus in die Judicii.* Nec dicant hujusmodi Sacerdotes, se satis suam obligationem explere, si alio modo animabus subveniant, nempè instruendo , corrigendo , orando , quin Sacramentum Confessionis ministrent ; nam illis tenentur subvenire in eo , quo indigent ad propriam salutem. Si enim proximus indiget cibo , cibo debes ei subvenire , non vestibus. Sæpè autem accidit in Oppidulis, quod plures fortè non egeant instructione , aut monitione , quia fortè jam sunt satis instructi , et parati ad Confessionem , sed deest ipsis Sacerdos, qui eorum Confessiones excipiat. Nec obstat dicere , quod Sacerdos simplex , si teneretur Confessiones excipere , teneretur tantum ex charitate , sed hæc non obliat cum gravi incommodo , prout esset

labor insumendus ad acquirendam scientiam satis necessariam qd excipiendas Confessiones. Nam respondetur, quod, licet exercitium Confessiones excipiendi sit opus charitatis, tamen non oriatur ex simplici motivo charitatis, sed ex proprio Sacerdotis Officio, cui ex Christi institutione hæc obligatio est annexa, eique satisfacere debet Sacerdos, quandò urget populi necessitas. Hæc mihi dicenda videntur: cæterum sapientiorum iudicio ea seduliùs considerata relinquo.

DUBIUM VI.

Quæ scientia, et prudentia requiratur in Confessario?

- 626 *De obligatione intelligendi peccata pœnitentis.*
 627 *De Scientia Confessarii ad debitum iudicium formandum de peccatis?*
 628 *Quandò excusetur Confessarius minùs idoneus? An Regulares teneantur intervenire Congregationibus casuum conscientiæ? ibid. v. Nota.*
 629 *De prudentia Confessarii circa interrogationes; et de obligatione interrogandi peccata omissa?*
 630 *Quid, si ei constet peccatum, quod pœnitens negat, et quid, si illud sciat ex Confessione complicitis?*
 631 *Hæc diligentius discutuntur.*
 632 *De interrogationibus in materia castitatis.*

626 **R**ESP. 1. Ut Sacerdos rite absolvat, debet, quantum moraliter fieri potest, omnia peccata pœnitentis intelligere, quia alioqui is frustra teneretur recensere.

Undè resolves.

- 1. Peccat, qui absolvit eum, cujus peccata per negligentiam non salis intellexit, quia fert sententiam, incognitâ causâ. Validam nihilominus esse absolutionem, sive propter somnũ, etc. ut dictum

» *suprà c. 1 dub. 3 art. 4. sive propter cantum, vel*
 » *linguam impeditam pœnitentis (sine hujus tamen*
 » *culpa) aliqua non intellexerit, docet Dian. 3 p. t.*
 » *4 R. 109 et p. 4 t. 4 R. 198. Item Laym. l. 5 t. 6 c.*
 » *9, ex Henr. Suar. Sylv. Merc. in 3 p. eo quod essen-*
 » *tia, et effectus Sacramenti consistere possit absque*
 » *integra, et specifica peccatorum explicatione, si si-*
 » *ne culpa pœnitentis omittantur. V. Dian. l. c.*

» 2. Si tamen pœnitens post confessionem intelli-
 » gat, unum, vel plura mortalia non fuisse intellecta,
 » debet ea repetere in sequenti confessione, sive apud
 » eundem, sive apud aliut: Confessarium. Layman.
 » Dian. II. cc.

» 3. Confessarius absolvens ex ignorantia, quem
 » absolvere non poterat, dupliciter peccat; nimirum
 » ignorantia eorum, quæ ad officium suum spectant,
 » et indebitè absolvendo, Tann. in 1. 2 d. 4 q. 9 d.
 » 1 n. 12. Lugo d. 16 s. 4 n. 185.

» Res. 2. Ut Confessarius validè absolvat, requiritur ⁶²⁷
 » et sufficit cognoscere peccata, saltèm sub confusa
 » ratione peccati. Ut verò licitè, requiritur ea scien-
 » tia, ut possit ferre prudens judicium in hoc foro;
 » ideoque debet scire 1. quæ sint mortalia, quæ venia-
 » lia, saltèm ex genere suo. (Nota hîc ex Lugo d. 22
 » n. 70. Spor. n. 783. Holzm. n. 727. et Salm. de Pœ-
 » nit. c. 12 n. 4, cum Gran. *non esse necessariùm,*
 » *ut Confessarius in omnibus judicet, quæ sint peccata*
 » *gravia, vel levia; sufficit, si sciat hoc judicare in iis*
 » *quæ communiter occurrunt: reliqua autem audiat, et*
 » *absolvat.* Insuper docent Salm. l. c. cum Suar. Sanch.
 » Dic. Con. etc. *quod, licet in aliquo casu Confessarius*
 » *non discernat, quæ sint gravia, aut levia: si pœnitens*
 » *bonæ fide dicit peccatum suum, Confessio valet: et*
 » *quævis postea advertatur fuisse mortale, non est cur*
 » *repetatur in alia Confessione*) * 2. Species, et cir-
 » cumstantias necessario explicandas. 3. Spectantia
 » ad restitutionem bonorum, et famæ. 4. Casus reser-
 » vatos, et excommunicationes saltèm communiore.
 » 5. Censuras, et irregularitates communiore, pro

» Sacerdotibus. 6. Requisita in pœnitente ad bonam
» dispositionem. 7. Remedia peccatis opportuna. Cir-
» cà quæ omnia notantur hæc tria.

» *Primò* sufficere, si ea sciat mediocriter, ità ut sal-
» tèm norit prudenter de omnibus dubitare, et doc-
» tiores se, vel libros consulere. * (Meliùs dicunt
» Salm de Pœn. c. 12. n. 7. cum Suar. et communi,
» *satis esse, si Confessarius intelligat, quæ frequentius*
» *accidunt, et de aliis sciat dubitare.*) *

» *Secundò*, majorem, minoremque requiri, ac suf-
» ficere scientiam, pro diversitate locorum, et pœni-
» tentium. Bon. dist. 5. q. 7. p. 2. §. 2.

» *Tertiò*, graviter peccare tum eum, qui sine suf-
» ficienti scientia huic muneri se ingerit; tum eum,
» qui talem sine necessitate constituit, aut, cum
» possit corrigere, tolerat. Laym. lib. 5. cap. 13. Bon.
» l. c. Lugo. »

628 Excusatur tamen Confessarius, qui caret sufficienti
scientia, si adsit necessitas, nimirum si aliter pœni-
tentes deberent diù carere Confessione, ut evenit in
captivis; Ità Lug. d. 22. n. 74. et Salm. de Pœn. c.
12. n. 12. cum Suar. etc. Et idem dicunt Lugo ib. et
Aversa ap. Salm. l. c. pro parvis oppidis, aut triremi-
bus, ubi (ut ajunt), si haberi nequeunt docti Sacer-
dotes, deputari possunt minùs docti, quales possint
haberi. Admonendi tamen hi sunt de obligatione ad-
discendi.

Cæterùm, qui ad hoc munus excipiendi Confessio-
nes inhiant, non facilè sibi suadeant, quod satis ido-
neos ad tantum munus se reddere possint sine diutur-
no studio scientiæ moralis; pro qua certè non sufficit
aliquam percurrere Summulam earum, quæ circum-
feruntur; nec satis est generalia principia hujus fa-
cultatis scire, ut quidam, qui (Casuistas contemnen-
tes) Litteratorum arrogant sibi nomen, autumant. Mo-
ralis enim scientia non solùm valdè necessaria est
Christianæ Reip. cum ex ea dependeat bonum regi-
men animarum, sed etiàm est summoperè difficilis:
tum quia ipsa generalem notitiam requirit omnium

aliam scientiarum, officiorum, et artium; tum quia tot diversas complectitur materias inter se dissitas; tum quia in magna parte constat tot legibus positivis, quæ non nisi apud Casuistas allatæ inveniuntur, et maxime apud Recentiores, cum hujusmodi leges in dies prodeant; demum difficillima evadit propter innumeratas casuum circumstantias, ex quibus resolutionum pendet variatio: nam ex circumstantiarum diversitate diversa applicanda sunt principia: et in hoc difficultas consistit, cum nequeat id fieri sine magna discussione, vel plurium accurata lectione librorum, qui res examinant et dilucidant.

Nota obiter hic, quod Episcopus non possit cogere Confessarios regulares ad interveniendum Congregationibus Casuum conscientiæ, ex Declar. S. C. quam refert P. Zacharia apud Croix Sed contra adest Decr. S. C. Discipline respectu Superiorum regularium Italiæ datum 8. Nov. 1752. et approbatum à Benedicto XIV. Vide Appendicem appositam in calce Tomi IV. Bullarum præfati Benedicti XIV. circa finem p. XXI.) ubi provisum fuit, ut in omnibus Conventionibus Regularium, in quibus sunt Confessarii ab Episcopo approbati, omnino fiat Lectio, et conferentia casuum conscientiæ, juxta Decreta Clementis VIII. et ut, ubi conferentia non fit, teneantur prædicti Confessarii assistere conferentiæ casuum ab Episcopo statutæ.

« 1. Si pœnitens advertat, Sacerdotem non periculi
» pere peccati gravitatem, tenetur illum monere, se
» peccasse mortaliter.

» 2. Qui sciens prudens confitetur ei, quem scit
» suam conscientiam dijudicare non posse, tenetur
» confessionem repetere apud peritiorum: quia gra-
» viter peccavit sic confitendo.

» Resp. 3. Prudentia requiritur tum in instructione, tum
» monitione, oratione pœnitentis, tum in interro-
» gatione. Et quidem si prudenter judicet, integrè es-
» se confessum, v. g. quia benè instructus potest, et
» solet adhibere diligentiam debitam. (Vel quia de

» *brevi est confessus*) * , non tenetur quidquam inter-
 » rogare , aliàs tenetur , ut habet communis (Dian.
 » tamen p. 2 tr. 15 R. 7 ex Nav. et Valer. negat esse
 » mortale , non examinare aliquam circumstantiam
 » ex oblivione. Vide etiàm C. de Lugo d. 22.) : quia
 » tamquàm iudex debet curare integritatem iudicii ,
 » et tamquàm medicus , ut morbi , et vulnera perfectè
 » detegantur ; cavendo interim 1. Ne examen sit cu-
 » riosum de non necessariis , undè Confessarii existi-
 » matio , Sacramenti dignitas , et pœnitentis profec-
 » tus minuat. 2. Ne sit indiscretum , v. g. de iis ,
 » quæ moraliter certum est à tali non solere commit-
 » ti , vel ex quibus discat peccare pœnitens , vel de
 » inverecundis inverecundè , vel de numero nimis
 » anxie , si ex dictis probabiliter æstimari possit. 3. Ne
 » sit intempestivum , et sinatur priùs se explicare
 » quantum potest , ne importunitate terreatur. Quod
 » verò quidam monent , expedire , ut pœnitens inter
 » confitendum non interrumpatur , id C. de Lugo d.
 » 22 n. 15 universim non probat : præsertim si con-
 » fessio non sit brevis , quia facilè aliqua excidunt è
 » memoria. * (Vide d. n. 607. in fin.) *

Undè resolves.

» 1. Si Sacerdos advertat , pœnitentem , etiàm post
 » sufficientem diligentiā , peccatum aliquod , aut
 » circumstantiam necessariam omittere , probabilius ,
 » ac verius est , per se loquendo , tenèri interrogare ;
 » etsi neget Sa , v. Confessor , et Medin. docens , si
 » diligenter examinata conscientia unius sit oblitus ,
 » non tenèri Confessarium illud revocare in memo-
 » riam , nisi cedat in damnum proximi (quod Vasq.
 » q. 93 d. 7 n. 3 videtur dicere esse probabile : ve-
 » rùm alii rejiciunt. V. C. de Lugo d. 22. * (*Et rectè*
 » *quidem rejiciunt , ut tenendum cum communi senten-*
 » *tiâ , quam docent* Suar. d. 23. sect. 3 n. 7. Laym.
 » c. 13. q. 5 et Pal. p. 18 § 2 n. 3 cum Tol. Nav.
 » Con. Graff. Henr. et aliis ex c. Omnis , et ex Ri-
 » tuali Romano allatis n. 607.) *

» 2. Etsi Confessarius , cui evidenter constat pec-
 » catum pœnitentis , quod tamen ipse negat , non
 » debeat illum absolvere : quandò verò ex aliorum
 » relatione , vel suspitione id habet , standum est
 » pœnitentis confessioni , cui in hoc foro , tam *pro* ,
 » quàm *contra* se fides habetur (Suar. t. 4 d. 32 sect.
 » 3. Fag. p. 2 l. 6 c. 4 n. 38 citati à Dian. p. 3 t. 4
 » R. 105.) In utroque tamen casu prudentis Confes-
 » sarii est , 1. Cautè , et à longè , tum propiùs inter-
 » rogare. 2. Si nihilominùs neget , prudenter judi-
 » care , an non potuerit oblivisci , vel confessus es-
 » se alteri , vel putare non esse peccatum , vel simili
 » de causa excusari , ità ut debeat absolvi. Dian. l.
 » c. ex Sylv. Nav. Tol. etc. 3. Si peccatum illud nò
 » rit ex confessione complicitis , non uti illà scientià ,
 » nisi in genere quærendo , an non aliud conscien-
 » tiam gravet , et excitando ad majorem contritio-
 » nem , ob periculum indirectæ revelationis , aut etsi
 » complex dederit veniam , ob periculum scandali.
 » V. Laym cap. 14. »

Diligentiùs hîc videndum , quid debeat agere Con-
 fessarius cum pœnitente , de quo sciat , vel suspice-
 tur aliquod peccatum , quod ille non confitetur? 630
 Distinguendum , si scit extrà Confessionem , et no-
 verit ex propria scientia , puta furantem aspiciendo ,
 vel audiendo blasphemantem , sine dubio non debet
 absolvere , si ille negat ; modò non adsit prudens du-
 bium , an alteri fuerit confessus , vel justam habeat
 causam tacendi ; ità communiter omnes cum Busem.
 Laym. c. 14 n. 35 Suar. d. 52 sect. 3 n. 9. Lugo d.
 22 n. 21 Conc. p. 694. n. 23. Sporer n. 802. Mazz.
 p. 431. Viva q. 8 ar. 5 n. 2. Elbel n. 454. Holz. n.
 721. et alii passim. Si verò Confessarius id habet ex
 suspitione , vel ex aliorum relatione , dicunt etiàm
 communiter Suar. Laym. Holz. Spor. et Mazz. l.
 cc. quod post diligentem interrogationem regulariter
 debeat absolvere negantem ; tunc enim putare debet ,
 quod ille aut fuerit peccati oblitus , aut alteri con-
 fessus , vel quod habeat justam causam reticendi ;

aut relatores deceptos fuisse ; quia in hoc foro (ut docent omnes eam. D. Thoma Quod lib. 1. art. 12) omnino pœnitenti credendum est tam pro se , quàm contra se. Sed non alienum à ratione mihi videtur id , quod dicit Elbel l. c. nempe quod , si Confessarius notitiam habeat alicujus peccati ex certa relatione aliorum ; tunc non possit absolvere pœnitentem illud negantem : reverà enim , si istius crimen mihi referrent testes tam graves , qui de eo me redderent moraliter certum , et ex alia parte certus essem , quod pœnitens non potuerit oblivisci , nec ullam causam reticendi habeat , tunc non auderem huic absolutionem imperiri : nam regulam illam , quod credendum sit pœnitenti , dico procedere quidem in re dubia , non verò in re moraliter certa ; moralis etenim certitudo vera certitudo est.

Si autem Confessarius noverit peccatum ex Confessione alterius ; tunc utique non poterit specialiter pœnitentem de illo interrogare , nisi expressam ab illo altero licentiam habeat , sed tantum poterit generalem interrogare ; et hoc dico , ne Confessarius sit nimis in interrogationibus repetendis , quia in hoc etiam esset periculum revelationis. Ità communiter Laym. Sporer , Basem. etc. ut supra. Non improbabilius tamen dicunt Nav. Man. c. 8 n. 17. v. 2 : cum Sylv. et Laym. Spor. ac Holzm. ll. cit. quod , si aliquod peccatum sit commune talibus personis , possit de eo specialim interrogare , prout in sponsis commune est probari in tactus inhonestos , vel saltè in pravas cogitationes. An autem possit Confessarius casu , quo complex confitens neget peccatum , illum absolvere ? Affirmant posse , et debere Lug. dict. n. 21. Anaol. p. 618 n. 42. cum Gob. et Herincx , ac Dian. p. 5 tr. 11 R. 21. Elbel autem pag. 14 n. 44. censet debere absolvere sub conditione. Sed mellus meo judicio sentit Croix n. 1969 citans Suar. Dic. et Ills. quod eo casu nullo modo absolvat , sed tantum aliquid oret ad occultandam negationem absolutionis. Et huic adhæret Viva loc. cit. dum dicit , quod , cum

Confessarius prudenter judicat, pœnitentem sacrilegè negare peccatum, non debeat eum absolvere.

- 3. Interrogationes in materia castitatis debent
 • esse paticæ, et cautæ, ne vel occasionem det in-
 • vestigandi, aut traducendi confessionem, aut ig-
 • norantem doceat, aut offendant, aut se vel illum
 » periculo exponat. Ac, si hæc timeat, potius debet
 » aliquid deesse integritati materiali. Et quidem,
 » si in hac materia negantur cogitationes, non
 » opus est progredi ad opera: rudiores tamen cogi-
 » tationes negant, verba, et opera rogati latentur:
 » quod illas non æquè agnoscant, aut advertant.
 » Vide Laym. hic cap. 13 Conin. dist. 7 dub. 7. Fa-
 » gand. præc. 4 lib. 4 cap. 2 Dian. pag. 3 tom. 4.
 » R. 99. »

CAPUT III.

DE ADJUNCTIS PœNITENTIÆ.

DUBIUM I.

Quid sit sigillum Confessionis, et qui ad illud teneantur?

- 633 *An in hac materia sigilli liceat uti opinione probabili?*
 634 *Quomodo servari debeat sigillum?*
 635 *Quot peccata committat qui sigillum violat?*
 636 *Non est obligatio sigilli ex Confessione ficta, neque ex secreto commissio extra Confessionem.*
 637 *I. Quid, si pœnitens discesserit indispositus? II. Quid in dubio, an dixerit aliquid intra vel in ordine ad Confessionem.*
 638 *In quibus casibus non frangatur sigillum?*
 639 *An Confessarius possit et teneatur dare pœnitenti non absoluto schedulam Confessionis factæ, vel absolutio- nis acceptæ?*
 640 *Quæ cadant sub sigillo? Cadunt. I. Peccata pœnitentis etiã venialia. II. Peccata compliceis. An liceat inter- rogare de complice (Remissivè ad n. 401.) 641. Dub.*

1. *An liceat monere complicem ex licentia pœnitentis ?*
Dub. 2. Quomodo cadat sub sigillo etiã objectum peccati ? III. Cadit pœnitentia imposita. IV. Cadunt peccatorum circumstantiæ. An cadant virtutes , et revelationes ?
- 642 *An cadant defectus naturales pœnitentis ?*
- 643 *Quid , si tales defectus per se pateant , nempe si pœnitens sit blæsus , surdus , etc. ?*
- 644 *Quid , si sit scrupulosus ? Et quid , si Confessarius advertat intrã Confessionem pœnitentem esse surdum ?*
- 645 *Qui teneantur ad sigillum ? Tenetur , I. Confessarius.*
- 646 *Quomodo debeat Confessarius respondere , si interrogetur , an audierit aliquod peccatum , vel an absolverit ?*
- 647 *II. Superior requisitus pro licentia peccati reservati. III. Interpretes. IV. Qui audit Confessionem furtivè , aut casu , vel ex necessitate , puta in naufragio , etc. V. Is , cui sacrilegè revelatum est peccatum. VI. Confessarius fictus. VII. Doctor consultus. VIII. Scriptor Confessionis. IX. Confessionem scriptam legens. X. Juxtã aliquos etiã pœnitens , sed hoc improbabiliter,*
- 648 *Fusiùs discutitur quæstio I. An Doctor consultus à Confessario de licentia pœnitentis teneatur ad sigillum ?*
- 649 *Qu. II. An teneatur is , quem consulit pœnitens pro Confessione faciendã ?*
- 650 *Qu. III. An , qui legit Confessionem alterius scriptam ?*
- 651 *Quomodo debeat esse licentia data à pœnitente ad loquendum ? Debet esse I. Expressa. II. Libera. III. Non revocata. IV. Sufficit autem , si detur voce. V. Vel si detur facto , scilicet si pœnitens incipiat loqui.*
- 652 *An Confessarius possit loqui de peccatis cum pœnitente statim post absolutionem ? An possit monere pœnitentem de errore in Confessione commisso ? (Remis. ad n. 622.)*
- 653 *An possit loqui intrã Confessionem de auditis in alia ?*
- 654 *An frangat sigillum Confessarius , dicendo , se audivisse in aliquo loco tale peccatum ? Dub. I. An violet sigillum manifestans peccata alicujus loci ? Dub. II. Quid , si dicat , Religiosum alicujus Conventûs , vel Ordinis commisisse tale peccatum ?*
- 655 *An liceat uti notitiã Confessionis ad externam gubernationem ? Vide quæ sunt apud Busemb.*
- 656 *Dub. I. An Confessarius , ob peccatum à subdito auditum , possit eum amovere ab officio ?*
- 657 *Dub. II. An possit negare suffragium ei , quem ex Confessione noverit indignum ? Et an ad hoc possit uti*

aliquo prætextu? An Confessarius possit uti notitiâ Confessionis ad custodiendas res suas, aut diligentius invigilandum, aut ad alia?

658 *Dub. III. An possit negare Communionem, aut Ordinem, aut assistentiam in Matrimonio pœnitenti sine absolutione demisso?*

659 *Dub. IV. An possit uti notitiâ Confessionis ad cavendum ab insidiis sibi paratis? An possit se celare à pœnitente, quem per Confessionem aliàs noverit in plura crimina solère prolabi, etsi alii celationem non advertant? Et an possit aufugere à pœnitente indisposito, qui eum minis exterreret, si non absolvat?*

660 *Dub. V. An possit celebrare in Ecclesia, quam ex Confessione noverit pollutam? Dub. VI An tenearis pergere ad confitendum ei, quem sciveris ex Confessione non esse Confessarium?*

661 *Confessarius non tenetur cavere quascumque leves suspensiones aliorum.*

ANTE omnia pro dilucidatione quæstionum, quæ 633
infra apponentur, videndum, an in hac materia sigilli sacramentalis liceat uti opinionibus^a probabilibus? La Croix l. 6 p. 2 n. 1945. ex Diana, Gobat et Stoz, citatis præced. n. 1945. tantum dicit expedire, quod sequamur sententias faventes sigillo. Sed melius Viva in Append. ad Propos. damn. § 9 circa fin. ait, neminem posse uti scientiâ habitâ ex Confessione, nisi certum sit moraliter (aut saltèm certè probabilissimum) quod ex tali usu nulla eventura sit Confessionis revelatio, et nullum pœnitenti gravamen. Ratio, tum quia hoc expetit reverentia debita Sacramento (sed hæc prima ratio non satis convincit, cum plures et graves DD. ut Sanch. Pontius, Vasq. Solon. et alii citati lib. 1 n. 32. doceant, non esse obligationem reddendi Sacramentis, prout cæteris præceptis divinis, reverentiam plusquam probabilem); tum quia aliter probabile gravamen pœnitenti inferretur, ob quod Confessio odiosa ei redderetur. Et hæc ratio quidem valdè urget; ut enim dictum est l. 1 n. 33. non est licitum uti opinione probabili in præjudicium juris certi, quod alter possidet; pœnitens autem possidet jus, ne occa-

sione suæ Confessionis ullum patiatur gravamen. Quid-
quid igitur alibi dixerim, re accuratius perpensâ,
puto hîc omninò dicendum, non licere uti opinionibus,
ex quarum usu certum non sit moraliter, nul-
lum pœnitenti gravamen inferri.

- 634 « Resp. I. Sigillum hoc est obligatio juris divini
» strictissima in omni casu, etiâ quo integri regni
» salus periclitaretur, ad tacendum, etiâ post mor-
» tem pœnitentis, dicta in confessione (idest in or-
» dine ad absolutionem sacramentalem) omnia, quo-
» rum revelatio Sacramentum redderet onerosum,
» vel odiosum.

Unde resolves.

- 635 » 1. Violatio hujus sigilli duplicem habet mali-
» tiam, Sacrilegii, contra reverentiam Sacramento
» debitam, et injustitiæ, ex pacto virtuali inter pœ-
» nitentem, et confessarium de secreto isto servando
» omni casu. Dian. p. 5 t. 11 R. 2. ex Fag. Kellison.
» etc. Neque hîc datur parvitas materiæ. Dian. p. 5
» t. 5. R. 8. ex Malder. Baldell. etc. * (*Meliùs dicen-*
» *dum, quod triplicem habeat malitiam, nempe sacrile-*
» *gii contra Sacramentum, infidelitatis gravis, cum ex*
» *parte Confessarii intercedat onerosa, quàmvis tacita,*
» *promissio secretum servandi; item detractionis, si*
» *peccatum non sit publicum. Ità Sporer, Ronc. Croix,*
» *et alii communiter.*) *
- 636 » 2. Non inducitur hæc obligatio 1. Per confessio-
» nem factam fictè, v. gr. ad furandum, illudendum,
» vel sacerdotem pervertendum * (*vel ad conquere-*
» *rendum*) * etsi hoc casu adhuc prudenter tacen-
» dum sit. Vide Dian. p. 5 t. 11 R. 26. * Est commune
» cum Holzm. n. 703. Conc. p. 737. et aliis passim) *
» 2. Si quis extrâ confessionem accipiat aliquid sub
» sigillo confessionis; quia tantum est obligatio se-
» creti naturalis gravior, aut levior, pro rei exigen-
» tia * (Ità etiâ Conc. et Holzm. ll. c. ac Nav. Man.
» c. 8 n. 18. cum Innoc. Panorm. Caj. Soto, et com-
» muni.) *

Nota hîc: I. Quod Confessarius teneatur ad sigillum, etsi pœnitens discedat indispositus, modò iste dixerit peccata ad obtinendam absolutionem; ità S. Thomas in 4. D. 21 q. 3 ar. 1 ad 1. Lugo d. 23 n. 45. Conc. p. 737 n. 5. Ronc. pag. 99 qu. 2. Holzm. n. 703. Sporer n. 809. etc. Salm. de Pœnit. cap. 14. num. 15. ex communi. Notandum II. Quod adhuc in dubio, an aliquid sit dictum à pœnitente in ordine ad Confessionem, Confessarius teneatur ad sigillum. Suarez, et alii apud Salm. c. 14 n. 18 communiter, item Bonac. qu. 6 p. 2 n. 4. cum Reg. Graff. Suar. et aliis, item Renzi pag. 320 quæst. 6. Tamb. c. 3 n. 29. Mazzotta p. 582. Croix n. 1946 cum Regin. et Schilder. contra Baldi, Ratio, quia aliàs redderetur odiosa Confessio, dum alioquin plura peccata reverà in Confessione audita, ob defectum memoriæ, et hallucinationem Confessarii possent impunè manifestari.

- 3. Non frangitur sigillum. I. Si in genere dicas, 638
- » Titium tibi confessum esse venialia, aut esse pro-
- » bum, innocentem, modò non dicas in iis circum-
- » stantiis, ex quibus colligi posset, alios esse nocen-
- » tes, vel confessos mortalia. 2. Si dicas, N. tibi esse
- » confessum, etsi in certis circumstantiis hoc quoque
- » periculosum sit, Laym. c. 14 n. 21. Imò si pœnitens
- » verbo, vel facto (v. gr. clam accedendo) significa-
- » verit, se nolle sciri, quod sit confessus, Confessa-
- » rium revelare sigillum volunt Reg. Navar. et Mercer.
- » apud Diana t. 5 tract. 11. Resol. 47. * (Et rectè con-
- » sentiunt Sporer n. 825 et Holzm. n. 708 cum aliis.)*
- » Quia pœnitens confitendo Confessario extraordi-
- » nario veniret in suspicionem gravioris criminis,
- » quod Tamb. in append. c. 3. dubiè confirmat; asse-
- » rens, se vereri, ne talis accedat ad fractionem si-
- » gilli. III. Si peccata ità referas, ut, moraliter lo-
- » quendo, persona innotescere non possit; neque
- » communitas aliqua etiàm parva infametur, ut quod
- » ibi talia vitia regnent. V. Dian. lib. 2 tract. 15. Resol.
- » 13. id. enim esset contra sigillum, * (Vide infra n.
- » 653.)* Undè Turrian. apud Dian. part. 5 tract. 11.

- » R. 45 et Tamb. in append. c. 3 reprehendunt Superioriorem localem, qui Provinciali fortè dicat, in sua domo sæpè postulari licentiam absolvendi à reservatis : quia potest redundare in ignominiam, et damnum domûs; etsi idem Tamb. c. 4 n. 2 dicat probabile esse, quod non sit contra sigillum, si dictæ licentiæ petitæ fuerint extrâ Confessionem. IV. Si utaris notitiâ extrâ confessionem acquisita, imò ipsum peccatum, quod aliundè tibi innotuit, aperias, modò nullam circumstantiam ex sola confessione noam, nec certius referas, quàm extrâ confessionem nôsti, quo in casu opus est magnâ cautelâ, et tutissimum est silere. Laym. c. 14 n. 16.
- 629 » 4. Quandò plures. v. gr. studiosi, vel aulici, etc. tenentur ferre testimonium confessionis, Confessarium tenêri id dare, etiâ iis, quos non absolvit, docet Con. disp. 6 d. 1. Fagund. et Dian. p. 3 tr. 15. R. 22 tum ne id negando prodat aliquo modo sigillum, et pœnitentem; tum quia dando non mentitur, cum tantum testetur, e s : confessum. Verum Bon. d. 5 q. 6 p. 4 et Card. de Lugo d. 23 s. 4 docent, tali schedam negare non esse contra sigillum (Idemque concedit Avers. p. 18 s. 3 si non constet pœnitentem accessisse ad hunc Confessarium; tum quia nihil dicit. sed tantum non approbat testimonio positivo confessionem, ad quod non tenetur, nec quidquam facit, ex quo possint cognosci delicta pœnitentis; tum quia aliâs via aperiretur fraudibus, et multi improbi Parochos in Paschate deciperent; tum quia potest esse consuetudo, ut scribatur absolutum esse, quod falsum erit, si scribat, et si omittat, sigillum franget; tum quia scandalosum erit, et iniquum, publicæ meretrici perseveranti (uti et occulto peccatori, sic pallianti suam iniquitatem) testimonium dare confessionis; neque Confessario imputandum erit, quod eum positivè non defendat.»

Probabilius est et communius, quod, si in schedâ scriptum sit, pœnitentem tantum esse confessum,

• schedula sit concedenda; ut tenent Laym. de Pœnit. c. 14 n. 8. Auctor de Offic. Conf. apud Croix q. 3. Sporer de Pœnit. c. 7 n. 839. Ronc. c. 7 q. 4. Elbel n. 492. Croix n. 1994 et Holzm. n. 708 cum Stoz, et Diana, quia negare schedulam, idem esset ac indirectè revelare, eum non esse ritè confessum. Et hoc est contra Bonac. q. 6 s. 5 p. 4 n. 7 qui ait negandam esse, et contra Lugo D. 23 n. 87 qui cum Henriq. dicit posse negari, quia, licet Confessarius non possit revelare peccatum, non tenetur tamen testimonio positivo illius Confessionem approbare. Sed huic rationi non acquiesco, quia, esto non teneatur cooperari approbationi illius Confessionis, tenetur tamen vitare indirectam revelationem, quæ, negatâ schedulâ, vitari non potest. Secùs verò si Confessarius in schedula deberet scribere, pœnitentem non solum esse confessum sed etiâ absolutum; quia, cum mendacium sit intrinsecè malum, numquàm proferri potest, ut communiter docent DD. Lugo d. 23 n. 87. Pal. de Pœn. p. 5 n. 13. cum Croix, Sporer, Ronc. Laym. ll. cc. Si tamen schedulæ essent jam typis editæ, quibus asseritur absolutio impertita, videtur probabile (ut aliqui recentiores dicunt) tradi posse confessis non absolutis, saltèm si publicè petant, quia tunc Confessarius nullum profert, aut scribit mendacium, sed tantùm materialem actum operatur, talem schedulam tradendo.

- 5. Sub sigillum cadunt I. omnia peccata pœnitentis, tam futura, quàm præterita (si quidem hæc animo se accusandi sint manifestata; secùs si per modum simplicis narrationis, vel ut Confessarium ad simile peccatum induceret. Dian. p. 5 t. 11. R. 25 ex Suar. et aliis octo.) Ideòque peccat mortaliter, qui sivè directè sivè indirectè aperit aliquod veniale in particulari, etiâ leve Titii; quia materia sigilli parvitatem non habet; ut est omnium ferè sententia apud Dian. p. 5 t. 5. R. 8 et Tamb, in append. c. 8* (*Secùs si Confessarius dicat, pœnitentem confessum fuisse materiam venialem, non autem plura*

» *venialia*; Sporer n. 830. Laym. c. 14 n. 6. Holzm.
 » num. 706 et Salm. c. 14 num. 22 cum Suar. Lugo,
 » Nav. etc.) * vel qui in genere dicit, eum sibi confes-
 » sum esse aliquod mortale, vel casum reservatum,
 » vel excommunicationem, vel non esse absolutum
 » ob indispositionem. Imò Confessorem, qui dicat
 » absolute, *Ego Petrum non absolvi*, frangere sigillum
 » dicit Dian. p. 5 t. 11. R. 42 ex Suarez, et aliis no-
 » vem. II. Etiam peccata complicitis, sive prudenter,
 » sive imprudenter dicta, Suar. Vasq., et communi-
 » ter apud Dian. p. 3 t. 4. R. 111. An verò liceat in-
 » terrogare de complice ad ejus correctionem facien-
 » dam, illamque ex licentia pœnitentis facere, affir-
 » mant Suar. et Fag. contra Bon. Lorcam, Nugnum
 » et alios Thomistas. Vide Dian. p. 3 t. 4. R. 113.
 » Card. de Lugo d. 16 n. 426 ubi docet, posse aliquan-
 » dō pœnitentem à Confessario obligari, et cogi ad
 » manifestandum complicem extra confessionem.
 » * (De hoc vide omnino dicta n. 491.) * »

641 Dubit. 1. An possit Confessarius monere complicem
 de licentia pœnitentis? *Prima* sententia (sed non sa-
 tis probabilis) negat; et hanc tenent Tamb. Meth.
 Confess. App. de Sigillo c. 3 n. 7. cum Vasq. item
 Soto, Palud. Ang. Taun. etc. apud Croix n. 1959 ac
 probabilem putat Diana p. 5 tr. 11 R. 14. Ratio prima
 quia hoc esset etiam contra sigillum, cum etiam pec-
 cata complicitis sub sigillo cadant. Ratio secunda, quia
 alioquin Confessio redderetur aliis odiosa, etsi non
 pœnitentibus. Secunda verò sententia communissima,
 et vera affirmat, eamque tenet D. Thomas Opusc.
 12 qu. 6. ubi docet, non licere revelare in Confessione
 personam Complicitis, *nisi salvato ordine correctionis*
fraternæ. Ergò ex licentia pœnitentis potest Confessa-
 rius complicem corrigere. Item S. Anton. 3 p. tit. 14
 c. 29. §. 11. Suar. d. 34. sect. 4 n. 4 Lugo d. 23 n.
 138. Pal. p. 19 §. 3 n. 16. Ronc. p. 100 q. 4 R. 2.
 Diana l. c. et Croix ib. cum Adr. Gers. Nav. Henriq.
 Dic. Aversa, et Illaung. Ratio, quia complex ex Con-
 fessione alterius complicitis nullum jus acquirit ad si-

gillum sacramentale : hoc enim sigillum institutum est tantum in favorem pœnitentium, unde sequitur naturam aliorum Sacramentorum, quibus jus secreti acquiritur ei soli, qui illud committit. Et ideo, sicut solus pœnitens sigillum ponere potest, ita ipse solus potest auferre, et sic respondetur 1. rationi. Nec obstat dicere, quod Confessio sic redderetur aliis odiosa : nam revera id tantum reddit odiosam Confessionem, quod pœnitentes à Confessione retrahit, et hoc quidem odium est omnino vitandum ex hujus Sacramenti institutione, non autem quodcumque odium, quod alii irrationabiliter sumerent ex Confessione pœnitentium.

Dubit. hic 2. Quomodo cadat sub sigillo objectum peccati ? Respondeo, quod cadat nimirum, si v. g. filius confiteatur, se odisse matrem ob illius adulterium, vel non corripuisse fratrem de furto ; adulterium enim illud, et furtum cadunt sub sigillo tamquam objecta peccati ; ita Viva q. 10 art. 2 n. 3. Renzi p. 318 q. 2. Fill. c. 11 n. 321. Sporer n. 835. Tamb. de Sigill. c. 3 n. 6. Probabiliter verò dicunt Tamb. n. 14 et Sporer l. c. quod, si pœnitens confiteatur, se gavisum de homicidio in publica platea commissio, non teneatur Confessarius ad sigillum, quia cum homicidium sit publicè notum, et per accidens lateat Confessarium, non censetur illud velle sigillo subicere. Cæterum, ubi nullum adest periculum revelationis, vel gravaminiis pœnitentis, juxta dicenda (n. 656 in fine) minimè cadit sub sigillo objectum peccati.

« III. Pœnitentia imposita, si gravis sit, hoc est, » quæ consuevit injungi pro mortali (quæ nunc » esset, ait Dian. p. 5 t. 11 R. 31. Corona B. V. non » verò *Miserere*) Avers. qu. 18 sess. 6. IV. Peccato- » rum circumstantiæ, quæ taceri pœnitentis interest, » etsi dicæ sint post absolutionem, v. gr. si spurius » sacros Ordines suscepit, si nobilitatem jactave- » rit, etc. Bona verò pœnitentis, et cætera imperti- » nentia, quæ per accidens interponuntur, nec odium » Sacramento pariunt, v. gr. propositum religionis, » vel matrimonii sæpè quidem (si nimirum pœnitens

» ea tecta velit) sub obligatione secreti naturalis,
 » non tamen sacramentalis, cadunt. Excipiunt Tan.
 » et Con. nisi pœnitens talia dixerit in ordine ad ex-
 » plicanda peccata: tunc enim sigillo sacramentali
 » claudi tenent cum Diana past. 5 t. 11 R. 5. Idem
 » de virtutibus, et vitiis affirmant Gran. contra Reg.
 » et Mald apud Dian. l. c. R. 30. * (*Loquendo de vir-*
 » *tutibus, et revelationibus, Sa, v. Confessio n. 32.*
 » Bonac. p. 2 n. 11 et Nav. Henriq. apud Lugo d. 23
 » n. 58. *negant omninò eas cadere sub sigillo, cum non*
 » *sint materia Confessionis.* Sed melius Lugo l. c.
 » Ronc. p. 104 q. 5. Mazzotta p. 581. Croix n. 1947,
 » cum Stoz, et Viva, q. 10 ar. 2 num. 2, cum Diana
 » *Distinguunt, et rectè negant, si virtutes, aut revelatio-*
 » *nes manifestantur in Confessione, ut status animæ*
 » *Confessario innotescat; secùs verò si dicantur ad ex-*
 » *plicandum aliquem defectum, vel propriam ingrati-*
 » *udinem ergà Deum.*)* Idem dicunt de defectibus na-
 » turalibus (v. gr. illegitimè natum esse,) et de vitiis
 » occultis corporis Con. Hurt. et Kellison. contra
 » Gran. Mald. etc. qui ea sub sigillum cadere abso-
 » lutè ajunt apud Diana l. c. R. 29. Item de iis, quæ
 » alios concernunt, et tamen peccata non sunt. Mald.
 » et Dian. l. c. R. 38. Deniquè de scrupulis (contra
 » Conc. et Gran. qui eos sigillo claudi absolutè affir-
 » mant, et contra March. qui absolutè negat); Idem
 » tenent C. de Lugo, nimirum si pœnitens scrupulo-
 » sitatem confiteatur, aut ad declaranda peccata, vel
 » conscientiam afferat, ait cadere sub sigillum, quia
 » est in obliquo saltèm materia confessionis. Secùs,
 » si non cognoscatur ex pœnitentis relatione, sed
 » videatur, et percipiatur, v. gr. ex modo confitendi,
 » Idem dicit de aliis defectibus naturalibus, v. gr.
 » quod sit blæsus, rudis, hebetis ingenii, etc. Et sic
 » excusat Confessarium, qui de pœnitente dixit,
 » quod impertinentiis, et næniis caput sibi frangat.
 » Vide d. 23 sect. 3 n. 60. Gran. tamen id improbat,
 » et Coninch. apud Dian. p. 5 t. 11 R. 50. ait esse
 » periculosum, et posse facilè frangi sigillum indirec-

- tè. Deniquè Tamb. in append. c. 3. Doctrinæ isti
- » nequidem ut probabili acquiescit , atque eam à
- » Dian. l. c. immeritò vocari communem, cum Gran.
- » Hurt. Palaus, Banny, etc. refragentur; aliterque
- » limitans ipse ait : Si isti defectus, v. gr. esse blæ-
- » sum, rudem, scrupulosum, etc. sint passim noti,
- » non cadere sub sigillum, secùs si sint ignoti, quia
- confessio immunis esse debet ab omni odio. »

Meliùs mox prædicta discutienda sunt. Quæritur ; ⁶⁴²
 an frangat sigillum Confessarius, qui propalat defectus naturales sui pœnitentis, nempè quod sit ignobilis, pauper, aut ignarus, surdus, et similia? Respondetur : si Confessarius tales defectus noverit, quatenùs à pœnitente fuerint manifestati ad explicanda peccata, tunc cerè cadunt sub sigillo, ut communiter cum Busemb. docent Suar. d. 33. sect. 2 n. 5. Pal. p. 5 § 2 n. 6. Lugo d. 23 n. 59. Bon. q. 6 p. 2 n. 10. Conc. p. 739 n. 10. Anacl. p. 627 num. 25. Sporer n. 841. Croix n. 1947. Mazz. p. 580. Ronc. p. 103 q. 4. Salm. c. 14 n. 23, cum Dicast. Conc. et aliis passim, contra Vasq. Et hoc, etiàmsi manifestatio dictorum defectuum nihil conferret ad explicationem peccati, sed pœnitens jam illos exponeret ad plenius suam conscientiam manifestandam, ut benè advertit Croix l. c. cum Lugo, et Stoz. Secùs verò, si Confessarius noverit defectus illos, quatenùs pœnitens incidenter, sive impertinenter ad Confessionem eos detexerit, ut etiàmsi communiter dicunt Fill. tr. 7 c. 11 n. 321. et Suar. Pal. Ronc. ll. cc. Salm. d. n. 23, cum Dic. et Gabr. ac Bon. l. c. cum Con. Reg. Zer., et aliis. Et hoc est valdè probabile (quidquid opponat Renzi pag. 318 q. 3 cum cum Soto, Val et Diana, quos citat). Ratio, quia, cum pœnitens tales defectus ultrò detegat, sine ullo ordine ad explicanda peccata, eos minimè censetur subjicere (nec subjicere posset) clavibus sigilli, cum ad Confessionem nihil pertineant.

Idem dicunt Lugo d. 23 n. 60. Nav. c. 8 n. 12. et ⁶⁴³
 Mazz. ll. cc. Diana p. 5 tr. 11 R. 50 (qui vocat commanem) ac Ronc. l. c. cum Aversa, et Fagund. si

defectus illi innotescant Confessario ex actionibus ipsius pœnitentis, sive ex modo confitendi, nempe quod sit blæsus, surdus, rudis, hebetis in genii, etc. Ratio, ut ajunt, quia hujusmodi defectus tunc non sunt materia, neque pertinent ad materiam Confessionis, cum Sacerdos eos non percipit ex relatione pœnitentis, sed ipsemet videt, et apprehendit; unde isti, sicut non dicuntur secreto, ita nec cadunt sub sigillo. Et sic pariter dicit Lugo l. c. quod, si pœnitens ostendit se naturæ molestæ, irresolutæ, durioris ad credendum, omnes hi defectus, quia non sunt materia Confessionis, cum non audiantur, sed in Confessione fiant, neque cadant sub sigillo. Sed huic sententiæ merito contradicunt Pal. p. 19 § 3 n. 9. Antoine p. 546 Conc. p. 739 n. 10. Sporer n. 844. Renzi p. 318 q. 3 et Tamb. Meth. Confess. c. 3 n. 18. cum Conc. Gran. Hurt. etc. Ratio, quia, cum defectus illi sint odiosi, et Confessarius noverit eos occasione Confessionis, dum pœnitens sua peccata explicabat, eorum manifestatio semper redderet aliquo modo Confessionem odiosam, et ab ea retardaret. Tantummodò prima sententia locum habere posset, quando omnino constaret Confessario, pœnitentem ex illius defectus manifestatione minime gravari.

Nec acquiesco opinioni, Lugonis, qui l. c. subdit non cadere sub sigillo peccata, quæ commiserit pœnitens in ipsa Confessione, puta impatientiæ, contumeliæ in Confessarium, vel in alios, quia culpas illas pœnitens non confitetur, sed committit vidente Confessario. Neque (dixi) huic acquiesco, quia talia peccata, licet non sint materia sigilli, tamen periculum revelationis involvunt; probabile enim indicium præbent, quod Confessarius, vel noluerit absolvere vel acriter reprehenderit propter aliquam culpam graviolem.

Præterea dicunt Tamb. d. c. 3 n. 13. Viva q. 10 ar. 2 n. 5. Spor. n. 842. et consentiunt Wigand. tr. 13 n. 128. ac Conc. p. 739 n. 10. quod, si defectus naturales paupertatis, ignobilitatis, et similia ita

referantur à pœnitente, ut ex adjunctis colligatur eos esse communiter notos, tunc non cadunt sub sigillo, quia tunc non præsimitur pœnitens narrare ipsos nisi ut cognitos, nec velle subicere clavibus, quandò expressè aliter non declarat. Sed huic opinioni etiàm meritò non consentit Holzm. p. 187 n. 706. v. 4 ob eandem rationem ut suprà, quia, cum defectus illi ex peccatorum Confessione cogniti sint à Confessario, manifestatio eorum retardaret pœnitentes à Confessione.

Quod autem dicunt Auctores suprà citati de aliis defectibus naturalibus, dicunt etiàm de defectu scrupulositatis, nempe posse Confessarium dicere, pœnitentem suum esse scrupulosum, si id noverit vel ex modo confitendì, vel si illius scrupulositas sit publicè nota. Sed pariter huic nec acquiescimus cum Spor. n. 844. et Tamb. n. 18. qui citat Con. Gran. Hurt. Pal. etc. quia eadem ratio currit, cum non pauci ægrè ferant, se scrupulosos appellari. Tantùm id admitti posset, si minimè redundaret in gravamen pœnitentis, prout facilè accidere potest, loquendo de sæcularibus, qui potiùs laudantur, cum dicitur de eis, quod sint scrupulosi; hoc enim pro iis, qui in sæculo versantur, indicium est bonæ, et timoratæ conscientiæ. Secùs si dicatur de Prælato, Confessario, et similibus, quibus scrupulositas est signum mentis confusæ, et irresolutæ.

» Dicitur autem à Ronc. p. 202 c. 2 Reg. 1 in praxi » (quod si aliquis pœnitens communiter dignoscatur » esse valdè prolixus, inquietus, etc. in aliquo exponendo, tunc quia clarè appareret, Confessarium » fugere, ne ab ipsius naturali prolixitate, inquietudine, etc. tædio afficiatur, in talibus circumstantiis fugere non esset fractio sigilli.) » Hoc probabiliter admitti potest, si communiter pateat aliis, pœnitentem illum esse timoratæ conscientiæ, ità ut moraliter certò reputent immunem esse à gravioribus culpis.

Petes hîc, quid agere deberet Confessarius, si quis confitetur aliquam materiam gravem non satis dis-

tinctè, et Confessarius idè eum interrogans de circumstantiis, de consuetudine, vel simili, noverit pœnitentem esse surdum, cum minimè adæquatè interrogationibus ille respondet, et contra Confessarius altius vocem extollere nequit, ne alii circumstantes audiant? Respondeo: Si circà initium Confessionis advertat pœnitentis surditatem, imponat ei, ut redeat alio tempore, et loco opportuno, ubi loqui libere possit Confessarius, ne alii audiant. Et interim patefacere potest aliis surditatem pœnitentis, quandò talis defectus communiter fit patens. Si verò advertat hoc in progressu Confessionis, et pœnitens post plures debitas interrogationes rectè non respondeat, tunc non licet Confessario altà voce imponere pœnitenti; ut redeat, ita ut circumstantes hoc audiant, quia magna daretur eis suspicio, quod materiam gravem ille sit confessus. Ideoque in tali casu consilium esse puto, ut Confessarius intelligendo peccata meliori modo quo possit; absolvat; absolute quidem, si pœnitens probabiliter censeatur dispositus; sub conditione verò, si de dispositione dubitetur. Casum istum apud DD. non inveni, sed obvius est.

- 845 • Resp. 2. Ad sigillum tenentur omnes, ad quos
 » quomodocumque notitia sacramentalis confessionis
 » pervenit: qualis est I. Confessarius, qui, si de au-
 » ditis in confessione rogetur, potest negare, etià
 » si opus est, cum juramento, subintelligendo, quod
 » possit dicere, vel potiùs (ut dicit Card. de Lugo
 » d. 23) quod sciat scientià utili ad respondendum
 » interroganti extrà confessionem. Excipit. Henric. et
 » Granad. cum Dian. p. 5 t. 11 R. 43 nisi ex illa ne-
 » gatione sequeretur, confessionem non fuisse inte-
 » gram, v. g. si de publica meretrice rogaretur, an
 » non esset confessa fornicationem; tunc enim, de-
 » clinando directam responsionem, dicendum esset,
 » illam confessam esse peccata, et se functum officio
 » suo. Inò, si peccatum suum salvo sigillo non possit
 » confiteri debet omittere, quia sigillum strictiùs
 » obligat, quàm integritas Confessionis. »

Quæritur, an Confessarius interrogatus de peccato pœnitentis possit dicere, se illud nescire etiã cum juramento? Affirmandum cum communi, quam tenent D. Thom. supp. q. 11, ar. 1 ad 3 S. Anton. 3 p. tit. 17 c. 22. Suar. d. 33 sect. 6 n. 7. Lay. c. 14 n. 12. Antoine p. 449 qu. 6. Wig. tr. 13 n. 111. Holz. num. 722. Pal. p. 5 § 3 num. 13. cum Nav. Bonac. Val. et Henriq. ac Lugo d. 23 num. 73. cum Vasq. (qui opinionem oppositam Gabrielis vocat erroneam) et aliis communiter. Ratio affertur à D. Thom. l. c. qui dicit: *Homo non adducitur in testimonium, nisi ut homo, ided... potest jurare se nescire, quod scit tantum ut Deus.* Et hoc, etiã si Confessarius rogatus fuerit ad respondendum non ut homo, sed præcipuè ut Minister Dei, prout rectè ajunt Suar. l. c. Spor. n. 817. Lug. n. 74. cum Vasq. et communi, item Croix num. 1985. cum Laym. Tanner. Stoz, etc. contra Palud. Soto, et Conc. p. 745 n. 25.) Quia Confessarius nullo modo scit peccatum scientiã, quã possit uti ad respondendum, undè justè asserit, se nescire id, quod sine injustitia nequit manifestare. Vide dicta l. 3 n. 152. v. Hinc. Quid si insuper rogetur ad respondendum sine æquivocatione? Adhuc potest respondere cum juramento, se nescire, ut probabilius dicunt Lugo n. 79. Croix l. cit. cum Stoz, et Holz. n. 722 cum Michel, contra alios. Ratio, quia tunc Confessarius reverà respondet secundum juramentum factum, quod semper factum intelligitur modo, quo fieri poterat, nempe manifestandi veritatem sine æquivocatione, sed sine æquivocatione illa, quæ licitè omitti poterat: quod æquivocationem verò necessariam, quæ non poterat omitti absque peccato, nec alter habet jus, ut sine æquivocatione ei respondeatur, nec ided Confessarius tenetur sine æquivocatione respondere. Cæterum, ad hujusmodi interrogationes Confessarius debet ab initio respondere: *Has interrogationes non esse faciendas.* Item, si interrogetur, an absolverit aliquem? Respondeat: *Functus sum officio meo*, ut dicunt Conc. p. 739 n. 111. Antoine p. 549. Lugo n. 85. et Salm. c. 14 n. 28. cum

Reg. et Gran. Sed aliquandò talis responsio adhuc posset non esse satis tuta, undè semper melius est respondere objurgando interrogantem: *Quenam interrogatio est ista, quam facis?* Si autem Confessarius aliquem non absolverit, et dum Missam celebrat, interroget ei minister, an ponat formulam pro Communionem illius pœnitentis? Respondeat Confessarius: *Interroga ipsum, an velit communicare*; ità rectè Salm. cap. 14 n. 29. cum Henr. et Gran.

- 647 « II. Superior cui se sistit absolutus à reservato, »
 » vel à quo petitur licentia absolvendi à reservato.
 » Suar. Card. de Lugo n. 34. etc. * (Item Concina
 » pag. 747 n. 30. Antoine p. 550. Holzm. n. 713. El-
 » bel. n. 512. Spor. n. 853. Suar. d. 33 sect. 4 n. 3.
 » et Salm. c. 14 n. 66. cum Gran. et aliis. Ratio, tum
 » quia petitio illa est quædam inchoata Confessio qua-
 » tendò ordinatur ad absolutionem obtinendam; tum
 » quia alioquin Confessio redderetur odiosa. Ità verius
 » AA. cit. contra Palaum p. 19 § 4 n. 10. cum Vasq.
 » et Henr.) * qui secreto tantum naturali tenèri vo-
 » lunt. III. Interpres. * (Ità probabilius Pal. p. 19 § 4
 » n. 3. Lugo d. 23 n. 21. et Salm. c. 14 n. 59. cum
 » Suar. Conc. Laym. Bonac. Dic. etc. contra Sotum,
 » et Cajet. (apud Lugo n. 20.) qui dicunt Interpretem
 » tenèri quidem ad servandum secretum arctissimum,
 » se non sacramentale.) * IV. Qui furtivè, vel casu
 » aliquid audit, licet inculpatè. * (Ità etià comm.
 » Pal. loc. cit. num. 5. cum Adriano, Laym. Bonac.
 » Con. Salm. n. 61. cum Dic. Diana, etc. d. 21 n. 39.
 » cum Suar. et Vasq. contra Sotum. Et sic pariter
 » tenentur ad sigillum adstantes, in quorum præsentia
 » Confessio fit ex necessitate, puta in naufragio, con-
 » flictu, etc. Salm. n. 60. cum Suar. et Bon. ac Pal.
 » n. 4. cum Adr. Vasquez, Con. et Laym. Serùs verò;
 » si pœnitens tantum ad suam confusionem veli publicè
 » confiteri. Pal. loc. c. et Salm. cum Con. Dic. etc.) *
 » V. Omnes quibus aliquid sacrilegè revelatum est,
 » undè de hoc nec inter se colloqui possunt. * (Ità
 » communiter Holzm. n. 713. Spor. n. 851. Conc.

» n. 30. Salm. n. 64. Laym. n. 18. cum Gabr. et aliis,
 » contra Med.) * VI. Laicus, qui pro Sacerdote est
 » habitus * (Ita etiã Suar. d. 33 s. 3 n. 3. Ronc. p.
 » 99 q. 2 Conc. pag. 737 n. 4. et Lug. d. 23 n. 4.
 » cum aliis communiter, contra Sotum, et Vasq.
 » qui improbabiliter id negant.) * VII. Doctor vel
 » alius, qui ctm̄ venia pœnitentis consulitur, ut ha-
 » bet communior sententia * (Et probabilior, prout
 » nos dicemus n. seq. 648.) contra Vasq. Vide Dian.
 » p. 2 tr. 15 R. 15 VIII. Qui alicujus radis confes-
 » sionem scripsit. IX. Qui scriptam invenit, ac legit,
 » ut docet Rodr. Fag. Mald. etc. apud Diana part. 3
 » t. 4 R. 112 et p. 5 t. 11 R. 27 contra Suarez, Bon.
 » et Laym. quorum sententia probabilis est: Juxta
 » quam, etsi talis teneatur secreto naturali, peccet-
 » que mortaliter, si gravia, ac diffamantia vulget:
 » secus tamen, si sciens levia tantum esse, ea legat ex
 » curiositate. Unde consequenter in casu gravissimæ
 » necessitatis, talem confessionem scriptam liceret
 » revelare (excipit Lugo, nisi tamen per scripturam
 » voluerit confiteri, ut mutus, vel petere facultatem
 » absolvendi à casu reservato. V. d. 23 n. 48.) Xi.
 » Etiã secundum aliquos, ipse pœnitens; verum
 » probabilius est, eum tantum teneri secreto natura-
 » li, ratione materiæ; si id ea requirat, tacere audita
 » à Confessario. Vid. Laym. Dian. p. 5 t. 11 R. 8. * (Ita
 » communiter et verius Laym. c. 14 n. 20. Pal. § 4
 » n. 13. Suar. D. 33 sect. 4 n. 2. qui id asserit ut
 » certum, Bonac. par. 3 in princ. Salmant. num. 67.
 » Wigan n. 119. Holzm. n. 715. et alii passim, quia
 » sigillum institutum est tantum in favorem pœniten-
 » tium, non Confessoriorum; quapropter jus sigilli,
 » non Confessariis, sed tantum pœnitentibus confertur.
 » Verumtamen omnes cum Holzm. dicunt, teneri pœni-
 » tentem vinculo secreti naturalis de dictis à Confessa-
 » rio, quorum propalatio ei damnum posset afferre. Mi-
 » hique videntur teneri pœnitentes ad hoc secretum (quàm-
 » vis naturale) strictius quàm alii; alii enim voluntariè
 » consilia præbent, sed Confessarius tenetur præbere ex

» officio. Undè cum Confessarius obligatur necessariò
 » ad dandum consilium pœnitenti, ut ille sibi caveat à
 » damnis spiritalibus, idèd pœnitens rigorosiùs tenetur
 » cavere, ne Confessario damnum obveniat ob consi-
 » lium sibi præstitum.) * »

648 Sed quæritur hîc I. An Doctor consultus à Confessario ex licentia pœnitentis, teneatur ad sigillum sacramentale? Adest triplex sententia. *Prima* cum Jo. Medina Cod. de his qui Conf. cel. ten. Palaus de Pœnit. par. 19 § 4 n. 8 cum Covarr. Pesant. Onuphr. et aliis, Vasq. q. 93 art. 4 d. 2 n. 10. Tamb. Meth. ex Con. c. 4 § 3 n. 4. Diana t. 1 tract. 1 Misc. R. 14 cum Megala, ac Nunno, negat, hunc tenèri ad sigillum sacramentale, sed tantùm ad naturale, Ratio, tum quia (ut loquitur Palaus) Consiliarius notitiam illam non habet ex Confessione, sed ex licentia data, vel ex manifestatione confessarii nomine pœnitentis. Sicut enim (ait) non tenetur ad sigillum Doctor consultus à pœnitente, quia talis manifestatio non dirigitur ad petendam absolutionem à consultore: ita etiam neque tenetur consultus à Confessario, per cuius medium pœnitens ei se manifestavit. Tum, quia (ut ait Tamb.) pœnitens, concedendo veniam Confessario loquendi cum alio de suo peccato, censetur illud extrahere à finibus sigilli.

Secunda sententia cum Coninck. Disp. 9 à n. 40. Hen. c. 6 n. 20, cui adhærent Sotus, ac Cajet. ap. Lugo de pœnit. d. 23 n. 20 censet, consiliarium non tenèri ad sigillum, quia notitia peccati non manifestatur ipsi ad obtinendam absolutionem, sed ad instructionem Confessarii (et hîc notandum, quod Lugo n. 26, licet ipse sit pro sententia opposita, attamen huic rationi consentiat); sed tenèri ad servandum secretum arctissimum, ita ut nullo casu possit illud revelare. Ratio hujus valdè urgens est, quia cum sæpè hoc accadat, quod Confessarii alios consulant ex licentia pœnitentium, redderetur utique odiosa Confessio, si aliquo casu notitia Confessionis posset manifestari.

Tertia sententia probabilior, quam idem Coninck fatetur communem frè omnium, docet, tenèri consiliarium æquè ac Confessarium ad sigillum, semper ac notitia peccati manifestatur ei, ut Confessarius benè se gerat circa munus suum. Ità Laym. de Pœn. c. 14 n. 18. Suar. d. 33. sect. 4 n. 6 qui eam tenet ut certam, Lugo diet. Disp. 23 n. 25 qui dicit omninò amplectendam cum Nav. Palud. Petr. de Sot. Viguer. item Sylvius, Bon. Fill. etc. ap. Dian. loc. cit. Sporer c. 7. n. 854. Idem tenent Croix, Mazzot. Viva, Roncagl. Juen. c. 3 §. 5. Petroc. de Pœn. c. 4 q. 6 in fin. cum S. Anton. Et idem expressè docet S. Thom. in 4 d. 21 q. 3 art. 1 q. 3 et art. 2 ad 4. Ratio habetur ex ipsa institutione Sacramenti, ob quam creditur Christus Dominus imposuisse hanc obligationem sigilli non solùm Confessariis, sed omnibus aliis, quibus immediatè vel mediatè perveniret notitia peccatorum, occasione sivè in ordine ad Confessionem; alioquin non satis provisum esset reverentiæ hujus Sacramenti, nec satis odium Confessionis amotum fuisset. Ex hoc autem principio communiter accepto, tenetur quidem ad sigillum Doctor consultus ex licentia pœnitentis; licet enim directè manifestetur ei notitia Confessionis ad instructionem Confessarii, indirectè tamen manifestatur etiàm in ordine ad absolutionem impertiendum, et ad Sacramentum perficiendum. Nec obstat dicere cum Tamb. et Roncaglia (qui in hoc non benè sibi convenit), quod pœnitens, concedendo veniam Confessario loquendi alii de suo peccato, censeatur illud extrahere à finibus sigilli; nam respondeo cum Spor. et Croix, quod hæc præsumptio sit valdè incerta, imò, ut addunt Sporer, et Lugo, potius oppositum sit firmè præsumentum, nempe quod pœnitens det licentiam cum omni limitatione, quâ potest.

Notandum hic verò I. quod eo casu, non obstante sigillo, is Doctor benè poterit pluries loqui Confessario, et etiàm aliis ad consilium, ex eadem licentia convocatis de casu disceptato, si judicium à Con-

fessario nondum sit completum. Ratio, quia moraliter censetur licentia data esse à pœnitente usque dum Sacramentum perficiatur. Notandum II. quod; licet dicat Lugo n. 30, quod, si Doctor consulitur circa idem à duobus Confessariis, quibus pœnitens seorsim confessus est, ipse loqui non poterit uni de auditis ab alio; oppositum tamen puto verum, quia cum pœnitens licentiam præbet secundo Confessario, ut de suo peccato loquatur eidem Consiliario; sicut certò creditur pœnitens nolle aliud consilium nisi rectum, ita certò præsumitur velle, quod ipse Doctor liberè loquatur de omnibus, quæ scit à primo Confessario, et quæ pertinent ad rectum consilium præstandum.

- 49 Quæritur II. An is, à quo petit consilium pœnitens in ordine ad suam Confessionem faciendam, teneatur ad sigillum sacramentale? *Prima* sententia affirmat, et hanc tenent Tamb. Meth. Conf. de Sig cap. 4 n. 1. Sporer n. 836. Antoine pag. 505. v. Hinc; Conc. pag. 747. n. 30. et Croix n. 1952. cum Fag. Diana, Stoz, et Gormaz. Ratio; quia cum sæpè opus sit pœnitentibus antè Confessionem consilium ab aliquo accipere, ut rectè confiteantur, uisi alter obligaretur ad sigillum, Confessio redderetur odiosa. *Secunda* verò sententia probabilior negat, eamque tenent Suar. d. 33 sect. 4 n. 6 Pal. p. 19 §. 4 n. 8. Henr. l. 6 cap. 21 n. 4 item Aversa, et Illsung apud Croix l. c. Ratio, quia (ut communiter docent DD.) obligatio sigilli oritur ex sola Confessione sacramentali, in qua pœnitens actu manifestat peccata ad absolutionem obtinendam; ita ipse P. Conc. pag. 737. n. 3 et Suar. Con. Vasq. Gabr. Pal. Henr. et alii passim cum Salm. cap. 14 n. 11 cum D. Thoma in 4 d. 21 q. 3 art. 1 q. 2. Sed contra: ubi expressè id tradit dicens: *Sigillum Confessionis non se extendit, nisi ad ea, de quibus est sacramentalis Confessio.* Quapropter ob manifestationem peccati, quæ fit à pœnitente apud consiliarium, cum ipsa non fiat in actu Confessionis, neque ad obtinendam ab ipso

absolutionem, tenebitur quidem consiliarius ad secretum naturale, non verò ad sigillum sacramentale, ad quod probabilius est pœnitentem nullum jus acquirere, nisi in actuali Confessione apud eum, à quo absolutionem expectat. Respondetur autem ad rationem oppositam, quod revelatio consilii retraheret pœnitentem ab accipiendo consilio, non verò à Confessione faciendâ; unde ex manifestatione illâ redderetur odiosa non jam Confessio, sed consultatio ad Confessionem. At nemo tenetur ullo casu alteri, quam Confessario, detegere peccata sua, ut integrè confiteatur, et ideo qui ultrò vult peccatum aliquod consiliario patefacere, nequit ipsum obstringere ad sigillum sacramentale.

Sic pariter dicit Henriquez ap. Tamb. l. cit. (qui probabile putat cum Suarez quem citat, sed non bene ut mox dicemus) quod, si pœnitens, antequàm confiteatur, suas culpas committat Sacerdoti propter Confessionem in posterum ei faciendam, neque tenebitur Confessarius ad sigillum. Sed huic non acquiesco, quia talis manifestatio est quædam inchoata Confessio, dum pœnitens tunc præmittit manifestationem sui peccati, ut citius postea Confessionem expediat; nec aliter videtur sentire P. Suarez, cum ibi non loquatur de manifestatione apud eundem Confessarium, sed tantum apud alterum factâ.

Quæritur III. An teneatur ad sigillum, qui legit chartam, in qua pœnitens scripsit Confessionem?

Prima sententia affirmat, et hanc tenent Antoine pag. 550. v. Hinc, Sporer n. 857. Ronc. pag. 99 q. 3 cum Bass. et Ant. à Spirit. S. item Mald. Fag. Rodr. et alii apud Dian. p. 1 tr. 4 R. 112. Ratio, tum quia scriptura illa proximè fuit ordinata ad Confessionem, et ideo habetur tamquàm inchoata Confessio, vel tamquàm gerens vicem Confessionis peractæ; tum quia manifestatio talis scripturæ, quæ sæpius fieri solet, maximè in Confessionibus generalibus, aut prolixis, odiosam Confessionem redderet. *Secunda* tamen sententia communissima, et proba-

biliior negat, et hanc tenent Suar. d. 33, sect. 4 n. 5. Laym. c. 14 n. 9. Wigandt tr. 13 n. 119. Pal. p. 19 §. 4 n. 11. Elbel. n. 503. (qui vocat probabilissimam) Viva q. 10 art. 3 n. 3. Holzm. n. 714. Lugo d. 23 n. 47. cum Henr. et Megala, Salm. c. 14 n. 63 cum Gran. et Con. ac Bonac. q. 6 sect. 5 p. 3 n. 7 cum Nav. Soto, Sayr. Nunno, etc. Ratio, quia (ut mox suprâ diximus) obligatio sigilli Sacramentalis non provenit nisi ex actuali Confessione; at scriptura illa non est Confessio, sed tantum præparatio ad Confessionem; undè pœnitens acquirit jus sigilli tantum apud Confessarium, cui chartam præbet ad absolutionem obtinendam, non verò apud alios, qui illam extrâ actum Confessionis legere queunt. Nec obstat dicere, quod aliquibus posset aliquin reddi odiosa Confessio, cum plures soleant scribere Confessionem, ut exactius confiteantur. Nam respondetur eodem modo quo suprâ in quæstione præcedenti, nempe quod scriptura minimè requiratur ad Confessionem, sed tantum ad juvandam memoriam; undè manifestatio legentis non redderet quidem odiosam Confessionem, sed tantum scriptionem peccatorum, ad quam nullus obligatur.

Excipiunt tamen Lugo, Viva, Spor. Holzm. et Elb. 1. Si mutus confiteatur per scripturam Confessario præsentem, et casualiter alius eam legat; quia tunc legens reverà haurit notitiam peccatorum ex actuali illius Confessione. 2. Si quis per epistolam peteret à Superiore licentiam pro casu reservato, juxta dicta n. 646. Præterea, excipiunt etiam rectè Wigandt, Viva II. cc. et Lugo, si legeris chartam relictam in confessionali post Confessionem peractam, vel porrectam Sacerdoti pro Confessione faciendâ, quia porrectio illa est quædam inchoata Confessio. Cæterum, præcisus his casibus, dicunt Laym. Pal. et Sporer, quod legentes (tantò magis revelantes) hujusmodi scripturam graviter peccarent, nisi certò scirent ibi minimas culpas, et quotidianas contineri (vide dicta suprâ l. 5 n. 70). Addunt verò Laym. et Sporer, quod eo casu (quem dicunt

vix accidere posse, aliquandò in magna necessitate, puta ad salvandam Rempub. aut vitam innocentis, posset licitè secretum revelari.

» 1. Extrà confessionem, cum licentia pœnitentis, 651
 » potest agi de auditis in confessione, sivè cum ipso-
 » met, sivè cum quocumque alio; etsi periculosum
 » sit. S. Thom. Suarez, Præpôs. Tann. etc. * (*Et ità*
 » *verius tenendum* (contra Scot. Durand. Major. Gabr.
 » Ang. etc. apud Lugo n. 332) cum D. Thom. in sup.
 » q. 11 a. 4 ubi ait: *Potest..... confitens facere,*
 » *ut illud quod Sacerdos sciebat... ut Deus, sciat etiàm ut*
 » *homo, quod facit dum licentiat eum ad dicendum; et*
 » *ided si dicat, non frangit sigillum.* Et ità etiàm Laym.
 » c. 14 n. 14. Navar. c. 8 n. 15. Ronc. p. 100 quæst.
 » 5. Lugo d. 23 n. 133. Concina p. 140 n. 14. Wigandt
 » tract. 13 n. 115 et alii communiter. *Ratio, quia si-*
 » *gillum Confessionis est institutum tantùm in favorem*
 » *pœnitentium.*) * Circà quam licentiam requiritur I.
 » ut sit formalis, et expressa; nam præsumpta, taci-
 » ta, interpretativa, virtualis (etiàm in bonum ipsius-
 » met pœnitentis) non sufficit. Fagund. p. 2 l. 6. Tann.
 » Mald. et cæteri Doct. communiter. II. Ut sit libera,
 » ac spontanea, non vi, injuria. dolo, vel per preces
 » importunas extorta, vel etiàm per metum reveren-
 » tialem ipsius Confessarii obtenta. Henr. Fagund l.
 » c. Dian. p. 5 t. 11. R. 10 et 24 * (*Dicit Croix l. 6 p.*
 » *2 n. 1958 quod si pœnitens non ultro, sed tantùm ad*
 » *petitionem Confessarii det licentiam loquendi, com-*
 » *muniter licentia censenda sit data ex metu reverentia-*
 » *li*(a) *addit Elbel, hoc tamen intelligendum esse, quandò*
 » *licentia non est spontanea, sed replicatis petitionibus*
 » *extorta, seu ex solo metu reverentiali concessa. Cæ-*
 » *terùm, hujusmodi licentiæ peti non debent nisi ex ra-*
 » *tionabili causa,* qui etiàm rectè addit, *quod melius*
 » *sit inducere pœnitentem; ut det licentiam extà*
 » *Confessionem.*) * III. Non revocata; nam pœniten-
 » tem pro libitu, etiàm sine causa, eam revocare
 » semper posse, docent Fagund. et Diana ll. cc. * (*Ità*

(a) Addit P. La Croix: adeoque invalidè.

- » etiã Sporer n. 821 et Ronc. p. 100 q. 5) * IV. Non
 » opus esse, ut habeatur in scripto, Suar. Fag. II. cc.
 » Imò, si dubium sit, an Confessor cum licentia lo-
 » cutus fuerit, Sacerdoti potius, quàm pœnitenti
 » credendum, ex Graff. et Henr. affirmat Dian. l. c.
 » R. 4 vel etiã quàm hæredibus; v. gr. si ex licen-
 » tia defuncti revelet restitutionem ab iis faciendam.
 » Tan. et Mald. qui tamen monet, eo casu non esse
 » dicendum, eam deberi ex delicto, sed solùm, quod
 » talibus tantùm dari voluerit, satiusque suaderi mo-
 » ribundo, ut talia secreto codicillo hæredibus in-
 » jungat Vade Dian. l. c. R. 32. V. Perindè esse, sivè
 » ea licentia detur verbo, sivè facto, quod quidem
 » æquivalet expressæ concessioni; v. gr. si pœnitens
 » extrà confessionem incipiat loqui cum Confessario
 » de dictis in Confessione; tunc enim posse hunc pro-
 » sequi, docent Aversa quæst. 18 s. 7. Tann. in ap-
 » pend. c. 2. ex Bonac. * Ità communiter Lugo d. 23
 » n. 131. Pal. §. 3 n. 14. Concina p. 740 n. 14. Holzm.
 » h. 720. Antoine p. 547. v. Hinc Sporer n. 820. Salm.
 » c. 14 n. 41 cum Suar. Laym. et Bonac. et Ronc. p.
 » 101 q. 3. R. 1. Benè tamen advertit Lugo loc. cit.
 » *quod eò casu adhuc perseveret sigillum respectu ad*
 » *alios, quia licet pœnitens extrà Confessionem loqua-*
 » *tur, censetur tamen non præbere Confessario aliam*
 » *licentiam, quàm dependentem à Confessione peracta.)**
 652 » 2. Frangitur sigillum, si cum pœnitente extrà
 » confessionem, sine ejus venia, agas de auditis in
 » Confessione, aut ea te scire ostendas. (*Communiter*
 » *tamen dicunt DD. licitum esse Confessario loqui de*
 » *auditis in Confessione cum pœnitente statim post ab-*
 » *solutionem, antequàm ille discedat; quia licet Sacra-*
 » *mentum sit completum, tamen iudicium adhuc mora-*
 » *liter perseverat;* ità contra Dian. p. 5 tr. 11. R. 19
 » cum Fag. rectè tenent Lugo d. 23 n. 129. Nav. c.
 » 26 n. 14. Conc. p. 740 n. 14. Fill. c. 11 n. 324. Ant.
 » p. 547 v. Hinc, Escob. n. 741. Salm. c. 14 n. 43 cum
 » Gran. et Aversa, Renzi p. 306 q. 4 cum Pell. et
 » Verric. ac Croix n. 1980 cum Præp. Henr. Tamb.

- » Dic. et Stoz) * Quod verum putat Sanch. contra Suar.
 » et Laym. etiãsi cum eo tractare velles de esseptiali
 » errore in ea commisso, quem illi significare sine
 » ejus venia non licere, docent Regin. Fag. Bonac,
 » et alii contra Fill. Turr. etc. apud Dian. p. 3 t. 4.
 » R. 87. * (Vide dicta n. 623.) * Dixi, *Extra*, quia
 » intrã confessionem potest fieri mentio præceden-
 » tium, ut patet ex praxi Confessariorum, qui ob re-
 » cidivam arguunt, et absolutionem aliquando negant.
 » Itã Henriq. Præpos. Gran. Mald. etc. apud Dian. p.
 » 5 tract. 11 res. 20. Ubi ipse cum Fag. negat id licere
 » sine expressa licentiã pœnitentis, nisi de iis, quæ
 » is iterum confitetur, vel saltem tangit. Vide Dian.
 » l. c. et p. 2 tr. 2 misc. Res. 12 et p. 9 tr. 11 res. 18.

Quæritur igitur, an intrã Confessionem possit Con-⁶⁵³
 fessarius loqui cum pœnitente de culpis in alia Con-
 fessione auditis, sine ipsius licentia? Negat Diana
 cum Fag. ut suprã, sed affirmat sententia communis-
 sima et verior, quam tenent Lugo d. 23 n. 127. Tamb.
 c. 5 n. 4. Wigandt tr. 13 num. 120. Concina. p. 740
 n. 14. Ronc. p. 101 q. 3. R. 1. Antoine p. 550 v. Hinc,
 Sporer n. 823. Renzi p. 307 qu. 5 cum Aversa, Dict.
 et Malder. eamque vocat certam Illsung apud Croix n.
 1981. Ratio, quia sæpè pertinet ad munera Judicis, et
 Medici, quæ habet Confessarius, recolere peccata
 prioris Confessionis, ad melius pœnitentem corripien-
 dum, vel dirigendum; ideò improbable est, quod
 pœnitens habeat jus sigilli in actu Confessionis, cum
 potius verum sit, quod Confessarius habeat jus exqui-
 rendi omnia, quorum notitia ad meliorem directionem
 coadjuvare valeat. Undè benè poterit confessarius lo-
 qui cum pœnitente de omnibus peccatis in præterito
 ab eo confessis, semper ac putat hoc fore utile pœni-
 tenti, qui censetur in Confessione dare, ei licentiam,
 ut utatur quacumque notitia necessaria ad sui melio-
 rem directionem.

- » 3. Frangit sigillum, qui dicit, se in tali monas-⁶⁵⁴
 » terio audivisse grave peccatum, tametsi non nomi-
 » net personam. Dian. p. 5 t. 11 res. 35 et alii 3 cum

» Mald. Additque graviter peccare eum , qui dicit ,
 » in hoc , vel isto Ordine Religioso hoc , vel istud pec-
 » catum fuisse admissum , quod ex sola Confessione
 » novit : imò nec de civitate , vel certo loco , in quo quis
 » confessiones audivit , licere dicere , quod gravia fiant ,
 » vel talia , et alia peccata committi soleant (nisi aliundè
 » constet) , docent Hurt. Kellis. et Mald. apud Dian.
 » l. cit. res. 35 ; quia potest redundare in gravamen ,
 » et infamiam ipsius Communitatis , et fortè etiàm
 » civium in particulari , quandò civitas non est ampla ,
 » et pœnitentes suspecti , atque adeò confessio fieret
 » illis odiosa. Vide Dian. l. c. et res. 36 ubi cum Mald.
 » docet , Confessarium , qui paucos habet pœnitentes
 » sibi subditos (v. g. Moniales unius Monasterii) scan-
 » dalum dare , si coram illis concionetur de vitiis au-
 » ditis in Confessione : quia confessæ faciliè suffun-
 » duntur pudore . * (*Hoc tamen intelligendum , si Con-*
 » *fessarius loquatur de aliqua culpa particulari cujus-*
 » *dam Monialis , vel illius Monasterii ; secùs , si loqua-*
 » *tur de defectibus , quæ communiter in omnibus Monas-*
 » *teriis solent vel possunt perpetrari .*) * »

Dubitatur hîc i. An Confessarius violet sigillum , si
 asserit , in aliquo loco gravia crimina perpêtrari , quæ
 ipse audierit in confessione ? *Prima* sententia negat ,
 et hanc tenet Nav. c. 8 n. 16. Renzi p. 322 q. 11 cum
 Fag. Vivald. et Onuphr. ità Henr. Gran. Lop. etc.
 apud Escob. l. 16 n. 749 qui consentit n. 750 , si nullo
 modo in cognitionem personæ deveniri possit , quia aliàs
 (ut dicunt) ex tali revelatione nulla fit injuria pœni-
 tenti. *Secunda* tamen sententia communissima et longè
 probabilior , quam tenent Suar. d. 33 sect. 3 n. 8. Bon.
 q. 6 sect. 5 part. 4 n. 3. Filliuc. c. 11 n. 322. Concina
 p. 740 n. 13. Viva q. 10 art. 2 n. 7. Tamb. l. 5 c. 3
 §. 5. Holzm. n. 711 cum Laym. et Pal. Sporer n. 827
 cum Diana , et communi , ut asserit Lugo d. 23 n. 64
 cum Vasq. Con. et Led. docet , quod , si Oppidum sit
 parvum (puta si non constet tribus millibus homi-
 num circiter) , tunc violetur sigillum. Ratio ; quia , li-
 cet tunc non reveletur persona , tamen , cum revelatio

emanet in infamiam totius communitatis, redundat etiam in gravamen pœnitentis, qui illius communitatis est membrum, et ideò ex tali revelatione redderetur ei odiosa Confessio. Secùs verò, si Oppidum sit amplum, et crimina sint publica, ut dicunt Lugo, Conc. Spor. Viva, et Tamb. ll. cc. contra Vasq. qui nimis rigidè id reprobatur. Hocque permittit Petrocorens. t. 4 p. 90 q. 4 etiam concionatoribus, modò non dicant, se audisse in Confessionibus. Idem sentit Habert t. 6 p. 261 q. 14. R. 3 dicens, licitum esse Confessariis in concionibus generatim invehere in vitia, quæ occultè grassantur. Idque expressè permittitur in c. Si Sacerdos 2 de Offic. Jub. ord. ubi dicitur: *Si Sacerdos sciat pro certo, aliquem esse reum alicujus criminis, vel si confessus fuerit... non debet eum arguere nominatim, sed indeterminatè.* Idest in genere, ut explicat Panormitanus in dict. cap. 2.

Dubitatur 2. An frangat sigillum Confessarius, qui dicit, Religiosum ex tali Conventu sibi confessum esse grave peccatum? Negat Escob. lib. 16 n. 713, cum Henr. Nuno, Fagn. et Candido, modò non ingerat noticiam personæ particularis. Verius tamen affirmant Busemb. et Suar. d. 33 sect. 3. Conc. p. 740 n. 8. Bon. p. 4 n. 3. Diana p. 5 tr. 11 R. 23. Pal. p. 5 § 3 n. 11, cum Nav. Laym. et Henr. item S. Anton. Vill. et Gran. ap. Escob. n. 754. Ratio, quia tunc singulè illius conventus detrimentum patiuntur. Et sic pariter Confessarius violabit sigillum, si dicat, in Conventu illo talia peccata committi. Non verò (ut rationabiliter ait P. Conc., contra Dian. ap. Busemb. ut suprà si tantùm diceret, se audisse peccatum Religiosi cujusdam Ordinis: quia hæc neque est revelatio sigilli, neque redundat in gravamen pœnitentis, cum in quolibet Ordine aliqui mali sint: undè neque oritur scandalum, neque infamatur Religio, nisi (rectè limitat) Religio illa esset arctioris observantiæ.

« 4. Notitià in sola confessione acceptà nullo casu 655
» uti licet, si periculum sit revelationis, saltèm indi-
» rectæ. Verùm, si nullum sit periculum, ut vel pœ-

» nitens, vel usus scientiæ innotescat, etsi probabile
 » sit, licere uti ad alterius gubernationem, v. g. ne-
 » gando suffragium ei, quem ex sola confessione scit
 » indignum esse, vel claudendo ostium, per quod
 » quis noctu ingreditur ad peccandum: item, cogni-
 » tā proditiōe futurā, monendo de diligenti custodia,
 » impediendo clam Matrimonium, quandò scitur im-
 » pedimentum, ut docent Vasq. Henr. Navar. etc.
 » contrarium tamen verius videtur, quod docent Fu-
 » mus, Sanchez. Con. Laym. Dian. p. 3 tr. 4 R. 76, et
 » p. 5 tr. 11 R. 3. et alii; quia hæc doctrina posset
 » pœnitentem abterrere à confessione. Et quidem
 » Superioribus Religionum talis gubernandi modus
 » prohibitus est anno 1594; cum in Soc. JESU jam
 » antè idem statutum esset, prohibitumque contra-
 » rium docere. Vide Dian. p. 4 t. 4 R. 202. Contra
 » verò ad sui ipsius gubernationem licere tali casu eā
 » scientiā uti, videri probabilius, v. g. abstinendo à
 » calice, in quo scitur esse venenum, deflectendo à
 » sylva, in qua paratam sibi mortem sciat ex unius
 » latronis confessione, docent Sylv. Henr. Con: Laym.
 » hîc c. 15, contra Suar. Dian. p. 5 d. 11 R. 46. Ex-
 » cipit Card. de Lugo nisi actio, vel omissio Confes-
 » sarii inducat notitiā peccati, vel damnum afferat
 » confitenti, contra Con. disp. 9 dub. 4, etc. qui
 » putat licere, etsi indè mors pœnitenti immineret
 » à sociis inferenda. Vide l. c. n. 108.

» 5. Deniquè facere aliquid, ex quo soli pœnitenti
 » innotescere posset id fieri ex notitiā confessionis,
 » esse contra sigillum, negant D. Th. Bonac. Sot.
 » Vasq. etc. Affermant Sylv. Vald. Con. Dian. pag. 3
 » t. 4 R. 46. Idque confirmant Fag. Gran. Card. de
 » Lugo, et Avers. q. 18 sect. 8, si tale sit, quod pœ-
 » nitenti ruborem vel molestiam afferat, v. g. si vul-
 » tum ei austeriorem ostenderet, vel eum declina-
 » ret; secus si ei sit gratum, vel saltèm confessionem
 » odiosam, aut difficiliorem non reddat; v. g. si au-
 » disset eum ad indignationem, aut odium provoca-
 » tum, vel in tentationem incidisse ex certo facto,

» vel dicto ipsius Confessarii , indeque ipse à talibus
» factis , vel dictis abstineat , etc. »

Omnia hæc diligentius sunt discutienda. Dubita-⁶⁵⁶
tur I. An Superior ob peccatum auditum in Confes-
sione possit amovere subditum ab officio ? Affirmat
Sambovius to. 3. Caus. 18. Idque prius docuit D. Th.
Quodl. q. 5 q. 7 art. 13, modò absit revelatio peccati,
sic dicens : *Si ergò amotio subditi ab administratione
possit inducere ad manifestandum peccatum in Confes-
sione auditum , vel ad aliquam probabilem suspicionem
habendam de ipso , nullo modo Prælatus deberet remo-
vere. Si verò per amotionem peccatum nullatenus ma-
nifestaretur , tunc , alia occasione accepta , posset sub-
ditum ad administrationem remove , et deberet hoc fa-
cere cum debita cautela.* Et idem confirmat in Suppl.
qu. 11 ar. 1 ad. 3. Idem dicunt S. Bonav. Alex. de
Ales. Gabr. Palud. et Adrian. ap. Habert. t. 6 p. 260
q. 14 ac alii ap. Suar. d. 33 sect. 7. qui hanc sen-
tentiam vocat communem , ut reverà erat inter anti-
quos.

Sed huic doctrinæ obstat hodiè Décretum Clem.
VIII (*de casib. res. pro omnibus Relig. c. 4*) editum
26 may. an. 1594 ubi dictum fuit : *Tàm Superiores pro
tempore existentes , quàm Confessarii , qui postea ad
superioritatis gradum fuerint promoti , caveant diligen-
tissimè , ne ea notitia , quam de aliorum peccatis in Con-
fessione habuerunt , ad exteriorem gubernationem utan-
tur.* Quàmvis autem hoc decretum emanatum fuerit
tantùm pro Superioribus regularibus , tamen rectè di-
cunt Holzm. n. 717 v. 20 et Croix, extendi debere ad
omnes (quidquid dicat. Habert l. c.) , cum eadem
ratio , quæ urget pro Regularibus , valeat etiàm pro
sæcularibus , ne scilicet Confessio reddatur odiosa.
Præterquamquod id certius fiat ex alio Decreto Inno-
centii XI. ut mox videbimus in Dubio seq.

Dubitatur II. An Superior in electione beneficii ,⁶⁵⁷
vel officii possit negare suffragium ei , quem ex sola
Confessione noverit indignum ? Affirmat idem Sam-
bovius l. c. cum S. Antonino 3 p. tit. 16 c. 22 § 1 in
Tom. VI.

fine, ubi scribit: *Qui liberam electionem habet, licet per solam Confessionem sciat aliquem indignum ad Prælaturam, ad quam eligitur, quem aliàs putabat dignum, non debet eligere ex conscientia sibi dittante, quia eligendo scienter dignum vel indignum, negotium geritur inter ipsum et Deum. Undè potest etiàm ex his, quæ scit ut Deus, judicare in proposito.* Sed omninò id negandum cum Sporer n. 869. Viva Append. ad Prop. damn. § VII p. 526. Conc. p. 744 n. 22. Croix num. 1977. Holzmann l. c. Ronc. p. 202 q. 6. Elbel l. cit. et aliis. Hocque hodiè certum est ex Decr. S. C. Gen. Inquisitionis edito auctoritate Inn. XI. an. 1682. 18 nov. quo proscripta fuit sequens propositio: *Scientià ex Confessione acquisitâ uti licet, modò fiat sine directa aut indirecta revelatione; et gravamine pœnitentis, nisi aliud multò gravius ex non usu sequatur, in cujus comparatione prius meritò contemnatur. Addita deindè explicatione, sive limitatione, quod sit intelligenda, de usu scientiæ ex Confessione acquisitâ cum gravamine pœnitentis, seclusa quacumque revelatione; atque in casu quo multò gravius gravamen ejusdem pœnitentis ex non usu sequeretur. Hanc dictam propositionem, quatenus admittit usum dictæ scientiæ cum gravamine pœnitentis, etiàm cum dicta explicatione præsentì decreto prohibent etc. Mandantes etiàm universis Sacramenti Pœnitentiæ ministris, ut ab ea (doctrina) in praxim deducenda prorsùs abstineant.* Hinc benè advertunt Viva, Holzmann; Mazzotta, et Croix ll. cc. illicitum esse Confessario ex notitia Confessionis claudere pœnitentem in cubiculo, ne exeat ad peccandum: dimittere famulum, vel auferre ab eo claves, ne furetur: item ostendere pœniti vultum severiorem, vel ei negare pristinam communicationem amicitiae. Neque admitendum cum Sanch. de Matr. l. 3 d. 16 n. 3 et 4 Croix num. 1963. 1976. et 1977. Laym. c. 14 ex n. 14 et Holz. n. 717. id, quod perperam admittit Sporer n. 870 nempe, licitum esse ex scientia Confessionis abstrahere claves aut pecuniam ab arca, claudere foras, non ampliùs committere claves famulo; quia omnia

hæc redundarent in gravamen seu exprobrationem pœnitentis.

Si verò Superior ex alia via, quàm Confessionis judicet, puta ex defectu ætatis, scientiæ, prudentiæ, vel quia noverit alios digniores ad beneficium, tunc posse eum imò debere suffragium pœnitenti negare, dicunt Natal. de Alex. de Sig. Confess. Reg. 57 et Merb. t. 2 p. 149 qu. 50 ex D. Th. in 4 d. 21 art. 1 ad 4 ubi dixit: *Ex multis aliis causis aliquis redditur indignus ad prælationis officium, quàm ex peccato, sicut ex defectu scientiæ, ætatis, etc. et idè qui contradicit, nec suspicionem de crimine facit, nec Confessionem revelat.* Sed hanc sententiam censeo cum Petrecor. t. 4 p. 95 tantum locum habere posse casu, quo tales occurrerent circumstantiæ aliundè cognitæ, sive antè sive post Confessionem, quæ verè moverent Superiorem ad suffragium negandum, etiàmsi nullam ex Confessione notitiam habuisset indignitatis pœnitentis. Undè minimè audiendus auctor Additionum ad Wig. p. 389 ad 3 dicens, quod esto ex sola scientia Confessionis nequeat Superior dirigi ad gubernationem externam, tamen poterit ex illa lumen accipere, et sumere alium exteriorem prætextum seu colorem ad negandum suffragium.

Communiter tamen admittunt, posse Confessarium uti notitiâ Confessionis ad se cautiorem reddendum in re familiari, ad socordiam excutiendam, ad diligentius invigilandum super gregem suum; modò nulla detur aliis suspicio peccati, neque ex hoc pœnitens gravetur, vel implicite redarguatur; ità Habert p. 261 R. 3. Antoine p. 549. v. Hinc. Pal. p. 5 § 3 n. 18. Viva l. c. § VII. Sporer n. 870 et Bën. p. 4 n. 3 cum Soto, et Reg. ex D. Th. in 4 l. c. ad 1 ubi ait: *Potest (Confessarius) dicere Prælato, quod diligentius invigilet super gregem suum, ità tamen quod non dicat aliquid, per quod verbo vel nutu confitentem prodat.* Omnia verò hæc P. Conc. p. 744 n. 23. absolutè negat licere, dicens quod Confessarius in omnibus se gerere debeat, ac si penitus ignoraret quæ ex sola Confes-

sione dignoscit. Nulli dubium, quin in prædictis actibus quàm maximè cautè Confessarius procedere debeat, cum difficile sit in his omne periculum evitare vel revelationis vel gravaminis pœnitentis. Cæterùm generalis regula est, ferè ab omnibus recepta, licitum esse uti notitiâ Confessionis, ubi nulla revelatio intervenit, nec ullum pœnitenti gravamen infertur; Ità Sanch. de Matr. l. 3 d. 16 n. 4. Lugo d. 23 n. 102. Habert t. 6 p. 260. Suar. d. 33 sect. 7 n. 9. Viva App. l. c. § 9. Antoine p. 549. Mazz. t. 3 p. 589. Holzm. n. 717 et alii communiter: atque ipse Conc. dicto n. 23 in fine præfatam regulam admittit, inquiens, posse Confessarium uti notitiâ Confessionis tum ad reformatos proprios mores, tum ad servandam propriam vitam, quandò duo concurrunt, nempe si secretum custoditur, et Confessio odiosa non redditur. Quapropter Holzman. Antoine, Mazzotta Viva, etc. communiter admittunt, posse Sacerdotem ex notitia Confessionis orare pro pœnitente, vel benigniùs ergà ipsum se gerere: item consulere liberos et sapientes, rigorem temperare, ex Confessione unius d'righi ad alios interrogandos vel instruendos, nullam tamen dando prioris Confessionis suspicionem: item: (ut ait Holzm. l. c. v. Et hinc, cum Stoz) posse præcavere à periculis et occasionibus damni spiritualis aut temporalis. Et sic pariter dicit Bonac. p. 4 n. 19 cum Nav. Reg. Zerola, etc. posse monere etiàm alios, in genere tamen loquendo, nempe ut sibi caveant, ne exeant è domo, etc. semper tamen secluso omni periculo revelationis, vel gravamini pœnitentis.

658 Dubitatur III. An Confessarius possit Communionem denegare pœnitenti, cui priùs negavit, absolutionem tamquàm indisposito, si ille postea occultè Communionum petat? *Prima* sententia affirmat, et hanc tenent D. Th. in 4. D. q. 9. un. art. 5 q. 1 dicens: *Si Sacerdos sciat peccatum alicujus, qui Eucharistiam petit per Confessionem, si in occulto, debet ei denegare, et monere ne in publico petat.* Item Petrocor. t. 4 p. 95

¶ 2 cum S. Bonav. et S. Antonio, ac alii plures antiquiores ap. Sanch. de Matrim. l. 3 d. 16 n. 6. Ratio quia (ut dicunt) ex una parte tunc urget præceptum negandi Sanctum canibus; ex alia ibi nulla intervenit sigilli revelatio, nec ulla injusta exprobratio, quæ redderet Confessionem odiosam verè pœnitentibus: talis enim negatio vel monitio solis perire volentibus odiosam Confessionem redderet, sed hoc non debet impedire, quominus Sacerdos peccatorem moneat, et Sacramentum indigno denegat. Et sic pariter dicunt, Episcopum posse et tenèri negare Ordinem indigno ex Confessione cognito; et Parochum assistentiam Matrimonio, cui ex Confessione noverit dirimens adesse impedimentum. *Secunda* tamen vera sententia negat, et hanc tenent Sanch. l. c. n. 5. Lugo d. 25 n. 126. Laym. c. 14 n. 22. Bon. p. 4 num. 17. Salm. c. 14 num. 46. Contin. Tourn. t. 4 p. 191 cum Henn. Sporer n. 869. Mazzotta c. 3 qu. 5. Holzm. n. 717. Concina p. 742 n. 18 et Croix lib. 6 p. 2 n. 1974. Ratio, quia hujusmodi denegatio Sacramenti vel monitio Confessionem redderet odiosam, non solùm pœnitentibus illicitè petentibus, sed etiàm aliis, qui si scirent, quod Confessarius posset aliquandò uti notitiâ Confessionis, facilitè absterrentur à Sacramento Pœnitentiæ. Hæc sententia hodiè omninò est tenenda ex suprâ citato Decreto Innoc. XI, quo vetatur quilibet notitiæ Confessionis usus, ex quo sequatur quæcumque pœnitentis gravamen. Vide num. anteced. 626.

Dubit. IV. An Sacerdos, qui ex Confessione noverit parari sibi insidias, possit fugere, sive aliter sibi cavere, aliquo prætextu arrepto? Certum est, eum posse (ut rectè ait Lugo d. 23 n. 108), si ex tali cautione minime manifestatur aliis peccatum confessum, nec ullum gravamen pœnitenti affertur. Sed dubium est, an liceat ei fugere, si ex fuga alii, jam conscii peccati pœnitentis, conjiciant pœnitentem esse illi confessum tale peccatum? *Prima* sententia affirmat, modò nullum pœnitenti damnum obveniat; ità Palaus p. 5 §. 3 n. 18. Bonac. p. 4 n. 27. Petrocorens. t. 4 p. 97 tr. 4.

Wigandt tr. 13 n. 122 ad 4. Sporer n. 863. Renzi p. 309 q. 9 cum Con. et Fag. ac Laym. c. 14 n. 21 cum Soto, Sylv. Adr. Gabr. et Henr. Ratio, quia aliud est revelare peccatum confessum, aliud revelare Confessionem peccati jam ab aliis cogniti; tunc enim non revelatur peccatum, sed tantum Confessio facta peccati, quod non est contra sigillum. *Secunda* verò sententia (quam sequor) negat, id esse licitum, et hanc tenent Suar. d. 33 sect. 7 n. 7. Salm. c. 14 n. 45 et 53. Antoine p. 549. Elbel n. 524. Ronc. p. 99 qu. 3 cum Nav. et Led. Mazzotta t. 3 p. 589 cum Viva, et Croix, ac Lugo d. 23 n. 110 cum Soto, Vasq. Ricch. et Med. Ratio, quia fuga illa esset quædam indirecta revelatio peccati confessi. Nec obstat dicere, quod tum fiat revelatio indirecta, cum ponitur actio, ex qua de se conjicitur peccatum confessum; sed hîc fuga Confessarii nullo modo manifestat peccatum, sed tantum alii ex propria conscientia arguunt, peccatum esse confessum. Sed respondetur cum Lugo, quod, positis talibus circumstantiis, nempe scientiæ aliorum criminis, et Confessionis pœnitentis, fuga illa esset vera revelatio, non solum Confessionis factæ, sed etiã peccati confessi. Et licet Confessarius fugam simularet ex aliquo prætextu, semper tamen aliquam rationabilem suspicionem præberet peccati confessi. Dicit autem P. Cuniliati tr. 14 c. 4 § 7 n. 10, quod eo casu pœnitens teneatur dare licentiam Confessario, ut ille possit eximi à periculo; aliàs Confessarius non tenetur ipsum absolvere, semper ac pœnitens potest licentiam præbere absque periculo sui gravis damni. Et addit, quod, si pœnitens injus è licentiam denegat, Confessarius, modò non det aliis suspicionem Confessionis auditæ, licitè poterit fugere, ex notitia per Confessionem recepta, ut à periculo se liberet; tunc enim (ait) nullum pœnitenti imminet gravamen, sed tantum adest manifestatio apud ipsummet negatæ licentiæ. Tamen id minimè admittendum puto; nam licet absit gravamen pœnitentis, adest verò indirecta saltem revelatio notitiæ in Confessione habitæ.

Notandum autem hîc id, quod dicit Ron. de Sigil.

cap. 2 Reg. prax. num. 1. nempe quod, si Confessarius noverit aliquem ex Confessione solitum esse multa peccata, vel tenuem dispositionem afferre, non poterit sine justa causa se celare, vel excusari ab eo audiendo, quandò aspiceretur ab aliis, et iis suspicionem talem ingereret, multòque magis, si pœnitens id reputabit ut tacitam exprobrationem suorum peccatorum; secus verò (ait) si nullus aspiceret, quia tunc nulla in aliis oriretur suspicio. Sed huic ultimo non acquiesco, quia, si aliàs Confessarius jam esset in confessionali, et ideo recedat, quia videt illum pœnitentem accedere, etiàmsi alii nihil adverterent, videtur tamen hoc illi gravamen afferre, et aliquo modo odiosam reddere Confessionem, cum facili tunc pœnitens credat, quod, si ipsi confessus non fuisset, suam Confessionem apud illum Confessarium, ut cupit, expleret. Et hoc magis est verendum post decreta, ut suprà n. 656. ubi prohibentur Confessarii ullo modo uti notitiâ Confessionis ad externam gubernationem, aut cum aliquo gravamine pœnitentis; quod quidem intelligitur, ut inquit idem Ronc. c. 2 q. 6 cum S. Thoma, Lugo, Sanch. etc. etiàmsi nulla intercedat revelatio, et etiàmsi pœnitens nullo modo advertat hoc fieri ob Confessionem paractam. Undè ex ipso Roncag. dico, quod, licet tunc fuga illa ex prætectu apparenter justo non redderet Confessionem odiosam tali pœnitenti, redderet tamen odiosam generalitèr Reipublicæ Christianæ, quia si scirent fideles, posse Confessarios ex colorato prætectu auferre ab ipsis, ob notitiam in Confessione acceptam suorum peccatorum, facili gravarentur. Licet autem Confessarius se celabit, si justam habeat causam, ob quam etià de audiendis aliis pœnitentibus incognitis æquè se excusaret. Nec obstat, quod pœnitens tunc etià suspicari posset, Confessarium se celare ob audita ejus peccata; nam si reverà Confessarius ob justam causam se excusaret, reverà tunc ejus suspicio esset temeraria, quam Confessarius vitare non teneatur. Hinc concludo, quod ergà hujusmodi pœnitentem ita se gerere debeat Confessarius, ac se gereret ergà

aliud, cuius numquàm Confessionem excepisset, tamen approbo id, quod dicit idem Roncag. ib. q. 5 cum Lugo dist. 23 n. 116 quod, si pœnitens indispositus minuetur Confessario ob negatam absolutionem, benè poterit Confessarius ab illo aufugere, et non redire, quia tunc illæ minæ non sunt peccatum manifestatum ad absolutionem obtinendam, sed peccatum in Confessione commissum, quod sigillo non gaudet. Hæc tamen fuga tantum permittitur Confessario, si fugiendo non ingerat aliis suspicionem negatæ absolutionis; quod si eam ingereret, posset recitare aliquam orationem, non jam intendendo deceptionem pœnitentis, sed solam liberationem ab illa vexatione, quàmvis pœnitens se decipiat credens, illam orationem esse formam absolutionis. Vide dicta de Sacramento hoc l. 6 n. 39 v. *E converso*.

- 660 Dubitatur V. An Confessarius sciens ex Confessione Ecclesiam esse pollutam, possit ibi celebrare? Hic casus quidem difficulter accidet, nam (sicut diximus hoc lib. 6 n. 364.) ut Ecclesia polluat, requiritur publica violatio; tamen aliquando accidere posset, nempe si violatio esset quidem publica, sed Confessario incognita, vel si alii ignorarent per tale factum Ecclesiam esse pollutam. In his autem casibus *Prima* sententia, quam tenent Sporer de Pœnit. n. 874. et Bon. eod. tit. q. 6 p. 4 n. 23 cum Sylvest. Lazar. et aliis, dicit, Confessarium posse et tenèri celebrare. Ratio, quia Ecclesia in favorem sigilli non videtur tunc velle obligare Sacerdotem ad non celebrandum. *Secunda* tamen sententia, quam tenent Lugo dist. 23 n. 125. et Aversa; ac Tamb. apud Croix lib. 6 part. 2 n. 1976. censet, eum non posse celebrare, quia ex una parte urget præceptum non sacrificandi in Ecclesia polluta, et ex alia minimè urget præceptum servandi sigilli, cum nullum adsit periculum revelationis apud alios, nec damni pœnitentis. Et hæc sententia videtur satis probabilis cum Mazzot. pag. 589. si reverà nullum sequatur pœnitentis gravamen, et nulla fiat

revelatio indirecta, puta si Confessarius justum exponat prætextum alibi celebrandi.

Dubit. VI. An, si ex Confessione scias, aliquem (cui solitus es confiteri) non esse Sacerdotem, vel non esse Confessarium, possis et tenearis pergere ad ei confitendum? Negat Sanch. de Matrim. lib. 3 d. 16 n. 5 et probabile putat. Spor. n. 871, quia ex una parte non potes simulare susceptionem Sacramenti, ex altera non violas sigillum omittendo confiteri; sic enim nihil revelas de crimine pœnitentis, cum innumeræ possint esse causæ mutandi Confessarium. Communiùs tamen, et veriùs tenent oppositum Lugo d. 23 num. 105. Mazzotta t. 3 n. 189. et Croix n. 1978. cum Viva, Dic. et Stoz, ac etiàm probabile censet Sporer l. cit. Ratio, quia in tali omissione, quamvis non adsit revelatio sigilli, semper tamen adest quædam odiosa exprobratio pœnitentis. Neque tunc oportet tibi simulare Sacramentum (quod reverà esset intrinsecè malum), sed potes illi ficto Sacerdoti vel Confessario simpliciter aliquod peccatum manifestare sine intentione absolutionis: quod in hoc casu non esset illicitum, cum tua cooperatio ad peccatum illius esset tantùm materialis.

Cæterùm, generaliter loquendo, dico, quod, esto 661 Confessarius in hac materia tam gravi, et periculosa debeat esse valdè cautus, ne pœnitentes ex Confessione aliquod injustum gravamen subeant, ut sub initio animadversum voluimus, tamen non teneatur cavere omnes leves conjecturæ, quas facilè malitiosi faciant, sed tantùm ne præbeat suspensiones probabiles de peccatis auditis, ut dicunt Lugo D. 23 n. 106. cum Scoto, Palat. et Med. ac Croix n. 1749. cum Gob. Tambur. et Gorm. ex D. Th. Quodlibet 5 art. 13 ubi sic ait: *Si amotto subditi ab administratione possit inducere ad manifestandum peccatum in Confessione auditum, vel ad aliquam (nota) probabilem suspicionem habendam de ipso, nullo modo Prælatus deberet subditum removere.*

DUBIUM II.

Quale sit præceptum, et quæ obligatio
Confessionis.

662 Quos, et quândo obliget hoc præceptum? Et quomodo
computetur tempus annuæ Confessionis?

663 An præceptum divinum Confessionis obliget extrâ articu-
lum mortis?

664 Quomodo obliget juramentum Medicorum non visitandi
infirmos non confessos? Vide etiã lib. 3 n. 182.

665 Qui teneantur ad præceptum Confessionis?

666 An impuberes? An isti possint absolvi, si dubitetur de
usu rationis (Remiss. ad n. 432.)

667 An obligetur ad Confessionem annualem habens sola ve-
nialia?

668 An, qui non satisfecit præcepto, teneatur ad illud quam-
primùm?

669 Et an per Confessionem, quæ fit anno sequenti, satisfiat
præcepto etiã antecedentis?

670 An in Paschate sit obligatio confitendi proprio Parocho?

671 An teneatur quis aliquando confiteri antè finem anni?

672 An satisfaciat præcepto per Confessionem invalidam?

673 Qui ab hoc præcepto excusentur.

674 Pœnæ in transgredientes hoc præceptum.

662. **R**ESP. Præceptum confitendi, tum divinum, tum
ecclesiasticum, sub mortali obligat omnes, ac
solos baptizatos, qui habent mortale: illud in
articulo mortis: hoc verò, postquàm ad annos dis-
cretionis pervenerint: et simul ut confiteantur
proprio Sacerdoti, vel alteri cum ejus venia, se-
mel in anno; computando ab una confessione
ad aliam, ut quidam docent* (Ut Sot. et Gran.
ap. Viva de Pœnit. Qu. 4 ar. 3 n. 4.)*: vel ab
initio Januarii ad finem Decembris, ut habet com-
munior)* Et tenent Viva l. c. ac Pal. et alii apud
Croix n. 2043.)* vel demiquè à Paschate ad Pascha,
ut consuetudo verè obtinuit, propter Communio-
nem. Suar. d. 35 s. 2 Vasq. q. 90. art. 2 Card.
de Lugo d. 11 s. 3, 6 et 7. Coninck. d. 5 d. 6.

* (Hinc rectè ait Holz. t. 1 p. 341. n. 33, *quod per se loquendo, annus esset computandus à Januario ad Decembrem, tamen, spectatà universali consuetudine, computatur, incipiendo à Paschate ad Pascha*)*

Quæritur, an præceptum Confessionis obliget per se aliquandò in vita extrà periculum mortis? Comune est, non obligare per se statim post peccatum; ità S. Th. in 4 Dist. 17 qu. 3 art. 1 q. 4, quem sequuntur Suar., Lugo, Reg. Vill. etc. cum Salm. de Pœnit. c. 7 n. 5. Dubium est, an obliget per se saltèm sæpius in vita? Negant pariter D. Th. l. c. et Scotus, ac Gabr. apud Salmantic. ib. item Bosco, et Dic. apud Croix l. 6 p. 2 n. 2020. Ratio, quia talis obligatio nullo fundamento certo videtur probari, cum possit peccator per contritionem Deo se reconciliare. Sed communiùs affirmant Salm. n. 9 cum Reg. Vict. Led. et Gran. ac Croix l. c. cum Rodr. Ills. Gorm. etc. Et hoc videtur probabilius, quia (juxtà dicta n. 297. in simili præcepto, nempe Communionis), cum præceptum hoc sit divinum, Christus reliquit illud determinandum ab Ecclesia. quæ in c. Omnia de Pœnit etc. determinavit obligare saltèm semel in anno. Præter hoc autem (ut diximus n. 437. Dub. i.), tale præceptum per accidens obligat peccatorem etiàm infrà annum ad Confessionem, si non conteritur, ratione charitatis ergà seipsum, ne diù maneat in mortali.

Hic obiter agendum de quæstione illa, de qua jam egimus lib. 3 n. 182. Sed hic plenius est disceptanda: Quomodò Medici teneantur infirmos de Confessione monere? Sciendum est, quod Concilium Lateranense sub Innoc. III. in c. Cum infirmitas 13 de Pœn. et rem. præceperit districtè (nempe sub gravi, ut omnes interpretantur apud Salm. tr. 17. de Juram. c. 2 n. 90) omnibus Medicis, ne infirmos in suam curam recipiant, nisi priùs infirmi confiteantur. Deindè S. Pius V. in Br: *Motu proprio*, quod incipit, *Suprà grægem*, edito an. 1566, innovando præfatam Sauctionem præcepit. *Ne Medicus incipiat curare infirmum, nisi*

eum moneat de Confessione facienda; neque ultra tres dies eum invisat, nisi scripto Confessarii resciat eum esse confessum. Et ut Medici, antequàm doctoratûs gradum assumant, jurent se hoc præceptum observaturos; et Ordinarii illos non admittant in suis Diœcesibus, nisi constiterit de hoc juramento.

His positis, quæritur, de qua infirmitate hæc Decreta intelligantur? Tres sunt sententiæ. *Prima*, quam tenent Laym. l. 5 tr. 6 c. 5 n. 5. item Rosol. Graff. Vega, et Rod. ap. Salm. d. c. 2 n. 90 (et hanc Ciera Diss. 21 cui adhæret, vocat communiorem, sed immeritò) dicit intelligi de solo morbo periculoso, vel saltèm de quo dubitatur an sit periculosus. Et idem sentit Nav. Man. c. 25 n. 61. dicens: *Monitioni non est locus, quondò manifestum est, morbum non esse periculosum.* Et in hoc sensu ajunt AA. citati prædicta Decreta usu recepta fuisse. *Secunda* autem sententia, quam tenent S. Auton, 3 p. tit. 7 c. 2 § 4 Sylv. v. *Medicus* § *Tertium*; dicit intelligi de quocumque morbo, etiàm non mortali. Ratio, quia in morbo periculoso etiàm de jure naturali præfata monitio facienda esset; undè cum in dict. c. cum infirmitas, novum præceptum statuatur, utique textus non est de sola infirmitate mortali intelligendus. *Tertia* verò sententia communior, quam tenent Suar. in 3 p. d. 35. Sect. 3 n. 4 Sanch. Dec. l. 3 c. 16 n. 7. Bon. t. 2 d. 4 q. 1 p. 16 n. 10 et 13 Pal. tr. 14. D. pag. 7 § 4 num. 2 Con. t. 4 pag. 86 q. 5. Viva q. 4 art. 2 num. 4 Dian. pag. 3 tr. 4. R. 93 cum Aug. Arm. Tab. Nunni. Homob. etc. ac Salm d. num. 90 cum Cajet. Trull. et Candido, cui consentit Bened. XIV. Notif. 22 n. 19 dicit 1. hoc præceptum non quidem intelligi de solis morbis periculosis, nam reverà Constitutio Innocentii edita fuit (ut exprimitur in dicto c. 13) ob motivum, ne infirmi, cum monerentur in morbo mortali, faciliùs mortis periculum incurrerent; undè præceptum seu juramentum intelligendum est de facienda monitione etiàm in morbo non periculoso, ut infirmi, cum monentur, non incurrant mortis periculum. Dicit 2, nec etiàm

intelligi de quocumque morbo levi (quod ridiculum esset ait Suarez), sed morbo gravi, etsi non periculoso. Ratio, quia tam Innocentius, quam S. Pius loquuntur de *infirmis lecto jacentibus*, et ideò intelligendi loqui de illa infirmitate, quâ non ex majori commoditate æger, ut, si podagrâ, aut alio consimili affectu laboret, sed ex necessitate lectum petit, ita ut sit per se gravis, vel prudenter judicatur periculosa, ut gravis fiat, Neque reverà discrepant ab hac sententia D. Antonin. et Sylv. loc. suprâ citatis; ratio enim ab eis adducta nihil aliud probat, quàm quod facienda sit monitio, etiâmsi infirmitas non sit mortalis; undè ipsi non dicunt, in omni morbo levi monendum esse infirmum, sed tantum asserunt monendum in morbo etiâ non mortali, quem nos gravem appellamus.

Notant autem DD. I. sufficere, ut Medicus moneat infirmum per alios; ita Mazzotta c. 3 p. 287 ac Suar. Viva et Dian. ll. cc. cum Graff. Vega, Homob. etc. II. Sufficere testimonium aliorum (absque Confessarii scripto), quod infirmus sit confessus, modò sint fide digni; Sua. Sanch. Mazz. et Diana. cum Fil. Nur. Bar. etc. III. Quod Medicus non teneatur ad hujusmodi monitionem, si moraliter sit certus, infirmum esse in bono statu; ita Sanch. n. 1. cum S. Anton. Ang. Rosel. Arm. Nav. et Tab. ac Salm. n. 92. cum Sylv. Fagn. Leand. et Trull. IV. Quod si infirmus nollet obstinatè confiteri, et esset in periculo mortis, tunc non tenetur Medicus eum deserere, quia præfata Decreta non adversantur charitati, quæ favet etiâ obstinatis quòdâ fieri potest; ita Nav. Bon. Suar. Diana, Conc., et Sanch. n. 8, cum Cajet. Graff. et Vega. Hancque opinionem dicit Bened. XIV. Notif. 22 n. 17. esse communem Theologorum, et Canonistarum cum Lugo, Palaus Pirhing. etc.

Circâ obligationem autem monendi infirmum de Confessione, stando quidem rigori præfatarum Constitutionum Innocentii et S. Pii, omninò videtur vera tertia sententia, docens, monitionem esse faciendam,

non solum quando morbus est mortalis, sed etiam cum adest periculum, fore, ut deinde mortalis evadat; Pontifices enim sanè aliud novum præceptum Medicis imponunt, præter illud, ad quod ipsi de jure divino tenentur. Et utinam Constitutiones prædictæ observarentur, quot infirmi damnationem vitarent, qui ob Medicorum oscitantiam Confessionem procrastinando, aut inconfessi, aut malè confessi decedunt. Sed cum Decreta Pontificum non obligent, nisi secundum quod sunt usu recepta, ut docent Caj. in Sum. verb. Medici peccata, Sanch. l. c. n. 14. Pal. § 4 n. 6. Corrella tr. 16 c. 3 n. 22. Dian. l. c. cum Victor. et Scortia, ac Salm. d. c. 2 n. 91. cum Prado, Trull. Leand. et Candido; Hinc dicunt Salm. cum Cajet. Sanch. et aliis citatis, præfata Decreta et juramentum in Hispania non obligare, quia ibi non sunt usu recepta, vel sunt abrogata. Idemque testatur Mazzott. t. 3 p. 287 et 550 loquens de nostro Regno, dum ait juramentum S. Pii Neapoli ex usu recepto (ut etiam mihi constat) tantum in morbis periculosos observari.

655

« 1. Tenentur hoc præcepto. 1. Hæretici, et Apostatae, pueri doli capaces, saltem post septennium.
 » Vide Dian. p. 4 t. 3 R. 52. Lugo l. c. s. 7 n. 144 et
 » 149. 2. Ingrediens periculosam navigationem, vel
 » conflictum. 3. Mulier tenera primum paritura, vel
 » quæ solet habere partus difficiles. 4. Reus mortis
 » adjudicatus. 5. Qui signa habent mortis naturalis.
 » * (Ita communiter Salm. de Pœnit. c. 7 n. 6. Viva
 » eod. tit. q. 4 art. 2 n. 3. et Croix l. 6 p. 1 n. 2019.
 » cum S. Th., Suar. Pal. Conc. etc. *Et hoc ex præcepto divino.* Addunt Lugo D. 15 n. 37. et Salm. n. 8.
 » cum Nav. Laym. Azor. Sylv. etc. *communiter, peccatorem teneri per se confiteri, si probabiliter credat
 » non amplius se habiturum copiam Confessorii per totam vitam. Dicit autem Lugo n. 41. cum communiter
 » (contra Medin., et Nunn.) non esse obligationem
 » confitendi propter solum periculum oblivionis pecc.)* *

666

» Improbabile est, quod docet Sa, verb. Confessio,
 » Ecclesiam non obligare antè pubertatem, cum anni

» discretionis citius attingantur, et constet moraliter,
 » peccari posse sub annum nonum, vel decimum,
 » imò antè. Undè si talis puer, crasso saltèm modo,
 » videatur cognoscere, Deum per hoc, vel illud of-
 » fendi, ostendatque dolorem, et propositum, ac
 » præcipua fidei mysteria cognoscat, debet absolvi;
 » secùs tamen, si non notetur sufficiens usus rationis;
 » si verò dubium sit, potest (imò in articulo mortis
 » debet) absolvi sub conditione. V. Laym. l. 5 t. 6
 » c. 5. Dian. p. 4 t. 4 R. 53 et C. de Lugo l. c. et d. 17
 » n. 22. ubi docet, etiàm extrà articulum mortis, et
 » obligationem præcepti, talem esse sub conditione
 » absolvendum, ne gratiâ sacramentali privetur* (*Vi-*
 » *de dicta de hoc puncto* n. 432.) *

» 3. Non obligatur, qui tantùm habet venialia, 667
 » etsi consuetudo habeat, et cogi etiàm quisque pos-
 » sit, ut in Paschate saltèm se sistat Pastori, ut cum
 » reliquis eum ad Communionem admittat, ad quod
 » Pastor tenetur, si alter dicat, se mortalis culpæ
 » non esse conscius. Suar. d. 36 l. 2 etc. communi-
 » ter. * (*An autem Religiosi et Moniales teneantur*
 » *singulis mensibus ad Confessionem, et Communionem*
 » *accedere? Vide dicta n. 313. v. Dicunt.) **

Quærit., an, ad satisfaciendum præcepto annuæ
 Confessionis, qui non habet mortalia, teneatur con-
 fiteri venialia? *Prima* sententia affirmat, et hanc te-
 nent S. Bon. Sylv. (apud Bon. d. 5 q. 5 p. 4 n. 7.)
 cum D. Th. in 4 d. 17 q. 3 art. 1 q. ad 3 ubi ait: *Ex*
vi Sacramenti non tenetur aliquis venialia confiteri, sed
institutione Ecclesiæ, quando non habeat alia, quæ con-
fiteatur. Et probabilem putat Contin. Tourn. t. 3 p.
 658 q. 4 cum Habert. Ratio, quia Concilium Later.
 IV. sub Innoc. III. in c. Omnis de Pœn. indistinctè
 obligat fideles ad confitendum saltèm semel in anno,
 ac proindè etiàm eos, qui sola habent venialia. *Secunda*
 tamen sententia communis et verior negat, eamque
 tenent cum Bus. et Suar. ut suprà, S. Anton. p. 3 tit.
 14 c. 19 § 14. Lug. d. 15 n. 132. Holz. t. 1 p. 341
 n. 28. Bon. l. c. cum Azor. et Salm. c. 7n. 30. cum

Cano Vasq. Cajet. Laymann. Conin. Reg. Fag. Dic. Med etc. Ratio, quia Ecclesia, præcipiendo Confessionem annuam, tantum illam Confessionem præcipit, quæ est debita ex Christi institutione. Christus autem nullam præcipit Confessionem, nisi mortalium, ut explicat Trid. sess. 14 c. 5 ubi ait : *Veniatia tamen citrà culpam posse*. Id confirmatur ex verbis ipsius textûs in dicto c. Omnis; ubi dicitur : *Omnis fidelis omnia sua peccata confiteatur saltèm semel in anno*. Nota verbum Omnia; ergò (ut benè advertunt hîc Lugo, Bon. etc.) præceptum Lateranensis est de confitendo sola mortalia, nam certum est apud omnes non esse obligationem confitendi omnia venialia.

- 668 « 4. Probabile est, eum, qui uno anno, sive cum, »
 » sive sine culpa sua, non satisfecit præcepto, tenèri »
 » adhuc, quàm primùm potest, anno sequente, quia »
 » terminus non apponitur ad finiendam, sed ad non »
 » differendam obligationem. Ac proindè talem toties »
 » peccare mortaliter, quoties oblatam occasionem, ne- »
 » gligit, ut docent Bon. d. 5 q. 5 s. 2. Suar. Vasq. Card. »
 » de Lug. loc. cit. n. 177. contra Sylv. Valent. Laym. »
 » Dian. etc. qui dicunt perseverare in uno eodemque »
 » peccato. (Vid. d. n. 297. *de annuæ Communionis* »
 » *præcepto, quod pari passu procedit cum præcepto an-* »
 » *nuæ Confessionis; ibi sententiæ affirmativæ adhæsi-* »
 » *mus, etsi diximus, sententiam negativam cum S. An-* »
 » *tonin. Tolet, Sa, etc. quæ hanc obligationem non* »
 » *agnoscit, non esse contemnendam*). »

669 Utrùm verò per Confessionem factam in sequenti anno, positâ obligatione juxtâ sententiam mox suprâ dictam, satisfiat præcepto utriusque anni? *Prima* sentia affirmat, et hanc tenent Lugo d. 13 n. 180. Didicist Bonasp. et Antonin. à Sp. S. apud Salmanticens c. 7 n. 45. Ratio, quia præceptum de Confessione est de illa facienda semel in anno; ergò qui eam fecit, hoc eodem anno non tenetur ad aliam. Alioquin, qui per tres annos non fuisset confessus, quater deberet confiteri. *Secunda* sentia negat, et eam tenent Suar. t. 4 in 3 p. d. 36 sess. 4 n. 5. Laym. c. 5 n. 10.

Bonac. p. 4 n. 31. cum Conc. Fill. et Nunno; quia sicut qui singulis annis tenetur solvere denarium, si anno præterito nonsolvit, nonsatisfacit solvendo hoc anno unum denarium, ita non potest quis una Confessione præcepto duorum annorum satisfacere. *Tertia* tamen sententia verior, quam tenent Palaus p. 26 § 2 n. 15. Viva q. 4 a. 3 n. 5. et Salm. c. 7 n. 45. cum Præp. Hurt. et Leand. sic distinguit: Si pœnitens in Confessione manifestet peccata mortalia tam antecedentis, quam præsentis anni, tunc benè satisfacit utriusque anni obligationi. Ratio, quia per illam unam Confessionem jam implet finem præcepti, nempe ut ipse cum Deo reconcilietur: idque est contra secundam sententiam. Nec obstat paritas denarii allata; nam solutio unius denarii non potest quidem solutioni duorum denariorum debitorum æquivalere, sed una Confessio benè potest æquivalere pluribus Confessionibus, cum una Confessio deleat omnia peccata, quæ per plures fuerant delenda. Si verò pœnitens in præsentis anno non peccavit mortaliter antè Confessionem, et postea incidit in mortale, tunc una Confessione non satisfacit præceptis utriusque anni, sed tenetur iterum confiteri. Ratio, quia per illam Confessionem tantum satisfacit præcepto anni præteriti, non autem præsentis, cum respectu præcepti præsentis anni non satisfaciat, qui non confitetur mortalia istius anni; communiter enim docent DD. et meritò, prout Laym. l. c. Pal. § 3 n. 1 et Salm. n. 41. cum Suar. Vasq. Bonac. Becc. Dic. Reg. Diana, Hurt. Leand. etc. ac ipse Lugo D. 15 n. 173. quod, si quis confitetur sola venialia in principio anni, et antè finem committit mortale, teneatur illud intra illum annum confiteri. Undè cum Confessio illa mortalium commissorum tantum in anno præterito non sit impletiva præcepti anni præsentis, sequitur, quod, si pœnitens in hoc anno aliquod mortale committat, teneatur illud antè finem anni confiteri.

« 5. Satisfaciunt ii, qui confitentur Mendicantibus, 679 » etiam in Paschate, quia hi habent facultatem à Sa-

- » cerdote propriissimo omnium fidelium , et Pastore
- » Pastorum. Ita communiter omnes contra *Glossato-*
- » *rem , et Auctorem Parochiani obedientis*, Contra quos
- » vid. in Responsis Francisci Fontani, editis Viennæ
- » Austriæ anno 1634 allegatam auctoritatem duorum
- » Concil. Generalium. Viennensis, et Tridentini, 20.
- » Pontificum, 50 Doctorum, et præter totius orbis
- » consensum, multorum quoque Parochorum testan-
- » tium, eos esse optimos Parochianos, qui Regula-
- » res adeunt, et ab iis instituuntur, ut suprâ l. 3 t. 3
- » c. 1 dub. 3 item Navarr. Azor. Fag. Trull. l. 3 c. 4
- » d. 2 n. 6. Dian. p. 8 t. 1 R. 88. * (Vide dicta de
- » hoc puncto n. 564.) *
- 671 » 6. Non obligatur antè finem anni, qui habens
- » mortale timet, ne illud obliviscatur. Conin. Hènr.
- » C. de Lugo d. 14 n. 41. et alii contra Med. etc. Si
- » tamen prævideret, se non habiturum occasionem
- » confitendi deinceps toto hoc anno, deberet præve-
- » nire etiã in medio anni. Card. de Lugo disp. 15
- » sect. 6. 182 * (Vide dicta n. 298.) *
- 672 » 7. Probabilius est, non satisfieri præcepto Ec-
- » clesiæ per confessionem invalidam, ut docent Suar.
- » d. 36 s. 7. Fill. Laym. C. de Lugo d. 15 s. 6 § 5 etsi
- » probabile contrarium putet esse Fagund. Vid. Dian.
- » pag. 3 tom. 4 R. 120. * (*Improbabile tamen nunc*
- » *est propter proposit. 14 inter damnatas ab Alexan-*
- » *dro VII.*) * Item nec per confessionem venialium,
- » ut docet Dian. pag. 4 tom. 4 R. 206 ex Hurt. et
- » Mercero. * (Vide dicta n. 669. in fine.) *
- 673 » 8. Excusantur ab hoc præcepto, 1 qui physicè non
- » possunt, v. g. quibus deest Confessarius. 2 qui mo-
- » raliter non possunt; v. g. qui prudenter timent re-
- » velationem sigilli, vel qui non possunt sine nota-
- » bili incommodo vitæ, fortunarum etc. Con. Tamb.
- » c. 4 § 3.
- 674 » Nota in fine quod de Jure communi ex *cap. Om-*
- » *nis utriusq. sexus*, duplex pœna incurratur à trans-
- » gredientibus tale præceptum, scilicet prohibitio ab
- » ingressu Ecclesiæ, et privatio sepulture; sed incur-

ritur post sententiam Judicis. Et impuberes à prædicta pœna excusantur. * (Ità Viva ex commu. q. 4 ar. 3 n. 9. Vide d. 295 v. Præceptum.) *

APPENDIX.

De Confessariis sollicitantibus.

Ex bulla Gregorii XV. edita anno 1622 ac descripta⁶⁷⁵ apud Salm. de præcept. Decalogi c. 4 n. 17 denunciari debent: *Omnes... Sacerdotes (verba Bullæ) tam sæculares, quàm... regulares... qui personas, quæcumque illæ sint, ad inhonesta sive inter se, sive cum aliis quomodolibet perpetranda in actu sacramentalis Confessionis, sive antè, vel post immediatè, seu occasione, vel prætextu Confessionis.. etiàm... Confessione non secuta, sive extrà Confessionis occasionem, in Confessionario, aut in loco quocumque, ubi Confessiones.. audiantur, seu ad Confessionem audiendam electo, simulantes ibidem Confessiones audire, sollicitare vel procurare tentaverint, aut cum eis illicitos, et inhonestos sermones sive tractatus habuerint.* Et deindè subjungitur: *Mandantes omnibus Confessariis, ut suos pœnitentes, quos noverint fuisse ab aliis, ut suprà, sollicitatos, moneant de obligatione denunciandi sollicitantes, seu... tractantes, etc. Inquisitoribus, seu locorum Ordinariis etc.* Et si hoc officium prætermiserint, mandat Pontifex, ut pro modo culpæ puniantur. In edicto autem generalis Inquisitionis imponitur excommunicatio latæ sententiæ in non denunciantes infrà mensem omnes de hæresi suspectos, inter quos enumerat Confessarios sollicitantes ad turpia. De hac autem excommunicatione vide dicenda n. 693.

Hic refert annotare auctores, quos observavi tractantes de hac materia sollicitationis, cum annotatione locorum. Sunt videlicet Castr. t. 1 tr. 4 de Fide d. 9. Bon. t. 1 d. 6 de. oblig. denunci. p. 3. Escob. t. 6 p. 1 l. 47 c. 29. Salm. de Præc. Dec. c. 4 punct. 3. Felix Pot. part. 3 ex n. 482. Ronc. de Pœnit. ex p. 113. Dian. p. 4 tr. 5 per totum, Conc. de Pœn. ex p. 756. Mazz. eod. tit. t. 3 ex p. 435, Anacl. ex p. 621 q. 5. Cæterùm

pauci auctores hanc rem ex professo tractant, fortè quia non ubique præfata Bulla Gregorii recepta est, prout asserit Anacl. n. 67 de Germania, Palaus de Hispania. Sed hic advertendum, quod N. SS. P. Ben. XIV. novissimè anno 1741 Jun. ediderit Bullam, quæ incipit, *Sacramentum*, quâ confirmavit, et, quatenus opus, denuò mandavit omnibus Inquisitoribus, et locorum universi Orbis Christiani Ordinariis, ut inquirent, et procedant contra omnes Sacerdotes sollicitantes cuiuscumque dignitatis, præeminentiæ, etc.

§. I.

Perpenduntur Clausulæ in præfata Bulla Gregorii XV. appositæ.

676 *De clausula I. In actu sacramentalis Confessionis.*

677 *De clausula II. Antè vel post immediatè.*

678 *De clausula III. Occasione, vel prætextu Confessionis. Quid importet to, Occasione Confessionis? Dub. 1. An denunciandus, qui sollicitat mulierem rogantem, ut cras eam audiat? Dub. 2. An qui, audita fragilitate, mulieris, postea domi eam sollicitat?*

679 *Quid importet to, Prætextu Confessionis? Et quid, si ex conducto mulier, fingens se ægotam, advocet Confessarium ad peccandum?*

680 *De clausula IV. In Confessionario, aut in loco quocumque.... simulantes ibidem Confessiones audire. Quid importet illud simulantes? Et quid, si Confessarius sollicitet in Confessionario, sine simulatione tamen Confessionis?*

676 **C**LAUSULA I. *In actu sacramentalis Confessionis, ad hoc sufficit, si Confessio sit incepta, licet non perfecta: ita Salm. d. c. 4 n. 44 et Ronc. de pœnit. Q. 8 c. 1 q. 4. Nota hîc Prop. VI. damnatam ab Alex. VII. quæ dicebat: Confessarius, qui in sacramentali Confessione tribuit pœnitenti chartam postea legendam, in qua ad veniendam incitat, non censetur sollicitasse in Confessione. Pariter denunciandus est Confessarius, si in Confessione apponat medium indifferens, quod tamen ex circumstantiis postea cognoscatur appositum ad sollicitandum, ut esset imponere mulieri, ut expectet eum domi: vel si interroget eam, ubi habitet; ita Ronc. d. l. cum Bordon.*

Clausula II. *Immediatè antè, vel post.* Illud imme-⁶⁷²
diatè antè, sentiunt communiùs Passerin. et Boss. apud
Ronc. q. 6. (contra aliquos apud Barbos.), strictè in-
telligendum esse, ità ut nullum intervallum interce-
dat. An autem denunciari debeat Confessarius, qui
sollicitat immediatè postquàm pœnitens petierit Con-
fessionem? Affirmant Salm n. 51 sed probabilìus, ut
puto, negat Bordon. apud Potest. n. 104. Notandum
tamen, quod eo casu, licet Confessarius non sit de-
nunciandus ex clausula prædicta, denunciandus ta-
men sit ex clausula tertia sequenti: *occasione Confes-*
sionis, ut infra; si enim Confessarius ulitur petitione
illà, ut medio ad sollicitandum, utique est denuncia-
ndus; secùs, si utatur tantùm ad colloquendum, et si
postea in progressu colloctionis tentatus sollicitat.
Illud autem, *immediatè post*, communiter à DD.
intelligitur, quandò post Confessionem nec Confessa-
rius, nec pœnitens ad alia se divertit, ità ut eveniat
sollicitatio, antequàm ulla alia actio intervenerit; ità
Salm. Ronc. Pot. n. 503 cum Hurt. Lez. Peyrin. Dicit
autem Potestas n. 104, non esse denunciandum Con-
fessarium, qui sollicitat; postquàm pœnitens recesserit
ab ejus conspectu. Verùm tamen denunciandum
esse rectè censet Confessarium, qui statim post Con-
fessionem dicit pœnitenti, *experta me paulisper*, et
post intervallum venit, et sollicitat, etiàmsi, acceden-
do; priùs habeat de alio negotio serio tractatum, quia
tunc talis tractatus prudenter fictus præsumitur: secùs
verò, si venit sequenti die, et sollicitet: ità Potest. n.
106. Sed quidam doctus non utique improbabiler
dicit, quod, si negotium illud magni sit momenti, et
ad Confessarium pertinens, minimè sit ipse denuncia-
ndus. Quare ex circumstantiis judicandum, an proba-
biliter intenta fuerit sollicitatio, et negotium, ut me-
dium; an verò negotium principaliter, et sollicitatio
per accidens.

Constat autem, denunciandum esse Confessarium,
si statim post Confessionem ducat pœrimum in cubicu-
lum, et sollicitet; quia tunc statim ponit, si non sol-

licitationem, saltẽm illius medium? ità Ronc. d. q. 6 et Pot. cum Dian. etc. n. 507. Item, si, audita Confessione fœminæ, dum ea ad manum deosculandum accedit, Confessarius illam turpiter tangat: vel dũ est antè ipsum, ut confiteatur, pedibus, aut manibus turpiter tangat illam, si immediatè post ipsa confiteatur, pariter est denunciandus. Si verò alia vice confiteatur, vide dicenda in Clausula IV n. 680.

68 Clausula III. *Occasione, vel prætextu Confessionis.*
Dicitur *occasione Confessionis*, quandò Confessarius, vel pœnitens invitat ad Confessionem veram: *prætextu* verò, quandò ad Confessionem fictam: ità Potestas n. 109. Ronc. qu. 7 et Conc. n. 7.

Et 1. Ex particula *occasione Confessionis*, denunciandus est Confessarius, qui rogatus ad Confessionem divertit, et sollicitat, esto nondũ sederit, nec mulier fuerit genuflexa; ità communiter Salm. n. 52. Potestas n. 510 in fine, et Ronc. l. c. et Pal. p. 7 n. 6.

Dubit. 1. An denunciari debeat Confessarius, qui rogatus à fœmina, ut cras ejus Confessionem excipiat, eam sollicitat? Affirmant Conc. n. 7 et Mazz. p. 439 cum Potest. et aliis, quia jam verificatur, eum sollicitasse occasione Confessionis. Negant verò Pal. p. 7 n. 4 et Quarti, ac Leand. apud Mazz. quia talis sollicitatio non est proxima Confessionis faciendæ, sed potiùs conventioni de Confessione faciendâ. Sed hoc non officit, quominùs sollicitatio dicatur facta occasione Confessionis. Undè primæ sententiæ subscribo.

Dubit. 2. An denunciari debeat Confessarius qui ob fragilitatem mulieris auditam in ejus Confessione, postea domi eam sollicitaverit? *Prima* sententia negat, et hanc tenent Sousa de Conf. soll. n. 10 et alii apud Diana p. 4 tr. 5. R. 7 item Salm. n. 51 cum Trull. et Leand. et idem sentit Auctor lib. (Istruz. per li Nov. Conf.) part. 2 c. 14 n. 293. Ratio, quia is non utitur tunc occasione Confessionis, sed notitiâ ex illa habitâ; ideòque tunc dicitur Confessarius peccare non ex occasione, sed ex cognitione Confessionis, cum sollicitatio sit remota à loco et statu Confessionis. *Secunda*

tamen sententia probabilior affirmat, eamque tenent Mazz. p. 439. Potestas n. 504 in fine, et n. 587. Conc. n. 7. Peyr. cum Graff. apud Dian. l. c. et Ronc. q. 7 cum Lex, Boss. et Bord. Ratio, quia, cum sollicitatio impulsus habeat à Confessione, satis verificatur, quod occasione Confessionis fiat sollicitatio. Satis autem præsumitur Confessarius usus fuisse notitiâ Confessionis ad sollicitandum, si post audita peccata turpia poenitentis, suamque propensionem ad venerem ostensam, interroget de domo ubi habitat, an maneat sola, et similia; vel (ut ait Conc.) si antè Confessionem Confessarius et poenitens mutuo fuissent ignoti, et occasione cognitæ levitatis ipse domum mulieris adeat, et sollicitet. Item rectè ait dicendum Ronc. cum AA. à se cit. si Confessarius sollicitat per epistolam; vel si Confessarius obtineat, vel petat à muliere consensum copulæ, promittendo ejus Confessionem se auditurum.

2. *Prætextu autem Confessionis denunciandus est* ⁶⁷⁹ Confessarius, qui ex pravo fine fictè invitat mulierem ad Confessionem, et deindè sollicitat; Conc. num. 8. Mazz. d. p. 439 et Ronc. d. q. 7 cum Bord. Si verò Confessarius vadit ad sollicitandam fœminam, petendo licentiam à suo Superiore sub prætextu Confessionis, meritò dicunt Salm. n. 55 et Ronc. l. c. in fine cum Bord. ac Tancredi apud Potest. n. 513 non esse denunciandum, quia tunc prætextus Confessionis non est respectu poenitentis, sed respectu Superioris. An autem denunciari debeat Confessarius qui convenit cum muliere, ut ad eludendos domesticos se fingat ægrotam, et ipsum accersat domum ad patrandum peccatum? Affirmat Cono. et Mazz. ll. cc. item Fagund. apud Potest. num. 513 ac Sancius apud Dian. pag. 4 tract. 5. R. 37 quia prætextus Confessionis tunc videtur satis manifestus. Sed probabilius negant Ronc. d. q. 7 in fine, cum Bord. Diana l. c. et Escob. n. 662 cum Trull. cum Freita, ac Leand. Ratio, quia tunc non verificatur, quod Confessarius sollicitet prætextu Confessionis, sed tantum, quod prætextu Confessionis peccatum exequatur; ità ut prætextus Confessionis tunc jam ordinetur non ad sollicitationem, sed

ad familiares decipiendos. Et tantò minùs (contra Concinam) puto esse denunciandum Confessarium, si mulier, nulla conventionè præmissa, prætextu Confessionis ipsum advocet et sollicitet, quàmvis deindè rem habeant; quia ex Bulla tunc Confessarius denunciari debet, quandò ipse sollicitat prætextu Confessionis; at in hoc casu non Confessarius, sed pœnitens prætextu Confessionis Confessarium sollicitat. Secùs verò censeo dicendum, si Confessarius extrà Confessionem sollicitaret, et fœmina renueret timens diffamationem; et idèò Confessarius ei suaderet, ut fingens se ægotam eum accerseret ad peccandum; quia tunc verè diceretur Confessarius prætextu Confessionis sollicitare fœminam ad præstandum consensum. Idem puto dicendum, si Confessarius advocetur à matre puellæ, ut filiæ Confessionem excipiat, et ipse ad cubiculum accedat cum pravo fine ad alloquendum puellam de Confessione, nempè eam interrogando, an velit confiteri, vel dicendo, se advocatum fuisse ad audiendam ejus Confessionem, et deindè sollicitet; quia tunc etiàm sollicitaret prætextu Confessionis. Idem dicendum puto cum Escob. n. 662. et Diana d. R. 37 quandò Confessarius in loco ad Confessiones deputato, et sub Confessionis figura sive specie simulat, ad illudendos spectantes, Confessionem audire, et sollicitet; tunc enim denunciandus est, non jam quia sollicitat, prætextu Confessionis, sed quia sollicitat simulando Confessionem in loco ad ipsam deputato, ut mox dicemus num. seq.

680 Clausula IV. *Extrà Confessionis occasionem in Confessionario, aut in loco quocumque, ubi Confessiones audiantur, seu ad Confessionem audiendam electo, simulantes ibidem Confessionem audire, sollicitare vel provocare tentaverint, aut cum eis illicitos, et inhonestos sermones sive tractatus habuerint. To simulantes ibidem Confessiones audire, quidem intelligitur, si Sacerdos ità se gerat, ut adstantes credant actu ipsum audire Confessionem. Dicunt autem Ronc. q. 8 et Escob. n. 675 cum aliis, quod ad simulandam Confessionem*

non sufficiat, si foemina flexis genibus coram Confessario assistat, sed insuper requiratur, ut Confessarius voce, nutu, sive aliqua actione, puta applicando aures, simulet, Confessionem se audire; quia (ut ajunt) simulatio non solum debet esse ex parte poenitentium; sed etiam ex parte Confessariorum, cum in Bulla de his dicatur, *Simulantes ibidem Confessiones audire*. Sed melius sentiunt Pal. p. 8 n. 4. Diana R. 18 et Fagund. ac Trull. apud Escob. n. 673 quod, cum Confessarius adest in loco deputato ad audiendas Confessiones, et foemina genuflexa ibi adstat, eamque Confessarius sollicitat, jam denunciandus sit; quia ipse manendo ibi audiens poenitentem, jam satis ingerit spectantibus credulitatem, quod illa confiteatur, ideoque ipso facto jam simulat, se Confessionem audire. Secus tamen dicendum puto, si in aliquo loco, quamvis electo ad Confessionem, extra Confessionarium tamen Sacerdos sollicitaret foeminam stantem, vel sedentem, aut cubantem; juxta mox dicenda.

Dixi, *extra Confessionarium*, nam dubium hic fit, an denunciari debeat Confessarius qui sollicitat; vel tractat turpia in Confessionario, quin tamen Confessionem simulet? Prima sententia negat, et hanc tenent Pal. p. 8 n. 4 Escob. n. 669. Ronc. q. 8 cum Lez. et Salm. n. 58 cum Freita, Fag. et Leand. item Sancius, Sousa, Hurt. Boss. et Donat. apud Pot. n. 522. Ratio; quia in Bulla Gregorii. ut supra dicitur, denuntiandi sunt Confessarii, qui *extra Confessionis occasionem in Confessionario: aut in loco quocumque ubi Confessiones audiantur, seu ad Confessionem audiendam electo, simulantes ibidem Confessiones audire, sollicitare vel provocare tentaverint, aut cum eis illicitos et inhonestos sermones habuerint*. Ergo inferunt quod, sive sollicitatio fiat in Confessionario, sive in alio loco ad Confessiones electo, requiratur ad obligationem denunciandi Confessionis simulatio. Sed probabilius affirmant esse denunciandos Mazz. p. 439. Conc. n. 11. Dian. p. 1 tr. 4 R. 18 et p. 4 tr. 5 R. 38 et p. 8 tr. 9 R. 35 ac Pot. n. 522 cum Bord. Trull. etc. Cum his

dicimus, quod, si Confessarius sollicitat in aliis duobus locis ut suprâ in Bulla descriptis; requiratur simulatio Confessionis ad eum denunciandum; non verò si sollicitat in Confessionario. Et hoc probatur ex Decr. Pauli V. (relato apud Pot. l. c.) ubi sic dictum fuit: *die 10. Julii 1614. in Generali Congr. S. Rom. et universalis Inquisitionis coram SS. Paulo Papa V. facta relatione, quod multi Confessarii tractant cum mulieribus in Confessionali extrâ occasionem Confessionis de rebus inhonestis: Sanctissimus decrevit, ut contra hujusmodi Confessarios procedatur in S. Officio. Cum igitur nulla ibi mentio fiat de simulatione Confessionis, ad denunciandum Confessarium, sufficit, quod ipse in Confessionali de rebus turpibus tractet, quin simulet, se Confessionem audire. Nec obstat dicere, ut ajunt adversarii, Decretum hoc fuisse abrogatum, sive restrictum per Bullam Gregorii. Nam respondetur, regulam generalem esse, quod leges anteriores numquam intelligantur abrogatæ per posteriores; nisi quando hæc prioribus omninò sunt contrariæ; alioquin, semper ac aliquo modo potest contrarietas excusari, correctio legum, quoad fieri potest, vitari debet, prout communiter tradunt Sanc. de Matr. l. 1. d. 17 n. 6. Pal. de Leg. tr. 3 d. 5 p. 2 § 1 n. 8. Salma. eod. tit. c. 4 n. 13. et alii DD. passim ex c. Cum delectus, de Consuet. et ex l. 1 C. de Inoff. Dotib. ubi dicitur: *Leges legibus concordare promptum est.* Decretum autem Pauli V. benè consistit cum Bulla Gregorii; in illo enim sermo tantum fit de Confessario tractante inhonesta in Confessionali; in Bulla verò Gregorii additur de tractante turpia, præter Confessionale, in loco quocumque ubi Confessiones audiantur, seu ad Confessionem audiendam electo, et hîc subditur clausula: *Simulantes ibidem Confessiones audire.* Undè, cum clausula hæc benè referri possit tantum ad duo posteriora loca, et non ad Confessionale, non est cur dicamus, Decreto Pauli V. per Bullam Gregorii fuisse derogatum. Accedit edictum S. Inquisitionis Rom. (relatum à Pot. tom. 2 n. 226.) ubi dicitur: *Debbano**

Denunciare ciascuno di coloro de' quali sappiano, o abbiano notizia che contro i Decreti, e Costituzione Apostoliche abbiano abusato il Sacramento della penitenza servendosi della Confessione, o Confessionario (nota) a fine disonesti sollicitando in essi i penitenti ad turpia, ed avendo con esse discorsi di cose illecite, e non convenienti al fine per cui è stato istituito. Quapropter talis Confessarius saltè denuntiandus est ex hoc edicto, quia abutitur Confessionario ad sollicitandum.

§ II.

Quinam sollicitantes debeant denunciari?

- 681 *Qu. I. An denuntiandus Confessarius consentiens mulieri sollicitanti?*
- 682 *Qu. II. An Confessarius, qui sollicitatus ad copulam; divertit ad tactus?*
- 683 *Qu. III. An Confessarius sollicitans ad actus venialiter tantum inhonestos?*
- 684 *Qu. IV. An sollicitans ad peccata non turpia?*
- 685 *Qu. V. An denunciandi Episcopi sollicitantes?*
- 686 *Qu. VI. An denuntiandus Confessarius sollicitans, si fuerit emendatus?*
- 687 *Qu. VII. An qui de sollicitatione jam convictus est, et punitus? Qu. VIII. An qui consentit mulieri sollicitanti, ne ab ea accusetur? Qu. IX. An simulans Confessionem ex condito ad tractanda inhonestas?*
- 688 *Qu. X. An denuntiandus laicus, vel Clericus sollicitans in Confessione, simulando se Confessarium? Et quid si sit Sacerdos, sed careat jurisdictione?*
- 689 *Qu. XI. An denunciari debeat penitens sollicitans Confessarium?*
- 690 *Qu. XII. An denuntiandus interpret sollicitans penitentem?*
- 691 *Qu. XIII. An Confessarius sollicitans mulierem, ut inducat aliam ad secum peccandam? Vel ut ipsa peccet cum alio?*
- 692 *Qu. XIV. An Confessarius sollicitans postquam decerit?*

QUÆR. I. An sit denuntiandus Confessarius consentiens mulieri sollicitanti in Confessione? Affirmant

Salm. c. 4 n. 42 et ajunt, contrariam sententiam non esse probabilem post Bullam allatam Gregorii XV. ubi expressè sunt denunciandi non solum Confessarii sollicitantes, sed etiã inhoneſtos tractatus habentes; et idem sentiunt Mazz. p. 441 Conc. n. 16. Pot. n. 579. item Sal. n. 54. cum Dian. Leand. Sousa, etc. Negant verò Bonac. disp. 6 p. 3 n. 17. Pal. p. 5 n. 4. Escob. n. 653. cum Acunna, Hurt. Sousa, et Sanctarell. item Prado, Bordon. Homob. et Trull ap. Salm. l. c. Ac Ronc. q. 5 ad hanc sententiam inclinare videtur, dicens cum Bord. Sanctarell. etc. quod rationi à Salm. allatæ responderi possit, verba Bullæ intelligenda esse de tractatibus turpibus, quorum Confessarius sit auctor. Atque Dian. p. 1 tr. 4. resol. 11 hanc probabilem, ac tutam dicit. At mihi pro dicta sententia alia ratio occurrit, quæ habetur apud Bonac. et quæ potior videtur. Ratio est, quia ex Bulla eadem Greg. mandatur Confessariis, ut moneant de obligatione denunciationis, non jam quoscumque pœnitentes, qui cum Confessariis inhoneſtos tractatus habuerint, sed illos, *quos noverint fuisse ab aliis, ut supra sollicitatos*; quare infertur, quod pœnitens licet, si vellet, posset Confessarium in dicto casu denunciare, juxta primam probabilem sententiam, sed videtur probabilius, ad hoc pœnitens non obligari; quia, ut ipse obligationem subeat denunciandi Confessarium, requiritur, ut fuerit ab illo sollicitatus. Etsi igitur Confessarius non eximitur à crimine ob inhoneſtum tractatum in Confessionario, eximitur tamen pœnitens ab obligatione denunciationis, dum non reperitur sollicitatus. Et rectè censetur, noluisset Pontificem obligare pœnitentes ad denunciandum Confessarios, quos ipsi tentaverint, ob magnam difficultatem, quæ deterret pœnitentes à denunciando in isto casu, quo peccatum ab ipsis causam habuerit; tum quia, si denunciarent, valde periclitaretur eorum fama: tum quia lex nimis ardua tunc eis redderetur.

16. Quidam Neotericus scripsit, præfatam opinionem fuisse proscriptam à Benedicto XIV, per Bullam, *Sacramentum* allatam t. 1 p. 35. Sed perperam id asseruit,

nam Pontifex ibi tantum dixit, denunciationem esse faciendam, etiamsi *inter Confessarium et pœnitentem mutua fuerit*. Longè autem differt sollicitatio mutua. ab ea, quæ fit à muliere, et cui Confessarius consentit, cum DD. valdè distinguant primum casum ab altero, ut observari potest apud *Fel. Potest. de Denunciatione* n. 582, ubi dicunt, sollicitationem mutuam tum evenire, cum Confessarius sollicitatus à pœnitente ad unam turpitudinis speciem, ad aliam mulierem sollicitat (proùt n. seq. dicetur), aut etià cum Confessarius à pœnitente sollicitatus prius dissentit, vel sermonem divergit; et deindè post aliquod intervallum illam sollicitat; atque in his casibus mutue quidem sollicitationis Auctores aliqui, ut *Castr. Peyr. et Acuna*, sentierunt, non adesse obligationem denunciandi; et hæc est opinio, quæ à Pontifice damnata fuit: et quidem justè, in hujusmodi enim casibus jam verificatur, quod pœnitens verè maneat sollicitata; et verè Confessarius sollicitat; at in nostro casu cum Confessarius simpliciter sollicitationi consentit, minimè verificatur, nec dici potest, quod mulier sit sollicitata. Quando autem cooperatio Confessarii dicenda sit simplex consensio, aut etià mutua sollicitatio; id pendet à circumstantiis sermonis, et tractatûs, qui inter Confessarium et pœnitentem intercedunt.

Quær. II. An sit denunciandus Confessarius, qui, 68a sollicitatus à pœnitente ad copulam, renuit, et divergit ad solos tactus? Affirmant *Salm.* n. 40. cum *Leand. et Dian.* Sed probabiliter negant *Pal. part. 5* n. 4. *Escob. n. 656.* ac *Trull. Hurt. etc.* apud *Salm.* n. 39. Ratio, quia fœmina sollicitans ad copulam, virtualiter provocat etià ad tactus, qui ordinariè sunt prævii ad copulam; undè verificatur, quod Confessarius (ut supra) tunc non sollicitet, sed sollicitatus consentiat. Rectè verò notat *Pal. etc. d. n. 36.* quod Confessarius sollicitatus ad sodomiam, si ipse divertat ad fornicationem, vel contra, tunc certè sit denunciandus, cum ipse tunc sollicitet ad actum, ad quem non fuit sollicitatus; fornicatio enim non continetur sub sodomia, nec contra.

683. Quær. III. An denunciandus sit Confessarius sollicitans ad actus tantum venialiter inhonestos? *Prima* sententia affirmat, et hanc tenent Diana R. 5. Mazz. p. 438. Viva in Prop. 7. damn. ab Alexand VII. et Trull. Sancius, Fagund. Leand. et Thom. Hurt. n. 635. Ratio, quia actus leviter inhonesti extra Sacramentum, sunt graves in Sacramento, ob gravem injuriam, quæ ei irrogatur; sicut sumptio parvi cibi in die jejunii esset per se leve peccatum contra temperantiam, sed esset grave, si fieret antè Communionem. *Secunda* verò sententia probabilior negat, et hanc tenent Pal. part 3 n. 3. et Escob. n. 636 et 637. et cum Sousa, Portell. et Gasp. Hurt. Ratio, quia ex una parte certum est, quod ad denunciandum Confessarium sollicitantem requiratur, prout dicunt Pal. Portell. et Sousa, quod actus sollicitationis sit peccatum grave, ita ut certè putetur ipse graviter in eo peccasse, cum talis denunciandus sit tamquam suspectus de fide, ut habetur ex edicto Inquisitionis Gener. apud Potest. t. 2 n. 226. p. 430 At nemo potest censi suspectus de fide, qui tantum venialiter peccat. Hinc Ben. XIV. hoc sollicitationis crimen appellat *nefariam improbitatem*; et in Bulla Pii IV. dicitur de hujusmodi Sacerdotibus sollicitantibus, *qui loco reconciliationis cum Deo, graviore peccatorum mole pœnitentis onerant, et in manibus Diaboli tradunt*. Ex alia parte, actus, qui in se est levis contra castitatem, nequit fieri gravis in Sacramento, aliàs quodlibet peccatum veniale in materia veracitatis, patientiæ, vel humilitatis, evaderet grave in Sacramento, quod nemo asserit.

Nec obstat dicere, quod culpa levis reddatur gravis ob reverentiam Sacramento debitam; nam hoc currit, quandò aliquid prohibetur ob solam reverentiam Sacramenti, prout prohibetur quævis parva comestio antè Communionem; non verò quandò res aliqua ab Ecclesia vetatur tamquam in se mala, tunc enim, quia tota injuria, quæ Sacramento irrogatur, est quatenus Sacramentum ministratur aut suscipitur cum actu pravo, si actus est leviter pravus, levis

Cap. III. Appendix de Confessariis sollicitantibus. 191
etiã erit injuria quæ fit Sacramento. Omnes tamen
conveniunt cum Palao, et Escob. ll. cc. quod, si ex
circumstantiis certè conjiceretur, quod Sacerdos eo
levi actu animum habuerit ulteriùs progrediendi,
tunc censenda sit sollicitatio gravis.

Quær. IV. An sit denunciandus Confessarius, qui⁶⁸⁴
in Confessione sollicitat pœnitentem, non ad turpia,
sed ad alia peccata? *Prima* sententia affirmat, et hanc
tenent Pegna, Zechios, Moura, et Acunna apud Dian.
p. 5 tr. 4 R. 17 et huic inclinât Pot. n. 496. cum Cord.
Ratio, tum quia in Bulla Greg. XV. dicitur is esse de-
nunciandus, qui habet cum pœnitente *illicitos et in-
honestos tractatus*; tunc autem *illicitos*, videtur compre-
hendere omnes alios actus culpabiles, præter mate-
riam inhonestam; idque videtur magis exprimi in
edicto Inquisitionis, ubi præcipitur, denunciandos esse,
qui habent cum pœnitentibus *discorsi di cose illecite, e
non convenienti al fine per cui il Sacramento della Pe-
nitenza è stato istituito*. Tum quia in Decreto Alex. VII.
habetur, esse denunciandos omnes de hæresi etiã le-
viter suspectos; si igitur denunciari debet tamquàm
suspectus de hæresi, qui sollicitat ad turpia, cur non
etiã, qui sollicitat ad alia crimina? Hæc sententia
videtur satis probabilis, undè benè ait Pal. p. 6 n. 2.
quod Inquisitores probabiliter cognoscere possint de
hujusmodi sollicitatione, si deferatur, ob facultatem
ipsis concessam. *Secunda* verò sententia communissi-
ma, et probabilior negat, eamque tenent Pal. loc. cit.
Mazz. p. 439. Holzm. t. 1 p. 312 n. 671. Bon. part. 3
n. 113. cum Led. Paramo, et Sanctarell. Ronc. p. 113
q. 3 cum Boss. et Carena, Diana d. R. 17. cum Freita,
Peyr. Homob. Sousa, et Veneto, ac Escob. n. 631.
cum Fag. Leand. Molf. Scortia, etc. Ratio, quia nul-
libi habetur expressum, hanc sollicitationem esse de-
nunciandam; licet enim in Bulla Gregorii, præter ver-
bum *inhonestos* addatur *illicitos*, tamèn patet, utrumque
eamdem materiam significare, dum dicitur, *illicitos, et
inhonestos tractatus*. Nec aliter accipienda sunt verba
edicti, quia edictum ad Bullam refertur, aut certè

referendum est. Nec obstat dicere, quod sollicitans ad alia crimina etiã sit de hæresi suspectus; nam communissimè DD. (ut vidimus) Bullam Alexandri interpretando, censent, non esse obligationem denunciandi hujusmodi sollicitantes, dum Bullæ tãm Gregorii, quàm aliorum Pontificum, loquendo de sollicitatione in Confessione, præceperunt denunciari tantùm sollicitantes ad turpia; undè videtur ad hanc solam materiam veneream imposita esse obligatio denunciandi sollicitantes, quia ob fragilitatem naturæ frequentius hæc sollicitatio, et majus in ea periculum consentiendi contingere poterat. Idque (ut ait Diana l. c.) confirmatur ex praxi Inquisitorum.

Præterea, communiter dicunt DD. et meritò, non esse obligationem denunciandi Sacerdotes sollicitantes ad turpia in aliis Sacramentis quàm Pœnitentiæ, quia reverà de hac denunciandi obligatione nullibi habetur præceptum; ità Bonac. par. 3 n. 7. Diana R. 16. Pal. part. 3 n. 3. cum Freita, Acunna, et Sancio, ac Escob. n. 634. cum Lez. Peyr. Sanctarell. etc. contra Moura, et Hurt.

- ¶ Quær. V. An denunciandi sint Episcopi sollicitantes in Confessione? Negant Pal. part. 9 n. 2. et Escob. n. 715. cum Mol. Acunna, Trull. Freita, Decian. et Sancio, quia Episcopus etiã in crimine hæresis formalis non subjicitur Inquisitoribus, ex c. Inquisitores, de Hæresi in 6 et ex Trid. sess. 24 c. 5 de Ref. ubi dicitur: *Causæ criminales graviores contra Episcopos, etiã hæresis... ab ipso tantùm.. Romano Pontifice cognoscantur, et terminentur.* Sed affirmant melius Bon. part. 3 n. 8. Ronc. p. 113 q. 2 R. 1. Salm. n. 30. cum Hurt. et An. à Spir. S. ac Potestas n. 621. cum Leand. Fag. etc. Verùm Bonac. sentit denunciandos esse Inquisitoribus; at Potestas, Ronc., et Salm. cum aliis dicunt, esse denunciandos Pontifici, si commodè huic fieri possit denunciatio, aliàs hanc deferendam esse dicunt Inquisitoribus, qui licet non possint punire, nec processum formare contra Episcopos, possunt tamen de præfato crimine excipere informationem, et deindè illam Pontifici

significare, prout colligitur ex Extravag. cum Matth., de Hæret. ubi sic præscribitur procedendum contra Nuntios, et Officiales Sedi Apostolicæ immediatè subjectos. Et in hoc conveniunt Pal. et Escob. ll. cc. cum Trull. Sancio, et Acunna, nempè quod benè possint Inquisitores excipere hujusmodi informationem. Sub nomine autem Episcoporum veniunt Episcopi etiàm Titulares, et etiàm non consecrati, modò sint confirmati; item Nuntii, Legati, et Abbates jurisdictionem quasi Episcopalem habentes, ut dicunt Salm. n. 31. cum Barb. et Tamb.

Quær. VI. An, si Confessarius sollicitans sit emendatus, debeat adhuc denunciari? *Prima* sententia negat, et hanc tenent Pal. p. 10 n. 1. et Escob. n. 624 et 625. cum Soto, Molf. Acunna, Peyr. Fag. Portel. Zenard. Freita etc. item Led. Lugo, Trull. Leand. Hurtad. et alii apud Salm. n. 75. et hanc probabilem putat (saltèm extrinsecè) Auctor Instruct. etc. p. 2 c. 15 § 2. Ratio, quia finis denunciationis est emendatio rei, et ablatio damni, quibus jam obtentis, cessante fine legis principali, cessat etiàm lex naturalis denunciationis, quæ principaliter respicit emendationem; nec lex positiva ejus ordinem invertere potest. Hanc probabilem putat etiàm Viva de 1 præc. q. 8 art. 5 n. 3. Rectè verò DD. excipiunt Hæreticum formalem, maximè dogmatizantem, cujus difficilis est emendatio, et quem omninò expedit denunciari, saltèm ad subventionem aliorum, quos ipse fortè subverterit.

Signa autem emendationis sunt (ut dicunt DD. citati apud Salm. n. 76. et apud Viva d. l.): 1. Si mulier sollicitata, ter vel quater ad Confessarium accedendo, in eo pravum animum non ampliùs adverte-rit; ità Escob. n. 625. cum Trull. Diana, et Sousa. 2. Si per triennium Confessarius benè vixerit, ut ait Sancius. 3. Si sit sacramentaliter confessus, et per longum tempus non tentaverit, ut Escob. d. n. 625. cum Freita, Sancio, Marc. Alciati, Farinac. Hurt. Ricc. Felin. et Barb. 4. Si lucratus sit Jubilæum, ut

dicit Escob. cum Genuensi. 5. Si factus sit Religiosus. 6. Si sit homo insignis probitatis, et semel vel bis sollicitaverit, ut Hurtadus. 7. Si post sollicitationem statim det signa doloris. 8. Si fuerit senex, ita ut putetur ex magna passione sollicitasse, et postea verè resipuisse, ut ait Sylvest. Hæc tamen signa dicit Viva d. l. singula non sufficere, nisi plura simul conjuncta faciant constare de emendatione. Et hoc valdè est notandum; nam reverà, sicùt constat de crimine, debet et constare de emendatione. Et quod dicitur de sollicitatione, etiàm dicendum est de aliis criminibus de hæresi suspectis.

Quàmvis prædictam primam sententiam satis probabilem existiment Auctores citati, absolutè tamen probabiliorē esse judico secundam sententiam, quæ docet, Confessarium etiàm emendatum esse denunciandum. Ratio, quia Pontifex magis, quàm emendationem rei, ejus punitionem intendit, ad damnum Ecclesiæ reparandum, et ad resarciendum scandalum. Et ideo sancivit, ut supra, denunciationem fieri, nullâ correptione fraternâ præmissâ; quæ utique præmittenda esset, si emendatio rei, et non punitio intenta principaliter esset. Ità Suar. Bon. Azor. et plures cum Salm. cap. 4 n. 77. qui hanc secundam sententiam certè tenendam esse ajunt.

687 Quær. VII. An sit obligatio denunciandi Confessarium, qui de sollicitatione jam fuerit satis convictus, et punitus? Certum est, quod, si ipse delinquat iterum, postquàm in primo crimine fuerit punitus, iterum denunciari debeat. Et idem dicendum, si de sollicitatione non fuerit plenè convictus, quia tunc nec fuisset satis punitus. Dubium ergò est, si eadem sollicitatione jam fuerit satis convictus, et punitus. Negant esse obligationem denunciandi Acuña, Seraph. Hurt. etc. apud Salm. c. 4 n. 73. quia Confessarius jam censetur emendatus, juxtà primam sententiam mox supra allatam. Sed longè probabilius affirmant Salm. n. 74. cum Bon. Trul. Dian. tum quia tunc non constat de

emendatione; tum quia non eximitur mulier ab obligatione denunciandi, quia alia denunciavit, dum unaquæque persona sollicitata omnino denunciare tenetur, sive sint, sive non sint alii denunciantes.

Quær. VIII. An denunciari debeat Confessarius, qui mulieri sollicitanti consentit, ob metum ab illa incussum, quod eum accusatura sit, nisi consentiat? Negat Hurt., quia lex ecclesiastica non obligat, cum metus gravis intervenit. Hæc tamen ratio debilis est, quia talis metus non censetur gravis; Judices enim non facile credunt cuique mulierculæ accusanti, ut dicunt Salm. n. 59. Esc. Sed cum melius dici potest hic Confessarius non esse denunciandus, quia tunc reverà esset sollicitatus, non sollicitans, juxta dicta n. 68r.

Quær. IX. An sit denunciandus Confessarius, qui ex conducto cum pœnitente simulat Confessionem, ut tractet inhonesta. Negat Pal. p. 8 n. 2. tum quia sollicitatio tunc esset mutua; tum quia tunc pœnitens ipsa deberet se denunciare. Rectè verò affirmant Salm. n. 60. cum Dian. et aliis, quia tunc jam adest vera sollicitatio Confessarii, nec pœnitens denunciando tenetur denunciare seipsum, sed tantum verba referre, et actus Confessarii. Et hoc hodiè expressè definitum est in Bulla Bened. XIV. quæ incipit, *Sacramentum*, (vide in fine libri Decret. I.) ubi præcipitur fieri denunciatio, etiãmsi sollicitatio mutua fuerit; ibi enim præcipitur denunciandus esse Confessarius sollicitans, *etiãmsi Sacerdos sit, qui jurisdictione ad absolutionem valide impertiendam careat, aut sollicitatio inter Confessarium, et pœnitentem mutua fuerit sive sollicitanti pœnitens consenserit, sive consensum minime præstiterit, vel longum tempus post ipsam sollicitationem jam effluerit.*

Quær. X. An sit denunciandus laicus, vel non Sacerdos sollicitans in Confessione, simulans se Confessarium? Respondetur affirmativè cum Salm. n. 27. Ronc. l. c. R. 3. Ratio, quia, licet is non sit denunciandus ratione sollicitationis ex Bulla Gregorii XV.

denunciari tamen debet ex alia Constitutione Gregorii XIII. apud Salm. n. 27. ubi quicumque non Sacerdos audiens Sacramentaliter Confessiones præcipitur denunciari. Utrùm autem ad denuciandum talem non Sacerdotem sollicitantem requiratur non solum, ut Confessionem audierit, sed etiàm ut absolutionem impenderit. Ex verbis præfatæ Bullæ Greg. XIII. relatis à Salm. l. c. videtur sufficere, quod tantum audierit, cum ibi dicatur, quod Inquisitores Sancti Officii procedere debeant in non Sacerdotes, qui Missas celebrant, aut sacramentaliter Confessiones audiunt. Sed Pal. part. 9 n. 5. Mazz. pag. 437 Potest. p. 490 et Escob. n. 685. cum Acunna, et Sancio dicunt, omninò requiri, ut etiàm absolvant, dum in edicto S. Inquisitionis Generaliter dicitur denunciandus esse ille, qui, cum non sit Sacerdos, Sacramentum ministrat; non censetur autem Sacramentum Pœnitentiæ ministrare, qui absolutionem non impertitur. Sed, hoc non obstante, ex præfato edicto (quod in extensum refert. Potest. to. 2 part. 1. n. 226.) certò hic denunciandus est, etiàmsi non absolvat, cum ibi dicantur denunciandi esse, tamquam suspecti de hæresi: *Coloro che non essendo ordinati Sacerdoti, si usurpano di celebrar Messa, ancorchè non abbiano proferito le parole della Consecrazione, o abbiano presunto di ministrare il Sacramento della Penitenza a' fedeli di Cristo, ancorchè (nota) non si sia venuta all' atto dell' assoluzione.* Pariter autem certum est ex Bulla Benedicti (ut mox suprà vidimus in Quæst. præced.) denunciandum esse Sacerdotem sollicitantem in Confessione, etiàmsi jurisdictione careat.

689 Quær. XI. An sit denunciandus pœnitens qui in Confessione sollicitat Sacerdotem? Affirmant aliqui pauci apud Salm. n. 29. Sed communiter et verius negant Boniac. p. 3 n. 20. Dian. p. 1 tr. 4. R. 23. Pal. p. 9 n. 7 et Salm. l. c. cum Trull. Bord. Sousa, Acunna, Sancio, et Leand. Ratio, quia leges pœnales non sunt extendendæ de casu ad casum. Neque currit hîc eadem ratio pro pœnitente quæ pro Confessario sol-

licitante, ob plura momenta, quæ cuique patent; et præcisè ob suspicionem revelationis sigilli, si Confessarius pœnitentem denunciaret.

Quær. XII. An sit denunciandus Sacerdos interpres, qui sollicitat pœnitentem? Prima sententia affirmat, et hanc tenent Freita, Trimarch. et à Corro apud Escob. n. 689. Ratio, quia interpres non solùm gerit partes pœnitentis, sed etiàm Confessarii, undè pariter ac Confessarius injuriam irrogat Sacramento. Secunda verò sententia communissima negat, eamque tenent Pal. p. 9 n. 6. Potestas n. 489. Holm. t. 1 p. 311 n. 671. Mazz. p. 437. Diana R. 9. Escob. n. 691 cum Fag. Sousa, et Sancio; ac Salm. n. 26 cum Trull. Leand. et communi, ut asserunt. Ratio 1. quia interpres magis se habet ex parte pœnitentis, quàm Confessarii. Ratio 2 et potior, quia ex Bulla Greg. XV. tantùm Confessarii sollicitantes denunciandi sunt, utque diximus, leges pœnales non extenduntur præter casus expressos. His tamen non obstantibus, dicunt Conc. n. 5. Potest. l. c. Escob. n. 591 cum Fag. et Diana p. 9. tract. 9. R. 32 v. Nota, cum Leand. quod, licet ex Bulla Greg. XV. interpres sollicitans non sit denunciandus, tamen denunciari debeat ex edicto S. Inquisitionis suprà citato n. 680. in fine, ubi denunciandi sunt omnes de hæresi suspecti, et inter hujusmodi suspectos enumerantur omnes illi, *che abusino il Sacramento della Penitenza, servendosi della Confessione, o Confessionario a finì disonesti, sollicitando in essi i penitenti ad turpia, ed avendo con essi discorsi di cose illecite, e non convenienti al fine per lo quale è stato istituito.* Undè benè denunciandus est interpres, qui jam abutitur Confessione pœnitentis ad eum sollicitandum, vel ad tractandum cum eo de rebus inhonestis.

Quær. XIII. An sit denunciandus Confessarius, qui sollicitat pœnitentem, ut inducat aliquam sceminam ad secum peccandum? Acunna, et Freitr. ap. Pal. p. 5 n. 2 (præcisè Bulla Greg. XV.) probabile putant non esse denunciandum ex Dec. Pii IV. et Clem. VIII.

Sed, attentâ saltêm præfata Bulla Greg., hodiè non est dubitandum, quin denunciari debeat, cum ibi dicantur denunciandi omnes Sacerdotes, qui in Confessione *personas ad inhonesta inter se, sive cum aliis quomodolibet sollicitare tentaverint.*

An autem denunciandus sit Confessarius, qui sollicitat pœnitentem, ut consentiat ad peccandum, non secum, sed cum alio? Acunna apud Escob. n. 644. et alii pauciolim probabile putârunt, eum non debere denunciari, sed hodiè certum est oppositum, cum Bened. XIV. in Bulla *Sacramentum* (citat. n. 687. Qu. IX.) § 2. definiverit, hunc Confessarium omninò esse denunciandum, etiâmsi *sollicitatio non pro se ipso, sed pro alia persona peracta fuerit.*

- 692 Quær. XIV. An sint denunciandi Confessarii sollicitantes, postquàm jam è vita migraverint? Affirmant Salm. c. 4 n. 71 infra. Sed negat probabilìus Potest. n. 595, quia tunc cessat totalis finis legis, scilicet tam emendatio, quàm punitio rei. Idem dicit Ronc. c. 2 q. 4 cum Bord. Benè tamen advertit cum eodem Bord. et Caren. quod hæretici formales, etiàm post mortem, semper sint denunciandi, ad reparandum saltêm damnum ab eis illatum.

§. III.

Qui teneantur denunciare?

- 693 *An possit absolvi mulier sollicitata, antequàm denunciaret? Et an, factâ denunciatione, possit quivis Confessarius absolvere ab excommunicatione contracta ob denunciationem neglectam?*
- 694 *An semper Confessarius teneatur monere de obligatione denunciandi?*
- 695 *Qu. I. An teneantur denunciare, qui non possunt probare denunciationem? Et qui aliundè sollicitationem sciunt?*
- 696 *Qu. II. An sit obligatio denunciandi, si crimen sit occultum?*
- 697 *Qu. III. An, si sollicitatio fuerit habita à longo tempore?*
- 698 *Qu. IV. An teneatur ad denunciandum, qui scit sollicitationem sub secreto?*

699 Qu. V. *An sit obligatio denunciandi per Epistolam, vel internuncium? Et an Confessarius teneatur aliquando denunciationem excipere, vel deferre?*

700 Qu. VI. *An teneatur denunciare mulier sollicitationi consentiens?*

701 Qu. VII. *An sit obligatio denunciandi, si speretur sollicitans per correptionem emendandus?*

Est prænotandum I. quod sollicitati non possint ⁶⁹³ absolvi, nisi prius denuncient: et si adsit impedimentum statim faciendi denunciationem, saltèm debent esse parati quamprimùm ad denunciandum; aliàs peccant graviter, et incidunt in excommunicationem. Ita Salm. c. 4 n. 69 et 70 cum Nav. Hurt. Sanct. Acunna, Sousa. et aliis communiter. Improbabilissimè igitur dixit Pontas vers. Confesseur. 2. Cas 17, nolenti denunciare Confessarium sollicitantem non esse denegandam absolutionem. Benè autem potest absolvi poenitens antè denunciationem, si adsit justa causa illam differendi, nempè si Ministri Tribunalis longè distent, vel si sit necessitas communicandi ad vitandum scandalum, vel ob lucrandum Jubilæum, et possit credi personæ, quod sit denunciatura. Ità Sanch. Dec. l. 2 c. 13. Suar. de Cens. d. 7 sect. 5 a n. 38, et Salm. cap. 4 n. 70 cum Sanctio, Trimarch. et Leand. et probabile putat Dian. p. 4 tr. 5 R. 29. In Bulla autem Bened. XIV. *Sacramentum*, circà id sic habetur: *Caveant diligenter Confessarii, ne pœnitentibus, quos noverint jam ab alio sollicitatos, sacramentalem absolutionem impertiant, nisi prius, denunciationem ad effectum perducentes, delinquentem indicaverint competentis Judici, vel saltèm, se, cum primùm poterunt, delaturos spondeant ac promittant.*

An autem, factà denunciatione, poenitens à quocumque Confessario absolvi possit ab excommunicatione, quam incurrit? Negant Salm. d. c. 4 n. 70. Maz. t. 3 p. 440. Diana dicta R. 29 cum Sancio, et Potest. n. 614 cum Bordono, ex edicto Sacræ Inquisit. Gener. infrà citando. Affirmat verò Lupus p. 1 l. 5 ar. 3 p. 90 (cui adhæret Conc. p. 119 n. V) quia, ut ait, re-

servatio hujus censuræ perseverat tantum durante contumaciâ , undè expirat factâ denunciatione , aut mortuo denunciando ; idque infert Lupus ex edicti verbis , quæ esse solent : *E dalla detta scomunica nessuno , se non da noi , o dal supremo Tribunale del S. Officio , potrà essere assoluto , se prima non avrà soddisfatto al S. Officio.* Et reverà , attentis prædictis verbis opinio Lupi satis probabilis videtur. Sed contra hîc notandum , quod , si quis injustè accusaret , vel accusare suaderet aliquem Sacerdotem innocentem de sollicitatione : incurreret casum reservatum Papalem , sed sinè censura ; prout habetur in Bulla Benedic. XIV. *Sacramentum* , data die primo Junii 1741. jam relata in extensum to. I. in Dissert. Prolegomena sub initio pag. XXVI. ubi sic dicitur : *Quæcumque persona , quæ execrabili hujusmodi flagitio se inquinaverit , vel per seipsam innocentes Confessarios impiè calumniando , vel scelestè procurando , ut id ab aliis fiat impiis suasionibus aut promissis , aut blanditiis , aut minis , aut alio quovis modo etc.* Advertunt tamen Salm. in Append. de Bulla Cruc. c. 6 n. 231 et 232 , id intelligi de suasionem efficaci , ità ut ipsa sit causa injustæ denunciationis secutæ. Addunt cit. n. 232 in fin. intelligi , nisi suasio antè executionem denunciationis efficaciter revocetur.

Hoc tamen procederet juxtà edictum particulare Inquisitionis alicujus Regni , sed in edicto edito à Sacra Inquisitione Generali die 3 Jan. an 1623 (relato in extensum à Diana p. 4 R. 41 et à Bon. de Denunc. t. 2 in fine p. 2 n. 12.) absolutè dicitur , infra 12 dies esse denunciandos hæreticos , seu de hæresi quomodolibet suspectos , sub excommunicatione majori latæ sententiæ reservata Papæ , et eidem Tribunali. Tenet autem Bon. loc. c. cum Suar. et Sanctarell. hoc edictum non fuisse perpetuum , sed tantum pro illo actu , cum ibi dictum fuerit : *Mandamus quatenus infra 12 dies proximè computandos , etc.* Undè dicunt præfati AA. illud *proximè computandos* satis ostendere , quod noluerit S. Inquisitio obligare conscios delin-

quentium in futurum ; nam aliàs dixisset non *proximè*, sed à die scientiæ. Verùm Diana p. 4 tr. 5. R. 41 cum Peyrin. censet , edictum fuisse perpetuum , et illud *proximè* intelligi reverà à die scientiæ delicti. Sed advertendum , quod eadem sacra Inquisitio postea die 10 Martii an 1677 aliud emanaverit edictum (quod refert Potest , ut diximus , Tom. 2 n. 226) ubi imposuit quidem excommunicationem contra non denunciantes suspectos de hæresi , sed nullà factà mentione reservationis ; sic dicens : *Comandiamo sotto pena di scomunica di lata sentenza , che fra ' l termine di un mese si debbano rivelare al Sant Officio , ovvero agli Ordinarij tutti coloro de quali sapanio , o abbiano avuto , o avranno notizia che siano Eretici , o sospetti d'Eresia.* Hoc posito , satis probabile videtur mihi , et aliis doctis à me consultis , quod vel primum edictum non fuerit perpetuum , vel quod verosimiliùs , S. Inquisitio in hoc secundo edicto , sicùt moderavit obligationem primi edicti denunciandi infrà 12 dies , ampliando illam ad mensem , ità etiàm primum edictum moderaverit , auferendo reservationem ab excommunicatione. Hoc tamen semper intelligendum . si jam fuerit impleta denunciatio ,

Prænot. II. cum Roncag. c. 1 Reg. in praxi 5. quod ⁶⁹⁴ etiàmsi Confessarius prævideat certò sollicitatam non esse denunciaturam , debeat nihilominùs monere illam de sua obligatione , et dimittere , si nolit denunciare. Ratio , quia ipsi Confessario expressè præcipitur à Pontifice in d. Bulla obligatio monendi ; et licet generaliter loquendo , cum Confessarius prævidet , monitionem non profuturam , eam omittere debeat : hoc tamen non currit , quandò agitur de vitando damno communi , ut evenit in præsentì casu , juxtà dicta n. 615.

Sed quæritur I. An teneatur denunciare Confessa- ⁶⁹⁵ rium sollicitantem , qui sollicitationem nequit juridicè probare ? Negant Turr. et Turrebl. Sed omninò affirmandum cum Bann. 2. 2 q. 76. Bord. to. 1 c. 30 n. 100. Pal. punct. 10 etc. Et oppositum videtur expressè damnatum ex Prop. 5 proscripta ab Alex. VII.

quæ dicebat : *Quàmvis evidenter tibi constet Petrum esse hæreticum , non teneris denuntiare , si probare non possis.* An autem teneatur ad denunciandum non solum sollicitatus , sed etiã qui aliundè certo scit sollicitationem ? Affirmant rectè Salm. c. 4 n. 68. cum Trull. Dian. Pal. Suar. et Hurt. Et hoc , etiãsi is sit impuber , modò sit rationis compos , et sciat crimen à personis fide dignis : secùs si sciret à fide indignis , vel fœminis levibus. Salm. n. 69. cum Card. Nav. Sayr. Hoc autem dicendum , non jam ex Bulla Greg. , sed (ut benè advertit Mazz. p. 440. cum Potest. et Bon.) ex edicto Sacræ Inquisitionis , ubi dicitur tenèri ad denunciandum Confessarium qui scierit , vel audierit , illum sollicitasse. Vide verba relata n. 680. in fine.

- 696 Quær. II. An sit obligatio denunciandi sollicitantes , etiãsi crimen sit occultum ? Negant Fag. Megal. et alii apud Salm. d. c. 4 n. 80 quia Greg. XV. in Bulla mentionem facit de abusu , verbo *abutantur* , quod significat actuum frequentiam , et publicitatem. At omnimò tenendum est oppositum cum Salm. n. 91 et Bann. Fill. Trull. etc. ib. ex D. Thoma. Et rectè Ronc. q. 8 c. 1 q. 10 ait , primam sententiam penitùs esse rejiciendam ; quia , licet in pœnalibus verba legis sint strictè interpretanda , attamen , si ex stricta interpretatione lex inutilis redderetur , ut in nostro cásu eveniret , tunc verba non strictè , sed latè sunt accipienda.
- 697 Quær. III. an teneatur sollicitatus ad denunciandam sollicitationem habitam à longo tempore ? Ronc. c. 2 q. 4 ait cum Bordone , quod numquàm detur præscriptio quòad crimen hæresis , quòad alia verò præscribitur per quinquennium actio contra reum. Hinc dicit Ronc. excusari à denunciatione , qui illam per quinquennium omisit , etiã culpabiliter ; nisi obstant edicta contraria Diœcesana. Sed hodiè declaratum est ex Benedicti XIV. citato Decreto I. *Sacramentum* , (vide in fine libri) denunciationem esse faciendam , etiãsi longum tempus post sollicitationem effluxerit.
- 698 Quær. IV. An teneatur ad denunciandum , qui scit sollicitationem sub secreto naturali ?

Negant Fagun. et Fragosa apud Salm. c. 4 n. 85 quia fortior est lex naturalis, quàm positiva. Sed contrarium rectè tenent Pal. p. 10 n. 5. Diana R. 32. Escob. n. 704 cum Sancio, et Gasp. Hurt. ac Salm. cum Trull. Leand. etc. quia nemo tenetur ad secretum, etiàm juramento promissum, quandò secretum vergit in damnum commune. Secùs verò, ajunt, si sollicitatio sit manifestata ad petendum consilium; nam propalatio secreti esset tunc contra humanum commercium, et etiàm contra publicum bonum, quod certè in consiliis expetendis intervenit.

Quærit. Y. An mulier sollicitata teneatur denunciare ⁶⁹⁹ per epistolam, vel mediam personam, si nequeat per se ipsam? Si non possit personaliter adire Episcopum ob ægritudinem, clausuram, aliudve impedimentum physicum vel morale, non tenetur quidem per seipsam ad denunciandum. Vide Potest. q. 643 et Mazz. p. 442 q. 2. Dubium fit, an hæc teneatur denunciare per epistolam; aut internuncium? Videtur negandum ex prolatis n. 563. Dub. 3 ubi diximus, quod habens, peccatum reservatum non teneatur petere licentiam à Superiore per litteras, vel mediam personam, si non possit illum adire. Sed in casu nostro veriùs affirmandum cum Viva in Prop. 7 damn. ab Alex. VII. n. 8. Mazzot. l. c. Salm. n. 109 et Ronc. p. 118 qu. 5. R. 2. Dispar enim est ratio inter petitionem absolutionis à reservatis, et denunciationem sollicitationis; nam ibi obligatio est sistendi apud Superiorem, ut pœnitens recipiat ab eo unà cum absolutione etiàm debita monita et pœnitentiam; undè qui non potest adire per se, non tenetur per alium: obligatio autem denunciandi sollicitantem, non tàm est adeundi personaliter Superiorem, quàm deferendi sivè indicandi ei delinquentem (ut loquitur Bened. XIV. in sua Bulla), quæ delatio, si ab aliquo nequit fieri per se, saltèm est facienda (modò absit periculum propriæ infamiæ) per epistolam, vel aliam personam, vel monendo judicem, ut mittat notarium in domum suam; qui enim tenetur ad finem, tenetur etiàm ad media.

Advertunt hîc Viva l. c. Tamb. c. 9 §. 4 et Ronc. Reg. 6 in praxi, non expedire, quod Confessarius assumat in se hoc onus deferendi denunciationem vice pœnitentis, vel eam excipiendi, quia sic non paucis detractionibus, et periculis exponeretur. Et tantò minùs ad id tenetur, undè non mihi videtur probabile id, quod scribit P. Mazz. p. 442 q. 2 ubi dicit, quod, si pœnitens non posset per alium facere denunciationem, teneatur Confessarius vices pœnitentis supplere, si ille per alium non possit denunciare: quia, ut ait, agitur de causa fidei. Sed hæc ratio, tàm concisè producta, non convincit. Addit, quod hoc eruatur ex quadam Epistola S. C. Conc. ad Archiep. Mediol. annuente Urban. VIII. an. 1624 apud Dian. ubi mandatum fuit, ut, cum quædam fœmina sollicitata adduci non potuisset ad denunciandum, Episcopus facultatem tribueret Confessario denunciationem excipiendi. Ex hac autem Epistola nihil probatur; nam primò hoc Decretum fuit particulare pro illo casu; deindè minimè ex illa eruitur, hanc obligationem generaliter Confessariis impositam fuisse. Hinc non tenemur interim, donet constet de hoc præcepto, recedere à communi DD. sententia, et ab universali sensu ac usu omnium Confessariorum, qui hanc onerosissimam obligationem non agnoscunt. Cæterùm non negamus cum Viva l. c. et Tamb. quod in aliquo casu (puta si alicubi publicum immineret damnum, nec alia pateret via ad illud vitandum), posset Confessarius obligari ex lege charitatis ad hujusmodi onus suscipiendum; sed hoc rarò accidet.

Dicunt autem Delbene de Inquisit. p. 1 dub. 9 et Auctor Instruct. et part. 2 c. 14 n. 240, quod, si fœminæ multùm repugnet adire Inquisitores, poterit expectare Confessarium qui pro ipsa denunciationem deferat; quia præcepta positiva non obligant ad rem nimis arduam. Item notat Mazzot. p. 443 quod in Decreto Sacræ Inquisit. mox suprà enunciato insuper dictum fuerit, quod, si neque apud ipsum Confessarium possit pœnitens induci ad denunciandum, tunc recur-

ratur ad S. Sedem pro opportuno remedio, et interim non absolvatur. Dicit autem Mazzotta, aliquandò S. Sedem in casu magnæ verecundiæ et panici timoris rescripsisse, dando facultatem Confessario absolventi pro ea vice pœnitentem citrà onus denunciandi.

Quær. VI. An mulier teneatur denunciare Confessarium sollicitantem, cui ipsa consentit? Negârunt Suar. Megala, et alii apud Salm. n. 65 quia nemo obligari potest ad suum crimen manifestandum, ut dicunt Salm. c. 3 n. 104 cum Suar. Cajet. Trull. et Diana; ex Regula juris in cap. Quid aliquandò de pœnit. D. 1 ubi dicitur (*Non dico, ut te prodas.*) Nequit autem quis manifestare complicem, quin seipsum prodât; et ideò ajunt Salm. ibid. non esse obligationem denunciandi socium hæreticum. Rectè verò dicunt, mulierem hanc tenêri ad denunciationem Salm. n. 66 cum Bon. Trull. Peyrin. et aliis plurimis: hocque hodiè definitum est a N. SS. Bened. XIV. in cit. Bulla, *Sacramentum*, ubi præcipitur fieri denuntiatio, *etiàm si pœnitens consenserit*. Ratio est, quia mulier in hoc casu citrà periculum suæ famæ potest denunciare sollicitantem, quin seipsam manifestet, dum ipsa etiàm interrogata potest negare proprium consensum, et quidquid indè secutum fuerit, ut habetur ex Decr. S. Inquisit. apud Pitton. n. 694 edito 27 Sept. 1723 quo dictum fuit: *Si mulier consentit Confessario sollicitanti, non tenetur suum consensum manifestare; nec potest super hoc ab Episcopo interrogari.*

Quær. VII. An teneatur pœnitens denunciare sollicitantem, si per correctionem sit moralis spes ejus emendationis? *Prima* sententia negat, et hanc docuit S. Th. 2. 2 q. 33 art. 7 ubi dixit: *Si hæreticus privatim homines à fide avertat...oportet statim procedere ad denunciationem...nisi fortè aliquis firmiter æstimaret, quod statim per secretam admonitionem posset hujusmodi mala impedire.* Eum secuti sunt Soto, Canus, Led. Pal. Lugo, Sylv. etc. apud Salm. c. 4 n. 96. Et signanter de crimine sollicitationis Hanc sententiam tutati sunt Fagund. Peyrin. et alii apud Dian. R. 2. *Verùm secun-*

da sententia affirmat, et hanc tenent Mazz. pag. 440. Conc. n. 17 et Salm. n. 99 cum Azor. Sanch. Diana, Leand. et aliis pluribus. Et hæc omninò hodiè tenenda est post Decretum Alexandri VII. editum 8 Julii 1660 (relatum per extensum apud Salm. c. 3 n. 102) ubi declaratum fuit. *Etiàmsi nulla fraterna correctio, vel alia monitio præmissa fuerit, omninò tenèri... (fideles) ad denunciandum... quos noverint esse de fide quomodolibet etià leviter suspectos*, prout sunt Confessarii sollicitantes, ut communiter docent Dian. R. 41. Bonac. p. 3 num. 28 et Escob. n. 746 cum Trull. Acunna, Menoch. etc. Dicendo ergò Pontifex, *etiàmsi etc.* supponit, denunciationem semper esse faciendam.

§ IV.

De sollicitationibus dubiis.

702 Qu. I. *An denunciandus sit Confessarius in dubio, an verè sollicitaverit? Quid, si accedant vehementia indicia de sollicitatione?*

703 Qu. II. *An denunciandus Confessarius, qui laudat mulierem de pulchritudine? Vel qui dat ei magnum donum?*

704 *Expenduntur varii casus peculiare sollicitationis.*

705 *De pœnis sollicitantium, et signanter de pœnæ inhabilitationis ad celebrandum, an hæc incurratur antè sententiam? Et an ab illa excusentur ignorantes? Et an Episcopi possint in ea dispensare?*

702 **Q**UÆRITUR. I. An denunciandus sit Confessarius in dubio, an sollicitaverit? Distinguendum est: si factum vel dictum sit vera sollicitatio, et tantùm dubitatur an ille vel alius Confessarius, id egerit vel dixerit, tunc rectè dicunt Salm. c. 4 n. 93 cum Sousa, et Hurt. eum denunciandum esse, quia, dum crimen est certum, ritè Judices procedere possunt ad inquirendam personam, de qua dubium vertit. Hoc tamen censeo dicendum solo casu, quo facilè Judices per suam diligentiam certi fieri possint de persona sollicitantis; quia aliàs Sacerdos ille, cum possit esse innocens, remaneret aliquo modo diffamatus, et in dubio illæsa debet servari fama proximi, qui eam possidet.

Si verò persona Confessarii sit certa, et dubitatur, an ejus factum vel dictum fuerit vera sollicitatio, tunc cum communiore et veriori sententia dicendum, non esse obligationem denunciandi. Ità Bonac. p. 3 n. 5. Ronc. p. 113 qu. 5. Conc. n. 15. Bordon apud Potest. n. 576. Auctor. (Instruz. etc.) p. 2 c. 14 num. 287 cum Boss. et Salm. n. 94 cum Valent. Hurt. et Salas (contra Sousa, et Peyr. apud Dian. R. 25.) Ratio, tum quia dubia in meliorem partem accipienda sunt, et in verbis ambiguis benignior interpretatio facienda est, ut dicunt Bonac. et Menoch. et Rinald. ap. Ronc. ex c. fin. de Transact. et Reg. Juris 49 in 6 ubi: *In pœnis benignior est interpretatio facienda*. Tum quia in dubio nemo est privandus famâ, quam possidet: tum quia Bullæ præcipiunt denunciari sollicitantes, sed nequit dici sollicitans, de quo dubitatur, an verè sollicitaverit; nam crimen dubium non est crimen, ut docent Sanch. Déc. l. 1 c. 10 n. 74 et Suarez in 3. p. t. 5 d. 40 sect. 6 n. 5. Nec obstat dicere, quod ex Decreto Alexandr. VIII. sint denunciandi etiâ leviter suspecti de hæresi; nam *to leviter*, non jam refertur ad suspicionem, sed ad hæresim, de qua potest quis vel leviter vel vehementer esse suspectus.

Excipiendum tamen est 1 cum Ronc. et Ronc. II. cc. ex Pegna, Ac auctore instructionis etc. l. c. cum Bossio, si accedant indicia vehementia de sollicitatione; nam licet ista non sint omninò evidèntia, tamen, cum tantùm adsint ex una parte, satis fundant moralem certitudinem de sollicitatione. Excipiendum 2 cum Bon. loc. cit. qui citat Acunna, et Sanctarel. si verba de se præseferant sollicitationem, et solùm dubitatur, an Confessarius ad malum finem ea protulerit; tunc enim præsumptio desumitur ex communi ter accidentibus; præterquamquod præsumptio ipsius finis sit accipienda juxtâ proprietatem verborum: undè in cap. Perniciosum causa 18 q. 2 dicitur, quod confabulatio cum fœmina in deteriorem partem accipi soleat.

Quær. II. An sit denunciandus Confessarius, qui

laudat mulierem de pulchritudine ? Affirmant Potest. n. 554. Bon. Tancredi , et Peyrin. item Acunna , Barb. et Sanctarel. apud Escob. n. 638 et consentit Dian. p. 9 tr. 9 R. 32, si talis laudatio fiat sine aliqua occasione , quia regulariter amasii foeminas , ut alluciant ad peccandum , de pulchritudine laudant. Negant verò Freita , Thom. Hurtad. Esc. à Corro , et Sousa ap. Escob. n. 639, quia is, qui laudat mulierem de pulchritudine verbis decentibus , non dicitur cum illa habere tractatus inhonestos. Sed melius distinguit præfatus Escob. n. 640 dicens, quod, si ex modo loquendi , aut aliis circumstantiis disgnocitur Confessarius laudare pulchritudinem ex pravo affectu , tunc sit denunciandus ; secùs si laudaret ex quadam imprudentia , vel animi levitate. Asserit verò ut certum Potest. n. 554 in fine, denunciandum esse Confessarium qui laudat famulæ confitenti pulchritudinem dominæ , rogans eam , ut dominæ referat ; sed etiàm in hoc casu dico perpendendas esse circumstantias , etsi faciliùs puto, in hoc adesse indicium pravi animi alluciendo dominam illam ad turpem affectum. Et idem dicunt DD. Si Confessarius det pœnitenti donum magni valoris , ut ait Dian. p. 9 tr. 9 R. 34 cum Escob. vel insolitum , ut Dicunt Salm. nu. 34 cum Val. Hurt. Prado , etc. Verumtamen Bordonus apud Dian. inquit, donum esse quid indifferens ; undè rectè subdunt Auctores citati , ejus malitiam conjiciendam esse ex adjunctis , nempè ex conditione pœnitentis , ex quantitate et qualitate doni , et ex modo quo fit , etc. Cæterùm, juxtà dicta in præcedenti quæstione , quandò verba vel facta sunt ambigua , Confessarius non est denunciandus, nisi de ejus pravo affecto moralis habeatur certitudo.

704 Hinc subduntur plures casus particulares , in quibus communiùs Doctores censent denunciandum esse Confessarium.

1. Si Confessarius dicat pœnitenti : *Tecum nubere , si essem sæcularis* , negat Bordonus apud Dian. p. 9 tract. 9 R. 32 esse denunciandum ; quia verba hæc non important peccatum mortale , sed tantùm

Cap. III. Appendix de Confessariis sollicitantibus. 209
pudicum affectum indicant. Probabilius verò affirmant Salm. n. 34. Potest, n. 558 et Diana loc. c. quia hujusmodi verba videntur maximè excitativa ad vennerem : et cum sint ad confessionem impertinentia , meritò sapiunt sollicitationem.

2. Si dicat mulieri : *Memento mei, quia te ex corde diligo* ; ità Diana apud Potest. d. n. 558 cum Roncag. in Reg. praxis. At Bordonus excusat ; hoc melius puto explorandum ex circumstantiis.

3. Si dicat : *Expecta me hodiè domi tuæ, quia habeo tecum loqui* ; et postea domi tractet de inhonestis , quia sollicitatio illa facta in domo dicitur moraliter facta in Confessione ; ità rectè dicit Potest. n. 559.

4. Si dicat : *Hæc tua peccata cadere me fecerunt in pollutionem involuntariam* ; tantò magis , si dicat *voluntariam* ; ità Potest. cum Bord. n. 560 et Ronc. ibidem.

5. Si dicat : *Nolo te audire in Confessione, ne aliquid mihi contingat, quia amore tui captus sum* ; ità Potest. n. 561. (Modò hoc dicat mulieri petenti Confessionem) quia hæc verba videntur esse provocativa inhonestæ , et proferuntur occasione Confessionis ; et ità sentit etià Ronc. in Reg. prax. Idem putat Ronc. si dicat : *Totum me commoveri sentio ex affectu, quo te prosequor.*

6. Si Confessarius mulieri asserenti , se tentationem turpem repulisse dicat : *Sed si aliquis pecuniam dedisset, an peccasses ?* Affirmat Ronc. esse denunciandum , si mulierem postea affirmativè respondentem non objurget ; vel si objurget , et postea domi , oblatâ pecuniâ , eam sollicitet. Et consentit Potest. n. 588.

7. Si dicat : *Cur etià mecum non es humana ?* vel dicat ? *Veniam domum, et promitte mihi, te facturam, quod voluero.* Vel mulieri confitenti turpe desiderium dicat : *De hoc agemus post confessionem.* Ità Potest. n. 565 cum Tancredi , quia verba hæc sunt satis ostensiva intentionis inhonestæ. Sed in his dico perpendendas esse circumstantias , nam aliquandò possunt non esse sollicitationes.

8. Si suam concubinam objurget , quod cum alio

se misseuerit, dummodò, iudicio prudenti, faciat dignoscere, quod objurgatio procedat ex zelotypia; uti etiàm, si excedat in reprehendendo, addendo minas, injurias, et similia; vel objurget tantùm peccata commissa cum aliis, et non illa cum seipso patrata, quia tunc ostendit amorem suum lascivum. Ita Potest. num. 562.

Ultimo loco hîc advertendum, quod in Bulla Sanctissimi nostri Pontificis Bened. XIV. quæ incipit, *In Generali Congregatione*, (vide Decr. III. in calce libri) sancitum habetur, quod Confessarii sollicitantes, *in actu sacramentalis Confessionis, sive illius occasione, aut prætextu, præter pœnas à jure inflixtas, perpetuam etiàm inhabilitationem incurrant ad Sacrificii celebrationem*. Eamdemque pœnam incurrunt ex eodem Decreto Sacerdotes abutentes Sacrificio Missæ ad sortilegia. Plura autem hîc dubia occurrunt. Dubitatur 1. an prædicta inhabilitas incurratur antè sententiam saltèm declaratoriam criminis? In præcedenti editione hujus Operis affirmavi, eo quod pœnæ privativæ, quæ important inhabilitationem ad aliquod jus acquirendum, vel cessationem à quodam jure jam acquisito utendo, ut communiter DD. docent, ordinariè antè sententiam incurrantur, juxta dicta lib. 1. n. 149. Attamen quidam probus Religiosus, cum hæc legisset in meo Opere, scripsit mihi Româ, quod duo Theologi S. C. Inquisitionis Romanæ oppositum sentirent, nempe requiri sententiam ad præfatam pœnam incurrendam. Sub initio ratio opinionis hujus mihi non occurrebat; sed postea, re seduliùs perpensâ, in hoc eodem meo Opere num 248 observavi, quod Suarez, Bonacin. Salm. cum Tapia, Vasquez, Montesin. etc. locis ibi cit. (quibus recenter consentit Eusebius Amort. l. 1. n. 148) dicant sententiam declaratoriam requiri etiàm quoad pœnas privativas, sive inhabilitantes, casu quo reus non possit exequi pœnam sine propria iufamia, prout ordinariè in nostro casu eveniret, si Sacerdos sollicitans deberet per longum tem-

pus abstinere à celebrando. Dico *per longum tempus* ; nam si de brevi super dictam inhabilitationem posset impetrare dispensationem , et interim sine sua iustitia celebrationem intermittere , tenetur ab ea abstinere. Dubitatur 2. an ab hac inhabilitate excuset ignorantia invincibilis ? In hoc dubio mihi videtur posse id probabiliter affirmari , juxtà ea , quæ dicentur infrà de irregularitate ex delicto l. 7 n. 351 dicunt Nav. Sylv. Sanch. , Castr. Ronc. et alii plures , quod ad incurrendam irregularitatem ex delicto requiratur scientia irregularitatis , quæ incurritur , quia , licet irregularitas non sit censura , à qua excusat equidem ignorantia invincibilis , sed impedimentum , tamen talis irregularitas ex delicto est verè poena , aut saltè habet rationem poenæ , ad quam incurrendam , cum sit poena extraordinaria , et exorbitans , ità ut secundum rei naturam non possit prævideri , illius scientia requiritur : et idem posse dici videtur in nostro casu de inhabilitate celebrandi , quæ est procùl dubio imposita in poenam sollicitationis. Dubitatur 3 an in hac inhabilitate possit Episcopus dispensare ? Vide dicenda l. 7 n. 353 ubi dicetur , quod Episcopi ex Trident. sess. 24 c. 6 Liceat , possint dispensare in omnibus irregularitatibus provenientibus ex delicto , non deducto ad forum contentiosum , excepto homicidio voluntario , et directè voluto.

TRACTATUS V.

DE EXTREMA UNCTIONE ET ORDINE.

CAPUT I.

Quid sit Extrema Unctio , et quæ circà eam observanda ?

- 706 Quid est hoc Sacramentum ? Et an à Christo institutum ?
 707 Qu. I. An per quamlibet unctionem partialis gratia conferatur ? Qu. II. An conferatur gratia , recedente obice ?
 708 De materia remota hujus Sacramenti. An præceptum quotannis renovandi Oleum obliget sub gravi ? Et an possit addi Oleo benedictum aliud non benedictum ?

- 709 *An oleum debeat esse olivarum, et an benedictum Dub.*
 1. *An benedictio requiratur de necessitate Sacramenti?*
Dub. 2. An debeat esse benedictum præcisè in ordine
ad Extremam-Uctionem? *Dub. 3. An hæc benedictio*
possit à Papa committi simplici Sacerdoti? *Dub. 4. An*
sufficiat ungere unà guttà olei?
- 710 *De materia proxima. An unctio quinque sensuum sit de*
necessitate Sacramenti? An sit necessaria unctio gemi-
na oculorum, etc.? Et an unctio renum, ac pedum?
An ordo unctionum sit de necessitate? Et quæ spectent
ad essentiam hujus Sacramenti?
- 711 *De forma. Dub. 1. An forma omninò debeat esse depreca-*
tiva? Dub. 2. An sint de essentia verba: Per suam
piissimam misericordiam? Dub. 3. An valeat forma
dicendo, Ungo te etc.?
- 712 *Quibus ministranda sit Extrema Unctio?*
- 713 *Dub. 1. An validè conferatur sano? Dub. 2. An infirmo*
quocumque morbo laboranti? Dub. 3. An mulieri labo-
ranti in partu?
- 714 *Dub. 4. An licèt ministretur in solo periculo putato? Ad-*
vert. 1. Non esse expectandam extremam partem vitæ.
Advert. 2. Non licèt ministrari, nisi imminet pericu-
lum proximæ mortis. Quid in dubio, an instet mortis
periculum?
- 715 *Dub. 5. An hoc Sacramentum possit iterari in eadem in-*
firmitate?
- 716 *Quæ dispositio requiratur in suscipiente? Et an Extrema*
Unctio sit danda post Viaticum?
- 717 *An sit ministranda pueris?*
- 718 *Dub. 1. An infantibus?*
- 719 *Dub. 2. An danda pueris, de quorum usu rationis dubi-*
tatur?
- 720 *Dub. 3. An possit dari puero doli capaci, sed non adhuc*
Communioni apto?
- 721 *Dub. 4. An possit dari adulto infirmo statim post Bap-*
tismum?
- 722 *De ministro hujus Sacramenti. An quivis Sacerdos possit*
illud dare ex consensu Parochi præsumpto? Quid san-
citum sit de Regularibus?
- 723 *Quid, si Pastor absit, vel nolit dare? Et quid, si sit Ex-*
communicatus, aut suspensus?
- 724 *An liceat dare hoc Sacramentum sinè ministro? Et an*
possit unus unam, alius aliam partem inungere? An
solus Sacerdos possit illud ministrare? Quid si minis-
trans inter unctiones deficiat?

- 725 *An Sacerdos incurrat irregularitatem, si æger decedat dum eum revolvit, etc.?*
- 726 *De administratione hujus Sacramenti. An liceat aliquando ministrare sine vestibus sacris?*
- 727 *Quale peccatum sit omittere orationes, vel alias preces?*
- 728 *Quale, deferre oleum sine lumine? Et quale, omittere signum Crucis? Et an liceat Sacerdoti deferre oleum unà cum Flatico?*
- 729 *An teneatur Pastor dare hoc Sacramentum petentibus? et an cum periculo vitæ? An teneantur dare alii Sacerdotes?*
- 730 *An liceat Parocho oleum retinere domi?*
- 731 *De effectibus hujus Sacramenti. An per Extremam Uctionem remittantur mortalia per se? Et an principalis ejus effectus sit remissio peccatorum, vel remissio reliquiarum peccati?*
- 732 *De subjecto hujus Sacramenti. An sint capaces amentes? An ebrii? An impœnitentes, excommunicati, et vulnerati in rixa? An phrenesi laborantes? An muti, surdi et cæci à nativitate?*
- 733 *An peccet graviter qui negligit hoc Sacramentum suscipere?*

« **RESP.** 1 est Sacramentum à Christo institutum ad ⁷⁰⁶
 • ægroto periclitanti de vita conferendam salutem
 • animæ, vel etiã corporis, per unctionem olei be-
 • nedicti, et orationem Sacerdotis. S. Th. in 4 d. 23
 » q. 1 art. 1. »

Definitum est hoc esse verum Sacramentum à Trid. sess. 14. Cap. 1. de E. U. Institutum autem fuit à Christo post Resurrectionem, ut tenent Suar. Laym. etc. cum Salma tr. 7 c. 1 n. 3. et promulgatum à S. Jacobo c. 5 v. 14 et 15, ubi dicitur : *Infirmatur quis in vobis? inducat Presbyteros Ecclesiæ, et orent super eum, ungentes eum oleo... et oratio fidelis salvabit infirmum, et alleviabit eum Dominus; et si in peccatis sit, remittentur ei.* Certum item est, hoc Sacramentum unum esse; licet enim plures sint unctiones, omnes tamen pertinent ad unam significationem interioris medelæ.

Quær. autem I. An per quamlibet unctionem par- ⁷⁹⁷
 tialis gratia conferatur? Affirmant Elbel de E. U. n. 30. Sporer n. 68; cum Scoto, Rontio, et Mastr. ac Croix

l. 6 p. 2 n. 2105. cum Suar. Conc. Laym. et Sot. Palud. Med. etc. quia quævis unctio cum sua forma jam significat gratiam independentem ab aliis unctionibus. Sed negat cum communiore S. Thom. Suppl. qu. 30 art. 1 ad 3 ubi : *Et idèd in ultima unctione gratia infunditur*. Et eum sequuntur Wigandt tr. 14 n. 109. et Salm. c. 3 n. 7. cum pluribus, qui dicunt, nullam unctionem per se Sacramentum nec etiã partiale constituere, et idèd nihil conferri gratiæ habitualis, quousque cum forma compleatur ultima unctio, qua Sacramentum perficitur; in fine autem ultimæ unctionis confertur simul remissio peccatorum, et poenarum; auxilia autem specialia annexa gratiæ non conferuntur, nisi tempore opportuno. Salm. n. 8 et 9. Harum sententiarum utraque est probabilis.

Quær. II. An possit dari hoc Sacramentum validum et informe, ita ut, recedente obice, gratia conferatur? Affirmant communiter Suar. Val. Henr. Palud. Dicast. Pal. etc. cum Salm. c. 3 n. 10. et Croix l. 6 p. 1 n. 202. Vide dicta de Sacram. n. 6. v. Not. 2. Hinc inferunt Salm. ibid. cum aliis, quod, si infirmus bonâ fide vel sensibus destitutus Sacramentum suscepit in mortali, sufficiat, quod postea attritionem habeat, ad gratiam recipiendam; secus, si malâ fide. Id autem currit, si obex tollatur, perseverante eodem morbo, et periculo; saltèm quodad effectum specialium auxiliorum, ut dicunt Suar. et Dic. apud Salm.

- 708 • 1. Materia ejus remota est oleum benedictum, » quod in pyxide chrisimali signatur littera I (in cuius defectu non licet uti chrismate: si tamen usus sis, nihil repetendum esse, docet Laym. l. 5 tr. 8 c. 2. n. 3.), idque renovandum est quotannis in Coena Domini, veteri exusto; * (*Et hoc ex præcepto Clem. VIII. ap. Sal. c. 2 n. 11 et Pal. c. 2 n. 15 et ex Rit. Rom. ubi dicitur: Oleum infirmorum... singulis annis... in Coena Domini... veteri combusto, renovandum est, An autem hoc præceptum obliget sub gravi?* Negat Esc. l. 22 n. 81 cum Sa, Led. Henr. etc. » quia de gravitate hujus præcepti non constat, nisi pro

» *solo Chrismate; ut habetur in c. Si quis, de Consecr.*
 » *de 4. Sed probabilius affirmant Bonac. p. 2 n. 3. Pal.*
 » *l. cit. Croix l. 6 p. 1 n. 42 cum Dic. item Trull.*
 » *Possev. et Zambr. ap Escob. n. 79. Ratio, quia vi-*
 » *detur materia satis gravis, et talis est universalis*
 » *Ecclesiæ consuetudo) **, si tamen novum haberi
 » non possit, licet uti antiquo, Laym. l. c. * (Et
 » ità Salm. c. 2 n. 11 cum Dian. et Aversa, ex Declar.
 » S. C. ap. Gav.) * et, si hoc non sufficiat, aliud con-
 » secratum, vel in necessitate non consecratum (in
 » minore tamen quantitate, quàm vetus est) addere.
 » * (Ità ex Rituali Rom. ubi dicitur: Id tamen (*idest*
 » *oleum*) si fortè infrà annum... ità deficiat, ut sufficere
 » non posse videatur, neque aliud benedictum haberi
 » queat, modico oleo non benedicto, in minori quan-
 » titate superinfuso, reparari potest) * Etsi Dian. p. 6
 » t. 6 R. 44 ex Les. et aliis 4 dicat, contrarium habere
 » praxim Ecclesiæ; ut scilicet paulatim, et per vices,
 » (si ità requirat necessitas propter copiam infirmo-
 » rum) longè etiàm major quantitas addatur, quàm
 » ab Episcopo fuerit consecrata initio. Bon. d. 7 qu. 1
 » n. 8 ex Possevino. * (*Et hoc dicit Croix n. 2093 esse*
 » *certè licitum ex praxi Ecclesiarum, et ex Decl. S. C.*
 » *ap. Cardenas, utque colligitur ex c. Quod in dubiis,*
 » *de Consecr. Eccl. juxta dicta hoc l. 6 n. 368. Modò*
 » *pars olei, quæ nunc effunditur, sit minor alterâ parte,*
 » *cui infunditur. Id tamen rectè ait Ronc. q. 2. R. 1 non*
 » *permittendum nisi in casu necessitatis*) *.

Certum est 1. hoc oleum infirmorum debere esse
 olivarum, quia ex communi usu nomine *olei* hoc pro-
 priè intelligitur; ità communiter DD cum Salm. t. 7.
 c. 2 n. 1 et Petroc. l. 4 de Extr. Unct. qu. 2, et patet
 ex Decreto Florentini apud Sporer Suppl. pag. 220
 n. 61. ubi pro hujus Sacramenti materia assignatur
Oleum olivæ per Episcopum benedictum. Certum est 2
 apud omnes, quod hoc oleum debeat esse benedictum
 ex necessitate præcepti, sed

Dubitatur 1. An oleum infirmorum debeat esse be-
 nedictum ex necessitate Sacramenti? *Prima sententia*

l. 6 p. 2 n. 2105. cum Suar. Conc. Laym. et Sot. Palud. Med. etc. quia quævis unctio cum sua forma jam significat gratiam independentem ab aliis unctionibus. Sed negat cum communiori S. Thom. Suppl. qu. 30 art. 1 ad 3 ubi : *Et idèd in ultīma unctione gratia infunditur.* Et eum sequuntur Wigandt tr. 14 n. 109. et Salm. c. 3 n. 7. cum pluribus, qui dicunt, nullam unctionem per se Sacramentum nec etiā partiale constituere, et idèd nihil conferri gratiæ habitualis, quousque cum forma compleatur ultima unctio, quā Sacramentum perficitur; in fine autem ultimæ unctionis confertur simul remissio peccatorum, et poenarum; auxilia autem specialia annexa gratiæ non conferuntur, nisi tempore opportuno. Salm. n. 8 et 9. Harum sententiarum utraque est probabilis.

Quær. II. An possit dari hoc Sacramentum validum et informe, itā ut, recedente obice, gratia conferatur? Affirmant communiter Suar. Val. Henr. Palud. Diacast. Pal. etc. cum Salm. c. 3 n. 10. et Croix l. 6 p. 1 n. 202. Vide dicta de Sacram. n. 6. v. Not. 2. Hinc inferunt Salm. ibid. cum aliis, quod, si infirmus bonā fide vel sensibus destitutus Sacramentum suscepit in mortali, sufficiat, quod postea attritionem habeat, ad gratiam recipiendam; secus, si malā fide. Id autem currit, si obex tollatur, perseverante eodem morbo, et periculo; saltē quodā effectum specialium auxiliorum, ut dicunt Suar. et Dic. apud Salm.

- 708 • 1. Materia ejus remota est oleum benedictum, » quod in pyxide chismali signatur littera I (in cuius defectu non licet uti chismate: si tamen usus sis, nihil repetendum esse, docet Laym. l. 5 tr. 8 c. 2. n. 3.), idque renovandum est quotannis in Coena Domini, veteri exusto; * (*Et hoc ex præcepto Clem. VIII. ap. Sal. c. 2 n. 11 et Pal. c. 2 n. 15 et ex Rit. Rom. ubi dicitur: Oleum infirmorum... singulis annis... in Coena Domini... veteri combusto, renovandum est, An autem hoc præceptum obliget sub gravi?*) Negat Esc. l. 22 n. 81 cum Sa, Led. Henr. etc. » quia de gravitate hujus præcepti non constat, nisi pro

» *solo Chrismate; ut habetur in c. Si quis, de Consecr.*
 » *de 4.* Sed probabilius affirmant Bonac. p. 2 n. 3. Pal.
 » l. cit. Croix l. 6 p. 1 n. 42 cum Dic. item Trull.
 » Possev. et Zambr. ap Escob. n. 79. *Ratio, quia vi-*
 » *detur materia satis gravis, et talis est universalis*
 » *Ecclesiæ consuetudo*) *, si tamen novum haberi
 » non possit, licet uti antiquo, Laym. l. c. * (Et
 » ità Salm. c. 2 n. 11 cum Dian. et Aversa, ex Declar.
 » S. C. ap. Gav.) * et, si hoc non sufficiat, aliud con-
 » secratum, vel in necessitate non consecratum (in
 » minore tamen quantitate, quàm vetus est) addere.
 » * (Ità ex Rituali Rom. ubi dicitur : Id tamen (idest
 » *oleum*) si fortè infrà annum... ità deficiat, ut sufficere
 » non posse videatur, neque aliud benedictum haberi
 » queat, modico oleo non benedicto, in minori quan-
 » titate superinfuso, reparari potest) * Etsi Dian. p. 6
 » t. 6 R. 44 ex Les. et aliis 4 dicat, contrarium habere
 » praxim Ecclesiæ ; ut scilicet paulatim, et per vices,
 » (si ità requirat necessitas propter copiam infirmo-
 » rum) longè etiàm major quantitas addatur, quàm
 » ab Episcopo fuerit consecrata initio. Bon. d. 7 qu. 1
 » n. 8 ex Possevino. * (*Et hoc dicit Croix n. 2093 esse*
 » *certè licitum ex praxi Ecclesiarum, et ex Decl. S. C.*
 » *ap. Cardenas, utque colligitur ex c. Quod in dubiis,*
 » *de Consecr. Eccl. juxtà dicta hoc l. 6 n. 368. Modò*
 » *pars olei, quæ nunc effunditur, sit minor alterà parte,*
 » *cui infunditur. Id tamen rectè ait Ronc. q. 2. R. 1 non*
 » *permittendum nisi in casu necessitatis*) * .

Certum est 1. hoc oleum infirmorum debere esse
 olivarum, quia ex communi usu nomine *olei* hoc pro-
 priè intelligitur ; ità communiter DD cum Salm. t. 7.
 c. 2 n. 1 et Petroc. t. 4 de Extr. Unct. qu. 2, et patet
 ex Decreto Florentini apud Sporer Suppl. pag. 220
 n. 61. ubi pro hujus Sacramenti materia assignatur
Oleum olivæ per Episcopum benedictum. Certum est 2
 apud omnes, quod hoc oleum debeat esse benedictum
 ex necessitate præcepti, sed

Dubitatur 1. An oleum infirmorum debeat esse be-
 nedictum ex necessitate Sacramenti ? *Prima sententia*

negat, et hanc tenent Juennin q. 3 c. 1. Natal. de Alex. c. 1. 2 item Cajet. Maldonat. et Sambor. apud Tourn. t. 9 p. 303, qui non obstare dicunt Concilium Florent. ut supra, neque Trident. sess. 14 c. 1 ubi pariter dicitur : *Intellexit enim Ecclesia materiam* (Extremæ-Uncionis) *esse oleum ab Episcopo benedictum*. Quia (ut dicunt), esto ibi assignetur oleum pro materia, non tamen definitur esse de essentia, quod benedicatur ab Episcopo. *Secunda* verò sententia communissima affirmat, et hanc tenent S. Thom. Suppl. qu. 29. art. 5. Conc. t. 10 n. 5. Petroc. q. 4 Salm. c. 2 n. 2 et Scot. ac alii apud Sporer l. c. Ratio, quia Concilia in hoc dogmaticè locuta sunt, undè utrumque ad valorem hujus Sacramenti requiri declararunt.

Dubitatür 2. An oleum debeat esse necessariò benedictum in ordine ad Extremam-Uncionem? Negant Suar. t. 4 d. 39. sect. 1 n. 9 et Laym. c. 2 n. 3 et Henr. c. 8 n. 2. quia verè est oleum ab Episcopo benedictum, Affirmant verò Palaus p. 2 n. 5. Holzm. pag. 242 n. 7 item Bellarm. Valent. Barbosa, Aversa, etc. ap Salm. c. 2 n. 9; quia, sicùt benedictione Chrismatis deputatur Chrisma pro Sacramento Confirmationis, ità benedictione olei infirmorum deputatur materia ad Sacramentum Extremæ-Uncionis. Utraque sententia est probabilis, undè prima non potest in praxim deduci, nisi in casu necessitatis, quo deest oleum infirmorum; tunc enim poterit ministrari Extrema-Uncio Chrismate, vel oleo Catechumenorum sub conditione, ut rectè dicunt Viva art. 1 n. 2. Ronc. q. . . et Croix l. 6. p. 2. n. 2090. Et, si postea haberi possit Oleum infirmorum, repetendum est Sacramentum, ut dicunt Viva et Croix ll. cc. utque præscripsit S. Carolus Borrom. Act. Mediol. p. 4.

Dubit. 3. An hujusmodi benedictio possit committi à Pontifice simplici Sacerdoti? Negant Pal. p. 2 n. 5. Suar. d. 40 sect. 1 et Bellarm. Con. Laym. etc. ap. Salm. c. 2 n. 6 Sed affirmandum cum Holzm. n. 5. Petroc. q. 4. Ronc. p. 120 q. 2 Conc. n. 6 et Ben. XIV. de Synodo l. 7. c. 16 n. 4. ex Decr. Clementis VIII. qui de-

claravit, Sacramentum Extremæ-Uncionis Latinis collatum à Sacerdotibus Græcis oleo ab eisdem Sacerdotibus benedicto, esse validum, ut diximus *de Confrmat* n. 163.

Dubitatur 4. An sufficiat ministrare hoc Sacramentum unâ guttâ olei? Negant Suarez d. 40. sect. 2 n. 4 ac Fill. Reg. Trull. Gran. etc. ap. Escob. l. 22. n. 82. Quia (ut ajunt) ungere propriè est oleum per partes diffundere. Affirmant verò communiùs Escob. n. 84. cum Dian. Tanner. et Hurt. ac Croix n. 2094. cum Dic. et Aversa, modò omnes partes ungantur; quia qui ungit unâ stillâ olei, verè ungit, cum oleum plus quàm alii liquores diffundatur. Hæc secunda sententia mihi est probabilior; at quia prima non est improbabilis, saltèm extrinsecè, in praxi sequenda est. Pro valore autem Sacramenti rectè dicunt Salm. cap. 2 n. 12 cum Dicast et Aversa, quod sufficiat intingere in oleum extremum digiti; et ungere.

« 2. Materia proxima est unctio certarum partium, »
 » corporis, ac saltèm quinque sensuum; vel si mu- »
 » tilati sint, vicinarum partium, facta à Sacerdote, »
 » non simpliciter necessariò contactu immediato ma- »
 » nûs; nam pestè grassante potest uti virgâ oblongâ »
 » oleo tinctâ, quam postea comburat. Sylvest. Cha- »
 » peavill. Dian. V. Diana p. 3 t. 4 R. 197. * Ità etiàm »
 » probabiliter Wig. n. 107. et Escob. n. 93. *qui addit,* »
 » *quod si fiat sine necessitate, nec erit mortale.* Qui- »
 » dam etiàm DD. putant, unam tantùm unctionem »
 » esse de essentia Sacramenti; ideòque in periculo »
 » pestis, et simili necessitate sufficere unum tantùm »
 » organum magis obvium, vel potiùs caput, quod in »
 » eo sensus maximè vigeant, ungere, dicendo: *Per* »
 » *istam, etc. quidquid deliquisti per visum, auditum,* »
 » *gustum, odoratum, tactum, etc.* Et quidem pro hæc »
 » sententia citantur varia Pastoralia. Agendæ et Doc- »
 » tor. Lovan. Sylv. in 3 part. qu. 32 art. 2. Laym. lib. »
 » 5 tr. 8 cap. 3 qui eum non omninò improbabilem; »
 » Tann. et Marchant. in Horto Pastorum, qui omni- »
 » nò probabilem, et in praxi usitatam, Dian. p. 3

• t. 4 R. 108 qui in praxi tutam dicit; citansque pro
 » ea p. 8 t. 1 R. 21 Gran. Amic. Aversam, affirmat
 » Pontificem id posse permittere: et deniquè Escob.
 » citans Becanum c. 25 qu. 7 n. 6. et Barbosa in
 » Trid. sess. 14 cap. 1 id permittit. Verùm cum alii
 • Doctores communiter repugnent, tutius saltèm erit
 • (quod suadent Laymann. et Dian. ll. cc.) eò casu
 » unum oculum, aurem, manum, et os velociter
 » sine crucis forma ungere, dicendo unicam formam
 » complectentem reliquas. Illud verò certius est,
 » pedes, aut renes inungere, non esse essentialè;
 » imò quoad renes, non est decens, præsertim in fœ-
 » minis, et viris religiosis, ideòque omitti solet Henr.
 » Sa Tol. Suar. Bellarm. cap. 10 in fine. »

Quæritur, an unctio quinque sensuum sit de ne-
 cessitate Sacramenti? *Prima* sententia negat, et dicit
 sufficere ad valorem unicam tantum unctionem. Ità
 Merbesius t. 2 p. 265 q. 19. Natal. ab Alexand. c. 5.
 • Tourin. t. 9 pag. 396. Item Syl. Becan. et Molf. apud
 Salm. c. 2 n. 18. Et meritò (speculativè loquendo)
 probabillem putant Holzm. n. 10. Roncag. q. 2 R. 2.
 Elbel n. 25. ac Laym. Con. etc. apud Salm. Ratio,
 quia ex D. Jacobo simplex unctio præcipitur, *ungen-
 tes eum oleo*. Item in Tridentini sess. 14 c. 1 de una
 tantum unctione fit mentio, *hæc sacra unctio etc.* un-
 dè infertur sufficere, quod homo in una parte tantum
 ungatur, ut dicatur unctus. *Secunda* verò sententia
 communior et tutior affirmat, eamque tenent Laym.
 c. 5 n. 5. Pal. p. 3 n. 6. Elbel. n. 25. Holzm. n. 10. cum
 Suar. Sot. et Henriq. ac Salm. n. 19. cum S. Bon. Bell.
 Valent. Con. Bon. etc. ex D. Thoma Suppl. q. 32 ar.
 6 qui docet unctionem quinque sensuum esse, *quasi
 de necessitate Sacramenti*. Ratio, quia, licet ex verbis
 D. Jacobi, et Tridentini non fiat mentio plurium
 unctionum, tamen sic colligitur ex usu Ecclesiæ, et
 communi DD. sensu. Quapropter rectè dicunt AA.
 præfati, quod tantum tempore pestis, vel alia urgen-
 te necessitate poterit adhiberi sub conditione una unc-
 tiō in aliquo sensu (et consultius in capite), ut ajunt

Ben. XIV. de Syn. l. 7. 18. Bus. ut suprâ. Tunc autem dicit Tourn. sufficere, quod dicatur: *Indulgeat tibi Deus quidquid peccasti per sensus*; ut habetur in Rituali Parisiensi. Sed alii, ut Busemb. mox infrâ n. 3. Holzm. et Elbell. ll. cc. item Salm. c. 2 n. 32. cum Angles, Nunno, et Leand. requirunt, ut exprimantur quinque sensus, nempe *quidquid per visum, auditum, gustum, odoratum et tactum deliquisti*. Sed melius erit sic dicere: *Per istam S. Uctionem etc. indulgeat tibi Deus quidquid deliquisti per sensus, visum, auditum, gustum, odoratum, et tactum*. Præmittendo verbum *deliquisti*, ut benè notant Salm. loc. cit. cum Aversa, quia si *deliquisti* proferatur in fine, et interim æger moriatur, nullum est Sacramentum. Si autem æger supervivat, meritò ait Croix n. 2121. repetendas esse unctiones in singulis sensibus, addendo Orationes omissas. Præscribit autem Rituale Romanum: *Si dubitet (Sacerdos) an vivat... unctionem prosequatur sub conditione... dicens: Si vivis, per istam, etc.*

Certum est autem, non esse de necessitate Sacramenti geminam unctionem adhibere in geminis partibus, v. gr. in utroque oculo, aure, etc. ut rectè dicunt Roncag. q. 2 R. 2. Holzm. n. 10 et Salman. n. 16 cum Suar. Sa, Bon. etc. Undè urgente necessitate, nempe si adsit periculum infectionis, vel si infirmus nequeat verti ad aliud latus, sufficit ungere unum oculum, unam aurem, etc. Unctio autem renum, ut præscribit Rituale, *in mulieribus honestatis gratiâ, semper omittitur atque etiâ in viris, quandò infirmus commodè moveri non potest*. Unctio verò pedum non est de necessitate Sacramenti, ut communiter dicunt Pal. p. 3 n. 3. Ronc. quæst. 2 R. 2 et Salm n. 17 cum Suar. Laym. Sa, et Bon. ex D. Thoma d. quæst. 32 a. 6; undè dicunt, in hac unctione pedum servandam esse consuetudinem Ecclesiarum.

Nec etiâ est de necessitate Sacramenti servare ordinem inter unctiones partium, quia hujus ordinis inversio minimè impedit Sacramenti significationem. Holzm. n. 11 cum communi, Communiter tamen di-

220 Lib. VI. Tract. V. De Extréma-Unct., et Ordine.
cunt Suar. t. 4 d. 40 sect. 2 in fine., Bon. p. 5 n. 20.
Pal. p. 3 n. 11 cum Sa, Holzm. cum Bambest. id esse
graviter illicitum, quia esset contra usum Ecclesiæ
in re notabili.

« 3. De essentia hujus Sacramenti est. 1. Ut or-
» gana 5 sensuum, quæ inunguntur, nominentur.
» Palaus. p. 4 c. 26. Aversa sect. 4 etc. communiter;
» licet Diana p. 8 t. 7 R. 56 ex Regin. contrarium
» censeat probabile; imò ad valorem sufficere, si
» inter ungendum omnes sensus dicas: *Per istas*
» *sanctas unctiones indulgeat tibi, etc.* 2. Verba illa:
» *Per hanc sanctam unctionem*; etsi Palaus l. c. dicat
» valere, si tantum omittas *to* sanctam. 3. Verba de-
» precativa, *Indulgeat tibi Deus*. Hinc formam im-
» perativam; v. gr. *Per hanc, etc. remittatur tibi*
» *quidquid*, non valere, dicit Palaus l. c. Diana l. c.

711 Quod ad formam hujus Sacramenti pertinet, Sacer-
dos, intincto pollice in oleum sanctum in modum cru-
cis ungere debet infirmum, ut præscribit Rituale Ro-
manum, in partibus infra scriptis, aptando verba
formæ proprio loco in hunc modum, videlicet: *Per*
istam sanctam Unctionem ✠, *et suam piissimam mi-*
sericordiam, indulgeat tibi Dominus, quidquid per vi-
sum (si ungiter oculus, et sic de aliis) *deliquisti.*
Amen. Minister verò, si est in sacris, vel ipsemet
Sacerdos, post quamlibet unctionem tergat loca inunc-
ta novo globulo bombacii, vel rei similis, eaque in
vase mundo reponat, et ad Ecclesiam postea deferat,
comburat, cineresque projiciat in sacrarium. Adver-
tit pariter Rituale, quod, cum Sacerdos ungit partes
corporis, quæ pares sunt, prout oculos, aures, etc.
(incipiendo semper à parte dextera) non absolvat for-
mam, antequàm ambas perunxerit. Si quis autem sit
aliquo membro mutilatus, pars loco illi proxima
eàdem formâ inungatur. Deindè aures inungendo,
repetat eamdem formam, dicendo, *per auditum.* Ad
nares, *per odoratum.* Ad os (compressis labiis), *per*
gustum, et locutionem... Ad manus (Sacerdotibus ex-
teriùs, reliquis interiùs in palmis), *per tactum.* Ad

pedes (scilicet in plantis), *per gressum*. Ad renes, *per lumborum delectationem*. Hæc autem unctio omititur in foeminis, et etiã in viris, qui vix aut sine periculo mortis moveri non possunt. Quandò autem periculum mortis imminet, præcipit Rituale, ut infirmus citò ungatur prædictis verbis : *Per istam S. Uctionem etc.* Et postea, si supervivat, dicantur orationes prætermisssæ. Hæc omnia habentur in Rituali.

Verbum *deliquisti* meritò dicunt Croix n. 2097 et Mazz. t. 3 p. 216 cum Gob. contra Bosco, esse de essentia; nam aliàs non exprimeretur in forma unus ex principalibus effectibus hujus Sacramenti, qui est remissio peccatorum, ut dixit D. Jacobus : *Et, si in peccatis sit, remittentur ei.*

Verbum autem *Sanctam* non est de essentia, cum in Florent. et Trident. hæc vox non additur : peccat tamen omittens. Ità communiter Pal. part. 4 n. 4. Holzm. n. 14. Mazz. p. 216 et Salm. c. 2 n. 30 cum Aversa, et Dicast.

Dubit. 1. An valeat forma indicativa? *Prima* sententia affirmat, quam tenent Tourn. t. 9 et Juenin. Diss. 7 q. 4 item Palud. Alb. Magn. Becan. Ricch. Aureol. et Tanner. apud Escob. n. 103 et probabilem putat Concina p. 17 n. 12. Eam probat ex variis priscis Ritualibus, et signanter ex Ambrosiano, in quo dicebatur : *Ungote oleo sanctificato in nomine Patris, etc. ut more militis uncti præparatus ad certamen, aëreas possis superare potestates.* *Secunda* tamen sententia communis et verior docet, eam non valere; ità S. Th. Suppl. q. 29 art. 8 per totum, Merbes. quæst. 20. Natal. ab Alex. art. 3. Suar. d. 40 sect. 3 n. 6. Fill. tr. 3 n. 80. Petrocor. t. 4 p. 184. Pal. p. 4 n. 1. Elbel n. 28. Holzm. n. 15 cum S. Bon. et Mastr. Escob. n. 105 cum Henr. Con. Nann. et Hurt. ac Sporer n. 74 cum Bellar. Laym. Bon. Val. etc. Ratio habetur ex ipsis verbis D. Jacobi : *Et orent super eum, ungentes eum oleo.... et oratio fidei salvabit infirmum.* Ex quibus verbis patet, Apostolum orationi tribuisse efficaciam hujus Sacramenti. Nec obstant Ritualia opposita; nam respondet D. Th. l. c.

ad 3, quod verba illa non sint forma hujus Sacramenti, sed potiùs dispositio ad formam. Sed fortè meliùs respondet Papa Bened. XIV. de Synodo lib. 7 c. 17 et Sporer n. 75 cum Mastr. et Herincx, quod verba illa, ut *possis*, cum sint optativa, referri possint ad proferentis votum et orationem, nempe ac si diceret: *Ungo te orans Deum, ut possis, etc.*

Dubitatur 2. An sint de essentia verba: *Per suam piissimam misericordiam*? *Prima* sententia affirmat, et hanc tenent Nunnus, et Hurt. apud Escob. n. 97 atque Bellarm. apud Mazz. t. 3 p. 216 favetque Coninck. dist. 19 n. 15 et probabilem putat Roncaglia quæst. 3 quodam verbum *Misericordiam*; dubitat verò Suar. dist. 40 sect. 3 n. 13. Ratio, quia, cum forma debeat esse deprecativa, necessariò in ea est explicandus recursus ad divinam misericordiam, quæ respicit miseriam, in qua maximè est infirmus in fine vitæ constitutus. *Setunda* verò sententia longè communior, et longè probabilior negat, et hanc tenent Pal. p. 4 n. 4. Bonac. p. 3 circa finem, Salm. c. 2 n. 31. Ronc. l. c. Sporer n. 71. Holzm. n. 14 et Escob. n. 99. Laym. Fill. Reg. Henr. Dic. et Trull. Ratio enim opposita minimè suadet, verba illa esse de essentia, quia eo ipso quod Sacerdos dicat, *Indulgeat tibi Deus*, satis orat divinam misericordiam Omnes tamen conveniunt, quod omittere prædicta verba esset quidem mortale, cum esset omissio in re notabili, et contra usum Ecclesiæ.

« Dub. 3. An valeat forma, si dicatur: *Ungo te oleo sancto, ut per suam misericordiam indulgeat tibi Deus etc.* Negant Bonac. p. 3 n. 3 ac Hurt. Nunnus, et c. apud Salm. c. 2 n. 29. Probabiliùs verò affirmant Suar. Laym. Fill. Henr. Reg. et cæteri communius apud eosdem Salm. (qui tamen dicunt rem esse incertam) Ratio, quia his verbis jam exprimitur substantia formæ.

« 4. Hoc Sacramentum tantùm dandum est morti
712 » propinquis; ex morbo, vulnere, partu, vel senectute, quia hi soli sunt infirmi. Quod si morbo liberati rursus periclitentur, iterandum est: et quidem in diuturnis morbis, quoties erit periculum novum;

» neque expectandum (sub gravi culpa, Quint. t. 5
» sect. 9.) donec sensibus careant, vel omnino sint
» desperati. In dubio verò de vita detur sub condi-
» tione. Laym. l. c. ex S. Thom. Sylv. Suar. d. 40.

» 5. Si conferatur infirmo communi morbo, sive
» non graviter, vel periculosè laboranti, non est va-
» lidum, Suar. Palaus, Gran. Amic. etc. commun.
» Ac licet Less. Wigers, et Quint. contrarium putent
» probabile, concedunt tamen, sic inunctum iterum
» inungendum esse (etiam in eodem morbo), quando
» periculosè laborare coeperit, ob mutatum statum
» infirmitatis, additque Quint. mortaliter peccatum
» fuisse. Quint. t. 5 sect. 7. Dian. p. 9 t. 6. R. 45. »

Dubit. 1. An sit validum hoc Sacramentum Extremæ⁷¹³
Uctionis, si conferatur sano? Affirmat Juénin. apud
Ben. XIV. de Synodo d. 8 c. 5 n. 4 (a) et Ronc. qu. 6.
R. 1. respondet, quod auderet asserere esse vali-
dum, cum nullibi viderit condemnatum ritum Græ-
corum, qui in die Coenæ Domini, dum consecra-
tur Oleum infirmorum ab Episcopo, totum illud in-
sumunt in unguendis abstantibus. Sed omnino tenen-
dum est invalidum cum communi sententia, quam
tenent Suar. t. 4 d. 42 Sect. 2. Pal. p. 6, n. 10.
Salm. 4 n. 6. Conc. p. 18 n. 4 et N. SS. P. Bened.
XIV. l. c. Ratio, quia id patet ex verbis S. Jacobi c. 6.
ubi dicitur: *Infirmatur quis in vobis? indicat etc.* Et
communiter omnes interpretantur hunc textum de in-
firmitate corporali, non autem spiritali, ex Trid.
sess. 14 c. 3. ubi dicitur: *Declaratur esse hanc unc-
tionem infirmis adhibendam.* Nec obstat ritus Eccle-
siæ Græcæ; nam sapienter advertit præfatus Pontifex,
unctionem illam sanis adhibere, non tamquam Sacra-
mentum (quod errorem esse ait ita credere), sed ut
meram cæremoniam, ac sacramentalem benedictionem.

Dubit. 2. An sit validum hoc Sacramentum, si
conferatur infirmo quocumque morbo laboranti etiam
non gravi? *Prima* sententia affirmat, dicens esse
quidem illicitum, sed non invalidum, et hanc tenent

Coninck. d. 19 dub. 7 n. 25 et Wigandt. n. 111. Ratio, tum quia Apostolus agnoscit absolutè infirmum tamquam subjectum capax hujus Sacramenti, cum dicat: *Infirmatur quis in vobis? inducat etc.* Tum quia in Trident. d. c. 3 sic habetur: *Declaratur etià esse hanc unctionem infirmis adhibendam; illis verò præsertim, qui tam periculose decumbunt, ut in exitu vitæ constituti videantur, undè et Sacramentum exeuntium nuncupatur.* Ubi notat verbum *præsertim*, et ex eo inferunt, Sacramentum adhiberi posse etià his, qui non periculose decumbunt. *Secunda* tamen sententia communior et sequenda, docet, talem collationem non solùm esse illicitam, sed etià invalidam. Ità Suar. d. 42 sect. 2 n. 4 et 5. Pal. p. 6 n. 17. Bon. p. 5 n. 15. Escob. l. 23 n. 138 cum Caspens. Gran. Amico. Diana, Reg. etc. ex D. Th. in 4 d. 23 qu. 2 art. 4 q. 2, ubi docet, hoc Sacramentum non esse dandum, nisi infirmis, qui secundùm humanam æstimationem videntur morti appropinquare. Probatur ex Decr. Eugenii IV. in Instruct. ad Armenos, ubi dictum fuit: *Hoc sacramentum dari non debet, nisi infirmo, de cujus morte timetur.* Verbum autem *debet* hîc non tantùm importat præceptum, sed etià necessitatem, quia præfatus Pontifex, cum declararit subjectum hujus Sacramenti, et designarit tantùm infirmum de cujus morte timetur, censetur alios quidem infirmos exclusisse. Confirmatur ex fine institutionis hujus Sacramenti, qui fuit (proùt ait Trident. sess. 14 in Procem.) ut hoc Sacramentum *finem vitæ tamquàm firmissimo quodam præsidio munitet.* Nec obstat, quod in dicto c. 3 dicatur *præsertim*, nam hæc particula juxtà contextum Concilii, ut patet, non denotat posse quibusvis infirmis Sacramentum ministrari, sed posse dari iis, qui periculose decumbunt, etià si non sint constituti in exitu vitæ, sive in articulo mortis; modò immineat periculum mortis, ut mox in fine Dubii quarti declarabitur.

Dubit. 3. An mulieri laboranti in partu sit hoc Sacramentum ministrandum? Respondetur: si fœmina

laborat in partu communibus tantum doloribus, non poterit quidem uigi, etiãsi prima vice pariat, vel aliàs fuerit in periculo mortis, quia tunc non adhuc periculosã laborat infirmitate, ut communiter dicant DD. infrã citandi cum Concilio Mediol. p. 2 ubi dictum fuit : *Parochus unctionis Sacramentum ministrare non debet mulieribus in partu laborantibus.* Secus. verò si mulier jam cœperit gravissimis cruciatibus divexari, ita ut jam actu sit in proximo periculo mortis : quia tunc reverà jam periculosè infirmatur ; ita Bon. p. 5 n. 6. Fill. tr. 3 n. 68. Diana p. 10 tr. 12. R. 9 cum Frano. Lugo, et Amico, ac Escob. n. 140 et 141 cum Reg. Trull. Candido, etc.

Dubitatur 4. An hoc Sacramentum licitè conferri possit ægroto in solo, putato periculo vitæ ? *Prima* sententia negat, et hanc tenent Viva q. 6 art. 3 nu. 2 et probabilem vocant Less. et Quintanad. apud Escob. n. 136. Ratio (ut dicunt) quia non potest Sacramentum exponi periculo frustrationis ; invalidè enim conferretur, si reverà infirmus non esset in vero periculo mortis. *Secunda* tamen sententia communis et vera affirmat, et hanc tenent Pal. p. 6 n. 16. Suar. d. 42 sect. 2 n. 5. Holzm. n. 28. Sporer n. 98 cum Scoto et Amico, ac Escob. num. 138 cum Caspens. Grati. Reg. etc. Hęc sententia docet, ad ministrandum hoc Sacramentum validè, et licitè, sufficere, quod infirmus labore morbo tam gravi, ut prudenter putetur esse in periculo proximæ mortis. Et probatur ex decreto Eugenii, ut suprã, ubi : *De cujus morte timetur.* Et ex Rituale, ubi : *Debet... hoc Sacramentum infirmis præberi, qui... tam graviter laborant, ut mortis periculum imminere videatur.* Et ratio est, quia cum Christus Dominus ministrationem hujus Sacramenti hominibus reliquerit, credendum est, sic eam reliquisse, ut possint concedere illud omnibus infirmis ; quibus probabiliter judicatur periculum mortis imminere.

Advertendum autem hîc : quod ad præbendum hoc Sacramentum non sit expectandum ultimum. vitæ tempus ; undè communiter docent Merbes. t. 2 de E.

U. q. 25. Mon. 5. Roncag. Reg. in praxi n. 2 et Ant. p. 566. Obs. 1, graviter peccare Parochos, qui differunt hoc Sacramentum, usquedum infirmus privetur usu sensuum et rationis; prout habetur etiam expressum in Catech. Rom. § 9 ubi dicitur: *Gravissimè peccant, qui illud tempus ægroti ungendi observare solent, cum jam, omni salutis spe amissâ, viâ et sensibus carere incipiat.* Ratio, quia sic privatur infirmus uberiori fructu, quem recepisset, si suscepisset Sacramentum, dum erat rationis compos, cum magis tunc se ad illud disposuisset; item quia privatur spiritualibus viribus ad resistendum dæmoni, et ad perferenda morbi incommoda; item quia infirmus, si fortè esset in mortali, et compos rationis Sacramentum recepisset, auxilio attritionis gratiam fortè fuisset adeptus, quâ alioquin privatur; demùm quia virtute hujus Sacramenti fortè consecutus fuisset sanitatem corporis, si tempore congruo collatum fuisset; licet enim hoc Sacramentum virtute quadam supernaturali operetur etiam salutem corporalem, si animæ saluti expedierit (ut loquitur Tridentinum), non tamen per modum miraculi operatur, sed viâ quodammodo ordinariâ nempe causas naturales adjuvando, ut communiter ajunt DD. Quæ omnia saltem simul congesta videntur grave damnum infirmo afferre,

Advertendum 2. quod distinguere oporteat, quando Extrema-Uinctio dari debeat, et quando dari possit. Adest quidem obligatio, ut mox diximus, eam ministrandi, cum urget periculum proximæ mortis, et tunc non est expectandum ultimum vitæ tempus, sed ministrandum est Sacramentum, sicut præcipit Bened. XIV. in Enchol. Græcor. (vide Bul. 53 in Bull. t. 4 ibi § 46) cum infirmi *sibi constant, et sui compotes sunt.* Cæterùm communiter docent DD. validè et licitè posse dari Extremam-Uctionem statim ac prudenter judicatur infirmus laborare periculo mortis, etsi adhuc non proximæ: ita Suar. t. 4 disp. 42 sect. 2 n. 4 ubi ait: *Ut minimum requiritur, ut ex tali infirmitate mors possit moraliter timeri, saltem remotè.* Idem de-

cet Coninch. dub. 7 n. 24. Castrop. tr. 26 p. 6 n. 12. Bon. disp. 7 q. un. punct. 5 n. 7. Escob. de Extr. Unc. Probl. 30 n. 138. Holzm. eod. tit. n. 28. Sporer n. 98. Salm. c. 4 n. 6 et alii passim, cum Bened. XIV de Synodo t. 2 p. 211. et Honorato Tournely de Extr. Unct. qui adducit pro hac sententia duplex Concilium, Aquisgranense, et Moguntinum. Id probatur 1 ex Concilio Florentino (t. 13. Concil. p. 538) in decreto, ubi dicitur : *Subjectum huius Sacramenti esse infirmum de cuius morte timetur*. Probatur 2 ex Trid. sess. 14 c. 3 ubi habetur : *Hanc unctionem infirmis adhibendam, illis verò præsertim, qui in exitu vitæ constituti videantur*. Particula illa præsertim satis indicat, posse Extremam-Ūctionem ministrari etiã infirmis, qui nondum videntur esse in exitu vitæ. Fortiùs demùm probatur 3 ex citata Bulla 53 Bened. XIV. cit. § 46 ubi scribitur ; *Ne Sacramentum Extremæ Ūctionis ministretur benevalentibus, sed iis damtaxat qui gravi morbo laborant*. Hinc rectè ait Castropalaus (l. c. n. 121) *Quapropter censerem, quoties elaticum infirmo ministratur, statim et ministrari Ūctionem posse, et expedire ; quia jam censetur infirmitas grave periculum vitæ inducere*.

In dubio autem, an infirmitas sit periculosa rectè ajunt Castrop. ib. n. 13 et Laym. de Extr. Unc. c. 4 circa finem : *Non posse Extremam Ūctionem ministrari, tum quia præceptum est, ne aliis quàm vitæ periclitantibus ministraretur*. Seouòs verò si de tali periculo vera adsit probabilitas, sivè prudens timor, ut communiter docent Suar., Caspensis, Castrop. Escobar, et Holzm. n. 28 cum Scoto, et Mastrio.

Dubit. 4. Quandò hoc Sacramentum possit iterùm ministrari eidem infirmo ? Respondetur : Quandò infirmitas non est diuturna, ad iterandum hoc Sacramentum requiritur, ut *infirmi à priori infirmitate convalescerint... et in aliud simile vitæ discrimen inciderint*, ut docet Trident. sess. 14 c. 3. Quandò verò infirmitates sunt diuturnæ, prout sunt hectica, et hydropisis, tunc S. Carolus Borromæus l. c. sic instruit : *Si o mortem imponentem quis unctus fuerit, et evaserit ; deim-*

dè ex eodem morbo in aliud simile periculum mortis rursus inciderit, rursus ungi debebit. Idem docuit D. Th. in 4 dist. 23 qu. 2 art. 4 q. 2. Idem præcepit Rituale Rom. dicens . *In eadem infirmitate hoc Sacramentum iterari non debet, nisi diuturna sit, ut cum infirmus convaluerit, iterum in periculum mortis incidit.*

Undè adverte, quod in morbo diuturno, si infirmus post unctionem certè manserit in eodem periculo mortis, non poterit rursus ungi. Secùs verò ait N. SS. P. Bened. XIV. (de nobis optimè meritis) de Synodo t. 2 p. 224 si dubitetur, an reverà morbi status mutatus sit; tunc enim dicit expedire ad Sacramenti iterationem propendere, eo quod hæc sit uniformior veteri Ecclesiæ consuetudini, et per eam novum spirituale subsidium infirmo obveniat Hoc tamen intelligendum de dubio positivo, nempe quandò probabile est, infirmum jam exiisse è periculo mortis; nam aliàs in mero dubio negativo servandum est præscriptum Tridentini, ubi dicitur, posse Sacramentum iterari, si infirmi *convaluerint*; quod reverà non potest verificari, nisi saltèm probabiliter è periculo exierint. Undè dicit Ronc. q. 7 R. 2 non sufficere, infirmum per quatuor, vel quinque dies ità se melius habuisse, ut videatur mortis periculum evasisse; secùs, si per notabile tempus, ut dicunt Wigandt. n. 111 et Sporer n. 111 cum Suar. Con. Reg. etc. puta per mensem, ut ajunt Bon. p. 6 n. 4 et Viva art. 3 num. 5 cum Trull.

- 716 « 6. Ad Sacramentum hoc cum fructu recipiendum, in eo, qui rationis est compos, et conscius » peccati mortalis (si non confiteatur) requiritur » contritio saltèm existimata; neque sufficit attritio. » Bonac. d. 7. q. un. p. 5 n. 2 ex Reg. l. 28 cap. ult. » art. 73 * (Vide dicta n. 86 et antea n. 33.) * Ordinarie autem, nisi obstat causa rationabilis (v. gr. » si ob vomitum communicare non possit), præmit- » tenda est confessio, et communio ob Ecclesiæ con- » suetudinem, quæ unctionem, tamquàm minùs ne- » cessariam ad salutem, postponit. Vide Bon. l. c. » n. 13 * (in Rit. Rom, sic habetur : Ex generali

» Ecclesiae consuetudine observandum est, ut si
 » tempus, et infirmi conditio permittat, antè Extre-
 » mam-Uctionem, Pœnitentiæ, et Eucharistiæ Sa-
 » cramenta infirmis præbeantur. *Suscipere autem Ex-*
 » *tremam Uctionem antè Viaticum aut nullum erit pec-*
 » *catum; aut via veniale, ut dicunt Suar. d. 44 sect. 1*
 » *n. 2 et Croix n. 2120, nec improbat Bened. XIV. de*
 » *Synod. to. 2 p. 220 quia consuetudo præmittendi Via-*
 » *ticum non est recepta saltèm sub gravi obligatione.)* *
 » Licet autem, per se loquendo, confessio non ne-
 » cessariò præmittatur, cum per contritionem se
 » disponere possit, per accidens tamen requiri po-
 » test, v. gr. si post viaticum peccasset mortaliter,
 » et timeretur, ne post unctionem dasset tempus con-
 » fessionis: tunc enim priùs audiendus, et absolven-
 » dus esset; quia sacramenta magis necessaria tali
 » casu priùs sumenda sunt. Fill. Barbos. Dian. p. 5
 » t. 3 R. 92.

» 7. Pueris habentibus sufficientem rationis usum,⁷¹²
 » ad peccandum, tametsi sacram Eucharistiam non
 » recipiant, non rectè negatur Extrema-Uctio, cum
 » indè nonnumquam salus ipsorum dependere possit.
 » Suar. 3 p. t. 3 d. 70 sect. 1. Graff. Angl. Zamb. apud
 » Laym. l. 5 t. 8 c. 4 n. 2, qui Parochos quorundam
 » locorum excusat, per consuetudinem toleratam ab
 » Episcopis, si non dent pueris antè an. 14 vel 15
 » excepto casu necessitatis, quo puer, quem rationis
 » usum consecutum esse constet, aliud Sacramen-
 » tum antè mortem suscipere non possit. Vide Cha-
 » peavill. c. 5 q. 17. Ac licet Parochus in Confessione
 » cognoverit, puerum numquàm actualiter peccasse,
 » debere tamen illum inungere, contra Nug. et Sanc.
 » docent Suar. Reg. Fill. Con. etc. cum Dian. p. 3 t.
 » 4 R. 181. Si verò dubium sit, an puer usum ratio-
 » nis habeat, ungendus est sub conditione. Dian. p.
 » 9 t. 3 R. 85 et Sanc. Zamb. et Card. de Lugo. »

Dubitatur 1. An infantes sint capaces hujus Sacra-⁷¹³
 menti? Prima sententia affirmat, quam tenent Major,
 et Possev. ap. Escob. l. 22 n. 109. Ratio, quia hoc Sa-

cramentum non solum datur ad delenda peccata actualia, sed etiam ad tollendas reliquias peccati originalis, ad recuperandam sanitatem, ac ad augmentum gratiae acquirendum. *Secunda* verò sententia communis et vera negat, et hanc tenent S. Th. suppl. q. 32 art. 4. Bellarm. de E. U. c. 9. Suar. d. 42 sect. 1 n. 3. Pal. p. 6 n. 3. Laym. c. 4 n. 2. Bonac. p. 5 n. 1. Spor. n. 94. Holzm. n. 26 et Escob. cum Soto, Nav. Tol. Fill. Reg. etc. ex Rituali Rom. ubi: *Debet autem hoc Sacramentum infirmis præberi, qui ad usum rationis pervenerint.* Ratio, quia (ut ait D. Thomas) *pueris non competit forma hujus Sacramenti, eo quod non peccaverunt per visum et auditum, ut in forma exprimitur.* Ad rationem autem oppositam respondet idem S. Doctor, quod Extrema-Uinctio non detur ad reliquias peccati originalis, sed actualis auferendas. Quoad effectum autem sanitatis, respondetur, quod cum hic sit effectus tantum secundarius hujus Sacramenti, ipse cesset cessante primario. Quoad augmentum verò gratiae, cum hoc non detur nisi ut conjunctum proprio effectui Sacramenti, quando subjectum non est capax effectus proprii, neque est capax augmenti. Neque obstat, quod olim (ut asserunt Maldonat. et Cornel. a Lap.) infantes ungerentur oleo infirmorum; nam respondet Papa Benedictus XIV. de Synodo t. 2 p. 203. quod fortè, si ungebantur, tunc unctio illa potius esset benedictio sacramentalis, ut dictum est de unctione Græcorum n. 713.

- 419 Dubit. 2. An hoc Sacramentum conferri possit pueris, de quorum usu rationis dubium vertit? Prima sententia negat, et hanc tenent Sotus, Aureol. et Zambran ap. Escob. n. 112. quia si verè puer usu rationis caret, frustratur Sacramentum, et cum hoc non sit necessarium ad salutem, non debet tali periculo exponi. Secunda sententia affirmat, quam tenent Spor. n. 94 et Croix n. 2111. cum Raynaud. Schild. etc. qui dicunt, in dubio pueros absolute ungendos esse, quia saltem sunt capaces effectus sanitatis corporis. Tertia verò sententia probabilior, quam (præter Dian. San-

eium, et Lugo ap. Bus.) tenent Renzi de E. U. c. 2 q. 3 et Escob. n. 114 cum Dic. et Leand. dicit, tales pueros ungendos esse sub conditione, quia per conditionem jam salvatur reverentia Sacramenti, et aliunde justa adest causa illud ministrandi sub conditione, ne priventur pueri fructu tam salutari hujus Sacramenti; juxta dicta n. 28.

Dubit. 3. An possit dari Extrema-Uncio puero, qui jam sit doli capax, sed non adhuc sit capax Communionis? *Prima* sententia negat, quam tenent Sotus, Vivald. Aureol. Nald. etc. apud Escob. n. 115. cum quadam Synodo Hispalensi; et videtur favere D. Th. suppl. q. 32 art. 4 ubi dicit: *Sicut Eucharistia non debet dari pueris, ita nec hoc Sacramentum.* Ratio, tum quia hoc fert communis Ecclesiae consuetudo; tum quia indecens videtur, hoc Sacramentum dari puero, qui in illo statu vix potest instrui de illius effectu. *Secunda* verò sententia communior et probabilior affirmat, eamque tenent Laym. c. 4 n. 2 Spor. n. 94. cam Nav. Suar. Aversa, etc. et Escob. n. 107. cum Sa, Val. Angl. Durand. Sancio, et Zambr. Et idem docet Papa Bened. XIV. de Syn. t. 2 p. 204. qui dicit, minimè approbandam esse quamdam Synodum, in qua statutum fuerat non dandum hoc Sacramentum pueris, qui non communicarunt; et approbat, quod tradit Rituale Argentinense, nempe, non denegandam Extremam-Uncionem pueris septennibus, ac iis, in quibus malitia supplet aetatem, etsi ad septennium non pervenerint. Nec obstat textus allatus D. Thomae; nam ibi (ut ait ad 2) ab hoc Sacramento excludit tantum pueros impotes rationis, qui immunes sunt à peccatis actualibus.

Dubit. 4. An possit dari Extrema-Uncio infirmo adulto statim post Baptismum? Negat Sanctius apud Escob. n. 121. quia huic per Baptismum omnes reliquiae peccatorum jam fuerunt abstersae, sed communiter et rectè affirmant Laym. c. 8 n. 3. Suar. d. 4 sect. 3 n. 9. Renzi c. 2 q. 2. Diana p. 5 tr. 3 R. 82. cum Vega, Led. Sylvest. Fill. Palud. Hurt. etc. ap

Escob. n. 123. cum Molf. Præp. et Naldo. Ratio , tum quia verius per Baptismum non absterguntur reliquiae culparum actualium commissarum antè Baptismum , prout sunt torpor ad bonum , ac pronitas ad malum ; tum quia primarius effectus hujus Sacramenti non tam est remissio culparum , quàm corroboratio infirmi contra Dæmonis tentationes , ut dicunt Suar. d. 41 sect. 1 n. 1. Laym. c. 5 n. 2. Pal. p. 5 n. 5. Mazzot. p. 221 et alii ; idque inferunt ex verbis Apostoli : *Alleviabit eum Dominus.*

- 722 « 8. Minister est solus Sacerdos proprius , sive
 » Pastor : sine cujus venia si extrà necessitatem alius
 » det , validum quidem est , sed graviter peccat. Sylv.
 » Sot. Conc. d. 9 n. 28. * (Est commune , ut Suar.
 » Pal. Bon. etc. Salm. c. 5 n. 3. *An autem quisvis Sa-*
 » *cerdos possit hoc Sacramentum ministrare ob consen-*
 » *sum probabiliter præsumptum Parochi , vel ejus rati-*
 » *habitionem ? Negat Viva de Sacr. q. 6 a. 2 n. 3. cum*
 » *Laym. Dian. etc. Sed probabiliter affirmant Pal. p. 7 n.*
 » *4. cum Val. et Sa. ac Sal. c. 5 n. 4 cum Bon. et Dic. Vide*
 » *dicta de Euc. n. 235.)* et Religiosus incurrit excom-*
 » *municationem Papalem. Suar. Reg. l. 18 n. 40. * (Ex*
 » *Clementina 1 de Priv. § 1) * Posse tamen Regula-*
 » *res hoc Sacramentum , uti et Viaticum , in articulo*
 » *mortis suis familiaribus ministrare , docet Dian. p.*
 » *5 t. 3 R. 52 ex Mancino. etc. * (De hoc adest Bulla*
 » *apud Spor. n. 81. quæ incipit , Immarcescibilem ,*
 » *edita an. 1567 ubi S. Pius V. concessit Theatinis*
 » *conferre Extremam-Uncionem non solum Fratribus*
 » *et Clericis ipsius Congregationis , sed etiam mercena-*
 » *riis , operariis , servis , ac famulis ejusdem Congrega-*
 » *tionis , ac quibusvis hospitibus etiam secularibus , et*
 » *extraneis , quos in locis vel habitationibus dictæ Con-*
 » *greg. tunc reperiri contigerit in mortis articulo , et*
 » *quoties de illo dubitari contigerit , etiam licentia mini-*
 » *mè petita , nec obtenta Parochorum. Item Sixtus IV.*
 » *(apud Pitton. de Conf. n. 78.) concessit Regulari-*
 » *bus dare Eucharistiam et Extremam Uncionem suis*
 » *pœnitentibus , si Parochus injustè ea negaverit , vel*
 » *malitiosè distulerit.*

» In necessitate verò, ut si Pastor absit, vel dare nolit, ⁷²³
 » nec Superior possit adiri pro petenda licentia, licitè
 » ministrat quisvis non excommunicatus, aut suspen-
 » sus, etià Regularis, ut contra Gravanti. docent
 » Præpos. Henriq. Fern. Gran. Dian. p. 4 t. 3 R. 82
 » censetur enim tunc Papa dare licentiam. Laymann.
 » Reg. Suar. etc. l. c. Dian. R. 176. * (Ità etià com-
 » munitè Suar. d. 44 sect. 3 n. 3. Bonac. p. 4 n. 6.
 » Salm. c. 5 n. 5. Conc. p. 17 n. 3. Holzmann. n. 20.
 » Elbel n. 43. Fill. n. 90. Escob. n. 192. Pal. p. 7
 » n. 5. cum Val. Con. etc. item Bened. XIV. de Syn.
 » t. 2 p. 192. cum Torn. Juenin, Nat. ab. Alex. (con-
 » tra Sylv. Arm. et Vivald. apud Escob. n. 160.) Et
 » idem docuit S. Carolus Borrom. Act. Med. p. 4 ubi
 » concessit cuilibet Sacerdoti dare hoc Sacramentum,
 » deficiente Parocho. An autem Pastor excommuni-
 » catus possit Extremam Uctionem ministrare? Affir-
 » mant Possev. Dian. Victorell. et Leand. ap. Escob
 » n. 163. ac probabile putant ibid. Fill. et Vill.
 » Sed probabiliùs negant Suar. d. 44 sect. 3 n. 6.
 » Bon. p. 4 n. 4. cum Henr. et Escob. n. 165. qui
 » secùs ait de Pastore suspenso : et quidem probabili-
 » ter, si alius desit) *.

» 9. Sufficit Sacerdos sine ministro in necessitate, ⁷²⁴
 » nec in ea foemina adhibenda est; quod si tamen fiat,
 » veniale esse docet. Quint. t. 5 s. 6* (Proùt etià
 » dicit Escob. n. 211. *Ministrare autem sine Ministro,*
 » *nullum esse peccatum, etià remota necessitate,*
 » *dicunt* Bon. p. 6 n. 6. et Escob. n. 208. cum Host.
 » et Poss. etc. Sed probabiliùs non excusat à veniali
 » Dian. p. 9 t. 6 R. 46. Tol. l. 7 c. 2 et Graff. Dic.
 » apud Escob. n. 106. ex Rituali Rom. ubi dicitur :
 » Convocatis Clericis, saltèm uno, etc. * (In ea posset
 » etià unus unam, alius aliam partem inungere, pro-
 » nunciando tamen formam illi unctioni responden-
 » tem. Bon. l. c. etc. comm. * (Ità etià Salm. c. 4
 » n. 6. cum communi, Suar. d. 43 sect. 2 n. 4. Pal.
 » pag. 7 n. 7. cum Con. et Spor. n. 82. *Hoc tamen*
 » *intelligendum cum A.A. citatis, licere in solo casu*

» *necessitatis, scil. si timetur infirmus decessurus, aliòde*
 » *esset mortale; quia contra usum Ecclesiæ, ut rectè*
 » *advertit Bon. p. 4 n. 8. cum communi. Certum est*
 » *autem sufficere unum Sacerdotem ad ministrandum*
 » *hoc Sacramentum, ut docet D. Th. et alii commun.*
 » *apud Croix num. 2100. et patet ex c. Quæsit. de*
 » *Verb. sign. ubi: Sacerdos uno præsentè Clerico,*
 » *et etiàm solus potest infirmum ungere. Græci autem*
 » *adhibent septem Sacerdotes (ut ait Arcud. sed Be-*
 » *nedictus XIII. concessit eis an. 1724 posse ungere*
 » *unum, si 7 vel 3 haberi non possint.)* * Non tamen
 » posset unus inungere aliquem sensum, et alius for-
 » mam pronunciare * (Ut etiàm Salm. c. 5 n. 6. cum
 » Dic. et communi) *, neque unus unum oculum,
 » et alter alterum. Vid. Dian. p. 9 t. 7 R. 56. Quod
 » si Sacerdos non possit progredi, supplenda erunt
 » per alium, quæ restant. Tan. Præp. Merat. qui ap.
 » Dian. p. 5 t. 3 R. 87 notat, licere etiàm alteri unc-
 » tiones ab initio repetere, perindè ac si prior nul-
 » lam earum inchoasset. * (Sed meliùs: *Quandò Sa-*
 » *cerdos inter unctiones deficit, si statim aliùs eas sup-*
 » *pleat, non sunt iterandæ priùs factæ, ut Bon. p. 4*
 » *n. 9. Cum D. Thom. Poss. Fill. Molf. et S. Carolo*
 » *Borrom. Act. Med. p. 4. Secùs si unctiones ab aliò*
 » *suppleantur post aliquam notabilem moram (puta post*
 » *quadrantem); tunc enim omnes unctiones sub condi-*
 » *tione repeti debent; iud rectè ait Croix, cum Aversa,*
 » *Merat. et Nunno.)* *

725 Dubit. hñc, an Sacerdos incurrat irregularitatem,
 si ægrotus decedat, dum Sacerdos curat eum revol-
 vi ad innugendum? Rectè negant Bonac. p. 4 n. 10.
 cum Possev. Soto, etc. et huic congruit id quod
 dicunt Salm. de Censur. c. 8 n. 33. cum Córnejo, ex
 eod. Bon. de Irreg. d. 7 q. 4 p. 7 n. 12. cum Suar-
 Ugol. et communi, nempe quod irregularitas non
 incurritur nisi per delictum, à quo est immunis qui
 officium charitatis exercet.

726 » 10. Etsi in administratione hujus Sacramenti ser-
 » vanda sint omnia præscripta in Rituali, Agenda,

- » vel Manuali, mortale tamen non esse administrare
- » in necessitate sine superpelliceo, vel stola, docent
- » Quint. et Leand. conceditque Amic. et Dian. p. 8 t.
- » 1 R. 79. Id excusat ab omni peccato, si infirmus
- » non sit capax alterius Sacramenti, et ista haberi non
- » possint, contra Suar. Regin. etc. »

Quæritur, an peccet mortaliter Sacerdos, ministrando Extremam-Uncionem sine vestibus præscriptis, nempe superpelliceo, et stola? Si non urgeat necessitas, certum est, eum graviter peccare: dubium est, quandò urgeat necessitas. *Prima* sententia affirmat, et hanc tenent Suar. d. 44 sect. 2 n. 7. Pal. p. 8 n. 11. Spor. n. 120. Elbel n. 46. et Bon. p. 6 n. 9. cum Naldo, et aliis; quia reverentia Sacramenti præferenda est cui-libet utilitati privatæ. *Secunda* verò sententia etiàm probabilis negat, et hanc tenent Croix n. 2116. Diana p. 9 t. 6 R. 46 cum Leand. et Escob. n. 220. cum Possev. et Quintanad. casu quo vestes deessent, et infirmus decederet sine Sacramento, quia, licet Sacramentum hoc non sit necessarium, est tamen valdè utile, undè non præsumitur Christus, qui illud instituit ad subsidium infirmorum in ultimo agone pugnantium, voluisse eos, ne vestes omittantur, tanto bono privari. Vide dicta in simili casu de Euchar. n. 41. v. Ministrari.

- Imò etiàm extrà necessitatem non esse mortale. 727
- 1. Omittere Psalmos pœnitentiales, Litanias, et
- cæteras preces, docent Pal. et Gran. Dico, extrà,
- quia in necessitate gravi, v. gr. tempore pestis, vel
- » morte imminente, statim ungendus est sine præmis-
- » sis orationibus, quæ tamen postea supplendæ sunt
- » si supervivat infirmus. Bon. d. 7 p. 6 n. 8 »

Hic distinguendum: Omittere Orationes in Rituali præscriptas, extrà casum necessitatis, sine dubio est mortale, ut rectè dicunt Tamb. de Sacram. l. 6 § 4 n. 1. Pal. p. 8 n. 15. Elbel n. 46. ac Bonac. p. ult. n. 7. Dixi *extrà necessitatem*, nam si periculum mortis immineat infirmo, jam præscribit Rituale, quod infirmus *cito ungatur...et deindè (si...supervivat) dicantur*

tur Orationes prætermisſæ. Idem probabiliter dicunt Salm. c. 5 n. 12. cum Pal. Suar. Dic. et communi, si Sacerdoti imminet periculum contagii. Omittere autem Psalmos poenitentiales, et Litanias, dicunt Bon. l. c. Pal. p. 8 n. 14. et Escob. n. 217. non esse peccatum mortale, et Elbel n. 46. expreſſè dicit esse veniale. Sed probabilius puto cum Tamb. præfatas preces esse tantum de consilio, dum nullibi habetur de ipsis præceptum. In Rituali de eis sic tantum dicitur: *Dum infirmi sacro liniuntur Oleo dicuntur flexis genibus ab adstantibus.*

- 728 2. Deferre ad ægrum, vel administrare sinè lumine. Leand. citans Pos. Quintan. to. 5 sect. 13 Barb. de Offic. Paroch. c. 22. * (Ità etià Dian. p. 9 tr. 6 R. 46 et Escob. n. 214 probabiliter dicunt esse tantum veniale.) * 3. Si solus sine ministro administret: imò hoc in necessitate permittunt Tol. Sa, etc. V. Dian. pag. 9 tract. 6 R. 36 (vide dicta n. 724.) * 4. Si ungat aliter, quàm in formam crucis Suar. Bec. Layman. V. Dian. pag. 3. tract. 4 res. 178* (*Commune est esse tantum veniale omittere signum Crucis inter ungendum; ità Layman. cap. 3 in fine, Suar. d. 40 sect. 2 n. 3. Pal. p. 3 n. 2. Bonac. p. 2 in fine, Viva art 1 n. 3. Holzm. n. 12 Salm. c. 2 n. 14 et Escob. num. 99 cum Con. et Zambr. Imò Escob. putat nec etià esse veniale: sed huic non consentio, nisi necessitas urgeat. Hic etià advertendum id, quod præscribit Rituale, videlicet: Si alius Presbyter, vel Diaconus haberi possit., qui oleum sanctum deferat, per ipsum deferatur: qui superpelliceo indutus cum oleo sacro occultè delato sequatur Sacerdotem viaticum portantem, et postquàm infirmus viaticum sumpserit, inungatur à Sacerdote. Prætereà Layman. et Tambur. apud Benedict. XIV. de Syn. tom. 2 pag. 208 (*quibus ipse adhæret*) permittunt Sacerdoti interrompere Missam ad dandam Extremam-Unctionem, si infirmo nullum aliud Sacramentum conferri potest: quia si ille est sufficienter attritus, primam gratiam obtinere potest.) **

» 11. Pastor ratione officii tenetur sub mortali dare
 » iis qui petunt, nisi justa causa excuset, etiã tem-
 » pore pestis, modò possit absque periculo vitæ; cum
 » eo enim non tenêri, docent Tan. Dian. p. 5 t. 3 res.
 » 93. Si peste infecti sint confessi, posse sine peccato
 » omitti absolutè, docet idem Dian. p. 8 tr. 4. R. 174 et
 » p. 5 tr. 3 res. 83 et 93 et p. 8 tr. 1 res. 21 ex Vil.
 » Tann. Amic. Frane. Lugo, etc. Suar. Fill. Con. Bon.
 » Laym. ll. cc. * (*Regulariter igitur non tenetur Pastor*
 » *cum periculo vitæ dare hoc Sacramentum, nisi infir-*
 » *mus à longo tempore sit confessus, et verisimiliter*
 » *conseat esse in mortali*; ità communiter Suar. d.
 » 44 sect. 3 n. 20. Conc. p. 17 n. 4. Pal. p. 8 n. 5.
 » Holzm. n. 21. Spor. n. 86 et alii passim. Salm. verò
 » dicunt, nisi Parochus certè sciat ægrotum esse in mor-
 » tali: sed melius alii dicunt, nisi probabilius id sciat,
 » juxta dicta n. 624.) *

» 12. Sacerdos curatus peccat mortaliter, si peten-
 » tem negligat inungere, vel differat cum probabili
 » periculo, ne sine unctione moriatur æger, nisi justa
 » causa excuset, quia in re gravi non præstat id, ad
 » quod tenetur ex justitia. * (Ità comm. Salm. c. 5 n.
 » 7 et Viva art. 2 n. 4.) * Alius verò Sacerdos, si, ab-
 » sente Parocho, licitè, et facilitè possit, tenetur ex
 » charitate, sed sub veniali tantùm. * (Ità etiã com-
 » muniter Laym, c. 7 n. 3. Pal p. 8 n. 6. Spor. n. 85
 » cum Mastr. et Salm. c. 5 n. 9 cum Diana, contra
 » Aversa, qui putat tenêri sub gravi.) * Nisi tamen
 » ægrotus valdè indigeret; v. gr. si alioqui sine om-
 » nibus sacramentis esset moriturus, quòd aliud nul-
 » lum suscipere possit; tunc enim quidem graviores
 » obligationem agnoscere videntur. Vid. Dian. p. 3
 » tr. 4. R. 170. Laym. l. 5 t. 8 c. 7 n. 3. * (Ità pariter
 » cum communi Salm. d. n. 9 contra Hurt. apud Vi-
 » vam n. 4.) *

» 13. Parocho vesperi timenti, ne noctu vocetur,
 » ad ægrum; non licet retinere domi sacrum oleum,
 » ut vocatus possit venire expeditius, licet venialem
 » culpam in eo tantùm agnoscat Barbos. de Par. c. 22

» ex Possev. * (Ità etià Escob. n. 226 *si Parochus*
 » *oleum servet, ut commodius illud deferat ad infirmum.*
 » *Sed probabiliter dictu Croix n. 2114 cum Arriaga, et*
 » *Gob. in hoc non peccare Parochum, si crederet noctu*
 » *se vocandum; et periculum foret, ne vocatus serò ve-*
 » *niret.*) * item Quintan. tr. 5 l. 10 ubi tamen à mor-
 » tali non audet excusare eum, qui semper domi re-
 » tineret. * (cum Escob. d. n. 226) *

731 » 14. Decens est, ut stупpa comburatur: quia ad
 » singulas unctiones nova adhibenda est, nisi aliud
 » habeatur in Agenda. Laym. l. c. Sa. * (In Rituali sic
 » habetur; Minister si est in Sacris, vel ipse Sacerdos
 » post quamlibet unctionem tēgat loca inuncta novo
 » globulo bombacis vel rei similis, eaque in vase mun-
 » do reponat, et ad Ecclesiam postea deferat, com-
 » burat, cineresque projiciat in Sacrario.) *
 » Resp. 2. Effectus ejus principalis est, roborare
 » animam contra tentationes dæmonis in morte. Se-
 » cundarius est, 1. delere reliquias peccatorum, * (*seu*
 » *partem juxta dispositionem susipientis:*) * 2. Tollere
 » pœnas restantes * (non verò omnes, ut D. Th. suppl.
 » q. 30 art. 1. Laym. c. 5 n. 3. Pal. p. 5 n. 9 et Salm.
 » c. 3 n. 5.) * 3. Aliquando etià sanitatem corporis
 » conferre, si expediat. S. Th. Sylv. Suar. d. 41 sect.
 » 1 (ut in Trid. sess. 14 c. 2 ubi: Et sanitatem cor-
 » poris interdum, ubi salutis animæ expedierit, con-
 » sequitur.) * *

Commune est inter DD. per hoc Sacramentum re-
 mitti peccata. tam venialia, quàm mortalia, si hæc
 infirmus invincibiliter ignoret, habeatque attritionem,
 quâ auferatur obex peccati, ità S. Th. suppl. q. 30 art.
 1 ubi ait. (Sed quia hoc robur gratia facit, quæ secum
 non compatitur peccatum, ideo ex consequenti, si
 invenit peccatum aliquod, vel mortale vel veniale,
 quod culpam tollit ipsum, dummodò non ponatur
 obex ex parte recipientis; sicut de Eucharistia, et
 Confirmatione supra dictum est). Sequuntur S. Doc-
 torem, Bellarm. de E. U. c. 8. Pal. p. 5 n. 4. Holzm.
 n. 36. Mazz. t. 3 p. 221. Salm. c. 3 n. 2 cum Suar. Val.

Laym. Coninek. Bon. etc. ac Croix n. 2119 cum Arcud. et Aversa, contra aliquos. Idque clarè colligitur ex verbis D. Jacobi : Et, *si in peccatis sit, remittentur ei.* Ac ex Triden. sess. 14 c. 2 ubi : *Cujus unctio delicta, si quæ sint adhuc expianda, ac peccati reliquias abstergit.*

Utrum autem peccata mortalia huic infirmo remittantur per se, vel per accidens? *Prima* sententia, quam tenent Gonet t. 6 p. 479. Petroc. t. 4 p. 198. Holzm. l. c. Spor. n. 104. Mazz. p. 221 et Soto apud Tourn. t. 9 p. 410 q. 1 dicit, remitti per accidens, quia, cum hoc sit Sacramentum vivorum, non potest nisi per accidens mortalia delere. Et huic sententiæ videtur favere D. Th. l. c. dicendo, quod hoc Sacramentum remittat peccata, sicut Eucharistia, et Confirmatio, quæ certè per accidens remittunt. *Secunda* verò sententia probabilior, et communior, quam tenent Tourn. l. c. Merbes. q. 23. Habert t. 6 p. 525. Salm. c. 3 n. 3 cum Suar. Pal. Con. Val. etc. dicit, Extremam-Uncionem remittere mortalia per se, etsi consequenter. Ratio, est, quia, licet hoc Sacramentum sit vivorum, tamen ex institutione divina peccata remittit, ut patet ex verbis Apostoli ut suprà; et confirmatur ex Trid. sess. 14. Can. 2 ubi : *Si quis dixerit, sacram infirmorum unctionem non conferre gratiam, nec remittere peccata, nec alleviare infirmos...anathema sit.* Et improbabiliter, ait Bellarm. cum D. Th. et aliis communiter, aliquos nomine *peccatorum* intelligere sola venialia. In hoc autem differunt Baptismus, et Pœnitentia ab Extrema-Uncione, quia illa principaliter instituta sunt ad delendum peccatum actuale, vel originale; Extrema verò unctio (ut docet D. Th.) principaliter est instituta ad tollendas reliquias peccatorum, nempe debilitatem, et ineptitudinem, quæ ex peccato actuali relinquuntur; sed quia, cum in anima reperitur peccatum, non possunt tolli reliquiæ, nisi prius tollatur peccatum; ideo ex consequenti hoc Sacramentum peccatum auferit.

An autem principalis effectus hujus Sacramenti sit

24p Lib. VI. Tract. V. De Extrema-Uñct., et Ordine.

remissio peccatorum, saltèm venialium? Affirmant Holzm. n. 36 cum S. Bonav. Scoto, et aliis Scotistis communiter; item Navar. Vasq. Sa, et Major apud Escob. n. 170. Sed alii communissimè, et probabiliùs dicunt, principalem effectum hujus Sacramenti esse, remittere reliquias peccatorum ut suprà, nam aliàs qui non haberet actualia peccata, non esset capax principalis effectùs illius, quod est falsum. Ità S. Th. I. c. quem sequuntur Gonet p. 475. Pal. p. 5 n. 3. eum communi, ut asserit, et Escob. n. 178. cum Suar. Soto, Palud. Filliuc. etc.

73a « Hujus Sacramenti non sunt capaces, 1. Pueri,
» antè usum rationis: etsi sufficiat ea ætas, quâ pos-
» sunt peccare. Navar. Suar. I. c. 2. Perpetuò amen-
» tes; aliis verò delirantibus, si antè petiverint, aut
» petitori fuissent, si cogitassent, aut ostenderint
» signum doloris, dari potest, et debet, Sylvest. Henr.
» Laym. * (*Et sic habetur in Rituali, ubi dicitur: Infir-*
» *mis autem, qui dum sana mente, et integris sensi-*
» *bus essent, illud petierunt; seu verosimiliter pe-*
» *tiissent, seu dederint signa contritionis, etiàmsi*
» *deindè loquelam amiserint vel amentes effecti sint,*
» *vel delirent, aut non sentiant, nihilominùs præ-*
» *beatur. Amentes autem benè ungi possunt, si habent*
» *lucidum intervallum,* ut D. Th. qu. 32 a. 9. *In dubio*
» *autem, an æger habuerit umquam usum rationis, etiàm*
» *ungendus est. (intellige sub conditione) ut rectè ait*
» Croix n. 2111. cum Rayn. Dian. Avers etc. *Et sic*
» *dicendum de obriis deficientibus, nisi constent esse*
» *in mortali,* ut Croix n. 2110. cum Gob. et Lohn. ex
» Rituali, ubi: Impœnitentibus, et qui in manifesto
» peccato mortali moriuntur, et excommunicatis pe-
» nitùs (*Sacramentum*) denegetur. *Possunt etiàm ungi*
» (*ait Croix d. n. 2110. cum Con. Tamb. et Lohn.*
» *vulnerati in rixa, quia præsumuntur conteri in illo*
» *extremo statu. Tempore autem, interdicti vetitum est*
» *ministrari hoc Sacramentum, ex c. Quod in te, de*
» *pæn. et remiss.)* * Et si tales unctioni resistent, li-
» gandos esse, vel fortiter tenendos, ait Tamb. apud

» Dian. p. 5 tr. 3 res. 84 qui cum Barbos. de Offic.
 » Paroch. c. 22 dicit esse necessarium, quandò phre-
 » neticus non potest aliud Sacramentum suscipere.
 » * (Et huic congruit id, quod addit Rñ., dicens: Si
 » infirmus, dum phrenesi aut amentia laborat, ve-
 » risimiliter posset quidquam facere contra reveren-
 » tiam Sacramenti, non inungatur, nisi periculum
 » tollatur omninò.) *

» Muti, surdi, et cæci à nativitate sunt capaces,
 » atque adeò debent inungi propè organa sensuum,
 » quibus carent: etsi exterius per illa non peccarint,
 » potuerunt tamen peccare per interiores potentias,
 » quibus illa respondent. Possev. Nald. Præpos. Dian.
 » p. 5 t. 6 R. 11. (ità etià S. Th. q. 32 art. 7 et Salm.
 » cum communi) contra Croix n. 1875. cum Gob. etc.
 » (et idem docuit S. Carolus Borrom. Act. Med. p. 4.) *

» 3. Non suscipere hoc Sacramentum, per se lo-⁷³³
 » quendo, secluso scandalo, et contemptu, non est
 » peccatum mortale. Ità Suar. Laym. Tan. Escob. etc.
 » (multò minùs peccant mortaliter domestici, si id
 » non procurent). Veniale tamen esse docent Con.
 » d. 19 dub. 20 contra Nugnum. Vid. Dian. p. 3 t. 4
 » R. 170 et p. 8 t. 1 R. 58 et p. 5 t. 3 R. 97, ubi notat
 » ex Tann. non censi contemnere, qui sciens pru-
 » dens omittit tempore apto, et oblata commoditate,
 » Contrarium tamen vult Tol. præsertim, si proba-
 » biliter deinceps non sit futura commoditas. *

Quæritur, an sit obligatio sub gravi suscipiendi hoc
 Sacramentum? *Prima* sententia affirmat, et hanc te-
 nent Conc. p. 20 n. 7. Merbes. p. 260 qu. 10. Habert
 t. 6 p. 541. Ronc. p. 122 q. 7 item S. Bon. et P. Soto apud
 Escob. n. 55. Diversà tamen hi AA. ratione utuntur;
 Ronc. quia videtur talis infirmus graviter delinquere
 contra charitatem sui ipsius. Alii verò, quia verba Apo-
 stoli *Inducat Presbyteros*, præceptum inducunt. *Secunda*
 verò sententia communis (ut fatetur ipse Merbesius)
 et satis probabilis negat, eamque tenent Suar. dist.
 42 sect. 1 n. 2. Nav. c. 22 n. 16. Bon. part. 5 n. 10.
 Holzm. n. 31. Viva art. 2 n. 4. Croix n. 2113. Spor,

n. 106. Elbel. n. 51. Pal. part. 8 n. 1. cum Palud. Cov. et Dom. Soto, Escob. n. 56. cum Caj. Sylvest. Vict. Arm. et Gabr. ac Salm. cap. 4 n. 10. cum Gon. Sa, Val. et Henr. item Estius, Sylvius, et Sambov. apud Habert l. c. ex D. Th. in 4 dist. 23 qu. 1 art. 1 qu. 3 ad 1 ubi ait Sacramenta tam Confirmationis, quàm Extremæ-Uncionis, *non esse de necessitate salutis*. Ratio, quia talis obligatio non habetur neque ex vi institutionis hujus Sacramenti, cum non sit necessarium ad salutem, sed tantum utile, et ad melius esse; neque ex præcepto divino, cum communiter Theologi verba Apostoli non interpretentur de præcepto, sed de consilio. Undè, cum hoc Sacramentum sit tantum ad majorem utilitatem institutum, non videtur charitas erga seipsum ad illud obligare sub gravi; charitas enim non obligat sub gravi præcepto ad id, quod melius est. Hoc tamen non obstante, prima sententia etiàm probabilis, et omninò suadenda mihi apparet, non tam ratione præcepti, quia de eo saltem non constat, quàm ratione charitatis erga seipsum; nam licet moribundus possit aliis præsidiiis se roborare; tamen in tali statu constitutus, ex una parte cum magna difficultate ad bonos actus se valet excitare, cum ob mentis oppressionem vires propriæ tunc sunt debiliores; et ex altera vehementiores sunt (ut ait Tridentinum) Dæmonis insidiæ; undè ingenti periculo se exponere videtur tentationibus succumbendi qui negligit se munire hoc Sacramento à Christo Domino instituto, tamquàm firmissimo præsidio in tanto conflictu.

Omnes tamen conveniunt, quod per accidens posset infirmus peccare mortaliter, omittendo suscipere hoc Sacramentum, scilicet primò, si omitteret habens conscientiam peccati mortalis, et non posset aliud Sacramentum recipere; ità communiter Palaus p. 8 n. 3. et Salm. cap. 4 n. 13. cum Suarez, Aversa, et aliis passim; sed benè ajunt Suar. et Palaus, hunc casum vix accidere posse. Secundò, si omittendo, scandalum daret, puta si ratione circumstantiarum inducerentur alii ad suspicandum, quod ipse sit hære-

ticus, vel ad nihili faciendum hoc Sacramentum; ita Salm. n. 12. Holzm. n. 31. et Pal. n. 3. cum Suar. Sa, Con. Laym. Bon. et communi. Tertiò, ratione contemptus, ut communiter DD. præfati, et patet ex Trident. sess. 14 c. 3 in fine, ubi; *Nec verò tanti Sacramenti contemptus absque ingenti scelere... esse posset*; Utrùm autem, qui sciens et volens negligit hoc Sacramentum suscipere, dicatur contemnere? Affirmant Merbesius, et alii. Sed negant communiùs et probabiliùs Suarez n. 6. Salm. n. 11. Pal. n. 2 cum Sa, etc. quia is tantùm dicitur contemnere, qui illud negligit, quia parvi facit; non verò qui non vult suscipere ob aliquam repugnantiam, vel quia putat non esse in præcepto. Et huic congruit id, quod dixit Martinus V. in Bulla Constantiæ edita (ut refert Merb. d. q. 10) ubi dicit: *Hoc Sacramentum (nempè Extremæ Uctionis) neque negligi sine culpa, neque contemni posse sine peccato mortali*. Undè videtur Pontifex satis expressissè, quod contemptus hujus Sacramenti gravem quidem importet culpam, negligentia verò non plus quàm levem. Vide dicta de Sacram. Cónfir. n. 182. quæ huic Sacramento etiàm congruunt.

CAPUT II.

DE SACRAMENTO ORDINIS.

DUBIUM I.

Quid sit Ordo, quotuplex, et quæ ejus materia?

- 754 *Quid sit Sacramentum Ordinis, et quot sint Ordines? Et an prima Tonsura sit Ordo?*
- 755 *Quid sit Ordinatio, et quid Ordo? Et quinam sint effectus Ordinis? Definitio cujusvis Ordinis.*
- 756 *An singuli septem Ordines sint Sacramenta?*
- 757 *Sententia Auctoris.*
- 758 *An Episcopatus sit Ordo distinctus à Sacerdotio?*
- 759 *Quæ sit materia remota et quæ proxima hujus Sacramenti?*
- 760 *Dub. 1. An materia et forma Ordinis sint à Christo in specie determinata? (Remiss. ad n. 12. de Sacram.)*

744 Lib. VI. Tract. V. De Extrema-Unct., et Ordine.

741 Dub. 2. *An validè ordinetur Latinus per materiam Græcis assignatam?*

742 Dub. 3. *An requiratur contactus instrumentorum?*

743 Dub. 4. *An contactus physicus.*

744 *An ab eodem Episcopo debeat dici forma, et tradi materia? Et an ab eodem, qui confert Ordines, debeat Missa celebrari?*

745 *De materia cujusque Ordinis. An materia Acolythatus sit traditio urceolorum, vel candelabri?*

746 Qu. I. *Quæ sit materia, et forma Subdiaconatus?* Dub.

1. *An sit calix cum patena, vel liber Epistolarum?*

747 Dub. 2. *An calix, et patena debeant esse consecrata? Et an peccet graviter Subdiaconus ministrando in mortali? Remissivè ad n. 38.*

748 Qu. II. *Quæ sit materia, et forma Diaconatus?*

749 Qu. III. *Quæ sit materia, et forma Presbyteratus?*

750 Dub. 1. *An requiratur ad valorem traditio utriusque speciei, nempe vini, et hostiæ?*

751 Dub. 2. *An validè ordinetur qui tangit hostiam, et non patenam?*

752 Dub. 3. *An qui tangit calicem et patenam, sed non hostiam?*

753 Dub. 4. *An qui tangit solum calicem, sed non patenam?*

754 *Clericus exercens munus Ordinis majoris, quem non habet, incurrit irregularitatem. Quid si sit Laicus? (Remiss. ad n. 116.)*

755 *De Ordinatione Episcoporum. Et an ad valorem requiratur trium Episcoporum assistentia.*

756 *An Episcopus possit conferre Primam Tonsuram extræ suam Diæcesim?*

757 *Quid agendum in dubio, an Ordo sit collatus?*

758 *Quomodo supplendi sint defectus in Ordinatione commissi?*

759 *Et an supplendi tempore statuto ad Ordinationes?*

760 *Quinam Episcopus possit ordinare? (Vide etiã infrà h. n. 769.)*

761 *Quis sit minister Ordinis?*

762 Qu. 1. *An possit esse minister quivis Sacerdos ex concessione Papæ? An etiã ad conferendum Presbyteratum? Et an, ad conferendum Diaconatum, et Subdiaconatum?*

763 Qu. 2. *An Abbates possint conferre Tonsuram et Ordines minores, aut Litteras dimissorias concedere subditis suis non Religiosis?*

764 Dub. 1. *An possint Ordines conferre suis novitiis,*

- 765 *Et an novitii debeant ordinari ab Episcopo loci novitiatūs, etc.*
- 766 *Dub. 2. An Abbates ordinantes non subditos, validè ordinent?*
- 767 *An conferens Ordines minores in mortali, graviter peccet?*
- 768 *A quo Episcopo ordinari debeant Regulares?*
- 769 *Ordinatio fieri debet à proprio Episcopo, aliàs, etc.*
- 770 *Plura notanda ex Bulla Speculatores.*
- 771 *Quid si quis in una Diœcesi habeat originem, in alia domicilium, et in alia Beneficium?*
- 772 *Quid si quis casu alicubi nascatur?*
- 773 *Quid si quis habeat diversa domicilia?*
- 774 *Quomodo quis possit ordinari ab Episcopo Beneficii?*
- 775 *Dub. 1. An Episcopus Beneficii possit dispensare in interstitiis.*
- 776 *Dub. 2. An licitè Episcopus ordinet eum, cui confert Beneficium, ut possit eum ordinare?*
- 777 *Quid si quis in diversis Diœcesibus Beneficia habeat? Et an studiosi contrahant domicilium?*
- 778 *Quid requiratur, ut quis ordinetur ratione domicilii?*
- 779 *An Barones eorumque filii gaudeant domicilio feudorum? An Officiales domicilio loci, ubi degunt?*
- 780 *Quomodo possit quis ordinari ratione familiaritatis? Et an hoc titulo possint ordinari famuli famulorum?*

« **R**ESP. I. Ordo est Sacramentum, quo traditur po- 734
 » testas circà Eucharistiam ritè administrandam. Or-
 » dines universim sunt septem, Ostiariatus, Lectora-
 » tus, Exorcistatus, Acolythatus, Subdiaconatus,
 » Diaconatus, et Sacerdotium. Quod rursus est duplex.
 » minus, et majus, sivè Episcopatus. Undè quidam
 » octo numerant. Prima verò Tonsura non est Ordo,
 » nisi latè, sed tantum dispositio ad Ordines, per
 » quam quis fit Clericus, et capax Beneficii Ecclesias-
 » tici, ac privilegiorum Clericalium. * (Ità S. Th.
 » suppl. q. 40 art. 2 Bonac. q. un. p. 1. Pal. p. 2 n.
 » 2. Holzm. n. 48 cum Scoto, et Theologis commu-
 » niter, Salm. de Ord. tr. 8 c. 1 n. 26 cum Soto, Trull.
 » Nunno, etc. et Barb. de Pot. Ep. Alleg. 2 n. 18 cum
 » Vasq. Fill. Reg. et aliis (contra Cov. Fagn. et alios
 » Canonistas). Ratio quia Trid. sess. 23 c. 2 loquens
 » de Tonsura ait: Ut qui jam... Tonsura insigniti essent

» per minores ad majores ascenderent. *Ergò Tonsu-*
 » *ram inter Ordines non enumerat. Præterea Concilium*
 » *sess. 23 cap. 17 testatur hos solos Ordines ab*
 » *initio fuisse in Ecclesia, nempe à Diaconatu ad Os-*
 » *tlariatum.*)* Ex his tres posteriores dicuntur majores,
 » sive sacri, ob annexum votum solemne castitatis,
 » (etsi ordinatus per gravem metum, vel nimis blan-

» ditiis, et importunitate parentum probabiliter eo
 » non teneatur, nisi spontè ratificaverit. Sanch. disp.
 » 29. Azor. Fill. l. 10 c. 4 q. 3. Con. n. 150. Bon. De
 » Matr. q. 3 p. 9.) Reliqui minores, quos cum Vasq.
 » alii Sacramentum esse negant, alii cum Bel. Con.
 » Fill. etc. communius, et probabilius affirmant. Et
 » quidem unum, vel perfectione ac fine; vel unitate
 » attributionis. Vide Fil. tr. 9 d. 1. Bon. d. 8 q. 1. »
 Quod Ordo sit Sacramentum, definitum habetur
 in Conc. Trid. sess. 23. Can 3. ubi: *Si quis dixerit*
Ordinem, sive sacram Ordinationem, non esse verè,
et propriè Sacramentum à Christo Domino institutum...
anathema sit.

¶5 Quær. quid sit Ordinatio, et quid Ordo? *Ordinatio*
 est actio illa, per quam sacra potestas tribuitur:
Ordo autem melius definitur cum S. Th. *Est signacu-*
lum quoddam Ecclesiæ, quo spiritualis potestas tradi-
tur ordinato (adduntque communiter DD.) *in ordine*
ad Eucharistiam. Ordinatio autem est Sacramentum;
 Ordo verò effectus Sacramenti.

Dicitur autem Ordo ab effectu, quem causat; Ordo
 enim constituit ministros, qui duplicem peculiarem
 potestatem habent, unam *Ordinis* ergà corpus Christi
 reale, et mysticum simul, nempe conficiendi Eu-
 charistiam; et absolvendi à peccatis; alteram *Juris-*
ditionis ergà corpus Christi mysticum tantum.

Additur rectè *in ordine ad Eucharistiam.* quia om-
 nia alia ministeria non ad aliud communicantur,
 quàm ad disponendos fideles, ut Eucharistiam dignè
 recipiant, Salm. de Sacram. Ord. c. 1 n. 8.

Patet autem, Ordinem esse verè, et propriè Sacra-
 mentum, quia habentur in eo tria illa, quæ Sacramen-

ta constituunt; nempe 1. Signum externum, ex *Act. 6. v. 6. Et orantes imposuerunt eis manus.* 2. Promissio gratiæ ad ministerium, dum habetur 1. *Tim. 4 v. 14. Noli negligere gratiam, quæ data est tibi... cum impositione manuum Presbyteri.* 3. Habetur institutio Christi Domini ex eodem Apos. ad Ep. 4 v. 11 et 12. *et Ipse dedit quosdam... Apostolos... alios autem Pastores, et Doctores... in opus ministerii.* Et ex *Lucæ 22. Hoc facite in meam commemorationem.* Ubi licet tantum Sacerdotium fuerit ordinatum, in ipso tamen eminenter contenta fuit Ordinatio aliorum ministrorum, qui Sacerdotibus inserviunt.

Effectus hujus Sacramenti sunt. 1. Gratia sanctificans. 2. Gratia sacramentalis ad ministerium ritè exercendum. 3. Impressio characteris.

De fide est, in Ecclesia plures Ordines esse; ex *Trid. sess. 23 can. 2. Si quis dixerit, præter Sacerdotium, non esse in Ecclesia Catholica alios Ordines, et majores, et minores, per quos velut per gradus quosdam in Sacerdotium tendatur, anathema sit.*

Singuli autem Ordines sic definiuntur; et I. Ostiarius est Ordo, quo confertur alicui specialis potestas aperiendi et claudendi januam Ecclesiæ, ac admittendi dignos excludendique indignos. II. Lectoratus est Ordo, quo confertur alicui specialis potestas legendi Psalmos, et Lectiones ex pulpito in Ecclesia, ac populum catechizandi seu instruendi in rebus fidei. III. Exorcistatus est Ordo, quo alicui confertur specialis potestas ejiciendi Dæmonia. IV. Acolythatus est Ordo, quo confertur alicui specialis potestas in Missa solemnè Subdiacono inserviendi, accendendo cereos, præparando et porrigendo illi ampullas vini et aquæ. V. Subdiaconatus est Ordo, quo confertur alicui specialis potestas in Missa solemnè inserviendi Diacono, et solemniter canendi Epistolam. VI. Diaconatus est Ordo, quo confertur alicui specialis potestas in Missa solemnè immediatè assistendi Presbytero, et solemniter canendi Evangelium. VII. Presbyteratus, sive Sacerdotium est Ordo, quo confertur alicui specialis potestas consecrandi corpus, et sanguinem

Christi, absolvendi quoque à peccatis, et pascendi subditos opere ac doctrinâ. VIII. Episcopatus est Ordo, quo confertur alicui specialis potestas confirmandi fideles, et ordinandi ministros Sacramentorum (id est ministros sumendo latius, id est non solum pro iis, qui Sacramenta conficiunt, sed etiam pro iis, qui conficientibus ex officio ministrant), nec non consecrandi res ad divinum cultum pertinentes. Prima autem Tonsura est Ritus sollemnis ecclesiasticus, consistens in levi detonsione capillorum cum certis verbis, per ministrum idoneum celebratus, ex institutione Ecclesiæ significans, masculum baptizatum à statu laicali in sortem Domini, et statum Clericalem transferri.

36 Quæstio autem celebris est, an singuli septem Ordines sint Sacramenta? Adsunt quatuor sententiæ. I. sententia universæ affirmat, et hanc docet D. Th. 3 p. q. 37 art. 2 ad. 1 et art. 3, quem sequuntur Sanch. Cons. l. 7 c. 1 dub. 7 et 8. Bon. p. 1 n. 2. Bellarm. de Ord. c. 8. Gonet. d. 2 art. 1 et Salm. c. 1 n. 14 cum Gabr. Gran. Lez. et aliis pluribus. II. sententia dicit, solum Sacerdotium esse Sacramentum, et sic tenent Durand. Cajet. et probabilem putant Sotus, et Victor. ap. Salm. c. 1 n. 13. III. verò sententia dicit, esse Sacramenta tantum tres Ordines majores; ita Nav. c. 22 n. 18 et Sotus, ac Vasq. apud Salm. d. n. 13 atque probabilem putat Sanch. de Matr. l. 7 d. 3 n. 27. IV. demum sententia dicit, solum Presbyteratum, et Diaconatum esse Sacramenta, et hanc tenent Tournely t. 10 p. 248. Cabassut. T. J. l. 3 c. 16 n. 3 et Habert. to. 7. p. 166 R. 3 cum Gratian. Mag. sent. et Estio, ac probabilem vocat Sotus.

Circà has sententias meum proferam judicium. Sententia I. est probabilis. Ratio, quia Eugenius IV in Decreto ad Armenos (quod affert Croix l. 6 p. 2 nu. 2128) dicit materiam Sacramenti Ordinis esse illud, per cujus traditionem confertur Ordo; et deindè explicat, calicem cum vino, et patenam cum hostia esse materiam Presbyteratus, librum Evangeliorum Dia-

gonatûs, calicem vacuum cum patena vacua Subdiaconatûs, et res alias assignatas aliorum quatuor Ordinum. Quo Decreto cum prædictus Pontifex declaret, omnes Ordines ultrà sacros habere propriam materiam pro Sacramento, consequenter declarat, omnes alios Ordines esse Sacramenta. Nec obstat, quod minister ordinationis sit solus Episcopus, ut dicitur in Trid. sess. 23 c. 4 et 7. Nam respondetur, quod hoc intelligatur de ministro ordinario, non autem extraordinario, quem Papa benè potest deputare ad hujusmodi Ordines conferendos, ut dicunt Salm. c. 4 n. 19 cum Soto, Sanch. Pal. et aliis communiter, ex D. Th. qui id expressè docet suppl. q. 38 art. 1 ad 3. Et de facto habetur ex eod. Trid. Sess. 23 c. 10 quod Abbates possint Ordines minores conferre; vide dicenda n. 763. Sententia II. quæ dicit, solum Sacerdotium esse Sacramentum, non est mihi et aliis communissimè satis probabilis ex iis, quæ mox dicam, loquendo de quarta sententia. Sententia III. pariter ac prima est probabilis. Sed mihi probabilior est IV. sententia, quæ docet, tantùm Sacerdotium, et Diaconatum esse Sacramentum, non verò alios Ordines.

Prima pars, quod non solum Sacerdotium, sed etiam Diaconatus sit Sacramentum, probatur, quia in ordinatione Diaconi concurrunt tria, ut diximus sufficientia ad Sacramentum, nempe 1. Signum sensibile, scilicet impositio manuum. 2. Institutio divina, nam Conc. Trident. definivit: *Si quis dixerit in Ecclesia Catholica non esse Hierarchiam divina ordinatione institutam, quæ constat ex Episcopis, Presbyteris, et ministris, anathema sit.* Per Tò ministris saltèm Diaconi intelligendi sunt divina ordinatione instituti. 3. Concurrit promissio gratiæ, quam significant verba Episcopi. *Accipe Spiritum Sanctum ad robur, etc.* Quæ verba habent rationem formæ, et verè producunt gratiam, ut scripsit Anastasius Papa II. in Epist. ad Anast. Imper. c. 7 ap. Cabassut. l. c. utque clarè infertur ex Tridentino sess. 23. Can. 4 ubi habetur: *Si quis dixerit, per sacram Ordinationem non dari Spiritum*

Sanctum, ac proinde frustra *Episcopos dicere : Accipe Spiritum Sanctum*. *anathema sit*. Ergò cum in Ordinatione Diaconi jam dicat Episcopus, *accipe Spiritum Sanctum etc.* vere Spiritus Sanctus datur, et per consequens confertur Sacramentum.

Secunda autem pars, nempe quod alii Ordines minores, et Subdiaconatus non sint Sacramenta, probatur, quia pro his deest materia, et forma Sacramenti Ordinis; deest quidem materia, quia deest impositio manuum, quæ est sola materia hujus Sacramenti; juxta probabilior sententiam, quam tenuimus de Sacram. in gen. n. 12 et fusiùs probabimus hic n. 749. Qu. III. Deest etià forma Sacramenti; in horum enim Ordinum collatione nulla adest forma quæ exprimat productionem gratiæ, sed tantum fit mentio potestatis, quæ traditur. Nec obstat dicere, quod nullus ex septem Ordinibus iterari possit; ergò in singulis imprimitur character, qui imprimi non potest, nisi per Sacramentum. Nam respondetur, nec consecrationes Ecclesiarum iterantur, neque ideò characterem imprimunt, nec sunt Sacramenta. Nec obstat, quod Clemens. l. 8. Constit. c. 21 dicat, in Ordinatione Subdiaconorum hanc fieri Orationem: *Tribue eis, Domine, Spiritum-Sanctum, ut dignè vasa Domini attrerere valeant*. Nam respondet Tourn. pag. 252, quod idem Clemens antea retulisset, eandem dici Orationem super Diaconissis, quæ certè Sacramentum Ordinis suscipere non poterant. Sed hodiè hæc oratio neque dicitur.

- 938 Quæritur deinde An Episcopatus sit Ordo distinctus à Presbyteratu. Negant S. Thom. S. Bonav. et alii, qui dicunt, esse extensionem Ordinis Presbyteratûs. Sed communiùs affirmant Bellarm. Tourn. Habert. Sanch. Val. Aversa, etc. tum quia in ipso traditur distinctus character, et specialis potestas ad Eucharistiam, nempe constituendi hujus Sacramenti ministros. tum quia Ordo Episcopatûs confertur per manuum impositionem, et per formam, *Accipe Spiritum-Sanctum, etc.* Nec obstat dicere, quod, si Episcopatus

esset distinctus Ordo , posset Episcopus validè saltèm ordinare , licet non esset Sacerdos ; nam respondetur , quod hoc ordinatione divina requiratur , sicùt requiritur , ut sit baptizatus qui vult confirmari , aut ordinari.

« Resp. 2. *Materia remota* Ordinum est aliquod⁷³⁹
 » instrumentum traditum ordinandis in signum po-
 » testatis spiritualis ; *proxima* est ejusdem traditio ,
 » et acceptio , cujus contactum physicum , et im-
 » mediatum , etsi non esse essentialem aliqui proba-
 » biliter doceant cum Sa, Henr. Reg. Laym. Dian to. 4
 » de Sacram. n. 185 et aliis , quos citat : contrarium
 » tamen communius est , ac tutius , ut altera saltèm
 » manu tangatur ; imò ex præcepto ad scrupulum vi-
 » tandum , utraque manu ; et quidem omnia ; v. gr.
 » calix cum patena , hæc cum hostia , ut docet Fill.
 » idquè simul cum prolatione verborum Episcopi ;
 » v. Laym. l. 5 to. 9 c. 5. Bonac. d. 8 p. 1 punct. 3.
 » V. Dian. p. 8 to. 1 R. 40 et 42.

Dubitatur hîc 1, An materia , et forma Sacramenti⁷⁴⁰
 Ordinis fuerint à Christo Domino in specie determi-
 natae ? Vide dicta de Sacram. in gen. n. 12 , ubi dixi-
 mus , probabilius esse , omnes materias Sacramento-
 rum , quoad substantiam etiàm formas fuisse à Christo
 in specie determinatas , cum Juenin , Petrocor. Ha-
 bert , Concina , Merbes. Contin. Tourn. , et aliis plu-
 ribus ex D. Thoma.

Dubitatur 2. An validè ordinaretur Latinus per⁷⁴¹
 materiam Græcis assignatam , nempè per solam ma-
 nuum impositionem , et è converso ? Affirmant Suar.
 Vasq. Dic. Escob. apud Croix l. 6 p. 1 n. 16. v. Ins.
 quia , cum Ecclesia sit una , uniformia quoque de-
 bent esse Sacramenta. Negat verò ipse Croix cum Ar-
 riaga , et aliis , qui ex determinatione Ecclesiæ mate-
 ria Græcis assignata non habet vim significandi id
 quod significat materia assignata Latinis. Utraque est
 probabilis , sed prima est probabilior juxtà nostram
 sententiam allatam eod. n. 12 de Sacram. in genere ,
 ubi diximus , solam manuum impositionem , quæ

communis est tam Græcis quàm Latinis, esse materiam essentialem Sacramenti Ordinis; traditionem autem instrumentorum esse tantum materiam integram. Si autem Latinus ordinetur formâ græce prolatâ, vel è converso, proculdubio valida est Ordinatio, ut rectè et communiter dicunt Lugo d. 2 nu. 107. Con. q. 68 et Croix n. 30 cum Suar. Cajetan. et Dicast.

742 Dub. 3. An, attenta probabili sententia eorum, qui dicunt, ad valorem Ordinationis requiri traditionem instrumentorum, omninò etiàm requiratur illorum contactus ex parte suscipientis? *Prima* sententia negat et hanc tenet Laym. c. 5 n. 4. Nav. Men. cap. 22 n. 17. Cajet. in summa v. Ordinantium, Dian. part. 3 tr. 4 R. 185 item Alb. Mag. Arm. Vict. Henriq. et Vasq. apud Pal. p. 4 n. 21. Ratio, quia ad potestates et dominia rerum concedenda sufficit, ut minister, aut dominus tradat, et alter præsens ea acceptet sine contactu rei traditæ. *Secunda* verò sententia affirmat, et hanc tenent D. Th. supp. q. 34 art. 5 ad 3. Sanch. Cons. l. 7 cap. 1 dub. 2. Bonac. p. 3 n. 11 et Palaus n. 22 cum Val. Sa, de Con. Ratio, quia Christus sic instituit conferri Ordinem, prout suadent praxis Ecclesiæ, et formæ verba, quæ ut ait D. Th. *videntur ostendere, quod tactus materiæ sit de essentia Sacramenti*. Et hæc sententia, cum sit satis probabilis, omninò in praxi sequenda est, saltèm in Ordine presbyteratûs et Diaconatûs; nam quòd alios Ordines probabile est non esse Sacramenta, ut diximus n. 737.

743 Dub. 4. An ad valorem Ordinationis requiratur contactus physicus instrumentorum? Negant alii, quorum sententiam meritò putant probabilem Salm. c. 2 n. 12 et Ronc. pag. 125 q. 5 R. 3. Ratio, quia humano modo loquendo, hoc ipso, quod aliquis rem alteri offerat, et alter significet, aliquo sensibili signo, se acceptare illam, jam censetur acceptare, esto non tangat. Affirmant verò cum sententia communiore Bonacin. Ronc. ll. cc. Viva q. 7 art. . . . n. . . . Elbel n. 18. Mazz. t. 3 p. 228 et Salm. c. 2 n. 14 cum Soto Aversa,

et Trull. ac Escob. n. 184 cum Gran. Marchin. etc. Ratio, quia sicut in Baptismo, Confirmatione, et Extrema Unctione requiritur, ut suscipiens physicè contingat materiam, ita in Ordinatione; tum quia talis est usus Ecclesiæ, undè præsumitur sic Christus instituisse. Dices: Parvuli non possunt tangere materiam, saltè tactu voluntario, et tamen, si ordinentur, validè ordinantur, ut diximus n. 782. Sed respondetur, quod parvuli nec etià contactum moralem possint adhibere, undè rectè dicunt Salm. quod ipsi tantum validè ordinentur, in quantum Ordinatio ipsis est voluntaria voluntate Ecclesiæ, sicut eisdem est ablutio in Baptismo. Et cum hæc sententia sit etià probabilis, rectè dicunt DD. præfati, omninò in praxi tenendam. Meritò autem dicit Escobar. n. 184 sufficere quòd ad valorem, quod materia una manu tangatur. Et pariter meritò cum communi censent idem Escob. l. cit. ac Pal. p. 4 n. 20. Croix num. 2157 cum Gob. et Salm. n. 19 cum Vasq. Con. Bon. et Aversa, sufficere tactum mediatum, nempè si contingatur calix, patena, aut liber medio aliquo velo, vel chirothecà; qui enim sic tangit, omnium sensu verè tangere dicitur.

Notandum autem hñc I. Quod in Ordinibus sacris conferendis requiratur, ut ab eodem Episcopo, qui formam profert, materia tradatur: quia, cum talis sit usus Ecclesiæ, sic censetur Christus instituisse, ita D. Th. suppl. q. 38 art. 1 ad 2. Sanch. Cons. l. 7 c. 5 dub. 5 et Salm. c. 2 n. 22. Secus verò esse docet D. Th. cum aliis cit. in collatione Ordinum minorum. Notandum II. quod, si conferantur Ordines ab Episcopo, alio tamèn celebrante Missam pro ipso, valida sit futura Ordinatio, sed illicita, prout declaravit S. C. Gen. habita an. 1715 coràm Clemente XI. et confirmavit Innocentius XIII. in Congreg. habita die 5 februar. an. 1722. Ità refert N. P. Bened. de Syn. t. 2 p. 264.

« Resp. 3. Ostiarius ordinatur traditione clavium » Ecclesiæ, Lector libri lectionum, Exorcista libri » Exorcismorum, Acolythus ampullarum vacuarum,

» vel saltè unius, et candelabri cum cereo extincto
 » quia ejus est præparare lumen, vinum, et aquam
 » ad Missam : * (*An autem materia Acolythatus sit*
 » *traditio urceolorum, vel candelabri ? Resp. esse*
 » *utrumque, cum S. Thom. Salm. c. 3 n. 17 etc. con-*
 » *tra alios, Character verò, juxtà sententiam affirman-*
 » *tium, omnes Ordines esse Sacramenta, probabiliùs*
 » *imprimitur in porrectione urceolorum, prout proxi-*
 » *miùs ad sacrificium deserventium, ut Sanch. et Bon.*
 » *cum Salm. ib.)* * Subdiaconus traditione calicis va-
 » cui cum vacua patena superposita, quia illius est hæc
 » ad Missam præparare : Diaconus impositione ma-
 » nûs, et traditione libri Evangeliorum, quia ejus est
 » * (*ministrare ad altare, ut habetur in Pontificali*) *
 » catechizare, cantare Evangelium. et cum facultate
 » Parochi prædicare, Baptizare, Eucharistiam dare :
 » * (*In necessitate tamen, juxtà dicta n. 116. v. Certum,*
 » *et n. 237. Quid .)* * Sacerdos traditione calicis cum
 » vino, et patenæ cum pane, additâ formâ, quâ da-
 » tur potestas sacrificandi ; deindè impositione ma-
 » nûs, additâ aliâ formâ, quâ datur potestas remit-
 » tendi aliis peccata. Vid. Fill. t. 9 c. 2 Reg. Bonac.
 » Dian. p. 3 t. 4 R. 186. 187 et 188 et p. 8 l. c. »

746 Quær. I. Quænam autem sit materia, et forma Sub-
 diaconatûs ? Apud Græcos est manuum impositio ;
 apud Latinos dubitatur 1 an sit calix cum patena,
 vel liber Epistolarum ? Alii dicunt, materiam proxi-
 mam esse solam traditionem calicis vacui cum pate-
 na, ex Conc. Carth. 4 c. 5 et Florent. sess. ult. § 6
 cum sua forma, *Videte cujus ministerium vobis tradi-*
tur, ità vos admoneo, ut ità vos exhibeatis ; quod Deo
placere possitis. Alii verò dicunt, materiam pari-
 ter essentialem esse traditionem libri Epistolarum,
 ut dicunt Escob. l. 23 n. 170. et Fill. Dic. Avers. Med.
 Tann. etc. apud Croix n. 2149. Ratio istorum, quia
 adhuc speciale munus est Subdiaconi solemniter Epis-
 tolas legere. Negant hoc tamen Habert, et Salm. ib.
 cum D. Th. Mag. Sent. Vasq. Gon. Val. Bon. et Pal.
 qui dicit, primam sententiam esse certam. Ratio, quia

nullo judicio deprehenditur, Ecclesiam instituisse ritum illum, ut materiam necessariam hujus Ordinis : jam enim dicunt, per traditionem calicis, et patenæ sufficienter significari ministerium præcipuum Subdiaconi, nimirum ministrandi Diacono panem, et vinum oblatum, ut Sacerdoti tradat. His tamen non obstantibus, censeo cum Croix n. 2149 in praxi sententiam, nempe quod tam traditio calicis, quam traditio libri Epistolarum sit materia proxima Subdiaconatus, sequendam esse utpotè non improbabilem.

Dubitatur 2, an calix, et patena in Ordinatione Subdiaconi debeant esse consecrata? Nulli dubium ex necessitate præcepti, sed negant Dian. Bon. Henr. ex necessitate Sacramenti ad valorem, sed affirmandum cum Pal. Dicast. Sylv. et Salm. c. 3 n. 22, quia ministerium Subdiaconi totum est circa vasa; et ideo debent esse propriè Ecclesiastica, sive sacra, ad differentiam Sacerdotis initiandi, cujus ministerium, cum non sit circa vasa, non requiritur, ut vasa sint consecrata, prout tenent Salm. ibid. cum Dicast. Et hoc Tamb. cap. 3 §. 2 dicit esse moraliter certum. Sed huic pariter contradicit Croix n. 2150 cum Pal. Dicast. Sylvest. quorum sententia in praxi etià sequenda videtur.

Ex dictis sequitur, munus Subdiaconi esse tradere Diacono calicem, et patenam; item panem, et vinum, tamquam oblationes populi, præsentare; deindè canere solemniter Epistolam, etià deferre crucem in processionibus.

An autem peccent graviter Subdiaconi, et Diaconi solemniter ministrantes in mortali? Probabiliter negatur cum Vall. Vill. March. Dian. et Salm. c. 3 n. 24. contra alios, quia neque rem sacram conficiunt, neque operationes efficiunt, quæ ex opere operato conferant gratiam, cui ipsi obicem per peccatum ponant; peccabunt tamen saltèm venialiter. Vide de hoc puncto fusè dicta de Sacram. in gen. n. 38.

Quær. II. Quænam sit materia, et forma Diaconatus? Prima sententia dicit, esse solam traditionem Libri Evangeliorum, cum sua forma: *Accipe Spiritum*

sanctum ad robur, et hanc tenent Palaus p. 4 n. 10. Bonac. p. 3 n. 4. et Vasq. Val. Reg. Vill. Diana, et Trull. apud Escob. l. 23 n. 165. Atque hujus sententiæ videtur expressè esse D. Th. suppl. q. 37 art. 5 ad 5, cum ibi dicat: *In ipsa Libri datione imprimitur character*. Ratio, quia in Concilio Florent. sola traditio Libri Evangeliorum assignatur pro materia Diaconatûs. Et licet manuum impositio sit necessaria ex præcepto Ecclesiæ, tamen non est de essentia, cum sit ritus dumtaxat ab ipsa Ecclesia, sive ab Apostolis introductus, ut loquitur Gregorius IX. in cap. *Presbyter de Sacram. non iterand.* ubi sic dicitur: *Presbyter et Diaconus cum ordinantur, manus impositionem tactu corporali (ritu ab Apostolis introducto), recipiunt.* Secunda verò sententia dicit, esse solam impositionem manuum; et hanc tenent Juenin t. 7 pag. 589 Merb. pag. 293 q. 48. Tournely t. 10 pag. 247 Habert c. 7 q. 5 cum Morino, et Becano, item Scotus, S. Bonav. Cajet. et Durand. apud Escob. n. 167. Probatur 1 ex Act. 6, ubi cum sermo habeatur de Ordinatione primorum Diaconorum, tantum impositionis manuum fit mentio: *Orantes imposuerunt eis manus*. Probatur 2 ex Concilio Carthag. IV. Can. 5 ubi dicitur: *Cum Diaconus ordinatur, solus Episcopus manus super caput ejus ponat*. Probatur 3 ex ritu Ecclesiæ Græcæ, in qua Diaconi per solam impositionem manuum ordinantur. Probatur 4 ratione, quia illa est materia Sacramenti, in cujus applicatione traditur Spiritus sanctus, nempe gratia Sacramenti; cum verò in impositione manuum tradatur Diaconis Spiritus sanctus, ut patet ex forma, *Accipe Spiritum sanctum ad robur, etc.* idè sola impositio manuum est materia essentialis Diaconatûs; et quod reverà illis verbis, *Accipe etc.* tradatur Spiritus sanctus, clarè (ut diximus) ostendit Tridentinum sess. 23 Can. 4 ubi: *Si quis dixerit per sacram Ordinationem non dari Spiritum sanctum, ac proindè frustrà Episcopos dicere: Accipe Spiritum sanctum... anathema sit.* Nec obstat textus oppositus in dicto cap. *Presbyter*; nam (ut respondet Bellarm.

de Ordine c. 9) hujusmodi impositio manuum dicitur ab Apostolis introducta, non quia ipsi illam instituerunt, sed quia acceptam à Domino primi executi sunt. *Tertia* verò sententiâ dicit, utramque (nempè traditionem Libri, et impositionem manuum) esse materiam essentialem; ità Bellarm. d. c. 9. Lugo de Sacram. d. 2 n. 10. Petroc. t. 4 pag. 228 qu. 4 Laym. c. 5 n. 2. Holzm. n. 70. Salm. c. 3 n. 28. cum Dic. Gran. etc. ac Escob. n. 167. cum Con. Soto, et Led. Ratio, quia Ecclesia ex potestate à Christo sibi tradita, quoad Græcos determinavit, materiam essentialem Diaconatûs esse solam impositionem manuum; quoad Latinos verò, præter impositionem, esse traditionem Libri. His positis, dico, primam sententiam esse probabilem, secundam probabiliorē, tertiam adhuc probabilem, et ideo omnino in praxi sequendam, utpotè spectantem ad valorem Sacramenti.

Quær. III. Quænam sit materia, et forma Presbyteratûs? Adsunt pariter tres sententiæ. *Prima*, quam tenent Fagnanus in cap. Presbyter. de Sacram. non iterand. Sotus in 4 d. 24, q. 1 art. 1 item Ang. et Nonnus apud Sal. c. 3 n. 40. dicit, materiam esse solam traditionem instrumentorum, et formam, verba illa, quæ profert Episcopus in traditione instrumentorum, nempè: *Accipe potestatem offerendi Sacrificium Deo, Missasque celebrandi tam pro vivis, quam pro defunctis, in nomine Domini.* Et hac solâ materiâ et formâ dicunt tradi potestatem tam sacrificandi, quàm absolvendi à peccatis. Probant ex Decretq Eugenii IV. ad Armenos (relato à Croix n. 2128.), ubi dicitur: *Presbyteratus traditur per calicis cum vino, et patenæ cum pane porrectionem.* Sed hæc sententia communiter à DD. non est recepta. Vide Salm. cap. 3 n. 41. Decretum autem Eugenii quomodo intelligendum sit, infra explicabitur.

Secunda sententia, quam tenent Bellarm. de Ordine c. 9. Estius in 4 d. 24 § 24. Laym. c. 1 Holzm. n. 70. Escob. n. 158. cum Scoto, Con. et Henr. ac Salm. l. c. n. 39. cum Vasq. Led. Diana, etc. di-

cit, in Ordinatione Presbyteri duplicem esse materiam essentialem, nempe traditionem instrumentorum, quâ traditur potestas super corpus Christi reale, scilicet sacrificandi, cum forma, *Accipe potestatem etc.* ut suprâ; et impositionem manuum, quâ traditur potestas super corpus Christi mysticum, idest absolvendi à peccatis, cum forma: *Accipe Spiritum sanctum, quorum remiseritis peccata, remittuntur eis.* Quod requiratur traditio instrumentorum cum forma, *Accipe potestatem etc.* probant ex Decreto Eugenii suprâ relato, et ex D. Th. q. 37 art. 5 ubi dicit: *In ipsa datione calicis sub forma verborum determinata character sacerdotalis imprimitur.* Quod autem requiratur etiâ impositio manuum, probant ex Scriptura Actor. 13. 3 ubi dicuntur Paulus, et Barnabas ordinati fuisse Sacerdotes per impositionem manuum: *Tunc jejunantes, et orantes imponentesque eis manus dimiserunt illos.* Et quod forma hujus impositionis manuum sint verba, *Accipe Spiritum sanctum etc.* probatur ex eodem Trident. sess. 23 Can. 4, ubi declaratur, per sacram Ordinationem dari Spiritum sanctum, nec frustra Episcopum dicere: *Accipe Spiritum sanctum.* Undè, cum in impositione manuum dicitur ab Episcopo: *Accipe Spiritum sanctum etc.* tunc perficitur Sacramentum, et ejus gratia confertur.

Tertia verò probabilior sententia, quam tenent Juenin t. 7 pag. 589. Concina to. 10 pag. 31 n. 4. Petroc. t. 4 p. 232 cum S. Bonav. et Arcud. ac Tourn. to. 10 pag. 218 cum Martene, Becano, Menardo, etc. dicit, tradi utramque potestatem Sacerdoti sacrificandi, et absolvendi per solam secundam manuum impositionem. Dicitur *secundam*, nam in Ordinatione Presbyteri Episcopus ter manus ei imponit: Primò quando manus extendit nihil dicens: Secundò quando unâ cum Presbyteris extendit manus super initiantes, et fundit preces: Tertiò quando post Communionem dicit: *Accipe Spiritum sanctum, etc.* Dicunt igitur, utramque potestatem tradi, non in prima (ut certum est apud omnes), neque in tertia; nam tertia

jam supponit consecratos Sacerdotes, dum ipsi cum Episcopo jam consecrant Eucharistiam; sed in secunda, quādo Episcopus extendit manus cum Presbyteris, ut patet ex Tridentino sess. 14 c. 3 ubi: *Ministri E. trem. Uction. sunt aut Episcopi, aut Sacerdotes ab ipsis ritè ordinati per impositionem (nota) manuum Presbyterii*, hoc est, quæ fit ab Episcopo cum Presbyteris assistantibus. Probatur 1 hæc sententia ex Scriptura, ut suprā, ubi de sola impositione manuum fit mentio. Dicit autem Tridentinum sess. 23 c. 2 quod sacræ Litteræ gravissimis verbis doceant ea, quæ *maximè* in Diaconorum, et Sacerdotum *Ordinatione attendenda sunt*; ergo si sacræ Litteræ tantum de impositione manuum verbum faciunt, dicere debemus, præter manuum impositionem nihil aliud esse in Ordinatione essentialiter necessarium: et hoc denotat verbum illud *maximè*: alia verò solùm requiri tamquam partes integrales, nempè ad clariorem acceptæ potestatis declarationem. Probatur 2. Quia Græci per solam impositionem manuum ordinantur: ergo si valida est Ordinatio Græcorum per solam manuum impositionem; ita etiā valida habenda est Ordinatio Latinorum, cum totus valor Sacramentorum pendeat ab ipsorum materia, et forma institutis à Christo Domino, qui (ut patet ex Scriptura) pro materia Ordinationis impositionem manuum instituit. Accedit id, quod advertit Benedict, XIV. de Synod. t. 2 p. 248, ex doctissimo Martene, quod instrumentorum traditio, non prius invecata sit, quā sæculo VIII. vel IX. undè, si prius Sacerdotes per solam impositionem manuum validè ordinabantur, cur non hodiè?

Respondent AA. secundæ sententiæ, Christum instituisse materias et formas Sacramentorum in genere, et reliquisse Ecclesiæ potestatem eas determinandi in specie, ac justis de causis mutandi; modò adhibeat res et verba exprimentia cujusque Sacramenti effectum. Sed hanc sententiam in tract. de Sacram. in gen. n. 12 asseruimus esse minùs probabilem, et diximus, Christum in specie determinasse materias, et formas

(quoad substantiam) omnium Sacramentorum; non enim habetur (ut dicit præfatus Papa Bened. XIV. tom. c. p. 253) unde sufficienter probetur, quod Christus hanc potestatem ab adversariis suppositam tradiderit Ecclesiæ; imò oppositum potius eruitur ex Trident. sess. 21 c. 2 ubi dicitur, Ecclesiam nullam habere potestatem circa Sacramentorum substantiam (ad quam certè pertinent materiæ et formæ), sed tantum circa eorum dispensationem. Nec obstat, quod Eugen. IV. ut suprâ, assignaverit pro materia Presbyteratus traditionem instrumentorum cum forma, *Accipe potestatem etc.* Nam sapienter respondet idem Papa Ben. XIV. t. c. p. 251 cum Morino, Becano, et Menardo, Eugenium tantum ibi locutum fuisse de materia et forma integrali, quam intendit tradere Armenis, qui optabant aggregari Ecclesiæ Latinæ, et idè non fuit opus eis assignare impositionem manuum, cum illi juxta ritum Græcorum, quo prius ordinabantur, jam eam adhibebant. Undè dicimus, Eugenium non quidem mutasse materiam et formam hujus Sacramenti, sed tantum impositioni manuum superaddidisse traditionem instrumentorum, tamquam partem integram, ut diximus.

Sed juxta hanc tertiam sententiam, quæ ex intrinsecis fundamentis (speculativè tamen loquendo) probabilior mihi videtur, discrepant præfati hujus sententiæ auctores in assignanda forma Presbyteratus; alii enim, ut *Petrocorensis* (cui in parte consentit Lugo de Sacrament. Dub. 2 n. 99), dicunt, esse verba quæ proferuntur in traditione calicis et patenæ: *Accipe potestatem, etc.* quia (ut aiunt) manet moralis connexio inter impositionem, et Prædictam formam in traditione instrumentorum. Verùm Morinus et Tournely fortè probabilius dicunt, formam esse orationem, quæ in ipsa impositione dicitur ab Episcopo; verba autem, *Accipe Spiritum sanctum, etc.* quæ dicuntur in tertia impositione, inquirunt, esse tantum declarativa, et confirmativa rei peractæ, nempe Spiritus sancti jam collati in secunda impositione. Dixi autem, *speculativè loquendo*, hanc sententiam esse probabiliorẽ; nam

cum secunda sententia sit etiã probabilis, hæc in praxi omninò sequenda est. Quaprop̃pter benè advertit Croix n. 1245, quod Ordinatio facta sine secunda manuum impositione tota repetenda sit, ut etiã declaravit S. C. apud Bened. XIV. t. c. p. 254. Ratio, quia qui non accepit potestatem suprà Corpus Christi verum, nec etiã potuit accipere potestatem super corpus Christi mysticum. Si verò Ordinatio facta fuit sine tertia manuum impositione, hæc tantum supplenda est.

Sed hic, positã sententia in praxi tenenda, quod⁷⁵⁰ traditio instrumentorum sit etiã materia essentialis hujus Sacramenti, dubitatur. 1. An sit de necessitate Sacramenti, ut unã cum calice et patena tradatur etiã utraque species; idest panis et vini? Negant probabiliter Bon. p. 3 n. 3. Sanch. lib. 7 cap. 3 d. 12 n. 17 item Fil. Henr. Diana, Dic. etc. apud Salm. c. 3 n. 45 et dicunt, quod, licet ex præcepto utraque species tradenda sit, tamen sufficiat ad valorem Sacramenti, ut una sola conferatur. Probabilius verò affirmant Holzman. cum Tann. Gob. ac Sporer, et Salmantic. n. 47 cum Gran. Philib. Led. Vill. Aversa, Diana (seipsum retractante), etc. Ratio, quia per traditionem unius speciei non datur potestas directa ad totum Sacramentum; et cum potestas sacerdotalis ad sacrificandum sit indivisibilis (proùt diximus de Eucharistia n. 306), et propterea non possit tradi nisi ad integrum Sacrificium offerendum, sequitur, quod, si ad utramque speciem consecrandam non datur, ad nullam detur. Et cum hæc sententia sit probabilis, imò probabilior, omninò sequenda est in praxi, ut rectè ait Croix n. 2151.

Dubit. 2. An validè ordinaretur qui tangeret hostiam, et non patenam? Affirmant communiter Sporer n. 23. Tamb. l. 7 c. 5 §. 2 n. 5. Holzm. n. 80 cum aliis; utque ferè certum habent Vasq. Conc. Pal. et Schilder apud Croix n. 2153. Ratio, quia hostia et vinum sunt materia substantialis Sacerdotii, quibus principali er significatur potestas in corpus Christi, et propter solam decentiam ex præcepto Ecclesiæ usurpatur

calix, et patena. Et idem consequenter dicunt Sporer, et Tamb. II. cc. si tradatur calix cum vino, et hostia huic immixta vel imposita sine patena. Hæc sententia reverà videtur probabilissima. Sed La Croix l. c. refert, duos DD. à se consultos talem Ordinationem judicasse dubiam; et idem videntur sensisse Bussæus tom. I. v. Ordo n. 2 et Bon. p. 3 n. 11 ubi dixerunt, tutius esse *attingere immediatè ipsam patenam et hostiam, juxtà ritum Ecclesiæ, ne Ordinandus periculo se exponat non recipiendi Ordines*. Etenim in Decreto Eugenii assignatur pro materia Presbyteratûs *calix cum vino, et patena cum hostia*. Et in Pontificali dicitur: *Et cuppam calicis, et patenam simul tangunt* Quapropter Croix ibid. (cui adhæret Mazz. t. 3 p. 229. v. Quær. 2) non immeritò dicit consultum esse, ut talis Ordinatio repetatur sub conditione; quàmvis enim prima sententia ferè certa videatur, tamen Lugo Respons. mor. lib. 1. dub. 1 loquendo de Sacramento Baptismi, sit ait: *Licet sententia negans valorem Sacramenti non æstimetur probabilis, nihilominus foret sufficiens motivum reiterandi, quia prudenter formidare possumus, ne fortè sit probabile, quod sit invalidum, aut saltem ne accedente judicio plurium DD. id successu temporis fiat probabile*. Atque ib. dub. 33 tractans de Sacramento Ordinis, idem asserit, dicendo, quod, esto quis quiescere posset in prima Ordinatione propter aliquam sententiam æstimatam moraliter certam, tamen non sit peccaturus, si stante sententiâ opposita aliorum pro nullitate Sacramenti, *ad majorem animi quietem iterum sub conditione ordinetur, quod etiàm Episcopus licetè in gratiam ejus poterit facere*. Et ratio videtur esse, quia ipsa anxietas de dubio, modò sit vehemens, justa est causa Ordinationem sub conditionem iterandi. Et idem sentit Croix n. 2145 cum Gobato, qui ait, posse Sacramentum Baptismi iterari *propter dubium* non apertè vanum.

752 Dubit 3. An validè ordinetur Sacerdos qui tantum calicem et patenam tangit, non autem hostiam? *Prima* sententia negat, et hanc tenent Habert t. 7 p. 172 qui 4 item Baucius, atque Villal. apud Escob. n. 188 et

190 item Bernal. Faber, et Ferdinand. apud Croix n. 2152. Hi dicunt, hunc debere iterum sub conditione ordinari, ut à dubiis liberetur: et ab hac sententia non dissentiunt Bon. et Bass. aflat in Dub. præced. dicendo, tutius esse attingere patenam et hostiam, *ne Ordinandus periculo se exponat*. Secunda verò sententia communis et verior affirmat, et hanc tenent Sauch. Cons. l. 7 c. 1 dub. 2 n. 9. Wigandt tract. 15 n. 11 et 43. Gonet et Isamb. apud. Habert l. c. Mazz. t. 3. pag. 229. Dian. part. 10 tract. 56. Resol. 88 et Salm. c. 2 n. 21 cum Vasq. Aversa, Trull. etc. ac Escob. cum Led. Vega, Marchino, Vict. Nun. Dicast. etc. item Scotus, Val. Con. Sporer, Rodr. et Gob. apud Croix dict. n. 2152. Ratio, tum quia non præscribitur ab Ecclesia tactus immediatus hostiæ, sed tantum patenæ, ut patet ex Pontificali, ubi sic habetur: *Pontifex tradit cuilibet calicem cum vino, et patenam suppositam cum hostia, et ipsi illam accipiunt inter indices et medios digitos; et cuppam calicis, et patenam simul tangunt*. Tum quia vinum in calice contentum certè non tangitur immediatè; ergò nec requiritur, ut hostia immediatè tangatur; undè tum ob has rationes, tum ob communem Doctorum consensum, dici potest hæc sententia moraliter certa. Cæterum rectè advertunt Salm. l. c. curandum esse Ordinando, tam calicem, quam patenam et hostiam (quò melius) contingere, ut ab omni scrupulo se eximat.

Dubit. 4. An validè ordinetur qui solum calicem, ⁷⁵³ immediatè tangit, sed non patenam. *Prima* sententia quam tenent Roncaglia p. 125 q. 5. R. 3. Croix n. 2154 cum Pal. Dicast. de Ord. n. 205 et Mazz. t. 3 pag. 229 dicit, hunc reordinandum sub conditione, tum quia in Pontificali, ut suprà, præscribitur tactus tam calicis, quam patenæ, tum quia tactus patenæ aliàs tunc esset potius moralis, quam physicus. *Secunda* verò sententia, quam tenent Palaus part. 4 n. 20. Escob. n. 184. Diana part. 6 tr. 8. R. 19 cum Bauny, et Jo. Petit. Tamb. l. 7 c. 5 §. 2 n. 6 cum Vasq. Val. Hurt. etc. item Cone. Aversa, et Trull. apud Salm. c. 2 n. 21 dicit

hunc esse validè ordinatum, quia cal. x et patena tunc moraliter faciunt unum. Et hanc sententiam Præpos. et Bosco apud Croix l. c. vocant moraliter certam: ego tamen censeo eam tantùm probabiliorem, sed primam non improbabilem, et ideo in praxi tenendam: quapropter dico, sub conditione talem Clericum esse reordinandum.

754 Notandum, quod carens Ordine Sacerdotii, vel Episcopatus, invalidè exerceret eorum munera. Carentes autem aliis Ordinibus, licitè eos exercent, si Ordines sint minores: illicitè, si majores. Hinc graviter peccat Clericus, qui sine Ordine officium Diaconi, vel Subdiaconi solemnitè exercet, et incurrit ipso facto irregularitatem, et excommunicationem, sed hanc ferendæ sententiæ, ex c. 1 et 2 de Cler. non Ordin. Min. Vide super hoc puncto dicenda l. 7 de Irregul. n. 360. Utrùm autem eamdem pœnam incurrant laici taliter ministrantes? Vide dicta de Sacram Bapt. n. 116. v. Sed dub. 1, ubi negativam sententiam tutati sumus.

755 Hic aliqua libet annotare de Ordinatione Episcopi, et I. Episcopus non potest validè ordinari, nisi ab alio Episcopo, ex Apostol. ad Hebr, 7. *Major à minori non benedicitur* Ità Pal. Sanch. Vasq. etc. communiter cum Salm. c. 4 n. 2. Ad talem autem Ordinationem plura concurrunt, nempe impositio Libri Evangeliorum super scapulas ordinandi, unctio coronæ ordinati, et impositio manuum trium Episcoporum: item traditio baculi, et annuli, ut Croix n. 2148.

Utrùm verò ad valorem exigatur trium Episcoporum assistentia, extra casum necessitatis; certum est, quod hæc requiratur ex necessitate præcepti. ex Nicæn. 1 cap. 4 et Carthag. 2 c. 7. Certum 2 videtur, ex commissione Pontificis in casu necessitatis validè fieri Ordinationem ab uno Episcopo; ut asserunt Croix num. 2147 Salm. c. 4 n. 4 cum aliis ferè communiter, contra Pal. et Avers. Sic enim communiter dicunt fecisse Apostolos, cum Episcopos ordinabant; et sic fecisse plures Pontifices testatur Cardenas, et plures apud Croix n. 2147, ubi adest etiã decretum S. C. quo dicitur, talem Ordinationem esse validam.

Ad quæsitum autem alii dicunt, tres omninò requiri, et ità sentiunt Tourn. t. 10 p. 186 et Holzm. n. 76 item Bellarm. Vasq. Con. Pal. Barb. etc. apud Salm. c. 4 n. 6. Sic enim scripsit Damasus Papa in Epist. 4 contra Chorepisc. *Quod enim Episcopi non sint, qui minus quàm à tribus sunt ordinati Episcopis, omnibus patet.* Alii tamen negant, ut Sanch. S. Anton. Azor. etc. cum Salm. c. 4 n. 8. Ratio, quia in Pontificali Rom. unus tantùm Episcoporum dicitur consecrator, alii verò assistentes; in aliis enim Sacramentis unus tantùm minister requiritur. Et probant ex Can. 1. Apostolorum apud Clement. ubi ex Decreto Simonis Apostoli dicitur: *Si aliquis ab uno Episcopo ordinatus fuerit, is qui ordinatus est deponatur.* Si deponendus est, ergò est verè ordinatus. Utraque sententia est probabilis, undè in praxi omninò prima sequenda est, ut patet ex Prop. 1. damnata ab Innoc. XI. Et ratio est, quia cum valdè sit probabilis sententia (ut diximus n. 738.) Episcopatum esse verum Sacramentum distinctum à Presbyteratu, tenemur utique in ejus Ordinatione tutiorem partem sequi ad vitandum damnum commune; nam aliàs Sacerdotes ab hoc Episcopo ordinati manerent dubiè ordinati.

» 1. Potest Episcopus extrà diocesim suis subditis conferre primam tonsuram; quia non est Ordo.
» Bonac. et alii, cum Dian. p. 4 t. 4 R. 143 contra
» Sanch. Barbos. etc.

Sed hoc non est certum. Quæritur igitur, an Episcopus possit conferre Tonsuram in aliena Diœcesi sine licentia Episcopi loci? Negant Sanch. Cons. l. 7 c. 1 dub. 50 n. 2 cum Salzedo, et Barbosa in Trid. sess. 6 c. 5 de Reform. cum Garcia, Campanile, Acunna, et Narbona. Quia in Trident. l. c. vetitum est Episcopis exercere Pontificalia in aliena Diœcesi sine licentia ejus Ordinarii, et cum prima Tonsura sit Ordo, ut putant, non potest conferri sine Pontificalibus. Affirmant verò cum Busemb. ut suprà, Bon. p. 2 n. 3 Toletus lib. 1 c. 48 n. 7 aliàs c. 49. n. 4 et Azor. Henr. Vill. Molf. etc. ap. Barbos. et Lopez, Barbat.,

ac Rebuff apud Sanch. ll. cc. Ratio , quia , cum sit sententia communior et probabilior inter Theologos , quod Tonsura non sit Ordo , ideò benè potest et solet conferri privatim sine Pontificalibus , ad quod non requiritur licentia Episcopi loci.

- 757 « 2. Quando dubium occurrit , an Ordo sit verè
 » collatus , v. g. quia materia fuit dubia , iterari po-
 » test , et debet sub conditione. Quando verò sunt ra-
 » tiones utrimque probabiles pro nullitate , et validi-
 » tate , ait Dian. p. 5 tom. 3 R. 47 ex Gran. posse ite-
 » rari sub conditione , imò debere , si sit Episcopalis ,
 » vel Sacerdotalis : v. gr. Si Sacerdos , vel Episcopus
 » non tetigisset vasa sacra , aut illud instrumentum ,
 » in cujus porrectione imprimitur character , Excipit
 » tamen Secerdotem , qui immediatè tetigit patenam ,
 » sed non hostiam. Eum verò , qui non tetigit cali-
 » cem , et patenam , dum forma proferebatur , sed
 » paulò post , posse quidem ad maiorem animi sui
 » quietem sub conditione iterùm ordinari , non tamen
 » esse necessarium , docet Lugo resolut. mor. lib. 1
 » p. 33. Rectè autem notat Dian. l. c. etiàmsi quis ti-
 » meat , ne invalidè ordinatus sit , aut non recorde-
 » tur , se tetigisse sacra vasa , aut non tetigisse imagi-
 » netur , non illicò iterandum esse Ordinem , cum
 » sola oblivio , vel timor non sufficiat ad prudens , ac
 » rationabile dubium , vel probabilitatem. »

- 758 Quæritur , quomodò supplendi sint defectus com-
 » missi in Ordinatione ? Distinguendum : Si defectus est
 » circa accidentalia , nempè si defuerit unctio manuum
 » Presbyteri initiandi , tunc quamprimùm suppleri de-
 » bet ab eodem Episcopo , si fieri potest ; ità Sanch.
 » Cons. lib. 7 c. 1. dub. 13 n. 4 Elbel n. 28. Croix n.
 » 2200 et 2201 ac Salm. cap. 2 n. 25 cum Soto , Trull.
 » et Aversa. Aliàs taliter ordinatus , si non curaret hu-
 » jusmodi defectum suppleri , vel ante suppletionem in
 » Ordine suscepto ministraret , peccaret graviter ; non
 » verò incurreret irregularitatem , ut rectè advertunt
 » Salm. l. c. et Sanch. n. 5 cum Sylv. Soto , Tamb. Ang.
 » et Arm. quia est irregularis , qui ministrat in Ordine

quem non habet, sed hic vere Ordinem habet. An autem qui ministraret antè suppletionem, quæ fieri deberet, alicujus defectus dubiè essentialis circà valorem Ordinationis, incurreret irregularitatem? Videtur negandum; nam qui est dubiè ordinatus, non potest dici absolutè non ordinatus. Notandum autem hic 1. cum Salm. n. 26. Sanch. et Soto. hoc non intelligi, quando defectus esset in re levi, sed tantùm in gravi, nempe si defuisset unctio manuum, aut etiam addunt Salm. citantes Sanch., si presbyterandus non protulisset verba consecrationis cum Episcopo, sed hoc non dicit Sanch. imò l. c. n. 5 tantùm dicit, quod, si initiandus non dixerit Canonem, talis cæremonia non esset repetenda. Notandum 2 cum Croix n. 2200. et Aversa, quod si defectus fuerit occultus, occultè supplendus sit, ad vitandum scandalum, et turbationem aliorum.

Si verò defectus est circà essentialia, nempe circà materiam, et formam, tantò magis est supplendus. Sed hic quæres, an totum Sacramentum sit tunc supplendum? Resp. I. Si Sacramentum constet duplici materia et forma, ut in Ordinatione Sacerdotii (juxtà probabilem plurium sententiam), nempe calice cum vino, ac patenâ cum hostia, atque impositione manuum; tunc si defectus est in parte antecedenti, nimirum in traditione calicis et patenæ, utique totum Sacramentum est iterandum. quia potestas suprâ corpus Christi mysticum fundatur in potestate suprâ corpus Christi reale; secùs verò, si defectus est in parte posteriori, quia potestas ad corpus Christi verum, jam tradita est independentè à parte subsequenti. Ità Salm. c. 2 n. 31. et Croix n. 2204. et alii passim. Resp. II. Si tantùm pars materiæ fuerit, vel dubitetur, an fuerit omissa; in Ordinatione sacerdotis, et Episcopi, totum equidem Sacramentum est iterandum; hinc si tradita sit patena cum hostia, et calix sine vino, ordinatio tota repeti debet, tradendo utramque materiam, ut dicunt Elbel n. 28. et Croix n. 2005. cum Aversa, et aliis pluribus; sic omninò tenendum juxtà dicta n. 750. Dicunt autem Salm. c.

2 n. 32. hoc quidem tenendum in Ordinatione Presbyteri, et Episcopi, non autem aliorum Ordinandorum; quia in eis, si adest probabilitas pro valore Ordinis suscepti, non requiritur, ut suppleatur defectus, cum in Sacerdotio postea suscipiendo omnis illorum potestas recipiatur. Sed non admittendum saltèm pro Ordine Diaconatûs; nam in cap. Presbyter, *de Sacrament. non iterand.* loquens Pontifex de Ordinatione Diaconorum, dicit quod, si impositio manuum est omissa, omninò sit repetenda; etsi probabile sit, solam traditionem Libri esse de essentia.

759 An autem hujusmodi defectus, tam essentielles, quàm accidentales, debeant suppleri tempore designato ad collationem Ordinum. Salm. c. 4 n. 79 cum Gran. etc. dicunt, eos posse suppleri quocumque anni tempore. Communiùs verò affirmant Croix n. 2200 et Sanch. l. c. n. 7. cum Innoc. Panorm. et Arm. ex cit. c. Presbyter, ubi, cum fiat sermo de impositione manûs in Ordinatione Presbyteri, vel Diaconi, sic dicitur: *Quod si omissum fuerit, non est aliquatenùs iterandum, sed statuto tempore ad hujusmodi Ordines conferendos cautè supplendum, quod per errorem extitit prætermissum.* Mihi autem videtur sic distinguendum: Si defectus sit circa valorem Sacramenti, tunc supplendus est tempore ab Ecclesia statuto, ut censet secunda sententia, et hoc videtur non posse negari ex textu mox allato. Secùs verò dicendum, si esset defectus accidentalis. Probabiliter verò dicit Tamb. l. 7. c. 5 § 2 n. 13 cum Gran. et Quintanad. et Croix d. n. 2200 cum Aversa; et Gob. et aliis universim ut asserit, quod, si ob solum dubium iteretur Ordo sub conditione, vel cæremonia aliqua. poterit iterari quovis die, et à quovis Episcopo; eodemque die poterunt simul conferri Ordines tam majores, quàm minores, adhibitis solis solemnitatibus probabiliter necessariis ad valorem.

760 » Resp. 4. Episcopus non potest ordinare, nisi subditos, vel ratione originis (si scilicet in ejus diocesi sint nati), vel ratione domicilii, voluntate

» istic perpetuò habitandi , vel ratione beneficii in sua
 » diœcesi existentis. Dian. p. 8 t. 2 res. 8. Laym. Præ-
 » pos. etc. commun. * (Vel , adde , ratione familia-
 » ritatis seu famulatûs , ex Trid. sess. 23 c. 9 de quo
 » vide dicenda n. 779. *Ordinatis autem non subditum*
 » *sine licentia sui Ordinarii , suspenditur per annum à*
 » *collatione Ordinum , ut habetur in c. Nullus , et cap.*
 » *Eos qui , de Temp. Ordin.*) * Quocumque autem ho-
 » rum modorum sint subditi , licitè eos ordinat ; ut
 » habetur in c. *Cum nullus , de tempore ordin. in 6* et
 » ex communi , Henriq. Less. lib. 2 cap. 34 d. 19. »

Notandum autem est I. ex Trid. sess. 23. Can. 7 762
 definitum esse , solos Episcopos esse ordinarios Sacra-
 menti Ordinis ministros : Episcopus verò tantum elec-
 tus , et confirmatus , licet possit præbere licentiam
 subditis , ut ab alio Episcopo ordinentur , nequit
 tamen ordinare , nisi sit etiã consecratus ; Episcopus
 autem consecratus etiãsi sit degradatus , et Episco-
 patui renunciaverit , validè ordinare potest ; est com-
 mune cum D. Th. suppl. q. 3 ar. 2. Salm. c. 4 n.
 13. 14 et 15. Sed hîc plura sunt discutienda.

Quær. 1 an Pontifex possit præbere simplici Sa- 762
 cerdoti facultatem conferendi Ordines ? Distingue :
 quod Tonsura , et Ordines minores à quolibet Sacer-
 dote conferri possint ex commissione Pontificis , est
 communis cum S. Th. Soto , Sanch. Vide Salm. c. 4
 n. 19. Negant tamen hoc communiter de Præsbyte-
 ratu , tamquàm de ministerio excellentissimo , qui à
 solo Principe Ecclesiæ supremam facultatem haben-
 te , prout est Episcopus , debet impertiri. Ità S. Th.
 d. q. 38 ar. 1 ac Palaus , Aversa , Num et Granad.
 cum Salm. n. 25. contra Escob. n. 228. cum Innoc.
 IV. Vasq. Angl. Hurt. etc. qui dicunt , nihil obstare ,
 quin Papa possit simplici Sacerdoti facultatem tribue-
 re ordinandi etiã Sacerdotes ; et probant ex Conci-
 lio Antioch. Can. 10 ubi , postquàm dictum fuit , Cho-
 repiscopos posse ordinare Subdiaconos , statim addi-
 tur ; *Nec Presbyterum verò , neque Diaconum audeant*
ordinare , præter conscientiam Episcopi , idest , ipso ig-

norante; ergò poterant ipso sciente et consentiente. Dicunt autem, Chorepiscopos esse simplices Sacerdotes, in quo consentiunt Morinus, et Thomassinus apud Tourn. t. 10 p. 204 v. Una. Sed rectè respondent idem Tourn. p. 205 Bonac. p. 4 n. 3. et Pal. p. 14 n. 9. cum Bellarm. Conc. et Laym. Chorepiscopos fuisse verè Episcopos, sed suffraganeos, qui non poterant ordinare sine consensu Episcopi civitatis; et probant ex eodem Concilio Antioch. d. Can. 10 relato à Tournely l. c. ubi antè verba suprà relata, dicitur: *Qui Chorepiscopi nominantur, quàmvis ut Episcopi consecrati sint, etc.*

Quæstio igitur est de Diaconatu, et Subdiaconatu. Alii affirmant, ut Croix n. 2212. Holzm. n. 85 v. *Dices* 3 cum Vasq. Tann. Henno, et Herinc, Ronc. p. 125 c. 2. qu. 1 cum Diana, Pal. p. 14 n. 10 cum Victor. et Major. et Escob. n. 225 cum Rodr. Trull. Hurt. Gab. Aversa, Ang. etc. et probant ex indulto concessò Abbatibus Cisterciensibus, ab Innocent. VIII an. 1489 ejus Bullam testantur observasse Victor. Vasq. et Rod. ap. Frassen t. 12 p. 103, qui refert verba Bullæ, nimirum: *Ne Monachi pro suscipiendis Subdiaconatus, et Diaconatus Ordinibus extrà Claustrum discurrere cogantur, tibi et successoribus, ut Religiosis Subdiaconatus, et Diaconatus Ordines conferre possitis, auctoritate Apostolica indulgemus.* Alii verò negant, ut Sot. Bell. Gon. et cum S. Th., qui expressè docet 3. part. qu. 3. art. 1 ad 5. Papam non posse committere simplici Sacerdoti, ut majores Ordines conferat. Alii demùm probabiliter cum Salm. c. 4 n. 28 Led. Gran. Avers. Suar. etc. negant de Diaconatu, cujus ministerium est immediatè ad corpus Christi tangendum, illud fidelibus distribuendo; affirmant verò de Subdiaconatu, quia ejus munus non habet relationem tam immediatam ad Christi corpus. Neque huic obstare dicunt Salm. doctrinam D. Thomæ; nam (ut ajunt) S. Doctor tantùm ibi exclusit Ordines majores, qui semper in Ecclesia pro sacris habiti sunt, ut infertur ex verbis ipsius Angelici, qui loquitur de Ordinibus, qui

habent immediatam relationem ad corpus Christi ; sed notum est (ut ostendit Tourn. to. 10 p. 150 utque diximus to. 1 l. 3. n. 831.) quod Ordo Subdiaconatus non fuit computatus inter sacros , nisi Sæculo XI. ab Urbano II. ut habetur in in c. A multis , de ætate , et qualitat. præfic. neque Subdiaconatus immediatam habet relationem ad corpus Christi , ut loquitur D. Thomas ; soli enim Sacerdotes possunt Eucharistiam conficere , soli Diaconi eam deferre , aut ministrare. De indulto autem concesso Cisterciensibus conferendi etiam Diaconatum , dubitant Salm. num. 29 cum pluribus aliis ; vel censendum dicunt , in hoc Papam secutum fuisse probabilem opinionem eorum , qui dicunt , in hoc posse Pontifices dispensare.

Quær. 2 an Abbates possint conferre Tonsuram et Ordines minores aliis , quàm sibi subditis Regularibus ? Olim quidem poterant ex privilegio eis concesso in VII. Synodo , ut habetur in c. Quoniam , Dist. 169. Attamen Trid sess. 23 c. 10 sic sancivit : *Abbatibus . . . non liceat in posterum . . . cuiquam , qui regularis subditus sibi non sit , Tonsuram , vel minores Ordines conferre . . . non obstantibus quibusvis privilegiis . . . consuetudinibus , etc.* Hoc tamen Decreto non obstante , dicunt Escob. n. 210. Sanch. Con. l. 7 c. 1 d. 19 n. 20. cum Cov. Arch. Felin. etc. ac Salm. c. 4 n. 35. cum Molf. Leand. et Aversa , probabilissimum esse , Abbates (saltèm primates , qui Episcopalem habent jurisdictionem , ut limitant iidem Sanch. n. 23. et Salm. l. c. cum Molf. Aversa , etc. contra alios , qui cum Escob. omnibus Abbatibus id concedunt) posse etiam hodiè Ordines minores conferre non solum sibi subditis , sed adhuc sæcularibus , qui Litteras Dimissoriales à suis Prælatibus acceperint. Admittunt verò Salm. n. 38. cum Laym. , Azor. Tamb. Leand. etc. quod Abbates mitrati , et ab Episcopo benedicti , vel potestatem habentes Pontificalia exercendi , ut ait Philip. apud Salm. n. 32. possint ordinare sæculares sibi subditos , vel alios habentes Litteras Dimissorias à suis Prælatibus ; quia hi ratione licentiæ suorum Prælatorum jam fiunt subditi præ-

dictorum Abbatum Et sic testantur pluries decisum fuisse à S. C. Barbosa, Diana; et alii apud Salm. l. c. Sed omnes istæ opiniones hodiè non sunt ampliùs probabiles, dum in decreto Sac. Conc. edito 17 Jan. ann. 1642 (quod referunt in extensum Croix n. 2190. et Fagnan. in cap. Aqua, de Consecr. Eccles. à n. 8 ad 19 et de quo etiàm mentionem facit Benedictus XIV. de Synod. t. 1 p. 126.) et approbante Urbano VIII. et inviolabiliter observari jubente, statutum fuit, reprobata omni contraria opinione, Abbates Benedictinos Congreg. Cassinensis, seu alterius Congregationis, vel Ordinis, aut Instituti, habentes etiàm jura Episcopalia, et facultatem Ordines minores conferendi, non posse ordinare, præter suos subditos regulares, alios sive regulares, sive sæculares, etiàm habentes dimissorias à suis Ordinariis. Et ibi imponitur suspensio tam ordinantibus, quàm concedentibus Dimissorias, si aliter egerint. Item hinc notandum, quod eadem S. C. die 17 Decemb. 1618 (ut refert idem Bened. XIV. n. 15.) declaraverit in quadam causa Abbatis S. Rufilli, quod, etiàmsi constaret de territorio separato, in quo prædictus Abbas habebat jurisdictionem quasi Episcopalem, non posset concedere litteras dimissorias suis subditis, eo quod obstat Trident. sess. 23 c. 10 ubi dictum fuit: *Nec... Abbates, et alii exempti, aut Collegia, vel Capitula quæcumque etiam Ecclesiarum Cathedralium litteras dimissorias.. Clericis sæcularibus, ut ab aliis ordinentur, concedant, sed harum.... Ordinatio ad Episcopos, intra quorum diœcesis fines existant, pertineat.* Sunt tamen excipiendi (ut advertit præfatus Ben. XIV. ib. p. 131) aliqui Abbates, qui ex privilegio speciali post Tridentinum obtento possunt suis subditis sæcularibus litteras dimissorias concedere, ut sunt Abbas Cassinensis ex privilegio Sixti V. et Abbas Cavensis ex privilegio Pauli V. et alii qui sunt annotati in Cancellaria Cardinalis Urbis Vicarii.

An autem Abbates, non existentes in aliena Diœcesi, sed habentes propriam, et omnem jurisdictionem Episcopalem, possint dare Dimissorias suis subditis

sæcularibus? Affirmat apud Croix l. 6 p. 2 n. 2235. Aversa, cum Molfes. qui affert Declarationem S. C. et Marchin. qui affert. Decisionem Rotæ. Sed P. Zacharia ibid. refert, oppositum sancitum fuisse aliàs tam à S. C. quàm à S. Rota. Cæterùm Abbates, qui possunt Ordines minores conferre ex privilegio, benè etiàm possunt dare Dimissorias, ut de mandato Clement. VIII. censuit S. C. apud eumd. Croix loc. cit. n. 2236.

Hic dubitatur 1. An Abbates, qui possunt suos subditos regulares, et professos ordinare, possint etiàm ordinare novitios suos? Negant Palaus pu. 14 et Barb. Sayr. Rodr. etc. apud Escob. n. 211. quia novitii non possunt dici propriè regulares et subditi, dum ad sæculum liberè possunt redire. Sed probabiliùs affirmant Laym. c. 9 n. 2. Sanch. Dec. l. 6 c. 10 n. 22. Escob. n. 213. cum Suar. et Salm. c. 4 n. 39. cum Leand. et Pelliz. et probabile putat Croix n. 2199. quia nomine Regularium in favorabilibus veniunt etiàm novitii.

An autem tales novitii debeant ordinari ab Episcopo loci novitiatûs, an verò originis, aut domicilii? Suarez, et Henr. apud Croix n. 2199 tenent, ordinandos esse ab Episcopo originis, vel domicilii. Sed Sanch. Dec. l. 4 c. 39 n. 20. Pal. p. 11 n. 8. et Delbene dub. 3 sect. 8 n. 7. et idem tenet Fagnan. cum aliis in c. *Cum inter vos de Sent. et re jud.* n. 8. censent, eos posse ordinari ab Episcopo loci, ubi est novitiatûs, quia novitii ibi degentes jam habent animum ibi perpetuò manendi. Utraque sententia est probabilis, ut rectè dicunt Croix loc. cit. et Mazz. t. 3 p. 242. Modò (omnino addendum dico) novitius per notabile tempus jam manserit in novitiatu, et juramentum præstet ibi (quantum in se est) et perpetuò manendi juxta dicenda n. 769 ad V.

Dubit. 2. An Abbates ordinantes non subditos validdè ordinent? Negant Suar. Avers. cum Croix n. 2191. Sed veriùs affirmant Sanch. Pell. Tamb. etc. cum Salm. c. 4 n. 40. Quia talis facultas jam invenitur Abbatibus

concessa in corpore juris, ex d. c. Quorundam, Dist. 69 : Concilium autem Trident. et Decretum S. C. supra relatum videntur interdixisse tantum exercitium talis facultatis; qua de re Abbates illicitè ordinant, sed non invalidè. Et sic (ut refert Benedict. XIV. de Synodo t. 1 p. 127.) declaratum fuit à S. C. die 23. Nov. 1641 et confirmatum die 16 Martii 1726, ubi dictum fuit, hujusmodi ordinatos ab Abbatibus privilegium habentibus indigere tantum absolutione et rehabilitatione à Sede Apostolica, sed non reordinatione, tamquam validè ordinatos. Idque magis patet ex Decreto approbato ut supra ab Urb. VIII. ubi imponitur suspensio Ordinatis ab hujusmodi Abbatibus, ergò ipsi jam habentur pro valide ordinatis.

567 Notandum II. Probabile esse, Ministrum conferentem in mortali Ordines minores non peccare mortaliter, quandoquidem satis probabile est, quod tales Ordines non sint Sacramenta, juxta dicta n. 736. Certum est autem, quod tam conferens (etià Ordines minores) innodatus aliquà censurà, graviter peccaturus sit, et futurum, ut incurrat irregularitatem exercens actum ordinationis, quam suscipiens cum censura pariter peccabit, et incurret suspensionem ab Ordine suscepto. Vide Salm. c. 4 n. 71.

568 Notandum III. Regulares ex cap. Cum Nullus, § fin de Temp. Ord. in 6 debere suscipere Ordines ab Episcopo, in cujus Diocesi est Monasterium, ubi tunc commorantur. Et quàmvis S. Pius V. concesserit privilegium Religiosis, ut possent ordinari ab alio, quàm ab Episcopo loci, ubi degunt; attamen (ut refert Concina p. 35 n. 10.) Gregorius XV. hoc privilegium revocavit; hancque revocationem confirmarunt Clemens VIII. et Bened. XIII. Bulla, *In suprema*, edita 23 Septembris 1724 et novissimè N. P. Benedictus XIV. in Bulla quæ incipit, *Impositi nobis*, anno 1747. Item notandum, quod S. C. (ut refert Roncag. cap. 2 q. 3) de mandato Clementis VIII. ediderit Decretum, quo declaratum fuit, quod, si ille Episcopus non habeat Ordinationem, tunc Superior poterit

subditis Dimissorias dare ad quemcumque alium Episcopum : præcipitur tamen ibi Regularibus , ne ex industria differant Ordinationes suorum subditorum in id tempus , quo Episcopus Dioecesanus non est habiturus Ordinationem , vel abfuturus est , contra id quod ait Gob. apud Croix n. 2193. Et præcipitur observantia hujus Decreti sub pœna privationis vocis , et officii. Hæc omnia confirmavit Bened. XIV. in mox citata Bulla , et insuper statuit , quod , si Episcopus Dioecesanus fuerit absens , vel non habuerit Ordinationem , non possit Religiosus ab alio ordinari , nisi ostendat attestationem Vicarii Generalis , Cancellarii , aut Secretarii ejusdem Episcopi ; aliàs tam ordinans , quàm sic ordinatus incurrunt censuras , et pœnas , quas incurrunt qui ab aliquo Episcopo ordinantur sine Dimissoriis. Item statuit , quod talis Regularis examinari debeat ab Episcopo ordinante. Item , quod privilegia alicujus Ordinis , ut ejus Religiosi ordinentur à quocumque Episcopo , debeant esse nominatim , non verò per communicationem. Item , quod Regulares nequeant aliò discedere , ut ordinentur , et postea redire ad pristinum domicilium ad hoc , ut examinentur ab Episcopo loci. Dicit autem Ronc. cum Fag. et Passer. quod , si Monasterium sit in loco nullius Dioecesis , possint ejus Religiosi ordinari ab Episcopo viciniore. Omnes autem Regulares exempti à Prælatiis suis Dimissorias accipiunt. Vide dicenda n. 790.

Notandum IV. Ad licitè Ordines suscipiendos requiritur ex Trid. sess. 23 c. 3 et 8 , ut initiandus (etiàm primâ Tonsurâ , ut DD. communiter intelligunt , cum Salm. c. 4 n. 43.) ordinetur à proprio Episcopo , vel ab alieno , sed de ejus licentia. Sin autem , ipse peccat graviter , et suspenditur ab exercitio Ordinis suscepti , donec proprius Episcopus voluerit ; et ordinans incurrit suspensionem à collatione Ordinum per annum : et interim , si suspensio sit notoria , sive de facto , sive de jure , sui subditi Clerici (non autem laici) possunt ordinari sine ejus licentia *ab Episcopis vicinis* , ut expressum habetur in cap. 2 de Temp. Ord. in 6.

770 Hic autem maximè advertere oportet ea, quæ statuuntur super hac materia in Bulla *Speculatores*, edita an. 1694 ab Innoc. XII. quam in extensum affert Croix n. 2166 et sunt sequentia.

I. Non sufficit, quod quis statim ab aliquo Episcopo Beneficium sit accepturus, ut ab eo ordinari possit, vel primam Tonsuram accipere.

II. Initiatus Tonsurâ, vel Minoribus à proprio Episcopo, non potest ulterius ordinari ab alio titulo Beneficii; nisi exhibitis priùs litteris Testimonialibus Episcopi, tam originis, quàm domicilii super suis natalibus, ætate, et moribus.

III. Nulli Episcopo, etsi Cardinali, liceat externum, sibi non subditum ratione originis, vel domicilii, ad Clericalem Tonsuram promovere prætextu cujusvis Beneficii ecclesiastici ei statim conferendi, seu ad quod à Patronis præsentatus, seu nominatus fuerit. *Prætered*, ut quis possit ordinari titulo Beneficii ab Episcopo non proprio, requiritur, ut Beneficium actu possideatur, et de se sufficiat ad congruam sustentationem sine supplemento Patrimonii. Quare non benè Salm. de Ord. c. 4 n. 51 cum aliis dicunt, sufficere Beneficium etiàm tenue pro titulo ad suscipiendos Ordines. Quàmvis (ut rectè notat Croix n. 2177. cum Bon. Barbos. et communi, contra Less. etc.), quòad alios effectus, sufficiat quòcumque tenue Beneficium, ut quis subditus fiat. Undè autem desumatur congruitas Beneficii quòad effectum Ordinationis, vide dicenda n. 815. v. Not. 1.

IV. Qui fortuitò nascitur alicubi, debet ordinari ab Episcopo loci, ubi pater natus est (nisi pater postea ibidem, ubi natus est initiandus, contraxerit domicilium). Debet tamen obtinere litteras Testimoniales, si illic, ubi natus est, tamdiù moratus sit, ut ibi potuerit contrahere impedimentum. Sicùt pariter indiget Testimonialibus Episcopi originis, qui in loco suæ originis similiter impedimentum contrahere potuerit.

V. Ille tantùm censendus est subditus ratione do-

micilii, qui aliquo venit animo perpetuò ibi manendi, et hunc animum probet vel per habitationem decennii, vel per ædificationem domûs cum asportatione majoris partis bonorum, manendo simul ibi per aliquod notabile tempus; debetque jurare, se hunc animum tunc habere.

VI. Ut Episcopus possit al'quem ordinare titulo familiaritatis, oportet, ut per triennium eum aluerit secum in suo actuali servitio, eidemque intrà mensem conferat Beneficium sufficiens ad congruam sustentationem, cum Testimonialibus Episcopi originis, et domicilii.

VII. Episcopus originis, sivè domicilii potest à suis subditis, etià cum sua Dimissoria ab alieno Episcopo ordinatis, petere, ut intrà aliquod tempus exhibeant Ordinum susceptorum Testimoniales, quibus inseratur, observata esse, quæ in hac Bulla præscribuntur; aliàs potest eos suspendere ab exercitio suscepti Ordinis.

* 1. Qui in una diœcesi est natus, in altera habet
» domicilium, in tertia beneficium, à quovis trium
» illorum Episcoporum potest Ordines, vel Dimissoria accipere? Præp. q. 1 d. 14 Laym. l. 5 t. 9 c.
» 9. Dian. 8 t. 2 R. 8 et 9, ubi cum Aversa, et aliis 3
» contra Barb. dicit, etsi ab uno eorum acceperit
» Ordinem unum, posse alterum ab alio accipere.
» * (Vide dicta n. præced. infrà n. II) *.

* 2. Potest quis ordinari ut originarius, ubi ipse, 772
» vel pater ejus est natus. Barb. Zerol, Aversa, et alii
» novem cum Dian. p. 8 t. 2. R. 12. Non tamen ordi-
» nari ab Episcopo, in cujus diœcesi natus est for-
» tuitò: v. gr. quia mater ibi itineris, vel negotiorum
» causâ degebat, quia non contrahit ibi civilitatem ori-
» ginis, sed ubi parentes domicilium habent; ibi enim
» natus esse censetur. Sanch. et alii 7, cum Dian. p. 8
» t. 2. R. 11. contra Hurt. * (Vide n. præc. n. IV.) *

* 3. Qui in diversis Episcopatibus habet duo do- 773
» micilia, in quibus æqualiter, etsi non mathematicè,
» habitat, potest ab utriuslibet loci Episcopo ordinari;

» quia utrique est subditus ratione domicilii. Præpos.
 » l. c. Sanch. Aversa, etc. cum Dian. p. 8 t. 2. R. 14.
 » Ejus tamen filius ab illo tantum, in cujus dioce-
 » est natus. Quod si fortuitò extrà utriusque dioce-
 » sim sit natus, ab utrovis potest ordinari; quia uter-
 » que censetur ejus Episcopus originis, cum non sit
 » potior ratio de uno, quàm de alio. Præp. Dian. l. c.
 » Natus autem ex fornicatione, matris potius, quàm
 » patris domicilium sequitur. Præp. Dian. l. c. R. 18.*

774 Potest quis ordinari ab Episcopo Beneficii, licet Beneficium sit simplex, modò sit perpetuum, et initiandus illud jam possideat. Et idem dicitur de habente Commendam perpetuam, quæ transeat in titulum. Ita Sanch. Trull. Avers. Phil. etc. cum Salm. c. 4 n. 51 et 52 comm. Dicunt Tamb. de Ord. c. 8 n. 21 cum Dian. et Bord. ac Salm. cum iisdem Authoribus, quod sufficiat Beneficium etiàm tenue: sed hoc expressè reprobatur in d. Bulla Speculatores n. 770 ad n. III. ex qua requiritur Beneficium sufficiens ad sustentationem de se, sine supplemento patrimonii; vide apud Croix n. 2168. Et hic notandum cum Croix n. 2178, non sufficere titulum servitii mensæ, vel Ecclesiæ, aut Missarum; quia reverà hæc non sunt Beneficia. An autem ex Beneficio detrahenda sint onera Missarum? S. C. (ut refert Bened. XIV. Notif. 26 n. 6) die 17 Jul. an. 1723 respondit, id relinquendum arbitrio et conscientiæ Episcopi. Nota verò, quod in nostro Regno Beneficium, ut quis possit cum eo ordinari, debeat ascendere, detractis oneribus, saltèm ad medietatem taxæ statutz pro patrimonio. Vid. infra n. 830.

775 Sed dubit. 1. an Episcopus Beneficii possit dispensare in interstitiis cum aliquo, eodem modo, quo posset dispensare cum eo Episcopus domicilii? Negant Nav. et alii; sed veriùs affirmant Barb. Alleg. 4 n. 54 et Salm. c. 4 n. 53 cum Garc. et Trull. quia, cum talis Ordinandus jam fiat subditus Episcopi Beneficii quòad Ordines, fit etiàm subditus quòad omnia concernentia Ordines; modò, intelligendum, accedat necessitas vel utilitas (respectivè ad Ordinem qui confertur) Ecclesiæ, cui Ordinandus adscribitur, juxtà dicenda n. 795.

Dubit. 2. an ritè Episcopus ordinet aliquem, cui⁷⁷⁶ idèò contulit Beneficium, ut possit eum ordinare? Negant Quaranta, Barb. etc. apud Salm. c. 4 n. 54 quia talis collatio esset in fraudem. At valdè probabile est, quod possit, ut tenent Tamb. de Sacr. Ord. c. 8 n. 21 cum Leandr. Bord. Dian. et aliis; et huic sententiæ favent Salm. c. 4 n. 53 cum Trull. Ratio, quia nullo modo fraudat legem, qui utitur jure suo, ex Reg. juris in 6. *Non censetur dolo facere, qui utitur jure suo.* Habetur autem in c. Cum nullus de temp. Ord. quod indistinctè concessum sit Episcopis ordinare alienos ratione Beneficii.

» 4. Qui plura habet in diversis diocesisibus bene-⁷⁷⁷
 » ficia, potest à quolibet illorum Episcoporum ordi-
 » nari. Garc. Præp. l. c. etc. Dian. p. 8. t. 2. R. 25.
 » * (Idem dicunt Salm. c. 4 n. 45 cum Pal. Trull. etc.
 » In expositis autem spectatur locus, in quo expositi
 » sunt; Salm. ib.) *
 » Studiosi qui in Universitate habitant, etiàm
 » ultra decennium, animo redeundi in patriam, non
 » contrahunt ibi domicilium, atque adèò ab ejus loci
 » Episcopo ordinari non possunt. Imò si isthic ducant
 » uxorem, nec filii eorum; sicut enim is non dicitur
 » Episcopus domicili respectu patris; ità nec Epis-
 » copus originis respectu prolis, quæ nata fingitur in
 » domicilio patris. Dian. p. 8 t. 2. R. 15 et 17. »

Notandum 1. quod, licet ad alios effectus, etiàm⁷⁷⁸ ad suscipienda Sacramenta, ut domicilium acquiratur, sufficiat, quod quis incipiat alicubi habitare animo ibi perpetuò manendi; ad effectum tamen suscipiendi Ordines, ultra prædictum animum requirantur alia in Bulla *Speculatores* enumerata d. n. 770 infra n. V. et præcipuè juramentum de ipso animo perpetuò ibi manendi.

Notandum insuper, quod, ut quis ordinari possit ratione domicili, requiratur, ut præstet juramentum de domicilio ibi contracto, ex Decl. S. C. quam refert P. Zachar. apud Croix l. 6 p. 2 ad n. 2166. Adhuc autem filiusfamilias vivens seorsum à patre potest domi-

cilium acquirere, ex l. Placet, et l. *Non utique*, B. Ad Munif. Idemque decrevit S. C. (ut testatur P. Zachar. ad n. 2180) de infante seu impubere. Benè tamen advertunt Sanch. de Matr. l. 3 d. 23 n. 1 et 2. Bonac. p. 4 n. 11 et 12. Pal. p. 15 et Salm. c. 4 n. 48 cum Aversa, Trull. Dic. et Philib. quod, si quis post domicilium contractum habet animum aliò se transferendi, benè posset ordinari ab Episcopo loci, in quo commoratur: ad domicilium enim perdendum, non solùm requiritur animus discedendi ab illo, sed etiàm actualis recessus: ut patet ex plurib. Declar. Sacr. Congr. ut refert P. Zachar. apud Croix l. 6 c. 2 n. c. 2176.

779 Not. 2. quod Barones, eorumque filii gaudeant domicilio suorum feudorum, etsi ibi non habitant, ac propterea ordinari possint ab illorum Episcopo. Ità Barb. Avers. apud Croix n. 2180. Idem dicunt Salm. l. c. cum Sanch. Trull. Gob Barb. Rebuff. apud Croix ibid. de Senatoribus, et officialibus perpetuis alicujus loci, eorumque filiis; sed meritò hæc ait Croix ibid. non esse conformia intentioni Bullæ *Speculatores* relatæ, ubi, ut vidimus, requiritur, ut Ordinandus ratione domicilii per notabile tempus ibi permanserit, et habeat animum (ac juret) ibi perpetuò manendi.

780 Fit etiàm aliquis subditus Episcopi quòdā Ordines suscipiendos ratione *familiaritatis*, seu famulatûs: modò (ut sancivit. Trid. sess. 23 c. 9) *per triennium secum fuerit commoratus et Beneficium, quacumque fraude cessante, statim reipsa illi conferat*. Putat hîc Vasq. sufficere, si Episcopus animum habeat conferendi Beneficium quamprimùm vacaturum; sed communiter dicunt Avers. Phil. aliique cum Salm. c. 4 n. 55. Beneficium debere esse jam vacans; licet antè Ordinationem non conferatur, ut Sanch. Led. cum Salm. n. 55. Per relatam tamen Bullam *Speculatores* sufficit, si Beneficium conferatur intrà mensem. Vide n. 770 ad n. VI. Declaravit autem S. C. non posse Episcopum titulo familiaritatis aliquem ordinare, etiàmsi det ei pensionem, aut patrimonium. Vide P. Zachar. apud Croix l. 6 p. 2 ad n. 2167. Nomine autem *familiarium*.

intelliguntur omnes, qui Episcopo famulantur, et vivunt ejus expensis, etsi in ejus ædibus non habitent, modò degant in loco, ubi est Episcopus, vel prope; secùs si distent per decem leucas, ut dicunt aliqui; vel duas dietas, juxtà alios apud Salm. l. c.

Dicit autem Barb. de offic. Episc. Alleg. 5 n. 12 et 13 cum Garc. et Armendar. qui hoc referunt decisum à S. C. (contra Escob. n. 330 qui citat pro se March. et Leand.) Episcopum posse ordinare suum familiarem triennem etiam ad titulum patrimonii, vel pensionis pro necessitate vel utilitate Ecclesiæ, cui ille est adscribendus; imò Vasq. et Gabr censent posse eum ordinare, etiam si non habeat patrimonium; sed hanc opinionem Barb. ibid. meritò falsam vocat. Præterea, Renzi de Ord. c. 1 sect. 3 q. 13 et Barb. n. 8 cum Garc. Riccio, et Molf. (qui etiam decisum à S. C. asserunt) sufficere ajunt triennium adhuc inceptum, antequàm fuisset Episcopus. Advertunt tamen communiter Renzi l. c. cum Pal. Tamb. March. et Leand. ac Barb. n. 9 cum Molf. et aliis, tempus triennale debere esse continuum: hoc verò intelligendum moraliter, undè censet Renzi ib. non interrompi triennium, si familiaris per aliquod tempus aliò discedat; idque probat ex c. fin. de Verh. sign. in 6, ubi interrogatus Papa, quis veniret nomine Clericorum suorum, respondit, venire Clericos familiares continuò domesticos commensales, etiam si aliquandò pro suis negotiis abesse contingat. Idem advertunt Renzi q. 12. Sanch. l. 7 c. 1 dub. 27 n. 3 et Barb. n. 14 cum Nav. Sayr. Ugol. et aliis pluribus, non posse Episcopum dispensare super interstitiis cum familiari ordinando ad titulum Beneficii statim conferendi, quia hic nondum est subditus, et ità refert decisum à S. C. Garcia apud Renzi loc. cit. Benè tamen poterit dispensare post collatum Beneficium, quia ratione Beneficii collati jam fit subditus, ut dicunt Piasec. et Campanile apud Barb. n. 15 et pariter id à S. C. decisum refert Pitton. de Episc. n. 292 die 26 maji 1594. Sed intelligendum (ut diximus n. 775.), si adsit necessitas vel utilitas Ecclesiæ.

Quæritur, an famuli famulorum Episcopi possint ex hoc eodem titulo ab illo ordinari? Affirmant Sanch. Cons. l. 7 c. 3 dub. 20 n. 24. Dian. p. 4 tr. 4 R. 145. Salm. c. 4 n. 57. Avers. Henr. modò absit fraus, nempè, si ad hoc Episcopus permittat familiares suos plures famulos habere, ut possit eos ordinare; et modò omnes expensis Episcopi alantur, ut advertunt ibid. Salm. cum Henr. Ratio, quia hi omnes reverà tunc tamquàm famuli ipsius Episcopi reputantur.

DUBIUM II.

Quæ requirantur in Ordinando.

- 781 *Quinam validè aut invalidè ordinetur?*
 782 *An validè ordinentur infantes?*
 783 *Quæ requirantur, ut quis licitè ordinetur. ap. Busemb.*
 784 *I. ut sit viator, non neophytus, non infans, hermaphroditus, irregularis, etc. An autem remaneant ordinati irregulares, etc. quos Episcopus protestatur, se ordinare non intendere?*
 785 *II. Animus clericandi. Dub. 1 An peccet suscipiens Ordinem, nolens ascendere ad superiorem? Dub. 2. An peccet Clericus in minoribus, si uxorem ducat? Dub. 3 An peccet suscipiens Tonsuram ad effugiendum forum?*
 786 *III. Ut sit confirmatus.*
 787 *IV. Ut habeat Litteras dimissorias. Not. 1. Episcopi regulariter tenentur per seipsos ordinare. Not. 2. Licentia data non expirat morte concedentis. Not. 3 Episcopus confirmatus potest Dimissorias concedere, non verò suspensus, etc. Not. 4 Potest Episcopus eos dare etiàm in aliena Diœcesi existens. Not. 5. Non potest verò Vicarius Generalis.*
 788 *Not. 6. Quid de Capitulo Sede vacante? Not. 7 Quid de Abbatibus? Not 8. A quibus debeant habere Dimissorias Regulares? Not. 9. Quid si Papa det licentiam cum clausula, ut quis ordinetur à suo Ordinario tantùm? Not. 10. Potest Episcopus ordinare habentem Dimissoriam. Not. 11. An Ordinatio debeat fieri à certo Episcopo designato? Not. 12. Sufficit licentia oretenus.*
 789 *Dub. 1- An Episcopus possit ordinare alienum sub spe ra-*

thabitationis ? Dub. 2. An Episcopus ordinans possit dispensare cum alieno super irregularitate, etc.

790 *V. Examen de scientia, juxta qualitatem Ordinis suscipiendi.*

791 *Qu. 1. Quæ debeat scire Sacerdos, præsertim circa Sacramentum Pænitentiae ? Qu. 2. An illiterati sint irregulares ? Qu. 3. An in Regularibus minor scientia requiratur ?*

792 *Quid ultra notandum circa examen ? VI. Titulus sustentationis, de quo infra ex n. 813.*

793 *VII. Ut Ordines gradatim suscipiantur.*

794 *VIII. Ut Ordines suscipiantur tempore debito. Utrum in Festis liceat ordinare in Minoribus plusquam duos ?*

795 *IX. Ut serventur interstitia.*

796 *An qui eadem die suscipit duos Ordines sacros, incurrat suspensionem ? Quid si in Sabbato suscipit unum, alterum in Dominica ? Dub. 1. An hæc suspensio sit læ sententiæ ? Dub. 2. An incurrat suspensionem qui suscipit duos Ordines sacros, non servatis interstitiis.*

797 *An liceat eadem die suscipere quatuor Ordines minores cum Subdiaconatu ? Dub. 1. An excuset consuetudo contraria ? Dub. 2. An taliter ordinatus incurrat suspensionem ? Dub. 3. An Regulares possint ordinari extra tempora ? Dub. 4. An ipsi tunc possint ordinari quovis Festo duplici ? Quid de initiandis tribus diebus festivis ?*

798 *X. Ut servetur locus debitus, et existentia Episcopi in propria Diœcesi.*

799 *XI. Ætas debita. Aliàs incurritur suspensio. Dub. 1. An eam incurrat qui ordinatur antè ætatem ex ignorantia crassa ? Dub. 2. An malè fide ordinatus antè ætatem possit, eà completâ, Ordinem exercere ? Dub. 3. An incurrat irregularitatem suscipiens Sacerdotium antè ætatem ? An autem irregularitatem, qui ordinatur irretitus censurâ ? Vid. ib. v. Utrum.*

800 *Quomodo computanda ætas ? Dubit. 1. An possit Ordinari mane, qui vespere complet ætatem ? Dubit. 2. An computandus annus bissextilis ?*

801 *XII. Exercitium Ordinis suscepti.*

XIII. Sumptio Eucharistiæ.

XIV. Probitas vitæ.

802 *XF. Vocatio divina. Quæ sint ejus signa ?*

803 *An peccet graviter qui sine vocatione ordinatur ? An peccet Episcopus hunc ordinans.*

284. Lib. VI. Tract. V. De Extrema-Unct., et Ordine.

804. *Hæc vocatio tantò magis requiritur ad Episcopatum, et Parochiam suscipiendam.*

805. *Quæ sint Officia Ordinatorum?*

781. « **R**ESP. 1. Ad validam ordinationem requiritur et
» sufficit, ut mas sit baptizatus. S. Th. sup. q. 39 a.
» 1. Con. d. 20 d. 10. Vasq. Fill. t. 9 c. 4 q. 2.

Undè resolves.

- » 1. Incapax Ordinum est, et quidem jure divino
» I. Fœmina. Vasq. Reg. Fill. l. c. * (Ità S. Thom.
» suppl. q. 39 art. 1. Salm. de Ord. tr. 8 c. 5 n. 6 et
» alii communiter; estque de fide definitum in c.
» Nova, de Poen. et rem.) * II. Hermaphroditus, in
» quò sexus fœmineus prævalet Fill. l. c. Quod si au-
» tem in eo incipiat prævalere post Ordinationem
» validam, non potest validè consecrare, vel absol-
» vere, licet characterem sacramentalem retineat.
» Lug. resp. mor. l. 1 d. 21. III. Non baptizatus, ib.
» 2. Validè ordinantur 1. Perpetuò amentes, cæci,
» muti, privati manibus, etsi jure naturali sint inha-
» biles. 2. Irregulares, etsi jure Ecclesiastico sint
» inhabiles, maneatque ab eorum usu suspensi. 3.
» Pueri in cunis, qui tamen ad castitatem non tene-
» buntur vi voti, nisi id ratificaverint. Tol. Henr.
» Azor. l. 13 c. 14. Bon. l. c.
782. Quær. an validè ordinentur infantes? Negant Pal.
Dur. et Petr. Sot. apud Salm. c. 5 n. 22. Sed veriùs
affirmat D. Th. sup. q. 39 art. 2 ubi docet, quod omnia
Sacramenta quæ non requirunt actum proprium sus-
cipientis, sed in eis datur aliqua spiritualis potestas
(ut sunt Baptismus, Confirmatio, et Ordo) validè
suscipiantur antè usum rationis; imò ordo etiàm licitè
suscipitur (loquendo de Ordinibus minoribus (si ad-
sit necessitas, et spes profectûs. S. Doctorem sequun-
tur communiter Sanch. Cons. l. 7 c. 3 dub. 32 n. 2.
Renzi p. 344 q. 2 et Salm. c. 5 num. 23 cum S. Bonav.
Scoto, Dom. Soto, Gonet. Vasq. Val. et aliis; et hoc
communi sensu DD. definitum testatur Bened. XIV.
in Bulla *Inter sollicitas*, edita 4 maji 1745. Idque

probat D. Th. ex c. ex un. de Cler. per salt. prom. ubi dicitur, quod, si aliquis Subdiaconatum receperit antè usum rationis, debeat ordinari antè Diaconatum, si non constet de illius susceptione, secùs si constet. Dicit tamen ib. idem Angelicus, quod pueri antè usum rationis non possint validè suscipere Episcopatum.

« Resp. 2. Ut Ordo licitè, et secundùm jura Ec-⁷⁸³
 » clesiae rite sumatur, aut non incurratur censura,
 » requiritur in recipiente, præter statum gratiae. I.
 » Ut non sit neophytus * *Qui autem non esset bapti-*
 » *zatus certè Ordinem non reciperet, ut constat ex*
 » *Conc. Nicæno Can. 19 et ex c. Veniens de Presb.*
 » *non baptiz.*) * vel infamis, vel hermaphroditus,
 » vel irregularis, suspensus, excommunicatus.

• II. Animus clericandi : Trid. sess. 23 c. 4 sine
 » quo si primam Tonsuram, vel Ordines minores ac-
 » cipiat, videtur peccare, saltèm venialiter (nisi justa
 » causa excuset), quia fraus est levis; vide suprà l.
 » 4 cap. 2 d. 1 art. 3. Similiter venialis inconstantia
 » videtur sine justa causa statum Clericalem deserere.
 » III. Ut sit confirmatus. Trid. sess. 23 c. 4 et qui-
 » dem secundùm Bonac. d. 8 p. 5 n. 10 sub mortali;
 » secundùm Sotum et Conin. sub veniali. IV. Litteræ
 » dimissoriae, etiàm pro prima Tonsura, Episcopi pro-
 » prii, sive originis, sive beneficii, sive domicilii. Vide
 » Dian. p. 3 t. 4 R. 194. V. Examen coram Episcopo
 » de scientiâ necessaria ad usum cujusque Ordinis;
 » nam Trid. sess. 23 c. 4 pro prima Tonsura requirit,
 » ut sciant fidei rudimenta, item legere, et scribere :
 » de quibus probabilis sit conjectura, quod Clerica-
 » tum elegerint, non secularis judicii fugiendi frau-
 » de, sed ut Deo fidelem cultum præstent. Pro mi-
 » noribus, ut linguam latinam intelligant. Pro Sub-
 » diaconatu, et Diaconatu, cognitionem eorum, quæ
 » ad istos Ordines spectant. Pro Sacerdotio tantam
 » scientiam, ut populum docere possint necessaria
 » ad salutem, et administrare Sacramenta VI. Titu-
 » lus sustentationis, ut beneficii, vel patrimonii, vel

- » paupertatis , ut in Regularibus , Trid. sess. 21 c. 2
- » V. Bonac. VII. Ordo inter receptionem unius , et
- » alterius ; cujus inversio , v. g. suscipere Diaconatum
- » antè Subdiaconatum , erit mortale : Episcopatus antè
- » Sacerdotium erit etià invalidus. VIII. Tempus ;
- » sic minores conferuntur quavis Dominica , vel festo
- » quidem tali , quod ex præcepto Ecclesiæ celebre-
- » tur etià in foro , ut Sylvest. Azor. Barbos. etc.
- » commun. docent. Ac , licet Præpos. Fagund. Tan.
- » Gavant. etc. putent sufficere quodvis festum duplex
- » in Ecclesia , eamque sententiam Dian. p. 5 t. 13
- » res. 47 vocet tutam in praxi , eam tamen ex Decr.
- » Urbani VIII rejectam esse monet C. de Lug. lib. 1
- » resp. mor. d. 43. Eisdem autem posse ex recepta
- » Episcoporum consuetudine , etià feriâ 6 vespere
- » antè Sabbatum , quo omnes Ordines jure conferri
- » possunt , notat Dian. pag. 2 t. 6 R. 28 ex Henriq.
- » Regin. etc. Majores verò Sabbatis Quatuor Tempo-
- » rum , et Dominicæ Passionis , ac Hebdomadæ sanc-
- » tæ. IX. Interstitia temporum. Sic majores nonnisi
- » post annum ab alterius susceptione conferri pos-
- » sunt , ex Trid. sess. 23 c. 11. 13 et 14. in quo ta-
- » men Episcopus ob necessitatem , vel utilitatem Ec-
- » clesiæ potest dispensare. Eodem tamen die , non
- » nisi de licentia Papæ , duo Ordines majores possunt
- » dari ; minores verò omnes , dispensante Episcopo ,
- » possunt dari eodem die , et , si consuetudo sit , si-
- » mul cum Subdiaconatu. Nav. c. 25. Henriq. l. 10
- » 11. Vasq. Suar. Sa , v. Ordo. Laym. l. 3 t. 9 c. 8.
- » X. Locus , scilicet pro solemni collatione , Ecclesia ,
- » pro privata , Sacellum. XI. Ætas , in quo ordinariè
- » Episcopus non potest dispensare ; et sic pro prima
- » Tonsura et minoribus requiritur saltèm septennium
- » completum , licet Quint. t. 6 sect. 21 contra Sanch.
- » etc. putet sufficere inchoatum. Pro Acolytho annus
- » 12 completus , Fill. t. 9 c. 4 n. 28. Pro Subdiaco-
- » natu vigesimus secundus , pro Diaconatu vigesimus
- » tertius , pro Sacerdotio vigesimusquintus , omnes
- » incepti , pro Episcopatu trigesimus completus. Vid.

» Bon. d. 8 qn. 1. Fill. tr. 9 c. 4. Laym. l. 5 tr. 9 c.
 » 6 et 7. Dian. p. 3 t. 4 R 192. Si autem dubium sit,
 » an quis ætatem requisitam habeat, v. gr. pro Sa-
 » cerdotio ad annum 25 ingressus sit, ordinari non
 » potest. Sanch. Laym. Bard. d. 6 c. 11 p. 6 § 2 vide
 » suprà l. 1 tr. 1 c. 2 dub. 3. Peccat autem tam ordi-
 » nans, quàm ordinatus, si ordinetur qui non habet
 » qualitates requisitas. »

Omnia tamen hæc fusiùs discutienda. Ut quis igi-²⁸⁴
 tûr ritè ordines suscipiat, requiritur I. Ut sit viator,
 quia Sacerdos vitâ sanctus non validè consecraret.
 Item, ut non sit neophytus, nec infamis, nec her-
 maphroditus, qui non est capax Ordinis, nisi in eo
 prævaleat sexus masculinus, aliàs non potest verè ap-
 pellari homo; undè nec licitè, nec validè consecraret,
 imò nec licitè, etiàmsi sexus masculinus prævaleret,
 quia esset monstrum, et ideò egeret dispensatione
 Pontificia; Vide Salm. c. 5 n. 15. Item requiritur, ut
 non sit irregularis, suspensus, vel excommunicatus.

Quæritur hîc, an, cum Episcopus antè Ordinationem protestatur, se non intendere ordinare irregulares, excommunicatos, aut alio modo indignos, utrùm isti irregulares remaneant ordinati? Negant Molfesius ap. Escob. l. 23 n. 198. Affirmant verò communius Cabassut. T. I. l. 3 c. 16 n. 15 Ludov. Bail. et Escob. n. 200 cum Nav. Sa, Rodr. Graff. etc. quia verba illa dicuntur ad terrorem; quod arguitur ex eo, quod idem Episcopus post hanc protestationem antè Ordinationem initiandos absolvat à quacumque excommunicatione, irregularitate; etc. Sed melius docet N. SS. P. Bened. XIV. in celeberrimo Opere, de Sacr. Miss. (a) sect. 2 §. 70 ubi ex Decreto S. C. Concilii dicit, in hoc casu interrogandum esse Episcopum ordinantem de sua intentione, et si ipse asserat, se suam intentionem protestationi alligasse, Ordinationem absolutè iterandam esse; si verò Episcopi intentio sit dubia, Ordinatio est sub conditione repetenda. Et sic pluries S. C. censuisse faciendum refert P. Zacharia ap. Croix l.

(a) Ed. Lov. t. 2. p. 120.

6. p. 2. ad n. 2231, ubi tamen affert alias oppositas Declarationes S. C. quibus dixit validam esse Ordinationem quorundam ordinatorum cum falsis Dimissoriis, etsi præmissa fuerit protestatio Episcopi, excludens voluntatem ordinandi eos, qui essent destituti conciliaribus requisitis.

985 Requiritur II. Animus clericandi, ex Trid. sess. 23 c. 4. Hic dubitatur 1. an peccet qui suscipit aliquem Ordinem sinè animo ascendendi ad superiores? Certum commune est non peccare graviter, etiàmsi quis suscipiat Ordines majores, et non intendat suscipere Sacerdotium, ut rectè dicunt Laym. de Ord. c. 7 sub finem; Salm. c. 5 n. 52 et Escob. n. 304 et alii passim, contra Bannez, Marchin. et alios paucos (ap. Escob. n. 363.), qui improbabiler asserunt esse mortale. Imò idem Escob. n. 305 et Palaus p. 8 n. 8 cum Conc. et Bonac. probabiliter putant, nullum esse peccatum, quia nullo jure præscribitur alicui ad superiores Ordines ascendere; nisi quis acceptet Beneficium requirens Sacerdotium, vel Ordinem sacrum, prout sunt Beneficia curata, seu ea, quibus sunt annexa onera cantandi Missam, Evangelium, vel Epistolam, ut habetur ex Trid. sess. 22 c. 4 Cæterum idem Concilium sess. 23 c. 4 solum requirit in ordinando intentionem præstandi Deo fidelem cultum: Idquæ confirmatur ex cap. 1. de Filiis Presbyter. ubi dicitur, Episcopos posse dispensare cum illegitimo ad suscipiendos Ordines minores, non ad majores; ergo licitum est suscipere unum Ordinem sinè animo ascendendi ad superiores. Ratio, est, quia quilibet Ordo confertur ad hoc, ut ordinatus inserviat Deo, proprium munus exercendo; sufficit igitur munus illud acceptare sinè intentione ulterius progrediendi. Aliter verò dicendum esset de novitio, qui Religionem intraret animo non perseverandi; hic enim difficulter excusari posset à culpa gravi, propter damna temporalia et incommoda, quæ Religioni tunc frustrà afferret, et etiàmsi propter scandalum, quod aliis novitiis præberet; exemplum enim socii magnam alteri tentationem ingerit.

Dubitatur 2. An peccet Clericus, qui initiatus in minoribus uxorem ducit? Per se loquendo certum est, eum non peccare graviter, imò nec etià leviter, si ob justam causam hoc facit, puta ad sedandas inimicitias, aut tentationes carnis, ad subveniendum foeminæ pauperi, etc. aliàs non excusabitur à veniali; ità Bonac. de Matr. qu. 3 p. 9 n. 2. Pal. de Ord. p. 9 n. 9. Escob. n. 311. cum Tol. Azor. Val. Aug. Rod. etc. ac Salm. c. 5 n. 51. qui dicunt, hanc sententiam esse omnium, uno Cajet. excepto, qui voluit esse mortale. Dixi *per se loquendo*; nam utrùm graviter peccet, qui certus de sua vocatione ad statum ecclesiasticum, ab ea recedit, ut sæculo fruatur? Vide dicta l. 4 n. 78. ubi diximus hoc metuendum, ne fortè existat in malo statu.

Dubit. 3 an peccet qui minores Ordines aut primam Tonsuram suscipit animo effugiendi forum laicale, et postea redeundi ad sæculum? Adsunt tres sententiæ, prima sententia, quam tenent Pal. p. 8 n. 7 et Esc. n. 308. dicit, eum nullo modo peccare, quia utitur jure suo. Secunda verò sententia, quam tenent Salm. c. 5 n. 57. Led. et Vict. apud Sanch. de Matr. l. 7 dist. 31 n. 17. item March. Molf. Leand. et Trull. apud Escob. n. 306. dicit, hunc peccare mortaliter, quia in Trid. ses. 23 c. 4 sic habetur: *primâ Tonsurâ non initiatur... de quibus probabilis conjectura non sit, eos non sæcularis judicii fugiendi fraude, sed ut Deo fidelem cultum præstent, hoc vitæ genus elegisse.* Cum ergò hoc crimen Concilium *fraudem* appellet, idèò nequit excusari à gravi culpa qui sic ordinatur, quia graviter defraudet Ecclesiam, abutendo suis sacris ministeriis ad fines temporales. Tertia demùm sententia, quam tenent Laym. c. 7 n. 2. Sanch. l. c. cum Navar. Bon. p. ultim. n. 10. cum Val. et Con. Diana p. 10. tr. 16 R. 61 cum Vill. et Machad item Hurt. Aversa, Nald. Homob. etc. ap. Escob. n. 307. dicit, hunc non peccare mortaliter, quia ex Tridentino tunc intelligitur aliquis fraudem committere, quandò suscipit Ordines, ut aliquod sæculare judicium jam inceptum effugiat, et hoc quidem

erit mortale ; alioquin erit tantum veniale , ratione deordinationis finis ab Ecclesia intenti. Primam sententiam non satis probabilem puto, tertiam probabilem , secundam vero probabiliolem , quia æquè videtur fraudem committere qui ordinatur , ut effugiat iudicium sæculare in casu particulari , quàm qui in genere pro omnibus casibus occurrentibus : quomodo autem peccet qui accipit Beneficiam animo illud dimittendi , vide dicta l. 4 n. 213. Qu. I. ubi diximus hunc non peccare mortaliter (nisi Beneficiam habeat annexum Ordinem sacrum) quia non constat huiusmodi deordinationem esse gravem.

786 Requiritur III. Ut sit confirmatus. An autem id requiratur sub præcepto gravi , affirmat Bonac d. 8 p. 5 n. 10. cui consentiunt Tol. Tan. et Aversa apud Mazzotta t. 3 pag. 254 quia hic peccaret in re gravi , tum contra usum Ecclesiæ , tum contra præscriptum Tridentini sess. 23 c. 4 ubi dicitur : *Primum Tonsuræ non initiuntur qui Sacramentum Confirmat. non susceperint.* Alii verò , ut Holzm. n. 218. cum Tamb. etc. , censent hoc non esse de præcepto , sed de consilio. Alii tandem communiter , ut Suar. t. 3 d. 38 sect. 1. Nav. c. 22 n. 9. Laym. tr. 3 c. 5 q. 4. Pal. de Confirm. p. 8 n. 6. Mazzott. l. c. Salm. c. 4 n. 73. cum Vict. et Philib. ac Barb. de Pot. Ep. Alleg. 2 n. 15. cum Azor. Val. Reg. Molf. Vivald. etc. probabilius dicunt , Confirmationem non requiri sub obligatione gravi , sed requiri quidem sub levi ; quia , licet verba Tridentini potius indicent decentiam , quàm præceptum , tamen in hoc contraire non excusatur à levi saltem deordinatione.

787 Requiritur IV. Ut habeat Litteras Dimissorias proprii Episcopi. Super hoc requisito plura sunt annotanda. Notandum id quod præscribit Tridentinum sess. 23 c. 3 ubi dicitur : *Episcopi per semetipsos Ordines conferant ; quod si ægritudine fuerint impediti , subditos suos non aliter quàm... probatos et examinatos ad altum Episcopum ordinandos dimittant.* Indè regulariter Episcopus tenetur ipse suos subditos ordinare ,

nisi sit impeditus infirmitate, ut dicit Concilium, vel aliâ justa causa, ut rectè ajunt Salm. c. 4 n. 58. et Barb. in Trident. l. c. cum Led. Sal, Piasec. etc. quia causa infirmitatis ibi exprimitur exemplificativè, non taxativè. Hinc probabiliter Croix n. 2243. id etiàm admittit, si ordinandus alibi esset, aut ei incommo- dum foret ad suam Diœcesim accedere. Debet autem Episcopus proprius suum subditum examinare, ex Concilio ut suprâ; quàmvis, sicut potest examen al- teri committere, sic etiàm poterit eum mittere ad alie- num Episcopum, ut ille examinet. Episcopus verò, ad quem ordinandus mittitur, potest quidem eum or- dinare sine examine, sed potest etiàm examinare, si velit, ut benè ajunt Salm. l. c. et Croix n. 2245. cum aliis. Et hoc utique erit tutius, ut ait Barbosa Alleg. 7 n. 22. cum Bonac. Piasec. et Campanile, quinimò censent tenèri examinare ex eod. Trid. sess. 7 c. 11 ubi dicitur, quod nemo ab extraneo ordinetur, nisi prævio examine.

Notandum 2. Licentia data alicui, ut ordinetur ab alieno Episcopo, non expirat morte concedentis, nisi à successore revocetur; ità communiter Sanch. de Matr. l. 8 d. 28 n. 83. Barb. Alleg. 7 n. 24. cum Suar. Salm. c. 4 n. 58. cum Bonac. et Escob. n. 418. cum Henr. Quaranta, Rod. et communi, quia gratia semel facta, morte concedentis non expirat, ex c. Super gratia. De Offic. Deleg. in 6.

Notandum 3. Episcopus propriam Diœcesim ha- bens, si est jam confirmatus, esto nondum consecra- tus, benè potest Dimissorias concedere; quia hic est actus jurisdictionis, quam confirmatus secuta posses- sione jam habet. Ità Sanch. Cons. l. 7 c. 3 dub. 20 num. 31. et Salm. c. 4 num. 59. An autem Episco- pus suspensus aut excommunicatus jam declaratus possit Dimissorias concedere, vel Confessarios ap- probare, et similia? Affirmant Led. et Trull. sed probabilius negant Barb. Alleg. 7 n. 4. et Salm. n. 59. quia excommunicati omni jurisdictione carent. Hinc benè ait Barb. l. c. casu, quo ordinandi probent suam

Episcopum esse excommunicatum, vel suspensum, rite posse eos ordinari ab Episcopo viciniori, ex c. 2 de Temp. Ord. in 6.

Notandum 4 Episcopum existentem in aliena Diocesi benè posse ibi Dimissorias concedere, cum hic non sit actus jurisdictionis contentiosæ : ità Salm. c. 4 n. 60. cum Gav. ; et Barb. d. All. 7 n. 29. cum Armendar. qui id decisum refert.

Notandum 5. Vicarium Generalem nequire Dimissorias concedere, nisi expressam de hoc facultatem habeat ab Episcopo, vel nisi Episcopus sit extrà Provinciam, aut distans per duas, vel saltèm unam diem, sive diem itineris à propria Diocesi, ut dicunt Salm. c. 4 n. 62. cum communi, et Pal. p. 15 n. 8. ac Barbos. All. 7 n. 9. cum Azor. Rebuff. Gutt. Molf. etc. ex c. Cum nullus, de Temp. Ord. in 6 ubi dicitur : *Episcopo autem in remotis agente, ipsius Vicarius Generalis, Sede vacante Capitulum, seu is ad quem tunc temporis administratio spiritualium noscitur pertinere, dare possunt licentiam ordinandi.* Probabiliter verò dicit Escob. n. 402. cum Joan. Andrea, Molf. March. et Leand. benè posse Vicarium (ut diximus) ex peculiari licentia Episcopi, expressa vel tacita, Dimissorias concedere; quod confirmatur ex Glossa in d. c. quæ ait : *Nisi habeant (ab Episcopo) speciale mandatum ad hoc.*

788 Notandum 6. Capitulum Sede vacante olim poterat dimissorias concedere; patet ex dicto c. *Cum nullus*; sed hoc limitatum postea fuit à Trid. sess. 7 c. 10 ubi habetur : *Non liceat Capitulis... Sede vacante, infra annum... ordinandi licentiam aut Litteras dimissorias... concedere*; nisi quis (ut ibi additur) sit arctatus ad Ordines intrà annum illum suscipiendos, ob Beneficium requirèns obsequium personale. Aliter Capitulum incurrit interdictum, et Vicarius illius suspensionem ab officio et Beneficio per annum; necnon sic ordinatus, si fuerit in Sacris, incurrit suspensionem ab exercitio Ordinis suscepti ad arbitrium Episcopi futuri; si verò in Minoribus, privatur privilegiis Clericalibus, sed hoc non

antè judicis sententiam. Ità Salm. c. 4 num. 65. cum Sanch. Philib. Aversa, et Trull. Dicit autem Croix n. 2258, non posse dici *arctatum*, qui tantum est præsentatus ad Beneficium, nisi quis Beneficium jam habeat, vel jus habeat ad illud, seu vocatus sit; sed contradicunt Salm. c. 4 n. 65 et consentit Barbosa All. 7 n. 11 cum Moneta, Riccio, et Garcia, asserens rectè dici etiam *arctatum*, qui ordinatus primâ Tonsura est, præsentatus ad Beneficium: et Merola apud Renzi p. 359 q. 2 id. refert decisum à S. C. etiam pro non adhuc Tonsurato, his verbis: *Vicarius Capitularis, Sede vacante, infra annum potest concedere Litteras Dimissorias ad primam Tonsuram ei qui est præsentatus à personis laicis ad Beneficium Ecclesiasticum juris patronatus ipsorum, ut ille obtinere valeat.* Rectè tamen dicit Croix l. c. cum Garcia, Ugolino, et Riccio, non dici *arctatum eum*, cui aliquis vult resignare Beneficium requirens Ordinem quo ille caret. Hicque præterea notandum id quod habetur in Concordato nostri Regni c. 4 n. 9 ibi: *I Vicarii Capitolari non potranno senza il voto del pieno Capitolo, da darsi per maggioranza de' voti segreti, concedere le lettere dimissoriali a' Laici, arctati per ragion di Beneficio, o Cappellania, o pure a coloro, che avendo già la prima Tonsura, sono presentati a qualche Beneficio, o Cappellania, che actu requirant certum Ordinem: Coll' espressa condizione, che così nell' uno, come nell' altro caso colui, che chiede d' esser promosso, non sia stato altre volte rigettato dal Vescovo antecessore.* Vide alia præscripta in dicto concordato n. 830.

Benè potest tamen Capitulum, Sede vacante, etiam intra annum dare Litteras Testimoniales alicui, qui aliundè licentiam habet ad Ordines suspiciendos; Salm. c. 4 n. 56 cum Sanch. Pal. Dic. etc. probabiliter etiam potest dare alicui licentiam, ut initietur primâ Tonsura, eo quod Tonsura non sit Ordo; ità Garcia, et Gallem. apud Croix n. 2261 qui eis adhaeret ex Declar. S. C. Id autem quod potest Capitulum, Sede vacante, non potest per seipsum facere, sed per suum Vica-

294 Lib. VI. Tract. V. De Extrema-Unct., et Ordine.
 rium electum; Croix n. 2266 et sic refert decisum à
 S. C. die 3 Febr. 1604. Pitton. de Canon. n. 271. Item
 hic notandum, quod sede vacante benè possit ordi-
 nari intra annum qui habet Dimissorias Episcopi de-
 functi, ut communiter dicunt Barbosa All. 7 n. 23
 cum Nav. Gonzalez, et Henr. ac Croix n. 2259 cum
 Sanch. Laym. Tamb. etc. ex Declar. S. C. Idem dici-
 tur de Regularibus intra annum afferentibus Dimisso-
 rias suorum Superiorum; his enim benè potest Capi-
 tulum licentiam concedere, ut ordinentur ab aliquo
 Episcopo. Et sic etià valent Dimissoriæ concessæ à
 Capitulo, Sede vacante post annum, etiàsi sit jam
 ingressus novus Episcopus; Barb. n. 24 cum Mol.
 Gonsal, Fag. Led. Quaranta, etc. Præterea notandum
 quod, licet in Concilio Romano sub Bened. XIII. per-
 missum fuerit Vicariæ Capitulari post annum luctus
 Ecclesiæ concedere Dimissorias, tamen in concordato
 nostri Regni facultas vitæ ei sublata, nisi habeat expres-
 sam licentiam S. G. Concilii.

Quàmvis autem Capitulum non possit intra annum
 Dimissorias concedere, dicunt tamen Sanch. l. 7 c. 1
 dub. 26 n. 2. Tamb. de Ord. c. 9 §. 2 n. 9 et Barb. All.
 7 n. 17 in Trident. sess. 7 c. 10 n. 5 cum Henr. Qua-
 ranta, Molf. Piasec. Furnar. etc. posse tamen dare alieno
 Episcopo licentiam Pontificalium, et pariter conferen-
 di Ordines Clericis subditis ipsi Episcopo, vel sub-
 ditis eidem Sedi vacanti, qui non à Metropolitano,
 nec ab Episcopo viciniori, sed à Papa debent habere
 licentiam ordinandi, ut refert decisum Garcia apud
 Barbosam l. c. in Trident. Sed huic opinioni se oppo-
 nit Croix n. 2257 dicens ob stare verba Tridentini ut
 suprâ: *Non liceat infra annum ordinandi licentiam, aut
 Litteras Dimissorias... concedere*; Gerundium enim
 ordinandi, dicit Croix, esse activum, undè non de-
 bere applicari Ordinandis, sed Episcopo. At venià P.
 Croisii, docemur à pluribus Grammaticæ peritis. hu-
 jusmodi gerundia modò sumi activè, modò passivè. Et
 ipsummet Concilium pluries usurpavit gerundium in
 passivâ significatione, ut sess. 7 c. 11 et 12 de Benef.

Facultates de promovendo à quocumque. Et hîc juxtâ proprium sensum Tridentini *to ordinandi* veriùs intelligendum passivè, dum Concilium post verba, *non liceat capitulis ordinandi licentiam, aut Litteras Dimissorias. . . concedere*, addit, *alicui qui beneficii occasione arctatus fuerit.* Undè illud *concedere* refert tam *licentiam ordinandi*, quàm Litteras Dimissorias subjecto *alicui*, nempe ordinando.

Notandum 7. Hodîe non ampliùs locum habere id, quod dicunt Salm. c. 4 n. 67 cum Melf. et Phil. nempe quod Abbates, qui possunt suos subditos ordinare (juxtâ dicta n. 763), possint etiàm eis concedere Dimissorias ad suscipiendos Ordines à quocumque Episcopo, vel Abbate mitrato. Neque enim Abbates mitrati, adhùc si habeant jurisdictionem quasi Episcopalem, possunt alienos subditos ordinare, ex Decreto S. C. relato n. 766. Neque alii Episcopi, quàm Diocesani (ut mox videbimus) possunt Regulares ordinare.

Notandum 8, quod Regulares exempti debeant habere Dimissorias à Prælatiis suis, scilicet Generalibus, aut provincialibus, ut dicunt Salm. cap. 4 n. 68 cum Sanch. Diana, Philib. et aliis communiter; aliàs peccant mortaliter, et suspensionem incurrunt. Præterea, ex Decreto Clementis VIII. (relato in extensum apud Croix n. 2236.) Dimissoriæ sunt dirigendæ ad Episcopum Diocesenum, nisi is sit absens, aut non teneat Ordinationem. Nec obstat dicere cum Sanch. Laym. Pal. etc. apud Croix l. c. posse dari Regularibus Dimissorias ad quemcumque Episcopum, eo quod mandatum Clementis non fuerit receptum, ut asserit Pal. vel quia (ut putat Sanch. Decretum illud valet tantum pro Regularibus eidem Episcopo loci subjectis. Nam in c. 3 de temp. ord. in 6 generaliter id vetatur, et præfatum Decretum fuit novissimè confirmatum et innovatum à Benedicto XIII et XIV vide dicta n. 768. A quo autem possint ordinari noviti? Vide dicta n. 764 et 765.

Notandum 9. Si quis obtineat facultatem à Ponti-

fioſ ſuſcipiendi Ordines extrà tempora , ſed cum clauſula , à ſuo *Ordinario tantum* , eum poſſe cum iſtius Dimiſſoriis ab alio ordinari ; ità Sanch. l. 7 c. 1 dub. 25 n. 2 cum Navarr. Mazzotta p. 250 et Croix n. 2242 cum Gobat. Ratio , quia apponitur illa particula *tantum* , ne præjudicium inferatur proprio Episcopo ; ſed minimè ipſe præjudicatur , quando ipſemet concedit Dimiſſorias.

Notandum 10. Probabiliter Episcopum poſſe confirmare eum , qui adducit Dimiſſorias ſui proprii Episcopi pro Tonsura ; ità Croix num. 2239 cum Rebuffo. Et idem ait Croix ibid. cum Gobat. ſi quis eſt dimiſſus ad ſuſcipiendum Subdiaconatum , cum non adhuc ſuſceperit Ordines minores , quia tunc cenſetur dimiſſus etià pro minoribus.

Notandum 11. Quàmvis die 22 jun. 1623 (apud Pitton. de Episc. n. 800.) S. Congregatio præpoſita negotiis Regni Neapolitani ſtatuerit , nullas eſſe Dimiſſorias non directas certo Ordinario , tamen anno ſequenti die 16 Mart. contrarium fuiſſe ſtatutum per S. C. Episc. nempè quod Episcopi Regni Neapolitani ritè poſſint extraneos ordinare cum Dimiſſoriis proprii Ordinarii , licet non ſint directæ ad certum Episcopum. Hinc probabiliter dicunt Mazzotta pag. 250 et Croix n. 2241 cum Gobat. et Quint. quod , ſi quis eſt dimiſſus ad certum Episcopum , qui ſit designatus in gratiam ipſius ordinandi , benè poterit ab alio Ordines ſuſcipere , ex regula juris 61 in 6 ubi : *Quod ob gratiam alicujus conceditur , non eſt in ejus diſpendium retorquendum.*

Notandum 12. Ut quis ordinetur ab alieno Episcopo non requiri , ut obtineat à proprio licentiam in ſcriptis , ſed ſatis eſſe ſi conſtet de illa per teſtes , vel aliter : ità Sanch. c. 3 dub. 20 n. 4. Salm. c. 4 n. 61.

789 Sed dubitatur 1. An aliquis Episcopus poſſit ordinare alterius ſubditum ſine illius expreſſa licentia , ſub ſpe ratihabitionis de futuro ? Affirmant Paludan. Vill. Diana , et Led. apud Salm. c. 4 n. 63. Idque admittunt Trull. et alii plures apud Sanch. lib. 7 c. 3

dub. 20 n. 12, si inter Episcopum ordinantem, vel inter initiandum, et Episcopum proprium singularis amicitia intercedit. Sed verius negant Sanch. n. 13. Bon. p. 5 n. 28. Croix n. 2238 et Salm. cum Aver. Phil. et aliis pluribus. Ratio, quia à Trid. ad tollendos errores et dissidia, exigitur licentia expressa proprii Ordinarii: *Nisi de loci Ordinarii expressa licentia*, ut dicit Concilium sess. 14 c. 2. Episcopus autem benè poterit ratam habere talem Ordinationem, nec opus est recurri ad Summum Pontificem, quia ipse potest ordinatum absolvere à suspensione Ordinis suscepti, ut concedit Tridentinum; ita Sanch. num. 15. Salm. l. c. cum Aversa, et Croix n. 2248. Cum *Del bene*, et aliis, contra Rebuff. An autem sufficiat rati habitio, sive licentia præsumpta de præsenti ad ordinandum Clericum alienum? Probabile mihi, et aliis videtur id posse admitti, saltè sine culpa gravi.

Dub. 2. An Episcopus, ad quem Dimissoriæ diriguntur, possit dispensare cum ordinando super irregularitate, aut alio impedimento canonico, super quo proprius Episcopus potest dispensare? *Prima* sententia affirmat, quam tenent Sylvest. v. Dispensatio q. 9 n. 11 in fine, et Ang. Arm. ac Henr. apud Palaum de Censur. d. 6 art. 7 n. 21. Quia (ut ajunt) eo ipso quod Episcopus dat licentiam alieno ordinandi, dat etiam dispensandi, cum dispensatio præmittenda sit Ordinationi suscipientis; idque colligunt ex cap. Præterea de offic. Jud. deleg. ubi dicitur: *Ex eo quod causa sibi committitur super omnibus, quæ ad causam ipsam spectare noscuntur, plenariam recipit potestatem.* *Secunda* verò sententia probabilior negat, et hanc tenent Palaeus l. cit. Mazz. t. 3 p. 250. Sanch. l. 7 c. 1 dub. 27 n. 2 cum Nav. et de Matr. l. 8 d. 1 n. 25 cum Sa, et Croix n. 2240 cum Diana. Ratio, tum quia privilegia non extenduntur ultrà casum expressum; tum quia in disparatis non est illatio, quandò facultas data non est cum alia necessariò connexa: prout (sapienter dicit Sanchez) si Episcopus dat licentiam Parocho assistendi alicui Matrimonio, non ideò intelligi-

tur dare facultatem dispensandi in impedimento, in quo ipse potest. Idque tantò magis valeret, si in Dimissoriis adderetur clausula: *Si tamen aliàs nullum tibi obstat impedimentum canonicum*. Ad textum autem suprà allatum respondetur, quod ibi ageretur de facultate necessaria cum data connexa, ut legenti patet.

Notandum, quod ordinandus debeat semper habere Litteras Testimoniales ab Episcopo originis; etiàmsi in ætate infantili ab illius Diocesi discesserit, saltèm ad testificandum de natalibus ac ætate, prout à S. C. resolutum refert P. Zacharia apud Croix lib. 6 pag. 2 n. 2251.

790 Requiritur V. Examen de scientia. In hoc advertendum, quod Tridentinum pro initiandis ad Ordines minores requirat, ut saltèm linguam Latinam intelligant; ità in sess. 23 c. 11 ubi dicitur: *Minores Ordines, qui saltèm Latinam linguam intelligant per temporum interstitia, nisi aliud Episcopo expedire magis videretur, conferantur*. Utrùm autem Episcopus possit ordinare in minoribus Clericum, qui ignorat linguam Latinam, si spes sit fore, ut postea addiscat. Affirmant Innoc.³ Menoc. Turrecr. etc. apud Sanch. dub. 45 n. 10. Sed meritò negant Salm. c. 5 n. 43 in fine; et ipse Sanch. n. 14 cum Nav. et Salsedo. Ratio, quia illud, *nisi aliud Episcopo videretur*, veriùs et communiter à DD. intelligitur tantùm quòd interstitia, non autem quòd scientiam. Verùm non videtur improbabile cum Sanchez, et Rebuff. ib. quod, si ordinandus non adhuc sciat linguam Latinam quantum oportet, sed de brevi certò speretur fore ut addiscat, tunc poterit Episcopus eum ordinare; sed meliùs quidem meo iudicio faciet, si non ordinabit. II. Pro initiandis ad Subdiaconatum, et Diaconatum requirit Concilium c. 13 ut sint *litteris et iis quæ ad Ordinem exercendum pertinent, instructi*. Utrùm autem licitè possit ordinari Subdiaconus, vel admitti ad Beneficiũ, qui adhuc nescit Ordinare Officiũ divinum, sed probabiliter de brevi præsumitur instruendus, ut pro-

mittit? Rectè affirmant Sanch. c. 3 dub. 45 nu. 6 et Sal. c. 5 n. 44. Modò (intellige) interim ab alio adjuvetur ad recitandum. III. Pro initiandus demùm ad Sacerdotium vult Concilium c. 14 et 25, ut ipsi *ad populum docendum ea, quæ scire omnibus necessarium est ad salutem, ac ad ministranda Sacramenta, diligenti examine præcedente, idonei comprobentur.*

Sed hic quæritur I. quomodò intelligenda verba illa, *ad ministranda Sacramenta*? Pal. p. 8 n. 13 cum Vasq. et Con. censet intelligi, ut presbyterandi sciant ea, quæ requiruntur ad benè ministranda, non jam Pœnitentiæ, sed Baptismi, et Eucharistiæ Sacramenta. Sanch. autem l. 7 c. 1 dub. 45 n. 16 cum Ledes. intelligit, ut sciant, quæ sit materia, et forma cujusque Sacramenti. Sed meliùs ajunt Laym. tr. 9 c. 7 n. 1 et Salm. c. 5 n. 44 cum Aversa; Rodr. et Philib. presbyterandum debere quidem scire ea, quæ spectant ad sacrificium, et Sacramenta Baptismi ac Extremæ Unctionis, quorum est minister: circà verò Sacramentum pœnitentiæ non requiri in eo tantam scientiam, quanta est necessaria Confessario approbato. Undè infero, quod quilibet simplex Sacerdos debeat habere aliqualem scientiam circà materias magis obvias, quæ pertinent ad Sacramentum Pœnitentiæ, saltèm pro casibus necessitatis, in quibus Confessiones excipere tenetur. Et hoc est juxtà doctrinam S. Caroli Borromæi in Concil. Mediol. 5, ubi dictum fuit, quod initiandus Presbyteratu, *circà Sacramentum Confessionis aliquam (saltèm) peritiam habeat.* Aliàs non videtur posse à gravi culpa excusari; etenim Innocentius XII in Bulla, *Apostolici ministerii*, confirmata à Bened. XIII. (apud Bened. XIV. Notif. 16 et 32) explicando præfatum textum Concilii (ut ait præfatus Bened. XIV.) nullam aliam benigniorem interpretationem potuit ei dare, quàm illam reduciendo ad studium Theologiæ Moralis. Et ratio est, quia, cum sit officium proprium cujusque Sacerdotis Pœnitentiam ministrare in necessitate, quisque Sacerdos debet scire ea, quæ ad tale officium ritè parandum spectant; ut clarè infertur ex eo, quod docet

D. Th. sup. q. 36 a. 2 ubi ait: *Ad hoc, quod homo ordinis officium exequatur, oportet quod habeat tantum de scientia, quod sufficiat ad hoc, quod dirigatur in actu Ordinis illius.. Ideò... talis scientia requiritur in eo, qui debet ad Ordines promoveri.* Benignius quidem, ut notat [Natalis de Alex. (de Ord. Reg. 22) agendum cum iis, qui Religionem professi sunt vitæ contemplativæ, ut sunt Camaldulenses, Carthusiani, et similes. Secus verò cum alijs, qui vitam activam profitentur; in his enim eadem scientia requiritur, quâ egent alii Sacerdotes: *Aliqui* (addit D. Th. l. c. ad 1) *ad Sacerdotium promoventur, quibus committitur primus actus tantum (suprà corpus Christi verum) sicut Religiosi, ... et.... talibus sufficit si tantum de scientia habeant, quod ea quæ ad Sacramentum perficiendum spectant, ritè servare possint. Alii autem promoventur ad... actum suprà corpus Christi mysticum... undè scientia legis in eis esse debet, non quidem, ut sciant omnes difficiles quæstiones legis. . sed ut sciant quæ populus debet credere et observare de lege. Et hoc quidem ex illo Malach. 2. 7. Labia Sacerdotis custodient scientiam, et legem requirent ex ore ejus.*

Undè concludo, quod promovendi ad Sacerdotium non possint tutâ conscientia ad Ordinationem accedere, nisi sciant saltèm universaliora principia, quibus solvant dubia saltèm communiter occurrentia proximè moribundis; ne non tenentur distinctè scire; quomodò se gerere debeant circà moribundos, nempe quandò possint eos absolvere? An in articulo; vel periculo mortis? et quali periculo? An præsente Confessario approbato? An absolutè, vel conditionatè? Quandò moribundum possint censere dispositum ad absolutionem? Quid debeant imponere illi, si habeat casus, vel censuras reservatas? Hinc consequenter Episcopus, ne communicet peccato illius, qui petit sine tali scientia ut ordinetur, debet, antequàm ordinet, certus fieri de tali ejus idoneitate, vel saltèm fore brevi, ut ille addiscat; aliàs nescio quomodò posset esse tutus in conscientia. Tantò magis quod undique constet, hujusmodi ordinatos, post acceptum

Præbyteratum, omne studium abjicere, eo quod nulli alii exponi debeant examini, quod erat unicus omnium suorum studiorum scopus. Hic etiam advertendum id, quod habetur in Concilio Lateran. IV. Can. 10 et 11 (apud Habert. t. 7 p. 484) ubi dicitur : *Præceptum tam in Cathedralibus, quam in Conventualibus Ecclesiis viros idoneos ordinari, quos Episcopi possint coadjutores habere, non solum in prædicationis officio, verum etiam in audiendis Confessionibus et pœnitentiis injungendis, ac cæteris, quæ ad salutem pertinent animarum.*

Quærit. II. An illiterati sint omninò irregulares? Navarrus Man. c. 27 n. 205 dicit inferri ex Trident. sess. 23 c. 4 esse irregulares, qui linguam Latinam non intelligunt; Garcia autem, et Henr. apud Bonac. de Cens. d. 7 qu. 2 pun. 1 n. 2 censent illiteratos non esse irregulares, ita ut non peccent, si in Ordinibus susceptis ministrent; sed hos non posse sine culpa gravi Ordines suscipere. Alii verò cum sententia communi, quam tenent Sanch. Cons. l. 7 c. 1 dub. 45 n. 3. Bonac. l. c. Tamb. eod. tit. tr. 4 c. 12 n. 1. Salm. de Ord. l. c. n. 49 cum Reg. Homob. etc. ac Palaus de Cens. d. 6 part. 10 n. 1 cum Suar. Tol. Fill. Sayr. et Avila, probabilius docent, quod illi, qui sunt adeò rudes, ut ignorent etiam prima rudimenta Grammaticæ, ita ut nesciant præstare ea, quæ pertinent ad Ordinis exercitium, ad quod requiritur sanè scientia linguæ Latinæ, ipsi sint prorsus irregulares, et graviter peccent tam Ordines suscipiendo, quam eos exercendo: et, ut dicunt Salm. et Bonac. II. cc. cum Azor. Suar. Fill. et Reg. nec etiam Papa posset cum eis dispensare, quia hæc irregularitas non solum est de jure humano, sed etiam divino et naturali; ipsum enim jus naturale dictat, non esse admittendos ad aliquod munus, qui nequeunt illud exercere. Probatur id ex cap. Illiteratus. Dist. 36 ubi illiteratus (intellige omninò illiteratus, ut ait ibi Glossa, nimirum qui numquam Grammaticam audivit) arcetur à suscipiendis Ordinibus, pari modo ac corpore viliatus. Advertit

autem Palaus l. c. quod illa tantum ignorantia irregularitatem inducat , quæ exercitium suscepti Ordinis omnino impedit : et sic pariter Ronc. de Cens. c. ult. q. 6. A. 2 dicit , esse irregularem , qui debite , et congruè nequit Ordinem susceptum administrare. Advertunt etiam Anacl. de Cens. q. 3 n. 26. Holz. t. 1 p. 320 n. 367 et Viva de Irreg. qu. 9 art. 4 n. 12 quod hæc irregularitas , sublatâ causa ignorantiae , de se tollatur sine dispensatione.

Quærit. III. An in Regularibus ordinandis minor requiratur scientia , quàm in sæcularibus ? Pro iis qui sunt addicti vitæ contemplativæ , prout sunt Camaldulenses (ut diximus) , Carthusiani , et similes , commune est inter DD. sufficere quod isti sciant legere et canere , ac ea quæ pertinent ad Sacrificium , ut docet D. Thomas loco suprâ cit. dicens , quod in Religiosis , qui ordinantur ad altare , satis sit scientia , quâ possint servare ea , quæ ad Sacrificium spectant ; et idem asserunt Natal. de Alex. de Ord. Reg. 22. Escob. n. 289 et alii passim. Difficultas est , an idem dici valeat de Religiosis aliorum Ordinum , qui sunt ad vitam activam instituti ? Negant Lev. de Ord. c. 7 Con. 4 ubi dicit , eandem scientiam requiri in Religiosis , quæ in sæcularibus ; imò majorem , quia Religiosi frequentius assumuntur ministeria proximorum ; idque probabile putat Escob. n. 294. Sed communissimè affirmant Salm. c. 5 n. 47 cum Soto , et Philib. ac Barb. Alleg. 46 n. 14 cum Sylv. Graff. Henr. Miranda , etc. ac pariter probabile putant Escob. n. 296 et Diana p. 2 tr. 16. R. 31. Ratio , tum quia Regulares communiter ordinantur tantum ad chorum et altare ; tum quia , si alia ignorant , possunt postea ex sociis ea addiscere : et ab hac sententia non dissentit (ut vidimus) D. Th. , dum præfatam doctrinam tradens , generaliter loquitur de Religiosis. Id autem , quod ait Barbos. cum aliquibus , nempè quod possint ordinari Regulares , etiamsi quodammodo deficiant in lingua Latina , non audeo approbare ; nam si in sæcularibus initiandis tantum ad Ordines minores , requirit Tridentinum , quod saltè linguam Latinam intelligant , quomodo

Regulares ordinari poterunt ad Sacerdotium, adhuc in lingua Latina deficientes? Præterea, addunt Salm. l. c. cum Rodr. et Henr. pariter ac pro Religiosis, sufficere pro sæcularibus sacristis, cantoribus, et similibus, ut sciant tantum legere, canere, et exequi ministeria Ordinis. An autem hæc doctrina sit verè et generaliter probabilis, nec audeo asserere: sapientibus me remitto.

Hic autem advertendum 1. quod Episcopus possit quidem sine examine Religiosos ordinare, acquiescendo testimonio eorum Prælatorum; sed ipse etiam possit, si velit, eos examinare, ut rectè dicunt Escob. n. 278. Mazz. to. 3 p. 253 et Salm. c. 5 n. 46. cum Aversa, Mirand., etc. Et de hoc non est amplius dubitandum post Bullam Bened. XIV. (allatam n. 768) quâ statutum fuit Regulares examinandos esse ab Episcopo ordinante.

Advertendum 2. pro omnibus initiandis, quod Episcopus teneatur per se vel alios eos examinare, nisi aliundè sit certus de ipsorum idoneitate per propriam notitiam, vel per communem opinionem; ita rectè etiam Salm. c. 5 n. 46 cum eisdem AA. cit. Ex omnibus autem prædictis insuper advertendum, quod, esto Episcopus licitè possit petentes ordinare, si eam afferant scientiam, quam Tridentinum requirit; per hoc tamen non ideò prohibeatur, quominus majorem exigat scientiam à suis subditis (nam pro alienis aliter sentiendum); maximè si illi ordinentur ad Ecclesiam alicujus amplæ civitatis, quia Concilium in iis, quæ circa scientiam præscripsit, tantum voluit modum ponere Episcopis, ne promoverent aliquem scientiâ præscriptâ carentem, non verò prohibuit, quin Episcopi majorem scientiam requirant, nisi necessitas loci aliud omnino postulet. Hinc sapientissimè D. Fabritius de Capua Archiepiscopus Salernitanus (dignus perpetuâ memoria ob zelum in Clero reformando) nullum ad Sacerdotium admittebat, nisi prius eum rigoroso examine, etiam ad Confessiones audiendas, idoneum dignosceret. Utinam hujus Præsulis exemplum omnes sectarentur! non quidem in-

venirentur tot Sacerdotes inutiles, imò et Ecclesiæ perniciosi, quia ex eo, quod tales rudes sint, studium fastidiunt, et ideò in otio marcescentes ad vitia relaxantur. Hic etià obiter advertendum, quod ex pluribus Decretis S. C. Concilii apud Bened. XIV. Notif. 9 n. 16. Episcopus de novo assumptus ad Episcopatum ex justa causa benè possit examinare Parochos, etià Regulares; ex quo inferitur, quod tantò magis possit examinare Confessarios non curatos.

Requiritur VI. Titulus substantiationis; sed de hoc vide dicenda in § II. ex n. 813.

Requiritur VII. Ut inferior Ordo antè superiorem suscipiatur: et aliter faciens non solùm graviter peccabit, sed etià incurreret suspensionem ab exercitio Ordinis suscepti, quousque Episcopus dispenset, ex c. un de Clerico per salt. ord. Qui autem susciperet Ordines minores antè Tonsuram, peccabit etià mortaliter, sed non incurreret suspensionem; ità Sanch. l. 7. c. 3. dub. 14 et Bon. part. 5 n. 11 c. 1 n. 37.

Si verò quis susciperet Episcopatum antè Sacerdotium, invalidè susciperet, ut docent Suar. Sanch. et alii communiter ap. Salm. c. 1 n. 41. Si autem quis susciperet Sacerdotium antè alios Ordines, posset quidem Episcopus fieri, et validè hic suum munus exerceret, non tamen licitè antè susceptionem Ordinis omissi.

Requiritur VIII. Ut ordinetur tempore debito. Ordines majores conferri possunt tantùm Sabbatis quatuor temporum, Sabbato antè Dominicam passionis, et Sabbato sancto; Ordines autem minores dari possunt diè quolibet festo (modò sit de præcepto, ut explicavit Pontificale Rom.), si conferantur uni vel duobus, ut habetur in cap. De eo, de Temp. Ordin. ubi dicitur: *Licetum est Episcopis Dominicis, et aliis festivis diebus unum aut duos ad minores Ordines promoveri.* Utrùm autem liceat ordinare plures quàm duos? Negat Martin à S. Joseph; sed communiter affirmant DD., modò generalis Ordinatio fieri non videatur; ità Sanch. c. 1 dub. 52 n. 8 cum Innoc. Tab. Arm. Hebr. Rebuff. Præpos. Turrecr. etc. Salm. c. 4 n. 78 cum

Gran. Denzi. p. 364 q. 8 cum Sylv. Pal. Bass. Quint. ac Dian. p. 10 tr. 1. R. 66. cum aliis, et Glossa in dicto cap. De eo, v. Ad duos, ubi dicit. *Numquid plures? utique dummodò non videatur generalis Ordinatio.* Ratio est, quia verba textus non sunt appposita taxativa, sed exemplificativa. Præterea, dicunt Fagnan. in d. c. De eo, n. 36 cum Host. Barb. All. 11 n. 21 Pal. part. 13 n. 2 cum Henr. Salm. c. 4 n. 78. cum Gran. et Laym. d. 8 c. 1 cum declaratione S. C. ap. P. Zachariam in annot. ad Croix l. 6 p. 2 n. 2290. Ordines minores posse conferri etiã publicè feriã VI antè Sabbatum generalis Ordinationis (et etiã feriã IV. Quatuor temporum, ut addit Laym.); modò adsit consuetudo, quam testantur Palaus, Salm. et Barbosa II. cc. cum aliis, jam esse receptam. Episcopi consecratio potest fieri quovis die Dominico, ex c. Ordinationes 1 et c. Quod die dist. 75. Et Diana p. 12 tr. 1 R. 61 addit ex Pontificali, posse etiã in natalitiis Apostolorum conferri. Prima autem Tonsura quolibet die et loco conferri potest; Conc. t. 10 p. 39 n. 13 et Sanch. dub. 50 n. 1.

Requiritur IX. Ut ordinetur per debita temporum⁷⁹⁵ interstitia, quæ sic servanda sunt. I. Ut ascendatur ab uno Ordine minore ad alium, requiritur aliquod tempus, quod quidem à Tridentino non fuit determinatum: sed in hoc potest Episcopus cum causa dispensare, dum in Concilio Sess. 23 c. 11 sic habetur. *Minores Ordines... per temporum interstitia, nisi aliud Episcopo expedire, magis videretur, conferantur.* Justæ causæ dispensandi videntur esse (ut ait Escobar. n. 443) vita solitaria Carthusianorum, ex Declar. S. C. item ætas ordinandi nimis protracta, causa studii, et arctatio beneficii recepti, vel recipiendi. Quale verò intervallum intercedere debeat inter unum et alterum Ordinem minorem, Majol. et Ugol. apud Barbos. in l. c. Trid. n. 4 putant sufficere intervallum de una Ordinatione generali ad aliam: sed Sorbo, et Campanile ibid. dicunt sufficere de uno festo ad aliud. Meritò autem dicit Barb. n. 5 cum Miranda etc. quod

licet Episcopus possit dispensare in hoc ex quacunque causa, laudabilius tamen sit acturus, si abstinebit à tali dispensatione. Præterea dicunt Sylv. v. Ord. 2 n. 7 ac Rebuff. Henriq. Campanile apud Barb. num. 6 et decisum refert ibid. Armendarius, non licere conferre Tonsuram simul cum aliquo Ordine minori (nisi adsit alicubi consuetudo); sed probabilius videtur oppositum, cum probabilius Tonsura non sit Ordo. II. Ut à minoribus ascendatur ad Subdiaconatum, requiritur spatium anni ex Trident. Sess. 23 c. 11 ubi: *Hi vero nonnisi post annum à susceptione postremi gradus minorum Ordinum ad sacros Ordines promoveantur, nisi necessitas, aut Ecclesiæ utilitas iudicio Episcopi aliud exposcat: Ecclesiæ, id est Ecclesiæ, cui adscribuntur, ut patet ex Trid. c. 13. Utilitas autem intelligitur illa quæ quomodolibet conducit ad bonum Ecclesiæ ut ajunt Salm. c. 4 n. 88.* Qui autem susciperet Subdiaconatum antè annum sine dispensatione, graviter peccaret, sed nullam incurreret censuram: vide Salm. c. 4 n. 87 et 88. III. Ut autem ascendatur à Subdiaconatu ad Diaconatum, etiàm requiritur spatium anni; in quo tamen ut dispensetur (ut rectè est Croix n. 2397) non requiritur necessitas vel utilitas Ecclesiæ, sed sufficit quævis rationabilis causa juxta iudicium Episcopi, ut patet ex eod. Trid. dicto c. 13 ubi: *Promoti ad sacrum Subdiaconatus Ordinem, si per annum saltem in eo sint versati, ad altiorem gradum, nisi aliud Episcopo videatur, ascendere non permittantur.* IV. Ut demùm ascendatur à Diaconatu ad Sacerdotium, ad minus requiritur spatium anni; adque hujus temporis dispensationem non sufficit Ecclesiæ utilitas, sed etiàm requiritur necessitas; ex eod. Conc. sect. 17 c. 14 ubi: *Qui... ad Presbyteratus ordinem assumuntur hi sint, qui... in Diaconatu ad minus annum integrum, nisi ob Ecclesiæ utilitatem, ac necessitatem (nota) aliud Episcopo videretur, ministraverint.*

1796 Præterea notandum, quod ille, qui eodem die duos Ordines sacros susciperet, non solum graviter pecca-

ret contra præceptum Tridentini in dict. c. 13 ubi : *Duo sacri Ordines non eodem die, etiã Regularibus, conferantur, privilegiis ac indultis quibusvis concessis non obstantibus* ; sed etiã incurreret suspensionem ab illorum exercitio, et in irregularitatem incideret, ut patet ex c. *Innotuit de eo qui furtive*, etc. et c. *Litteras*, ac c. *Delectus de Temp. Ord.* Hinc dicitur in cit. cap. *Litteras*, quod, si quis Sabbato susciperet unum sacrum Ordinem, et alium die Dominica, continuato jejunio, idest nullâ cœna facta, etiã suspensionem incurreret ; tunc enim (ut ait textus) ex fictione canonica vespera Sabbati et mane Dominicæ pro uno die computantur ; secùs verò, si jejunium non fuerit continuatum. Ex quo probabiliter infert Renzi p. 363 qu. 7 cum Nicolio, quod, si quis obtinuerit indultum suscipiendi Ordines sacros tribus diebus festivis, poterit, soluto jejunio Sabbato Ordinationis, suscipere unum, et alium die Dominica sequenti, idque decisum refert à Sacr. Congr. die 25 juli 1662. Prætereà inferunt etiã probabiliter Sanch. lib. 7 c. 1 dub. 51 n. 4. Laym. c. 8 n. 9. Escob. n. 433. cum Suar. Majol. Villal. et Leand. ac Sylvest. Henr. etc. apud Croix n. 2291. quod, si Episcopus propter infirmitatem, vel aliam causam non possit Ordinationem Sabbato exercere, aut eam absolvere, poterit illam continuare die Dominica ; modò (ut ajunt) continuetur jejunium tam ex parte initiandi, quàm ex parte Episcopi, ut rectè addit Sanch. Ad hoc autem non quidem requiritur jejunium naturale, ut aliqui improbabiler sentiunt, sed sufficit ecclesiasticum, quia textus de hoc clarè loquitur, ut rectè dicunt Sanch. n. 5. cum Sylv. et Tab. et Escob. n. 436. cum Marchino, et Leand.

Sed hic dubitatur 1. An suspensio prædicta sit lætæ sententiæ ? Negant Diana p. 5 tr. 10 R. 36 et Villal. apud Escob. n. 448. Sed rectè affirmant Nav. c. 27 n. 241. Bonac. de Cens. p. 1 § 1 n. 450. cum Suar. Sayr. Molf. Turrian. Marchino, etc. Idque patet ex d. cap. *Litteras*, ubi sic dicitur : *Ab executione officii*

Sacerdotalis tamdiu volumus manere suspensum, donec de illo disponatur. Hæc tamen suspensio incurritur tantum ab ultimo Ordine suscepto, ut benè infert ex præfatis verbis Escob. n. 450. cum Suar. Sayr. et Molf.

Dubit. 2. An, qui suscipit duos Ordines sacros, non servatis interstitiis, suspensionem incurrat? Respondetur: Qui ordinatur continuatis diebus extrà tempora, incurrit quidem suspensionem ex Bullis Sixti V. et Clem. VIII. prout incurrit etià qui ordinatur sinè Litteris Dim. ssoriis, vel antè legitimam ætatem; vide Tambur. l. 7. c. 11 § 1 n. 3. Qui verò ordinatur diversis diebus, non servatis interstitiis, sed legitimis temporibus, peccaret quidem graviter sed suspensionem probabilius non incurrit, ut dicunt Bonac. d. 8 p. 5 n. 35. Barbosa in Trid. sess. 23 c. 15 n. 11. Croix n. 2302. Reuzi p. 360 q. 1 cum Suar. Tamb. l. c. cum Pal. Salm. c. 4 n. 87. cum Turrecrem. et Escob. n. 457. cum Nav. Villal. March. etc. et Cabassutio T. J. c. 16 n. 12. cum Navar. et Sayr. (contra Dian. p. 4 tract. 2. Resol. 55.) Licet enim Sixtus V. in quadam Extravag. pœnam suspensionis imposuerit, tamen illa, respectu ad nostrum casum, sublata fuit à Clem. VIII. in Bullar. tom. 3 pag. 40 ut refert Tamb. loc. cit.

797. Qui autem eadem die susciperet quatuor Ordines minores unà cum Subdiaconatu, etià peccaret graviter, ut habetur ex c. 2 *de eo qui furtive, etc.* ubi dicitur: *Quatuor minores Ordines contulisti, quibus non contentus Subdiacanatum etià temerario ausu recepit. . . Mandamus quatenus eum in minoribus dumtaxat celebrare permittas.* Dicit autem Vasq. ap. Salm. c. 4 n. 80. præfatum textum fuisse revocatum per Trident. sess. 23 c. 13 ubi Concilium tantum inhibuit duos sacros Ordines simul conferri; sed hæc doctrina communiter non recipitur, nam Concilium id præscribendq textum non revocavit, sed illum in suo vigore reliquit. At hîc dubitatur. 1 an ab hac prohibitione excuset consuetudo contraria, si alicubi vigeat? Negant Sylvest. Tol. Reg. etc. apud Escobi.

n. 444. Sed verius affirmant Nav. c. 25 n. 71. Suar. de Censur. dist. 31 sect. 1 n. 41. (qui assert de hoc Decr. S. C.) Holzm. n. 86. Salm. c. 4 n. 80. cum Vill. Marchino, Leand. etc. ac Escob. n. 445. cum S. Ant. Sayr. Molfes. Rodriq. et Miranda; quia hujusmodi consuetudo nullibi videtur reprobata.

Dubit. 2. Utrum taliter ordinatus, ubi non adest contraria consuetudo, incurreret suspensionem? Affirmat Bonac. de Censur. d. 3 p. 5 § 1 n. 4. Sed probabilius negant Escob. n. 450. et Suar. l. c. n. 40 quia Pontifex in dicto c. 2 tantum præcipit Episcopo, ne permittat ordinato ministrare, non autem eum suspendit. Merito tamen dicit Navar. Man. c. 27 n. 241. contra Suar., hunc fieri irregularem quoad Ordines superiores suscipiendos, dum ibi sic subditur: *Si vero (ordinatus) domum religiosam intravit; et mores ejus exegerint, Abbas (si voluerit) in aliis poterit Ordinibus dispensare.* Si igitur indiget dispensatione, erit hic quidem irregularis ad alios ordines recipiendos.

Dubit. 3. an Regulares possint ex licentia suorum Prælatorum ordinari extra tempora? Negant Vasq. Suar. Lex. Peyr. etc. apud Escob. n. 464. quia licet Greg. XIII. hoc privilegium concesserit Soc. Jesu, tamen expressè prohibuit, quominus aliæ Religiones in eo communicarent. Sed verius affirmant Laym. c. 8 n. 2. Barbosa Alleg. 17 n. 6. Escob. n. 466. cum Machad. Leand. Delacruz, Diana, etc. ac Salm. c. 4 n. 83 et 84. cum Aversa, Philib. Portel. et Rodr. Ratio, quia post Greg. XIII. Clem. VIII. absolute hoc privilegium concessit omnibus Mendicantibus, et Urb. VIII. concessit Ordini Discalceatorum SS. Trinit. ut fert Escob. n. 465. Et novissimè Bened. XIII. (apud Benedict. XIV. Notif. 23 n. 5.) in Concilio R. tit. 5 c. 2 hoc privilegium confirmavit dicens: *Quo verò ad Regulares, privilegia à Pontificibus habentes, sive expressè, sive per viam communicationis concessa, sacros videlicet Ordines extra tempora suscipiendæ, cum privilegia ipsa in suo robore persistent, nec iis derogatum fuisse constat, decernimus perinde Regulares eosdem absque*

510 Lib. VI. Tract. V. De Extrema-Uinct., et Ordine.
novo Indulto Apostolico tute posse extra tempora ordinari.

Dubit. 4 an Regulares, cum ordinantur extra tempora, possint ordinari quovis festo duplici, esto non sit de præcepto? Affirmant Diana p. 5 tr. 23 R. 97 et Præpos. Fagund. Villal. et Homob. apud Escob. n. 470. item Suar. Steph. et Manuel. apud Barbos. Alleg. 17 n. 7. qui id probabile putat. Et idem dicit Croix n. 2293. cum Gobat. Tamb. etc. de iis, qui ex indulto ordinantur extra tempora tribus diebus festivis. Ratio, quia Alexander VI. loquens de initiandis per hoc privilegium, dixit, posse ordinari *tribus diebus Dominicis, sive duplicibus*; non autem dixit de præcepto, sed tantum *duplicibus* (ad differentiam semiduplicium) diebus, qui ut plurimum non sunt de præcepto. Sed negant probabilius, ut videtur, Escob. n. 472. Azor. par. 2 l. 1 c. 27 q. 19 et Lugò. Resp. Mor. lib. 1 dnb. 36 dicentes, eos non posse ordinari nisi die festo de præcepto, in quo populus vacat ab operibus servilibus. Ratio, tum quia Greg. XIII. loquendo de hoc eodem privilegio, dixit *diebus Dominicis, et festivis diebus*, non *festivis duplicibus*; tum quia dies festivus in sua propria significatione denotat diem feriatum, ut explicat Ambrosius Calepinus verb. *festus dies*. Et licet in Rubricis Missalis, et Breviarii *festum* accipiat, prout distinguitur à feriis, in jure tamen *festum* accipitur ut dies, in qua vacatur ab operibus laboriosis. Hæc quidem secunda sententia est tutior, et videtur probabilior; sed primam non audeo reprobare, et dico, standum esse consuetudini, quæ est optima legum interpretres.

Notandum autem hæc, quod ii, qui obtinent à Papa licentiam suscipiendi Ordines sacros extra tempora tribus diebus festivis, non egeant Dimissoriis sui Ordinarii, sed tantum testimonialibus, sine quibus ordinans incurreret suspensionem per annum à collatione Ordinum, et ordinatus suspensionem perpetuam ab exercitio Ordinis suscepti; ita habetur in Tridentino sess. 23 c. 8. Ubi tamen notandum, quod hoc

dicatur de eo qui obtinet indultum suscipiendi Ordinem à quocumque Episcopo ; aliàs, etiàm à proprio debet ordinari, vel ab eo Dimissorias ad alium accipere. Licentia autem suscipiendi Ordines sacros tribus diebus festivis intelligitur, ut dies sint interpolati, prout refert Croix n. 2301 declaratum à S. C.

Requir. X. Locus pro collatione Ordinum, de quo ⁷⁹⁸ in Trid. sess. 23 c. 8 sic habetur ; *Ordinationes sacrorum Ordinum statutis à jure temporibus, ac in Cathedrali Ecclesia, vocatis præsentibusque ad id Ecclesiæ Canonicis, publicè celebrentur. Si autem in alio Diœcesis loco, præsente Clero loci, dignior (quantum fieri poterit) Ecclesia semper adeatur.* Scio tamen, plures Episcopos etiàm Ordines sacros solere in privato Sacello conferre : fortè hodiè sic usus habet.

Adde nomine *loci*, etiàm requiri existentiam Episcopi in propria Diœcesi ; nam si ipse conferret Ordines in Diœcesi aliena, incurreret suspensionem ab exercitio Pontificalium, et ordinatus ab exercitio Ordinis suscepti, ex Trid. ses. 6 de Ref. c. 5. Hoc tamen rectè dicunt Salm. c. 4 n. 75. cum Bon. Philib. Vil. Henr. etc. non intelligi de collatione primæ Tonsuræ, cum hæc sine Pontificalibus conferatur. Si autem Episcopus rogatus ab alio, in ejus Diœcesi generalem Ordinationem habeat, poterit ordinare non solum subditos suos, sed etiàm aliarum Diœcesium, ut Salm. n. 76. cum iisdem AA. et communi ; quia Tridentinum l. c. hoc prohibuit casu tantum, quo aliquis Episcopus prætextu cujusdam privilegii vellet in alterius Diœcesi ordinare sine illius licentia. An autem Ordinatio debeat fieri ab Episcopo celebrante ? vide dicta n. 744. Not. II.

Requir. XI. *Ætas.* In quo notandum I. quod pro ⁷⁹⁹ prima Tonsura requiratur, ut initiandus polleat usu rationis, et ideò saltèm sit septennnis, ut dicit Bened. XIV. in Bulla, *Inter sollicitas*, an. 1745 § 19. Sed in Concordato nostri Regni requiritur ætas saltèm 10 annorum. Pro Ordinibus minoribus nulla in jure assignatur ætas ; solent tamen conferr i (ut ait idem Bened.

XIV. ib.) ab an. 7 ad 14. Pro Subdiaconatu verò statuitur annus 22. Pro Diaconatu 23. Pro Sacerdotio 25 Ità in Trid. sess. 23 c. 22. Sufficit autem, ut annus præscriptus sit inceptus; ità communiter omnes, vide Salm. Idque colligitur ex ipso Concilio sess. 24 c. 12. Præterea, pro Episcopatu requiritur annus 30 et idem dicitur pro Cardinalatu, quàmvis ex concessione Sixti V. Cardinales Diaconi possint esse ætatis suæ an. 22 vide Salm. c. 5 n. 30. Pro beneficiatis autem requiritur annus 14 ex Trid. sess. 23 c. 6. Sed si beneficium sit curatum, requiritur annus 25 saltèm inceptus, Trident. sess. 24 c. 12. Pro Canonicatu in Cathedralibus requiritur annus 22 inceptus, Trident. sess. 22 c. 4. In Collegiatis verò sufficit annus 14 cum in jure nihil pro eo si statutum; Salm cap. 5 n. 38.

Notandum 2 quod is, qui sine legitima ætate scienter ordinatur, incurrat suspensionem perpetuam ipso facto ab exercitio Ordinis suscepti, et Papæ reservatam, ut habetur in Extravag. Pii II. quæ incipit, *Cum ex sacrorum*, et refertur in extensum à Barbosa Alleg. 17 n. 11. Eam autem S. Pius V. et Sixtus V. auxerunt, et Clemens VIII. confirmavit, ut refert Escob. n. 265. Si verò prædicta suspensio occultè sit contracta, tunc poterit Episcopus delinquentem ab ea absolvere, ex concessione Tridentini sess. 24 c. 6 ut dicunt communiter Bonac. de Censur. D. 3 p. 5 n. 2. et Salm. de Ord. c. 5 n. 39. cum communi.

Sed hîc dubitatur 1. An incurrat præfatam suspensionem qui ex ignorantia crassa (non tamen affectata) ordinatur antè legitimam ætatem? Affirmant Laym. l. 9 c. 20 n. 2. et Bonac. l. c. Sed communiùs et probabiliùs negant Navar. Man. c. 27 n. 156. Suar. de Censur. D. 31 sect. 1. Tôl. l. 1 c. 48 n. 7. Barbos. All. 16 n. 15. Escob. n. 270. cum Con. Præp. Rodr. et Avila, ac Salm. c. 5 n. 39. cum Trull. Aversa, Dian. Vill. etc. Ratio, quia talis suspensio imposita est à Pio II. in temerariis (dum utitur verbo *temeritatem*), quales non sunt qui peccant ex sola ignoran-

tia supina, ut dicemus l. 7 de Censur. n. 47 et 48. Hinc dicunt præfati AA. quod taliter ordinatus, completa ætate, benè possit Ordinem susceptum exercere; si verò antè illam exerceret, peccaret sed non incurreret irregularitatem.

Dubit. 2. An, qui mala fide suscepit Ordinem antè ætatem, possit exercere Ordinem, postquàm ætatem compleverit, sine absolutione à suspensione incursa? Affirmant Sotus, Corduba, et Medina apud Escob. Sed veriùs id negant Barbosa All. 16 n. 15 cum Miranda, et Escob. n. 236 cum Bonac. Henr. Marchin. Rodr. et Diana. Ratio, quia censura jam contracta non tollitur nisi per absolutionem.

Dubit. 3. An incurrat irregularitatem qui antè legitimum ætatem suscipit Sacerdotium? *Prima* sententia affirmat, quam tenent Bonac. dist. 8 de Sacram. q. un. p. 5 n. 13 et Barbosa All. 16 n. 16 cum Cov. Nav. Salled. et Sorbo. Ratio, quia hic celebrando cum Episcopo ordinante verè hostiam consecrat (ut docet D. Th. 3 p. q. 82 art. 2), et idèd jam exercet Ordinem cum suspensione susceptum. *Secunda* verò sententia communior, et valdè probabilis negat, et hanc tenent Suar. de Censur. dist. 31 sect. 1 n. 71. Conink dist. 16 n. 36. Diana p. 5 tr. 10 R. 37. Escob. n. 283 cum Sylv. Med. Ugolin. Quaranta, Naldo, Homob. March. item Sayr. Avila, Henr. etc. apud Barbos. l. c. Ratio 1 quia consecratio illa non censetur actus moraliter distinctus ab ipsa Ordinatione; sicùt enim tota Ordinatio Episcopi à principio usque ad finem est unus actus moralis, ita et ordinati; undè non videtur æquum, quod ipse una actione morali duplicem incurrat poenam, nempe suspensionem, et irregularitatem. Ratio 2. quia in citata Extravag. Pii II. (apud Barbos. Alleg. 17 n. 11) sic dicitur: *A suorum Ordinum executione ipso jure suspensi sint; et si, hujusmodi suspensionem durante, in eisdem Ordinibus ministrare præsumperint, eo ipso irregularitatem incurrant.* Quo verbo *durante* videtur Pontifex supponere irregularitatem incurrì tutum solùm, cum incursio suspensionis jam moraliter tem-

pore præcesserit Ordinis exercitium. Item, cum Pontifex imponat irregularitatem in præsumentes, minimè videtur comprehendere hunc, qui non ex propria electione, sed ex necessitate Ordinationis debet cum Episcopo concelebrare. Referuntque Suar. n. 74 et Escob. l. c. hujusmodi Ordinatos ex stylo Cancellariæ non reputari irregulares, cum ipsi tantum à suspensione absolvantur. Et idem dicunt Suar. n. 72 ac Escob. et Diana ll. cc. cum aliis, de Diacono, vel Subdiacono, qui cum tali suspensione in eadem Ordinatione canit Evangelium, aut Epistolam. Et idem dicendum de eo qui suspensionem incurrit, cum ordinatur per saltum, vel extra tempora, vel sine Dimissoriis proprii Episcopi, vel eadem die suscipit duos Ordines sacros, aut Ordines minores cum Subdiaconatu; juxta suprà dicta.

Utrum autem incurrat irregularitatem qui tantum ordinatur cum excommunicatione priùs contracta? Affirmat Bonac. de Irregul. d. 7 q. 3 part. 4 n. 1 cum Navar. Tol. Henr. Sayr. etc. ex cap. Cum illorum, de sent. excom. et cap. 1 *De eo qui fuit*. Sed probabilius negant Suar. de Censur. dist. 41 sect. 3 n. 2 et Bened. XIV. de Synod., t. 3 p. 193, cum Tamb. Diana, Lez, Gibal. etc. et ità refert sensisse S. C. Ratio, quia ex præfatis textibus non expressè colligitur, quod talis sit irregularis, sed tantum quod sit suspensus; pro cujus tamen suspensionis absoluteione etià ad Papam debet recurri, ut advertit Tourn. t. 2 de Cens. p. 106 cum Gibert; intellige, si suspensio sit publica; nam aliàs potest absolvi ab Episcopo juxta c. Liceat 6 sess. 24. Trident.; Tantò magis autem non incurret irregularitatem qui suspensus vel interdictus suscipit sacrum Ordinem; et in hoc consensit etià Bonac. l. c. n. 2 cum Sayr. Filliuc. et aliis. Hoc tamen intelligendum, si taliter ordinatus Ordinem non exerceat in ipsa Ordinatione, nam si v. gr. aliquis Diaconus, vel Subdiaconus accedat ad Ordinationem jam antecederet aliquà irretitus censura, et in Ordinatione susceptum Ordinem exerceat canendo Evangelium, vel Epistolam, irregularitatem non effugiet, ut rectè ait Tourn. d. t.

¶ p. 107 ver. *Si quis*. Ratio, quia tunc jam exercet Ordinem cum censura prius contracta. Idemque meritò ait Tourn., cum Avila procedere de Sacerdote, qui concelebrat cum Episcopo, contra Sayr. et Laym. de Irreg. c. 3 n. 5.

Notandum 3. quod ætas computanda sit non die Baptismi, sed nativitatis, ut constat ex c. 3 et aliis; Dist. 77. Vide Croix n. 2306. Dubitatur autem 1. An quis mane diei, in cujus vespera complet ætatem requisitam, possit ordinari? Affirmant Dian. part. 9 tr. 9. R. 50. Salm. c. 5 n. 31 cum Ledesma, et Philiber. ac Escob. n. 264 cum Trull. et March. tum quia minimum pro nihilo reputatur; tum quia dies inceptus in favorabilibus habetur pro completo; tum etiã quia vespera, et mane moraliter sumuntur pro una die. Sed probabilius id negant Croix n. 2309 cum Navar. et Vill. item March. Pasq. et Narb. apud Escob. n. 261. Ratio, quia v. gr. pro Subdiaconatu ætas debet esse annus 22 inceptus; undè qui annum 21 non verè complevit, minimè potest dici annum 22 attigisse.

Dubit. 2. An dies anni bissextilis possit excludi in supputanda ætate Ordinandorum? Affirmant Barb¹. Henr. Sylv. etc. apud Salm. c. 5 n. 32 quia annus requisitus intelligitur per se annus ordinarius, nempe constans 365 diebus. Sed veriùs negant Bon. d. 8 qu. unic. p. 5 n. 14. Sanch. de Matrim. d. 24 n. 22 et Escob. n. 286 cum March., Molf. Dicast. et Dian. Ratio, quia ad ætatem requisitam anni sunt computandi juxtà consuetudinem Ecclesiæ, quæ rectè statuit, ut de quatuor in quatuor annos addatur unus dies, propter horas quæ in quolibet anno supersunt.

Certum est autem, quod Episcopi nullo modo possint in ætate dispensare; verumtamen dicit Croix n. 2314. hodiè ex speciali privilegio posse Episcopos dispensare ad certum tempus, saltèm pro beneficio curato, ubi est necessitas, vel utilitas Ecclesiæ.

Requir. XII. insuper ad suscipiendos Ordines, ut initiandus exercuerit Ordinem prius susceptum in Ecclesia; cui est adscriptus, ex Trid. sess. 23 c. 11 et

13. Sed putant Salm. c. 4 n. 74. hoc non esse de præcepto gravi, cum verba Concilii magis sint consultiva, quam præceptiva, nempe illa : *At in unoquoque Ordine juxta præceptum Episcopi se exercent, etc.*

Requir. XIII. prout præscribit Pontificale, ut Ordinandi Eucharistiam accipiant; sed hoc non sub mortali, ut ait Croix n. 2225. cum Gobat. Imò nec sub levi tenentur communicare initiandi ad Ordines minores, ut dicit idem Croix cum communi, ut asserit. Presbyteri autem veriùs tenentur communicare sub mortali, cum ipsi verè celebrent cum Episcopo, ut diximus ex D. Th. n. 799. Dub. 3.

Requir. XIV. probitas vitæ; sed de hac jam locuti sumus in Tract. de Sacram. in gener. ex n. 65. et iterùm mox loquemur agendo de vocatione ad sacram ministerium.

302 Requir. XV. vocatio divina, de qua, cum sit res tanti momenti, undè pendet æterna salus tam Ordinandorum, quàm populi christiani, mirum est, quod tot Morales Scriptores nullum verbum faciant, præter paucos, inter quos fusè et egregiè signanter scripserunt de hoc puncto Habert. tom. 7 ex p. 433 et P. Conc. to. 10 ex p. 42. Quàm necessaria sit hujusmodi vocatio, patet ex SS. Patribus, et ex ipsis sacris Scripturis, et præsertim ex illo D. Pauli ad Hebr. c. 5 v. 4 et 5 ubi : *Nec quisquam sumit sibi honorem, sed qui vocatur à Deo tamquàm Aaron. Sic et Christus non semetipsum clarificavit, ut Pontifex fieret, sed qui locutus est ad eum, Filius meus es tu.* Undè Apostoli, ut in locum Judæ alium surrogarent, sic Deum deprecanti sunt : *Tu, Domine, ostende quem elegeris.* Et ipse Christus Joan. 10 v. 1 et 2 dixit : *Qui non intrat per ostium in ovile ovium... fur est et latro; qui autem intrat per ostium, pastor est ovium, qualis est quidem quisvis Sacerdos, dum cuivis Sacerdoti committitur incumbere saluti animarum.* Etrursus Jo. c. 15 v. 16. *Non vos me elegistis, sed ego elegi vos... ut fructum afferatis, et fructus vester maneat.* Rursus Lucæ c. 10 v. 2 *rogate... Dominum messis, ut mittat operarios in messem suam.* Illi igitur, qui

non vocati à Deo in sacra ministeria se intrudunt, ipsi sunt de quibus per Jeremiam (23. 21) inquit: *Non mittebam Prophetas, et ipsi currebant.* Quo quidem hominum genere, ut ait Catechismus, nihil infelicius ad miserius, nihil Ecclesiæ calamitosius esse potest.

Præcipua autem signa divinæ vocationis ad statum ecclesiasticum sunt. I. Scientia conveniens, de qua jam egimus n. 790. II. Probitas vitæ, de qua loquens Trident. sess. 23 c. 12 sic ait: *Sciant...Episcopi...debere ad hos Ordines assumi dignos dumtaxat, et quorum probata vita senectus sit; juxta illud (Sap. 4. 9): Ætas senectutis vltæ immaculata.* Hinc Apostolus 1. Tim. 3 prohibet ordinari neophytos, idest (ut explicat in d. loco D. Th.) *qui non solum ætate neophyti sunt, sed et qui neophyti sunt perfectione.* Quapropter idem S. Doctor 2. 2 qu. 189 art. 1 ad 3 dicit: *Ordines sacri præexigunt sanctitatem.* Et Suppl. qu. 35 ar. 1 ad 3 ait: *Ad idoneam executionem Ordinum non sufficit bonitas qualiscumque, sed requiritur bonitas excellens.* Hanc rationem de hoc assignans: *Ut sicut illi, qui Ordinem suscipiunt, super plebem constituuntur gradu Ordinis, ita et superiores sint merito sanctitatis.* Undè sic concludit: *Et ideo præexigitur gratia, quæ sufficiat ad hoc, quod dignè connumerentur in plebem Christi.* Idque prius dixit S. Dionysus c. 3 de Eccles. Hierar.: *in divino omni non audendum aliis ducem fieri, nisi secundum omnem habitum suum factus sit Deiformissimus, et Deo similis.* Qui autem habet sanctitatem ordinariam, nempe solam gratiam habitualement, non potest quidem dici secundum omnem habitum suum Deo similis. Ad hoc facit etià illud celebre D. Aug. dictum. *Aliquandò bonus Monachus vix bonum facit Clericum.* Et illud aliud D. Hieron. ad Rusticum: *Sic vive in Monasterio, ut Clericus esse merearis.* Undè scripsit S. Jo. Chrysost. 1. 2 de Sacerdot. c. 2: *Multò major vltæ integritas huic (idest Clerico), quàm illis (nempe Monachis) necessaria.* III. Signum est recta intentio, nimirum desiderium vacandi divinæ gloriæ, et salutis animarum, non tantum (ut ait D. Bernardus Declam. in Evang. *Ecce*

nos etc.) honorem quærendi proprium, aut corporis voluptatem, quæ sunt, non quæ Jesu Christi.

303. Qui autem sine vocatione, talibus signis explorata, in sacrum ministerium se intrudit, non potest quidem à gravi præsumptione excusari. En quomodò S. Anselmus (in cap. 5 ad Hebr. super illud Apostoli, *Nec quisquam sumit, etc.*) de hoc loquitur: *Qui enim se ingerit, et propriam gloriam quærit, gratiæ Dei rapinam facit, et ideò non accipit benedictionem, sed maledictionem.* Et ratio hujus eruitur ex eo quod docet D. Th. p. 3 q. 27 a. 4 ubi: *Illos, quos Deus ad aliquid eligit, ita præparat et disponit, ut ad id, ad quod eliguntur, inveniuntur idonei, secundum illud (2 Cor. 3). Sufficientia nostra ex Deo est, qui et idoneos nos fecit ministros novi Testamenti.* Ergò ille, qui non ex Deo eligitur, sed ipse se ingerit, non erit idoneus minister; ideò sapienter ait Habert de Ord. c. 1 § 2 quod iste: « (non sine magnis difficultatibus poterit salutem suam consulere, manebitque in corpore Ecclesiæ, velut membrum in corpore humano suis sedibus motum, quod servire potest, sed ægrè, et cum deformitate) ». Undè concludit: « (Licet absolutè loquendo salvari possit, difficulter tamen ingreditur viam, et apprehendet media salutis) ». Cum autem hic magno periculo damnationis se exponat, nescio quomodò à culpa gravi excusetur. *Qui sciens* (ait doctissimus Episcopus Abelly in Opus. Sacerdos Christian. cap. 4), *nulla divinæ vocationis habita ratione, se in Sacerdotium intraderet, haud dubiè seipsum in apertum salutis discrimen injiceret peccando scilicet in Spiritum sanctum; quod quidem peccatum vix, aut rarissimè dimitti ex Evangelio discimus.*

Hinc quidem discrimini tantò magis se committunt Episcopi illi, qui non vocatos ad Ordines sacros promovent, ex illo Apostoli (1 Tim. c. 5 v. 22): *Malus citò nemini imposueris, neque communicaveris peccatis alienis.* Quæ verba exponens S. Leo Epistol. 1 (alias 87) ad African. 2 dicit: *Quid est communicare peccatis alienis. nisi talem effici ordinantem, qualis est*

illo, qui non meruit ordinari? Hinc Tridentinum sess. 23 c. 7 præcipit Episcopo, ut antequam suos subditos ad Ordines promoveat, *institutionem, mores, doctrinam... diligenter investiget, et examinet.* Undique enim in Jure Canonico præscribitur, et signanter in cap. Nullus dist. 24 ut, *Nullus ordinetur, nisi probatus fuerit.* Undè sapienter advertit D. Bernar., ad Ordines admittendos esse tantum probatos, non probandos. Ad hanc autem probationem ab Episcopo exquirendam, non quidem sufficit, quod ipse nihil mali noverit de Ordinando; sed debet fieri certus de ejus positiva probitate, juxta sublimitatem gradus, ad quem ille inhiat ascendere, ut communiter dicunt Sotus 4. Sentent. Dist. 25 qu. 1 n. 3. Sanch. Confess. c. 1 dub. 46 in 1. Salm. de Ord. c. 5 n. 41. Holzm. eod. tit. n. 46 et fusius Habert, Merbes. Conc. et alii cum D. Th. sup. q. 36 a. 4 ad 3 ubi dicit: *Ad minus (idest non solum, ut bene explicat Glossa) hoc requiritur, quod nesciat Ordinans aliquid contrarium sanctitati in Ordinando esse, sed etiam exigitur amplius, ut secundum mensuram Ordinis, vel officii injungendi, diligentior cura apponatur, ut habeatur certitudo de qualitate promovendorum, saltem ex testimonio aliorum.* Qualitas autem promovendorum est illa, quam expressit idem S. Doctor in 2 2 q. 189 a. 1 ad 3 ubi dixit: *Ordines sacri præexigunt sanctitatem... undè pondus Ordinum imponendum est parietibus jam per sanctitatem desiccatis (nempe ut addit) ab humore vitiorum.* Et N. SS. P. Bened. XIV. in Bulla, *Ubi primum*, sapientissimè sic Episcopos alloquitur: *Studiosè et magna adhibita diligentia investigandam à vobis est, an eorum, qui priorum susceperint ministeria, talis fuerit vivendi ratio, et in sacris scientiis progressio, ut verè digni judicandi sint, quibus dicatur, ascende superius; cum alioquin expediat in inferiori potius aliquos manere gradu, quàm cum suo majori periculo, et aliorum scandalo ad altiorem procehi.*

De talè etiam probatione loquens S. Jo. Chrysost. Homil. 16 in Tim. dicit: *Quid est illud citò? Non ex*

prima probatione, nec secunda, nec tertia, sed ubi consideratio diuturna præcessit, exactissimæque discussio, tunc imposito manus. Neque ea res periculo caret; eorum, quæ ille peccaverit, tu quoque penam dabis, qui initium dedisti etiam præcedentium delictorum. Qua de re Episcopi in hac probatione expetenda non debent esse contenti simplici attestazione Parochorum qui humanis ducti respectibus in hujusmodi attestationibus concedendis facile Clericis indulgent, ne in se attrahant ipsorum odium, eorumque propinquorum; sed insuper ab aliis fide dignis, capta secreta informatione, certi fieri debent, non solum quod initiandus non fuerit malus, nempe quod non fuerit rixosus nondederit scandalum, frequentando ludos, pravas conversationes, etc, sed etiam quod ille sit positivè bonus, scilicet quod vitam agat spiritualem, sit assiduus in Ecclesiis, Sacramenta frequentet et Orationem, vivat à sæcularibus segregatus, sociis morigeratis comitetur, studio vacet, modestà utatur veste, etc. Quod si Prælatus sciverit Clericum alicujus publici scandali notâ intinctum fuisse, tunc non satis erit communem probationem de eo exigere, sed opus erit plurium annorum experienciâ emendationem ejus comprobare; justè enim tunc metuere debet, ne ille pietatem affectet, ut ad Ordines perveniat, quibus susceptis, ad pristinam redibit pravitatem. Dicit aliquis: Si hoc observaretur, deficerent utique in Ecclesia ministri. Recte respondet ad hoc idem Benedict. XIV. in Bulla suprâ citata ex Conc. Lateran. *Melius est pauciores habere ministros, sed probos, atque utiles, quàm plures qui nequidquam sunt valituri.* Utrùm autem sit semper deneganda à Confessario absolutio Clerico habituato, in vitio turpi occulto, qui vult ad Ordines sacros ascendere, sine prævio continentie experimento? Vide Dissert. de hoc puncto positam in tract. de Sacram. ex num. 63.

804 Si autem vocatio divinâ necessaria est ad Sacerdotium, magis erit necessaria ad officia Episcoporum, et Parochorum, de quibus loquens D. Thom. 2. 2

qn. 185 art. 1 dicit, *appetere... Episcopatum ratione... circumstantium bonorum... est illicitum... ad celsitudinem gradus appetere Episcopatum est presumptuosum... sed appetere proximis prodesse, est secundum se laudabile. Verum, quia, prout est Episcopalis actus, habet annexam gradus celsitudinem, presumptuosum videtur quod aliquis præesse appetat ad hoc quod subditis prosit, nisi manifesta necessitate imminente. Id confirmavit N. SS. P. Bened. XIV. in Bulla novissimè edita die 12 Apr. 1753. quæ incipit, Inclytum, inquit: *Nec unusquisque ignorare debet à peccati culpa immune non esse desiderium ipsum Episcopatus, quia quàmvis desiderium aliis juvandi laudabile est, tamen cum hoc adjumentum præstari non valeat sine ipsa Episcopatus sublimitate, ut plurimum ex vitio insitæ presumptionis ortum habet.**

« Quæres, quæ sint officia ordinatorum?

» Resp. I. Ostiarii est claves templi servare, aperire, et claudere ejus januas; arcere eos, quibus non licet interesse sacris; campanas pulsare; quæ intra Ecclesiam sunt, custodire; ei, qui prædicat, aperire librum. II. Lectoris munus est legere in Ecclesia lectiones veteris, et novi Testamenti: item docere catechumenos rudimenta fidei christianæ. » * (*Item panem et novos fructus benedicere. Salm. cap. 3 n. 14. Non autem prædicare, ut communiter Salm. ibidem contra Vasq.*) » III. Exorcistæ munus est manus imponere suprà vexatos à spiritibus im-mundis, ad illos adjurandos, et ejiciendos; item ad exorcizandos catechumenos. » * (Tenent Suar. et Sanch. contra Philip. *omnes fideles posse exorcizare; quàmvis hoc magis possint ordinati ad hujusmodi munus ab Ecclesia: et ided hi solum solemniter illud exercere valent. Vide dicta l. 3 de Adjur. ex n. 193. App. ad n. IV.*) » IV: Acolythi munus est præparare ampullas vini et aquæ ad Sacrificium Missæ, et porrigere Subdiacono, ferre cereos ad idem Sacrificium, et illi ministrare, undè et Ceroferarius dicitur. V. Subdiaconi munus est immediatè sub-ordinari Diacono ad Sacrificium Missæ, calicem

» et patenam illi tradere , urceolum cum aqua præ-
 » bere , aquam ad lavandas manus infundere , Epis-
 » tolam ex officio , et solemniter in Missa legere. * (*Ad-
 » de cum Habert , pallas , corporalia , et purificatoria
 » abluere , ut in Pontificali præscribitur*) *. VI. Diacono
 » ni munus est cantare solemniter Evangelium in
 » Missa , ministrare immediatè Sacerdoti in omnibus ,
 » quæ pertinent ad Missæ sacrificium , vestire altaria ,
 » Crucem ferre , et denique ex commissione Sacerdotis
 » prædicare , et baptizare. * (*Modò adsit justa causa ,
 » nempè si desit Sacerdos qui commodè ministret ,
 » ut communiter dicunt DD. allati de Euchar. n. 237.
 » v. Qu. htc I. In necessitate verò extrema , nempè si
 » absit alius Sacerdos , potest Diaconus et tenetur Viaticum ministrare , etià sine commissione Pastoris ;
 » idè pariter commun. DD. ibid. Et idem currit in administratione Baptismi ; vide de Bapt. n. 116. v.
 » Certum. Diaconus autem solemniter ministrans Baptismum , vel Eucharistiam sine commissione , incurrit irregularitatem ; vide d. num. 116. v. Dub. 2 et
 » n. 234.*) *. VII. Presbyteri munus est offerre Sacrificium Missæ , absolvere à peccatis , baptizare , benedictionis aquæ , et similes facere , populum doctrinâ , et exemplo pascere. Vide Escob. E. 8 t. 7
 » e. 1. »

Quatuor autem sunt obligationes præcipuæ eorum , qui ad majores Ordines provehuntur , nempè 1. Recitandi Horas Canonicas. 2. Servandi Cœlibatum. 3. Habendi Titulum , scilicet paupertatis , Beneficii , vel Patrimonii , quo ordinentur. 4. Deferendi habitum , et Tonsuram. De prima obligatione Officii divini jam fusè egimus Lib. 4 ex n. 140. Restat hîc agere de secunda , tertia , et quarta.

§ I.

De obligatione Cœlibatûs.

806 Quomodo hæc obligatio probetur ?

807 Qu. 1. An ipsa sit de jure divino ?

808 Qu. 2. An sit ex præcepto Ecclesiæ , vel ex voto ?

- 809 Dub. 1. *An ignorans tale votum teneatur ad castitatem?*
 Dub. 2. *An qui expressè nollet castitatem vovere?*
 810 *Quid, si quis ordinatus sit antè usum rationis? Et quid, si antè pubertatem?*
 811 *Quid, si ordinetur ob metum?*
 812 Qu. 3. *Quomodo conjugatus, constante Matrimonio, possit in Sacris ordinari?* Dub. 1. *An istius uxor teneatur Religionem profiteri?* Dub. 2. *An talis uxor possit nubere?*

OBLIGATIONEM oelibatûs inesse iis, qui ad sacros Ordines ascendunt, habetur in pluribus Canonibus, et signanter in c. 1 d. 28, ubi D. Greg. sic præscripsit: *Nullum facere Subdiaconum præsumant Episcopi, nisi qui victurum castè promiserit; quia nullus ad ministerium altaris accedere debet, nisi hujus castitas antè susceptum ministerium fuerit probata.* Et in Trid. ses. 24 can. 9 sic definitum est: *Si quis dixerit, Clericos in sacris Ordinibus constitutos, vel Regulares castitatem solemniter professos, posse Matrimonium contrahere, contractumque validum esse, non obstante lege ecclesiastica, vel voto.... anathema sit.* 808

Ex quo habetur, quod per tale votum, solemne dictum, irritum reddatur Matrimonium contractum post votum ex c. un. de Voto, et voti red. in 6. Si verò conjugium est antecederet contractum, Ordinatus potest reddere, sed non petere. Et insuper quoties castitatem violabit, toties quoque sacrilegium committet. Vide Salm. c. 6 n. 2.

Quær. 1. An hæc obligatio cœlibatûs sit de jure divino, ità ut Papa nequeat in ea dispensare? Affirmant Major, Valdensis, etc. apud Salm. c. 6 n. 9. et probabile putat Azor. Sed dicendum cum communi DD. (præciso voto) non esse de jure divino, sed tantum ecclesiastico, quod ministri ordinati in sacris obligentur ad castitatem, vel ab Ecclesia, vel per votum Ordinibus annexum; et idè rectè in hac obligatione potest Ecclesia cum eis dispensare. Ità S. Th. 2. 2 q. 88 art. 11. Cajet. Sot. Sanch. Dic. etc. cum Salm. c. 6 n. 11. qui plura hujusmodi exempla ad-

ducunt. Ratio, quia etsi talis coelibatus ab Apostolorum oritur habuit, ut probant Gon. Val. Sot. etc. tamen tantum ex præcepto Ecclesiæ, siue Apostolorum (ut probat Bellarm.) est introductus, et firmatus, ut patet ex ipsis verbis Trid. in cit. Can. 9 ut supra.

- 808 Quær. 2. An hæc obligatio sit immediatè ex præcepto Ecclesiæ, vel mediatè per votum ordinatorum? Utraque est probabilis ex eodem c. 9. Trid. *Prima* sententia, quam tenent Mastrius, Bosco, Herincx, etc. apud Holzm. p. 268 n. 103. ac Scot. Pal. Valent. et Aversa apud Salm. c. 6 n. 28. (qui cum Sanch. meritò probabilem putant) dicit, quod non ex voto, sed ex sola Ecclesiæ lege ordinati in sacris teneantur ad castitatem; tum quia, cum potuisset Ecclesia per se adstringere ministros sacros ad castitatem servandam, cur dici debet, quod insuper votum sacris Ordinibus annecti voluerit, dum hoc expressum in jure non habemus? Tum quia, si obligatio coelibatûs esset ex voto, sequeretur, quod, qui tale votum invincibiliter ignorat, vel qui expressè nolle illud emitte-re, non teneretur indè ad castitatem: quod quidem absurdum et perniciosum esset.

Nec obstat dicere, quod juxtà sententiam hanc, si Sacerdos peccaret contra castitatem, unum tantum peccatum committeret contra castitatem, quia lex Ecclesiæ, cum sit circà eandem materiam jure naturali prohibitam, non multiplicat speciem peccati; prout furtum vetitum lege naturali, non habet novam malitiam, si prohibeatur lege humana; et hoc esset contra communem DD. qui docent, ordinatos in Sacris, lædentes castitatem, etià peccato sacrilegii peccare. Nam rectè respondent Aversa, et Salm. n. 28. quod præceptum humanum multiplicetur specie, quando ex diverso motivo præcepto naturali superadditur; percussio enim Clerici duplicem habet malitiam, unam contra justitiam ex lege naturali, alteram contra Religionem ex lege Ecclesiæ, quæ ex motivo Religionis prohibet lædere personam Deo mancipatam. Quare proculdubio Sacerdos lædens cas-

titatem sacrilegium committit, quia Ecclesia ex motivo Religionis ob reverentiam Ordinis sacri imponit suis ministris observantiam castitatis. Religiosus autem Sacerdos si peccat contra castitatem, præter peccatum contra castitatem. unum tantum sacrilegii peccatum committit; quia eandem virtutem Religionis, non aliam lædit, ut benè notant Salm. c. 6 n. 39. cum Sanch.

Secundu tamen sententia probabilior, et communior cum S. Th. 2. 2 q. 88 art. 11 quem sequuntur Bellarm. t. 1 de Matr. c. 21. Sanch. eod. tit. l. 7. Dist. 27 n. 10. Pontius l. 7 c. 27 n. 7. Salm. c. 6 ex n. 23. cum Vasq. Cajet. etc. ac Escob. n. 476. cum Azor. Nav. et Soto, tenet, quod obligatio castitatis non oriatur immediatè ex lege Ecclesiæ, sed ex voto quod in ipso facto Ordinationis emittitur. Primò, quia hoc jam est expressum in jure, et præcisè in c. *Cum olim, de Clericis conjug.* ubi dicitur: *Non igitur attendentes, quod Orientalis Ecclesia votum continentiae non admisit etc.* Ergò in Ecclesia Occidentali, seu Latina votum castitatis jam admittitur. Secundò, quia, si obligatio castitatis tota esset ex lege Ecclesiæ, posset Pontifex omnes etiàm Sacerdotes ab illa absolvere; sed hoc esset contra communem sententiam DD. qui tantum in casu urgentissimo concedunt Pontifici, ut in hoc dispenset cum solis ministris, ut dictum mox n. 807. sed non cum Sacerdotibus.

Sed hæc dubitatur 1. an teneretur ad servandam castitatem, qui invincibiliter ignoraret votum illius Ordinis annexum? Salm. d. c. 6 n. 33. dicunt, hunc tenèri ex comm. DD. vel ex vi voti impliciti, ut ipsi sentiunt cum S. Th. et Sanch. vel ex præcepto Ecclesiæ, ut alii juxta primam sententiam probabiliter putant. Alii tamen. ut Croix l. 6 par. 2 n. 2162. cum Pal. et Con. adhuc probabiliter censent, quod, si ignorantia omninò fuisset invincibilis, ordinatus non teneretur ad castitatem, neque ex voto, neque ex præcepto Ecclesiæ, quia Ecclesia non intenderet talem obligare; secus verò, si ignorantia fuisset culpabilis; vel si quis Ordinem in-

tenderet suscipere cum eadem obligatione, qua alii suscipiunt, ut inferitur ex dictis l. 3 n. 201. Qu. I.

Dubit. 2 an teneretur ad castitatem Ordinem suscipiens, si expressè nollet castitatem vovere? Putat Philib. quod etiàm teneretur ex voto: hoc parùm probabile videtur. Censent verò Salm. n. 37. cum Dicast. quod tunc teneretur ad emittendum votum; et interim, dicunt, quod talis, si peccaret contra castitatem, non committeret sacrilegium; sed hoc ultimum, nempe quod hoc non esset sacrilegium, nec satis probabile videtur, et est contra communem, ut ipsi Salm. fatentur n. 28. Hinc probabilius dicunt Sanch. de Matr. t. 2 l. 7 D. 27 n. 12. cum aliis, et Holzm. p. 268 n. 102. cum Amico, Mayr, etc. quod in tali casu is teneretur ad castitatem, non ex voto, sed ex præcepto Ecclesiæ, quæ ex Religionis motivo (ut diximus) eum ad castitatem, deficiente voto, adstringeret?

810 Notandum autem, certum esse, quod ille qui est ordinatus antè usum rationis, quàmvis valida sit Ordinatio (ut probatum est n. 782. cum D. Th. et aliis communiter, ex cap. un. *De Clerico per saltum etc.*) non teneatur tamen ad castitatem; undè validè, ac licitè potest inire Matrimonium. Ità Croix n. 2161. et Salm. c. 6 n. 42. cum Sanch. Suar. Dic. et communi. An autem teneatur ad castitatem qui post usum rationis, sed antè pubertatem ordinatur? Affirmant Pont. l. 7 de Matr. c. 29 n. 15. Bon. eod. tit. q. 3 part. 9 n. 9. et Escob. n. 487. cum Cajet. Conc. etc. quia de jure naturali jam adest obligatio hoc votum servandi; è converso nullum adest Jus Canonicum tale votum irritans. Hoc est quidem probabile, sed non improbabiler id negant Sanch. de Matr. l. 7 D. 3 n. 8. Salm. c. 6 n. 43. cum Dic. Aversa, etc. ac Barb. All. 15. n. 4. cum Abb. Host. Nav. Soto, et Henr. Ratio quia tale votum hominem constituit in statu irretractabili, in quo Pontifex numquàm aut rarò dispensat, undè tale votum maturum et perfectum usum rationis efflagitat. Idem dicitur de eo, qui validè ordinatur, vel ex defectu formæ, aut materiæ, vel intentionis.

puta, si quis per vim, aut metum Ordinaretur, sine animo suscipiendi ordines, ut Salm. n. 45 et 46. et Croix n. 2163. *cum communi*. (Et hinc notandum quod, qui non obligatur ad castitatem, nec ad Officium divinum teneatur; ut dictum est l. 4 n. 144. v. Quæritur.) In dubio tamen præsumendum est pro valore Ordinationis, ut Croix n. 2203 et 2230.

Sed dubium est, an teneatur ad castitatem qui ordinatur ob metum gravem, sed cum animo suscipiendi ordines? Pontius de Matr. l. 7 c. 29 ac S. Antoninus; Sot. Pal. etc. apud Croix n. 2163. dicunt tenêri; de nec à Papa dispensetur; quia metus minuit, non verò tollit voluntarium. At probabilis Sanch. de Matr. l. 7. Dist. 29 n. 5. Bonac. cit. q. 3 part. 2 n. 14. Escob. n. 483. cum Sayr. Conc. et Graff. ac Salm. c. 6 n. 46. cum Azor. Dic. etc. dicunt non tenêri, et validè posse Matrimonium contrahere (non posse tamen in Ordine ministrare, constante Matrimonio, neque privilegiis Clericalibus gaudere. Vide Salm. n. 50.) Ratio, quia jam ex probabiliori sententia, ut supra, ordinati non tenentur ad castitatem, nisi ex voto, et verius est, quod votum metu gravi extortum irritum sit, ex c. *Cum dilectus, de iis, qui vi etc.* Vide dicta l. 3 n. 197. v. Sed quæ. Limitant tamen hæc sententiam Salm. n. 47. cum Nav. et Vega, si hic postea, metu remoto, Ordinationem ratificaret aut verbis; aut in Ordine ministrando: modò sciat, et advertat, quod per hujusmodi actum tali obligationi se subjiciat. Cæterum consultum est, ut tales metu ordinati petant dispensationem, quam pluries concessit S. C. ubi solidè metus probatus fuerit, prout refert P. Zacharia apud Croix l. 6 part. 2 ad n. 2163.

Quid, si metus ex justa causa sit inflictus, puta si Episcopus ob inopiam ministrorum adstringeret metu aliquem ad suscipiendum ordines? Probabile putant Sanch. de Mat. l. 7 D. 19 n. 8. et Dic. ex Nav. ap. Salm. c. 6 n. 48. non tenêri hunc ad votum castitatis, quia probabiliter (ut dicunt) metus, sive sit justus, sive injustus, et sive gravis sit vel levis; semper irritat

votum. Sed melius oppositum tenent ipse Sanch. l. c. et Salm. n. 47. cum Dic. et Philiberto, quia eo casu asset ille irrationabiliter invitus; et ideo metus votum non irritat, sicut nec etiam irritat Matrimonium, juxta dicenda de Matr. n. 1057.

312 Quær. 3. Quandonam conjugatus, constante Matrimonio, possit sacris Ordinibus initiari? Certum est, quod sine licentia uxoris non liceat uxorato Ordines sacros suscipere, nec etiam primam Tonsuram, ex c. ult. de Temp. ord. in 6 et in Extrav. Antiquas de Voto. Imò imponitur irregularitas in eum, qui sine dicta licentia, vel legitimo divortio in Sacris ordinatur; etiamsi Matrimonium non fuisset consummatum; quia hoc dirimitur tantum per professionem Religionis, non verò per Ordinationem, ut in ead. Extrav. Vide Salm. c. 6 ex n. 53.

Probabile tamen est cum Sanch. Avers. et Salm. n. 56. quod, qui post Matrimonium tantum ratum ordinaretur in Sacris, non teneretur Religionem profiteri, ut dicant ib. S. Anton. Azor. et Led. Quia majus onus est Religionem profiteri, quam ad solam castitatem se adstringere.

Licite autem potest conjugatus ad sacros Ordines promoveri ex licentia uxoris, modò ipsa castitatem voveat, ut habetur in c. Conjugatus de Convers. conjug. Et modò licentia sit expressa et omnino spontanea; ex cap. Consultuit, eod. tit. Sed hñc dubitatur 1. An eo casu uxor ultra votum teneatur Religionem profiteri? Affirmant Sanch. de Matr. D. 39 n. 6. et Salm. c. 6 n. 58. cum Soto. Sed veriùs negant Pontius de Mat. l. 6. c. 25 n. 7. Dian. p. 4 tr. 4 R. 129 et Hurt. ex Nav. et Sa apud Renzi p. 371 q. 3. Idque clarè probatur ex cit. c. Conjugatus, ubi dicitur: *Nullus conjugatorum est ad sacros Ordines promovendus, nisi ab uxore continentiam proficiente fuerit absolutus.* Non dicitur Religionem proficiente, sed continentiam. Excipiendum tamen 1 si vir ad Episcopatum assumatur, tunc enim uxor omnino debet Religionem ingredi, ut statuitur in c. Sane 6 de Conv. conj. Excipe 2 si vir fieret Reli-

giosus, et uxor esset juvenis, ex c. Cum sis 4 eod. tit. ubi sic dicitur: *Prohibemus ne virum vel uxorem, nisi uterque ad Religionem migravit, transire permittas. Verum, si ita uxor senex est, et sterilis, quod sine suspitione possit esse in sæculo, dissimulare poteris, ut, ea in sæculo remanente, et castitatem promittente, ad Religionem transeat vir ejusdem.*

Dubit. 2. An mulier hujus viri ad Ordines sacros promoti, si emisit simplex votum castitatis, validè contrahat Matrimonium post mortem viri? *Prima* sententia negat, et hanc tenent Sanch. de Matr. l. 7 d. 40 n. 2. Mazzotta t. 4 p. 213 et Salm. c. 6 n. 59. cum communi ut asserunt, ex c. Quia sunt, 10 d. 28 ubi loquens D. Greg. de secundo Matrimonio inito cum hujusmodi uxore, dicit: *Qui malè sociati sunt, disjungantur.* Et idem dicitur in Can. seq. 11 ib. Et ratio est, quia Ecclesia ob reverentiam Ordinis à primo viro assumpti, et ob licentiam uxoris voventis, reddit eam inhabilem ad subsequens conjugium. Hæc sententia est quidem communior, et valdè probabilis; sed satis probabilis est etià secunda sententia cum Sot. de Just. l. 7 qu. 5 art. 3 Sol. ad 2 et Pontio l. 7 c. 25 n. 10. qui dicunt, præfatum Matrimonium esse validum; licet enim in præfatis textibus præcipiatur separatio conjugum in pœnam secundi Matrimonii contracti, non tamen declaratur Matrimonium esse nullum; tantò magis, quod hujusmodi pœna separationis etià aliis criminibus in jure imponitur (ut probat Pontius c. 20 n. 6.), absque eo quod Matrimonium sit nullum.

An autem vir, qui ex justa causa perpetuum fecerit divorcium ab uxore, possit, eà inscia vel invitâ, Ordines sacros suscipere? Vide dicenda de Matr. n. 965. ubi dicemus cum communi, quod possit.

§ II.

De obligatione habendi Titulum.

813 *Pœna in contravenientes.*

814 *De titulo Paupertatis.*

330 Lib. VI. Tract. V. De Extrema-Unct., et Ordine.

815 *De titulo Beneficii. Not. 1. Juxtà cujus diœcesis taxam desumenda sit sufficientia Beneficii? Not. 2. Quid si defectus sit modicus? Not. 3. Quid veniat nomine Beneficii? an stipendia Missarum?*

816 *Et an sufficiat Beneficium de futuro?*

817 *De Titulo Patrimonii.*

818 *Qu. I. An quis possit ordinari titulo suæ industriæ?*

819 *Qu. II. An pater teneatur assignare patrimonium filio volenti ordinari?*

820 *Qu. III. An incurrat suspensionem qui ordinatur sine titulo?*

821 *Dub. 1. An qui ordinatur cum patrimonio ficto?*

822 *Dub. 2. An qui ordinatur data fide de reddendo illud donanti?*

823 *Dub. 3. An qui post Diaconatum illud donanti renunciat?*

824 *Dub. 4. An ordinatus possit Patrimonio renunciare, si habeat aliundè sustentationem?*

813 CERTUM est ex Trid. sess. 21 c. 2 quod Episcopus neminem ad sacros Ordines admittere possit, nisi ille titulum habeat sustentationis; aliter Episcopus Ordinans, vel Dimissorias concedens tenetur ipse eum alere, usquedum ille titulum habeat, ex c. *Cum secundum, de Præb. etc. Recepimus, de Ætate, et qualis. ord.* Si verò Episcopus rem Examinatoribus remiserit, et ipsi malâ fide titulum approbaverint, ipsi pro rata tenentur ad ordinati sustentationem; at, si ipsi non habeant undè alimenta præstare possint, actio datur contra Episcopum, ut Glos. in d. c. *Cum secundum.* Item, si Ordines sacri à diversis Episcopis sint collati, quisque Episcopus qui ordinavit, tenetur pro rata ad alimenta, ex c. 4. *De Præb.*

Ad nihil tamen tenetur Episcopus (vel alii, ut supra), I. si, debitâ diligentia jam adhibita, curaverit, ut Patrimonium esset verum, et casu illud esset distractum, vel fictitium inventum. II. si Clericus possit aliundè vivere, etiâ ex suis honestis laboribus, vel si habeat patrem divitem, quia pater ex jure naturali tenetur filium alere; Salm. c. 6 n. 63 cum Barb.

Deindè hîc notandum, quod, si titulus, quo suscepit Subdiaconatum, casu pereat, non possit is ad supe-

riorem Ordinem ascendere sine novo titulo ; Croix n. 2284 cum Pal. et Gob.

Titulus autem sustentationis potest esse vel paupertatis, vel sufficientiæ, nempe Beneficii, aut Patrimonii, de quibus singulatim hîc agendum.

Et I Quòad titulum *paupertatis* : hoc titulo soli⁸¹⁵ Regulares professi ordinantur, non autem Novitii, qui ex Constit. 75. S. Pii V. *Romanus*, non possunt Sacros Ordines suscipere sub pœna suspensionis, nisi Patrimonium habeant, exceptis Religiosis Soc. Jesu, qui post vota simplicia ordinari possunt : et, si indè è Religione ejiciantur, tenêri Superiores eos alere, usque dum habeant, undè vivant, dicit Philib. apud Salm. c. 6 n. 64 afferens Decisionem S. C. Sed Croix absolutè hoc negat n. 2288 et n. 2196 referens plures alias Declarat. S. C. in contrarium. Imò P. Zacharia apud Croix ad cit. n. 2196 addit, quod Bened. XIII. *Motu proprio*, edito an. 1724 die 14 Jun. declaraverit in perpetuum, *Societatem non tenêri ad ullam subministrationem congruæ sustentationis, vel alimentorum illis, qui post biennium probationis à suis Superioribus ejiciuntur, tametsi dum in ea permanebant, ad sacros etiàm Presbyteratûs Ordines ad titulum paupertatis promoti fuerint.* Et hanc rationem Pontifex ad talem Sanctionem præmittit, *ne qui dimissioni causam præbuerint, utilitatem ex sua culpa reportent.*

II. Quòad titulum *Beneficii*, antè omnia hîc præno-⁸¹⁵ tandum est Decretum Trid. sess. 21 c. 2 de Ref. ubi : *Cum non deceat eos, qui divino ministerio adscripti sunt, cum Ordinis dedecore mendicare... compertumque sit quamplures plerisque in locis ad sacros Ordines nullo ferè delectu admitti, qui variis artibus, ac fallaciis confingunt se Beneficium ecclesiasticum, aut etiàm idoneas facultates obtinere : statuit S. Synodus ne quis deinceps Clericus sæcularis, quàmvis aliàs sit idoneus moribus, etc. ad sacros Ordines promoveatur, nisi priùs legitimè constet, eum Beneficium ecclesiasticum, quod sibi ad victum honestè sufficiat, pacifice possidere. Id verò Beneficium resignare non possit, nisi facta mentione, quod ad illius*

Beneficii titulum sit promotus ; neque ea resignatio admittatur , nisi constito , quod aliundè vivere commodè possit , et aliter facta resignatio nulla sit. Patrimonium verò , vel pensionem obtinentes ordinari posthac non possint , nisi illi , quos Episcopus judicaverit assumendos pro necessitate , vel commoditate Ecclesiarum suarum ; eo quoque priùs perspecto , patrimonium illud , vel pensionem verè ab eis obtineri , taliaque esse , quæ eis ad vitam sustentandam satis sint ; atque illa deinceps sine licentia Episcopi alienari , aut extinguì , vel remitti nullatenus possint , donec Beneficium ecclesiasticum sufficiens sint adepti , vel aliundè habeant , undè vivere possint , antiquorum Canonum pœnas super his innovando.

Not. 1. sufficientiam Beneficii desumendam esse juxtà taxam Diœcesis ubi est Beneficium , si ipsum requirit perpetuam residentiam ; si verò non requirit , juxtà taxam originis , ut pluries declaravit S. C. an. 1701. 1708 et 1713 apud Bened. XIV. de Synod. t. 3 p. 260 ubi refert , idem corroboratum fuisse ab Innoc. XII. in Constit. Apostolici ministerii , quæ deindè confirmata fuit . et extensa per totum Orbem à Bened. XIII.

Not. 2. quod , si defectus Beneficii sit modicus , licitè quis ordinetur ; secùs , si sit notabilis , ut notat Viva ex Dian. p. 4 tr. 4. R. 52 cum Sanch. et Nav. Notabilem autem meritò esse censet Viva art. 4 n. 5 defectum quintæ partis.

Not. 3. quod nomine Beneficii possit etiàm aliquis ordinari ad titulum Coadjutoriae perpetuæ , ut Sanch. et Nav. apud Croix n. 2269 (modò Coadjutor ratione illius congruam habeat sustentationem , ut rectè advertunt Gonz et Garc. apud Barb. All. 19 n. 23 (vel quotidianarum distributionum , vel Capellaniae , vel Pensionis , vel Præstimonii perpetui (Præstimonia sunt quidam redditus abstracti ex redditibus Beneficiorum). Ità Salm. c. 6 n. 68 et 69 et Barb. l. c. n. 24 Campanile ; et hoc etiàm i Officiatura , aut Capellania illa sit amovibilis , dummodò qui habet jus nominandi , obligetur , ut non removeat ordinatum , usquedum hic sibi

procuraret Beneficium aut Patrimonium, ut sapienter advertit Bened. XIV. Notif. 26 n. 11.

Non sufficiunt autem ad titulum Missarum stipendia, aut eleemosynæ, cum sint incerta, nisi fortè hæc communiter occurrant sufficienter ad sustentationem, ut dicit Philib. apud Salm. d. n. 69 in fine; vide dicta n. 774. Nec sufficit titulus mensæ Episcopalis, nisi adsit consensus Capituli, saltè tacitus; nempe si sciens non contradicat, ut Croix n. 2271 probat ex praxi.

Quær. an quis possit ordinari titulo Beneficii certi de futuro? Affirmant Sayr. Campanil. etc. apud Salm. n. 70 et admittit Jordan. apud Croix n. 2273 si ex circumstantiis certè videatur non impedienda possessio. Sed veriùs negant Barb. All. 19 n. 28 cum Led. Garcia, Salsedo, et Ugol. Bon. p. 5 n. 29 cum Sayr. et Cenedo, ac Salm. l. c. cum Philib. etc. Quia Trident. loco suprà cit. requirit omninò pacificam possessionem Beneficii; quare is ordinari nequit, etiàmsi injustè impediatur à possessione. Si quis tamen possidet Beneficium, sed redditus exigere non possit, usquedum fiat Sacerdos, benè posset ordinari Subdiaconus, et Diaconus. Ità Barb. n. 29 cum Armend. et Garc.

III. Quod ad titulum *Patrimonii* pertinet; ad hunc titulum ex Trid. d. sess. 21 c. 2 non possunt omnes ordinari, sed tantum ii, *quos Episcopus judicaverit assumendos* (verba Triden.) *pro necessitate, vel commoditate Ecclesiarum suarum*. Patrimonium autem debet esse super re certa, et immobili, ac de sua natura frugifera, pacificè possessa, nec ære alieno, aut hypotheca gravata, ut communiter cum Salm. c. 6 n. 76 et Pot. n. 54. Hinc non sufficit, si aliquis, etià scripto, promittat ordinando alimenta, sufficit tamen census perpetuus adhuc redimibilis, quia hic de se fructificat; modò Episcopus cautionem adhibeat, ut, si redimatur, in aliam emptionem applicetur, ut notat Croix. Idque sic admittit etià Bened. XIV. Notif. 16 n. 12. et Escob. n. 378. cum Pal. Marchin. et Leand. ac Decisione Rotæ Rom. Sufficit etià, si quis de suis

reditibus tot annuos aureos ad sustentationem sufficientes per instrumentum ordinando donet, ut dicunt Ugolin. et Philib. apud Salm. n. 77. Quod admittit Barb. apud Croix n. 2272. casu, quo urgeret penuria Sacerdotum. Imò admittit Bened. XIV. l. c. n. 16. ex Decr. S. C. etià quando Clericus assumitur pro necessitate, vel commoditate Ecclesiæ. Addit Gob. ib. sufficere, ut aliquis Comes, aut Communitas obliget sua bona ad Clericum alendum: quod valdè probabile mihi videtur, saltèm quòad Communitatem, sicut et aliis, quos consului, visum est (etsi Croix loc. cit. oppositum probabilius vocet). Tridentin. enim nequaquam limitat, ut Patrimonium super re stabili constitutur; tantùm præscribit d. sess. 21 c. 2 quod debeat esse verum, et sufficiens ad Clericum sustentandum, quia Concil. id præcipuè cavere intendit, ne Ecclesiæ ministri ob inopiam emendicare cogantur. Tutior idè ad hoc erit obligatio alicujus Communitatis, quàm assignatio alicujus rei stabilis, cum hæc faciliùs deficere possit, quàm aliqua tota Communitas. Notandum verò, quod in Concordato nostri Regni statutum sit, non posse in posterum Patrimonia constitui, nisi unicè super bonis immobilibus; aut super annuis redditibus fixis. Vide verba Concordati infrà n. 830 in fine. Patrimonium autem computatur loco legitimæ, nisi aliud constet expressè ex voluntate Patris. Potest. n. 55 cum Pal. Mol. et Croix n. 2277 contra Vivam Art. 4 n. 6 in fine cum Garcia.

- 818 Quær. I. An quis ordinari possit sine Patrimonio, sed ad titulum suæ industriæ, puta, si sit Pictor, Ludimagister, vel alius professionis? Affirmant Gonz. Barb. Cord. Henr. Garcia, etc. apud Salm. cap. 6 n. 65 quia tunc prudenter judicatur, victum congruum ei non fore defecturum, juxtà mentem Conc. Sed veriùs oppositum est tenendum cum Croix n. 2275 et Sa, Dian. Sanch. Led. cum Salm. c. 6. n. 66. Et de hoc Bened. XIV. Notif. 26 n. 7 plures affert Decis. S. C. et signanter unam emanatam mense octob. 1589 in qua dictum fuit; *Si quis tantùm habeat, quod ex in-*

Austria vel honesto labore lucratur, puta quod sit Musicus, Magister Grammaticæ, Pictor, Scriptor, aut alterius professionis, non potest promoveri, etiãmsi id sit sufficiens ad sustentationem vitæ. Item die 23 maji 1609. S. Cong. respondit: *Gradum Doctoratûs tam in Theologia, quàm Jure Canonico non esse titulum, ad quem aliquis ad sacros Ordines promoveri queat; sed requiri omninò vel Beneficium vel Patrimonium ad vitam promovendi honestè sustentandam sufficiens.* Ratio, quia Trid. statuit, quod ordinandus non solùm habere debeat, undè vivat, sed etiãmsi, ad evitandas fraudes et errores, præscribit, quod legitimè constare debeat, eum *Beneficium* (sivè Patrimonium) *pacifice possidere.* Quibus verbis excludit quamcumque spem acquisitionis de futuro, cum hæc spes per infirmitatem, vel aliud accidens deficere possit.

Quær. II. An, si filius, invito parente, vellet Sacerdotium suscipere, teneretur pater illi Patrimonium assignare? Affirmandum est cum Sanch. de Matrim. lib. 4 d. 26 n. 4. Barb. All. 19 n. 63 cum Campanile et Genuensi, ac Salm. c. 6 n. 87. Philib. etc. Imò isti dicunt, ad hoc posse cogi à Judice Ecclesiastico; pater ac pater cogi potest ad assignandam, prout tenetur, dotem filię, quæ dignum Matrimonium contraxit, vel quæ cupit Religionem ingredi, ut dicunt Lopez, et Adven. apud Salm. ibid.

Quær. III. An incurrat pœnam suspensionis qui ordinatur sine patrimonio, aut Beneficio? *Prima* sententia negat cum Viva q. 7 art. 4 n. 6 et Tol. Concina, Phil. Dian. Henr. et aliis apud Salm. c. 6 n. 72. cum Sayr. March. et Gob. apud Croix n. 2283 item Escob. n. 366 cum Tol. Avila, Rodr. Henriq. Vivald. Diana et Marchino. Hanc sententiam meritò satis probabilem putant Salm. quia, licet in c. Neminem, etc. Sanctorum, Dist. 70 imponatur suspensio ipso facto ab exercitio Ordinis suscepti illi, qui ficto titulo ordinatur: attamen in cap. Cum secundum. De Præb. Innoc. III. hanc pœnam ordinati commutavit in obligationem ordinantis ad eum alendum, ut ibi ne-

tal Glossa, et dicunt Sanch. et Aversa. Cum igitur Trident. sess. 21 c. 2 innovaverit pœnas, intelligitur renovasse pœnas, quæ tunc erant in robore apud sacros Canones, nempe quod ordinans teneatur alere ordinatum sine titulo, non autem quoddam ordinatum, cujus pœna jam erat revocata. Et de hoc Escob. d. n. 366 affert Declar. S. C. editam anno 1583 (quam referunt etiã Barbosa, Garcia, et Vivald.) ubi sic dictum fuit: *Ordinatus contra formam hujus Decreti (idest Concilii) sine Beneficio vel patrimonio, non est per hoc suspensus, nec aliquam pœnam incurrit, sed cogendus est ordinans illi providere, juxta cap. Secundum Apostolum de Præbend. qui solus Canon, non alii, à Concilio innovatur.* Nec obsiat Bulla S. Pii V. Romanus, edita 14 octob. 1568, ut opponit Bonac. p. 5 n. 17, ubi statutum fuit incurrere suspensionem Religiosos, qui sine patrimonio ordinantur antè professionem; idemque dictum fuit de Clericis in communi viventibus. Nam id specialiter pro istis decretum fuit nec ad alios extendendum. Quod autem moraliter peccet qui sic ordinatur, non revocatur in dubium, ut rectè ait Viva l. c.

Secunda tamen sententia probabilior, quam tenent Suar. de Censur. d. 31 sect. 1 n. 35. Sanch. Cons. l. 7 c. 1 dub. 35 n. 12. Bonac. qu. d. 8 univ. p. 5 num. 24 et Salm. n. 73 cum Aversa, contradicit; Concilium enim dixit: *Antiquorum Canonum pœnas super his innovando.* Dixit *innovando*; ergò etiã pœnas revocatas renovavit. Dixit *pœnas*, non pœnam; ergò non solum pœnam ordinantis, sed etiã ordinati renovari intellexit. Dixit *Canonum*, ergò innovavit pœnas non solius Canonis Innocentii III. sed omnium; et idè addidit *antiquorum*. Nihilominus Salm. n. 75 advertunt I. cum Sanch. quod, cum in dictis Canonibus non requiratur possessio, si quis ordinaretur cum vero titulo, sed sine illius possessione, peccaret quidem contrà præceptum Tridentini, sed non incurreret suspensionem. Advertunt II. quod, cum antiquitus non requirebatur titulus sufficiens ad sustentati-

em, sed quicumque titulus sufficebat, ut dicunt ibi. Nav. et Manuel, valdè probabile sit, excusari à poena qui ordinatur cum titulo insufficienti, quàmvis non excusetur à peccato. Advertendum autem III. cum Viva l. c. quod in Synodo Diœcesis Napolitanæ imponatur suspensio ipso facto, Archiepiscopo reservata, iis qui ficto titulo etiàm primam Tonsuram suscipiunt; et omnes ad id concurrentes incurrunt pariter ipso facto excommunicationem reservatam.

Sed juxtà hanc secundam sententiam, scilicet quod ^{San} ordinatus sine patrimonio incurrat suspensionem, dubitatur: an ullis in locis, præterquam Neapoli, incurrat eam qui ordinatur cum patrimonio ficto? *Prima* sententia, quam tenent Escob. n. 366 cum Toled. et Avila, item Palaus, Diana, Gobat. etc. apud Potest. de Exam. Ord. n. 64 negat, quia Tridentinum innovat poenam suspensionis, sed sub clausula, *nisi prius legitime constet eum Beneficium, sive patrimonium legitime possidere*. Dicunt autem, quod, quando quis ordinatur cum patrimonio ficto, jam externè de ipso constet, ergò, quàmvis hic peccet in quantum facit testes jurare falsum, non incurrit tamen suspensionem. *Secunda* sententia affirmat; et posita tamquam vera sententia ut suprà, quod incurrat suspensionem ordinatus sine patrimonio., hanc sequendam censeo cum Sanch. de Matrim. dist. 32 n. 8. Suar. de Censur. dist. 31 sect. 1 n. 35. Bonac. l. c. p. 5 n. 21 Barbosa All. 19 n. 57 et Salm. c. 6 n. 78 qui eam certam vocant cum Fagn. Leand. Bonac. Led. Rodr. Potest. ib. n. 65. Isti enim dicunt, quod ordinatus cum patrimonio ficto non solum peccet, testes mendaces adhibendo, et Ecclesiam decipiendo; sed incurrat suspensionem. Ratio, quia is, qui ordinatur cum patrimonio ficto, reverà sine patrimonio ordinatur, juxtà mentem Concilii, et Canonum, qui requirunt titulum ne Clericus cogatur emendicare; et ideò dicit Concilium, *nisi prius legitime constet, etc.* illud *legitime* significat etiàm documenta tituli legitima esse debere. Alia urget ratio, quia, cum quis ordinatur sine patri-

monio tenetur Episcopus ordinans eum alere, sed non tenetur, si ipso inscio ordinatur ille cum patrimonio ficto : et sic decisum refert à S. C. Ben. XIV. Notif. 26 n. 16 die 27 novemb. 1710. Idem dicendum meritò putant Salm. n. 78 et 79 cum Nav. Rodr. etc. si patrimonium constitutum fuerit in sola apparentia, quin translatum fuerit rei dominium in Clericum, quia tunc idem esset, ac si non esset constitutum.

- 822 Dubit. 2. An incurrat suspensionem qui ordinatur cum patrimonio donato, sed datà antapocà vel fide de reddendo illud donanti post Ordinationem? Dicitur *post Ordinationem*, nam si renunciatio antè eam fieret, certum est, renunciationem esse validam, et tunc sine dubio (juxtà eamdem secundam sententiam allatam n. 820) ordinatus suspensionem incurreret, ut benè notat Bonac. D. 8 q. un. p. 5 n. 23. Dubium igitur est, si pactum sit de restituendo patrimonio post Ordinationem. *Prima* sententia dicit, non tenèri Clericum tale pactum exequi, et ideò non incurrere suspensionem, sententiam tenent Diarra 3 p. tr. 4 R. 184. cum P. Led. et Villal. ac Escob. nu. 369 cum Sa., et Leand. Ratio, tum quia eo casu Episcopus acquirit jus suprà patrimonium illud, cum aliàs ipse teneretur alere ordinatum; tum quia in Tridentin. sess. 21 c. 2 dicitur, quod titulus Ordinationis (sivè sit patrimonium, sivè Beneficium, sivè pensio) *sine licentia Episcopi alienari aut extinguì, vel remitti nullatenùs possit*. Et pactum illud, cum sit contrarium dispositioni Concilii, tamquàm turpe rejicitur; et ideò, cum Clericus ille sit vero titulo ordinatus, suspensionem non incurrìt. *Secunda* autem sententia dicit, Clericum tenèri patrimonium restituere, et suspensionem incurrere, eamque tenent Avila, Corduba, Lopez, et Delacruz apud Dianam l. c. Ratio, quia tale pactum, esto sit illicitum, non tamen reprobatum in jure; undè Clericus sic ordinatus tenetur in conscientia reddere patrimonium sub ea conditione donatum. Sed omninò distinguendum, cum Palao p. 11 n. 15 et dicendum, quod, si donans

verum habuerit animum donandi, tunc licet Clericus peccaverit acceptando donationem sub tali pacto, post Ordinationem tamen non teneatur patrimonium restituere, propter rationem suprâ primâ sententiâ allatam; quia pactum rejicitur, utpotè oppositum Tridentino prohibenti alienationem patrimonii sine licentia Episcopi; et ideò suspensionem non incurrit. Itâ sentiunt præter AA. ibi citatos, Tolet. l. 1. c. 48 n. 5 et Barb. All. 20 n. 30 cum Garcia, Manuel, et aliis; et sic declaravit S. C. die 6 mart 1638 (apud Bened. XIV. Notif. 26 n. 28) dicens: *S. C. censuit eum, qui de facto alienavit patrimonium, ad cujus titulum fuerat ordinatus, nulla facta mentione, quod ad illius titulum promotus fuisset, in censuras non incidisse, sed alienationem factam esse ipso jure nullam.* Et sic pariter S. C. pluries declaravit (ut refert P. Zacharia apud Croix l. 6 p. 2 ad n. 2286) omnem permutationem, hypothecationem, aut fidejussionem patrimonii seu tituli, sine licentia Episcopi, esse invalidam, etiâmsi ordinandus habeat undè vivat. Si verò donans non habuerit veram intentionem donandi, tunc quidem ordinatus tenetur patrimonium restituere, quia tunc numquàm acquisivit illius dominium, cum illa non fuerit vera donatio, sed fictio donationis; ac propterea talis suspensionem incurrit; itâ Nav. Man. c. 27 n. 58. Bonac. l. cit. (qui id ut certum habet) Sanch. de Matr. l. 6 D. 32 n. 8. cum Majol. Met. etc. Roncaglia p. 130 qu. 3 R. 1. cum Tamb. et Salm. c. 6 n. 82. cum Philib. Gabr. etc. item Marchant. Garcia, Torrobl. Lop. etc. apud Escob. n. 367. Neque huic obstat Tridentinum, quia Concilium prohibendo alienationem patrimonii, loquitur de Clericis, qui illud verè adepti sunt, ut patet ex ipsius verbis, *Patrimonium verò vel possessionem obtinentes.* Neque Episcopus ullum jus acquirit super re fictè donata, dum Episcopus ordinans bonâ fide ad nihil tenetur, ut rectè ait Sanch. l. c. cum Navar. et Decio. Advertendum tamen hîc, quod, esto Clericus teneatur eo casu in conscientia reddere patrimonium antè

Judicis sententiam, attamen donans (ut benè etiā ait idem Sanch. l. c. cum Corduba et Salm. n. 82. cum communi) in foro externo nullam habet actionem contra Clericum ad repetendam rem donatam, imò meretur illā spoliari in pœnam sui criminis; quapropter videtur talis Clericus, si statim sit petiturus, ut in iudicio res sibi adjudicetur, posse interim rem retinere (licet suspensionem jam contraxerit,) juxta dicta l. 3 n. 890. Et Monacel. t. 1 p. 67 n. 4. refert ita decisum fuisse per S. C. Epis. nempe fictè donantem tenèri liberum derelinquere patrimonium ordinato.

823 Dubit. 3. An suspensionem incurrat qui post Diaconatum, vel Subdiaconatum susceptum cum patrimonio verè donato, illud donanti renunciat (sine ullo prævio pacto,) et deindè Sacerdos ordinatur, occultando renunciationem? Affirmat Potest. de Exam. Ord. n. 77. Sed veriùs negat Bonac. part. 5 n. 125. cum Navar. Henriq. Avila, Sayr. Mol. e. c. et Salm. n. 83. cum Sanch. Diana, et Philipb Ratio, quia talis renunciatio est omninò nulla, ut suprà vidimus; undè talis Sacerdos dicitur cum vero titulo ordinatus; pœna autem Canonum per Trident. innovata non imponitur eis, qui patrimonium alienant, sed qui sine eo ordinantur. Nec obstat, quod talis ordinatus de facto non percipiat fructus patrimonii, nam sufficit, quod ipse possit fructus percipere, si velit. Idque confirmatur ex Decr. S. C. suprà citato nu. præced.

824 Dubit. 4. An Clericus possit renunciare patrimonio sine licentia Episcopi, si habeat aliundè sustentationem? Adsunt tres sententiæ. *Prima* sententia affirmat, quam tenent Azor. part. 2 l. 3 c. 4 q. 3. Palaus p. 11 n. 13. cum Steph. Gratiano, Flaminio. et communiori, ut asserit; item Garcia, et Molf. apud Salm. c. 6 n. 84. et probabilem putant Tamb. de Ord. l. 7 c. 6 § 4 n. 19. Diana part. 9 tr. 8 R. 23 et Barb. n. 90. cum Menoch. Surdo, Cevall. et Cassano; et expressè huic sententiæ consentiunt Sanchez Conc. l. 7 c. 1 dub. 43 et Viva. qu. 8 art. ult. n. 6. v. Circol. Eam probant ex Trident. Sess. 21 c. 2 ubi dicitur:

Atque illa (nempè patrimonia, Beneficia, etc.) deinceps sine licentia Episcopi alienari nullatenus possint, donec Beneficium sufficiens sint adenti, vel aliundè habeant undè vivere possint. Si igitur (ajunt) non potest Clericus sine licentia Episcopi alienare patrimonium, donec aliundè habeat undè vivat; ergò benè potest, si habet undè vivat, etiàm sine licentia Episcopi; qui cæterum in aliquo casu, puta ad redimendos parentes captivos, et simili, potest dare licentiam alienandi patrimonium, quàmvis Clericus non habeat undè vivat. *Secunda* sententia, quam tenent Led, et alii apud Vivam q. 7 art. 9 n. 6. dicit, talem alienationem esse illicitam, sed non invalidam; imò Suar. de Censur. D. 31 sect. 1 n. 38. dicit, eam esse validam, etiàmsi Clericus non habeat, undè vivat. *Tertia* verò sententia, quam tenent Croix n. 2286. Barb. All. 19 n. 90. cum Quintanad. Campanile, et Ugol Escob. n. 382. cum Marchino, Cenedo, etc. ac Salm. c. 6 n. 85. cum Vasq. Philib. et Leand. dicit, hujusmodi alienationem esse invalidam, et illicitam. Ratio, tum quia, si Clericus non habet aliundè sustentationem, nec etiàm Episcopus (ordinariè loquendo, ut intelligendum est Concilium) potest licentiam alienandi concedere; hoc enim significat particula illa *donec*, nempè quod Episcopus tum solum licentiam dare possit, cum Clericus habet undè vivat; tum quia patrimonium connumeratur inter bona ecclesiastica, et gaudet eodem privilegio, ità ut nequeat à Principe sæculari subjici collectis, prout habetur in cap. Quamquam, de Censib. in 6. Ergò tale patrimonium sine licentia Episcopi est inalienabile. Et huic tertiæ sententiæ mihi magis lubet adhærere, ob Decretum S. C. quæ die 4 Febr. 1652 (apud Bened. XIV. Notif. 26 n. 9.) sic respondit: *Renunciationem patrimonii, ad cujus titulum Clericus simpliciter sacris Ordinibus fuit initiatus, absque licentia Episcopi factam, non sustineri, etiàm post assecutionem Beneficii ad ejus vitam sustentandam sufficientis.* Adverte hîc aliud Decretum emanatum à S. C. Conc. 5 Febr. 1604, ubi decisum

fuit, non esse vetitum Clerico hypothecare patrimonium, quòd eam tamen partem fructuum, quæ supersit ad ejus sustentationem, non lautè, sed tenuiter vivendo, juxtà Judicis ecclesiastici arbitrium.

§ III.

De obligatione deferendi habitum, et Tonsuram.

825 *Qu. I. An peccent graviter Clerici non deferentes habitum?*

826 *Qu. II. An non deferentes Tonsuram?*

827 *Quando isti ob habitum, et Tonsuram dimissam amittant privilegium fori, et Canonis?*

828 *Ad quid teneantur Sacerdotes vi obedientiæ, quam promittunt Episcopo? An possint Religionem ingredi, Episcopo contradicente?*

829 *Quæ obligatio sit de Missis, et precibus, quæ ab Episcopo imponitur ordinatis?*

830 *De statutis in Concordato nostri Regni.*

825 **P**ATET ex universo Jure Canonico, Clericos tenèri deferre habitum, et Tonsuram Clericalem, undè ex Trident sess. 14 cap. 6 possunt suspendi habitum et Tonsuram non deferentes. Sed quær. I. An peccet mortaliter Clericus, qui habitum non defert? Affirmat Panormit. apud Pal. p. 18 n. 3. etiàmsi ille sit tantùm in minoribus constitutus, et probat ex cap. penult. de Vita, et honest. Cleric. Alii, ut Salmant., dicunt, hunc non peccare graviter, (ut reverà sentit communis sententia), sed non excusari à culpa veniali, eo quod ipsi quoque teneantur suo statui se conformare. Alii verò communius dicunt, hujusmodi Clericum nullam habere obligationem deferendi habitum: ità Escob. n. 488. Navar. c. 25 n. 110. Holzm. n. 103. et Pal. l. c. cum Arm. Sylvest. Soto, et Ang. Et huic opinioni favet constitutio Sixti V. Pastoralis, edita die 31 Januarii 1588, ubi declaratum fuit, habitum Clericalem non tenèri deferre Clericos non recipientes pensionem, fructus, aut bona ecclesiastica sibi unà, vel pluribus vicibus reservata, et concessa, non ex-

cedentia valorem annuum 60 ducatorum aureorum de camera. Id autem certum est de Clericis conjugatis, ut habetur in cap. Joannes, de Cleric. conjug. Imò, si sint bigami, non solum non tenentur, sed etiam non possunt habitum deferre, ex c. Alternationis de Bigam. in 6. Majus dubium est de Clericis beneficiatis, vel in sacris constitutis, an hi peccent graviter, si habitum non deferant. Per se loquendo, non dubitandum, quin hi graviter peccent, cum ipsi temeritatis arguantur in Trid. ses. 14 c. 6 de Ref. hic verbis: *Tanta autem hodie aliquorum inolevit temeritas Religionisque contemptus, ut propriam dignitatem, et honorem Clericalem parvipendentes, vestes etiam deferant publice laicales... Propterea omnes Ecclesiasticæ personæ... quæ aut in sacris fuerint, aut Dignitates, personatus, Officia, aut Beneficia quacumque ecclesiastica obtinuerint, si postquam ab Episcopo sub...moniti fuerint, honestum habitum Clericalem...non detulerint, per suspensionem ab Ordinibus, ac Officio et Beneficio, ac fructibus...necnon, si semel correpti, denuò in hoc deliquerint, etiam per privationem officiorum, et Beneficiorum coerceri possint et debeant.* Et hic insuper notandum, quod Sixtus V. in Bulla, *Cum sacrosancta*, edita die 9 Jan. 1588 (apud Barb. in Tr. l. c. n. 4.) declaraverit, Beneficiatos non deferentes habitum in Urbe, mandatisque super his editis sub certo termino qui non obedierint, præter alias poenas, ipso facto sine ulla alia monitione privatos esse quibuscumque dignitatibus, administrationibus, Officiis, Canoniciatibus, Præbendis, Beneficiis, et Præstimoniiis. Dicit autem Cajetanus Summ. 2. Cleric. Peccata, tales non peccare mortaliter, nisi adsit contumacia, aut contemptus; et adhærent Escob. n. 491. et Gobat. in Exp. tract. 8 n. 769. dicentes, non esse mortale, nisi sit periculum causandi contemptum. Sed oppositum omninò tenendum, quia ex Concilio patet, ipsam delationem habitus laicalis esse parvipensionem honoris clericalis; ita communiter Sanch. lib. 7 c. 1 dub. 49. Renzi p. 346 q. 5. Laym. c. 12 n. 2. cum Arm. Sylv. et Vasq. Pal. p. 18 n. 3. cum Vill. Salm. c. 3 n. 7.

344 Lib. VI. Tract. V. De Extréma-Unct., et Ordine:
cum Bann. et Led. Barb. Alleg. 9 n. 11. cum Abb. et
Henr. Escob. n. 491. cum Reg. et Hurt. ac Bon. p. ult.
n. 2. cum Nunno, et communi.

Limitant verò omnes præfati AA. et quidem probabilissimè, si id fiat ad breve tempus: nisi (ajunt Salm. n. 9. cum Bannez) quis habitum dimitteret, vel occultaret, ut alios deciperet, vel ut liberè per plateas deambulet, vel ut aliquod malum committeret. Et sic pariter probant Diana p. 10 tract. 13 Res. 29 et Burghaber Centur. 2 cas. 59. non excusari à mortali Clericum, qui in bacchanalibus excurreret per Urbem larvatus Limitant 2. Holzm. n. 103. et Pal. Laym. apud Salm. li. cc. si adsit aliqua justa causa se occultandi, nempe ad vitandum periculum mortis, vel damni gravis.

326 Quær. II. An peccent graviter Clerici non deferentes Tonsuram, sivè Coronam (licet Corona reverà differat à Tonsura, sed DD. confundunt). Alii, ut Pan. Sot., Syl. etc. apud Tam. de Ord. c. 2 § 6 n. 16. affirmant de omnibus Clericis ex c. Clerici, 15 de Vita, et hon. Cleric. ubi dicitur: *Coronam et Tonsuram habeant congruentem*. Alii, ut ipse Tamb. cum Marchino, Pal. p. 18 n. 3. et Renzi p. 376 q. 5. cum Henr. dicunt, hoc, secluso contemptu, non esse peccatum mortale, etià in Beneficiatis, et Clericis in sacris constitutis; quia (ut ajunt) ex nullo textu arguitur, esse de hoc grave præceptum. Alii tamen, ut Sanch. l. 7 c. 1 n. 49. Laym. c. 12 n. 3. Escob. n. 491. et Vasq. Leand. ac Hurt. apud eundem Tamb. l. c. dicunt, Clericos in sacris constitutos, et Beneficiatos graviter peccare, si Tonsuram seu Coronam non deferant; idque confirmatum potest alicui videri ex Concil. Lateran. sub Leone X. sess. 9 (apud Merb. p. 279 qu. 15.) ubi sic habetur: *Clerici in sacris constituti barbam nec comam nutriant, sed tonsuram fiant; si quis contra fecerit, excommunicationem incurrat*. Sed huic responderi posset, quod hoc Concilium præcipiendo Tonsuram, non sit locutum propriè de Corona, sed potiùs de abradione comæ, innovando Canones Conciliorum

Roman. sub Zacharia Papa, et Gregorio XI. (*apud eundem Merbes. ibid.*) ubi dicebatur: *Si quis ex Clericis comam relaxaverit, anathema sit.* Undè saltè non est certum, quod excommunicatio fuerit imposita in non deferentes Coronam; et etià quòad comam deferentes, hodiè propter usum plurimorum, adhuc Romæ degentium, (modò coma sit moderata) non videtur pœna illa excommunicationis vigère. Cæterùm, quod ad qualitatem peccati pertinet, Laymann, et Escobar. II. cc. pari modo loquuntur de non deferente Coronam, ac de non deferente habitum. Probabiliter tamen ait Croix lib. 4 n. 1372. facilius mortaliter peccari non deferendo habitum, quàm coronam; quis enim (dicit) arguet Sacerdotem de mortali, si per 6 vel 8 hebdomadas coronam non deferat, etià si nullum de ea vestigium appareat?

Plura autem hic sunt notanda pro complemento hujus materiæ. Notandum I. quod Clericus non deferens habitum, et Tonsuram, si tertio admonitus ab Episcopo non emendatur, amittat privilegium, non solum fori, sed etià Canonis, ex cap. Contingit. 45 de sent. excom. Idemque dicitur de Clerico se immiscente in negotiationibus sæcularibus, omissis divinis Officiis, ex cap. Ex litteris. 16 de Vita, et honest. Cleric. Idem de gestante arma militaria in habitu laicali, si post tertiam monitionem, Clericalem non resumatur, Quod si talis Clericus armis militaribus indutus insuper enormitates committat, privatur privilegio Canonis, ut habetur ex cap. *Si quis suadente.* Caus. 17 qu. 4. Dubitatur autem, an hic amittat ipso facto etià privilegium fori? Affirmant aliqui apud Fagnan. in d. cap. Contingit. n. 14. Sed ipse Fagnan. cum Alexandro, Jo. Andrea, et Petro de Angar. etc. dicit, et probat ex pluribus juribus, non eum amittere privilegium fori, nisi post trinam monitionem. Hoc tamen intelligitur de Beneficiatis, et Constitutis in saceris; nam de Clerico in minoribus statutum est in Trid. sess. 23 c. 6. de Ref. quod: *Is etiam fori privilegio non gaudeat, nisi... Clericalem habitum, et tonsuram deferens*

346 Lib. VI. Tract. V. De Extrema-Unet., et Ordine:
alicui Ecclesiæ de mandato Episcopi inserviat, vel in Seminario... aut in aliqua schola... de licentia Episcopi... versetur. Dicunt autem hîc Salm. c. 7 n. 64. cum Farin. et Philib. quod particula illa *Et* valeat pro *Vel*. Sed probabilius tenent oppositum Palaus part. 2 n. 7. et Barb. in Trident. l. c. n. 21. et Alleg. 12 n. 19. cum Riccio, Armendar. et Bellet. dicentes, quod Clericus in Minoribus, ut gaudeat privilegio fori, teneatur deferre simul habitum, et Tonsuram, et Ecclesiæ deservire. Sufficit verò, quod inserviat alicui Ecclesiæ, etiã si non sit illa, cui de mandato Episcopi fuerit adscriptus, ut declaravit S. C. die 23 Januarii. ann. 1603 ap. Bened. XIV. de Synodo t. 3 p. 228. Idque tantò magis currit, si nulli Ecclesiæ sit adscriptus, ex alio Decreto ibid. edito 1 Februarii 1614. Pro his autem Minoristis non deferentibus habitum, et Tonsuram, nulla præexigitur monitio, ut priventur privilegio fori, prout docet Bened. XIV. t. 3 p. 181. et Fagnan. in c. Si quis de Foro Compet. Diximus *privilegio fori*; nam secus dicendum de privilegio Canonis, ut tenent Gonzal. Garcia, et Comit. apud eumd. Bened. p. 182 qui testatur, hanc fuisse constantem sententiam S. C. Concilii, afferens plures ejusdem Decisiones, contra de Luca. Casu verò, quo Clericus hic, non adimpletis conditionibus Tridentini, commiserit aliquod crimen, licet ipse nequeat allegare privilegium fori, potest tamen Episcopus eum sibi vindicare à Judice sæculari, juxta Decretum S. C. approbatum à Pontifice. ut refert Ben. p. 183. Si tamen quis habitum dimissum reassumit, dummodò non sit in fraudem, ad pristina restituitur privilegia, ut docet idem Bened. p. 186. cum communi DD. in cap. un. de Cleric. conjug. in 6 et pluribus Decretis S. C. Tunc autem præsumitur in fraudem reassumere, si in causa criminali jam sit in carcerem conjectus, aut dimissus sub fidejussione, ut Fagnan. in cap. Magnus de Obligat. cum Decr. S. C. et idem Bened. l. c. In causa verò civili, si habitum reassumat, postquam fuerit citatus ad forum sæculare, Bened. ibid. cum Decr. S. C. edito die 30 Martii 1686.

Eodem privilegio fori gaudent Clerici conjugati habitum, vel Tonsuram deferentes, et alicui Ecclesiae de mandato Episcopi deservientes, si unam solam virginem duxerint, ex cap. 2 De Foro Compet. Vide Salm. c. 7 n. 69. Sed notandum, quod in cap. ultim. de Tem. Ord. in 6 prohibeatur, ne conjugatis conferatur Tonsura, nisi velint ipsi Religionem profiteri, vel sacros Ordines suscipere, quod non licet eis sine uxoris licentia.

Not. I. Sacerdotem in sua Ordinatione promittere ⁸²⁸ *obedientiam* Episcopo. Hinc quaeritur, ad quid teneantur Sacerdotes vi hujus obedientiae? Noster SS. P. Benedictus XIV. in Constitut. *Ex quo dilectus*, emanata die 14 Jan. an 1747 (in Bullar. t. 2 p. 169 v. De reverentia,) sic explicat: *Agnosimus, Presbyterum hujusmodi promissionis vigore ad lege inter alias adstrictum teneri, ut à servitio Ecclesiae, cui addictus fuerit, discedere nequeat sine licentia Episcopi.* Hoc tamen intelligendum, nisi Presbyter, etiam Parochus, velit transire ad aliquod Monasterium, vel Regularem Canoniam, ut habetur in cap. Duo sunt. Can. 19 q. 2. Tunc enim (ut ibi statuit Urbanus II.) potest liberè discedere, etiam contradicente Episcopo. Poterit tamen Episcopus, ut ait Papa Bened. in praefata Bulla, Clericum suum revocare ex justis causis, etiam post professionem, nempè si Ecclesia ex illius absentia gravem jacturam patiatur, ut ibi dicit Innoc. IV. (vide dicta l. 4 n. 75.) Per to autem *jacturam*, intelligit Pontifex laesionem sive damnum Ecclesiae, dum offert doctrinam Abbatis Panormitani, qui sic ait: *Sed si Ecclesia graviter laederetur, esset revocandus.* Undè concludit idem Pontifex Benedictus: *Et sic satis provisum est etiam Episcopo, qui factum Clerici sui ad regularia Claustra, se invito, impugnare velit.*

Not. II. aliquid circa Missas, et preces, quae in Ordinatione imponuntur ordinatis ab Episcopo. Quod ad obligationem pertinet, alii (ut Suar. Less. Laym. et Caput. apud Croix n. 2319.) putant, eas persolvendas esse sub mortali. Alii tamen ibi (ut Sot. Val. Dian. ⁸²⁹

Pal. Pell. Gob. etc.) dicunt probabiliter hujusmodi obligationem esse decentiæ, non autem sub peccato; saltèm tenet Croix, non esse sub gravi, cum id Episcopi haud declarârint. Quodad applicandas autem dictas Missas, sedulò consideranda sunt verba, quæ dicit Episcopus, videlicet: *Post primam Missam tres missas dicite, unam de Spiritu sancto, aliam de Beata Virgine, et tertiam pro Defunctis; et etiàm Deum pro me orate.* Ex quibus verbis rectè infert P. Mazzotta de Sacrif. Miss. c. 4 § 3, non esse obligationem applicandi prædictas Missas juxtà intentionem Episcopi, dum ibi præscribitur tantùm, ut initiati pro eo orent; ideòque ipsi benè possunt Missas pro alijs applicare etiàm cum stipendio. Patet autem, quod hujusmodi Missæ non prius dicendæ sint, quàm adveniant dies non impediti.

An autem Neo presbyter pro Missa, quam celebrat cum Episcopo possit stipendium accipere? Negat La Croix l. 6 p. 2 n. 2323, eo quod petens Missam videatur requirere Missam cum omnibus cæremoniis et actionibus, quæ peraguntur à Sacerdote in altari. Sed aliter opinatur Bened. XIV. de Sacrific. Missæ t. 2 p. 221. urgens exemplum Sacerdotum Græcorum cum Episcopo celebrantium, qui aliàs plerumque carere deberent eleëmodynâ.

- 830 Not. III. id, quod habetur statutum anno 1741 circa Ordinationem promovendorum in concordato inito inter Sanctam Sedem, et Majestatem nostri Regnantis Caroli III, quem Deus sospitet, ubi sic habetur: *I. niuno potrà esser da ora innanzi promosso alla prima Tonsura, se non che a titolo di Beneficio, o Cappellania perpetua, le di cui rendite, detratti i pesi, ascendano almeno alla metà della tassa stabilita pel patrimonio sacro nella Diocesi del Promovendo. II. Giudicando qualche Vescovo veramente utile, o necessario alla Chiesa conferir la prima Tonsura a qualche giovane, benchè non abbia verun Beneficio, potrà farlo; ma nel solo caso, che abbia il medesimo una pensione ecclesiastica perpetua della rendita, che ascenda almeno alla metà della*

tassa stabilita pel patrimonio sacro nella sua Diocesi, o l'intero patrimonio: il quale, per evitare qualunque frode o inganno, non potrà costituirsi da ora innanzi, che unicamente sopra beni stabili, e sopra annue rendite fisse, e dovrà regularsi a tenore della tassa Sinodale di ciascuna Diocesi, purchè non sia esso patrimonio nè in minor summa di ventiquattro ducati, nè in maggiore di quaranta. III. Oltre al requisito del Beneficio, Cappellania perpetua, o pensione ecclesiastica perpetua, nella maniera spiegata di sopra, o dell'intero patrimonio, a niuno potrà conferirsi la prima Tonsura, il quale dopo aver terminati dieci anni di sua età, non sia andato a dimorar almeno per un triennio in qualche Seminario, o Convitto Ecclesiastico; e dove ciò non possa farsi, non abbia almeno portato per tre anni l'Abito Clericale con licenza del proprio Ordinario, ed in tutto il triennio, o almeno per la maggior parte delle feste di precetto di ciascun de' tre anni non abbia servito a qualche Chiesa, nella maniera che gli sarà dal proprio Vescovo prescritta, computando questo servizio colla dimora, che avrebbe dovuto fare in qualche Seminario, o Convitto ecclesiastico, etc. Ac ultimo loco dicitur: Chiunque sarà promosso alla prima Tonsura, agli Ordini minori, o agli Ordini sacri contro la forma prescritta nel presente regolamento, oltre alle pene di sopra accennate, rimarrà perpetuamente sospeso dall'esercizio dell'ordine già conferitogli. E chi l'avrà così ordinato, o pure gli avrà a tal effetto concesse le Dimissorie, se sarà Vescovo, sarà sospeso per un anno dalla collazione degli Ordini, e dall'esercizio de' Pontificali; e non essendo Vescovo, ma Prelato inferiore coll'uso de' Pontificali, sarà sospeso per sempre dall'esercizio de' medesimi; e non avendo l'uso di essi, come pure qualunque altra persona costituita in dignità, per sempre sarà sospeso dall'esercizio dell'ufficio, e de' suoi Ordini. An autem hæc suspensio sit latæ, vel ferendæ sententiæ? Vide dicenda de Cens. l. 7 n. 8.

TRACTATUS VI.

DE MATRIMONIO.

CAPUT I.

DE SPONSALIBUS.

DUBIUM I.

Quid sint Sponsalia?

831 *Promissio sponsalitia, ut sit valida, debet esse voluntaria, et deliberata.*

832 *An teneatur ad Matrimonium fictè promittens sponsalia alteri repromittenti?*

833 *Quid, si quis voluit promittere, sed non se obligare?*

834 *Quando obligentur pueri?*

835 *An sint valida sponsalia contracta per dolum?*

836 *Promissio debet esse mutua. Qu. I. An acceptans sponsalia intelligatur repromittere?*

837 *Q. II. An quis possit se obligare ad nuptias vi gratuitæ promissionis? Et an hæc obliget sub gravi?*

838 *Promissio debet esse expressa signo. Quid, si parentes contrahant pro filiis tacentibus?*

839 *Dub. 1. Quid, si extranei? Dub. 2. An sufficiat, si parentes promittant pro filiis absentibus?*

840 *Sponsalia debent fieri inter habiles. Quid, si verba, vel signa sint dubia?*

841 *Verba de præsentī apta ad Matrimonium inter impuberes habent vim sponsaliorum. An idem valeat inter puberes in Matrimonio clandestinè contracto?*

842 *An sufficiat ad sponsalia dicere: Non ducam aliam, quàm te?*

843 *An dicere: Contraham, si Papa dispensaverit? An sufficiat subarrhatio annuli, et missio munerum? Quid si parentes annulum mittant?*

844 *Qu. I. An sponsalia contracta per metum gravem sint per se nulla? Qu. II. Quid, si per metum levem? Qu. III. An, qui contraxit ex metu levi, possit sponsalia rescindere?*

831. **R**ESP. Sunt promissio voluntaria, deliberata, et
 » mutua, signo sensibili expressa, futuri matrimonii
 » inter personas jure habiles,

» Dicitur 1. *Promissio*, quia propositum non sufficit, cum non inducat obligationem. Undè qui diceret: Volo te accipere, habere, aut ducere in uxorem, non contraheret sponsalia, ut Bonac. qu. 1 p. 1 docet, ex aliis, quia hæc verba non promissionem, sed propositum promissionis tantum significant, nisi tamen ex circumstantiis aliud colligatur.

» Dicitur 2. *Voluntaria*, et *deliberata*, scilicet deliberatione sufficiente ad peccatum mortale, cum sponsalia sub mortali obligent. Diana p. 3 t. 4. R. 273 ex Sanch. Pont. etc. etsi Bonac. qu. 1 p. 4 n. 4 plus requirat. Undè regulariter non sunt valida antè septennium completum, ut docent Con. d. 21 art. 5. Sanch. l. 1 d. 16 nisi malitia, et prudentia suppleant ætatem. Diana t. 4 p. 5. R. 274 Pontius, etc. (quod tamen quidam negant sufficere, cum jus determinarit ætatem) imò nec post septennium, si de usu rationis sufficienti non constet, uti neque si vi, dolo, errore, vel ignorantia circa substantiam, aut notabilem conditionem substantialem, fiant, secundum dicta de Voto et Contractibus.»

Quær., an teneatur Matrimonium contrahere, qui fictè promisit sponsalia alteri verè repromittenti? Fictio hæc diversimodò potest contingere. 1. Si is non habuit animum contrahendi. 2. Si non habuit animum se obligandi. 3. Si non habuit animum adimplendi. In primo casu certè non tenetur stare promissis, cum omninò defuerit promittendi voluntas. Ità Viva de Matr. q. 1 art. 1 n. 1 et Salm. eod. tit. c. 1 n. 25 et de Cont. c. 1 n. 7 cum Sanch. Lugo, Sylv. etc. communiter. Contra verò in tertio casu certum est, eum tenèri, quia jam contraxit obligationem. Vide Salm. de Matr. l. c. n. 25 et Viva n. 5 et 7, ubi benè advertunt, quod, si quis sciret oriri obligationem ex promissione, sed ad eam non adverteret, nihilominus teneretur ad promissum, quia jam habuit virtuales voluntatem se obligandi.

Quæstio tantum est de secundo casu, quando is voluit promittere, sed noluit se obligare, et responde-

tur : si ipse ignoravit ex promissione illa oriri obligationem exequendi Matrimonium , certum est , non tēri , ut dicunt Salm. n. 26 cum communi (quidquid aliqui, aliter sentiant) ; quia qui ignorat naturam promissionis , non habet veram promittendi voluntatem. Dubium igitur est , an teneatur ad Matrimonium , qui sciens naturam promissionis , fictē promiserit sponsalia , nolens reverā ad Matrimonium se obligare ? *Prima* sententia dicit , quod iste non solum peccet mortaliter contra justitiam , sed etiā ex justitia teneatur ad contrahendum Matrimonium ; nec excusetur , si damnum alio modo velit resarcire. Ratio , quia in ipsa promissione , quando est vera , necessario est in-
 sita obligatio ipsi competens ; cum autem quis minimē vult promittere , minimē quidem obligatur , sed quando verē promittit , non potest nolle obligari juxta conditionem contractūs , nequit enim à promissione obligationem illi propriam separare ; itā probabiliter Pont. de Matr. l. 12 c. 2 n. 7 cum Vasq. Viva l. c. n. 2 v. Dico 2 item Sotus , Lop. Ledesm. Aragon. Gutt. eto. apud Sanch. *Secunda* verò sententia probabilior , cui subscribimus , et quam tenent Sanch. de Matr. lib. 1. Disp. 9 n. 5 et Disp. 10 n. 25. Pal. p. 2 n. 2. Laym. c. 1 n. 10. Less. c. 18 n. 61. Holzm. c. 1 n. 117. Spor. c. 1 n. 54 Escob. l. 24 n. 12. Renzi de Matr. c. 1 sect. 1 qu. 2. Tamb. eod. tit. l. 8 c. 1 § 4 n. 5. Mazz. c. 2 §. 1 et Salm. c. 1 n. 28 cum Bonac. Bec. Aversa , Vill. Cornejo , et Diana , negat esse obligationem contrahendi. Ratio præcipua est , quia omnis obligatio , quæ non habetur ex lege ; oritur ex privata hominis voluntate ; ergò ubi deest voluntas se obligandi , deficit obligatio. Et hoc etiā si promissio fuerit juramento firmata , ut docent Sanch. d. Disp. 9 n. 9 cum S. Bon. S. Anton. Medina , Pal. et pluribus. Escob. n. 95 cum Riccardo , Gabr. ac Salm. cum Bonac. et Aversa , ex D. Thom. , qui (in 3 dist. 39 qu. 1 art. 3 qu. 3) docet , juramentum non obligare , ubi deest animus se obligandi , juramentum enim sequitur naturam promissionis. Nec obstat ratio contraria super allata , quæ , esto

Notè promittens peccarit contra justitiam, alteram partem decipiendo, non tenebatur tamen ex justitia ponere verum consensum, cum nulla ei aderat obligatio contractum ineundi, et contrà alter nullum acquisierit jus in eum ex suo consensu; ideò tenetur quidem postea ratione deceptionis damna resarcire, sed non tenetur ratione promissionis verum consensum ponere, et Matrimonium contrahere. Secùs verò dicendum, si intervenierit defloratio, quia tunc deflorans omninò tenetur ad Matrimonium, cum non possit tunc alià vià sat æquivalenter damnum resarcire, ut diximus l. 3 ex n. 642.

Sufficit autem ad validitatem sponsaliorum inter ⁸³⁴pueros, ut in ipsis probabiliter agnoscatur rationis usus. Hoc putant probabilius cum communi. Salm. de Matr. c. 1 n. 71 cum Sanch. Con. Dic. Bon. et aliis, contra Pal. Avers. etc. qui dicunt; pueros antè septennium non obligari. Non peccant autem graviter pueri, vel parentes pro eis sponsalia promittentes. ut dicunt Salm. c. 1 n. 77 cum Couc. Sanch. etc. contra Bonac. et Henr.

An verò sint irrita sponsalia contracta per dolum ⁸³⁵dantem causam contractui, etsi versantem tantum circa qualitatem? Affirmat Sanch. de Matr. l. 1. D. 64 n. 3 cum Mol. Covarr. etc. et idem sentiunt P. Conc. et alii, quos citavimus l. 3 n. 715 de Contract. Sed ibi diximus, probabilius eo casu contractum non irritari, neque de jure naturali, cum jam adsit consensus quoad substantiam, neque de jure civili, ut patet ex Instit. l. 4 tit. 13 de Except. cujus verba attulimus dict. n. 715. Habet verò tunc deceptus actionem irritandi contractum propter injuriam et defectum consensûs, idque currit, etiãsi deceptio provenierit ab alio tertio, parte ignorante, ut docet Sanch. cum Covarr. et aliis cit. D. 64 n. 4 et 5. Cæterum satis probabile est cum Lessio, Laym. et Sporer relatis eod. n. 715 et cum Viva de Matr. qu. 2 art. 1 n. 2, quod deceptus non teneatur in conscientia stare contractui, si suus error verò fuerit invincibilis.

836 An autem, stando primæ sententiæ, nempe quod sponsalia sint per se irrita, etiã decipiens liber remaneat? Affirmant idem Sanch. l. c. et Pontius l. 4 c. 21 n. 7 cum Con. Val. Reb. etc. Sed oppositum est probabilius, ut fusè probavimus l. 3 n. 715 cum Lug. Less. Laym. Pal. etc.

» Dicitur 3. *Mutua*. Undè si Titius promittat nuptias Cajæ, et hæc acceptet sine repromissione, neuter obligatur; quia, cum contractus sponsalium sit onerosus, et reciprocus, non potest claudicare; involvit enim conditionem, si tu repromiseris. Quod si tamen Titii promissio fuisset absoluta, ac gratuita, et accepta à Caja, solus Titius obligaretur, non vi sponsalium, sed simplicis promissionis. Ità Sanch. lib. 3 d. 3. contra Pontium apud Dian. p. 3 tr. 4 res. 244.»

Quær. hîc I. An hoc ipso, quo aliquis acceptet sponsalia, simul repromittere intelligatur? *Prima sententia* affirmat, et hanc tenent Pont. lib. 12 c. 4 n. 10 cum S. Anton. Palud. Sylv. etc. ac probabilem putant Salm. c. 1 n. 16. cum Vasq. Henr. Leandro, et Gabr. à S. Vincentio. Ratio, quia sicùt acceptatio Matrimonii de præsentì includit virtualem repromissionem, seu voluntatem ad illud se obligandi, cum Matrimonium valere non possit, si utraque pars non obligetur; ità etiã acceptatio sponsaliorum, quæ Matrimonii naturam sequuntur. Hinc deducunt hi Auctores cum Mol. et Bus. quod casu, quo uterque sponsorum non obligatur, neuter remaneat obligatus. *Secunda* verò sententia probabilior negat, et hanc tenent Bon. q. 1 p. 1 n. 7. Conc. t. 10 p. 268 n. 5. Sanch. l. 1. D. 5 n. 15. Laym. c. 1 n. 2. Spör. n. 151. Escob. n. 68 cum Soto, ac Salm. c. 1 n. 18 cum Dic. Pal. etc. qui dicunt, benè posse stare promissionem unius de futuro Matrimonio, et acceptatam obligare, sine repromissione alterius; Neque acceptationem includere repromissionem, quia potest quisque acceptare obligationem alterius, quin seipsum obliget. Advertunt tamen Salm. n. 21 hoc intelligi, si promittens voluit

spontè se obligare independenter ab alterius re-
missione, atque hoc esse certum; nam in dubio, ut
dicunt, censendus est noluisse sine repromissione
obligari. Et in tali casu notandum, quod promissio
illa non esset sponsio matrimonii, ideòque non indu-
ceret impedimentum publicæ honestatis, sed esset mera
promissio gratuita, unam tantum partem obligans, non
vi quidem sponsalium, sed vi meræ fidelitatis.

Quær. II. An quis possit se obligare ad contrahen-⁸³⁷
dum Matrimonium vi gratuitæ promissionis, libera
remanente altera parte? *Prima* sententia negat, et
hanc tenent Pont. l. 12 c. 4 n. 2. cum Vasq. Conc.
p. 259 n. 6. et probabilem vocat Diana 3 p. tr. 4.
R. 244. Ratio, quia contractus sponsaliorum est instar
contractûs cujusdam permutationis; undè in eo nemo
potest se obligare, nisi sub conditione, ut alter mu-
tuo se obliget. *Secunda* verò sententia communior et
probabilior affirmat, eamque tenent Bus. ut suprâ, et
Sanch. l. 1 D. 5 n. 12. Laym. c. 1 n. 2. Bon. q. 1 p. 1
n. 8. Escob. l. 24 n. 71. Spor. n. 152. et Salm. c. 1
n. 20. cum Con. Dic. et Aversa. Ratio, quia, licet vi
promissionis sponsalitiæ non possit unus remanere
obligatus, altero manente libero; tamen benè potest
aliquis vi simplicis promissionis gratuitæ se obstringe-
re independenter à contractu sponsalium. An autem
hæc promissio obliget sub gravi? Id pendet ab alia
quæstione allata l. 3 n. 720. ubi diximus cum Cajet.
Bann. Led. Henr. et Salm. ex auctoritate D. Thomæ,
satis esse probabilem sententiam negativam. Rectè
verò advertunt Spor. l. c. et Tamb. de Matr. tr. 3
c. 1 § 1 n. 4. quod regulariter numquàm sponsi in-
tendant gratis se obligare sine conditione, quod
alter etiam se obliget.

« Dicitur 4. *Signo expressa*; quia contractus inter⁸³⁸
» homines non fit, nisi signo externo. Undè non suf-
» ficit ad sponsalia taciturnitas Cajæ, etiàm cum con-
» sensu interno in promissionem matrimonii, quod
» Titius ei promittit. Si tamen pater, vel mater pro
» filio, aut filia, aut curator pro eo, cujus curam ha-

» bet, præsentem et non contradicentem, dummodò me-
 » tus absit, contrahat, valida erunt; quia in hoc
 » casu jus accipit taciturnitatem pro expressione con-
 » sensus. Sanch. l. 1 d. 22. Dian. p. 3 t. 4 R. 170. imò
 » etiamsi pro absente: saltem si is, resciscens id expressè,
 » vel tacitè signo aliquo sufficienti ratificet. Sanch.
 » Pont. Dian. p. 3 t. 4 R. 271. contra quos Sol. et
 » Henr. ne hoc quidem requirunt, sed tantum, ut
 » resciscens non contradicat. Quod Conin. admittit, si
 » per ipsos tutores, vel parentes iis proponatur; tunc
 » enim si taceant, censeri consentire. *

Si parentes contrahant sponsalia, præsentem filio,
 qui tacet, et non contradicit, ipsa utique sunt valida,
 ut communiter docent Laym. c. 1 n. 3. Pal. p. 4 n.
 12. Ronc. p. 133 q. 5 R. 1. Sanch. l. 1 C. 23 n. 5. et
 alii passim. Et patet ex cap. un § 1 fin. de Spons.
 impub. in 6. ubi Bonif. VIII. sic declaravit: *Porro ex*
sponsalibus, quæ parentes pro filiis puberibus vel impu-
beribus plerumque contrahunt, ipsi filii, si expressè con-
senserint, vel tacitè, ut si præsentem fuerint, nec con-
tradixerint, obligantur. Idemque dicendum, non so-
 lum, si pater, sed etiam si mater contrahat pro filio,
 ut rectè etiam communiter docent Sanch. n. 9. Pont.
 l. 2 c. 14 n. 2. Pal. p. 4 n. 14. Boss. c. 3 n. 159. cum
 Abb. et Salm. n. 47. idque infertur ex dicto textu,
 ubi non dicitur *patres* sed *parentes*; et ratio est, quia
 in hoc non habetur respectus ad patriam potestatem,
 sed ad effectum parentum ergà filios: matres autem
 non minus, quàm patres, filios diligunt. Idem dicunt
 Busemb. ut supr. et Spor. l. c. de tutoribus, et cura-
 toribus promittentibus pro pupillis, et minoribus. Sed
 probabilius id negant Salm. d. n. 48. cum Sanch. et
 Guttier. quia hoc tantum de parentibus statutum est.

Id tamen procedit dumtaxat pro foro externo, ut
 benè advertunt Bon. et Roncag. ll. cc. ac Holz. de Mat.
 n. 149. cum Anacl. Nam in foro interno, si filius dis-
 senserit, certè ad sponsalia illa à parentibus contrac-
 ta non obligatur. Et idem omninò dicendum puto, si
 filius negativè se habuerit non dissentiendo neque con-

sentiendo; ad contrahendam enim quamcumque obligationem positivus requiritur consensus. Nec obstat præfatus textus, cum ibi dicatur *obligantur*; nam ad Matrim., et sic pariter ad sponsalia, quæ Matrimonii naturam sequuntur, non sufficit consensus internus contrahentium, sed requiritur consensus externè expressus aut verbis, aut signis, ut habetur in Cap. Sufficiat, Caus. 27 q. 2. Quamvis autem sponsalia contracta per solum consensum internum non valeant, valent tamen in hoc casu speciali, ut Bonifacius decernit, nempe si pater contrahat pro filio tacente, et non contradicente; sed utique intelligendus Pontifex loqui, modò filius internè et positivè consentiat. Et sic reverà mecum sentiunt Bon. q. 1 p. 1 n. 11. et Salm. n. 46. dum dicunt, tunc solùm taciturnitatem filii valida reddere sponsalia, quandò filius interne consentit.

Dubit. 1. an sit speciale, quod sufficiat præsentia et taciturnitas filiorum, si parentes pro eis contrahant? Negant Hostiens. Manuel, et Anchar. ap. Sanch. l. 1 D. 22. n. 7. qui dicunt, id procedere, etiàmsi extraneus contrahat sponsalia pro alio præsentem et tacente; quia (ut ajunt), cum hîc agatur de re appetibili, quisque tacens consentire videtur. Idque confirmant ex c. 1. de Matr. contr. contra Eccles. etc. ubi judicantur valida sponsalia inita à fratre pro sorore præsentem, et tacita consentiente, dum textus ponderat ibi aliqua signa taciti consensus. Et huic sententiæ consentiunt etiàmsi ap. Sanch. l. c. Vict. Henr. Led. et Sotus; loquendo tamen pro solo foro externo. Sed communissimè, et veriùs id in utroque foro esse speciale pro sponsalibus contractis à parentibus affirmant Escob. n. 169 Pal. p. 4 n. 17. Boss. c. 3 n. 165. et Sanch. n. 7. cum S. Anton. Palud. Innoc. Abba. Gabr. Cov. Tab. et aliis plurimis ex D. Th. in 4 D. 27 q. 1 ar. 2 q. 3 ad 3. Ratio, quia licet Matrimonium sit per se appetibile, tamen obligatio ad illud est onerosa; cum autem parentes præ magno amore ergà filios præsumantur ipsis benè consulere, meritò censentur filii con-

sentire ipsorum promissioni : sed hæc ratio non militat pro aliis. Nec obstat regula juris 43. in 6. *Qui tacet consentire videtur*. Nam benè respondent Salm. n. 45. Bonac. et Ronc. ll. cc. hoc procedere in favorabilibus , non autem in obligatoriis ; ubi veriùs oppositum præsumitur : et maximè in sponsalibus , ubi (ut diximus) positivus requiritur consensus. Neque obstat textus suprà oppositus , nam respondet Esc. l. c. cum Glos. , ibi verè adfuisse expressum consensum , et textum exprimere alia signa tacita , ut confirmet adfuisse verum consensum per illa manifestatum. Rectè tamen Sanch. n. 14. cum aliis primam sententiam admittit , si alicubi (prout est apud Indos) esset consuetudo , ut consensus per alios exprimeretur.

Dabit. 2. an , cum parentes contrahunt sponsalia pro filiis absentibus , sufficiat ad eorum valorem , si filii certiores facti non contradicant ? *Prima* sententia negat , dicitque requiri , ut ipsi sponsalia ratificent aliquo alio speciali signo expresso , vel tacito : ità Sanch. l. 2 D. 23 n. 17. Pont. l. 2 c. 14 n. 14. et l. 10 c. 9 n. 9. Ronc. p. 143. q. 5 R. 2. Escob. n. 171. cum Vega , et Cordub. ac Bors. c. 3 n. 188. cum Molin. Fill. Barb. Gutt. etc. Et probant ex eod. cap. unic. de Desp. imp. in 6. ubi sic dicitur : *Et est idem , si filii tempore sponsaliorum absentes , et etiàm ignorantes eadem sponsalia post scienter ratificaverunt tacitè vel expressè*. Ergò (ut arguunt) ibi constituitur differentia inter sponsalia contracta præsentibus filiis , ubi sufficit taciturnitas ; et filiis absentibus , ubi ampliùs requiritur ratificatio expressa , vel tacita. *Secunda* verò sententia dicit , sufficere ad contrahendum , quod taceant et non contradicant ; hanc tenent Bon. qu. 1 p. 1 n. 11. Sporer. n. 191. cum Con. et Tamb. Pal. p. 4 n. 14. cum Palud. et Henr. ac Salm. c. 1 n. 47. cum Soto , Dic. etc. Hujusque sententiæ est quidem etiàm D. Th. 4 D. 27 qu. 2 art. 2 ad 1. dum ibi ait : *Robur habent (sponsalia) in quantum illi , inter quos contrahuntur , ad ætatem debitam venientes non reclamant , et intelliguntur consentire quæ per alios facta sunt*. Ratio , quia ex præ-

fato textu sufficit, ut filii expressè, vel tacitè sponsalia ratificent; *expressè* ergò intelligitur consentiendò, *tacitè* non contradicendo, et ideo Pontifex dicit, *Et idem est*; et in tantum ibi ait *ratificaverunt*, quia agitur de re per alios jam peracta. Utraque sententia est probabilis, sed secunda probabilior. Benè tamen advertit *Pal. n. 15, cum Corinck*, non sufficere, quod filius casu sciat sponsalia à parente contracta, et non contradicat; sed insuper requiri, ut parens vel per se, vel per epistolam aut nuncium filium certiore faciat.

« Dicitur 5. *inter habiles*: idest, qui et ætatem à 840
 » jure præscriptam habent, et nullo impedimento
 » prohibentur. »

Undè resolves.

« 1. Quando verba, vel signa sunt dubia, in foro
 » conscientiae standum est intentioni contrahentium,
 » si de illa constet; in externo autem, communi in-
 » telligentiae et sensui verborum, ita tamen, ut potius
 » inclinetur in favorem matrimonii. V. *Dian. p. 3 t.*
 » 4. *Res. 205. Bon. q. 1 p. 1 ** (*Sed probabilius est, ut*
 » *ait Viva, inclinandum esse in favorem libertatis.*) *
 » 2. Verba de praesenti, inter impuberes, apta ad 841
 » matrimonium, cum hoc ex jure positivo sit nullum,
 » habent vim sponsalium. Ratio est ex interpretativa
 » intentione contrahentium, quia actus, quando non
 » valent, eo pacto quo fiunt, valent meliori modo,
 » quo possunt; sponsalia autem virtute continentur
 » in matrimonio. *Laym. l. 3. n. 17.* »

Hæc doctrina est communis apud omnes; ita enim docent *Sanch. l. 1. D. 2 n. 2. Pontius l. 12 c. 5 n. 4. Pal. p. 3 n. 8 et Salm. c. 1 n. 51* ac alii universè, ex c. ux. §. *Idem*, de Despon. impub. ubi id expressum habetur; modò (intelligendum) impubes interiùs non expressè dissentiat. An autem idem valeat inter puberes; si Matrimonium clandestinè, idest sine Parocho et testibus contrahatur? Affirmant *Laym. c. 1 n. 18. Con. Reb. ac Vega apud Barb. in Trid. sess. 24 c.*

- 1 n. 130 item Avila. Henr. Led. etc. apud Salm. n. 52
 probabile putat Escob. n. 128. Ratio, quia, ut dici-
 tur in dicto §. Idem actus, qui non valet ut fit, valet
 tamen ut fieri potest. Sed communissimè et probabi-
 liùs negant Sanch. l. 1. D. 20 n. 3. Barb. All. 32 n.
 143. Bon. p. 8 n. 48. Conc. p. 262 n. 14. Escob. n. 128
 cum Nav. Led. Manuel., et Palac. Boss. c. 3 n. 12 cum
 aliis pluribus, et Sanch. n. 54 cum Becan. Dion. et
 Vill. qui affert Declar. Cardinalium. Ratio, quia,
 cum actus est nullus, non jam ex parte contrahen-
 tium, sed ex parte sui ipsius, eo quod sit contra bo-
 nos mores, et jus illi resistat (prout huic resistit Tri-
 dentinum sess. 24 c. 1 declarans Matrimonium clau-
 destinum omninò irritum, et insuper personas omninò
 inhabiles ad sic contrahendum), tunc talis actus nul-
 lam parit obligationem ex l. Non dubium, C. de Legib.
- 845 « 3. Ad sponsalia non sufficit 1. Si dicas, *Non du-*
cam aliam, quàm te; quia sunt verba merè negativa,
 » et potes ducere nullam. Bon. q. 1 p. 7 n. 13. »
 Idem rectè tenent Laym. c. 2 n. 2. Pal. p. 3 n. 13.
 Escob. n. 148, Salm. c. 1. n. 44. Boss. c. 3. n. 213 et
 224. Holzm. n. 148 cum Anacl. et communi, ut asse-
 rit; ac Sanch. l. 1. D. 19 n. 5 cum Henr. Ang. Man.
 Vega Ledesm. etc. contra Aug. Sylv. Adrian. Vill. etc.
 ibid. n. 3. Ratio, quia talia verba, licet importent,
 quod, si ille velit uxorem ducere, non posset aliam
 accipere, ut benè advertunt Laym. Pal. Bon. Salm. et
 alii communiter; tamen per se non important, quod
 illam ducere teneatur. Dicimus *per se*, nam aliter di-
 cendum cum Bon. Escob. et Salm. si ex circumstantiis
 colligatur, talem verè voluisse sponsalia contrahere.
 Probabilissimè autem dicunt Pont. l. 4 c. 10 n. 7. Viva
 « qu. 1 art. 4 n. 2 cum Perez, et alii apud Boss. n. 221
 quod, si verba sint de præsenti, nempe *Nultum volo*
nisi te, tunc verè contrahat sponsalia.
- 843 « Non sufficit ad contrahenda sponsalia dicere,
 » *contraham tecum, si Papa dispensaverit*. Barb. et
 » alii 10 cum Diar. p. 3 t. 4 R. 292. contra Sanch.
 » Conin. et Pont. Ac proindè licitum est utrique con-

» trahenti, antè, et post impetratam à Pontifice dis-
 » pensationem, altero invito resilire. Si tamen impen-
 » sæ magnæ factæ sint causâ dispensationis, eas te-
 » nebitur refundere resiliens * (*Hujusmodi tamen spon-*
 » *salia, impletâ conditione, probabilibus sunt valida,*
 » *juxtâ dicenda n. 859. Et interim, licet non valeant*
 » *ad inducendum impedimentum publicæ honestatis,*
 » *obligant tamen ad petendam dispensationem, si Pa-*
 » *pa in tali impedimento soleat dispensare, secus si*
 » *non soleat; vide dicta lib. 3 n. 65.*) * Subarrhatio
 » annuli, et missio munerum jocalium; nisi consue-
 » tudo patriæ aliud habeat. Ratio est, quia potest
 » fieri ex aliis causis * (Ità etiâ Sanch. l. 1 D. 22
 » n. 2. Boss. c. 3 n. 120. Pal. p. 4 n. 10. Conc. p.
 » 262 n. 13. et alii passim.) * Quod si tamen verba
 » unius præcesserint, tunc immissio annuli, et ver-
 » bum, *recipio*, operantur sponsalia, vel etiâ matri-
 » monium, pro ratione promissionis, ut docet Fill.
 » quia recipiendo sic anulum tacitè consentit: item
 » que si habito inter amicos tractatu de matrimonio
 » sponsus misit arrhas, et munera jocalia: eaque
 » sponsa acceptavit. Laym. l. 5 t. 10 c. 2. * (Ità pa-
 » riter Pal. p. 4 n. 10. Escob. n. 164. Boss. c. 3 n. 123.
 » Holz. n. 146. et Sanch. l. 1 D. 22 n. 3. cum Abbat.
 » Sylv. Angl. Tab. Arm. Cov. et aliis; et hoc etiâ si
 » (*ut hi dicunt*) non adsit verbum *recipio*, ut vult Ba-
 » semb. sufficit enim sola acceptatio Si autem parentes
 » anulum mittant ad sponsam, non præsumitur filius
 » contraxisse sponsalia, nisi anulus ex suo consensu
 » missus fuerit, ut rectè sentiunt Palaus l. c. Sanch.
 » n. 7. et Boss. n. 125. cum Mol. Gutt. Menoch. etc.) *
 » 4. Sponsalia metu gravi contracta, licet juramento
 » firmata, sunt invalida: quia juramentum metu ex-
 » tortum non firmat contractum; imò probabiliter
 » nec obligat, adeoque relaxatione non indiget. Sanch
 » Barb. Diaza, part. 3 t. 4 Resol. 278 sup. l. 3 t. 2
 » cap. 2. *

Quæritur I. Utrùm sponsalia per metum gravem in-
 justum contracta sicut ipso jure invalida? *Prima sen-*

tentia affirmat, et hanc tenent Sanch. de Matr. l. 4 D. 21 n. 3. Pontius l. 4 c. 6 n. 12. Laym. l. 3 tr. 4 c. 6 n. 3. Bon. p. 7 n. 6. Salm. c. 1 ex n. 62. cum Bec. Cov. Diana, et Aversa, ac Boss. c. 12 n. 113. cum Panorm. Azor. Sa, Rodr. etc. Et probant ex c. Ex litteris, 11. de Despons. impub. ubi, cum quædam puella contraxisset sponsalia cum juramento, postea *nolens* (ut ait textus) *et invita, minis parentum impulsu*, adducta fuit in domum sponsi; ideò Pontifex declaravit, eam liberam esse ab illis sponsalibus. Nec obstat dicere, quod talis puella non contraxerit sponsalia per metum, sed per metum domum sponsi adiverit. Nam communiter supponunt DD. cum Glossa, hanc puellam desponsatam fuisse per metum; idque, rectè ait Sanchez, cesset supponi in eod. textu, alias enim Pontifex eam ab obligatione sponsalium non absolvisset. Dicitur autem per metum *gravem*; nam si esset levis, aliter dicendum, ut mox videbimus in Quæst. II. Item dicitur *per metum injustum*, quia si esset justus, valida quidem essent sponsalia; tunc enim pars, quæ ea contraxit, esset irrationabiliter invita, si nollet contrahere, ut rectè dicunt Salm. d. n. 66. juxta dicenda n. 5057. *Secunda* verò sententia, quam tenent Conink. D. 28 n. 7. Viva q. 1 art. 8 n. 9. item Hurt. Dic. et Trull. apud Salm. n. 61. tenet, hujusmodi sponsalia ex metu gravi contracta posse quidem irritari à metu passo, sed non esse per se irrita; ideòque dicit, quod, si adfuit juramentum, debeat ipsum servari, donec relaxetur. Ratio, quia omnes contractus, præter solum Matrimonium, per metum initi per se validi sunt, juxta dicta l. 3 n. 717. Respondent autem ad textum allatum in dict. c. Ex Litteris, quod ibi ageretur de puella, quæ omnino invita contraxerat, et ideò ejus promissio fuerit irrita declarata. Utraque sententia est probabilis; sed prima mihi videtur probabilior; licet enim, loquendo de contractibus in genere, oppositum tenui (ut dixi), nempe quod contractus metu initi sint de se validi, circa sponsalia verò diversa occurrit ratio; nam in

aliis contractibus , cum ipsi non sint per se nulli, nec eis resistat jus , benè potest metum passus , nisi velit contractus rescindere , manere obstrictus ad illum exequendum ; at nemo potest obligari ad exequendum actum per se nullum , et cui jus resistit , qualis esset Matrimonium durante tali metu contrahendum ; undè sicut non potest aliquis esse obligatus ad tale Matrimonium , ità nec ad ejus media , sive dispositionem , prout sunt sponsalia ; dispositiones enim induunt eandem naturam actûs , et ideò passim Doctores asserunt , sponsalia naturam Matrimonii sequi. Adde, quod connexorum idem debeat esse iudicium , ut infertur ex cap. Translato , de Constitut. Quapropter , sicut Matrimonium ex metu est irritum , idem dicendum de sponsalibus. Ex his infertur , quod ex hujusmodi sponsalibus minimè oriatur impedimentum publicæ honestatis.

Quæritur II. An sint valida sponsalia contracta per metum levem, qui dedit causam contractui? *Prima* sententia negat , et hanc tenent Nav. c. 22 n. 51. Less. c. 17 dub. 6 n. 46. Ronc. p. 132 q. 4 R. 2 et Bos. c. 12 n. 288. cum Reb. Comit. Sylv. etc. Ratio , quia is , qui per metum (etsi levem) extorquet consensum alterius , adhuc injuriam ei irrogat , undè indignus est , ut ex sua malitia commodum reportet. *Secunda* verò sententia communior et probabilior affirmat , et hanc tenent Bon. p. 9 n. 6 Pont. l. 4 c. 10 n. 5. cum Medina , Salm. c. 1 n. 60. cum Aversa , Croix l. 7 p. 3 n. 105. Viva de Matr. q. 4 art. 3 n. 6. et Mazz. t. 4 p. 142. Ratio , quia non censetur alter veram injuriam tibi intulisse , cum facile poteras tu metum illum repellere ; quare , si non repulisti , censeris spontè voluisse talem injuriam pati.

Quær. III. An , qui contraxit sponsalia ex metu levitante causam contractui , possit illa in conscientia rescindere? *Prima* sententia negat , et hanc tenent Pon. l. 4 c. 10 n. 6 et 10 et Viva q. 4 a. 3 n. 6. cum Perrez , Med. etc. Et ratio est eadem , quæ mox suprà adducta est pro secunda sententia in Quæst. præced. Hæc

sententia est satis probabilis, sed communior est, et probabilior videtur *secunda* sententia affirmans, quam tenent Laym. l. 3 tr. 4 c. 6 n. 4. Sanch. l. 4 D. 19 n. 6. Wigandt tr. 3 n. 19. Bon. p. 9 n. 8. Salm. c. 1 n. 60. Mazzotta tom 4 p. 142. Croix n. 105. cum Becan. et Lugo de Contract. D. 22 n. 138. cum Azor. Reg. Lop. Led. etc. et probabilem putat Viva q. 4 art. 3 n. 7. Ratio, quia, cum metus dederit causam contractui, ita ut aliàs initus non fuisset, incutiens metum tenetur contractum rescindere; undè, sicut iure tenetur relaxare fidem injustè per talem metum extortam, ita metum passus potest fidem datam revocare. Idque tantò magis procederet, si hic apprehendisset metum illum ut gravem; licet in se fuisset levis, quia eo casu talem metum non facilè repellere poterat, sicut poterat quandò novisset ut levem. Quid autem dicendum, si metus fuerit justus, vel ab intrinseco; vide dicenda ex num. 1053.

DUBIUM II.

Quæ, et quanta sit obligatio sponsalium?

- 845 *Sponsalia obligant sub gravi. An autem obligent ad statim ineundum Matrimonium?*
- 846 *An Iudex possit, et debeat cogere nolentes ad Matrimonium?*
- 847 *An fornicatio sponsæ, vel sponsi cum alia sit specie diversa? Fictè promittens non tenetur ad nuptias, nisi copulam extorserit à virgine. (Vide etià dicta de Rest. l. 3 n. 622.)*
- 848 *Si quis cum duabus sponsalia contraxit, et cum secunda coierit, quam ducere debeat?*
- 849 *De filiis nuptias contrahentibus insciis parentibus. An tales nuptiæ sint validæ? Qu. I. An et qualiter peccent filii nubentes, parentibus insciis, vel inconsultis? Quid, si sponsalia fuerint jurata? Quid, si sponsus post illa virginem defloraverit? An Prælati teneantur has nuptias impedire? Ex quibus autem causis excusentur filii contrahentes sine consensu parentum?*
- 850 *Quæst. II. An teneatur filius obedire patri præcipienti Matrimonium?*

- 851 Quæst. III. An notabilis disparitas conditionis aut status inter contrahentes irritet sponsalia ?
- 852 Resiliens perdit arrhas, etc. Not. I. Quid, si mulier promittit aliquid viro, ut eam ducat, et quid è converso ?
- 853 Not. II. De pœna apposita in resilientem. Qu. I. An liceat adjudicare pœnam in resilientem injustè ? Qu. II. An justè resiliens teneatur ad pœnam promissam cum juramento ? Qu. III. An, solutam pœnam, teneatur recipiens restituere ? Qu. IV. Quid, si relinquatur legatum puellæ, ut nubat cum aliquo, et illa cum alio nuptias contrahat ? Qu. V. Quid, si legatum relinquatur, ut non nubat, et illa nubat ?
- 854 An liceant tactus et oscula inter sponsores ?

« **R**ESPONDEO I. Obligant ad ineundum matrimonium 845
 » sub peccato mortali, * (*Ità communiter omnes* (vide
 » Salm. c. 1 n. 81.); et patet ex c. *Ex litteris de spon-*
 » *sal.* Ratio, quia, licet promissio simplex, juxtà pro-
 » *babilem sententiam, non inducat gravem obligationem,*
 » *secùs verò est de promissione mutua, quæ perfectum*
 » *constituit contractum ex utraque parte obligatorium.*)*
 » Si tamen terminus non sit præfixus, sufficit, si
 » promittens impleat, quando à promissario requi-
 » retur, vel pro more regionis. Ratio prioris patet ex
 » natura contractus onerosi, in re gravi. Ratio pos-
 » terioris est, quia id est commune omni debito.
 » Sanch. l. 1 d. 28. Conin. d. 22 dub. 1 apud Dian.
 » p. 3 t. 4 R. 245. Pontius tamen ibid. vult obligari
 » statim post contractum. »

Quær. igitur, an, qui sponsalia contraxit sine tem-
 pore præfixo ad Matrimonium contrahendum, tenea-
 tur illud inire, statim ac commodè possit; *Prima*
sententia negat, et dicit, tum solum tenèri, cum altera
 pars requirat; ità Busemb. ut suprà, Sanch. l. 1 D.
 28 n. 2. Nav. c. 17 n. 79. Holzm. n. 177. cum Abb.
 et Piring. ac Escob. n. 78. cum Palud. Sylv. etc. Ra-
 tio, quia sic habetur in l. *Debitorum prius denunciationibus*
conveniendi sunt. *Secundu* tamen sententia verior af-
 firmat, et hanc tenent Pontius l. 12 c. 6 n. 1 Pal. p.

7 n. 2. Conc. p. 266 n. 26. Ronc. p. 134 q. 2 R. 2 et Salm. c. 1 n. 85. cum Con. Led. et Aversa. Ratio, quia sic habetur expressum in l. In omnibus ff. de Reg. Jur. ubi sic dicitur: *In omnibus obligationibus, in quibus dies non ponitur, præsentī die debetur.* Et in l. *Eum qui § Quoties, ff. de Verb. obl.* ubi: *Quod sine termino præfixo debetur, statim debetur.* Respondetur autem ad textum oppositum, quod illud tantum statuatur pro debitoribus qui dederint pignora, quæ jure merito non sunt distrahenda à creditoribus, nisi prius debitores moneantur. Sed notandum id, quod DD. primæ sententiæ (ut Sanch. et alii) dicunt, quod, si altera pars ex oblivione, timore, verecundia, vel similia causa non peteret, ut præcipuè in foeminis evenit, teneatur tunc sponsus de se sine petitione Matrimonium contrahere, cum commodè possit. E converso DD. secundæ sententiæ (ut Pal. l. c. et Salm n. 85. cum Con. etc.) dicunt, quod, si altera pars, cum possit commodè petere, taceat, tunc ipsa videatur dilationi assentire; et sic præfatæ sententiæ satis conciliantur. Quid autem, si in sponsalibus appositus sit terminus præfixus ad nuptias ineundas? vide dicenda n. 867.

846 « 1. Resiliens cogi potest ad matrimonium etiàm à »
 » iudice per censuras: quod tamen raro expedit ob »
 » periculum infelicitis exitus. »

Nulli dubium, ut diximus, quin in foro conscientiæ, nolens implere sponsalia sine justa causa, graviter peccaret. Dubium est, an Judex possit nolentem cogere? Alii affirmant, alii negant, nisi promissio juramento firmata fuerit. Alii negant, etiàm si adfuerit juramentum. Et has sententias omnes probabiles putant Salm. c. 1 n. 88. Attamen veriùs, et communiter dicunt Pal. p. 8 ex n. 2. Conc. p. 266 n. 27. Tamb. c. 1 § 1 n. 10. Holz. n. 178. Pont. l. 12 c. 6 n. 2. Salm. c. 1 n. 89. cum Con. Becan. Dic. etc. et Salm. l. 1 D. 29 n. 4. cum S. Bonav. S. Antonin. Nav. Palud. et aliis innumeris, quod, si ex tali Matrimonio timeantur rixæ, aut scandala, non debeat Judex ad illud ineundum cogere partem invitam; secùs, si scandala non

timeantur ; et ità habetur expressum in c. Ex litteris. 10 de sponsal. ubi dicitur : *Ecclesiasticà censurà compellas , nisi rationabilis causa obstiterit.* Et sic censuit S. C. abstinendum à coactione , suffragante aliqua probabili causa : secùs verò sanxit aliàs , ut refert P. Zacharia apud Croix l. 6 p. 3 ad n. 62. Rectè autem advertunt Busemb. et Tamb. rarò expedire , ut partes ad tale Matrimonium cogantur : huicque consentit P. Concina dicens , semper minus malum esse , ut pars innocens ab hujusmodi Matrimonio absteineat. Item rectè advertit Tamb. quod , si pars renitens fuerit excommunicata , et persistat , Jùdex debeat eam absolvere , quia tunc non speratur profectus ; et contra , si tale Matrimonium contraheretur , prudenter malus exitus timendus esset. Notant etiàm Salm , n. 92. cum Sanch. Pont. Pal. etc. quod , si constet de sponsalibus , tàm Jùdex Ecclesiasticus , quàm sæcularis habeant jus cogendi sponso ad Matrimonium.

» 2. Si Jùdex secundùm allegata , et probata cogat⁸⁶⁷
 » ad Matrimonium , licet à parte rei reverà coactio
 » sit injusta , valet Matrimonium. Sanch. et M. Perez ,
 » contra Tixed. apud Dian. p. 9 t. 8. R. 26.

» 3. Fornicatio sponsæ est circumstantia in confes-
 » sione exprimenda , quia mutat speciem , et consti-
 » tuit injustitiam , quæ in sponsa gravis est , ideòque
 » mortalis habetur , ut si quis rem alteri promissam
 » notabiliter corrumpat : quod tamen sponsus non
 » censetur facere fornicando , cum in viro fornicatio
 » non tanti æstimetur , nisi aliud accedat. Sanch. l. 1
 » dist. 2. Conink. Fagund. Fill. etc. probabiliter con-
 » tra Laym. Azor. etc. Vide Lugo d. 16 n. 176. »

Circà hanc quæstionem adest triplex sententia probabilis. *Prima* dicit , quod fornicatiò tàm sponsæ , quàm sponsi induat malitiam specie diversam ; et ità tenent Pal. p. 7 n. 5 Laym. c. 1 n. 6. Holzm. n. 194. Azor. apud Fill. c. 2 n. 53 et Salm. de Spons. cum Con. Dicast. et aliis c. 1 n. 11 quia ex parte utriusque injuria irrogatur juri , quod unus acquisivit ad rem , sive ad corpus alterius. *Secunda* dicit , quod peccet

specie diversa tantum sponsa, non autem sponsus, qui fornicando levem injuriam videtur afferre sponsæ, ita Sanch. l. 1. d. 2 n. 6. Bon. q. 1 p. 10 n. 62 item Fill. et alii apud Salm. n. 9. *Tertia* demum sententia adhuc satis probabilis, quam tenent Pontius l. 21 c. 6 n. 8 et Trull. Covar. Diana, ac Vivald. apud Sal. n. 7 et probabilem putant Sanch. n. 7. Laym. c. 2 n. 6. Lugo de Pœn. D. 16 n. 17 cum Led. et Megala, Salm. l. c. ac Elbel. n. 59 dicit, neutrum fornicando committere injustitiam, quia neuter sponsorum jus acquisivit in corpus alterius, cum neuter adhuc corpus suum tradiderit. Id igitur currit tam pro sponso, quam pro sponsa; si enim hæc committeret injustitiam fornicando, non posset deinde Matrimonium cum sponso contrahere, nisi manifestaret vitium occultum sui corporis, quia tunc adesset inæqualitas; sed ad hoc non tenetur, ut ait Pontius cum aliis (vide dicenda n. 864 ad n. II.): ergo adest æqualitas, et per consequens non committit injustitiam.

* 4. Qui simulato animo promisit, per se loquendo, non obligatur ad nuptias, tametsi damnum creatum debeat resarcire. Dixi, *per se*, quia si facta promissione puellam induxit ad copulam, tenetur illam ducere. Bonac. l. c. p. 2. Ubi excipit, si puella esset longè inferioris conditionis, v. gr. quoad nobilitatem, vel divitias: tunc enim non teneri ducere, v. gr. virum nobilem filiam agricolæ, præsertim si illa fuerit conscia disparis status, seu conditionis, eo quod tum decipi potius voluerit, quam decepta sit, unde nec teneri eo casu illam dotare: secus tamen si ipsa inæqualitatem status ignorarit, aut si ipse non fictè, sed ex animo Matrimonium promiserit. Ità Bonac, q. 1 p. 3 n. 7. et seq. ex Vasq. Mol. d. 106. Sanch. l. 1 d. 10. V. Less. l. 2 c. 10 d. 3. Laym. c. 1 n. 10. et M. Per. d. 2 s. 3 * (*De omnibus his vide ea, quæ fusè notavimus de Restit.* l. 3 ex n. 642.) *

848 * 5. Sponsalia posteriora contra priorem fidem inita, tametsi jurata sint, aut copula etiam accesa-

» serit, sunt invalida. Sanch. et Vill. Contrarium ta-
 » men tenent Conin. et Pont. cum Diana p. 3 t. 4. R.
 » 210. Matrimonium tamen post sponsalia contractum
 » cum altera est validum, licet injustum. Bon. p. 5
 » et 7. Laym. c. 1 n. 5. »

Certum est, quod, si secunda sponsa fuerit conscia priorum sponsalium, Matrimonium cum prima debeat contrahi, quia tunc secunda non fuit decepta, sed ipsa voluit decipi; ita communiter Bossius c. 3 n. 90. Salm. c. 2 n. 94. Viva q. 2 art. 7 n. 3. Holzm. n. 217 et alii passim. Dubium est, si illa fuerit ignara. *Prima* sententia dicit, sponsum tenêri contrahere cum secunda, si cum hac copulam habuit; ita Pal. p. 22 n. 6. Piva l. c. Pont. l. 12 c. 14 n. 4 cum Major. Boss. l. c. cum Diana, et Salm. l. c. cum Con. Reb. et Leand. Ratio, tum quia ex cap. Is, qui fidem, de sponsal. olim per copulam animo maritali factam sponsalia transibant in Matrimonium; et licet hoc Matrimonium hodiè ex jure novo Tridentini sess. 24 c. 1 non amplius subsistat, tamen textus ille benè fundat jus in re, quod acquiritur à secunda sponsa per corporis traditionem, quæ olim Matrimonium constituebat: tum quia, quando unus agit de lucro acquirendo, et alter de damno vitando, huic potiùs favendum est, quàm primo. *Secunda* verò sententia communior et probabilior dicit, sponsum tenêri contrahere cum prima, etiàmsi adfuerit copula cum secunda, ita Sanch. l. 1. D. 49 n. 5 cum Led. Henr. Man. et Lop. Item Nav. c. 22 n. 26. Bon. p. 5 n. 7. Ronc. p. 370 q. 6. R. 2. Elbel p. 370 n. 17 cum communi, ut asserit, Escob. n. 245. Laym. c. 1 n. 5 cum Soto, et Rodr. Holzm. n. 117 cum Manstr. et Anacl. ac Croix n. 73 cum Hurt. et Aversa. Ratio, quia promissio facta secundæ sponsæ semper est nulla utpotè de re illicita, cum fuerit prior sponsæ promissa: nec injuria illata alteri jus huic adimit. Et hoc, etiàmsi secunda promissio fuerit juramento firmata, ut dicunt Holzm. n. 116. Sanch. Dist. 50 n. 2. Escob. n. 248. Laym. l. c. et alii; quia juramentum non potest esse vinculum iniquitatis. Nec

obstat prima ratio sententiæ oppositiæ, nam textus ille (ut rectè dicunt Navarr. Sanch. ll. cc. cum Solo, et Led.) intelligendus est loqui de copula affectu maritali habita, non autem de habita affectu fornicario, ut esset in nostro casu. Neque valet secunda ratio, nam hîc reverà non agitur de contractu lucrativo, sed potius oneroso, cum sit ultrò citròque obligatorius. Dicunt tamen Sporer l. c. Sanch. n. 6 Elbel p. 371 n. 19 et Bonac. cum Reg. ac Mol. ac Croix cum Aversa, et Ron. ll. cc. quod ex æquitate teneatur prima sponsa cedere juri suo, si altera ex defloratione grave damnum pateretur, quia charitas obligat ad leve nocumentum patiendum, ne proximus gravissimum subeat; undè ajunt Henr. apud Sanch. l. c. et Croix cum aliis, quod Judex eo casu benè possit cogere sponsum ad ducendam secundam. Sed non improbabilitè Holzm. d. n. 117 cum Anacl. Gutt. et Pichler. sentiunt ad hoc illam non tenèri, quia secunda debet suo crimini imputare, quod tale damnum patiatur.

- 349 « 6. Liberi, qui parentibus insciis contraxerunt » sponsalia, etià cum iis, qui imparis sunt conditionis, v. gr. nobilis cum ignobili, licet peccarint, » tamen obligantur; nec à parentibus possunt impediri, quominus servent fidem datam. Laym. l. c. » n. 12. ex S. Th. etc. nisi scandalum magnum ex » Matrimonio timeretur. Dian. part. 9 tom. 7. Resol. » 71. ex Mol. Sanch. etc. »

Certum est, Matrimonia filiorum familias contracta sine consensu parentum esse valida, contra Lutherum, Bucerum, et Erasmum (apud Bellarm. de Matr. c. 19), qui invalida asserebant; id patet ex Trident. sess. 24 c. 1 de Ref. ubi sic dicitur: *Quique falsò affirmant Matrimonia à filiis fam. sine consensu parentum contracta, irrita esse, et parentes ea rata, vel irrita facere posse.* Undè non satis videtur probabilis opinio Pont. l. 2 c. 1 n. 5 et Tourn. Præl. Theol. t. 11 p. 197 quod olim hujusmodi Matrimonia sine consensu parentum inita, essent invalida; nam obstat communis sententia omnium Scholasticorum, ut ipse Pont. fa-

tetur, et videtur certum esse ex præfato textu Concilii. Ex hoc inferunt Laym. c. 1 n. 14. Sporer c. 5 n. 202. et Holzm. n. 167 cum Anacl. et aliis communiter, quod, sicut tale Matrimonium est validum, ita sint et sponsalia. Nec officere ait Holzm. textum in l. 1 §. 7 ff. de Spons. ubi ad valorem sponsalium videtur requiri consensus parentum, pari modo ac requiritur in Matrimonio, juxta l. Si ut proponis 7 C. eod. tit. Respondet enim, quod lex, tametsi prohibeat hujusmodi sponsalia, non tamen illa invalidet.

Hæc quoad validitatem; sed quæritur I. an, et quando, et qualiter peccent filii familias nuptias contrahentes sine consensu parentum? Quatuor adsunt sententiæ. *Prima*, et quidem communior docet universè, eos peccare lethaliter, si Matrimonium ineant, parentibus sive inconsultis, sive invitis; ita Pontius l. 2 c. 1 n. 26. Mol. t. 1 tr. 2. D. 166. Sylv. Supp. qu. 47, art. 6. Concl. 4. Nav. c. 14 n. 15. Petrocor. t. 4 p. 413. Abelly p. 205. Roncag. p. 269 qu. 3. Conc. p. 281 n. 4 et pro hac sententia fusam edidit dissertationem Illustriss. D. Franciscus Muscuttula Episcopus Rossanensis, cui novissimè doctas addidit annotationes eruditissimus Canonicus Neapol. Alezius Mazzochius, ubi citantur pro eadem sententia Alber. Magn. Estius, Merbes. Megal. Fag. Nald. Turrec. Bellarm. Amic. Manstr. Martin. Leand. March. Vidal, Platel, Isam. Gen. Natal. Alex. Juen., Gabas. et alii: sed notandum, quod ex his plures (ut observavi), prout Bellarm. Albert. M. Estius, Turrecrem. Juenin, et Cabass. dicant, quidem hæc Matrimonia esse illicita (quod reverà omnes DD. concedunt), sed non explacent, an sub culpa gravi, vel levi. Probatur hæc sententia 1 ex c. Aliter, Causa 30 qu. 5, ubi legitur Decretum illud Evaristo Papæ tributum, quo dictum fuit, præsumi *non conjugia, sed adulteria*, illa quæ fiunt sine consensu parentum, et sine præviis precibus, sine benedictione Sacerdotis, et custodia Paranymphtarum, etc. Et ex c. Honoratur 32 qu. 2 ubi dicitur, non esse virginalis pudoris maritum eligere, sed judi-

cium parentum expectare. Item probatur ex Tridentino dict. c. 1 sess. 24 ubi, cum sermo habeatur de Matrimoniis clandestinis, et simul sermo de Matrimoniis contractis à filiis familias sine consensu parentum; dicitur; *Sancta Dei Ecclesia ex justissimis causis illæ semper detestata est; atque prohibuit.* Probatur 2 ex Jure Civili, quo irritæ declarantur nuptiæ sine consensu parentum contractæ, ut videtur expressum in l. 2 ff. de Rit. Nupt. l. Si ut proponis, C. de Nupt. et aliis, ac signanter in Institut. de Nupt. ubi: *Si filii sint, consensum habeant parentum; nam hoc fieri debere et civilis, et naturalis ratio suadet.* Et infra: *Si adversus ea aliqui coierint, nec vir, nec uxor, nec nuptiæ, nec Matrimonium, nec dos intelligitur.* Et licet hæ leges à Jure Canonico sint correctæ, ut habetur in c. Tua de Sponsal. et c. Cum causa de Raptor. ac in Tridentino d. c. 1, tamen ex illis deducitur, ex ipso lumine naturali apprehendi deformitatem talium nuptiarum. Probatur 3. ratione, tum quia ex hujusmodi nuptiis gravia incommoda et scandala oriuntur; tum quia hoc requirit obedientia parentibus debita; tum quia iidem graviter offenduntur, si filii, ipsis insciis, vel invitis Matrimonium contrahant.

Secunda sententia dicit, tenêri quidem filios sub mortali parentum consilium petere, non verò illud sequi; ita Sanch. l. 4 D. 23 n. 10. Laym. c. 2 n. 14. Barb. in Trid. sess. 24 c. 1 n. 2. Viva de Matr. q. 4 art. 2 n. 5. Bon. eod. tit. q. 4 p. 17 n. 25 item Vasq. Fill. Vill. etc. apud Boss. de Matr. c. 11 n. 81. Probatur prima pars, quia censetur gravis contemptus in re tam gravi non consulere parentes, quibus incumbit prospicere bono filiorum; poterit enim pater, qui majori prudentiâ ac experienciâ pollet, aliqua aperire filio, per quæ hic mutet voluntatem. Secunda autem pars (quam præter AA. mox citatos tenent etiâ Tolet. Burgh. etc. apud Croix l. 6 p. 3 n. 570 atque Vigner. Led. et Riminald. apud Sanch. loc. cit. et videntur ibid. expressè etiâ tenere. Host. Suarez, Lupus, et Covar. saltè dicunt ibi non esse mortale

Victor. et Henric.) probatur, inquam, hæc secunda pars ex D. Th. 2. 2. q. 104. art. 5 ubi ait: *Non tenentur nec servi dominis, nec filii parentibus obedire de Matrimonio contrahendo, vel virginitate servanda.* Et licet S. Doctor ibi non loquatur de filio contrahente sine consensu patris, sed de patre cogente filium ad Matrimonium, ratio tamen, quam ibi præmittit, est generalis, et pro utroque casu concludit, cum dicit: *Tenetur autem homo homini obedire in his, quæ exterius per corpus sunt agenda; in quibus tamen, secundum ea, quæ ad naturam corporis pertinent, homo homini obedire non tenetur, sed solum Deo; quia omnes homines naturâ sunt pares, puta in his, quæ pertinent ad corporis sustentationem, et proli generationem. Unde non tenentur nec servi.* . . . et sequitur ut supra. Fundamentum intrinsecum hujus sententiæ est, quia cum per Matrimonium homo perpetuè servituti obligetur, ratio exposcit, ut sit omnino liber in eo contrahendo. Et quàmvis sit de jure naturæ, ut filii obsequium parentibus præstent, tamen de jure etiã naturali, et potiori est, ut in nuptiis omnimoda servetur libertas. Nec obstant textus supra allati, consensum parentum exquirentes; ipsi enim tantum probant illum requiri de decentia, et honestate, non verò de præcepto, ut ajunt Salm. c. 6 num. 24. Boss. c. 11 num. 87 et Sanch. l. c. cum Host. Suar. etc. ex Gloss. in c. fin. Caus. 30 q. 2 v. *Parentum*, ubi *Hoc tantum ad honestatem referas.* Textum autem Tridentini non est certum referri ad Matrimonia contracta sine consensu parentum, quia verba illa, *Dei Ecclesia illa semper detestata est*, potius referri possunt ad Matrimonia clandestina, ut colligi videtur ex verbis subsequentiis, ubi dicitur, quod, cum Matrimonia illa prohibita homines improbi etiã contraherent, ideò declarentur irrita: ergò Tridentinum declarat hic, Ecclesiam tantum *detestatam* fuisse Matrimonia quæ prohibuit, et nunc Concilium reddit invalida. Ob eandem rationem, ut supra, tantò minùs obstant leges civiles; quæ autem (ut sentiunt Cujacius, et Go.

thofredus ad l. Filius ff. de Ritu Nupt. et Holzman. n. 168 ac Gonzal. in d. c. Tua n. 8.) non invalidabant tales nuptias, sed tantum eas reddebant civiliter irritas; nempe quoad solos effectus contractus civilis, prout declaravit Ludovicus XIII. in Regno Galliarum apud Tourn. t. 11 p. 104.

Tertia sententia dicit, quod, si filii familias Matrimonium contrahunt, sive inconsultis parentibus, sive invitis, illicitè quidem contrahant, at per se loquendo non peccent mortaliter, sed tantum venialiter; ita Palaus p. 12 n. 11. Boss. c. 11 n. 87. Elbel p. 368 n. 9. Tamb. Dec. l. 5 c. 2 § 3 num. 6. Renzi p. 204 q. 2. Holzm. n. 172 cum Pichler, Spor. n. 206 cum Henr. Led. et Gob. ac Salm. c. 6 n. 22 cum Covar. Victor. Aversa, Dic. et Henriq. Ratio, quia licet filii teneantur hoc obsequium præstare parentibus, nempe eos consulendi in re tam gravi, hæc tamen obligatio non potest esse gravis, quando filii eorum consilio stare non obstringuntur; satis autem vel per se, vel per alios viros prudentes aliunde valent cognoscere, quæ circa id occurrere possunt; è converso parentes nequeunt esse rationabiliter graviter inviti, quod eorum consilium non exquiratur in re, quæ absolutè pendet ab electione liberorum. Si autem filii non tenentur (saltèm sub gravi) parentum consilium sequi, ut concedunt DD. secundæ sententiæ, non adest ratio, cur sub gravi teneantur eos consulere; tantò magis, quia parentes magis se existimant offensos, si filii nuptias ineant ipsis invitis post consilium datum, quàm ipsis inconsultis. Idque tantò magis valet, si filius judicet, parentes non graviter laturus, Matrimonium illud contrahi ipsis insciis. Imò minimè peccabit filius, si reputet, parentes in eo libenter consensuros, vel ipsos injustè impedituros si consulantur, ut dicit Barb. l. c. cum Con. Sanch. et Vasq. ac Boss. c. 11 n. 81 cum Bellarm. Nav. Sayr. Gutt. etc. Idque satis probatur ex eod. Trident. d. c. 1 sess. 24 ubi conceditur Matrimonium contrahi omissis denunciationibus, *si fuerit probabilis suspicio, Matrimonium malitiosè impediri*

posse. Communiter tamen præfati AA. tam secundæ quàm tertiæ sententiæ, ut Sanch. n. 11. Pal. num. 9. Holz. l. c. Croix n. 570 et Salm. n. 19 et alii passim, dicunt, non excusari à culpa mortali filios Matrimonium contrahentes, si parentes justè contradicant vel si censeantur rationabiliter inviti, puta si tales nuptiæ redundarent in dedecus familiæ, vel si ex eis sint oritura gravia scandala aut dissensiones.

Quarta demùm sententia, quam tenent Laym. c. 1 num. 14 et Delbene, ac Aversa apud Croix l. 6 p. 3 n. 570 distinguit, et dicit quod, si parentes ab omni Matrimonio filium avertere conantur cum periculo incontinentiæ, filius non teneatur obedire, si verò impedire velint aliquod certum Matrimonium, tunc videndum; si parentes injustè impedian, tunc filius nec tenetur obedire; secùs si parentes justè impedian; nempè si ex tali Matrimonio oriatur dedecus, aut scandalum familiæ, tunc enim filius graviter peccat, si non obedit, et Matrimonium contrahit.

Casu autem, quo filius non posset sine peccato tale Matrimonium inire, dicunt DD. quod ad illud non obligetur, etiàmsi cum juramento sponsalia contraxisset; quia, cum hæc promissio esset de re illicita, juramentum non potest esse vinculum iniquitatis; ità Rebellius p. 2 l. 2 qu. 14 sect. 1 num. 9. Pignat. t. 4. Cons. 11 n. 1. Salm. tr. 9 c. 2 n. 85. Boss. c. 11 n. 93 eum Menoch. item Card. de Lauræa, Gab. à S. Vincent. et Opatov. apud Mazzoch. p. 90 in cit. Diss. ex c. Quantò, de Jurejur. ubi: *Juramentum fuisse illicitum, et nullatenùs observandum etc.* Et clariùs ex Responso Alexandri II. apud eumd. Mazzoc. p. 99 n. 186 ubi *Peccator iste notatur perjurio, quia, quod observare legaliter non potuit sine judicio parentum, temerè jurare præsumpsit.* Et ait D. Th. 2 2 q. 98 a. 1 ad. 1. id esse verum perjurium, nempè jurare illicitum: *Quocumque enim modo quis jurat illicitum, ex hoc ipso falsitatem incurrit, quia obligatus est ad hoc, quod contrarium faciat.* Hocque verum esse dicunt Tolet. l. 4 c. 22 n. 2. Sanch. l. 1 D. 32 n. 1 cum Abb. Cov. et Mol. item

Suar. et Grass. apud Mazzoch. p. 99 n. 187 ex D. Bonav. et D. Th. 2. 2 q. 89 art. 7 etiãmsi res juramento promissa esset venialiter mala ; et meritò , quia iniquitas levis etiã est vera iniquitas , cujus juramentum non potest esse vinculum.

Idem dicendum putant communiter AA. scilicet , non tenèri sponsum ad implenda hujusmodi sponsalia cum gravi parentum injuria , etiãmsi virginem defloraverit , sed sufficere quod eam dotet , ita Valent. 1. 5 D. 3. Marchant. t. 2 tr. 7 tit. 1 q. 2 § 3 dub. 2 R. 2. Sauch. l. 1 D. 14 n. 3 qui id verissimum censet cum Navarr. Lop. Cordub. Gutt. etc. Item Reg. Trull. Tamb. Serius , Graff. et Gob. apud Mazzoch. ex pag. 130 (contra Boss. c. 21 n. 90.) Ratio, quia virtus justitiæ nequit obligare ad actum qui sine peccato impleri non potest. Ex qua probabiliter videtur inferri, quod , si talis sponsus non possit defloratam dotare , nec etiã teneatur eam ducere : quia non potest damnum illius reparare cum gravi injuria parentum. Præterquamquod , posito , quod ipse non teneatur vi promissionis , nec etiã videatur tenèri ratione deflorationis ad reparandum damnum illatum, cum nemo teneatur reparare damnum cum excedenti suo detrimento.

Et quoties filius peccaret in contrahendo Matrimonio indigno, ex quo dedecus familiæ , vel scandala et infelices exitus prudenter timeri possent , tunc dicunt Laym. c. 1 n. 14. Bonac. q. 4 p. 17 n. 26. Dicast. D. 4 dub. 18. Delbene de Immun. p. 1 c. 8 dub. 19 sect. 9 n. 43 ac Boss. c. 11 n. 89 cum Pontio et Rebell. quod parentes implorare possint auctoritatem Prælati ad tales nuptias implendas , et Prælatus teneatur implere ; ideò (ut Bossius ibid.) mortaliter peccaret Prælatus si filio faveret , vel dispensaret in denunciationibus Matrimonio præmittendis.

Conveniunt autem Doctores , ut notat Auctor prædictæ dissertationis p. 36 dub. 1 n. 41, filios excusari saltèm à mortali , si absque consensu parentum nuptias contrahunt ex justis causis , et præcipuè I. Si pater in jusè prohibeat filium à conjugio ; ita Bellarm.

d. c. 19. Laym. c. 1 n. 14. Mol. t. 5 D. 51 n. 2. Elbel de IV. Præc. n. 538. cum Spor. et communi. II. Si causâ majoris dotis indignam mulierem ei dare velit ; Bellarm. III. Si pater velit tradere filio uxorem ægram aut duræ conditionis ; Guttier c. 79 n. 19. IV. Quando filius à parentibus injustè opprimeretur ; Guttier. ib. V. Si pater procul distet , et filius non posset commodè eum certiorum facere , credatque , patrem libenter consensurum : Gorret. c. 8 q. 1. VI. Si pater ideò prohibet justum Matrimonium , quia vult , filium ducere aliquam contra ejus voluntatem : ità Auctor præfatæ Diss. l. c. VII. Si pater impediatur filium ab aliquo matrimonio sine justa causa ; tunc enim filius non tenetur obedire , et pater graviter peccat impediendo , ut communiter dicunt Viva de Matrim. q. 4 art. 2 n. 2. Boss. c. 1 n. 69 cum Guttier. Rebell. etc. ac Sanch. l. 4 D. 22 n. 6 cum P. Soto , Cordub. Lop. et Vega. An autem pater injustè impediens nuptias filii incurrat excommunicationem ? affirmat Lopez apud Sanch. l. c. n. 9 ex Trid. sess. 24 c. 9 ubi dicitur : *Sub anathematis pœna , quam ipso facto incurrant , ne quovis modo directè vel indirectè subditos suos vel quoscumque alios cogant , quominus liberè Matrimonia contrahant.* Sed veriùs negant Sanch. ibid. cum Mol. , Henr. Gutt. Man. et communi ; nam , ut patet ex contextu , Concilium tantùm ibi loquitur de Dominis , et Magistratibus , qui cogunt alios ad nuptias. Præterquamquod probabilius dicat Barb. in Trid. l. c. n. 9 sum Nav. Mol. Pont. Con. Menoch. Henr. etc. præfatam excommunicationem infligi à Concilio , non contrà impediens à Matrimoniis , sed tantùm contrà cogentes ad illa.

An verò dissensus parentum sit per se justa causa solvendi sponsalia ? Vide dicenda n. 877 ; et an parentes possint exhæredare filios nubentes contrà ipsorum voluntatem , vel nubentes cum indignis ? vide dicta lib. 3 num. 947 et 948.

Quær. II. an teneatur filius obedire patri præcipienti , ut Matrimonium contrahat , vel ut aliquam

ducat mulierem , à qua filius abhorret ? Communis est sententia negans , quam tenent Sanch. l. 4 D. 23 num. 3 cum Scoto , Host. Sylv. Soto , Tambur. Ang. Led. etc. item Croix l. 6 p. 3 n. 570 cum Aversa , et aliis passim , ex D. Th. 2. 2 q. 104 art. 5 ubi : *Non tenentur filii parentibus obedire de Matrimonio contrahendo*. Et D. Bonav. in 4 D. 29 n. 10. *Per præceptum non potest pater ad contrahendum cum hac vel illa obligare*. Communiter tamen dicunt Petrocor. t. 4 p. 414 q. 5. Laym. c. 1 n. 14 cum Sylvest. Croix l. c. cum Tolet. Sanch. n. 4 cum S. Bonav. Bellarm. Nav. Soto, Henr. etc. et Bossius c. 11 n. 77 cum Lop. et Led. teneri filium obedire , si Matrimonium illud valdè referat ad tollenda gravia dissidia , vel ad sublevandam gravem necessitatem parentum , non jam vigore præcepti , sed ex virtute pietatis , quia filius tenetur subvenire parentibus in necessitate. Et huic consentit D. Th. in 4 D. 29 q. 1 art. 4 ubi docet : *Pater non potest cogere filium ad Matrimonium per præceptum , sed potest eum inducere ex rationabili causa ; et tunc sicut se habet filius ad causam illam , ita se habet ad præceptum patris ; at si illa causa cogat de necessitate , vel de honestate , et præceptum similiter cogat ; alias non*. Sed hoc intelligendum , ait Sanch. n. 5 cum palac. Led. etc. ex suppositione , quod filius velit statum conjugalem eligere ; nisi (excipit Sanch. cum Ledes.) Matrimonium aliquod locuples esset necessarium ad subveniendum necessitati parentum ; sed hoc etiam cum grano salis intelligendum.

Dicit autem Bossius n. 70. cum Menoch. et Salon. quod , præcisus his causis , poterit pater moderata et levi coactione , scilicet paterna increpatione et suasionibus cogere filium ad aliquod Matrimonium. Sed melius ait Spor. de IV. Præc. c. 5 n. 22. cum Bellarm. et aliis , tantum permissum esse patri filium ad nuptias invitare ob aliquam iustam causam , puta familiam propagandi , facultates ampliandi , aut nobilitatem augendi. Ait tamen idem Bossius l. c. nullo modo posse patrem cogere filium ad nuptias , si hic velit me-

liorem statum eligere , nempè Religionis , aut cœlibatûs ; item addit n. 71. cum Sanch. Gutt. etc. quod , si filius jam sponsalia contraxerit , à quibus non possit justè recedere , non poterit pater eum cogere ad aliam ducendam.

Quær. III. an notabilis disparitas conditionis , aut ⁸⁵¹ statûs inter contrahentes irritet sponsalia contracta ? Sedulò hæc quæstio discutienda est , cum hic casus frequenter occurrat. Certum est , quod , si contrahentes tempore sponsalium non fuerint disparitatis conscii , sponsalia sint nulla , dummodò ignorantia fuerit antecedens ; valida tamen , si fuerit concomitans ; vide Vivam de Matr. q. 1. art. 5 n. 7. Dubium est , si jam conscii fuerint , Communiter Doctores infrà citandi dicunt , tenèri ad Matrimonium ; nisi (excipiunt) ex illo eveniat dedecus , aut scandalum propinquorum , in hoc indistinctè loquentes. Sed hîc necessario distinguì debet dedecus à scandalo. Nam si Matrimonium non posset contrahi , nisi cum dedecore familiæ , asserendum , quod tunc sponsi nonteneantur Matrimonium contrahere. Ratio . quia promissio tunc est nulla , cum sit de re graviter illicita , utpotè quæ impleri non potest nisi cum magno familiæ detrimento. Ità communiter Laym. de Matr. l. c. tr. 10 p. 1 c. 1 n. 14. cum Nav. et Gutt. item Spor. de Matr. c. 1 n. 203. Ronc. de 4. Præc. c. 1 q. 3. cum Menoch. et Gobat. ac Sanch. l. 1 D. 14 num. 3. cum Panorm. Præpos. Cord. Felin. Lap. etc. Et licet Laym. et Sanch. n. 2. dicant , quod sponsalia contracta cum persona disparis conditionis per se valeant , addunt tamen , quod , si Matrimonium non possit iniri sine familiæ dedecore , vel magno scandalo inter consanguineos , talis promissio non obliget , utpotè versans circà rem illicitam , ad quam nemo potest se obligare. Notandum autem hîc , quod non sufficiat qualiscumque disparitas ad liberandum sponsum à Matrimonio promisso , sed requiratur notabilis , puta si vir nobilis desponsaverit filiam artificis mechanici , ut ait Navar. cap. 26 num. 18. vel agricolæ , ut Busemb. num. 848. v. 4. Vide dicta lib. 3 n. 643.

Sed quid dicendum, si Matrimonium contrahi posset sine familiæ dedecore, nempe si disparitas non sit in nobilitate, sed tantum in divitiis? Eo casu, duo (ut in principio diximus) Doctores asserunt: primò, quod per se teneatur promittens ad Matrimonium; secundò, quod non teneatur, imò non possit promittens Matrimonium contrahere, si adsit probabilis timor magni damni, vel odii capitalis inter consanguineos. Ità communiter Sanch. de Matr. l. 1 D. 14 n. 1. cum Mol. et Cord. Bouac. de Matr. q. 1 p. 2 n. 2. Less, l. 2 c. 18 n. 9. Laym. de spons. p. 1 n. 24. Spor. de Matr. c. 3 n. 189. Salm. de Matr. c. 1 n. 82. cum Azor. Viva dict. n. 7. et aliis. Ratio primæ partis, nempe quod sponsus teneatur ad Matrimonium, est, quia promittens, licet peccaverit ejusmodi prodigam promissionem faciens, tamen tenetur ad illam, quia promissit quod suum est, et cum jam cognitam habuerit suam meliorem conditionem, censetur excessum illum donasse; prodiga enim promissio (ut dicunt) quàmvis illicitè fiat, facta tamen, et ab altero acceptata, valet, et obligationem parit. Hoc est totum fundamentum istius sententiæ.

Cum autem ratio hæc pendeat à quæstione, nimirum, an promissio prodiga acceptata obliget, hæc prius hîc discutienda est. Adsunt in ea tres sententiæ. Prima sententia tenet, eam obligare ad totum; hanc tenent Lug. de Just. D. 18 n. 61. Sanch. l. c. n. 5. Croix l. 3. p. 2 n. 795. Spor. de Matr. c. 3 n. 198. Fill. t. 2 D. 271. item Mol. Cajet. et Val. ap. Sanch. in Dec. l. 3 c. 9 n. 27. qui etiàm huic sententiæ inclinât. Ratio, quia licet promissio fuerit facta cum peccato, tamen, cum is, cui facta est promissio, jam acquisierit jus ad rem promissam, illius executio, ad satisfaciendum juri alterius, evadit licita et debita. Secunda sententia, quam probabilem putat Tamb. Dec. l. 3 c. 3. § 5 n. 20. cum Tancredi, dicit, hujusmodi promissionem ad nihil obligare, nec etiàm ad partem quæ licitè dari potuit; quia cum promissio sit indivisibiliter facta, tota materia evadit inhonesta. Tertia sententia, qui

subscribimus, verior et communis, ut fatetur ipse Lugo, docet, promissionem prodigam obligare ad partem, quæ non est prodiga, non verò ad excessum. Ita Salm. de Rest. c. 1 n. 167. cum Soto, Bann. Prado, Serra, item Suar. Led. Palac. Salon. Manuel, et Arag. ap. Sanch. l. c. in Dec. d. n. 27. qui æquè probabilem putat, et Croix lib. 3. pag. 1 n. 319. etià probabilem censet. Ratio cur obliget ad partem, quia utile per inutile non vitiatur; et sic respondetur secundæ sententiæ Tamb. Ratio autem, cur non obliget promissio ad excessum, est, quia malitia prodigalitatis principaliter consistit in præstatione, minùs verò principaliter in promissione; idè enim non licet prodigè promittere, quia illicitum est prodigè dare. Posito igitur quod actus prodigæ præstationis sit per se principaliter malus, minimè umquam poterit ipse impleri sine peccato; neque executio poterit cohonestari ab obligatione promissionis factæ, quia nemo se potest obligare ad rem illicitam exequendum, ut habetur ex reg. juris 69. in 6 ubi: *In malis promissis fidem non expedit servari.* Et consequenter pars acceptans, ex promissione ipsi facta nullum potest jus acquirere ad id, quod altera pars nequit sine peccato præstare. Et sic respondetur ad rationem primæ sententiæ. Hinc inferunt I. Sot. de Just. l. 3 q. 7 a. 1 ad. 2. et Led. Bann. Sa, Machad. Palac. ac Manuel. ap. Sanch. l. c. de Matr. D. 14 n. 1. quod, si quis prodigè aliquid promiserit meretrici pro usu corporis, non teneaturolvere excessum; quia, cum sit promissa res illicita ratione prodigalitatis, promissio nulla est. Rectè inferunt II. Salm. l. c. cum aliis à se citatis, quod, si res promissa sit impartibilis, ad nihil teneatur promittens, quia tunc verè tota materia evadit illicita.

Juxta hanc igitur tertiam sententiam, ut ad casum nostrum veniamus, sponsus prodigè promittens Matrimonium, cum res sit indivisibilis, et promissio tota per se illicita evadat, non tenebitur utique ad illam. Nec obstat, quod culpa prodigalitatis non excedat veniale peccatum; quia promissio rei qualiter-

cumque malæ, adhuc venialiter, puta mentiendi etc., nec etiam potest ullam parere obligationem, ut notant Salm. ib. et certum est. Pro conclusione igitur hujus puncti, mihi et aliis doctis Junioribus (salvo sapientiorum judicio) videtur dicendum I. sponsum, qui antecellit in divitiis, in casu proposito non teneri ad Matrimonium; necnon venialiter peccare ratione prodigalitatis, si illud contrahat. Dicendum II. hoc procedere, stando terminis veræ prodigalitatis: verumtamen, cum culpa prodigalitatis non sit plus quam venialis, quævis mediocris justa causa vitium prodigalitatis auferre potest. Hinc satis excusabitur sponsus, foeminam disparem ducens, si noverit in ea aliquam specialem prærogativam, nimirum providentiæ, devotionis, magnæ honestatis, vel etiam alicujus dotis naturalis, propter quam putet sponsus cum illa quietam se ducturum vitam. Hinc infertur, vix casum accidere posse, quo sponsus eam ducere non teneatur, quia rarissimè deerit aliqua ex his causis, quæ culpam prodigalitatis excusabit. Dicendum III. quod casu, quo sponsus vi promissionis copulam extorserit à virgine, vel à foemina honesta, tunc omnino teneatur eam ducere: quia proditio virginitatis, aut bonæ famæ est res pretio inæstimabilis, quæ prævalet, aut saltè æquivalet excessui disparitatis sponsi; et ideo in eo casu promissio facta est valida, cum jam adfuerit æqualitas in contractu sine vitio prodigalitatis. Et hoc procederet (juxtà id quod ait Lugo de Just. D. 12 n. 34.) non solum cum foemina famam amiserit, sed etiam cum se exposuerit periculo famæ amittendæ. Hoc tamen currit, si disparitas sit tantum in divitiis; nam si sit in nobilitate, tunc, etiamsi intercesserit defloratio, non tenetur vir ad Matrimonium cum dedecore familiæ, imò probabiliter nec etiam ad damnum illatum, ut diximus l. 3 n. 64.

An id autem, quod DD. dicunt, ut suprà diximus, scilicet, quod talis sponsus non possit illud dispar Matrimonium inire (intellige dispar tantum ratione divitiarum, non autem nobilitatis cum dedecore fa-

miliæ, ut jam distinximus), si probabiliter timeantur damna, aut odia propinquorum; rationem afferentes, quia eo casu graviter peccaret sponsus contra charitatem, et ideo, cum Matrimonium illud contrahere tunc esset res illicita, non possit promissio facta ad illam obligare. Et ob eandem rationem dicit Sauch. l. c. n. 3 cum Nav. Cord. Lop. et Gutt. hoc dicendum, etiãmsi sponsa deflorationem passa fuerit. Et etiãmsi (ut addit Sanch. ib. cum Lop.) nulla sit inter contrahentes disparitas. Fateor quidem, hanc esse communem sententiam; et per se loquendo veram, quando filius commodè hujusmodi scandala vitare posset; sed si non posset sine gravi suo incommodo, rationi adductæ videtur obstare, quod charitas non obliget cum gravi incommodo; hinc puella ad vitanda scandala virorum non tenetur perpetuò domi manere, ne diù sua libertate privetur; quia grave incommodum hoc ipsi esset, ut dictum est l. 2 n. 53 cum Cajet Sanch. Pal. Less. Nav. Azor. Salm. Spor, et aliis. Si ergò mulier, ne sua libertate diù privetur, non tenetur longo tempore abstinere ab egrediendo, etiãmsi alii scandalum sint passuri; quomodò filius tenebitur sub mortali, ne parentes scandalum patiantur (nisi tamen cum dedecore ut supponimus), à Matrimonio desiderato abstinere) Fortène sponsus non videtur grave incommodum subiturus, si omittere cogatur Matrimonium cum puella, cum qua credit quietam se ducturum vitam, ob vehementem amoris passionem, quâ se sentit affectum ergà illam? grave quidem incommodum existimant hoc omnes DD, illi, quos in præcedenti quæstione retulimus, qui ideo excusant à culpa gravi filios Matrimonium ineuntes invitis parentibus; quia, ut dicunt Sanch. d. l. 4. D. 23 n. 10. Escob. de Matr. Dub. 175 n. 723 et Salm. c. 6 n. 23, per Matrimonium quisque perpetuæ obligatur servituti, maxima secum afferenti onera, quæ nisi ex omninò spontanea voluntate suscipiantur, difficillimè perferri poterunt. Si igitur ob hoc motivum excusantur filii ab obsequio parentibus debito, cur non ob eandem ra-

tionem excusabuntur à præcepto charitatis, quod cum gravi incommodo non obligat? Quapropter melius dicendum mihi et aliis doctis junioribus videbatur cum Pal. D. 2 p. 12 n. 9, tunc filios tenêri sub mortali obedire parentibus, ab hujusmodi Matrimonio abstinendo, quandò possunt sine gravi suo incommodo. Tanto magis, quod (ut dicunt ipse Sanch. l. 1. D. 14 n. 3 et Holzm. n. 266) hujusmodi scandala, quàmvis antea jactentur, inito tamen Matrimonio facile evanescent, et animi concilientur. Cæterùm, cum hoc sit contra communem, propterea sapientibus discutiendum relinquo.

- 852 « 7. Resiliens culpabiliter à sponsalibus perdit suas » arrhas, et tenetur ad alterius partis reddendas, ac » ad restitutionem, quanti ejus intererat talem con- » tractum impleri. »

Hinc autem notandum I. quod, si à muliere promittitur aliquid viro, ut eam ducat, valeat quidem promissio, prout habetur ex cap. *De illis, de Conditi. appos.* quia tunc promissio præsumitur facta causâ dotis. Secùs si vir promittat aliquid mulieri, si secùs nupserit, quia tunc promissio præsumitur facta ob causam turpem, nempe libidinis explendæ; ita communiter Sanch. l. 1 D. 33 n. 3 et Salm. c. 2 n. 108 cum aliis passim, ex l. *si ita stipulatus*, § *Si tibi ff. de Verbor. signif.* ubi id expressè habetur. Excipiunt tamen, si vir sit ignobilis aut senex, et mulier sit nobilis aut juvenis; quia tunc promissio justè fit in compensationem nobilitatis aut juventutis, ex l. *Mulieres C. de Dignit.*

- 853 Notandum II. quod promissio pœnæ appositæ in sponsalibus in resilientem sit illicita et invalida, ex c. Gemma, de Sponsal. quia per hujusmodi pœnam Matrimonii libertas læderetur; ita in textu præfato: *Cum itaque libera Matrimonia esse debeant, et ideo talis stipulatio propter pœnæ interpositionem sit merito improbanda.* Hinc communissimè dicunt Doctores peccare, qui sponsalia cum hac pœna contrahunt. Alii verò dicunt esse mortale, ut Bonac. qu. 1 p. ult n. 3

et Salm. c. 1 n. 94. Alii autem censent, esse veniale, ut Sanch. l. 1 D. 30 n. 2. Boss. c. 11 n. 415 cum Cajet. Arm. Gutt. et Rebell. Hoc autem procedit, si pœna apponatur à sponsis, vel ab eorum consanguineis, aut amicis. ut communiter tenent Pal. p. 9 n. 1. Sanch. n. 11 et Salm. n. 95 cum Aversa, Lop. et Cornejo. Non verò si apponatur ab extraneo, ut iidem AA. ex l. Cum ità, C. de Spons. Ratio, quia in primo casu etiàm minuatur libertas Matrimonii, eò quod sponsi illud possint inire, ne propinqui, vel amici talem pœnam solvant: secus tamen accidit; cum pœna motu proprio ab extraneis apponitur. Præterea advertendum, id procedere, si pœna generaliter apponatur etiàm in eum, qui justè resilit, tunc enim certum est apud omnes, promissionem pœnæ non obligare, sed

Quærit. an promissio talis pœnæ sit valida et licita, si adjiciatur in injustè resilientem? *Prima* sententia satis probabilis negat, et hanc tenent Sanch. l. 1 D. 30 n. 2. Bonac. p. ult. n. 1. Boss. c. 11 ex n. 420. Conc. p. 267 n. 30 et Aversa, Becan. et Dic. apud Salman. n. 96. Et probant ex l. Titia 134 ff. de Verb. oblig. ubi dicitur: *Inhonestum enim videtur, Matrimonia, sive contrahenda, sive contracta, metu pœnæ obstringi.* Item ex l. fin. de Spons. ubi: *Si cautio pœnam stipulationis continens fuerit interpretata ex utraque parte, nullas vires habebit, cum in contrahendis nuptiis libera potestas esse debeat.* Probant etiàm ratione, quia adhuc libertas læderetur; posset enim accidere, quod pars, quæ justè posset resilire, nequiret suam causam in judicio probare, et sic invita nuptias iniret. *Secunda* verò probabilior sententia affirmat, et hanc tenent Pontius l. 12 c. 19 n. 8. Laym. c. 1 n. 8. Ronc. p. 135 q. 3 R. 2. Holz. n. 203 cum Anacl. et Haunold. Palaus D. 1 p. 9 n. 8 cum Suar. Vasquez et Con. ac Salm. cum Leand. et Diana. Ratio, quia talis adjectio pœnæ non est neque contra jus naturale, neque positivum. Non contra naturale, quia per se rationabile est, pœnam imponi culpabiliter resilienti;

nec est contrà libertatem ad Matrimonium requisitam impedire sponso ab injustè resiliendo ; licet enim jura in Matrimonio approbent libertatem rationabilem , reprobant tamèu irrationabilem ; et idè non officit libertati Matrimonii , quod Judex cogat sponso ad contrahendum per censuras , carcerem , aut pœnam pecuniariam , cum talis metus justè incutiat. Quod autem aliquandò posset aliquis justè resilire , et non posset probare , hoc per accidens se habet , et fundamentum nostræ sententiæ non elidit. Neque obstant leges suprâ allatæ , nam in tantum hæ leges promissionem pœnæ in sponsalibus irritabant , in quantum olim ex Jure Civili ad sponsalia solvenda sufficiebat voluntas unius partis , sive cum causa , sive sine causa resiliebat , ut patet et l. 1 C. de spons. et Glossa ibi ; sed de jure Canonico c. Prætereà 1 de Spons. omninò requiritur consensus utriusque Cæterum in l. fin. ibid. approbatur tamquàm valida et licita pœna solvendi duplum , triplum , vel quadruplum pro arrhis , quas injustè resiliens acceperit. Imò Leo Imperator in Novell. 18 (ut videre potes apud Pontium) expressè approbat adjectionem pœnæ in sponsalibus contrà inconstantes , sive injustè resiliens , addens , id esse jam consuetudinè firmatum.

Quærit. II. an justè resiliens à sponsalibus teneatur solvere pœnam promissam , si promissionem juramento firmaverit ? *Prima* sententia affirmat , et hanc tenent Lessius l. 2 c. 17 num. 56 v. Ubi , Mol. tr. 2 D. 151. Suar. de Relig. t. 2 l. 2 c. 23 et Con. D. 22 dub. 5 n. 25. Ratio , quia licet sit vetita promissio pœnæ , non tamen est vetita ejus solutio , quæ aut vi obligationis naturalis , aut saltèm juramenti debetur , juxta dicta lib. 3 n. 177 , ubi dictum est ex cap. Debitores de Jurejur. juramentum obligare , esto promissio facta irritetur à jure in odium iniqui creditoris , prout est promissio solvendi usuras. *Secunda* verò sententia probabilior negat , et hanc tenent Sanchi. l. 1. D. 31 n. 21. Pontius l. 12 c. 19 n. 7. Bossius c. 11 n. 443 cum Barb. Bonac. Filliuc. et Fill. Pal. p. 9 n. 6 cum Gomez , Covar. et Gutt. Escob. n. 195 cum Bartol .

Ang. et Præpos. ac Salm. cum Aversa, Trull: Cornejo, et Dic. Ratio, tum quia, cum adjectio pœnæ contrà justè resilientem sit iniqua, et ideò illicita, non obligat juramentum, quod non potest esse vinculum iniquitatis; tum quia jus prohibens promissionem pœnæ, non tàm promissionem interdicat, quàm solutionem; non tàm enim promissio, quàm solutio Matrimonii, libertatem lædit. In contractu verò usurario irrita est promissio, non autem solutio usurarum, et ideò promittens tenetur ad juramentum.

Quær. III. an, si pœna sponsalibus adjecta solvatur, teneatur recipiens illam restituere. *Prima* sententia negat, et hanc tenent Sanch. l. 1 d. 31 num. 2. Less. c. 17 n. 56 et Escob. n. 292 cum Mol. Henr. Vega, Lop. etc. Ratio, quia jura solam promissionem irritant, non verò solutionem. Et confirmant ex simili, quod neque recipiens pecuniam victam in ludo vetito teneatur restituere, licet victus non tenebatur eam solvere. *Secunda* tamen sententia probabilior affirmat, et hanc tenent Salm. c. 1 n. 106 cum Dic. Boss. c. 11 ex n. 449 cum Hurt. Gutt. et Mascard. ac Pal. p. 9 n. 9 cum Soto, Med. Lop. etc. Ratio, quia recipiens non habet titulum retinendi, cum jus omninò talem promissionem irritet, ut patet ex l. fin. C. de spons. ubi dicitur, quod talis adjectio pœnæ, *ex utraque parte nullas vires habebitura sit*. Undè, deficiente titulo, nequit ille dominium soluti acquirere. Nec obstat paritas ludi; nam ibi ideò victor pecuniam recipiens non tenetur restituere, quia contractus per se est validus, et jura tantùm præbent actionem victo repetendi solutum, ut diximus l. 3 n. 887 ac ideò potest victor retinere illud, usquedum in judicio repetatur. Benè tamen Palaus cum Guttier. hanc secundam sententiam limitat, nisi qui solvit pœnam, jam noverit se non esse obligatum; quia tunc rectè censetur donasse. In dubio autem hæc donatio non præsumitur, ut rectè ait Boss. ex Gutt. n. 454 juxta l. Campanus, ff. Oper. liberat.

Quær. IV. an debeatur legatum relictum puellæ

sub conditione nubendi alicui viro, si illa alii nubat ? Per se loquendo, certum est, id non deberi, ex l. Titio § 1 ff. de Condit. et Demonstr. quia, cum liberè possit puella tales nuptias acceptare, vel respuere, hinc non læditur libertas ad Matrimonium, requisita. Excipiendum tamen, nisi alioquin à patre gravetur legitima filiæ debita; vel nisi ipsa inducatur ad nubendum cum indigno; quia tunc conditio illa rejicitur tamquam turpis, et debetur ei legatum, si ipsa nubat alii, ex l. Cum ita § Videamus, ff. eod. tit. ita commun. Salm. c. 1 n. 107 et Boss. c. 11 n. 468 cum Rota Rom. Mol. Gutt. Vill. Laym. Pont., Vasq. etc. Item ait Bos. n. 469 cum Cov. Sanch. Gutt. Mol. Vill. etc. (contra Pontium, et alios ibid. si puella, ut obediat patri, alium ducat; quia, adhuc admissâ sententiâ, quam tenet et objicit Pontius, quod filiâ non peccet, si nubat personæ dignæ sine consensu patris, tamen (ut vidimus. n. 849) commune est inter DD. esse contra honestatem non expectare in nuptiis patris consensum; et ideò, cum puella non possit honestè nubere, patre non consentiente, non debet legato privari. Sed huic responderi potest; quod ex hac eadem justa causa, nempe ne illa legatum amittat, satis ab hujusmodi dehonestate excusaretur, si cum persona designata digna ipsa nuberet.

Quærit. V. An legatum relictum mulieri, ut non nubat, debeatur ei si nubat? Vide dicta lib. 3 n. 930 v. Dub. 7, ubi diximus, deberi, si mulier sit virgo; secus si vidua.

• Resp. 2 ubi Tridentinum non est receptum sponsalia jure antiquo transeunt in Matrimonium per quævis signa externa maritali affectu exhibita, v. g. per copulam. Dico, *ubi Trid.* etc. quia ubi hoc receptum est, hæc signa non tenent, si sint clandestina; ideòque graviter in iis peccari potest.

Unde sequitur.

354 » Sponsis non licet tactus impudici, cum proximè disponant ad copulam, et pollutionem; etsi

» liceant amplexus , et oscula in signum amoris.
 » Sanch. l. 9 d. 47. Vide Dian. p. 2 tr. 17 R. 6 et t. 1
 » misc. R 31. et p. 4 R 131. »

Quær. , an inter sponsores sint peccata mortalia oscula , et tactus pudici , si fiant ad captandam voluptatem ? (dicitur *pudici* , nam certum est , impudicos esse lethalia .) Duplex adest sententia . *Prima* sententia . quam tenent Sanch. de Matr. l. 9 D 46 n. 37 ac Salm. c. 15 n. 91 cum Aversa , Diana , et Azor. dicit , esse tantum venialia , licet intendatur dilectatio carnalis , et adsit commotio spirituum genitalium , dummodò non sit magna , et absit periculum pollutionis , vel consensus in copulam . Ratio , quia , sicut Matrimonium cohonestat copulam , sic sponsalia , quæ sunt quædam inchoatio Matrimonii , cohonestant tales actus , qui sunt copulæ inchoatio . Eò magis , quia per illos plus fovetur amor ad Matrimonium contrahendam . Adduntque Salm. ibid. prædictos actus excusari etiam à veniali , si adsit causa iusta , v. g. ostendendi amorem , captandi benevolentiam , effugiendi inurbanitatem . vel servandi morem patriæ . *Secunda* sententia longè probabilior , et omnino sequenda , quam tenent Less. t. 14 n. 59. Mazzot. t. 4 p. 169. Ronc. p. 299 qu. 6. R. 1. Conc. t. 10 p. 359 n. 9. Bon. de Matr. qu. 4 p. 9. Prop. 1 n. 6 cum Henr. et Rebel. Croix l. 6 p. 3 n. 151 cum Mendo et aliis , ac Viva de Matr. qu. 1 art. 7 n. 6 et 7 cum Suar. Perez , et Hurt. docet , tales actus prohibitos esse sponsis eodem modo , quo vetantur omnino solutis . Ratio , quia sponsus ratione sponsalium nullum acquirit jus ad corpus sponsæ ; et si fortè aliquale jus acquirit per sponsalia , quia tamen non adhuc est perfectè dominus rei , non potest re illa uti , ne imperfectè quidem : sicuti ille , cui promissa est venditio vineæ , nequit illà uti , ne imperfectè quidem , donec vinea de facto ei vendatur , et tradatur . Præterea , cum sponsis non licet copula , nec licent tales actus , qui tantum ad copulam sunt ordinati . Concedunt tamen Croix , et Viva locis cit. cum aliis AA. ab ipsis adductis , quod oscula , et

amplexus juxtà morem patriæ aliquandò sponsis permitti possint : sed non aliter quàm solutis permittuntur. Et hoc est probabile , modò tales actus non sint pressi, et per aliquod tempus protacti, ut benè advertit Roncag. l. c. qui etiàm eos admittit ad benevolentiae demonstrationem : sed ego non admitterem , nisi ubi talis vigeret usus , ut etiàm ait Mazzott. l. c. Id autem , quod dicunt Busemb. l. 3 n. 431 et Lessius lib. 4 n. 58 et 59 cum Nav. Tol. Cajet. etc. nempè quid sponsis liceant tactus pudici , si intendant delectationem tantùm sensitivam , secùs verò , si veneriam , rectè ajunt Ronc. ib. et Croix d. n. 151 in fin. non esse practicè probabile , quia ordinariè semper aderit certum periculum consentiendi in delectationem veneream , cum sensitiva tàm conjunctam. Quà ratione spectata , prima etiàm sententia nec practicè probabilis est ; quia in materia tàm labili moraliter est impossibile in talibus actibus , causà voluptatis habitis , se continere à non labendo in pollutionem , vel copulæ consensum. An autem sponsis liceat delectari de copula futura ? Vide dicta l. 5 d. 24 ubi sententiam negativam (contrà Bonac. Salm. etc.) omninò tenendam diximus cum Holzm. Pal. Laym. Sanch. Ronc. etc. quibus adde Lessium lib. 4 n. 120 et Mazzot. tom. 4 p. 170.

DUBIUM III.

Quomodo dissolvantur sponsalia ?

- 855 *Solvuntur sponsalia I. Per Matrimoniam cum alia.* (Vide etiàm de hoc n. 875.) *II. Per mutuum consensum inter puberes. Quid , si sponsalia fuerint jurata ?*
- 856 *Quomodo autem solvantur inter impuberes ? Quid , si ipsi juramento promiserint nuptias ?*
- 857 *III. Per impedimentum dirimens superveniens. Dub. 1. An tunc sponsalia dirimantur etiàm ex parte nocentis ?*
- 858 *Dub. 2. An nocens teheatur petere dispensationem ?*
- 859 *Dub. 3. An contractis sponsalibus cum impedimento sub conditione dispensationis , ea obtentà , per se valeant ?*
- 860 *IV. Per crimen alterius.*
- 861 *An solvantur sponsalia per fornicationem alterutrius sponsi ? Dub. 1. Quid , si sponsa fuerit per vim oppressa ?*

- 862 *Dub. 2. Quid, si uterque sponsus fornicetur?*
 863 *V. Per mutationem notabilem, nempe 1. Si timeantur odia etc. 2. Si superveniat defectus noxius. 3. Si superveniat paupertas.*
 864 *An liceat contrahere cum defectu occulto pernicioso?*
 865 *An cum defectu non pernicioso? Et quid, si sponsa interrogetur, an sit virgo?*
 866 *VI Per discessum alterius in longinquum. Quid, si in propinquum, animo redeundi?*
 867 *VII. Per lapsum temporis præfixi. Dub. 1. Quid, si dubium sit, an terminus fuerit assignatus ad finiendam obligationem?*
 868 *Dub. 2. Quid, si alter fuerit justè impeditus. D. 3. An, elapso termina, etià pars nocens liberetur.*
 869 *VIII. Per Susceptionem Ordinis Sacri, et ingressum in Religionem. IX. Per votum Castitatis.*
 870 *Distinctius de his agitur, et I. de Professione Religiosa. Dub. 1. An per ingressum in Religionem solvantur sponsalia antè Professionem? Dub. 2. An, si sponsalia fuerint jurata, teneatur Sponsus antè ingressum nuptias inire?*
 871 *De Susceptione Ordinum. Dub. 1. An peccet Sponsus suscipiens Ordines Sacros, invitâ Sponsâ?*
 872 *Dub. 2. An per susceptionem Ordinum Minorum solvantur sponsalia?*
 873 *III. de Voto ingrediendi Religionem, suscipiendi Ordines Sacros, aut servandæ Castitatis. Dub. 1. An per votum Castitatis, aut suscipiendi Ordines Sacros, solvantur sponsalia etià ex parte voventis?*
 874 *Dub. 2. Quid, si Sponsus post votum copulam extorsit?*
 875 *X. Rursus agitur de solutione sponsalium per Matrimonium validum cum alia, et quæritur, an per illud solvantur sponsalia, etià mortuo conjuge?*
 876 *XI. An per Hæreditatem novam supervenientem? Et quid, si offerretur conjugium notabiliter melius?*
 877 *An dissensus Parentum sit causa solvendi sponsalia?*
 878 *Dub. 1. An ad solvenda sponsalia semper requiratur auctoritas Judicis? Dub. 2. Quæ probatio sufficiat in foro externo, et quæ in interno?*

RESP. I. Dissolvuntur sequentibus casibus, 1. Per
 » *Matrimonium validum, cum alia initum, Bonac*
 » *part. 6. * (An autem, mortuo conjuge obligent? vide*
 » *infra n. 875.) * II. Per Mutuum consensum, sicut*
 » *quavis contractus. Laym. c. 2 n. 8, »*

855 Inter puberes per mutuum consensum solvuntur sponsalia, etiã juramento firmata, non solum valide, sed etiã licite, si adsit rationabilis causa: nam aliàs esset saltẽ veniale: ita communiter Viva de Matr. qu. 2 art. 1 n. 1. Holzm. p. 496 n. 28. Pal. p. 17 n. 4. cum Con. et Guttier. Sanch. l. 1. D. 52 n. 8 cum Navar. Henr. et Lop. Pontius l. 12 c. 9 num. 2. cum Mol. et Reb. ac Escob. n. 264. cum Vivald. Philiarch. contra Solum, Sylvest. Ang. etc. ibid. n. 262. Idque probabiliter dicunt Ronc. p. 137 qu. 1 R. 1 et Pal. Viva, ac Holzm. ll. cc et Salm. c. 2 n. 5 et 15 cum Sanch. procedere, etiã si sponsalia sint jurata principaliter propter Deum; quia juramentum in favorem tertii, quãvis principaliter fiat in honorem Dei, semper conditionem includit, si alter acceptet, vel si non remittat, juxta dicta *de jurament.* l. 3 n. 193. ex D. Th. 2. 2 qu. 89 art. 9 ad. 2 ubi dicit, quod juramentum factum in utilitatem proximi possit ab eo remitti. Casu autem, quo una sola pars consentiat in solutionem sponsalium, sponsalia non solvantur absolute, sed tantum datur jus resiliendi alteri parti juxta communem: vide Salm. l. c. n. 4.

356 Inter puberes verò non solvuntur sponsalia, nisi ipsi fiant puberes ex c. *De illis de Despons. impub.* ubi dicitur: *Cum ad annos pubertatis pervenerit, reclamaverit, judicio Ecclesiæ poterunt ab invicem separari.* Perveniendo autem ad pubertatem, quæque pars potest resilire, reclamando statim, scilicet post triduum coram judice, vel testibus, aliàs præsumitur consensisse. Tempus tamen hoc trium dierum incipit eurrere à tempore, non jam pubertatis adeptæ, sed adeptæ cognitionis privilegii resiliendi; tempus enim utile, datum à Lege ad utendum privilegio, non currit, nisi postquam privilegium agnoscitur. Quod, si impubes sciens, et advertens suum privilegium, volensque resilire, statim non resiliat, jam sponsalibus censetur consentire. Quod impubes factus pubes debeat statim reclamare, infertur ex cit. cap. *de illis*: ex verbis: *cum ad annos pubertatis pervenerit, reclamaverit, etc.*

Ubi enim non apponitur tempus, intelligitur statim, ut communiter hîc intelligunt DD. utque diximus n. 845. ubi probatum est, statim deberi id, quod debetur. Quod autem illud statim intelligatur intrâ tri-duum, probatur ex l. fin C. de Errore advoc. ibi: *Incontinenti, idest triduo*. Ità communiter Sanch. l. 1 D. 51 n. 14. Pont. l. 10 c. 1 n. 4. Salm. c. 2 n. 9. Viva l. c. Pal. p. 17 n. 5. cum Guttier. et Filin. ac Holz. n. 213. cum Pichler. Dicunt autem Sanch. n. 16. Pontius n. 5. quod, si alter Sponsorum antè pubertatem dissenserit, et in tali dissensu perseveraverit, solvuntur sponsalia, cum ille ad pubertatem pervenit. Si tamen internè tantùm dissenserit, censent Sanch. l. c. et Bon. q. 1 p. 6 n. 3. cum Con. etc. eum posse etiàm resilire in conscientia: Sed probabiliùs id negant Conc. pag. 268 n. 3. et Pontius, ac Pal. ll. cc. cum Gutt. etc. tum quia hoc beneficium resiliendi non conceditur à jure nisi reclamantibus, quod certè intelligitur externè; tum quia, sicut ad ineundum contractum non sufficit solus consensus internus, ità ad contractum solvendum nec sufficit solus internus dissensus.

Quær. autem, an casu, quo impuberes juramento sponsalia firmaverint, possint invitâ parte resilire in pubertate? Negant Bonac. n. 4. Ronc. pag. 136 qu. 1 R. 2 et Salm. c. 2 n. 15 cum Aversa, Becano, Dic. et Sanch. (ut citant) l. 1 D. 51 n. 22. Id probant 1 ex c. Litteris de Sponsal. ubi dicunt, id expressum haberi. Probant 2 ratione, quia sponsalia impuberum, se-culo juramento, valida sunt, quàmvis dissolubilia; ergò juramento firman-tur. Sed affirmant Pontius l. 12 c. 9 n. 8. Conc. p. 368 n. 3. Viva qu. 2 art. 1 n. 3. cum Perez, ac Pal. p. 17 n. 9. cum Palud. Henr. etc. Et meritò Salm. l. c. id probabile putant, quia juramentum sortitur legem contractûs, seu sponsalium, quæ (ut vidimus) inter impuberes sunt revocabilia. Nec obstat textus in cit. c. Ex litteris, nam, ut advertunt Pont. Pal. et Viva, ibi sermo erat tantùm de *Impubescentibus* (ut exprimit textus), idest de puberlati proximis, qui, malitiâ ætatem supplente, jure

merito ut puberes habentur ; et huic sententiæ etiã Sanch l. c. n. 24. cum Cov. Lop. etc.

« III. Si superveniat *Impedimentum dirimens* Matrimonium ; Bonac. p. 8 n. 5. »

857 Dubit. 1. An per impedimentum superveniens sponsalia dissolvantur ? Hic distinguendum ; Si impedimentum sit impediens, communissimè et probabiliùs Sanch. l. 1 D. 56 n. 3. Pal. p. 26 n. 185. Escob. n. 185 cum Palud. Bonac. p. 7 n. 8. cum Reg. et Salmant. cum Con. contra Sotum, Aversa, et Led. negant sponsalia dissolvi, nisi impedimentum proveniat ex voto Religionis, et valde probabiliter etiã castitatis, juxta dicenda n. 873. Dub. 1. Ratio, quia alia impedimenta hodiè non vigent, nec indigent dispensatione. Si verò impedimentum sit dirimens, certum est apud omnes (vide Salm. c. 2 n. 70.) dissolvi ex parte innocentis, ita ut iste non teneatur admittere dispensationem. Sufficit autem ad solvenda sponsalia sola fama hujusmodi impedimenti, ut benè advertit Viva qu. 2 art. 7 num. 4. ex c. Cum in tua 27 de Spons. et c. Super eo 2 de Consangu. ubi : *Si non est manifestum, fama tamen loci hoc habet, etc.* Ad hoc tamen requiritur fama, non sufficit rumor : fama est, quandò adest opinio impedimenti apud majorem partem Viciniæ, rumor apud minorem ; Viva l. c. Sed dubium est, an tunc sponsalia solvantur etiã ex parte nocentis ? Affirmat Dic. tr. 10 D. 1 dub. 38, et probabile putant Salm. c. 2 n. 70. quia, supposito tali impedimento, jam factum est impossibile Matrimonium. Negant verò communiùs et probabiliùs Sanch. l. 1 D. 56 in fine et Pal. p. 26 n. 2. cum Con. et Gutt. qui dicunt, tunc suspendi obligationem sponsalium, donec tollatur impedimentum ; quia æquum non est, ut delinquens commodum ex suo crimine reportet, ex c. de Translat. Prælat. Sed

858 Dubit. 2. An, qui impedimentum apposuit, teneatur dispensationem obtinere, vel ipsam oblatam acceptare ? Alii, ut Fill. Con. et Aversa ap. Salm. c. 2 n. 72. dicunt, non tenèri etiãsi sponsalia fuerint jurata, nisi ad hoc obligetur ratione damni illati, nempè de-

florationis, vel famæ deturpatæ; tum quia promissio intelligitur facta rebus in eodem statu manentibus, ex c. Quemadmodum de Jurejur. tum quia nemo tenetur à lege se extrahere per dispensationem. Alii verò, ut Ron. p. 140 q. 10 R. 2 Pal. p. 26 n. 4. cum Ochag. ac Salm. n. 73 cum Led. etc. dicunt, eum tenèri, adhuc præciso damno illato, ad procurandam dispensationem, unà cum diligentia et expensis, quæ communiter pro tali dispensatione fieri solent, etiàmsi essent magnæ. Ratio, quia tenetur quisque modo, quo potest, resarcire jus alterius, quod ipse injustè læsit, opponendo impedimentum. Alii demùm probabilius, ut Sanch. l. 1 D. 56 n. 4. Viva q. 2 art. 7 n. 3. Wigandt tr. 16 n. 22. Bon. p. 7 n. g. cum Gutt. et Spor. n. 277. (cum communi ut asserit) dicunt, tenèri quidem, etiàmsi secluso damno illato, si dispensio facillè posset impetrari; secùs si ad eam requirerentur magnæ expensæ, et longa mora; quia obligatio orta ex sponsalibus urget Sponsum ad apponenda media tantum ordinaria et facilia, non autem difficilia et extraordinaria. Excipit tamen Sporer l. c. cum Tamb. nisi esset reparandum damnum deflorationis, vel famæ, ut suprà: quia tunc teneretur etiàmsi magnam expensam erogare; sed non tanta, ut cogeretur à suo statu decidere. An autem habens votum castitatis teneatur ducere virginem defloratam sub promissione Matrimonii? Et an teneatur petere dispensationem, qui sub promissione Matrimonii violaverit consanguineam? Vide dicta l. 3 n. 649 et 650.

Dubit. 3. Si sponsalia sint contracta inter habentes ⁸⁵⁹ impedimentum dirimens, sub conditione expressa, si Papa dispensaverit, utrùm, impletà conditione, valida sint sine novo consensu? Vide dicta l. 3 n. 650. ubi sententiam tenuimus affirmativam cum Lugo Laym. Pal. Salm. etc. quibus adde Pontium l. 12. c. 7 n. 1. et Bon. D. 1 p. 7 n. 10. Licet enim sponsalia antè conditione impletam vera sponsalia non sint, inducunt tamen absolutam obligationem expectandi eventum conditionis; ergò consensus perseverat us-

quæ ad impletionem conditionis. Undè infertur ; quod , esto antè conditionis verificationem hæc sponsalia non inducant impedimentum Publicæ Honestatis , peccaret tamen Sponsus , si cum sorore Sponsæ Matrimonium contraheret ; et hæc secunda sponsalia essent nulla , cum esset promissio de re injusta , quæ non obligat , ut rectè dicunt Spor. n. 211. et Pont. l. 7 c. 36 n. 7 cum Decr. S. C. :

- 350 « IV. Per *atrox crimen alterius* sponsi solvantur ex
 » parte innocentis : quale censetur 1. fornicatio , sive
 » spiritualis , ut hæresis : sive corporis , tam sponsi ,
 » quàm sponsæ , post sponsalia , et sponsæ etiàm antè
 » illa , sed à sponso ignorata , licet per viam facta.
 » Bonac. part. 8. Imò si sponsa permittat se tangi
 » impudicè ab alio per oscula , et amplexus , potest
 » sponsus resilire à sponsalibus ; sed non viceversa ,
 » quia , etsi sponsus id faciat , non est dedecus spon-
 » sæ , nec mutatio alicujus momenti. Reg. Dian. p. 3
 » t. 4. R. 283. * (Ità etiàm Sanch. l. 1. D. 55 n. 5 et
 » Salm. c. 2 n. 80 cum Con. Dic. etc.) * Limitant ta-
 » men * (Ut etiàm Sanch. et Salm. ll. cc. cum aliis
 » citatis) * nisi talia oscula , et tactus sint ità frequen-
 » tes , ut indicent valdè propensum sponsi animum in
 » alteram , ut meritò timeri possit , ne sponsæ non
 » sit fidem servaturus. Si autem uterque sponsus for-
 » nicetur post sponsalia , neutrum posse resilire do-
 » cent Pal. et Bon. contra Con. Regin. Sanch. Laym.
 » et Pont. qui soli viro id eo casu permittunt , eò quod
 » delicta sint imparia , et longè gravius damnum im-
 » mineat ipsi propter incertitudinem prolis , Dian.
 » l. c. R. 284. 2. Furtum grave , homicidium , etc. vel
 » simile , quod grave damnum , vel infamiam pariat.
 » Bonac. p. 8 n. 12. »

- 361 Si fornicatio fuerit antè sponsalia , certum est apud
 omnes , posse virum , cognitâ fornicatione Sponsæ post
 sponsalia , eam relinquere. E converso non potest
 mulier rescindere sponsalia ob fornicationem Sponsi
 quum alia antè habitam , ut communiter docent Sanch.
 L. 1. D. 63 n. 9. Pont. l. 12 c. 18 n. 2 et Salm. c. 2 n.

88 cum Pal. et Dic. (contra Holzm. n. 265.) Nisi, limitant Sanch. n. 10. Pont. l. c. Tamb. de Matr. c. 5 §. 9 n. 6 et Ronc. p. 139 q. 7. R. 2 cum Con. et Pal. vir insuper prolem ex alia habuerit, vel etiã nisi ipse noscatur fuisse deditus huic vitio, cum pluribus foeminis se commiscendo.

Si verò fornicatio fuerit post sponsalia, certum est, posse Sponsum mulierem relinquere, si ipsa voluntariè fornicata sit. Sed dubitatur 1. an vir possit à sponsalibus resilire, si Sponsa violenter fuerit fornicationem passa? Negant Armilla, Tabiena, Rosella, etc. apud Escob. n. 273. Quia (ut ajunt), cum ipsa culpã vacaverit, non est suo jure privanda. Sed communiter et veriùs affirmant Sanch. l. 1. D. 55 n. 7. Nav. c. 22 n. 27. Conc. p. 276 n. 25. Spor. n. 272. Holzm. n. 254. Pont. l. 12 c. 17 n. 3. Pal. p. 26 n. 5. Laym. c. 2 n. 11 cum Sylv. et Cov. Escob. n. 175 cum S. Antonino, Palud. Soto, et Led. ac Bon. p. 8 n. 3 cum Con. Fill. Henr. Gatt. et Reg. ex c. Raptor. 33. Caus. 27 q. 2 ubi expressè permittitur Sponso repudiare Sponsam violenter raptam. Et ratio est, quia Sponsa per talem oppressionem, licet sine sua culpa, notabiliter vilior redditur; undè notabiliter mutantur circumstantiæ, juxtà mox dicenda n. 863.

Dubit. 2. an, utroque Sponso fornicante, utrique liceat resilire? Adsunt tres sententiæ. *Prima*, quam tenet Pal. p. 2 n. 10 affirmat, nam esto fornicatio Sponsæ turpior sit, tamen Sponsus, cum etiã per suam fornicationem violet fidem datam, jam tribuit Sponsæ justam causam resiliendi. *Secunda* sententia, quam tenent Viva q. 2 art. 2 n. 2. Bonac. D. 1 p. 8 n. 6 cum Palud. Holzm. n. 258 cum Bambest. item Avers. et Perez apud Salm. c. 2 n. 83 dicit, neutrum posse resilire, sed dari compensationem, ità ut neuter queat à sponsalibus recedere. Ratio, quia sicùt post Matrimonium contractum; si uterque conjux adulteretur, neuter potest petere divortium ex c. 6 de Adulter. Ità si post sponsalia uterque Sponsus fornicetur, neuter potest resilire. *Tertia* verò sententia probabilior, et

communis (ut fatetur ipse Pal.), quam tenent Pont. l. 12 c. 17 n. 3 Sanch. l. 1. D. 55 n. 9. Laym. c. 2 n. 12. Conc. p. 279 n. 26. Escob. n. 181. Spor. n. 271. Renzi p. 345 qu. 3 et Salm. c. 2 n. 84 cum Con. Henr. Diana, Leand. Dic. etc. docet, Sponsum quidem posse resilire, non verò Sponsam. Ratio, quia in hoc non daretur æqua compensatio, cum longe turpior sit fornicatio Sponsæ, quàm Sponsi. Dispar autem est ratio divortii propter adulterium, quia obligatio Matrimonii quòdā torum difficilius solvitur, quàm sponsalium obligatio, quæ solvi potest ex quacumque rerum notabili mutatione (sicūt esset hæc) superveniente, ut mox dicetur n. seq.

- 63 « V. Si *Notabilis mutatio* accadat, vel detegatur,
 » quæ si à principio cognita fuisset, à sponsalibus
 » deterruisset; * (Ità comm. Sanch. l. 1. D. 63 n. 2.
 » Pont. lib. 12 c. 6 n. 18. Pal. p. 29. Salm. c. 2 n. 87
 » et alii passim. Et hoc procedere ait Viva q. 2 art. 6
 » n. 4 etiāsi intervenerit copula, tunc enim sufficit
 » damnum compensare)* qualis esset; v. gr. I. ini-
 » micitia, vel odium grave inter Sponsos; quò refer-
 » tur morum asperitas, vel sævitia post sponsalia
 » primū cognita: item justus timor, ne ex matrimo-
 » nio scandala, et gravia odia nascentur inter paren-
 » tes, vel consanguineos. Laym. c. 1 n. 78. Bon. p. 18
 » n. 8 etc. II. Si alteruter incidat in lepram, paraly-
 » sim, morbum gallicum, etc. si graviter mutiletur,
 » ut amissione oculi, nasi, vel aliter graviter defor-
 » metur, præsertim sponsa, vel sponsus reddatur inep-
 » tus ad opificium exercendum, vel acquirendum
 » officium ad sustentationem familiæ necessarium.
 » Dian. p. 3 tr. 4. R. 85. Sanch. l. 1 d. 57: Con. dist.
 » 23 dub. 8. Laym. et Bonac. II. cit. * (Ità comm.
 » omnes cum D. Th. Supp. qu. 43 art. 3. *Et hoc etiā-*
 » *si non adsit certitudo de tali defectu, sed sola (vehe-*
 » *mens tamen sive prudens) suspicio*, ut Pontius l. 12
 » c. 17 n. 4 et Pal. p. 27 n. 3.)* Non tamen tenetur
 » spontè aperire tales defectus, qui reddant nuptias
 » minùs quidem appetibiles, non tamen perniciosas,

» præsertim si aliquam infamiam habeant adjunctam
 » (v. gr. si sponsa vi, vel spontè fuisset corrupta);
 » dommodò tamen contrarium positivè verbo, factove
 » non simulet; potestque interrogatus licitè dissimu-
 » lare, et contrahere Matrimonium. Si verò defectus
 » sint perniciosi, v. gr. morbus contagiosus, gravis
 » infamia, sivè personalis, sivè generis, aut familiæ,
 » non licet, etiãmsi post sponsalia contracta in eos
 » inciderit, contrahere, cum eorum ignaro, nisi si-
 » milis defectus ipse patiatur. Coninch. Pont. Dian.
 » part. 5 t. 4. Resol. 87 ubi ex Con. et Salm. contra
 » Pont. Nav. etc. infert, Sponsam post sponsalia cor-
 » ruptam posse Sponsum defectûs istius occulti igna-
 » rum cogere ad standum sponsalibus, et contrahen-
 » dum Matrimonium. III. Si magna alterius debita
 » detegantur, vel grave sit periculum fortunarum,
 » famæ, morbi pauperatis, etc. vel Sponsa dotem
 » promissam afferre nequeat, vel denique si Sponsus
 » incipiat vagari cum incommodo Sponsæ, Bonac.
 » l. c. Item Sporer n. 282. Sanch. l. 1. Dist. 59 n. 2 et
 » 4 ac Pont. l. 12 c. 17 n. 8 cum Con. Reb. et Tol. *sivè*
 » *dos, ut ajunt, sit promissa, sivè non.* Et idem dicunt
 » Spor. et Pont. ll. cc. *si timeatur Pater filium exhæ-*
 » *redaturus.*) Quod si autem defectu Sponsæ detecto,
 » dubitet Sponsus, an si eum ab initio cognovisset,
 » contracturus fuisset, tunc si defectus ille censeatur
 » gravis ac notabilis, præsumetur pro Sponso, cui
 » liberum erit resilire. Sanc. Conc. Tann. t. 1 l. 1
 » dist. 65 secùs si defectus sit levis. Bard. l. 6 c. 11
 » p. 7.»

Quær., an pars laborans occulto defectu sufficienti⁸⁶⁴
 ad solvenda sponsalia, teneatur illum manifestare antè
 sponsalia, vel eis contractis, antè Matrimonium? Dis-
 tinguendum cum communi; Si defectus redderet nup-
 tias perniciosas, ut esset infamia, lepra, morbus gal-
 licus, aut alius contagiosus, tenetur eum manifestare,
 vel à nuptiis desistere, nisi altera pars eodem defectu
 laboret; ità Pont. l. 12 c. 18 n. 6. Ronc. p. 140 q. 12.
 Pal. p. 50 n. 5 cum Salm. c. 2 n. 99 cum Diana 3 p.

tr. 4. R. 287. Spor. n. 286 cum Perez, et Gob. (quid-
quid dicant Sanch. l. 1. D. 58 n. 8 et alii apud Salm.)
Ratio, quia sicut peccat contra justitiam qui alteri ven-
dit merces noxias credenti bonas, ita à fortiori qui
cum pernicioso defectu vult Matrimonium contrahere.

865 Si verò defectus non redderet nuptias noxias, sed
tantum minus appetibiles, nempe si Sponsa esset pau-
per, quæ reputatur dives; ignobilis, quæ nobilis;
deformis, quæ pulchra: corrupta, quæ virgo; tunc
esto ipsa non possit virum decipere fugendo se im-
munem à tali defectu, tamen non tenetur defectum
manifestare, sed potest etiam interrogata dissimulare
æquivocè respondendo; tunc enim non fugit, sed
occultat vitium occultum; ita Sanch. l. 6 D. 27 n. 9.
Pont. Spor. Dian. ll. cc. Ronc. l. c. et Reg. in prax.
7. Renzi p. 437 q. 10. Croix n. 182. Pal. p. 30 n. 2.
cum Con. et Turrian. Salm. c. 2 n. 97. cum Dic. et
Avers. Escob. n. 324. cum Hurt. et Leand. (contra
Ochag. ibid. n. 322. et Conc. p. 278 n. 31.) Ratio,
tum quia est consuetudine jam receptum, ut non sit
obligatio tales defectus manifestandi, tum quia nemo
tenetur propalare suum defectum cum propria infam-
ia, si non lædit jus alterius; Licet enim Sponsus,
cognito defectu, habeat jus resiliendi à sponsalibus,
opponendo exceptionem propter talem defectum,
tamen usquedum ipse exceptionem non opponit, po-
test cogi à Sponsa ad Matrimonium, sicut adultera,
usquedum vir non opponit exceptionem propter cog-
nitum adulterium, potest ab eo debitum petere. Un-
dè dicunt præfati AA. quod sponsa ab alio corrupta,
etiãmsi interrogetur à sponso, an fuerit ab alio cog-
nita, poterit dissimulare et negare per restrictionem
non purè mentalem, respondendo, se non esse corrup-
tam, subintelligens in communi æstimatione, aut ad
aperiendum tibi; additque Dian. posse illam sine pec-
cato, aut saltèm sine mortali, uti aliquo artificio, quo
impediat, ne vir deprehendat, eam esse corruptam.

Excipiunt tamen 1. Sporer n. 286. Pal. p. 30 n. 5.
Pont. d. 6 et Croix n. 183. cum Con. et Perez, si

Sponsa ex concubitu habito cum alio sit prægnans, quia tunc adest periculum damni Sponsi, nempe quod deberet alere prolem alienam. Excipiunt 2. Sanch. n. 11. Pont. ibid. Salm. n. 98. Ronc. d. Reg. 7. Croix n. 184. et Pal. n. 3. cum Nuv. Con. et Turrian. si, non manifestato defectu, prudenter timeatur, ne ille propaletur post nuptias initas, et graves inde discordiæ sint proventuræ; tunc enim dicunt, teneri Sponsam vel suam violationem passam propalare, vel à Matrimonio desistere; quia tenetur ex charitate ergà Sponsum, et etiã ergà seipsam talia damna præcavere; Sed huic objici posset, quod charitas non videatur obligare cum tanto incommodo, nimirum vel æ infamandi, vel remanendi semper innuptam; vide dicta n. 851. v. Ad id autem.

Ad videndum autem, quænam causæ sufficiant ad solvendam obligationem sponsalium, attende has duas regulas. *Prima*, pro causis supervenientibus ad sponsalia, sufficit illa causa, quæ si esset prævisa, sponsalia non fuissent contracta: tunc enim ab eis libera manet pars, quæ de novo has causas non dedit; ita communiter Sanch. l. 1 D. 62 n. 3. Pal. p. 28 n. 8. et Salm. c. 2 n. 63. cum Aversa, Led. Henr. Dic. et aliis: Ratio, quia sponsi sub hac conditione censentur obligari, nisi accedat notabilis mutatio, quæ prævisâ, minimè contraxissent. *Secunda* regula, pro causis ignotis anterioribus ad sponsalia, illa sufficit, quæ si superveniret, jam esset sufficiens ad illa rescindenda; ita Pontius l. 12 c. 18. Sanch. l. 1 D. 63 n. 2. Pal. p. 29. et Salm. c. 2 n. 87. cum Dic. Aversa, Leand. et communi, quia in tali casu etiã adest notabilis mutatio, quæ si ab initio fuisset cogitata, jam sponsalia impedisset. Quapropter si ignorantia non dedisset causam contractui, sed fuisset concomitans, nempe si Sponsus, adhuc cognita prius causâ, etiã contraxisset, minimè posset à sponsalibus deinde resilire, quia tunc non advenit illa notabilis mutatio; ita Pontius l. c. n. 4 Sanch. Dist. 65 n. 2. Pal. n. 2. et Salm. n. 93. cum Dic. Con. Leand. et Troll.

606 « VI. Si alter sine alterius licentia proficiscatur in
» terram longinquam ; quia censetur renuntiare suo
» juri. Laym. l. c. Bon. p. 6. »

Certum est, quod, si Sponsus aliò transfert suum
domicilium ; vel si in longinquam Regionem abeat,
etsi cum animo redeundi, poterit Sponsa statim ad
alias nuptias transire ; hoc est expressum in c. De illis,
5 de spons. ubi dicitur : *Qui præstilo juramento pro-*
mittunt se aliquas mulieres ducturos, et postea, eis in-
cognitis, dimittunt terram, se ad partes alias transfe-
rentes, liberum erit mulieribus se ad alia vota trans-
ferre. Si verò sponsus discessit in propinquum locum
cum animo redeundi, tunc, si discessus fuerit ex
causa necessaria, puta infirmitatis, aut alterius gra-
vis nugotii, statutum est in lib. Sæpè de Sponsal. ex-
pectandum esse negotii finem ; si autem ex causa vo-
luntaria, quando discessus fuit intrà Provinciam, di-
citur in l. 2 C. eod. tit. expectandum esse ad bien-
nium ; quando extrà Provinciam, ad triennium ex l.
1 C. de Repud. Dicunt autem ferè communiter Sanch.
l. 1. Dist. 54 n. 6. Bonac. part. 6 n. 8. Spor. n. 244.
Viva qu. 2 art. 3 n. 2. Ronc. p. 137 qu. 2. Holzman.
n. 250. Escob. n. 270 cum Soto, Armilla etc. ac
Salm. c. 2 num. 61 cum Dic. Gonet, et Aversa, Jus
Civile in hoc correctum fuisse Jure Canonico in cit.
cap. De illis. Et hoc dicendum (ut ajunt Sanch. n.
6. Ronc. et Viva ll. cc. cum Perez, contrà Bonac.)
etiàmsi discessus fuerit ex causa necessaria. Sed me-
lius dicunt Palau p. 23 n. 2. Pontius l. 12 c. 15 n.
4 cum Canisio, in hoc min me correctum fuisse Jus
Civile Canonico, nam in dicta c. De illis sermo fit
tantum de eo, qui domicilium mutavit, non autem de
illo qui discessit reversurus. Verum rectè addunt,
neque in hoc standum esse Juri Civili, quia præfatæ
leges terminum statuunt, non ut Sponsa possit spon-
salia dissolvere, cum (ut diximus n. 853 Qu. I. ex
Jure Civili olim sufficiebat unius Sponsi voluntas ad
solvenda sponsalia) sed ut possit Sponsa resilire, lu-
cratis arrhis. Undè concludendum cum S. Antonino

3 p. tit. 1 c. 18 § 1 eod. Pont. l. c. Sanch. n. 10 et Salm. n. 62. cum Con. Reb. et Dic. quod semper ac sponsus discessit in propinquum locum, expectandum sit, donec redeat; vel requiri debeat Sponsus, ut intra certum accedat ad contrahendum Matrimonium: Quod si ille requisitus redditum justa ex causa differat, vel erit expectandum ad prudentis arbitrium, ut dicunt Ronc. Sporer l. c. Conc. p. 374 n. 17. et Salm. n. 62. cum Con. Reb. et Dic. Vel (quod securius est) causa est remittenda arbitrio Judicis, qui, inspectis circumstantiis, vel admonebit Sponsum, ut redeat infra certum tempus, vel terminum determinabit (præsertim si ille longe abierit) post quem sponsa libera remaneat, ut dicunt Pontius et Ronc. ll. cc. Pal. n. 3. ac Salm. cum eisdem AA. At idem docet Bened. XIV. Notif. 46 n. 5. cum Anac. Cler. Perez. etc. ac Declar. S. C. die 2. Octob. 1723. quæ pariter sic agendum respondit. Hæc autem procedunt, si in sponsalibus nulum fuerit tempus præfixum ad nuptias ineundas, nam si fuerit terminus assignatus, vide dicenda n. seq.

VII. Si sint inita cum conditione, *certo tempore contrahendi* matrimonium, liberatur obligatione is, per quem non stetit, quominus sit contractum. Laym. n. 16.

Cum terminus sponsalibus apponitur, spectandum est, an apponatur ad sollicitandum sive ad non differendam obligationem contrahendi Matrimonium, vel an ad obligationem finiendam. Tunc apponitur ad sollicitandum, quando partes idè præfigunt terminum, ut neutra antè illum possit alteram cogere ad implendum contractum. Tunc autem finiendum, quando terminus apponatur, ut eo elapso nulla remaneat obligatio. Et hæc ita servanda sunt, si expressis verbis partes ita conveniant. Sed

Dubit. 1. Si verba sint ambigua, quando terminus censeri debeat appositus ad sollicitandam obligationem, et quando ad finiendum? Respondetur cum communi sententia, duas regulas in tali dubio assignari. *Prima*: Si terminus ab una tantum parte præfi-

gitur, alterâ negativè se habente, tunc censetur appositus ad sollicitandum; si verò ab utraque, ad finiendum. *Secunda*: Si terminus apponitur, antequàm sponsalia contrahantur, censetur ad finiendum; secus si post sponsalia contracta; ità Sanch. l. 1. D. 43 n. 3. Ronc. p. 137 qu. 3 R. 2. Renzi p. 435. q. 3. et Salm. c. 2 n. 51. cum Con. Bec. Dic. etc. Quàmvis Pontius l. 12 c. 16. n. 3. dicat, præfatas duas regulas non esse genericè veras. Casu autem, quo terminus est appositus ad finiendam obligationem, elapso tempore ex culpa unius partis, altera innocens liberatur, etiã si sponsalia fuerint jurata, ut commune est apud omnes cum D. Th. in 4. D. 27 q. 2 art. 3 ad 2 et patet ex c. Sicùt 22 de Sponsal. ubi Pontifex præcepit imponi poenitentiam cuidam sponso, qui recessit à sponsalibus cum quadam contractis, et nuptias cum alia inivit: *Nisi* (addidit) *juramento suo certum terminum præfixit, intra quem dictam P. duceret in uxorem, et per eum non stetit* (nota), *quæ ad statutum terminum Matrimonium consummaverit*. Ergò si per eum non stetit, licitè recessisset.

363 Dubit. 2. An, elapso termino ex defectu v. g. Sponsi, possit sponsa resilire à sponsalibus, si inculpabiliter omiserit ille nuptias inire, justo delentus impedimento? *Prima* sententia negat, et hanc tenent Pont. l. 12 c. 16 n. 4 Bonac. p. 6 n. 6 cum Reg. Viva q. 2 art. 3 n. 3 et Sanch. l. 1. D. 53 n. 7 cum Palud. Gomez etc. ibid. n. 16 item Guttier. apud Pal. p. 24 n. 7. Trull. apud Salm. c. 2 n. 56. Ratio, quia non est æquum, ut privetur jure suo, qui ex justa causa impeditur à promissis adimplendis, ex l. 1. C. de Annal. except. ubi: *Legitimè impedito non currit tempus, ut jure privetur*. Id probant etiã ex citato c. Sicùt; sed præfatus textus verius probat oppositum, ut mox videbimus. Notant verò Bon. et Viva ll. cc. cum aliis, quod, ut pars innocens liberetur à sponsalibus, mora alterius debeat esse tanta, ut, inspectis circumstantiis, prudenter ipsa censeatur rea culpæ mortalis. Item advertit Pontius, quod, si ob tale impedimentum unius

partis diutius differatur Matrimonium, bene poterit altera adire Judicem, ut, monitâ parte impedita, alium terminum præfigat, quo elapso ipsa omnino libera remaneat. *Secunda* verò sententia communior et probabilior affirmat, et hanc tenent Laym. c. 2 n. 17. Pal. p. 24 n. 8. Navar. c. 22 n. 27 casu 12. Conink. D. 27 d. 6 n. 47. Salm. c. 2. n. 57. Conc. p. 273 n. 16. Ronc. p. 773 q. 3. R. 2. Ratio, quia terminus ad hoc apponitur, ne pars parata diù maneat sine nuptiis, aliàs frustrâ tempus præfigeretur. Hæc autem sententia clarè probatur ex prædicto textu in c. Sicùt, quem perperam ad suam sententiam adversarii detorquent; Casus enim (ut diximus) ibi fuit, quod vir quidam post sponsalia contracta cum una, contraxisset Matrimonium cum alia; hinc Pontifex decrevit, quod, si per ipsum stetit, quominus cum prima nuptiæ initæ fuissent intrâ terminum præfixum, debuisset agere poenitentiam. Undè ex textu consequenter declaratum fuit, quod, si per ipsum non stetit (intellige quidem culpabiliter, nam aliàs, si culpa defuisset nulla ei fuisset imponenda poenitentia) quin Matrimonium intrâ definitum tempus contractum fuisset, licitè potuerit elapso termino cum alia contrahere. Ergò, si licitè ille potuit Matrimonium inire cum secunda, cum per ipsum culpabiliter non steterit, quin statuto tempore cum prima nuptiæ fuissent contractæ, supponit Pontifex, quod ipse elapso termino liber omnino remanserit ab obligatione sponsalium. Hinc concluditur, quod, cum terminus præfixus elabitur, omnino cesset obligatio sponsalium ex parte illa, quæ jam parata erat ad nuptias. Sed

Dubit. 3. An, elapso termino in sponsalibus appposito, remaneat libera ab eorum obligatione etiâ pars, quæ culpabilem apposuit dilationem? *Prima* sententia communior negat, et dicit, remanere liberam tantum partem, per quam non stetit; itâ Pont. l. 12 c. 16 n. 4. Laym. c. 2 n. 17. Pal. p. 24 n. 8. Nav. c. 22 n. 27. Con. d. 6 n. 47. Salm. c. 2 n. 55. et Sanch. l. 1. d. 53. n. 7. cum Palud. Gom. etc. Ratio, quia nemo

gitur, alterâ negativè se habente, tunc censetur appositus ad sollicitandum; si verò ab utraque, ad finiendum. *Secunda*: Si terminus apponitur, antequàm sponsalia contrahantur, censetur ad finiendum; secus si post sponsalia contracta; ità Sanch. l. 1. D. 43 n. 3. Ronc. p. 137 qu. 3 R. 2. Renzi p. 435. q. 3. et Salm. c. 2 n. 51. cum Con. Bec. Dic. etc. Quàmvis Pontius l. 12 c. 16. n. 3. dicat, præfatas duas regulas non esse genericè veras. Casu autem, quo terminus est appositus ad finiendam obligationem, elapso tempore ex culpa unius partis, altera innocens liberatur, etià si sponsalia fuerint jurata, ut commune est apud omnes cum D. Th. in 4. D. 27 q. 2 art. 3 ad 2 et patet ex c. Sicùt 22 de Sponsal. ubi Pontifex præcepit imponi poenitentiam cuidam sponso, qui recessit à sponsalibus cum quadam contractis, et nuptias cum alia inivit: *Nisi (addidit) juramento suo certum terminum præfixit, intra quem dictam P. duceret in uxorem, et per eum non stetit* (nota), *quia ad statutum terminum Matrimonium consummaverit*. Ergò si per eum non stetit, licitè recessisset.

- 363 Dubit. 2. An, elapso termino ex defectu v. g. Sponsi, possit sponsa resilire à sponsalibus, si inculpabiliter omiserit ille nuptias inire, justo delentus impedimento? *Prima sententia* negat, et hanc tenent Pont. l. 12 c. 16 n. 4 Bonac. p. 6 n. 6 cum Reg. Viva q. 2 art. 3 n. 3 et Sanch. l. 1. D. 53 n. 7 cum Palud. Gomez etc. ibid. n. 16 item Guttier. apud Pal. p. 24 n. 7. Trull. apud Salm. c. 2 n. 56. Ratio, quia non est æquum, ut privetur jure suo, qui ex justa causa impeditur à promissis adimplendis, ex l. 1. C. de Annal. except. ubi: *Legitimè impedito non currit tempus, ut jure privetur*. Id probant etià ex citato c. Sicùt; sed præfatus textus verius probat oppositum, ut mox videbimus. Notant verò Bon. et Viva ll. cc. cum aliis, quod, ut pars innocens liberetur à sponsalibus, mora alterius debeat esse tanta, ut, inspectis circumstantiis, prudenter ipsa censeatur rea culpæ mortalis. Item advertit Pontius, quod, si ob tale impedimentum unius

partis diutius differatur Matrimonium, bene poterit altera adire Judicem, ut, monita parte impedita, alium terminum præfigat, quo elapso ipsa omnino libera remaneat. *Secunda* verò sententia communior et probabilior affirmat, et hanc tenent Laym. c. 2 n. 17. Pal. p. 24 n. 8. Navar. c. 22 n. 27 casu 12. Conink. D. 27 d. 6 n. 47. Salm. c. 2. n. 57. Conc. p. 273 n. 16. Ronc. p. 773 q. 3. R. 2. Ratio, quia terminus ad hoc apponitur, ne pars parata diu maneat sine nuptiis, alias frustra tempus præfigeretur. Hæc autem sententia clarè probatur ex prædicto textu in c. Sicut, quem perperam ad suam sententiam adversarii detorquent; Casus enim (ut diximus) ibi fuit, quod vir quidam post sponsalia contracta cum una, contraxisset Matrimonium cum alia; hinc Pontifex decrevit, quod, si per ipsum stetit, quominus cum prima nuptiæ initæ fuissent intrà terminum præfixum, debuisset agere poenitentiam. Undè ex textu consequenter declaratum fuit, quod, si per ipsum non stetit (intellige quidem culpabiliter, nam alias, si culpa defuisset nulla ei fuisset imponenda poenitentia) quin Matrimonium intrà definitum tempus contractum fuisset, licitè potuerit elapso termino cum alia contrahere. Ergò, si licitè ille potuit Matrimonium inire cum secunda, cum per ipsum culpabiliter non steterit, quin statuto tempore cum prima nuptiæ fuissent contractæ, supponit Pontifex, quod ipse elapso termino liber omnino remanserit ab obligatione sponsalium. Hinc concluditur, quod, cum terminus præfixus elabatur, omnino cesset obligatio sponsalium ex parte illa, quæ jam parata erat ad nuptias. Sed

Dubit. 3. An, elapso termino in sponsalibus appposito, remaneat libera ab eorum obligatione etià pars, quæ culpabilem apposuit dilationem? *Prima* sententia communior negat, et dicit, remanere liberam tantum partem, per quam non stetit; ità Pont. l. 12 c. 16 n. 4. Laym. c. 2 n. 17. Pal. p. 24 n. 8. Nav. c. 22 n. 27. Con. d. 6 n. 47. Salm. c. 2 n. 55. et Sanch. l. 1. § D. 53 n. 7. cum Palud. Gom. etc. Ratio, quia nemo

debet ex suo crimine commodum reportare. Certum est autem apud omnes cum Pont. l. c. et Sanch. n. 6. quod, si per utramque partem stetit, ne Matrimonium intrà tempus præfixum celebratum esset, ex utraque parte sponsalia solvantur. *Secunda* verò sententia affirmat, quod, elapso termino, utraque pars remaneat libera, etià illa quæ in culpa fuit: sic tenent Ronc. p. 137 q. 3 R. 2 in fine, Conc. p. 273 n. 16. et hanc expressè etià tenet D. Th. in 4 D. 27 q. 2 art. 3 ad 2 ubi ait: *Si per eum stetit, quod Matrimonium non est completum, debet agere pœnitentiam de peccato fractæ promissionis, aut juramenti, et contrahere cum alia, si vult, iudicio Ecclesiæ.* Ratio videtur esse, quia, cum terminus est appositus ad obligationem finiendam, illo elapso cessat obligatio; cum enim terminus sit conditio intrinsecè appositæ contractui, eâ deficiente, esto per culpam unius contrahentis, ipse liber manet; nec obstat, quod tunc ex sua culpa commodum reportet, quia lex contractus non culpam, sed conditionis defectum respicit, ex Reg. jur. in 6 ubi: *Contractus ex conditione legem accipere dignoscitur.* Prima sententia est quidem longe communior, et mihi longe probabilior; sed hæc secunda sua probabilitate non caret, maximè ex auctoritate D. Thomæ.

- 869 « VIII. Solvantur, licet sint jurata, per susceptionem ordinis sacri, vel ingressum alterius in religionem, aut votum eam ingrediendi. Laym. l. c. Bonac. p. 5. Nec obstat, si hic postea ad sæculum redeat, ut docet Sanch. l. 1 d. 24, licet Præp. Fili. et alii putent, talem ex parte sua prioribus sponsalibus tenèri, uti etià ad damna resarcienda sponsæ, si quæ passa esset, undè non posset ingredi religionem, si sponsam deflorasset, nec aliter, quàm per Matrimonium posset resarcire damnum. V. Diana p. 3 t. 4 R. 207. Bon. l. c.

» IX. Probabile est, solvi etià per votum simplex castitatis, ut docent Suar., Azor. alique, cum hoc sit de meliore bono: etsi contrarium doceant Fili. Sanch. Con. et alii, eò quod Deus non acceptet pro-

» missionem rei alteri promissæ, et in alterius præ-
 » judicium. Undè etià in foro externo talis solet
 » compelli, ut vel fidem servet, vel intret Religionem.
 » Interim post tale votum alteri parti datur jus spon-
 » salia solvendi, eò quod vovens resilierit, et cen-
 » seatur juri suo renuntiâsse. Vide Bonacin. pag. 6
 » num. 13. »

Hinc distinguendum inter Professionem Religio-
 sam, susceptionem Ordinum Sacrorum, et Votum
 Religionis, vel Ordinum, vel Castitatis. Et I. Quòd
Professionem Religiosam, dubitatur 1. utrùm per in-
 gressum in Religionem unius Sponsi, solvantur spon-
 salia contracta antè Professionem? Adsunt tres sen-
 tentiæ. *Prima* asserit, per ingressum ex neutra parte
 dissolvi sponsalia, ità Cov. Durand. Armill. etc. apud
 Salm. de Matr. c. 2 n. 19. Ratio, quia sicùt Matrimo-
 nium ratum non per ingressum, sed tantùm per Pro-
 fessionem dissolvitur, ut ex c. 2 de Convers. conjug.
 ità dicendum est etià de sponsalibus; sed hæc sen-
 tentia non videtur satis probabilis. *Secunda* sententia
 communior, cui adhæreo, et quam tenent Laym. c. 2
 n. 2. Spor. num. 148. cum communi ut asserit, Croix
 n. 187. Pal. p. 18 n. 3. Pontius l. 22 c. 10 n. 4. cum
 Reb. et Gabr. Viva q. 2 art. 4 n. 4. cum Con. Perez,
 et Henr. ac Salm. c. 2 n. 21. cum Gonet, Vill. et Led.
 dicit, tunc dissolvi sponsalia tantùm ex parte manen-
 tis in sæculo, tum quia alter ingrediendo Religionem
 censetur cessisse juri suo; tum quia ex ejus parte tunc
 accedit notabilis mutatio, cum dedecori æstimetur
 nubere ei, qui Religionem deseruit; Non autem
 dissolvi ex parte ingredientis, si postea ad sæculum
 redeat; quia per ingressum ipse non redditur inhabi-
 lis ad contrahendum Matrimonium, sicùt redderetur
 per Professionem. *Tertia* sententiâ, quam tenent Bus.
 n. ant. Sanch. l. 1 D. 42 n. 2 et 5. Tol. l. 7 c. 21. Bon.
 p. 5 n. 2 cum Con. Fill. Henr. etc. item Becan. et
 Dic. apud Salm. c. 2 n. 20. dicit, dissolvi sponsalia ex
 parte utriusque. Ratio 1 est, quia sicùt Novitias se
 habet ad Professionem, ità se habent sponsalia ad

Matrimonium ; quemadmodum igitur Matrimonium ratum dissolvitur ex parte utriusque per Professionem , ut declaratur in c. 2 de Convers. Conjug. ita sponsalia per ingressum. Sed huic rationi respondetur , quod tale privilegium ex jure Divino (ut declaratum est ab Ecclesia) concedatur tantum Professioni Religiosæ tamquam statui perfectionis ; sed quod per ingressum sponsalia solvantur , nullo jure habetur : et revera æquum non esset , ut gauderet privilegio concesso statui Religiosæ , qui ab eo viliter retrocedit. Ratio 2 hujus sententiæ est , quia ingressus in Religionem cum animo perseverandi jam solvit votum à voto Religionis , ita ut , si postea egrediatur experiendo Religionem imparem suis viribus esse , jam liber maneat à voto : ergo à fortiori solvit obligationem sponsalium , quæ sunt minoris obligationis voto Religionis. Sed hæc ratio neque suadet , nam vovens idè per ingressum liberatur à voto , quia jam implet suam obligationem , votum enim intelligitur emissum sub conditione , si Religio sibi conveniat : Contra verò Sponsus per ingressum in Religionem nullo modo implet obligationem sponsalium , et idè , si ex illa egreditur , meritò manet eadem obligatione obstrictus. Hinc secunda sententia absolutè probabilior mihi videtur.

Dubit. 2. an , si sponsalia sint juramento firmata , teneatur Sponsus antè ingressum in Religionem Matrimonium celebrare : *Prima* sententia affirmat , et hanc tenent Scot. Nav. et Led. Ap. Pont. l. 12 c. 10 n. 10 ac Rebell. et Vega apud Salm. c. 2 n. 17. Id probant exc. Commissum. 16 de spons. ubi dicitur , tutius esse , quod eo casu Sponsus prius nuptias ineat , et deindè antè consummationem ingrediatur Religionem , si velit ; en verba textus ; *Tutius est ei (Religione juramenti servata) prius contrahere , et postea , si elegerit , ad Religionem migrare.* *Secunda* tamen sententia communissima , et per se loquendo verior , negat eamque tenent Pontius n. 13. Sanch. l. 1 D 43 n. 3. Pal. p. 15 n. 2. Bonac. p. 5 nam. 4. Petrocor. t. 4 p. 279. Viva q. 2 art. 4 n. 5. Sper. n. 246. Holzm. n. 249 et Salm.

c. 2 n. 18 cum Dicast. Ratio, tum quia juramentum semper censetur emissum sub conditione, nisi status perfectior eligatur; tum quia juramentum sequitur naturam contractûs, ex c. Quemadmodum 25 de Jurejurando, ubi dicitur, quod, qui juravit, se cum muliere contracturum, propter supervenientem fornicationem vel deformitatem repellere possit; si ergo sponsalia nuda non obligant ad Matrimonium contrahendum antè ingressum in Religionem; nec etiâ obligant jurata. Rectè autem respondent præfati AA. ad textum oppositum, quod ibi, cum Sponsus non erat certò determinatus ad ingrediendum, sed tantum aspirabat, ut ibi exprimitur, ideo Pontifex, ne ille fieret reus perjurii non ingrediendo Religionem, nec celebrando Matrimonium tempore statuto, dixerit tutius ei esse nuptias contrahere, et deindè, si voluerit, Religionem intrare; undè si sponsus antequàm terminasset tempus præfixum, Religionem ingressus esset, vel deliberatè statuisset ingredi, utique non tenebatur, imò nec poterat Matrimonium sine gravi culpa inire, ut benè advertunt Sanch. l. 7. Spor. l. c. Pont. l. 12 c. 2 n. 2 cum Set. et Bon. p. 5 n. 11 cum Sylv. Con. Gutt. et Rodr. contra Cajet. et Led. quia gravem injuriam irrogasset Sponsæ, eam cogendo per annum suam Professionem expectare. Dixi, *per se loquendo*, nam rectè addunt Bonac. Spor. et Holzman. Il. cc. ac Pont. d. c. 10 n. 13 cum Suar. quod teneretur Sponsus antè ingressum nuptias celebrare, si hoc esset necessarium ad prolem legitimandam, scandalum reparandum, vel honori sponsæ providendum, si alio modo non posset occurrì. Et hoc casu nec etiâ permittitur sponso post celebrationem Matrimonii ingredi Religionem, illudque non consummatum relinquere; nequit enim tunc deserere Uxorem, quæ propter infamiam non posset alias Nuptias invenire, ut rectè notavit Busemb. t. 1 l. 4 num. 65. v. Undè:

II. Per *Susceptionem Ordinum Sacrorum* certum est, etiam dissolvi sponsalia, non autem Matrimonium.

ratum ; ità omnes cum Sanch. l. 1. Dist. 47 num. 1. Pont. l. 1 c. 11 n. 2. Conc. p. 270 n. 6 et aliis passim ; et patet ex Extravag. Antiquo de Voto , ubi dicitur ; *Licet votum solemnizatum per sacri susceptionem Ordinis , quantum ad impediendum Matrimonium , sit efficax reputandum , etc.* Sed dubitatur : utrùm peccet qui Ordines Sacros suscipit , inscia vel invita Sponsa ? *Prima* sententia affirmat , peccare graviter , et hanc tenent Sanch. l. c. n. 3. Pal. p. 19 num. 2. Ronc. p. 137 q. 5 R. 2 et Croix l. 6 p. 3 nu. 200. cum Con. et Perez. Ratio , quia nullo jure concessum est Ordini Sacro sponsalia dirimere , sicut est datum statui Religioso , imò ipsum jus prohibet ordinari in præjudicium alterius , ut habetur ex c. un. de Oblig. ad ratioc. non ordinand. *Secunda* verò sententia non minùs probabilis negat , eamque tenent Pont. l. 12 c. 11 n. 3. Nav. c. 22 n. 25. Con. d. 260 n. 6. Bonac. p. 5 n. 20 cum Gutt. et Cord. Salm. c. 2 nu. 26 cum Aversa , Diana , et Henr. ac Escob. n. 237 cum Soto , Sylv. et Vega. Ratio , quia in promissione sponsalium inhibita semper est conditio , nisi melior status eligatur ; æquum enim non est , ut ad serviendum creaturæ impediatur status Creatori se dicandi. Nec obstat textus oppositus , nam ibi non tam consideratur præjudicium tertii , quàm infamia Ecclesiæ , ut ibidem exprimitur , præterquamquod , in nostro casu nulli inferatur præjudicium ; cum Sponsus utatur jure suo. Idque videtur confirmari ex eadem Extrav. suprà citata , ubi tantum prohibetur suscipere Ordines Sacros post Matrimonium contractum , non autem post sponsalia.

- 173 Dubit. 2. utrùm per susceptionem Ordinum Minorum dissolvantur sponsalia ? *Prima* sententia affirmat , quam tenent Ronc. p. 138 q. 5 R. 1. Spor. num. 256 cum Tanner. et Gob. tum quia talis est mutatio sponsi dum Minoribus initiatur , ut meritò judicetur noluisse Sponsa se obligare ad nuptias cum eo contrahendas ; tum quia censetur sponsus cedere jure suo , cum suscipiat statum qui ordinatur ad Ordines Ma-

jores impossibiles cum Matrimonio. *Secunda* tamen sententia communior et verior negat, et hanc tenent Sanch. l. 1 Dist. 47 n. 3 cum Palao. Wigandt tr. 16 n. 29. Pont. l. 12 c. 11 n. 1. Salm. c. 2 n. 25 et Escob. n. 234. Ratio, quia reverà status Ordinum Minorum per se non est impossibilis cum Matrimonio, cum quis benè possit fieri Clericus conjugatus, ut patet. ex c. 1 et de Cler. conjug.

III. Quoad *Votum* ingrediendi Religionem, vel susci-⁸⁷³piendi Ordines Sacros, vel Castitatis servandæ, certum est 1 quod vovens, se ingressurum Religionem, licitè voveat, et debeat ingredi, nec teneatur stare sponsalibus, si verè vult fieri Religiosus, nam si egreditur, tenetur, ut diximus suprà n. 870. Certum est 2 cum Sanch. l. 1 D 46 n. 5 et D 47 nu. 4. Pont. l. 12 c. 12 n. 4. Ronc. p. 138 q. 5 R 3. 4 et 5. Viva q. 2 art. 4 n. 8. Salm. c. 2 n. 29 et 31 ac aliis passim, quod per hujusmodi tria vota solvantur sponsalia ex parte non vovens, cum meritò judicetur per ipsa vovens sponsalibus renuntiare. Certum est 3, quod, si quis post sponsalia emittit votum non solùm ingrediendi, sed etiàm profitendi Religionem, tunc sponsalia ex parte utriusque dissolvantur; quia vovens tunc fit omninò inhabilis ad Matrimonium contrahendum, ut rectè dicunt Salm. d. n. 29 et Viva d. art. 4 in fine. Sed

Dubit. 1 an per votum servandæ Castitatis, vel susci-
piendi Ordines Sacros solvantur sponsalia etiàm ex parte vovens? Si votum antecedit sponsalia, certum est, ipsa esse irrita, quia ipsorum promissio, cum sit de re illicita, non obligat; dubium igitur est, si subsequatur. *Prima* sententia negat, et hanc tenent Nav. c. 22 n. 27. Laym. c. 2 n. 6. Pal. pag. 20 n. 6. Cabas. t. 1 l. 3 c. 17 n. 20. Ronc. p. 138 q. 5 R 4 et 5. Holz. n. 236. Spor. n. 258. Viva q. 2 art. 4 n. 8 et Sanch. l. 1 D 46 n. 9 et D 47 n. 3 cum S. Anton. Arm. Sylv. Cord. etc. item Tol. Con. Hurt. Fill. Bec. Reb. etc. apud Escob. n. 232 et 235. Ratio, quia Deus non acceptat promissionem rei alteri promissæ, et ab eo acceptatæ, nec ullo jure habetur, quod sponsalia

per hæc vota dirimantur. Neque ob stare ajunt textum in c. Veniens. Qui Clerici vel Vov. ubi casus fuit, quod quædam mulier sponsalia contraxerit cum certo, cujus sævitia ut narrabatur postea deterrita, votum emisit castitatis; quo audito, vir Matrimonium cum alia inivit. Consultus autem Alexander III. respondit: *Mandamus, quatenus*) mulier quæ licentiam nubendi petierat) *si plus non processit, sibi de fide mentita, et voto violato congruam satisfactionem indices, et ei cui vult nubendi in Domino licentiam tribuere non postponas.* Hunc textum Doctores utriusque sententiæ pro se adducunt, sed reverà ille pro neutra parte concludit. Auctores secundæ sententiæ, quos mox recensēbimus ex verbis illis, *de voto violato . . . et licentiam tribuere*, etc. inferunt, prædictum votum validum fuisse, et proindè dispensatione indignuisse; ergò, ut dicunt, per simplex votum castitatis, cum sit validum jam sponsalia dirimuntur. Sed huic rectè respondent Pal. Laym. et Holzm. cum Glossa ib. verb. *Vota violata*, quod hoc nihil aliud probet, nisi quod votum satis esset validum respectu ad nuptias cum alio contrahendas, quas mulier intentabat; et ideò Pontifex ipsam declaraverit ream de voto violato; sed minimè probat, validum fuisse respectu ad virum, cum quo priùs sponsalia contraxerat.

Secunda verò sententia affirmat, et hanc tenent Pont. l. 12 c. 11 n. 3 et c. 12 n. 4. Petrocor. t. 4 p. 280 v. Instabit. Suar. l. 2 de Voto c. 4 n. 15. Conc. p. 270 n. 7 et 9 cum Gonet et Led. Azor. l. 11 c. 21 q. 10 cum Rirh. Ang. et Major. Escob. n. 233 et 237 cum Vasq. Diana, et Bon. p. 5 n. 13 cum Sol. Nald. Gutt. Henr. et Rodr. item Cajet. Turr. Præpos. Lop. Veracr. Manuel, etc. apud Sanch. l. 1 D 46 num. 7. qui vocat probabilissimam, et communiter probabilem vocant, et tutam Salm. c. 2 n. 33. Pal. p. 20 n. 3 et 6. Cabass. l. c. et Laym. n. 7. Eamque absolutè docet D. Th. suppl. q. 53 art. 1 ad 1: *Propter votum simplex sunt sponsalia dirimenda.* Ratio S. Doctoris est, quia ubi duæ concurrunt obligationes, potior est

præferenda. Ratio alia, quam communiùs tradunt, est, quia promissio sponsalium censetur semper facta sub conditione, nisi melior status eligatur. Idque valere dicunt, etiàmsi sponsalia fuerint jurata, quia (ut pluries suprà dictum est) juramentum sequitur naturam contractûs. Et adest etià de hoc Decisio S. C. Conc. apud Pitton. de Matr. n. 2513 edita 5 martii an. 1701, ubi dictum fuit, votum castitatis, aut suscipiendi Sacros Ordines, per electionem melioris statûs irritare sponsalia etià juramento firmata. Nec officere ajunt præfatum textum in cap. Veniens, ubi dicitur *de fide mentita*, ex quo Adversarii arguunt, illicitè mulierem vovisse castitatem per sponsalia contracta; nam probabiliter respondet Pont. l. c. nu. 5. Papam sic dixisse, quia agebatur de foro externo; cum enim votum fuisset secretum, et sponsalia publica, de his quidem constabat, non autem de voto; undè de foro externo meritò censendum erat, fidem fuisse violatam. Item respondent Petroc. et Conc. et fortè meliùs, quod ideò Pontifex sceminam ream dixerit de fide mentita, non quia voverat in præjudicium sponsalium, sed quia in fraudem ipsorum, nempè ut sponsum eluderet, et deindè nuberet alteri per dispensationem voti, quam jam petebat. Utraque sententia est probabilis. Rectè autem inquit Conc. n. 10, quod, si Sponsus votum ederet, ut sponsam eluderet, scilicet petendo dispensationem post votum, ut alteri nuberet, tunc graviter peccaret, et priora sponsalia deberet implere. Item probabilius dicunt Salm. d. n. 33 cum Reb. et Aversa, quod etiàmsi sine animo eludendi sponsus voverit castitatem, si postea obtineat dispensationem voti, non poterit aliam ducere, quia prior obligatio non omninò extinguitur, sed tantùm suspenditur, donec castitas servetur; sed non omninò improbabiler Bon. n. 16 et Sanch. D. 56 n. 8 id negant, quia per votum priora sponsalia omninò solvuntur; undè, cum obligatio illa omninò sit extincta, per dispensationem voti non reviviscit; et huic consentit etià Conc. l. c. quàmvis addat, tenèri

de honestate Sponsum ducere desponsatam , ut scandala , et murmura vitentur.

874 Dubit. 2. ad quid teneatur vir , qui vovit Religionem , Ordines , vel Castitatem , et postea mulierem cognovit sub promissione Matrimonii ? Vide dicta l. 3 n. 649 ubi tenuimus cum Less. Sanch. Lugo , Vasq. Con. etc. (contra Laym. Salm. etc.) quod , si mulier fuerit inscia voti , non obstante voto , ille teneatur ad Matrimonium , sive ejus promissio fuerit vera , sive ficta , et , etiamsi mulier fuerit conscia voti , probabiliter teneatur petere dispensationem. Utrum autem casu , quo mulier fuerit inscia voti , possit Sponsus eam ducere sine dispensatione ? Negant Salm. de Rest. c. 3 n. 3. Lugo de Just. Dist. 12 n. 41 et Pont. l. 6 c. 12 n. 8 quia , cum de facili possit , tenetur utrique obligationi satisfacere. Sed negant Tamb. Dec. l. 5 n. 36 et Spor. de Matr. c. 3 n. 601 item Less. Trull. et Candido apud Salm. l. c. quia tunc cessat , sive omninò suspenditur obligatio voti , cum reverà non possit tunc utrique obligationi satisfieri , et prævaleat (ut diximus) obligatio Matrimonii ineundi. Contracto tamen Matrimonio , eo casu non poterit vir petere debitum ; et ideò rectè subdit Tamb. cum Less. adeoque dispensationem obtinendam esse , ut etià petere valeat.

875 « X. Per *Matrimonium Validum* sponsalia dissol-
» vuntur saltè quòad eum , qui non contraxit ma-
» trimonium ; quòad eum verò , qui contraxit , non
» extingui obligationem , si alter expectet , sed sus-
» pendi , et matrimonio isto soluto , tenèri ad implenda
» sponsalia priora , docet Pont. contra Sanch. qui vult
» omninò dissolvi. Vide Dian. p. 3 t. 4. R. 209. »

Quæritur , an per Matrimonium subsequens omninò dissolvantur sponsalia antecedentia ? Certum est , quod , durante Matrimonio post sponsalia cum alia contrac-
to , cesset illorum obligatio , ex c. Si inter , de spons. et c. 1 de spons. duor. Dubium est , an , illò soluto per mortem conjugis , urgeat obligatio priorum sponsalium ? *Prima* sententia negat , et hanc tenent Bon. p. 2 n. 1. Laym. c. 2 in fine , Wigandt tr. 16 n. 25.

Conc. p. 272 n. 13 (qui huic inclinatur) Escob. n. 241 cum Bec. Fill. Henr. Rodr. Vill. Machad. ac Sanch. l. 1. D. 48 n. 3 cum Palud. Manuel. Gabr. etc. cum S. Bonav. qui sic ait : *Jurantem sponsalia, aliudque ineuntem Matrimonium amplius non obligari*. Ratio, quia obligatio semel extincta numquam reviviscit ex c. Quæris, de Consec. Dist. 4. *Secunda* verò sententia mihi absolutè probabilior affirmat, et hanc tenent Pont. l. 12 c. 13 n. 4. Ronç. p. 138 q. 6. R. 1. Pal. p. 21 n. 4 cum Conc. Led. Adriano etc. ac Salm. c. 2 n. 39 qui, licet contrariam probabilem vocent, hanc tamen veriore putant cum Gonet, Sylv. Leand. Vega, et alii. Ratio, quia nulla jure probatur, quod sponsalia per Matrimonium subsequens omnino irritentur: non jure positivo, quia nullibi hoc habetur: non naturali, quia obligatio sponsalium, durante Matrimonio cum illa persona inito, utique pro illo tunc non obstringit, et ideò suspenditur quidem, sed non extinguitur; prout patet in eo, qui post votum Religionis Matrimonium consummaret, hic enim, mortuo conjugē, teneretur quidem votum adimplere. Nec obstat dicere cum Sanch. quod hoc procedat quando vinculum superveniens est diversæ rationis, non verò si vincula sint ejusdem, ut sunt Matrimonium, et sponsalia; Nam respondetur, nihil referre, quod obligatio subsequens sit ejusdem vel diversæ rationis, semper ac possit primæ obligationi satisfieri; tantummodò attendenda est conditio vinculi subsequentis: si illud est perpetuum, utique extinguitur prima obligatio; si verò est temporale, illa suspenditur donec impleri possit vinculo cessante; prout si quis venderet equum uni, et deindè venderet, et traderet illum alteri, casu quo rediret equus in dominium ipsius, certè teneretur eum tradere primo emptori, ut colligitur ex l. 15. Cod. de Rei vend.

- XI. Si Sponso *nova superveniat hæreditas*, ita ut 8,6
- illi Sponsa jam sit inæqualis, non habet ideò jus
- resiliendi; quia non est deceptus in conditione
- Sponsæ, in qua nulla facta est mutatio. Idem est

» de sponsa, si ipsi hæreditas nova superveniat. Sanch.

» Conc. Regin. Dian. p. 3 t. 4. R. 286. »

Ita cum Busemb. sentiunt communissimè Pal. p. 28 n. 5. Sanch. l. 1. D. 59 n. 7. Conc. p. 276 n. 23. Ronc. p. 139 qu. 8 v. aliqui, et Escob. n. 306 cum Gutt. Sed eoutradicunt Hurt. Trull. Leand. et Ochagav. apud eumd. Escob. n. 304 (qui probabile putat) eò quod in tali casu jam accedat notabilis rerum mutatio. Sed juxtà primam sententiam dicit Croix num. 160 quod, si quis contraxit sponsalia cum una, et postea offeratur ei conjugium cum altera ditioe, non poterit primam relinquere, quia tunc nulla in ea facta est mutatio. Sed si qualitas secundæ Sponsæ esset excedenter melior, ego non auderem Sponsum omninò damnare; si cum illa contrahere vellet; licet enim in hoc casu prioris non mutetur status Sponsæ, si vè sponsalium, tamen (ut communiter dicunt DD.) sponsalia non obligant nisi rebus in eodem statu manentibus; unde sicut non teneretur Sponsus illa exequi cum magno suo damno, ita nec tenèri, alicui videri posset, cum amissione magni lucri; talis enim amissio gravi damno æquiparatur, ex l. un C. de Sent. quæ pro eo etc. juxtà dict. l. 3 n. 301. Et sic invenio, in Vita S. Joannis à Capistrano c. 9 sensisse plures Theologos in hujusmodi casu, quàmvis ipse S. Joannes contrariæ fuerit sententiæ, à qua reverà abscedere nec umquàm ego consulere auderem.

377. Quæritur pro complemento hujus puncti, an dissensus Parentum sit causa solvendi sponsalia? Affirmant Menochius apud Croix n. 101. Et sic etià sentire debent omnes illi, qui dicunt, Trident. sess. 24 c. 1 jam declarasse, quod hujusmodi Matrimonia sine consensu Parentum celebrata, ab Ecclesia sint prohibita, ita enim dicunt Petrocor. t. 4 p. 413. Ronc. p. 269 q. 3 atque Fagnan. Gonet Sayr. et Marchand. apud Episc. Muscettula in sua Dissert. de filiis etc. p. 10 n. 11 qui proinde ex præfato textu (p. 224 n. 330 ib.) infert, dissensum Parentum esse verum impedimentum impediens Matrimonium. Sed communiter id negant

ipse Croix l. c. cum Gab. Sauch. l. c. D. 14 n. 2. Laym. c. 1 n. 14. Holzm. p. 167 et 287, cum communi, ut testatur Elbel p. 368 n. 9. etià cum communi, Spor. n. 202 et Boss. c. 11 n. 106. Hi dicunt, quod sponsalia filiorum ex hoc solo capite, quod sint inita sine consensu Parentum, nequeant irritari, quia eorum consensus non de necessitate, sed tantum de honestate à Jure Canonico requiritur. Excipiunt tamen, nisi magnum scandalum ex tali Matrimonio timeatur, eò quod virtus justitiæ non possit obligare ad actum, qui sine peccato impleri nequit; ità Laym. l. c. v. Enim verò, Nav. c. 16 n. 18. Holzm. n. 167 et 266. ac Sanch. l. c. n. 3. cum Cord. Gutt. et Lop. Et hoc addit Sanch. ib. cum Lob. valere, etià si nulla sit disparitas inter contrahentes. Advertunt tamen ipse Sanch. et Holzm. cautè considerandum esse hoc scandalum, sæpè enim (ut dicunt) minæ, et discordiarum pericula jactantur, quæ postea, teste experientià, ubi nuptiæ contracta sunt, facilè cessant, et animi conciliantur. Sed redeundo ad quæsitum, ego censeo dicendum cum Ronc. p. 140 q. 9 R. 1, qui citat Laym. et Gutt. quod, si Pater injustè dissentiat à tali Matrimonio, filius non possit à sponsalibus recedere, et tàm ipse, quàm Pater peccarent, si vellent ea dissolvere. Secùs verò, si Pater justè contradicat, nempè si Matrimonium vergeret in dedecus Familiæ, tunc enim sponsalia illa non obligant, cum nemo possit obligari ad exequendam rem injustam. Et idem dicunt Laym. et Sanch. l. c. cum aliis communiter, si ex tali Matrimonio magna scandala sint oritura inter propinquos. Posse etià (addit Ronc. R. 2. filium solvere sponsalia, si Pater justè minetur exhæredationem: et ego subdo, etià si injustè, quia omnia sponsalia intelliguntur contrahi (ut diximus n. 863.) sub hac conditione, si non accedat talis mutatio, undè grave sit contrahere Matrimonium. Excipe, nisi hæc exhæredatio jam fuerit prævisa, quia tunc contrahens meritò censetur jure suo cessisse.

« Resp. 2. In supradictis causis, quando manifes- 878

» de sponsa, si ipsi hæreditas nova superveniat. Sanch.

» Conc. Regin. Dian. p. 3 t. 4. R. 286. »

Ità cum Busemb. sentiunt communissimè Pal. p. 28 n. 5. Sanch. l. 1. D. 59 n. 7. Conc. p. 276 n. 23. Ronc. p. 139 qu. 8 v. aliqui, et Escob. n. 306 cum Gutt. Sed eoutradicunt Hurt. Trull. Léand. et Ochagav. apud eumd. Escob. n. 304 (qui probabile putat) eò quod in tali casu jam accedat notabilis rerum mutatio. Sed juxtà primam sententiam dicit Croix num. 160 quod, si quis contraxit sponsalia cum una, et postea offeratur ei conjugium cum altera ditiorè, non poterit primam relinquere, quia tunc nulla in ea facta est mutatio. Sed si qualitas secundæ Sponsæ esset excedenter melior, ego non auderem Sponsum omninò damnare, si cum illa contrahere vellet; licet enim in hoc casu prioris non mutetur status Sponsæ, sive sponsalium, tamen (ut communiter dicunt DD.) sponsalia non obligant nisi rebus in eodem statu manentibus; undè sicut non teneretur Sponsus illa exequi cum magno suo damno, ità nec tenèri, alicui videri posset, cum amissione magni lucri; talis enim amissio gravi damno æquiparatur, ex l. un C. de Sent. quæ pro eo etc. juxtà dict. l. 3 n. 301. Et sic invenio, in Vita S. Joannis à Capistrano c. 9 sensisse plures Theologos in hujusmodi casu, quàmvis ipse S. Joannes contrariæ fuerit sententiæ, à qua reverà abscedere nec umquàm ego consulere auderem.

377. Quæritur pro complemento hujus puncti, an dissensus Parentum sit causa solvendi sponsalia? Affirmant Menochius apud Croix n. 101. Et sic etiàm sentire debent omnes illi, qui dicunt, Trident. sess. 24 c. 1 jam declarasse, quod hujusmodi Matrimonia sine consensu Parentum celebrata, ab Ecclesià sint prohibita, ità enim dicunt Petrocor. t. 4 p. 413. Ronc. p. 269 q. 3 atque Fagnan. Gonet Sayr. et Marchand. apud Episc. Muscettula in sua Dissert. de filiis etc. p. 10 n. 11 qui proinde ex præfato textu (p. 224 n. 330 ib.) infert, dissensum Parentum esse verum impedimentum impediens Matrimonium. Sed communiter id negant

ipse Croix l. c. cum Gab. Sauch. l. c. D. 14 n. 2. Laym. c. 1 n. 14. Holzm. p. 167 et 287, cum communi, ut testatur Elbel p. 368 n. 9. etiã cum communi, Spor. n. 202 et Boss. c. 11 n. 106. Hi dicunt, quod sponsalia filiorum ex hoc solo capite, quod sint inita sine consensu Parentum, nequeant irritari, quia eorum consensus non de necessitate, sed tantum de honestate à Jure Canonico requiritur. Excipiunt tamen, nisi magnum scandalum ex tali Matrimonio timeatur, eò quod virtus justitiæ non possit obligare ad actum, qui sine peccato impleri nequit; ita Laym. l. c. v. Enim verò, Nav. c. 16 n. 18. Holzm. n. 167 et 266. ac Sanch. l. c. n. 3. cum Cord. Gutt. et Lop. Et hoc addit Sanch. ib. cum Lob. valere, etiãsi nulla sit disparitas inter contrahentes. Advertunt tamen ipse Sanch. et Holzm. cautè considerandum esse hoc scandalum, sæpè enim (ut dicunt) minæ, et discordiarum pericula jactantur, quæ postea, teste experientiã, ubi nuptiæ contracta sunt, facilè cessant, et animi conciliantur. Sed redeundo ad quæsitum, ego censeo dicendum cum Ronc. p. 140 q. 9 R. 1, qui citat Laym. et Gutt. quod, si Pater injustè dissentiat à tali Matrimonio, filius non possit à sponsalibus recedere, et tam ipse, quàm Pater peccarent, si vellent ea dissolvere. Secùs verò, si Pater justè contradicat, nempè si Matrimonium vergeret in dedecus Familiæ, tunc enim sponsalia illa non obligant, cum nemo possit obligari ad exequendam rem injustam. Et idem dicunt Laym. et Sanch. l. c. cum aliis communiter, si ex tali Matrimonio magna scandala sint oritura inter propinquos. Posse etiã (addit Ronc. R. 2. filium solvere sponsalia, si Pater justè minetur exhæredationem: et ego subdo, etiã si injustè, quia omnia sponsalia intelliguntur contrahi (ut diximus n. 863.) sub hac conditione, si non accedat talis mutatio, undè grave sit contrahere Matrimonium. Excipe, nisi hæc exhæredatio jam fuerit prævisa, quia tunc contrahens meritò censetur jure suo cessisse.

« Resp. 2. In supradictis causis, quendò manifes- 878

» tæ sent , non requiritur auctoritas Judicis ad dis-
 » solvenda sponsalia , alioqui requiritur. Quod , si
 » sponsus , cognito suo jure resiliendi , nihilominus
 » carnaliter cognoverit sponsam , censetur tacitè suo
 » juri renuntiâsse , et sponsalia ratificâsse , Laym. c.
 » 1 n. 23. »

Dub. 1. An ad sponsalia solvenda semper requira-
 tur auctoritas Judicis ? Resp. Certum est 1 quod , si
 sponsalia sunt publica , et causa publica ac certa ,
 non requiratur auctoritas Judicis , et idem dicendum ,
 si sponsalia sunt occulta , et causa occulta ; ita Sanch.
 l. 1 D. 69. n. 3. Pont. l. 12 c. 18 in fin. Nav. c. 22
 n. 28. Holzm. n. 277. et Pal. p. 31. n. 1. cum Sylv.
 Val. Gutt. et Rebell. Certum est 2 quod , si causa est
 dubia jure , vel facto , omninò requiratur auctoritas
 Judicis , Sanch. n. 8. Holzm. et Palud. cum Gutt. l. c.
 Quandò autem sponsalia sunt publica , et causa oc-
 culta , tunc etiàm requiritur auctoritas Judicis , sed
 non sub culpa gravi , nisi indè grave scandalum ti-
 meatur ; Pontius c. 18 n. 8. Holzm. l. c. Pal. n. 2. cum
 Nav. Lop. et Gutt. ac Sanch. n. 6. cum Sylv. An. et
 Vega. Si verò causa illa non possit coram Judice pro-
 bari , nec etiàm sub levi auctoritas Judicis exigitur ,
 ut ait Sanch. n. 7. cum Palud. et Henr. Casu autem ,
 quo defectus alterius partis jam probari possit , sed
 sit occultus , debet pars innocens alteram commovere ,
 et minari quod manifestatura sit defectum , et , si ipsa
 non acquiescit solutioni sponsalium , licitè poterit de-
 fectum ad judicium deferre ; ut ajunt Laym. c. 2 n. 12.
 Pont. n. 8. Sanch. l. 1 D. 70. n. 2. et Pal. n. 4. Con.
 et Reb.

Dubit. 2. quænam probatio requiratur ad solvenda
 sponsalia ? Distinguendum : Si agitur de probando im-
 pedimento , sive dirimente sive impediante , tam in
 forò interno , quàm externo , sufficit unus testis jura-
 tus , ex c. Super eod. de Test. et Attest. etiàmsi testis
 ille sit criminosus , et non citatus , sed à parte pro-
 ductus ; et etiàmsi clam deponat , et sine manifesta-
 tione sui nominis : ita Sanch. l. 1 D. 71. n. 2. 3. et

4. Holzm. n. 277. Viva q. 2 art. 9 n. 1. Croix n. 215 et 217. Pal. p. 32 n. 3. cum Gutt. et Salm. c. 2 n. 110. cum Aversa, et Goninc. Et hoc, etiãsi sponsalia fuerint jurata, ut veriùs tenent Sanch. num. 8. Salm. n. 111. cum Cov. Gutt. Trull. Aversa, et Gabr. ac Pal. n. 6. (contra Palud et Lop. ib. n. 5.) quia testis oculatus. et juratus magis probat, quàm fama, quæ certè sufficit ad solvenda sponsalia etiã jurata; vide dicenda n. 997. Dub. 2.

Si verò agitur de probanda alia causa, quæ non sit impedimentum, sed tantùm quæ det alteri jus resiliendi, ut deformitas, fornicatio Sponsæ, etc. quòd forum externum requiruntur saltèm duo testes fide digni deponentes sub juramento, ut alii dicunt et communiùs, prout Sanch. n. 7. Pal. n. 8. Laym. c. 2 n. 12. et Salm. n. 114. cum Con. Gutt. Trull. et Gabr. Quia (ut ajunt) in c. Veniens, etc. In omni, de Testib. dicitur, duos testes requiri, ubi agitur de præjudicio tertii. Verùm sufficere unum testem fide dignum dicunt Palud. et Aversa apud Salm. n. 115. (qui cum Trull. horum sententiam probabilem putant), quia durum est compellere virum ad ducendam Sponsam, quam ab aliquo fide digno audit, et prudenter jam suspicari potest fuisse fornicatam. Et reverà hæc sententia satis probabilis mihi videtur; loquendo de fornicatione Sponsæ, cum agatur de vinculo perpetuo Matrimonii, et ideo ob talem suspicionem viri prudenter Judex timere potest, ne infelix exitus ex hoc conjugio proveniat. Et huic sententiæ reipsa expressè consentiunt ipsi Laym. et Pal. ll. cq. dum ajunt, quod, stante probabili timore infelicis exitus, licitè possit vir à sponsalibus recedere. Quòd forum autem internum; conveniunt DD. cum Sanch. l. 1 D. 73. n. 2. Pal. n. 8. Croix n. 215. cum Gobat. et Salm. n. 108. cum Con. Aversa, et Dic. sufficere ad solvenda sponsalia unum testem fide dignum, minimè de mendacio suspectum, et testantem de certà scientiã; vel etiã opinionem probabilem de causa sufficienti ad solutionem, ut idem Sanch. lib. 1 D. 69. n. 9. Croix n. 217.

et Viva q. 2 art. 9 n. 1. Hinc subdunt Viva, et Sanch. cum Lopez ib. quod, si vir doctus affirmet, causam esse sufficientem, licite poterit pars innocens resilire.

CAPUT II.

DE MATRIMONIO SECUNDUM SE.

DUBIUM I.

Quid sit, quæ ejus Materia, Forma, et Minister :

879 *Quid sit Matrimonium? Et in quo consistat ejus essentia?*

880 *Quæ sit Materia Sacramenti Matrimonii?*

881 *Ob quem finem liceat nubere?*

882 *Distinguuntur tres fines. Dub. 1. An liceat nubere principaliter in remedium concupiscentiæ?*

885 *Dub. 2. An ob fines extrinsecos?*

884 *Quomodo peccent contrahentes in mortali?*

885 *Quæ requirantur ad contrahendum Matrimonium per Procuratorem?*

886 *Quid, si, qui dedit mandatum sine animo contrahendi, antequam Matrimonium contrahatur mandatum ratificaverit?*

887 *Qualis consensus sufficiat ad contrahendum? Quid, si quis fictè contrahit? An verba sint necessaria ad valorem?*

888 *An sint necessaria de præcepto?*

889 *An sufficiat ad contrahendam donatio annuli, vel traductio Sponsæ?*

890 *An sufficiat consensus conditionatus?*

891 *Quid, si conditio est necessaria, aut turpis contra substantiam Matrimonii?*

892 *Quid, si apponatur conditio, si Pater consenserit? Dub. 1. Quid, si pater taceat?*

893 *Dub. 2. Quid, si pater primò dissentit, et postea consentit?*

894 *Dub. 5. Quid, si tempore conditionis pater erat mortuus?*

895 *An, impleta conditione, requiratur novus consensus?*

896 *In quo differat conditio à Demonstratione, Causa, Modo, et Die.*

897 *DISSERTATIO de Ministro, et Forma Matrimonii.*

898 *Solvuntur objectiones.*

899 *Illationes ex nostra sententia.*

879 **R**ESPOND. Est Sacramentum inter baptizatos, quo
» vir, et mulier sibi mutuo legitime corpora sua

tradunt ad perpetuam vitæ societatem, usum pro-
 lis suscipiendæ, et remedium concupiscentiæ Ma-
 teria ex qua, et proxima, est mutuos consensus
 externis signis expressus, quatenus habet rationem
 traditionis. Forma autem est idem consensus, qua-
 tenus habet rationem acceptationis. Suar. tr. 3 d. 2
 s. 1 art. 1. Sanch. Vasq. Minister non est Sacerdos,
 sed ipsi contrahentes, quia hi ponunt materiam,
 et formam. Porro Matrimonium dicitur ratum,
 quando contractus est factus, etsi non sit secuta
 copula carnalis; consummatum verò dicitur, quan-
 do ea secuta est.

Matrimonium dicitur à *Matris munere*, ut ait D. Thom. sive ut *Mater fiat*, ut D. August. Antè Christi adventum Matrimonium tantum habebat vim contrac-
 tus, sed à Christo fuit postea evectum ad rationem Sacramenti. De Fide autem est, Matrimonium esse Sa-
 cramentum, ut definivit Tridentinum sess. 24 c. 1 ex illo Apostoli (Ad Ephes. 5.): *Sacramentum hoc magnum est; ego autem dico in Christo, et Ecclesia*. Undè Matrimonium, ut Sacramentum, significat conjunc-
 tionem spirituales inter Christum, et Ecclesiam.

In Matrimonio, ut habente rationem tam contrac-
 tus, quam Sacramenti, tria considerantur, nempe ratio contractus, vinculum perpetuum animorum cum obligatione reddendi debitum, et copula carnalis. Hoc verò tertium, licet alia duo ad ipsum ordinem dicant, tamen non est essentialis pars Matrimonii, nam sine copula Matrimonium bene consistere potest. Essentia igitur Matrimonii, in ratione Sacramenti consistit in contractu inito per mutuum consensum, quia Sacramentum, cum contractus perficitur, tum Gratiâ producit. In ratione verò Matrimonii propriè dicti, ejus essentia consistit in vinculo conjugali, quod numquam per se solvi potest.

Quæritur, quæ sit Materia, et Forma, et qui Minis-
 ter Sacramenti Matrimonii? Communis est sententia,
 Ministros hujus Sacramenti esse ipsos contrahentes,
 et Formam ipsorum verba consensum exprimentia, ut

probabimus in brevi Dissertatione, quam afferemus in fine hujus dubii ex n. 897. Quoad verò Materiam, magis DD. discepan; sex sententias enumerat Sanch. de Matr. l. 2. 5. septem Pont. eod. tit. l. 1 c. 7. Duæ tamen sunt plus receptæ. *Prima*, quam tenent Busem. ut suprâ; et Sanch. l. c. n. 6. Salm. tract. 9 c. 3 n. 63. Ronc. p. 143 q. 4 R. 1. et alii plurimi apud ipsos, dicit; verba sponsorum, quatenus exprimunt traditionem corporum, sunt materia; quatenus verò exprimunt acceptionem, sunt Forma. *Secunda* autem sententia, cui magis adhæreo, et quam tradunt S. Antonin. 3 p. tit. 1 c. 2 antè §. Petroc. t. 4 p. 303 q. 2. Frassen. t. 12 p. 139. Concl. 1. Abelly p. 200 q. 1. Holzm. t. 2 p. 321 n. 316. Laym. de Matr. c. 2 n. 3, cum Palud. et P. Soto, ac Pont. lib. 1 c. 7, cum S. Bon. Gerson. Vasq. Adrian. Com. et aliis, dicit, Materiam remotam hujus Sacramenti esse corpora contrahentium in mutuo tradenda. sive jus mutuum in corpus alterius; Materiam proximam esse ipsam traditionem juris in corpora, factam per verba seu signa consensum exprimentia; Formam verò esse mutuam acceptionem verbis aut signis expressam. De Forma infra loquamar, ut diximus suprâ. Quod autem Materia remota sint corpora contrahentium, et proxima sit ipsa mutua corporum traditio, sic probatur. Hoc Sacramentum juxta communem sententiam habet rationem contractus, sicut igitur in aliis contractibus res sunt materia remota, consensus expressus per verba est forma, et traditio rei est materia proxima contractus, nempe applicatio formæ ad materiam remotam; ita in Matrimonio, corpora (sive jus in corpora), sunt materia remota: consensus expressus per verba, est forma: ipsa autem traditio juris in corpora, est materia proxima, quæ fit per applicationem formæ ad materiam remotam, nempe ad jus, quod transfertur. Contractus autem Matrimonii ad Sacramenti rationem elevatus id habet speciale, quod ad hoc, ut transferatur dominium juris in corpora contrahentium, non requiratur realis traditio rei, ut exigitur in aliis contractibus,

sed sufficiat sola voluntas externè expressa, ut docent S. Ambrosius de Insit. Virg. c. 6, ubi : *Non defloratio virginitatis facit conjugium, sed passio conjugalis.* Et S. Joannes Chrysost. Hom. 32, in Matthæum : *Matrimonium non facit coitus, sed voluntas.*

Undè resolves.

- 1. Validè, et licitè contrahi potest cum pacto con-⁸⁸¹
 - » tinentiæ, sine intentione prolis, et remedii concu-
 - » piscentiæ. Ratio est, quia non pugnat cum essentia
 - » Matrimonii. Et patet exemplo Beatæ Virginis, et
 - » Sancti Josephi.
 - » 2. Non videtur licitum contrahere tantum prop-
 - » ter voluptatem carnis, vel vanitatem : quia finis
 - » debet esse saltè honestus. Nav. c. 22 n. 79. Sanchi:
 - » l. 2 d. 29 q. 3.
 - » 3. Licitè contrahitur in remedium concupiscen-
 - » tiæ, nihil aliud intendendo, modò proles positivè
 - » non impediatur : hoc enim sub mortali non licet.
 - » Con. d. 25 d. 2 n. 16. Pont. l. 1 c. 21. Hurt. Perez
 - » d. 18 s. 7 n. 6 ex 1. Cor. 7. Hinc etiàm conjuges
 - » possunt abstinere ab usu conjugii, et optare, ne
 - » plures accipiant liberos, quàm possint alere, dum-
 - » modò, ut dixi, positivè non impediunt, nec abortum
 - » procurent. Perez l. c. Bon. q. 4 p. 1 n. 12. Nav. c.
 - » 16 etc.
 - » 4. Licitè etiàm contrahitur ob fines honestos ex-
 - » trinsecos, fini intrinseco Sacramenti (qui est mutua
 - » animorum conjunctio et conjugum sanctificatio),
 - » non contrarios, v. gr. ad pacem inter regna, vel
 - » illustres familias componendam, vel splendorem
 - » familiæ conservandum. Ità contra Sanch. et Sylv.
 - » docent Præp. Pont. Gasp. Hurt. Dian. p. 3 t. 4. R.
 - » 219. V. Per. dit. 18 s. 6 n. 7 ubi cum Dian. l. c. etiàm
 - » permittit, ob divitias, et nobilitatem.
 - » 5. Validè sed illicitè contrahitur cum intentione
 - » negandi debitum, vitandi prolem, vel etiàm non
 - » educandi, moechandi, etc. nisi tamen talis intentio
 - » in pactum deducatur. idest nisi adjiciatur tamquam

» conditio obligans ad aliquid contrarium essentiae
 » matrimonii. Undè invalidè contrahit, qui vinculum
 » matrimonii vult tantùm durare per annum, vel re-
 » servat sibi potestatem adulterandi, vel non red-
 » dendi debitum debitè exigenti. V. Perez s. 6 etc, l. c.

882 Tres fines in Matrimonio considerari possunt, fines
 intrinseci essentielles, intrinseci accidentales, et fines
 accidentales extrinseci. Fines *intrinseci essentielles* sunt
 duo, traditio mutua cum obligatione reddendi debi-
 tum, et vinculum indissolubile. Fines *intrinseci acci-*
dentales pariter sunt duo, procreatio prolis, et reme-
 dium concupiscentiae. Fines autem *accidentales ex-*
trinseci plurimi esse possunt, ut pax concilianda,
 voluptas captanda, etc. His positis certum est 1.
 quod, si quis contraheret, positivè excludendo fines
 intrinsecos substantiales Matrimonii, nempe animo
 non reddendi debitum, vel contrahendi ad tempus,
 non solùm peccaret, sed nullum iniret Matrimonium;
 ità communiter omnes cum D. Th. in 4. D. 31 q. 1 art.
 3. Certum est 2. quod, si quis excluderet duos fines in-
 trinsecos accidentales, non solùm validè, sed etiàm
 licitè posset quandoque contrahere, proùt si esset
 senex, et nuberet sine spe procreandi prolem, nec
 intenderet remedium concupiscentiae; sufficit enim,
 quòd salventur fines substantiales, ut suprà; et sic con-
 traxerunt B. Virgo cum S. Joseph, qui utique non in-
 tenderunt procreationem prolis, nec remedium con-
 cupiscentiae, et tamen validum quidem et licitum
 conjugium inierunt, ex Matth. c. 1 v. 20 ubi: *Noli ti-*
mere accipere Mariam conjugem tuam.

Dubitatur 1. An venialiter peccet, qui nubit prin-
 cipaliter ob remedium concupiscentiae? *Prima* senten-
 tia affirmat et hanc tenet S. Th. Suppl. q. 49 art. 5
 ad 2, quem sequuntur Nav. c. 22 n. 9. Natal. Alex. a.
 3 reg. 3. Conc. t. 10 de Matr. pag. 393 n. 5 Bos. c. 10
 n. 263 cum Sylv. Henr. et Led. ac Sanch. l. 1. D. 29
 n. 26. Id probant ex auctoritate plurimorum SS. Pa-
 trum. Item probant ratione, quia, licet remedium
 concupiscentiae sit etiàm finis honestus Matrimonii,

finis tamen primarius est procreatio prolis ; undè contra rationis ordinem est, quòd finis secundarius præ primario eligatur. *Secunda* verò sententia non minus communis, nec minùs probabilis, negat, hunc ullo modo peccare, modò contrahens non excludat finem procreandæ prolis ; ità tenent Palaus p. 10 n. 3. Ronc. p. 144 q. 2. R. 2. Croix l. 6 pag. 3 n. 236. Holzm. n. 180. Boss. t. 2 c. 7 n. 43. Salm. c. 3 n. 28 cum Con. et Dic. Pont. l. 1 c. 21 n. 4 cum P. Soto, Gabr. Almain. Cov. etc. item Caj. Major, Durand. Ricch. Palac. Sa, Med. Philarch. Angles, Perez, Ugolin etc. apud Sanch. l. 9. D. 9 n. 3. Et id, quod dicunt de Sponsis, idem asserunt de Conjugibus, qui copulam habent principaliter ad concupiscentiam sedandam Ràtio hujus sententiæ est, quia Matrimonium est à Deo institutum non solùm ad prolem procreandam, sed etiàm in remedium concupiscentiæ, ut probatur ex Apost. 1. ad Cor. c. 7 v. 2, ubi : *Propter fornicationem autem unusquisque uxorem suam habeat, et unaquæque suum virum habeat.* Huic tamen textui respondet S. Th. sup. q. 49 a. 5 ad 2 sic dicens : *Si aliquis per actum Matrimonii intendat vitare fornicationem in Coniuge, non est aliquod peccatum, quia hæc est quædam redditio debiti... sed si intendat vitare fornicationem in se, sic est ibi aliqua infirmitas ; et secundum hoc est peccatum veniale ; nec ad hoc est Matrimonium institutum nisi secundum indulgentiam, quæ est de peccatis venialibus.* Sed venià tanti Doctoris (cujus sententiis universè obsequi in cæteris ego studui) magis propria videtur interpretatio S. Joannis Chrysostomi, cujus verba mox infrà asseram, et quem sunt secuti Estius, Salmeron, et Cornelius, nempe quod illud *propter fornicationem*, non intelligatur de vitanda fornicatione Conjugis, sed propria : Idque videtur patere ex contextu ejusdem Apostoli in dicto c. 7, v. 1 et 2, ubi dicitur : *Bonum est, hominem mulierem non tangere : propter fornicationem autem unusquisque suam uxorem habeat, et unaquæque suum virum habeat.* En, quomodò Apostolus viris consilium præbeat, ut abstineant à tactu mulierum ; si verò ipsi in periculo sint incontinentiæ, ne

incidant in fornicationem , remedium non solum permittit , sed suadet , dicendo , *unusquisque suam uxorem habeat*. Et quàmvis addat : *Hoc autem dico secundum indulgentiam , non secundum imperium*. Id tamen profert pro iis , qui non sunt incontinentes , quibus tantum permittit nubere , sed suadet à nuptiis abstinere , dum ait : *Dico autem non nuptis et viduis , bonum est illis si sic permaneant , sicut et ego*. Neque hic *indulgentia* importat permissionem culpæ venialis , verius enim (ut ait Pont. cum Estio , Salm. et Corn.) indulgere non est veniam dare ad leviter peccandum , sed permittere ut licitum. Cum autem D. Paulus sermonem revocat ad eos , qui sunt in periculo incontinentiæ , non solum permittit , sed etiam ipsos ad nubendum absolute hortatur , dicens (vers. 9) : *Quod si non se continent , nubant ; melius est enim nubere , quàm uri*. To enim *nubant* verius hortationem , quàm permissionem , importat. Id benè confirmatur ab eo quod dicit Apostolus eodem loco (1. Cor. 7. 5) ubi loquens de Conjugibus scribit : *Nolite fraudare invicem ; nisi fortè ex consensu ad tempus , ut vacetis orationi ; et iterum revertimini in idipsum , ne tentet vos Satanas propter incontinentiam vestram*. Si licet ergò Conjugibus debitum petere , tantum ad vitandam incontinentiam , licebit etiam ob eundem finem Matrimonium inire. Hinc S. Joannes Chrysostomus explicans textum Apostoli , inquit , unam ex causis . cur Deus instituerit Matrimonium , esse , ut vitetur incontinentia , en ejus verba : *Quæ igitur fuit causa conjugii ? Et cur illud datum est divinitus ? Audi Paulum dicentem : Ad vitandas scortationes quisque suam uxorem habeat etc Ut scortationem vitemus , ut modere-*
mus concupiscentiam , contenti uxore propria , hoc nobis affert conjugium , hic ejus fructus ; hoc inde lucrum est , in hoc quærendæ nuptiæ , ut ad vitam pudicè degendam nos adjuvent. Ità S. Doctor Hom. 9 t. 6 col. 19. Ad auctoritates SS. Patrum , quæ opponuntur , respondet Auctor Petrocorens. t. 1 p. 142 v. Sed quia ; quod idè Patres Conjuges damnent , quia eos libi-

dinis impetum sequi supponunt. Ad rationem autem contrariæ sententiæ, nempe quod sit deordinatio eligere finem secundarium præ primario; Respondetur, quod deordinatio quidem esset, si ordinaretur finis primarius ad secundarium, sed non, si ex duobus finibus licitis secundarius præ primario eligatur, Hujusmodi tamen fines intrinseci accidentales vel procreandæ prolis, vel vitandæ incontinentiæ, ut honesti sint, oportet, ut referantur ad Deum, si non actualiter, saltèm virtualiter, et habitualiter, ut communiter tradunt Sanch. l. 8 D. g. n. 3. Pont. l. 10 c. 8 n. 2. et Boss. t. 2 c. 7 n. 17. cum Reg. Vill. Fill. etc.

Dubit. 2. An sit licitum contrahere Matrimonium principaliter ob fines accidentales extrinsecos, nempe ob voluptatem captandam, pacem familiarum conciliandum, et similia? *Prima* sententia affirmat, et hanc tenent Pont. l. 1 c. 21 n. 13. Pal. p. 10 n. 3 et Salm. c. 3 n. 30 cum Cajet. Con. et Gabr. ac probabilem putat Sporer n. 298 cum Tamb. modò non excludatur finis debitus intrinsecus, ut suprà. Ratio, quia semper ac finis debitus retinetur, non est illicitum nuptias ad fines indifferentes ordinare; tunc enim finis (v. g. voluptatis) non est principalis, sed tantùm impellens ad contrahendum Matrimonium, quo jam cohonestatur voluptas. *Secunda* sententia negat, et hanc tenent D. Th. in 4 D. 31 q. 2 art. 3. Sporer n. 297. Tamb. tr. 4 c. 2 § 3 n. 11. Ronc. p. 144 q. 2 R. 2 in fine, et Sanch. l. 6 D. 11 n. 4 citans S. August. et S. Anselm. Ratio, quia non potest esse immune ab aliqua deordinatione, velle ordinare rem sacram ad profanam, et Matrimonium contrahere ob fines alienos ab illis, per quos nuptiæ sunt licitæ. Ego puto distinguendum: si finis sit per se honestus, nimirùm pax populi, amor inter consanguineos, honoris familiæ conservatio, sanitatis tuendæ, et similia, tunc puto dicendum cum Busemb. ut suprà n. 4. Pont. l. c. Con. D. 25 dub. 1 n. 14 et Pal. d. n. 3 (qui id habet ut certum, contra Sanch.) licitè Matrimonium contrahi, quia hæc non est deordinatio, ut mox suprà diximus, eligere aliquem ex finibus secundariis ho-

nestis præ fine primario, modo iste non excludatur. Secus verò, si finis non sit honestus, nempe si sit voluptatis, vel cupiditatis divitiarum, aut vani honoris, ut tenent Busemb. n. 2 cum Nav. et Sanch. et Viva q. 3 ar. 2 n. 4 cum communi.

354 « 6. Contrahentes, ut non peccent, debent esse in
 » gratia, etià tunc, quandò per procuratorem con-
 » trahunt: quia verum Sacramentum suscipiunt, li-
 » cet dormiant. Secus est de procuratore, per quem
 » contrahunt, uti et de Sacerdote copulante; quia
 » nec suscipit, nec administrat Sacramentum, sed
 » tantum ut testis assistit. Card. de Lugo de Sacram.
 » dub. 8 s. 9 n. 155. * (Ità Salm. c. 3 num. 89 cum
 » Sanch. et communi. *Peccaret autem mandans, si
 » tunc esset in mortali, eodem modo ac si per se con-
 » traheret; Rõnc. p. 143 q. 6 et Bon. p. 5 n. 12 cum
 » Reb. Con. Gutt. etc. Et peccaret quidem duplici pec-
 » cato sacrilegii: primò quia indignè susciperet Sacramen-
 » tum: Secundò quia indignè ministraret, ut dicemus n.
 » 897 et seq. Sed hoc ultimum probabiliter non est mor-
 » tale, juxta dicta de Sacr. in gen. num. 32 cum Sponsi
 » non sint Ministri ad tale Sacram. consecrati.) **

365 Notandum hic, quod, ut Procurator contrahat Matrimonium nomine alterius, plura requirantur; scilicet I. Speciale mandatum; ad quod tamen non requiritur scriptura, sed sufficit, si detur ore tenus, ut dicunt Sanch. l. 2 D. 11 num. 5 et 14. Salm. cap. 3 n. 97 in fin. et Pal. part. 9 n. 2 cum Gutt. et Perez. Nec requiritur diversitas sexus, undè benè hoc officium gerere possunt, duo mares, vel duæ feminae, ut Sanch. n. 15 et Pal. ibid. cum Guttier. II. Ut mandatum sit de contrahendo cum determinata persona; vide Salm. l. c. III. Ut Procurator per se contrahat; non potest enim ipse alium delegare, nisi habeat expressam et specialem à mandante licentiam. Et hæc tria habentur expressè in c. final. de Procurat. in 6. IV. Ut mandatum non sit revocatum (nec etià mentaliter) à mandante, antequàm Matrimonium celebretur; Sanch. n. 6. Pal. n. 2 et Salm. n. 98 cum Pont.

et Bonac. Et hoc currit, etiãsi revocatio fiat tacitè, nempe si quis mandatum dederit contrahendi cum una, et postea celebret sponsalia cum alia; Sanch. num. 10 et Pal. d. num. 2 cum Covarruv. Con. et Gutt. V. Ut Procurator ostendat mandatum Parocho et testibus, et coram eis contrahat Matrimonium, juxta formam Tridentini. Non requiritur autem, ut coram eisdem tradatur mandatum procuratoris ex parte mandantis; Sanch. n. 23 et Salm. n. 102 cum Pontio, Bon. etc. VI. Ut procurator limites mandati non excedat. In hoc tamen advertendum, quod, si conditio sit requisita à mandante, scilicet ut contrahatur cum tali dote, tali tempore, etc. si non servatur conditio, Matrimonium sit futurum nullum; Sanch. n. 17. Ronc. p. 143 q. 6 et Con. D. 24 dub. 9 nu. 67. Si verò conditio sit requisita à jure, nempe ut contrahatur præmissis Denunciationibus, obtentâ licentia Episcopi, etc. tunc validum erit Matrimonium sine ipsis iinitum, ut communiter dicunt Bonac. p. 5 n. 9. Sanch. n. 18. Nav. c. 27 n. 78 et Salm. nu. 101 cum Pal. Trull. Reg. Diana, etc. Quia Matrimonium sine illis per se est validum, quàmvis illicitum: ergò sic etiã, cum celebratur per Procuratorem; talis enim forma apponitur ad ritè faciendum actum, sed non ut conditio, sine qua mandatum sit invalidum.

Quæritur hinc, an, si quis dedit mandatum sine animo contrahendi, sed antè celebrationem Matrimonii mandatum ratificavit, tunc validè Matrimonium contrahatur? Negant Pal. p. 9 num. 2 et Coninck D. 24 dub. 9 n. 72 quia mandatum illud; deficiente animo contrahendi, fuit nullum, et ideò non potuit solo consensu revalidari, sed oportet, ut denuò consensu expresso constituatur. Sed affirmant Sanch. lib. 2 D. 11 n. 13. Bonac. part. 5 n. 6. Roncag. p. 143 q. 6 et Salm. c. 3 n. 104 cum Trull. Ratio, quia procurator ideò validè contrahit, in quantum suis verbis significat voluntatem non jam præteritam, sed præsentem mandantis; sufficit igitur, quòd tempore, quo contrahit, adsit voluntas mandantis, ut valeat actus. Hæc videtur probabilior, sed primam non censeo im-

probabilem. In talibus autem nuptiis Parochus interrogare debet procuratorem : *Vis in uxorem Luciam nomine NN?* Et foeminam : *Vis in maritum Franciscum , mediante præsenti suo procuratore ?* Vide Salmian. n. 107. Matrimonium autem per Epistolam contrahitur , quandò unus , e. g. Sponsus scribit ad Sponsam , se illi tradere in maritum , et ex tunc eam acceptare in uxorem ; et Sponsa idem rescribit viro , et uterque postea epistolas legit coram Parocho , et testibus. Sed quandò vir scribit foeminæ , se illi in virum tradere , et acceptare illius consensum ex tunc , quo illa præstiterit , tunc , licet foemina non rescribat , sufficit , quod Matrimonium contrahatur , si foemina coram Parocho et testibus litteras aperiat , et consensum præstet ; ita Sanch. l. 2 D. 12 n. 3. Salm. c. 3 n. 108 cum Diana , et Vill. ac Pal. p. 9 n. 11 cum Nav. Mol. Con. Henr. et Gurt.

« 7. Conjux habet potestatem in alterius corpus ,
» sed non ad exercendam libidinem generationi ad-
» versantem :

887 » 8. Requiritur consensus de præsenti , verbo , scrip-
» to , aut nutibus expressus. Sufficit tamen exprimere
» per aliam , ut si parentes pro filiis contrahant , his
» tacentibus. Vide Dian. p. 3 t. 4 R. 272. * (*Id quod*
» *dictum est de sponsalibus filiorum , quæ ipsis tacen-*
» *tibus à parentibus contrahuntur (vide ex n. 838.)*
» *idem dicitur de ipsorum Matrimonio tali modo inito.*
» Vide Salm. c. 6 n. 61 cum D. Thom. Sanch. Bonac.
» Con. etc.) * Sufficit etiàm si alterius consensui
» præcedenti , et non revocato , alterius accedat.
» undè si quis coram Parocho non verè consenserit ,
» satisfacit consentendo postea. » Vide Dian. l. c.
R. 292. * (*Vir autem fictè Matrimonium contrahens te-*
» *netur ducere , ut docent Lugo de Just D. 12 nu. 48 et*
» *Croix l. 6 part. 3 nu. 257 cum Sanch. lib. 1 Dub. 11*
» *etiàm si adsit disparitas , quæ (ut ait Lugo rarè excu-*
» *sat. Exipitur tantum 1. Si fraus mulieris intercesserit ,*
» *ut declaravit S. C. Vide P. Zach. apud Croix l. c. Ex-*
» *cipitur 2. Si nullum damnum sit puellæ obventurum , ut*

ajunt Sanch. l. c. n. 5 et Croix dicto n. 258 cum Palab, et Krimer.) *

Certum est apud omnes (exceptis paucis, quos refert Boss. c. 3n. 41), ad contrahendum validè Matrimonium verba non esse necessaria, ut docent D. Th. in 4 D. 27 q. 1 art. 2 qu. 2 ad 2 et 3. Bellarm. de Matr. c. 8. Sanch. l. 2 D. 31 n. 5. Roncag. p. 144 qu. 1 et Boss. n. 44 cum Panorm. Nav. Cov. et alii passim. Probatur ex c. 23 de Sponsal. ubi muti et surdi validè quidem nubent; et ex c. un. § Fin. de Despons. inpub. in 6 ubi dicitur, ad Matrimonium filiæ sufficere consensum Parentum si ipsa taceat; item ex c. Is qui fidem de Sponsal. ubi olim Sponsalia per copulam in Matrimonium transibant. Ex quibus Canonibus inferitur, verba non esse necessaria, cum ibi sufficiat ad contrahendum consensus signis tantum expressus, et etià præsumptus. Clariùs id probatur ex c. Tuæ fraternitati 25 de Spons. ubi ad quæsitum: *Utrum ex solis verbis Matrimonium contrahatur?* Innocentius III sic respondit: *Matrimonium in veritate contrahitur per legitimum viri et mulieris consensum, sed necessaria sunt, quantum ad Ecclesiam, verba consensum exprimentia de presenti; nam surdi et muti possunt contrahere Matrimonium per consensum sine verbis.*

An autem verba sint necessaria de præcepto? Alii⁸⁸⁸ affirmant, ut Aversa, Cornejo, et Rodrig. apud Salm. c. 6 n. 52. Et probant ex verbis mox suprà relatis (in cit. c. Tuæ fraternitati): Sunt necessaria, *quantum ad Ecclesiam, verba, etc.* Et ideò sentiunt, peccare graviter Sponsos, qui siguis tantum consensum exprimunt, cum possint verbis. Alii autem negant, verba esse de præcepto: ità Pontius l. 2. c. 7 n. 14. Pal. p. 7 n. 5. Viva qu. 4 art. 2 n. 1 et Diana p. 3 tr. 4. R. 248. Quia (ut ajunt) nullibi patet, tale adesse præceptum. Respondent ad præfatum textum, Pontificem ibi minimè intendisse excludere alia signa consensum exprimentia, et dixisse necessaria esse verba, *quantum ad Ecclesiam*, non quòad substantiam actûs, sed quòad faciliorem conjugii probationem. Et sic sentit etià Glossa

ib. v. Verba, dicens : *Non contrahitur sine verbis ; vel per aliquod aliud , per quod intelliguntur consentire.* Ac idè ait Pontius , Tridentinum sess. 24 c. 1 nihil aliud requirere , nisi quod *Parochus , viro et muliere interrogatis , et eorum mutuo consensu intellecto , dicat , Ego vos conjungo , etc* Alii verò probabiliùs dicunt , verba requiri , sed tantùm sub culpa veniali , ità Sanch. l. 2. D. 31 n. 10. Ronc. p. 144 q. 1. R. 2 et Boss. c. 3 n. 48 cum Con. Fill. et Henr. quia aliàs ageretur contra consuetudinem Ecclesiæ. Sed à tali culpa benè excusaret verecundia , aut alia rationabilis causa.

829 Certum est, quod donatio annuli, vel traductio Sponsæ in domum Sponsi de se non sint signa sufficientia ad contrahendum Matrimonium, nisi hæc ex consuetudine loci habeant, quòd consensum significant ; ità communiter Sanch. l. 1. D. 22 n. 1 et 3. Pon. l. 2 c. 11 n. 2 et Salm. c. 6 n. 60 et alii passim. Sufficiens verò est signum , si virò exprimenti consensum fœmina manum porrigat , ut communiter AA. citati. An autem sufficiat , si manum non retrahat à viro manum porrigente ? Pariter affirmant Pon. n. 8 et Viva q. 4 art. 1 n. 1. Sed veriùs huic contradicit Sanch. l. c. n. 6 exc. 1 de Spons. duor. ubi sic dicitur : *Fides autem consensus est , quandò , etsi non stringit manum , corde tamen et ore consentit ducere.* Undè non sufficit ad contrahendum , quod alter manum non retrahat , quandò fides datur , sed insuper requiritur , ut ille ore consensum exprimat ; ità etiàm Glossa v. stringit.

830 » Quær. , an sufficiat consensus conditionatus ?

» Resp. 1. Sufficit conditionatus , sub conditione de præterito , vel præsentis , stante conditione : quia » tunc contractus non suspenditur * (*Et hoc currit etiam si conditio esset turpis , scilicet : Te volo , si » fornicasti ; si odio habes inimicum meum , Tunc » enim , non verificatâ conditione , Matrimonium est » nullum , quia omninò ibi deest consensus.*) *

» Resp. 2. Sufficit sub conditione necessaria de futuro , dummodò contrahentes non intendunt suspendere tantisper consensum , v. gr. *duco te , si cras*

» *sol orietur*. Item sub conditione de futuro impos-
 » sibili, v. g. *Si cælum tetigeris*; vel de futuro turpi,
 » modò non repugnet substantiæ matrimonii, et con-
 » sensus sit absolutus, v. g. *si patrem occideris*. Ratio
 » est, quia tales conditiones habentur pro non ad-
 » jectis. Sanch. l. 5. dub. 15. Mol. Fill. Less. l. 2 c.
 » 18. dub. 15. Laym. Bonac. »

» Resp. 3. Non sufficit sub conditione de futuro,
 » quæ sit contrà substantiam obligationis matrimo-
 » nialis, v. g. si prolis generationem impedire velis
 » maleficio, vel victum comparare adulterio. Patet
 » ex c. fin. de cond. V. Sanch. l. 5. d. 10. Con. d. 29.
 » dub. 3. Fill. etc.

Si igitur conditio de futuro est necessaria, nempe
si pater tuus morietur; si cras sol occidet, etc. de se non
 suspendit Matrimonium, ut communiter dicunt S. Th.
 in 4. D. 29. qu. 2 ar. 3 q. 3. Ronc. p. 145. q. 4. R. 1.
 Holzm. n. 341. et Salm. c. 7 n. 9. et 10. cum aliis.
 Dicitur *de se*, nam si contrahens sic dicens intendit
 velle expectare tempus talis conditionis, tunc Matrimo-
 nium suspenditur usque ad illius eventum; Ronc. et
 Holzm. l. c. et Salm. n. 12. et Conc. p. 207. n. 30. Si
 verò conditio esset turpis, tunc distinguendum: Si
 illa sit contrà substantiam Matrimonii, nempe contrà
 bonum Sacramenti, fidei, vel prolis, tunc utique nul-
 lum reddit Matrimonium. Secus verò si conditio esset
 alio modo turpis (vel si esset impossibilis); hæc enim,
 licet in aliis contractibus nullum contractum redde-
 ret, saltèm antè impletionem ipsius, ut dicunt Holzm.
 n. 444. et Viva qu. 4. ar. 6. n. 5. ex Institut. §. 11. de
 Inu. stipul. tamen in Matrimonio habetur pro non
 adjecta; ità expressum est in c. finali de Condit. appos.
 etc. ubi: *Si conditiones contra substantiam conjugii*
inserantur, puta si alter dicat alteri; Contraho tecum.
si generationem prolis evites: vel donec inveniam
aliam honore vel facultatibus ditiozem; aut si pro
questu adulterandam te tradas; matrimonialis contrac-
tus, quantumcumque sit favorabilis, caret effectu. Licet
alias conditiones appositæ in Matrimonio, si turpes aut

impossibiles fuerint, debeant propter ejus favorem, pro non adjectis haberi. Ratio est; quia, quando conditio est turpis, vel impossibilis, tunc præsумit Ecclesia adesse absolutum consensum contrahentium. Undè benè advertunt Pont. l. 3 c. 4 n. 9. Boss. c. 10 n. 123. Salm. c. 7 n. 2 et Viva q. 4 art. 6 n. 5, quod, si partes nollent verè contrahere, nisi verificatis his conditionibus, tunc Matrimonium esset quidem invalidum. In dubio tamen præsумendum est, illas appostas esse joco, et non animo suspendendi consensum, ut ajunt Sanch. l. 5 D. 3 n. 15. Pont. d. n. 9. Ronc. p. 145 q. 5 R. 2. Holzm. et Viva l. c. ex c. fin. de Sentent. etc. ubi in dubio semper judicandum pro valore Matrimonii.

392 Quær. autem hîc, quid dicendum, cum Matrimonium celebratur sub conditione, si *pater meus consenserit*? Resp. si conditio est de præsenti, vel præterito, stante consensu Patris, jam valet Matrimonium, etiàm si contrahentes illum ignorent. Quando verò conditio est de futuro, tunc omninò suspenditur Matrimonium usquè ad eventum conditionis; hæc certa sunt apud omnes, vide Sanch. l. 5 D. 7 n. 3 et Pont. l. 3 c. 13 n. 23. Sed

Dubit. 1. Quid dicendum, si Pater taceat? Respondetur, tunc pensandæ sunt circumstantiæ; nam si conjectura sit talis, quod Pater taceat quia dissentit, puta si Pater taceat, ne fortè Domino, vel Amico displiceat; tunc taciturnitas habenda est pro dissensu; Secùs si conjectura sit, quod ideò taceat, quia sibi placet; ità Sanch l. c. n. 11 et Conc. p. 210 n. 34. In dubio, autem de consensu vel dissensu Patris, standum est intentioni contrahentium, an ipsi contenti fuerint, vel ne, quod Pater positivè non contradicat, ut ait Bon. q. 2 p. 10 n. 20. Sed quid, si dubium sit de hac intentione nubentium? Angel., Led., et Dic. apud Salm. c. 7 n. 58, dicunt, tunc requiri positivum consensum Patris, et meritò id probabile Salm. putant, quia conditio debet impleri in specifica forma, ex l. Qui hæredi. § 1 et l. Mævius. ff. de condit et demonst. At

communiùs, et etiàm probabiliter ajunt Ronc. p. 147 q. 7 R. 1. Bon. l. c. Viva q. 4 art. 6 n. 7, cum communi, ut asserit, Spor. n. 326. Sanch. l. 5 D. 7 n. 12, cum Adr. Præp. Nav. Lop. etc. ac Salm. n. 59, cum Henr. Sylvest. Cornejo, Leand. etc. hujusmodi taciturnitatem habendam pro consensu, quia talis conditio, *si pater consentiet*, juxtà communem sensum intelligitur, si positivè non dissentiet. Idque tantò magis locum habebit, si Pater moriatur antequàm dissentiat, ut rectè inquit Viva l. c. contra Pont. l. 4 c. 17 n. 15. Benè autem advertit Ronc. l. c. Reg. in prax. 2. quod Parochi sine urgentissima causa numquàm admittere debeant hæc Matrimonia conditionalia, propter plura inconvenientia et difficultates, quæ deindè occurrere possunt contra ipsorum validitatem.

Dubit. 2. Quid, si Pater certior factus primò dissentit, et postea consentit, an tunc censeatur impleta conditio? Negant Sanch. l. 5 D. 7 n. 9. Pont. l. 4 c. 17 n. 15. Ronc. p. 146 q. 7 R. 1 et Salm. c. 7 n. 57, cum Soto, Con. Per., Dic. etc. quia, posito dissensu Patris, jam deficit conditio apposita pro Matrimonio, et ideò possunt contrahentes ab eo recedere, etiàmsi Pater postea consentiat: obligatio enim semel extincta amplius non reviviscit. Oppositum verò tenent Sylv., Lop., Tab., etc. apud Sanch. n. 9, quia (ut ajunt) tunc contrahentes adhuc perseverant in eodem proposito et animo se obligandi. Hæc ratio, per se loquendo, mihi non probatur; sed valdè probabilis videtur hæc secunda sententia, si Pater post breve interval- lum consentit, ut dicitur Pal. p. 11 § 2 n. 7. Nav. c. 22 n. 61 et Viva q. 4 art. 6 n. 7, cum Hurt. et Con. Ex communi enim intelligentia verba talis conditionis morali modo accipiuntur, idest, si Pater acquiescat intrà aliquod breve tempus juxtà arbitrium prudentium. Sicut è converso Matrimonium probabilius dicendum est invalidum, si Pater post consensum mox dissentit: ut Viva l. c. et Conc. p. 210 n. 34. Et huic sententiæ adhæret Croix l. 6 p. 3 n. 86, rectè dicens, quod tum sponsalia dissolvantur, cum Pater ità fir-

miter dissentit, ut nulla sit spes fore, ut intra breve tempus consentiat.

894 Dubit. 3. Quid, si tempore conditionis positæ de consensu Patris, Pater erat jam vitæ functus? Respondetur: Si contrahentes jam conscii erant de morte Patris, tunc conditio illa habetur ut non adjecta, tamquam impossibilis; ita communiter Pal. p. 11 § 2 n. 9. Salm. c. 7 n. 59, cum Henr. Bonac. p. 10 n. 20 cum Con. Gutt. et Fill. ac Sanch. l. 5 D. 7 n. 19, cum Nav. Sylv. Lop. Led. et Præp. Majus dubium est, si tunc inscii erant, an valeret Matrimonium? Negant Nav. c. 22 n. 64 ac Sylv. Præp. et alii apud Sanch. quia conditio consensûs, quæ possibilis reputabatur, non potest amplius verificari. Sed probabilius Sanch. n. 19. Pal. l. c. cum Con. et Salm. d. 59, cum Henr. affirmant; quia conditio illa intelligitur appositâ, ne contra voluntatem Patris Matrimonium fieret; quæ ratio, Patre defuncto, jam cessat.

An autem valeat contractus Matrimonii aut sponsalium inter impeditos aliquo impedimento dirimente, initus sub conditione: *Si Papa dispensaverit?* Vide super hoc dicta l. 3 n. 650, et hoc l. 6 n. 859.

» Resp. 4. Consensus sub conditione honesta de futuro, est contractus sponsalium tantum, et non Matrimonii, quia hic debet esse de præsentî. Ob quam rationem non incipiet validari Matrimonium sine novo consensu, postquam conditio impleta fuerit, ut docet S. Th. cum aliis apud Sanch. Etsi Fill. Laym. et alii quidam putent, contrarium esse probabile, eò quod contractus celebratus sub conditione honesta futura, hæc impletâ purificetur. Quod concedit Bon. q. 2 p. 10 n. 20. si contrahentes in eodem consensu manserint, saltè virtualiter.

895 Quær. , an, impletâ conditione in Matrimonio, requiratur novus consensus? *Prima* sententia affirmat, quam tenent Suar. de Rel. l. 7 c. 12 n. 18. Conc. p. 208 n. 28. Pont. l. 3 c. 14 n. 5. cum Soto, Val. Cov. et Led. item Trull. Vill. Conc. etc. apud Salm. c. 7 n. 66. qui cum Sanch. probabilem vocant, Et huic videtur

favere D. Th. Suppl. q. 47 art. 5. ubi ait: *Aut (conditio) est contingens, ut datio pecuniæ, vel acceptatio parentum, et tunc idem est iudicium de tali consensu, sicut de consensu, qui fit per verba de futuro, unde non facit Matrimonium.* Ratio 1. est, quia, cum Matrimonium non solum sit contractus, sed etiam Sacramentum, non potest pendere à futura conditione, nam omnia Sacramenta statim aut valida, aut nulla esse debent. Ratio 2. quia, licet in aliis contractibus possit transferri dominium ad tempus, in Matrimonio tamen dominium corporum debet tradi in perpetuum; et ideo oportet, quod impleta conditione novus apponatur consensus. *Secunda* verò sententia negat, et hanc tenent Laym. c. 7 n. 2 Bon. p. 10 n. 20 Pal. p. 11 § 2 n. 5 Nav. c. 22 n. 63 Rong. p. 147 q. 7 R. 2 Sanch. l. 5 D. 8 n. 5 cum Palud. P. Soto, et Henr. ac Salm. c. 7 n. 67 cum Con. Perez, dic. Avers. Gabr. Reb. et Corn. Ratio, quia Matrimonium, esto sit etiam Sacramentum, habet tamen rationem contractus; omnes autem contractus, impleta conditione, sine novo consensu perficiuntur ex l. Hæc venditio. 7 ff. de Contrahenda emption. Et sic respondetur 1. rationi. Respondetur ad 2. quod dominium non tradatur pendente conditione, sed eâ verificatâ; tunc enim, cum consensus præcedens virtualiter perseveret, Matrimonium de conditionato fit absolutum. Nec reverà huic sententiæ contradicit D. Thom. dum S. Doctor loc. cit. tantum loquitur independenter ab implemento conditionis, et ideo meritè dicit, quod pendente conditione non possit illud dici verum Matrimonium, sed quod interim æquiparetur sponsalibus, ita ut non liceat nuptias inire cum alio. Utraque sententia est probabilis, at hæc secunda videtur probabilior. Cæterum rectè dicunt Viva. q. 4 art. 6 n. 4 et Croix l. 6 p. 3 n. 762. consultius esse eo casu iterum contrahi Matrimonium.

Quid, si inter sponsores sit impedimentum contrahendi, et ipsi sponderint sub conditione, *si cessabit impedimentum*? Sentiant pariter Sanch. de Matr. l. 5 D. 8 n. 19. et Croix l. 6 p. 3 n. 85. cum Aug. Coy. et

Krimo, nec requiri novum consensum, si impedimentum cessat. Attamen Victoria apud eumd. Croix censet, requiri; hocque mihi videtur probabilius, dum consensus, tempore impedimenti præstitus, non videtur satis validus; et sic refert P. Zacharia apud Croix l. c. in simili casu S. C. declarasse.

896 Notandum hîc, quod differat conditio à demonstratione, causa, modo, die; quia *demonstratio*, sive *causa* adjecta (puta, si quis dicat: *Duco te, quæ es virgo*, vel *quia es virgo*) non vitiat, nec suspendit Matrimonium (esto causa sit falsa, aut turpis, etiam contra substantiam Matrimonii, ut Sanch. l. 5 D. 19. n. 2.). Nam, licet ille non contraheret, si sciret eam non esse virginem, præbet tamen tunc absolutè consensum, qui non impeditur, nisi ab errore circa substantiam, sive circa conditiones substantiales Matrimonii; sed vide n. 1012. Neque suspendit *modus*, si dicatur verb. gr. *duco te, ut mihi inservias*. Ità Salm. c. 7 n. 5. et Viva q. 4 a. 6 n. 2. Etiamsi modus sit de re turpi, aut impossibili: *Duco, ut occidas, etc.* Ratio, quia consensus non pendet à modo, sicut pendet à conditione. Et etiamsi (ait Viva cum Pal.) modus sit contra substantiam Matrimonii, scilicet *Duco te, ut adulterium facias etc.* Sed probabilius contradicunt huic Salm. n. 7. cum Sanch. quia non videtur habere animum contrahendi, qui intentionem habet contractui oppositam.

Utrùm *dies* appositus suspendat contractum, puta, si dicatur: *Duco te post tres dies?* Negat Sanch. ib. n. 11. Sed probabilius affirmant Viva cum Con. Hurt. Perez et Salm n. 3. quia contrahens tunc non intendit ponere perfectum consensum, nisi post tertium diem.

DISSERTATIO

De Ministro, et Forma Sacramenti Matrimonii.

897 ALII dicunt, Ministrum Matrimonii esse Sacerdotem assistantem, et Formam ipsius verba: *Ego vos in Matrimonium conjungo, etc.* Ità Canus de Locis Theol. l. 8.

c. 8 Justin Instit. Theol. de Matr. q. 2 c. 2. Conc. t. 10 p. 191 n. 5. Tournel. t. 11 p. 58. Idque probabile putant Estius l. 4 D. 26 § 10 et Habert de Matr. c. 4 citans pro hac sententia Tolet. l. 7 de Matrim. sed non bene, Toletus enim ibi c. 2 expressè dicit, Formam Sacramenti Matrimonii esse consensum contrahentium, si igitur consensus nubentium est forma, ipsi necessario sunt Ministri; nam (ut rectè ajunt Bellarm. de Matr. c. 7 et Frassen q. 3 a. 3) qui in Sacramento Formam applicat materiæ, ille utique est Sacramenti Minister. Momenta autem hujus primæ sententiæ afferuntur infra in objectionibus, quibus respondebimus. *Secunda* verò sententia communis, quæ videtur moraliter certa, dicit, ipsos contrahentes esse Ministros hujus Sacramenti, et formam esse verba, quibus ipsi consensum exprimunt; ita Bellarminus, qui vocat sententiam nostram communem in Scholis, (ut fatetur etiam ipse Canus) et contrariam novam ac falsam Gonet Man. de Matr. c. 7. Fras. eod. t. q. 3 a. 1. Cabas. T. I. l. 3 c. 18 n. 1. cum communi omnium Theologorum, Laym. c. 2 num. 2. Abelly p. 200 qu. 1 et 2. Wigandt. tr. 16 n. 10. Holzm. p. 322 et 320. Barbos. Alleg. 32 n. 169. Suar. de Sacram. qu. 64 D. 10. Sect. 1. Bon. p. 4 n. 5. cum Con. Reb. Gutt. Fill. Reg. Rodr. etc. comm. Pontius l. 1 c. 8 n. 3. cum Vasq. et Led. Sum. P. Ben. XIV. de Synodo t. 2 p. 266. cum Gotti, Raynaud. etc. de Lauræa, Card. Bellarm. Controv. t. 3 de Sac. Matrim. c. 7 et 8, ubi vocat falsam sententiam Cani, et nostram communem, Fagnan. t. 4 in c. Quod nob. de Clandest. desp. n. 51. ubi ait opinionem contrariam esse periculosam in Fide, Sanch. l. 2 D. 16 cum Lop. Vega, Henr. et Manuel. qui vocant oppositam temerariam, Merbes; de Matr. qu. 6, qui testatur, omnes Theologos asserere, opinionem *Can* numquam fuisse probabilem, refertque, Vasq. et Led. asserere, eam non posse defendi sine nota, et Soluim; ac Vivand. vocare temerariam. Nostram sententiam tenent quodque expressè D. Th. in 4 D. 26 qu. 2 art. 1 ad 1 et Dist. 28; qu. 1 art. 3 (cujus verba referemus fu resp. ad 1, Object.) et Scotus in 4 D. 26 q. 4 n. 14.

Prob. 1 quia Trident. Sess. 24 c. 1 declaravit, olim omnia conjugia clandestina, scilicet sine assistentia Parochi celebrata, esse vera et rata, idque negantem anathemate damnavit. Matrimonia autem fidelium non possunt dici rata, nisi sint Sacramenta, ut mox infra probabitur. Si ergo Matrimonia clandestina olim fuerunt rata, ac propterea Sacramenta, dicendum, quod non Parochus sit Minister, sed ipsi contrahentes. Quod autem matrimonia idè sint rata, quia sunt Sacramenta, probatur ex D. Augustini lib. de Bono conjug. c. 24 ibi: *Bonum nuptiarum per omnes gentes in causa generandi est; quod autem ad populum Dei pertinent, etià in sanctitate Sacramenti.* Item c. 8. *Sed in nostrarum nuptiis plus valet sanctitas Sacramenti, quàm fecunditas uteri.* Et indè nascitur (ut dicit c. 7) vinculum indissolubile: sine enim Sacramenti ratione, fidelium nuptiæ tantam firmitatem non haberent. *Quod nequaquam puto tantum valere potuisse, nisi quoddam Sacramentum adhiberetur. Nec tamen nisi in civitate Dei nostri ejus talis est causa cum uxore, scilicet indissolubilitatis Sacramenti.* Et clariùs probatur ex c. Quarto, de Divort. ubi Innoc. III. sic ait: *Etsi Matrimonium Infidelium verum existat, non tamen est ratum. Inter fideles autem verum et ratum existit, quia Sacramentum fidei, quod semel est admissum, numquàm amittitur, sed ratum efficit conjugii Sacramentum* (nota), *ut ipsum in conjugibus illo durante perduret.* Ergò, si antè Concilium matrimonium fidelium sine Parocho initum erat Sacramentum, necessariò dicendum, tunc sponso Ministros tantum illius fuisse. Nec dicas, illud *conjugii Sacramentum* non intelligi de Sacramento Matrimonii, sed de ejus vinculo, utpotè symbolice significante conjunctionem Christi cum Ecclesia, adeò ut Matrimonia per solum Baptismum (dictum *Sacramentum Fidei*) evadant rata, cum infideles convertuntur ad Fidem, esto non fiant Sacramenta. Nam respondetur, non esse verum, quod Matrimonia infidelium per solum Baptismum fiant rata, idest omnimodè indissolubilia; licet enim con-

jurgia infidelium naturâ suâ etiâ indissolubilia sint, tamen; accedente aliqua urgente causa, adhuc post conversionem ad Fidem aliquandò solvi possunt (modò non fuerint consummata post conversionem) prout refert. Cardenas in Prop. Innoc. XI. Diss. 2 n. 550. Urbanum VIII. declarasse die 20 Octob. an. 1626 et rursus 7 Septemb. 1627 his verbis: *Nos attendentes hujusmodi infidelium Matrimonia non ita censi, quia suadente necessitate solvi possunt.* Et Sum. P. Benedictus XIV. de Synodo tom. 4 pag. 187 refert Sanctum Pium V. et Greg. XIII. solvisse post conversionem ad Fidem quædam Matrimonia in infidelitate contracta. Si ergo Matrimonia clandestina fidelium antè Concilium, idest sine assistentia Parochi celebrata, idè fuerunt rata, quia Sacramenta; ergo non Parochus, sed ipsi contrahentes sunt hujus Sacramenti Ministri.

Prob. 2 ex Florentino, ubi: *Septimum est Sacramentum Matrimonii, ut quod est signum conjunctionis Christi et Ecclesiæ secundum Apostolum. Causa efficiens Matrimonii regulariter est mutuus consensus per verba de præsentis expressus.* Si igitur contrahentes per consensum verbis expressum sunt causa efficiens Matrimonii, ipsi ergo sunt Ministri, non solum contractus (ut aliqui perperam explicant), sed etiâ Sacramenti; nam Concilium suseipit explicandum non quidem contractum, sed Sacramentum, dicens: *Septimum est Sacramentum Matrimonii.*

Prob. 3 ex eodem Trident. d. Sess. 24 c. 1 ubi in clausula irritante Matrimonium dicitur: *Qui aliter quàm præsentis Parocho... contrahere attentabunt... inhabiles reddit, et hujusmodi contractus nullos esse decernit.* Non dicitur, qui aliter quàm præsentis Parocho, et verba proferente, sed tantum, *Qui aliter quàm præsentis Parocho*; si igitur non irritatur Matrimonium tacente Parocho, sed tantum absente, ergo verba Parochi non sunt de essentia Matrimonii, et consequenter ipse non est ejus Minister. Sed dices, ex hoc inferri quidem, quod absente Parocho Matrimo-

nium sit nullum, etiã quodã contractum, sed non deduci, quod præsente Parocho, et tacente, validus sit non solum contractus, sed etiã Sacramentum. At respondetur, quod ratio Sacramenti non distinguitur à ratione contractus; dum communiter dicunt Theologi, contractum Matrimonii fuisse à Christo erectum ad rationem Sacramenti. Et quod nostram sententiam tenuerint Patres Concilii, censendum est ex eo, quod communiter Theologi (quorum iudicium debent credi Patres Concilii sectati fuisse) antè Concilium assererent, Ministros Sacramenti Matrimonii esse ipsos contrahentes, ut testantur Bellarm. d. c. 7 et Pont. l. c. n. 7. atque fatetur ipse Canus, asserens (ut diximus) hanc sententiam esse communem Scholarum; et D. Sot. in 4 D. 26 q. 2 a. 3 scripsit; nullum suo tempore ausum fuisse oppositum scribere: et licet Canus citet pro se Guilielmum Parisiensem, tamen Bellarm. et Petrocorens. explicant illam nuptiarum benedictionem, quam requirit Guilielmus, esse conditionem, non tamen formam Sacramentum Matrimonii constituentem. Item Bellarm. ait, alios AA. quos affert Canus, non loqui de benedictione, quam dat Sacerdos, dum assistit, et dicit, *Ego vos conjungo, etc.* sed de benedictione, quam dat Sacerdos in Missa, de qua loqui ait idem Bellarminus pariter Pontifices à Cano adductos, et quæ (ut patet) non potest esse forma Sacramenti, cum ibi nulla sint verba, quæ forma Sacramenti videantur.

Prob. 4 ex eodem Trident. ex eo, quod Concilium, dum Nuptiæ ineuntur, imponat Parocho, ut dicat. *Ego vos in matrimonium conjungo etc.* ac deinde subjungit; vel aliis utatur verbis juxta receptum uniuscujusque Provinciae ritum. Si aptem Concilium reputasset, Parochum esse Matrimonii Ministrum, quomodo ei potuisset præscribere pro Forma quæcumque verba, quæ sunt juxta ritum receptum uniuscujusque Provinciae? Hoc argumentum Cardinali Pallavicinio (Is-
tor del Concil. l. 23 c. 14) visum est evidens ad probandum, quod non Sacerdos, sed Sponsi Nuptiarum Ministri sint.

Probatur 5. Ben. XIV. in laudato opere de Syn. l. 8 c. 13 n. 8 t. 2 p. 286 sic ratiocinatur: in locis, ubi Tridentinum promulgatum est, non raro contingit, aliquos Matrimonium contrahere testibus fortuito astantibus, et Parocho reluctante, quin ipse verbum ullum proferat. Hujusmodi Conjugium in sententia Cani esset validum in ratione contractus, sed non Sacramentum, ob Sacerdotalis benedictionis defectum. Si Ecclesia sententiam Cani haberet pro vera (imò addo si haberet tantum pro probabili (deberet Ecclesia contrahentes compellere, aut saltè hortari ad suum contractum renovandum corameodem Parocho, ut ejus verbis fiat Sacramentum, ne ejus gratia illi perpetuò carerent. Deindè subdit, quod ob eandem rationem Ecclesia curare deberet instaurari clandestina conjugia inita in locis, ubi Trident. Decretum non est receptum. Sed cum in neutro casu renovationem ab Ecclesia urgeri videamus, conjiciendum, quod uterque contractus, licet Sacerdotis benedictione careat, ab Ecclesia pro Sacramento habeatur. Respondere possunt Adversarii, idè Ecclesiam non curare de prædictis conjugii instaurandis, quia contractus Matrimonii semel validè initus nequit deinceps effici Sacramentum, ut tenent Vasquez, Durant Pont. et alii Sed respondet Benedictus l. c. quod longè communior sit sententia aliorum DD. quos sequitur Sanch. de Matr. l. 2 dis. 9, quæ docet, benè posse Matrimonium, antea validum in sola ratione contractus, denique renovari, et assequi virtutem Sacramenti. Undè difficultas proposita non solvitur; in hoc enim dubio Ecclesia non negligeret urgere fideles, ut in illis casibus conjugia renovarent, ne carerent saltè spe consequendi gratiam, quam juxta communio-riorem sententiam ipsi ex iteratione contractus obtinerent. His tamen non obstantibus, laudatus Benedictus ait, sententiam Cani, tot Doctorum suffragiis communitam esse probabilem, ac cuique liberum eam amplecti, absque ulla erroris nota. Adde praxim Ecclesiæ in revalidandis Conjugiis jam coram Pa-

rocho, et testibus priùs initis, sed invalidè propter occultum impedimentum, in quibus S. Pœnitentaria ex oraculo S. Pii V. dispensando minimè requirit, imò expressè dicit, illa revalidanda secretò, sine assistentia Parochi, et testium; et sic communiter docent contrà paucos Natal. Alex. Tournel. Habert et idem Benedictus XIV. cum Van Espen, Pontas et pluribus Declarationibus Sacr. Congreg. et Decisionibus Rotæ Romanæ, et aliis Auctoribus innumeris; vide dicenda n. 1110. His positis valdè miror, quod laudatus Benedictus, postquàm contenderit rationibus tam urgentibus contra sententiam Cani, illam n. 4, appellet probabilem, quàmvis non intrinsecè, sed tantum extrinsecè eam probabilem censere videatur, eò quod (ut ait) sit ipsa *Doctorum suffragiis communita*. Verumtamen magis oportet attendere ea, quæ scribit Benedictus in decretali sive Epistola ad Archiepiscopum Goanum, quæ incipit, *Paucis ab hinc hebdomadis* (vide in Bullar. t. 4 p. 27 edit. Ven.) ubi scribit aliter, ut Pont. fex, quàm ea, quæ profert ut Doctor privatus in præfato opere de Synodo; in prædicta enim decretali expressè docet, Ministros Sacramenti Matrimonii esse ipsos Contrahentes, non verò Sacerdotem, dum ait, quod *materia sit mutua corporum traditio, verbis ac nutibus assensum exprimentibus, et mutua corporum acceptatio forma*.

298 Objiciunt I. Solos Sacerdotes esse legitimos Sacramentorum Ministros. ex illo Apostoli (1. Cor. c. 4 v. 1.) *Sic nos existimet homo, ut ministros Christi, et dispensatores mysteriorum Dei*. Et ideò dicunt, statutam esse formam, ut habetur ex Rituali, quam Parochus super nubentes proferre debet, dicens: *Ego conjungo vos in Matrimonium*. Ideoque addunt, aliquos SS. Patres, (quos refert Bellarm. c. 8) dixisse, quod Matrimonia per Sacerdotes sanctificentur. Sed respondetur cum S. Th. Dist. 26 q. 2 qui sic docet: *Verba, quibus consensus matrimonialis exprimitur, sunt forma hujus Sacramenti, non autem benedictio Sacerdotis, quæ est quoddam Sacramentale, Sacramentale, id est quæ-*

dam solemnis cæremonia ; quæ ex præcepto Ecclesiæ requiritur. Et hoc est , quod SS. Patres intelligere volunt. Id clariùs patet ex eodem Trid. cit. c. 6 sess. 14, ubi non dicitur , quod Sacerdos absolutè proferre debeat formulam prædictam, *Ego conjungo* etc. sed quod *vel eam dicat , vel aliis utatur verbis , juxta receptum uniuscujusque Provinciæ ritum*. Formula verò illa alium sensum non præsefert , quàm si Sacerdos diceret (ut dicunt Frassen , et Sanch.) : *Ego approbo , et benedico nuptias vestras in faciem Ecclesiæ*. Verum autem non est , quod omnia Sacramenta non per alios , quàm per Sacerdotes ministranda sint , cum laici etiàm quandoque sint legitimi Ministri Sacramenti Baptismi ; Christus enim constituit Ministros Sacramentorum , juxta uniuscujusque Sacramenti naturam ; et quia contractuum natura est , ut per solum consensum nubentium ineantur , idè in Matrimonio , quod consistit in contractu ad Sacramentum elevato , non alios Ministros Christus constituit , quàm ipsos nubentes , qui per suum consensum formam Sacramenti ministrarent.

Objiciunt II. Concil. Coloniense an 1536 ubi p. 7 c. 4 sic habetur : *Quod Sacramentum (scilicet Matrimonii) si quis sicut decet acceperit , accedente Sacerdotali precatione , confert donum Spiritùs , quo vir diligit uxorem , sicut Christus dilexit Ecclesiam*. Ex quo inferunt , quod , si per benedictionem Sacerdotis donum Spiritùs conferatur ; ergò per illam conficitur Sacramentum. Sed rectè respondent Frassen , et Bellarm. II. cc. quod ex verbis istius Concilii potiùs deducatur oppositum ; nam illa ex suo sensu non significant , quod per precationem Sacerdotalem conficiatur Sacramentum , sed potiùs quòd , Sacramento jam confecto ; precatio illa accedat , quæ donum conferatur Spiritus Sancti , preces Sacerdotis exaudientis. Tantò magis , quod Enchiridion , ejusdem Concilii nomine deindè vulgatum , expressè dicat , *Verba conjugum , quibus ipsi mutuo dant sibi fidem , esse verbum (idest formam) quo fit Sacramentum*.

Objicit III. *Canus* testimonium Evaristi Papæ in c.

Aliter Caus. 3o q. 5 ubi dicuntur Matrimonia contracta sine benedictione Sacerdotis præsumi adulteria vel fornicationes potius, quàm legitima conjugia. Sed benè respondet Bellar. l. c. c. 8, hîc loqui Pontificem de probatione Matrimonii quòad forum externum, eò quod Ecclesia in foro externo non iudicet legitima conjugia illa, quæ non probantur per Sacerdotis testimonium, præsumendo tunc defuisse mutuum consensum; nisi (ut subditur in eòdem textu) voluntas propria suffragaverit; ergò ubi adest voluntas contrahentium, legitimum initur Matrimonium, licet in foro externo aliud præsumatur. Quod autem Evaristus œertè ibi loquatur de foro externo, sapienter ait Bellarm. ipsum Canum negare non posse, nam Trident. expressè declaravit, conjugia clandestina esse vera Matrimonia, dum è converso Evaristus non jam dicit, ea non esse Sacramenta, sed vocat adulteria, et fornicationes; undè, ne dicatur Tridentinum contradixisse testimonio Evaristi, id, quod Evaristus dicit, necessariò de foro externo intelligendum. Alia objicit *Canus*, quibus faciliùs respondetur, ut videre poteris apud Bellarm. c. c. 8.

399 Ex nostra autem sententia infertur 1 quod Matrimonia, quæ per Procuratorem celebrantur, quia sunt legitimi contractus, vera etiàm sint Sacramenta, nec opus est, ut contrahentes postea coram Parocho se sistant ad Matrimonium ratificandum; Sanch. l. 2 D. 11 n. 27 et Bellar c. 7 n. 8 cum Nav. Soto et alii, contra *Canum*. Infertur 2 quod conjugia malitiosè contracta coram Parocho reluctantante, et benedictionem denegante, sint quidem graviter illicita, sed valida et vera Sacramenta, ut dicunt omnes pro nostra sententia allati; et hoc etiàm si Parochus affectet nolle intelligere, nempè oculos et aures claudendo, ut sentiant Pontius l. 5 c. 29 n. 22 et Salm. c. 8 n. 67 cum Led. et Land. (contra Bonac. et Trul. ac Sanc. l. 3 D. 39 num. 6) ex Decreto Sacr. Congr. Conc. apud *Farinac.* ubi ad quæsitum: *Et quid, si Parochus adfuisset, nihil tamen eorum, quæ agebantur, vidit*

vel audivit, utrum tale Matrimonium sit nullum? Sac. Cong. Concil. respondit: *Matrimonium non valere, si non intellexisset; nisi ipse Parochus affectasset non intelligere.* Infertur 3. quod Matrimonia coram Parocho, et testibus semel celebrata cum occulto impedimento dirimente, sublato impedimento per dispensationem, vera evadant Sacramenta per consensum absente Parocho præstitum; vide dicenda n. 1110. Et hoc argumentum; ut ait Benedictus XIV. loco citato, valde probat, Ministrum Matrimonii non esse Sacerdotem, sed ipsos Sponsos; aliàs rectè dicit, quod Ecclesia, nisi id haberet pro certo, numquàm permitteret Sponsos relinqui in periculo, quod remanerent sine gratia Sacramenti. Adest tamen Decretum S. C. sub die 8 Junii anni 1619 apud Ferrar. Bibliot. t. 5 v. Matrimonium n. 19. quod, si Matrimonium esset nullum ex causa publica, scilicet ob defectum ætatis, tunc revalidandum est antè Parochum et testes. Infertur 4. quod Parochus, si assistat Matrimonio existens in mortali, non peccet graviter, quia non conficit, nec ministrat Sacramentum; ità Sanch. l. 2 D. 6 num. 2 et Bonac. p. 4 num. 5 cum Suar. Con. Henr. Gutt. et Reg. Utrùm autem requirantur de præcepto gravi verba Parochi, *Ego conjungo vos, etc.* vel alia juxtà receptum uniuscujusque Provinciæ ritum, ut dicitur in Trid. cit. sess. 24 c. 1. Negat Bonac. p. 8 n. 4. qui citat Sanch. Conc. Gutt. et alios putantes, earum omissionem esse tantùm venialem ob parvitatem materiæ; sed affirmant Barb. de Potest. Episcop. Alleg. 32. 180 cum Reb. Henr. et Salsedo; et hoc mihi magis placet.

Fit autem quæstio, an à Sponsis, qui Matrimonium ineunt, possit validè separari ratio contractûs à ratione Sacramenti? Negant Suar. in 3. p. de Matr. D. 7 sect. 1 Pont l. 7 c. 9 n. 3 et alii, dicentes, non posse hominem separare, quod Deus conjunxit. Sed affirmant Vasq. Cajet Durand. Victoria, et alii apud Spor. de Matr. c. 1 n. 385. qui tenent, posse contractum sine Sacramento validum remanere. Sed

hic notandum, omnes asserere, quod hoc agere non careret gravi culpa. Undè inferitur, quod Ecclesia numquàm permetteret revalidari Matrimonium sine assistentia Parochi (ut passim Ecclesia admittit) tolerando, quod Matrimonium persisteret tamquàm contractus, et non Sacramentum, si non haberet pro certo, quod Sponsi sint veri Sacramenti Ministri.

DUBIUM II.

DE USU MATRIMONII.

ARTICULUS I.

An usus Matrimonii, sivè actus conjugalis sit licitus?

900 *Actus conjugalis illicitus est. I. Si Matrimonium est nullum. II. Si Matrimonium est dubium.*

901 *Qu. I. An liceat contrahere cum dubio de impedimento?*

902 *Qu. II. An cum opinione probabili de insubsistentia impedimenti? Qu. III. An cum opinione probabili probabilitate facti?*

903 *Qu. II. An in dubio de valore Matrimonii jam contracti liceat petere et reddere? Et signanter, an uxor non certa de morte primi viri teneatur reddere secundo?*

904 *Dub. 1. An, contracto Matrimonio bona fide, subveniente dubio, liceat petere post diligentiam?*

905 *Dub. 2. Quid, si adsit opinio probabilis tantum pro nullitate Matrimonii?*

906 *Dub. 3. An, Nuptiis. initis cum dubia fide, dubitans post diligentiam possit petere?*

907 *Dub. 4. An in dubio positivo judicandum sit in favorem Matrimonii contracti?*

908 *An conjux teneatur credere alteri asserenti, se fictè consensisse? Quid, si audiat impedimentum à testibus fide non dignis? Quid, si audiat ab uno fide digno?*

909 *III. Illicita est copula, si fiat cum periculo sanitatis. D. 1. An liceat petere, si alteruter conjugum laborat lepra, morbo gallico, et simili?*

910 *An liceat petere post balnea, aut sectionem venæ, vel cum febris? vel an statim post prandium?*

911 *Dub. 2. An tempore lactationis.*

912 *IK. Si fiat ob voluptatem.*

- 913 *V. Si fiat mente adultera. Quid, si conjux ad se excitandum delectetur de pulchritudine alterius personæ?*
- 914 *Quid, si delectetur de copula aliena?*
- 915 *Si fiat modo indebito.*
- 916 *Q. I. An sit mortale inchoare copulam in vase præpostero?*
- 917 *Q. II. An coire situ innaturali?*
- 918 *Q. III. An cohibere seminationem post copulam inceptam?*
- 919 *An autem uxor, viro se retrahente post seminationem, possit ipsa statim tactibus se excitare ad seminandum?*
- 920 *VII. Si fiat in loco indebito. (Remissivè ad l. 3 n. 458.)*
- 921 *VIII. Si fiat tempore indebito.*
- 922 *Q. I. An liceat conjugì coire die Communionis? (Remissivè ad num. 273 et 274 in hoc lib. VI.)*
- 923 *Q. II. An diebus festivis?*
- 924 *Q. III. An tempore prægnationis? An autem, secluso periculo abortûs, sit venialis coitus cum prægnante?*
- 925 *Q. IV. An liceat coire tempore menstrui?*
- 926 *Q. An tempore purgationis post partum?*
- 927 *Licitus est autem usus Matrimonii, I. Propter prolem. II Ad vitandam incontinentiam. (Vide d. n. 892 D. 1.) III. Propter alios fines honestos.) Vide d. n. 883. D. 3.)*
- 928 *Qu. I. An aliquandò vir teneatur petere?*
- 929 *Q. II. An aliquandò uxor?*
- 930 *Q. III. An conjux prohibitus petere ob votum, vel affinitatem contractam, possit aliquandò petere?*
- 931 *Q. IV. An liceat petere excommunicato, et an ab excommunicato?*
- 932 *An et quandò liceant tactus, aspectus, et verba turpia inter conjuges?*
- 933 *Q. I. An sint mortales inter ipsos tactus et aspectus turpes secluso periculo pollutionis?*
- 934 *Q. II. Quid, si periculum pollutionis jam prævideatur.*
- 935 *Perpenduntur quidam tactus enormiter turpes.*
- 936 *Q. III. An peccet graviter conjux turpiter seipsum tangens altero absente?*
- 937 *Q. IV. An, si morose delectetur de copula habita vel habenda?*

« **R**ESP. Per se est licitus et honestus. Quod est de
 » fide, et patet ex 1. Corinth. 2. *Uxori vir debitum*
 » *reddat.* Per accidens est illicitus in sequentibus ca-
 » sibus.

• I. Si Matrimonium à parte rei sit nullum : quod
 » tamen , si uterque ignorat , non peccat , nisi mate-
 » rialiter. Si uterque , vel alter id certò sciat , non
 » potest , quocumque etiàm periculo proposito , uti
 » matrimonio. Undè si non potest sine periculo vitæ
 » aut famæ detegere impedimentum , nec sperare
 » dispensationem , debet vel ingredi religionem (si
 » necdum consummavit) ; vel figure , vel peterè di-
 » vortium (ob conjugis sævitiam v. gr. vel adulte-
 » rium , si tale sit) vel certè omnia incommoda pa-
 » tienter sustinere. Bon. q. 8 n. 16.

» II. Si matrimonium sit dubium. Et quidem , si
 » alter tantùm dubitet , is non potest petere debitum ;
 • reddere tamen tenetur , cum alter habeat jus pe-
 » tendi. Si uterque dubia fide contraxit , vel dubitat
 » de ejus valore , neutri petere , aut reddere licet
 » antè veritatis indagationem. Vasq. Sanch. Diana ,
 » Barb. d. 6 tr. 11 p. 7 § 3. Secùs post eam Bon. q. 4
 » p. 4 v. suprà l. 1 tr. 1 c. 2 d. 3. »

Piget me de hac materia , quæ tantam præsefert
 foeditatem , ut castas mentes ipso solo nomine per-
 turbet , longiorem habere sermonem ; sed utinam
 non esset hæc materia tam frequens in Confessionibus
 excipiendis , ut non oporteret omninò Confes-
 sarium plènè , sed sufficeret compendiosè instruc-
 tum esse ! Ignoscat mihi propterea castus lector , si
 fusè de ea hîc loquar , et ad casus particulares , qui
 deformiorem exhibent turpitudinem , descendam.
 Quod , si cui mirum videatur , Auctores , ceteroqui pru-
 dentes ac pios , de hac re fusiùs pertractasse , et minu-
 tas etiàm variorum casuum circumstantias descrip-
 sisse ; audiat clarissimum virum Ludovicum Bail , qui
 (t. 2. Concilior. p. 811) ab hac censura doctissimi
 Thomæ Sanchez. egregium opus de Matrimonio vindic-
 cat , his verbis : *Licet quædam de materia factorum
 actuum tangat , turpior est infernus ; et si fœdus est sermo ,
 fœdius est in peccato patrescere , ut ait Petrus Blesen-
 sis. Ille Auctor aliquas spurcicias movet , sed ad ægro-
 tantium curationem , Si Angeli essent homines , tabulis
 non indigerent.*

Quæst. I. An liceat Matrimonium contrahere cum dubio de impedimento dirimente? Antequam diligentia adhibeatur ad veritatem assequendum, certum est non liceret post verè diligentiam adhibitam, communiter docent DD. posse contrahi Matrimonium cum opinione probabili probabilitate juris de carentia impedimenti, modò opinio illa sit universè vel certè ab AA. recepta ut probabilis; ita Sanch. de Matr. l. 1. D. 6 n. 18. Pal. tr. 88 D. 3 p. 4 § 9 n. 4. Card. in Prop. 1. Innoc. XI. Dis. 2 n. 525 et 528. Viva in eamd. Prop. n. 29 in fine, Suar. 3 pag. t. 3 q. 67 ar. 8. D. ult. Croix l. 6 p. 1 n. 117 et p. 3 nu. 527 ac 536 et Boss. t. 1, Mor. tit. 1 § 51 ex n. 1928 et Mazz. t. 4 p. 220 et Holzm. t. 2 p. 369 n. 491 cum communi: hæcque sententiam vocant tutam et moraliter certam Cardia. l. c. Holzm. n. 492. Viva d. n. 29 et Croix d. n. 117. cum aliis. Nec obstat dicere, quod cum opinione probabili non liceat Sponsis administrare Sacramentum Matrimonii. Nam respondetur, quod eo casu non ministretur Sacramentum cum sola opinione probabili, sed cum morali certitudine; quando enim adest opinio probabilis de jure, quod non subsit impedimentum, tunc Ecclesia ex antiquissima consuetudine præsumitur contractum Matrimonii approbare, et omne removere impedimentum, ut communiter dicunt præfati AA. cum aliis, et fuscè probant Cardenas l. c. a. n. 542 pluribus Decisionibus Rotæ Romanæ, ac quædam Declarationes Urbani VIII.

Advertendum tamen 1. quod, si dubium vertat circa mortem prioris conjugis, tunc sive sit negativum sive positivum non liceat Matrimonium contrahere, quidquid dicat Boss. t. 2 c. 2 n. 41 et Vidal. ad Wig. tr. 16. Casu post n. 52) quia, cum possideat prius conjugium, non potest secundum iniri cum præjudicio prioris, nisi constet (saltè moraliter) de morte prioris conjugis, ut expressum habetur in c. Dominus, de Secund. nept. Advertendum 2. cum Palao p. 4 § 9 n. 4. Quod, si constet de impedimento, et non constet de ipsius dispensatione, tunc non possit

• I. Si Matrimonium à parte rei sit nullum : quod
 » tamen , si uterque ignorat , non peccat , nisi mate-
 » rialiter. Si uterque , vel alter id certò sciat , non
 » potest , quocumque etiàm periculo proposito , uti
 » matrimonio. Undè si non potest sine periculo vitæ
 » aut famæ detegere impedimentum , nec sperare
 » dispensationem , debet vel ingredi religionem (si
 » necdum consummavit) ; vel figure , vel peteré di-
 » vortium (ob conjugis sævitiam v. gr. vel adulte-
 » rium , si tale sit) vel certè omnia incommoda pa-
 » tienter sustinere. Bon. q. 8 n. 16.

» II. Si matrimonium sit dubium. Et quidem , si
 » alter tantùm dubitet , is non potest petere debitum ;
 » reddere tamen tenetur , cum alter habeat jus pe-
 » tendi. Si uterque dubia fide contraxit , vel dubitat
 » de ejus valore , neutri petere , aut reddere licet
 » antè veritatis indagationem. Vasq. Sanch. Diana ,
 » Barb. d. 6 tr. 11 p. 7 § 3. Secùs post eam Bon. q. 4
 » p. 4 v. suprà l. 1 tr. 1 c. 2 d. 3. »

Piget me de hac materia , quæ tantam præsefert
 foeditatem , ut castas mentes ipso solo nomine per-
 turbet , longiorem habere sermonem ; sed utinam
 non esset hæc materia tam frequens in Confessionibus
 excipiendis , ut non oporteret omninò Confes-
 sarium plenè , sed sufficeret compendiosè instruc-
 tum esse ! Ignoscat mihi propterea castus lector , si
 fusè de ea hîc loquar , et ad casus particulares , qui
 deformiorem exhibent turpitudinem , descendam.
 Quod , si cui mirum videatur , Auctores , ceteroqui pru-
 dentes ac pios , de hac re fusiùs pertractasse , et minu-
 tas etiàm variorum casuum circumstantias descrip-
 sisse ; audiat clarissimum virum Ludovicum Bail , qui
 (t. 2. Concilior. p. 811) ab hac censura doctissimi
 Thomæ Sanchez. egregium opus de Matrimonio vindic-
 cat , his verbis : *Licet quædam de materia sætorum
 actuum tangat , turpior est infernus ; et si fœdus est sermo ,
 fœdus est in peccato patrescere , ut ait Petrus Blesen-
 sis. Ille Auctor aliquas spurcicias movet , sed ad agro-
 tantium curationem , Si Angeli essent homines , talibus
 non indigerent.*

Quæst. I. An liceat Matrimonium contrahere cum dubio de impedimento dirimente? Antequam diligentia adhibeatur ad veritatem assequendum, certum est non licere: post verò diligentiam adhibitam, communiter docent DD. posse contrahi Matrimonium cum opinione probabili probabilitate juris de carentia impedimenti, modo opinio illa sit universè vel certè ab AA. recepta ut probabilis; ita Sanch. de Matr. l. 1 D. 6 n. 18. Pal. tr. 88 D. 3 p. 4 § 9 n. 4. Card. in Prop. 1. Innoc. XI. Dis. 2 n. 525 et 528. Viva in eamd. Prop. n. 29 in fine, Suar. 3 pag. t. 3 q. 67 ar. 8. Di. ult. Croix l. 6 p. 1 n. 117 et p. 3 nu. 527 ac 536 et Boss. t. 1, Mor. tit. 1 § 51 ex n. 1928 et Mazz. t. 4 p. 220 et Holzm. t. 2 p. 369 n. 491 cum communi: hæcque sententiam vocant tutam et moraliter certam Cardia. l. c. Holzm. n. 492. Viva d. n. 29 et Croix d. n. 117. cum aliis. Nec obstat dicere, quod cum opinione probabili non liceat Sponsis administrare Sacramentum Matrimonii. Nam respondetur, quod eo casu non ministretur Sacramentum cum sola opinione probabili, sed cum morali certitudine; quando enim adest opinio probabilis de jure, quod non subsit impedimentum, tunc Ecclesia ex antiquissima consuetudine præsumitur contractum Matrimonii approbare, et omne remove impedimentum, ut communiter dicunt præfati AA. cum aliis, et fuisse probant Cardenas l. c. a. n. 542 pluribus Decisionibus Rotæ Romanæ, ac quædam Declarationes Urbani VIII.

Advertendum tamen 1. quod, si dubium vertat circa mortem prioris conjugis, tunc sive sit negativum sive positivum non liceat Matrimonium contrahere, quidquid dicat Boss. t. 2 c. 2 n. 41 et Vidal. ad Wig. tr. 16. Casu post n. 52) quia, cum possideat prius conjugium, non potest secundum iniri cum præjudicio prioris, nisi constet (saltem moraliter) de morte prioris conjugis, ut expressum habetur in c. Dominus, de Secund. nept. Advertendum 2. cum Palao p. 4 § 9 n. 4. Quod, si constet de impedimento, et non constet de ipsius dispensatione, tunc non possit

Matrimonium contrahi, nequè post contractum peti debitum; tunc enim pariter prævalet impedimentum. Secus verò, si constet de dispensatione, et dubitetur de ejus valore, quia tunc possessio stat pro valore dispensationis. Hoc tamen valet, si impedimentum sit de jure Ecclesiastico. Sed

902 Quær. II. An, stante impedimento probabili, de jure naturali liceat contrahere Matrimonium cum opinione pariter probabili de insubstantia impedimenti? Respondeo: per se loquendo non licet, quia illicitum est ministrare Sacramentum Matrimonii cum opinione tantum probabili de illius valore, ut patet ex prop. 1 damnata ab Innoc. VI. quando contra ad sit etiã probabilitas impedimenti etiã de jure naturali; nempe si dubium vertat de solutione prioris Matrimonii; tunc enim Ecclesia nequit dispensare, ut potest et præsimitur jam dispensare, cum adest dubium positivum (ut diximus) de impedimento juris tantum Ecclesiastici. Dixi *per se loquendo*; nam urgente gravissima causa poterit Matrimonium contrahi, modò accedat declaratio Summi Pontificis tamquam unici interpretis legis divinæ. Et sic refert Cardenas in Prop. 1 Diss. 2 n. 553 olim declarasse Urbanum VIII. Delato enim ad ipsum dubio per Joannem de Lugo, postmodum Cardinalem, an Matrimonia quorundam infidelium Indorum in Regno Paraquariæ in infidelitate contracta essent valida? et an ipsi post Baptismum tenerentur accipere primam uxorem ex pluribus, quas habuerant, vel an possent eligere quam malebant? Pontifex in dicto Consulto dixit, quod, ubi doctorum sententiæ utrimque probabiles intercederent, sequeretur opiniones pro conditione locorum ac hominum barbaris favorabiliore. Vide n. 807. v. Prob. 1.

Quær. III. An liceat Matrimonium contrahere cum opinione probabili non solum juris, idest ex Doctorum auctoritate, sed etiã facti, nempe cum ex utraque parte adest facti probabilitas pro existentia et pro carentia impedimenti? Affirmant Tambur. Dec.

l. 1 c. 3 § 3 n. 27 ac Bonac. et alii apud Croix lib. 6 p. 1 num. 118. Sed rectè negant Cardenas in Prop. 1. Innoc. XI. Dis. 2 n. 524 et 629. Viva in eamd. Prop. n. 29 et Croix l. c. cum Gormaz, ac Aversa. Ratio, quia, licet Ecclesia præsumatur supplere sive dispensare in impedimento, quando adest probabilitas orta ex jure, ut mox supra diximus, attamen hoc non procedit, quando habetur probabilitas tantum orta ex facto, quæ non fundat nisi semiplenam probationem, ut explicat Carden. n. 629. Quo supposito, non licet in Matrimonio contrahendo uti primâ sententiâ, nam quàmvis probabilis esset. prima opinio, quod cum sola probabilitate facti pro earentia impedimenti præsumatur Ecclesia etiâ dispensare; tamen, cum hæc opinio non sit communiter aut certè recepta tamquàm probabilis (prout quidem esse debet ad præsumendum quod Ecclesia suppleat, ut rectè dicunt Carden. n. 624 et Croix l. 6 p. 1 n. 117 cum Avers. et Gorm.) et cum agatur de valore Sacramenti, non possumus opinionem illam tutò sequi.

Dicunt autem Sanch. l. 8 D r6 n. 18. Card. n. 527. Viva in d. prop. 1 n. 31 et Tamb. Dec. l. 1 c. 3 vi Matrimonium, n. 1 cum Merolla; idque probabile putat Croix l. 6 p. 3 n. 533 cum Spor Gob. Krim. etc. quod in quæstione facti, si adsint utrique conjecturæ, istæ non constituent nisi merum dubium negativum, et ideò si dubium de impedimento non possit vinci, licitè contrahatur Matrimonium, quia tunc standum est pro libertate. Sed huic opinioni contra dicunt Pal. tr. 1 D. 3 p. 8 n. 10. Less. Auet. v. Matr. Cas. 10. Cont. Tourn. t. 2 de Imp. p. 245 n. 1. Ronci p. 152 q. 5 in fin. Renzi t. 1 p. 45 q. 4 cum Vid. et Laym. l. 1 tr. 1 c. 3 n. 23. cum Hurt. et Veracr. meritòque non approbant rationem ab adversariis adductam; quàmvis enim in aliis contractibus, non obstante dubio negativo de inhonestate contractûs, licitum sit illum inire, si dubium vinei non possit, quia tunc standum est pro libertate; Matrimonium tamen, quia non solum habet rationem contractûs, sed etiâ Sacra-

menti, non potest contrahi cum materia dubia; sicut et in aliis Sacramentis non licet uti materiâ dubia extrâ causam necessitatis, ne Sacramentum exponatur periculo frustrationis, juxta Prop. 1. damnatam ab Innoc. XI. Tantum igitur prima sententia posset dici probabilis, si probabilis esset opinio eorum, quos retulimus l. 1. num. 23. dicentium, præfatam Propositionem fuisse proscriptam non ratione periculi frustrationis Sacramenti, sed ratione charitatis ergâ suscipientem, ne privetur fructu Sacramenti, si forte opinio de ejus valore non sit vera. Et eo casu advertit Croix d. n. 533. cum aliis, partem dubitantem tenêri ad monendam alteram de tali dubio, ne hæc exponatur periculo gravium incommodorum. Quod si, (addunt Sanch. et Card. n. 528.) in tali dubio præsumptio urgeret pro impedimento, et nulla esset præsumptio pro illius earentia, v. gr. si vir coierit, et postea dubitet, an seminârit, vel an intrâ vas aut extrâ, tunc præsumptio orta ex communiter contingentibus est pro impedimento, et impediendum est Matrimonium. Secus autem, si adsit præsumptio in contrarium, ut si vir seminaverit propè vas; tunc enim (ut ait Sanch. d. n. 18.) proculdubio Nuptiæ contrahi possunt.

Cæterum probabiliter dicunt Emman. Sav. Dispensatio n. 1. Merbes. t. 1. p. 406 n. 8. vers. Quartus, et Contin. Tourn. t. 2. de Impot. p. 245. cum Pichler, ac probabile putat Diana p. 4. tr. 3. R. 17. (contrâ Sanch. d. n. 28. quàmvis in Dec. l. 4 c. 40 n. 26. videtur se retractâsse) quod in impedimentis dubiis possit Episcopus dispensare. Et idem dicunt communissimè DD. genericè loquendo de omnibus casibus, divè impedimentis Pontifici reservatis, quandò dubitatur; an indigeant dispensatione, ut Pal. p. 1. tr. 3. D. 6 p. 5 n. 10 Cabassut. T. I. l. 1 c. 8 n. 5 Barb. Alleg. 35 n. 19. Ronc. p. 54. q. 6. Holzm. t. 1 p. 99 n. 491. Elbel t. 1 p. 147 n. 442. et Salm. de Leg. c. 5 n. 45. ac probabile putat Bonac. eod. tit. D. 1 q. 2 p. 2 n. 18. Ratio, quia ex una parte, licet dispensatio hujusmodi impedimentorum sit Papæ reservata, tamen,

cum reservatio sit odiosa, strictè est interpretanda et restringenda tantùm ad casus certos, prout diximus in simili n. 600. Ex alia parte sat probabiliter potest Episcopus dispensare in tali dubio, tum ex c. Nuper, 29 de Sent. excomm. ubi: *Quia tamen conditor Canonis ejus absolutionem sibi specialiter non retinuit, eo ipso concessissa videtur facultatem aliis relaxandi.* Ibi-que sic addit Glossa: *Et hoc est argumentum, Episcopos posse dispensare ubi specialiter dispensatio non est inhibita, et concessum videtur, quod non est prohibitum.* Vide dicta l. 1 n. 191 et infra hoc l. 6 n. 980. v. Sed dub.) Et hoc approbant etiàm Sporer p. 4 c. 4 n. 22. Elbel de Matr. n. 474 et Roncag. de 5. Præc. c. 2 q. 6, tum quia, cum in casibus, qui frequenter occurrunt, possit inferior dispensare in lege Superioris (ut diximus cum communi l. 1 n. 190.) benè poterit Episcopus in impedimentis dubiis dispensare, eò quod in iis frequenter contingat dubitari de indigentia dispensationis.

Quær. IV. An matrimonio jam inito, liceat contra-⁹⁰³hentibus petere aut reddere in dubio de ejus valore; certum est, quod durante dubio, sive dubium antecesserit Matrimonium, sive ei supervenerit, conjux dubitans antè diligentiam adhibendam ad dubium vincendum non possit repetere, sed possit, et teneatur reddere alteri petenti bonâ fide; id patet ex c. Dominus, de Sec. nupt. ubi dicitur: *Sed super Matrimonii, quæ quidam ex vobis (nondum habita obeuntis conjugis certitudine) contraxerunt; id vobis respondemus, ut nullus à modo ad secundas nuptias migrare præsumat, donec ei constet, quod ab hac vita migraverit conjux ejus.* Si verò aliquis hoc non servavit, et de morte conjugis adhuc existimat sibi dubitandum, ei, quæ sibi nupsit, debitum non denegat postulanti, quod à se tamen noverit nullatenus exigendum. Et hujus ratio patens est, quia in dubio nemo privandus est suo jure certo, quod bona fide possidet, ut communiter docent DD. cum Sanch. l. 2 D. 42 n. 112. Salm. c. 15 n. 48. Conc. p. 383 n. 5. et alii passim. Ideam ait Pontius l.

10 c. 15 n. 8. sed hic diversam assignat rationem; dicens, ideò tenèri dubitantem reddere debitum petenti, quia de duobus malis minus est eligendum, juxta c. Duo mala. Dist. 13 Minus autem malum est in dubio reddere, quàm non reddere, quia non reddendo, est periculum injustitiæ; reddendo verò, tantùm fornicationis, quæ est minus malum, quàm injustitia. Sed hæc ratio non subsistit; nam si possessio secundi viri non præberet ipsi jus petendi, non evitaretur majus malum injustitiæ, quàm Pontius supponit, dum adhuc mulier illa se committeret periculo injustitiæ, nempe irrogandi injuriam primo viro, si fortè vivat. Unde necessariò recurrendum ad primam rationem, nempe ad jus certum possessionis, quod habet secundus vir, quod præferri debet juri incerto primi viri, cum de ejus morte dubitetur.

Semper igitur ac mulier non est certa de vita primi viri, tenetur reddere secundo viro petenti; et hoc etiãmsi adsit opinio probabilis pro invaliditate secundi Matrimonii, et nulla pro valore, quia secundus vir non potest exspoliari suo jure certo, nisi habeatur certitudo de vita primi viri, ut rectè docent S. Anton. 3 p. tit. 1 c. 3 § 3. Croix l. 6 part. 3 n. 300. cum Card. Merolla, et Brexero, ac Sanch. l. 2 D. 44 n. 3. cum Soto, Navar. Palud. Sylvest. Ang. Led. Conrad. Henr. Man. eto. Idem clarè probatur ex cap. Inquisitioni, de Sent. excomm. ubi sic habetur: *Inquisitioni tuæ respondentes credimus distinguendum, utrum alter conjugum pro certo sciat impedimentum conjugii, an non sciat pro certo, sed credat. In primo casu debet potius excommunicationis sententiam humiliter sustinere, quàm per carnale commercium peccatum operari mortale. In secundo distinguimus, utrum habeat conscientiam hujusmodi ex credulitate levi et temeraria, an probabili et discretâ. Et quidem ad sui Pastoris consilium (conscientiæ levis et temerariæ credulitatis explosa) licitè potest non solum reddere, sed exigere debitum conjugale. Verùm, cum conscientia pulsât animum ex credulitate probabili et discretâ, quàmvis non evidenti et manifesta, debitum*

quidem reddere potest, sed postulare non debet, ne in alterutro vel contra legem conjugii, vel contra iudicium conscientiae committat offensam. Nota illud certò sciat; ergò si certò non scit, tenetur reddere. Confirmatur ex c. Si virgo. Caus. 34 qu. 2 ubi: *Si virgo nupserit nesciens viro alieno, si semper nesciat, numquam ex hoc adultera erit; si autem sciat (nota), jam adultera esse incipit.* Ubi rectè notat Sanch. l. c. cum Sylves, to sciat sumi pro certitudine. Idem docet D. Th. in 4 D. 41 q. unic. art. 5 q. 1 ad 3 ibi: *Authabet certam scientium de impedimento Matrimonii, aut opinionem; si primo modo, nec exigere nec reddere debet; si secundo, debet reddere, sed non exigere.* Item dicit S. Bonav. in 4 D. 38. sub finem: *Si certificatur de vita primi viri, nec petere debet, nec reddere.*

Sed dubit. 1. An, contracto matrimonio bonâ fide, si dubium superveniat, et adhibitâ diligentia illud vinci non possit, liceat dubitanti non solum reddere, sed etiâ petere. *Prima* sententiâ negat, et hanc tenent Navar. c. 12 n. 54. Conc. p. 382 n. 3. item P. Soto, Medina, Sylv. et Conrad. apud Sanch. l. 2 D. 42 num. 45. Et hujus sententiæ videtur certò etiâ esse D. Th. in 4 D. 38 in exposita. litteræ, ibi: *Si oriatur dubitatio de vita prioris viri, ex aliqua causa quæ etiâ certitudinem facere possit, non debet nec exigere debitum; si autem illa causa fecit probabilem dubitationem, debet reddere, sed non exigere.* Idem sentit S. Bonav. in dict. D. 38 sub finem dicens: *Si probabiliter dubitat, debet debitum reddere, sed non exigere.* Id probant ex dicto c. Inquisitioni, mox suprâ allato, ibi: *Verum, cum conscientia pulsat animum ex credulitate probabili et discreta, quâvis non evidenti et manifesta, debitum quidem reddere potest, sed postulare non debet.* *Secunda* verò sententiâ longè communior, et probabilior affirmat, et hanc tenent Sotus de Just., l. 4 D. 5 art. ult. in fine, Lugo eod. tit. D. 17 n. 88. Pal. de Spons. D. 3 p. 4 § 9 n. 6. Laym. de Conscient. c. 5 § 3 n. 24 Wigandt tr. 6 n. 59. Conc. D. 34 dub. 10 n. 105. Holz. n. 466. Ronc. p. 185 qu.

6 R. 2. Fill. tract. 10 c. 9 n. 343. Habert t. 7 p. 827 qu. 4 Diana p. 3 tr. 4 R. 295. cum Val. et Vill. Salm. c. 15 n. 46. cum Reg. et Henriq. Bon. p. 4 n. 5. cum Rodr. Croix l. 6 p. 3 n. 302. cum Suar. Less. et Boss. ac Sanch. l. 2 D. 41 num. 46. cum Led. Lop. Bann. Veracr. et probabilem tenent ib. Canus, Victor. et Manuel. Ratio, quia qui Matrimonium bonâ fide contraxit, non est privandus suo jure, quod possidet petendi, donec constet de impedimento; licet enim, superveniente dubio, suspendatur jus possessionis, usquedum veritas inquiratur, dubio tamen remanente post diligentiam, cum ignorantia sit tunc invincibilis, manet possessio pro valore Matrimonii, et consequenter pro illius usu: possessor enim bonæ fidei, sicut post diligentiam potest rem retinere, sic etiâ potest illâ uti. Hæcque ratio benè confirmatur ex c. Laudabilem, de frigid. et malef. ubi in dubio de valore Matrimonii, propter dubietatem impotentiae Conjugum ad copulam, conceditur eis spatium triennii ad debitum petendum: in tantum igitur conceditur eis licentia petendi in tali dubio, in quantum Conjuges bonâ fide contraxerunt, et ideo possident jus petendi, donec per experimentum triennii fiat certum impedimentum impotentiae. Ad textum autem citatum in c. Inquisitioni, præfati AA. multipliciter respondent: Lugo de Jus. D. 17 n. 88. dicit, quod Pontifex ibi loquatur de casu quo Conjux habeat probabilitatem tantum de invaliditate Matrimonii, et nullam pro valore. Alii verò communiùs et rectiùs, ut Sotus l. c. Sanch. n. 53. et Pal. n. 6. cum Conink. respondent, quod textus intelligendus sit vetare petitionem, antequàm diligentia adhibeatur; secùs verò post diligentiam; tunc enim (ut suprâ jam dictum est) Conjux manet in possessione sui juris, practicè deposito dubio per principium illud reflexum, quod in dubio melior sit conditio possidentis. Et reverà textus, dicendo non posse Conjugem opinantem petere, supponit, eum non adhuc sibi efformasse judicium practicum conscientie,

dubium deponendo, cum subdat, non posse petere : *Ne in alterutro vel contra legem conjugii, vel contra judicium conscientiae committat offensam.* Hinc apparet, quàm necessarium sit in moralibus admittere, quod liceat deponere dubia per principia reflexa; his enim negatis, nulla apparet ratio, cur licitum sit, ut licitum jam ibi declarat Pontifex) Conjugi dubitanti de morte prioris Conjugis debitum reddere postulanti. Rectè autem advertit Sanch. n. 48. non posse dubitantem reddere debitum primo bimestri antè præmissam diligentiam, etiàmsi petens sit in bona fide, quia eò tempore alter non habet jus petendi. Et idem dicendum, si alter petens per incestum, vel adulterium sit privatus jure petendi.

Dubit. 2. An, contracto Matrimonio bona fide, ⁹⁰⁵ Conjux habens rationem probabilem pro invaliditate Matrimonii, et nullam pro valore, possit petere post adhibitam diligentiam? *Prima* sententia negat, et hanc tenent Sanch. l. 2. D. 41 n. 3 et 43 n. 2. Lugo de Jus. D. 17 n. 88. Salm. c. 15 n. 49. Spor. de Con. n. 77. Bon. qu. 4 p. 5 n. 13. Regi. et Gutt. ac Viva q. 7 art. 3 n. 11, qui vocat eam communem. Hi dicunt, conjugem taliter opinantem tenèri ad reddendum alteri, qui bonà fide contraxit, sed petere non posse. Ratio, quia possessio suffragatur dubitanti, non autem habenti assensum opinativum tantùm pro nullitate Matrimonii. *Secundo* verò sententia satis probabilis affirmat, et hanc tenent Pal. de Spons. D. 3 p. 4 § 9 n. n. 6 cum Conink. et Croix l. 6 p. 3 n. 302. Hi enim dicunt, hunc Conjugem non interdici à petendo post diligentiam, dubium deponendo, et conscientiam sibi formando ex eadem regula dicta, ut suprà, nempe quod nemo sit privandus jure suo certo, quod possidet bona fide, nisi certò, probetur, quod nullum jus habeat, ut dicunt in terminis de Matrimonio Anaclet. de Matr. D. 13 qu. 6 n. 85 cum Henriq. ac Cardenas, Merola, et Bresser apud Croix n. 300, atque fatetur ipse Sanch. l. c. n. 3. In hoc enim differre videtur, qui bona fide, ab eo qui mala fide contraxit; nam possessor malæ fidei non potest pete-

re, ut dicunt Sanch. l. 2. D. 42 n. 2. Spor. d. n. 77 et Salm. c. 15 n. 48, nisi habeat certitudinem, vel saltem probabilitatem pro valore Matrimonii (quàmvis non desint DD. qui tuentur tunc sufficere, si post diligentiam dubium deponatur, ut videhimus in Dubio sequenti); possessor autem bonæ fidei post diligentiam factam pètere potest, semper ac non constet de nullitate Matrimonii, quia possessio præbet ei jus certum petendi, quod prævalet cuicumque probabilitati oppositæ: probabilitas enim, cum sit opinativa, et consequenter semper includat formidinem in opinione contentam, auferre nequit legitimam præsumptionem validitatis Matrimonii, ortam ex ipsa possessione conjugii bona fide contracti. Vide quæ in simili casu diximus l. 1. n. 84. Id confirmatur ex c. Laudabilem de Frigid. et malef. ubi in dubio de impotentia conceditur Conjugibus usque ad triennium experiri; etenim peto, si post biennium Conjux non adhuc poterit consummare, num sit probabile Matrimonium esse validum? Certè quidem est improbabilissimum; et è converso probabilissimum est, tunc esse nullum: et tamen, hoc non obstante, possunt Conjuges pergere ad experiendum usque ad finem triennii; rogo. qua ratione? non utique alià, nisi quia Matrimonium non est adhuc certè nullum, neque illi sua possessione adhuc sunt expoliandi. Præterea, ipsimet adversarii concedunt, Conjugem opinantem tenèri ad reddendum, etiàmsi adsit probabilitas tantum de nullitate Matrimonii; nec id negare possunt, cum id expressum sit in c. *Inquisitioni sup. citato*. Et ratio est quidem, quia nemo exspoliandus est sua legitima possessione, donec constet de nullitate sui juris. Sicut ergò, non obstante unico illo assensu opinativo pro nullitate, non potest Conjux dubitans alteri debitum negare, ne privet eum sua certa possessione; ita post diligentiam non tenetur ipse ex illa sua conscientia tantum opinativa se expoliare certa sua possessione, nisi certus sit, quod nullum jus sibi competat. Dicitur autem ex *conscientia tantum opinativa*; quæ ser-

midinem includat, et ad certitudinem non pertingat, nam si Conjux dubitans habeat rationes ita convincentes de nullitate Matrimonii, ut fundent de ea moralem certitudinem, tunc certè nec petere, nec reddere potest. Item rectè advertit Croix n. 301 etc. cum Card., quod dubitans, si adhuc spem prudentem habet inveniendi majorem certitudinem, tunc nequeat petere, quia, cum dubium adhuc est vincibile, non potest uti jure petendi.

Dubit. 3. An, contracto Matrimonio cum dubia fide de impedimento, possit dubitans post diligentiam petere debitum, dubio adhuc perseverante? *Prima* sententia communior negat, et hanc tenent Pal. D. 3. p. 4 n. 6 Ronc. p. 185 q. 6 R. 2. Salm. c. 15 n. 48 Bon. p. 4 n. 10 cum Conink, Fill. etc. ac Sanch. l. 2. D. 42. n. 2. cum Nav. Sylvest. etc. Probatur ex c. Dominus, de Sec. nupt. ubi dicitur contrahens in mala fide minimè posse petere. Probatur 2. ratione, quia nemo potest uti re, quam mala fide incepit possidere; undè si non potest dubium deponere, numquam petere potest. *Secunda* verò sententia satis probabilis affirmat, eamque tenent Holzm. p. 355 n. 466 Elb. p. 404 n. 146. Ratio, quia, esto dubitans non possit deponere dubium ex titulo possessionis, potest tamen deponere ex aliis principiis, nempe primò, quia in dubio standum est pro valore actus, ut habetur in l. Quoties, ff. de reb. dub. Secundò, quia, cum Matrimonium sit causa favorabilis, in dubio standum pro ejus valore, ut probat ipse Sanch. l. 1 D. 18 n. 6 cum Cov. Lopez, et Menoch. eò quod, sicùt in foro externo in dubio judicandum est pro valore Matrimonii. juxtà communem sententiam ibi ex c. fin. de Sentent. et re judic. ita etià judicandum in foro interno, qui conformari debet externo, quandò hoc non innititur falsa præsumptione. Nec obstat textus oppositus in d. c. Dominus, quia ibi sermo fit de contrahente cum dubio de morte prioris Conjugis, quo casu certum est, dubitantem non posse petere, donec constet de illius morte; nam aliàs potius est jus prioris Matrimonii.

Hoc tamen procedit respectu ad Conjugem, qui contraxit cum dubia fide; secùs verò quòdā Conjugem qui contraxit cum bona fide, ut diximus n. 904. Communiter autem dicunt Sanch. l. 1. D. 42 n. 8. Bon. p. 4 n. 10. Boss. t. 2 c. 2 n. 41. Spor. de Consc. n. 77. Ronc. l. c. et Salm. c. 15 n. 48 cum Dic. et Croix n. 299 cum Schilder. Aversa, etc. quod, etiā contracto Matrimonio cum dubia fide, possit dubitans petere, si Matrimonium reputetur probabiliter validum, etiā si probabilius sit, esse nullum, ut dicunt Sanch. et Sporer. At hoc minimè admittendum; nam in dubio de morte prioris Conjugis, sivè Nuptiæ sint initæ cum bona fide, sivè cum dubia fide, numquā Conjux dubitans petere poterit, nisi de Morte prioris Conjugis habeatur certitudo, aut saltē tanta præsumptio, quæ moralem certitudinem statuatur. Aliās, si tantum probabilitas de morte habeatur, nequit umquam Conjux ille dubitans petere, tum quia tunc remanet probabile periculum injuriæ prioris Conjugis, juxtā dicta in Tractatu de Conscientia, quem ipse condidi; tum quia eo casu possidet prius matrimonium; donec constet fuisse solutum.

- 907 Dubit. 4. An in dubio positivo de valore Matrimonii, puta si dubitetur de impedimento, vel de consensu præstito, et simili, judicandum sit in favorem Matrimonii contracti? In foro externo proculdubio affirmandum, ut communiter docent DD. Vide Sanch. lib. 1. disp. 18 n. 5. Sed in foro conscientiae negant aliqui, eò quod in dubio praevaleat libertas ab onere Matrimonii. Sed verius est oppositum, ut tenent Sanch. n. 6. Pontius lib. 8 c. 2 n. 16. Elbel. n. 146. et Tamb. Dec. l. 1 c. 3 v. Matr. n. 7 cum Covar. Monoch. et communi. Ratio, quia, licet Matrimonium sit tantum probabiliter validum, tamen certa est ejus possessio; donec non constet de nullitate, cum in dubio (ut diximus) semper judicandum sit pro validitate actus, ut dicunt Palaus tr. 28. D. 3 p. 4 §. 9 n. 4. Busem. Elb. l. c. et Croix l. 8 p. 3 n. 298 ex l. quoties ff. de reb. dub.

Ad dignoscendum autem, quomodo quis possit esse certus, vel probabiliter dubitare de nullitate Matrimonii, tres regulæ dantur; Prima est, quod ordinariè loquendo, non teneatur Conjux credere alteri asserenti, se fictè consensisse, etiàmsi id affirmet cum juramento, ex c. Per tuas, de Probation. et c. Cum à nobis, de Testib. et attest. ubi: *Nimis indignum est, ut quod quisque sua voce protestatus est, valeat proprio testimonio infirmare.* Dicitur, ordinariè loquendo: nam aliter dicendum, si ex circumstantiis aliter censendum esset, puta si Conjux ille sit in articulo mortis, si non soleat pejerare, vel si sit persona pia, et vellet separari, aut Religionem ingredi, etc. tunc enim alter habet sufficiens motivum prudenter dubitandi, ità Bonac. p. 4 n. 19. Diana 3 p. tr. 4. R. 2. Sanch. l. 2. D. 43 n. 3 cum Soto, Adriano, Pal. Syl. Nav. Ang. etc. ac Salm. c. 15 n. 52 cum Val. Dic. Verner. et Led.

Secunda regula est, quod, si quis audiat à personis non fide dignis, vel ex fama à nullo auctore certo exorta, adesse impedimentum, licitè potest Matrimonium contrahere, aut post contractum reddere, et petere debitum; quia talis fama, aut dictum non habetur ut ratio prudens dubitandi; Sanch. n. 29 et 32 ex c. Si duo 35 qu. 6 item Salm. n. 52 cum Sylv. et Bonac. l. c. n. 20.

Tertia regula est, quod dictum unius testis fide digni de impedimento, aut fama publica ex certo auctore (ut dicunt Sanch. n. 25. Dic. Sylv. et Salm. n. 54) sufficiat, ut quis teneatur veritatem inquirere, et interrim abstinere à petendo debito; quia, cum talis ignorantia tunc sit vincibilis, in dubio non potest operari. Non sufficit tamen hoc, ut teneatur debitum negare; Quia licet possit, nemo tamen tenetur credere uni testi, quàm tumvis fide digno, qui non inducit necessitatem credendi, maximè in sui præjudicium, ex c. Cum à nobis de Test. etc. Sal. d. n. 54. Post adhibitam verò diligentiam benè potest reddere et petere, ut dicunt iidem Salm. n. 28 cum Nav. Sylv. Ang. et Lop.

• III. Si fiat cum gravi periculo vitæ, aut sanitatis: 909

- » Nisi tamen sit causa gravis, cui damnum corporeale videatur postponendum, v. gr. periculum incontinentiæ in se, vel comparte. Bon. p. 6 n. 8.
- » Perez d. 50 s. 4 n. 5. »

Dubit. 1. An liceat petere cum periculo sanitatis, nempe si alterutrum Conjugum laboret lepra, morbo gallico, phthisi, aut alio morbo contagioso? Per se loquendo non licet, cum nemo sit dominus suæ vitæ, aut salutis; Attamen probabiliter Busemb. ut suprâ cum Bonac. et Perez, ac Sanch. l. 9. D. 24 n. 23 cum Cajet. P. Soto, Graff. item Boss. c. 1 n. 195 et 209 cum Pont. Laym. et Reg. dicunt, quod, si morbus esse diuturnus, et non proximè tendens ad mortem, nempe quod non soleat de brevi et facili mortem inferre, ut esset pestis, aut lepra leonina (qua frustatim membra decidunt), tunc non sit futurum illicitum sano petere, si aderit juxtâ causâ, nimirum fovendi amorem conjugalem, aut vitandi incontinentiam in se vel in altero, quia aliàs esset valdè onerosum tamdiù abstinere ab usu conjugii, quod vix poterit esse sine periculo incontinentiæ. Advertendum tamen, quod Conjux infectus morbo gallico, aut simili contagioso, non poterit petere ab altero inscio, nisi vitium suum illi manifestet, et manifestando possit alter remediis occurrere morbo; imò nec etiâ poterit reddere, nisi certiore facto sano. Hinc benè ait Bossius c. 1 n. 180, quod dupliciter peccaret, qui laborans morbo gallico fornicationem committeret; et insuper teneretur compensare expensas pro curatione: Probabiliter tamen ab hac compensatione excusat fœminas, nisi ipsæ requisitæ fraudulenter suum morbum tegerent. Non potest igitur Conjux infectus tunc reddere, nisi morbum manifestet. Cæterum verò non tenetur manifestare, quia non tenetur cum tanto detrimento suæ famæ conjugale debitum præstare: In omnibus enim contractibus gravissimum incommodum in solutione excusat à debito reddendo, ut ait Tamb. l. 7. Dic. c. 3 §. 5 n. 13 cum Soto, juxtâ dicenda in simili casu n. 491.

Non licet autem petere statim à balneis, vel à sec-

tionem venæ, nam, ut dicunt Sanch. l. 9 d. 24 n. 5. Bon. q. 4 p. 1 n. 4 et Boss. c. 1 n. 171 cum S. Ant. et Fill. coitus eo tempore est notabiliter periculosus. Idem dicunt Bon. l. c. Pont. l. 10 c. 14 n. 3 Sanch. n. 3 et Bos n. 170 cum aliis de laborante febris. Idem ait Croix de viro coeunte cum uxore laborante gonorrhœa, scilicet profluvio seminis. dicto *fluxo albo*; sed quidam Medicus mihi asseruit, minimè nocere talem copulam neque viro, neque mulieri. Præterquamquod non videatur copula tunc prohiberi, cum hujusmodi fluxus soleant esse ferè perpetui, undè grave incommodum esset Conjugibus tamdiù abstinere ab usu Matrimonii, prout dictum est de muliere laborante menstruo innaturali; vide dicenda n. 925. Excipiendum tamen, nisi fluxus sit maleficus; et tunc etià excusatur coitus, si adsit periculum incontinentiæ tam in petente, quàm in reddente, juxta mox dicta n. præced. Vir autem laborans fluxu seminis semper licitè potest petere, quia coitus nullum affert damnum nec ipsi, nec uxori, nec proli, ita Sanch. l. 9 D. 11 n. 9.

Videtur etià non licere petere statim post prandium, dum inquit Pontius lib. 11 c. 14 n. 3. Bonac. qu. 4 p. 1 n. 6 Boss. c. 1 n. 171 cum Palud et Sanch. l. 9 d. 24 n. 4 cum Vega, Conjuges sæpè excusari reddendo tali tempore, eo quod coitus soleat tunc afferre grave damnum, ob ciborum cruditatem, vel corruptionem, quam causat. Refertque S. Anton. p. 1 tit. 1 l. 16 § 10, quemdam propter hoc in phthisim incidisse. Sed dico, quod, si hoc esset verum, omnes ferè Conjuges phthisici evaderent. Medici autem, quos consului, et experientia negant in hoc grave damnum adesse. Hinc non auderem damnare Conjugem post prandium petentem, cum isti communiter post prandium vel coenam soleant coire. Neque contra excusarem hac ratione Conjugem à reddendo, nisi experientia constaret, quod tali coitu ipsi, vel alteri notabile damnum provenerit; Aliàs certum est, ipsos tenèri ad reddendum etià cum aliquali seu levi impedimento, juxta dicenda n. 950 v. Quæritur.

911 Dubitatur 2. An liceat debitum petere tempore lactationis? Alii negant, ut Butrius, et Alex. de Nevo apud Boss. c. 1 n. 213. Imò Tiraq. et alius Auctor apud Sanch. l. 9. D. 22 n. 13 dicunt esse mortale; tum quia in c. fin. Dict. 5. D. Gregor. dicit: *Ad ejus verò concubitum vir accedere non debet* (debet, non autem decet, ut refert Sanch.) *quousque qui gignitur ablactetur*; tum quia in tali coitu est timor nocumenti prolis, si uxor concipiat. Communissimè verò affirmant licere Pal. p. 4 n. 14. Bon. p. 1 n. 11. Pont. l. 10. c. 14 n. 9. Salm. c. 15 n. 79. Croix n. 326. Holzm. n. 465. Elb. n. 390. Sanch. l. c. n. 14 cum Ricch. Turrecr. Rosell. etc. ac Boss. c. 1 n. 214 cum Con. Fill. Hurt. Leand. Vill. etc. Ratio, quia non extat lex prohibens, textum enim D. Gregorii, ajunt Sanch. n. 16. Holzm. l. c. et Boss. n. 125 esse solùm de consilio; item, quia periculum inficiendi lac, teste experientia, rarum est; saltèm non tantum, ut teneantur Conjuges tanto tempore abstinere ab usu conjugii; cum continuo periculo peccandi. Excipiunt tamen Pontius l. c. et Boss. n. 215, si Conjuges sint valdè pauperes, et prudens adsit timor de gravi damno prolis; tunc enim (ut dicunt) neuter tenetur reddere, imò nec potest petere, etiàm si sit periculum incontinentiæ, quia non licet sibi consulere cum damno innocentis, cum alia suppetant media ad incontinentiam sedandam; Verùm Sanch. n. 15 eo casu excusat quidem Conjuges à reddendo (ut excusat etiàm Bonac. d. n. 11), sed non audet damnare exigentem, dicens quod tunc vel alia viâ ipse poterit proli consulere, vel futura sit justa causa ipsam periculo exponendi, ne tamdiù Conjuges cogantur abstinere cum tanta difficultate. An autem Conjuges peccent, respectu prolis, petendo tempore prægnationis, vel menstrui aut purgationis post partum? Vide dicenda n. 924, 925 et 926. Et quid, si Conjuges laborent lepra? Vide n. 951. An autem liceat coire tempore menstrui? Vide n. 925.

912 * IV. Si fiat pravo fine, v. gr. tantùm voluptatis causa, quod tamen Doct. communiter, ut Sanch.

» l. 9 n. 11. Bonac. q. 4 p. 6 censent esse tantum veniale, contra Pontium, qui vult esse nullum :
 » nullum autem erit, si delectatio non quæsitatiatur, vel ad eam se excitent, quando copula debita redditur. Sanch. l. 9 d. 11 etc. Vide etiam Diana
 » p. 3 t. 4. R. 216. Bon. p. 6 M. Perez d. 46 s. 2 n. 6. »

Certum est, esse illicitum habere copulam propter solam voluptatem, ut patet ex Prop. 9 damnata ab Inn. XI. quæ dicebat : *Opus conjugii ob solam voluptatem exercitum, omni penitus caret culpa, ac defectu veniali.* Commune tamen est apud omnes, id non esse mortale, sed tamen veniale peccatum : ita Sanch. l. 9 D. 11 n. 4. Pont. l. 1 c. 21 n. 6 et 11. Boss. c. 7 n. 63 et alii passim, ex D. Th. Suppl. q. 64 art. 6, ubi expressè id docet. Et ratio, cur non sit mortale, est, quia delectatio de aliquo objecto ex duplici tantum capite potest esse mortalis, vel quia objectum ipsum est graviter vetitum, vel quia homo delectatur de illo tamquam ultimo fine, sed in hac delectatione neutrum intervenit; non primum, ut patet, non secundum, ut supponitur. Non excusatur autem à veniali, quia est perversio quædam ordinis, cum delectatio, quæ intenta est à natura ut medium ad generationem, fit finis habendæ copulæ. Nullum autem erit peccatum, ut rectè ajunt Croix n. 296 et Viva de Matrim. q. 3 a. 2 n. 4, si Conjux principaliter intendat procreationem prolis, et utatur voluptate (eam moderatè intendens), ut se excitet ad copulam; sicut pariter minimè peccat, qui intendit moderatam delectationem in comedendo, ad præstandum corpori conveniens alimentum.

« V. Si exerceatur mente adultera, ut si, dum accedit ad suam, imagnetur aliam, ut animum pascat, quod est mortale. Sanch. Bonac. p. 6 n. 7. »

Excusant autem à mortali Sanch. l. 9 D. 16 n. 16 et Spor. n. 505. Conjugem, qui se excitaret ad copulam, delectando de pulchritudine alterius personæ, sed absque affectu turpi; at meritò dicunt, hoc esse valde periculosum, et non permittendum. Sicut nec etiam

permittendum puto cum Diana apud Spor. l. c. se excitare ad coitum, rescipiendo ad imagines diversi sexus: maxime si essent sacrae, quod rectè ajunt Croix n. 329 et Spor. esse mortale, propter gravem irreverentiam.

914 An autem liceat Marito delectari de copula aliena cogitata, ut se excitet ad coitum cum uxore? Ex una parte videtur negandam, cum objectum, de qua delectatur, sit per se turpe. Ex alia non videtur damnandus talis Conjux, cum ideò solutis est illi-
cita spectatio concubitûs humani, sive delectatio de visu cogitato talis concubitûs, quia in tali visu vel delectatione adest proximum periculum commotionis spirituum generationi deservientium; et cum ipsis copula sit prohibita, consequenter etiã est vetita commotio spirituum; Conjugetis autem, cum eis jam permissa sit copula, non videtur vetita saltèm sub gravi talis commotio spirituum, quàmvis ipsa ex delectatione illa oriatur. Hanc tamen cogitationem, si esset de copula inter personas determinatas, non excusarem à mortali, ob facile periculum consentiendi in delectationem de copula cum conjuge aliena. Cæterum, quia hoc dubium apud nullum inveni discussum, Sapientibus remitto decernendum. Illud autem, quod probabile putat Arriaga de Peccat. D. 47 n. 16, nempe licitum esse Marito delectari de copula cogitata inter ipsum, et alienam, dico cum Croix n. 331 omninò rejiciendum, cum talis delectatio sit de objecto intrinsecè malo, et ipsi conjugi omninò vetito.

915 « VI. Si fiat modo indebito, verbi gratiã 1. Si non » servetur vas naturale: quod multi docent esse ve-
» rã sodomiam, alii esse grave peccatum contra
» naturam; V. 6. Præcep. 2. Si sine justa causa situs
» sit innaturalis, præposterus etc. quod aliqui di-
» cunt esse mortale, alii, secluso periculo effusionis
» seminis, veniale tantùm, etsi grave, et graviter in-
» crepandum. Dian. part. 3 t. 4 Res. 204. 3. Si alter
» conjugum ex morositate, vel alia ratione semina-
» tionem cohibeat: quod quidam generatim dicunt
» esse mortale, quia finis actûs conjugalis, scilicet ge-

neratio, impeditur; quidam tamen, ut Præpos. et Sanch., dicunt, in foemina nullum esse. V. Bon. p. 6 n. 15 et p. 1. »

Quær. I. An peccet mortaliter vir inchoando Copulam in vase præpostero, ut postea in vase debito eam consummet? Negant Nay. l. 5 consil. de Poenit. Cons. ac Ang. Zerola, Graff. Zavar. et Gambac. apud tian. p. 2 tr. 17 R. 37, modò absit periculum pollutionis; quia aliàs (ut ajunt) omnes tactus etiã veneri non sunt graviter illiciti inter conjugatos. Sed communiter et verius affirmant Sanch. l. 1 D. 17 n. 5. Pont. l. 10 c. 11 n. 5. Pal. p. 4 § 2 n. 6. Bon. p. 11 n. 12. Sporer n. 497. Tamb. l. 7 c. 3 § 5 n. 31 et Boss. c. 7 n. 174 cum Fill. Perez, Aversa, Fagund. et Leand. Ratio, quia ipse hujusmodi coitus (etsi absque seminatione) est vera sodomia, quãvis non consummata, sicut ipsa copula in vase naturali mulieris alienæ est vera fornicatio, licet non adsit seminatio. An autem sit mortale viro perfricare virilia circa vas præposterum uxoris? Negant Sanch. num. 5 et Boss. n. 175 cum Fill. et Perez, quia tangere os vasis præposteri non est ordinatum ad copulam sodomiticam. Sed verius pariter affirmant Pontius loc. cit. Pal. n. 6. Diana p. 4 tr. 4 R. 104 et p. 5 tract. 7 R. 7 item Fagund. Leand. etc. apud Boss. loc. cit. atque Tamb. n. 32 (qui testatur ex aliquibus codicibus sententiam Thomæ Sanch. esse deletam : imò Moya asserit, ipsum Sanch. se retractasse in editione Antuerpiensi anni 1614.) Ratio est, quia saltẽm talis tactus non potest moraliter fieri sine affectu sodomitico.

Quær. II. An et quomodò peccent Conjuges coeundo situ innaturali? Situs naturalis est, ut mulier sit succuba, et vir incubus; hic enim modus aptior est effusioni seminis virilis, et receptioni in vas foemineum ad prolem procreandam. Situs autem innaturalis est, si coitus aliter fiat, nempe sedendo, stando, de latere, vel præposterè more peccandum, vel si vir sit succubus, et mulier incubus. Coitum hunc, præter situm naturalem, alii apud

Sanch. l. 9 D. 16 n. 2 genericè damnant de mortali; alii verò dicunt, esse mortale ultimos duos modos, dicentes, ab his ipsam naturam abhorrere. Sed communiter dicunt alii, omnes istos modos non excedere culpam venialem. Ratio, quia ex una parte, licet adsit aliqua inordinatio, ipsa tamen non est tanta, ut pertingat ad mortale, cum solùm versetur circà accidentalìa copulæ; ex alia parte, mutatio sitûs generationem non impedit, cum semen viri non recipiatur in matricem mulieris per infusionem, seu descensum, sed per attractionem, dum matrix ex se naturaliter virile semen attrahit; ità S. Ant. 3 p. tit. 2 c. 2 § 3 in fine cum Alb. M. Nav. c. 16 n. 42. Pont. l. 10 c. 11 n. 1. Petrocor. t. 4 p. 445 v. Tertius casus. Salm. c. 15 n. 73. Boss. c. 7 n. 68. Holz. num. 458. Sporer n. 493. Ronc. p. 184 q. 4. Croix nu. 332. Pal. de Sponsal. D. 3 p. 4 § 3 n. 1 cum Sa, Tolet. Hurtad. Con. et Hen. ac Sanch. l. 9 D. 16 n. 3 cum Gers. Caj. P. Soto, Dom. Soto Sylv. Arm. Vict. etc. Et apertè favet D. Th. in 4 D. 31 in fin. in exp. litt. ubi sic ait: *Sed in secundo modo (nempè mutando situm naturalem) non semper est peccatum mortale, ut quidam dicunt, sed potest esse signum mortalis concupiscentiæ.* Ergò ex D. Thoma mutatio sitûs per se non est mortalis, sed potest esse mortalis ex prava concupiscentia, puta ex affectu bestialitatis, vel sodomie, vel si hujusmodi voluptas habeatur, ut finis ultimus. Hinc communiter dicunt præfati AA. cum Concina p. 403 n. 2. Conjuges minimè peccare, si mutant situm ex justa causa, nempe ob ægritudinem, vel pinguedinem viri, vel ob periculum abortûs, aut scandali aliorum, idquè expressè dicit Angelicus l. c. ubi subdit: *Quandoque sine peccato esse potest, quando dispositio corporis alium modum non patitur; aliàs tantò est gravius, quantò magis à naturali modo receditur.* E converso conveniunt omnes (ut asserunt Sanch. n. 5. Pal. l. cit. Boss. n. 171 etc.) quod, si experientià constaret, quod mutato naturali situ nihil seminis femina retineret ob nimiam vasis laxitatem, vel humi-

ditatem, vel propter aliquam infirmitatem naturalem, ut ait Palau, tunc esset mortale: secus verò dicit Sanch., si non ex situ, sed ex aliquo morbo mulieris talis effusio provenit.

Dicunt autem Sanch. d. n. 5. Pont. d. c. 11 n. 3. Pal. d. n. 1 et Boss. n. 171 cum Perez, Hurt. et Aversa, non esse mortale, si ob variationem sitûs pars tantum seminis decidat, reliquo intrâ vas retente sufficienti ad generationem; quod dicunt Sanch. et Boss. aliquandò evenire; imò ferè semper evenire ajunt Pal. et Pontius, qui testatur sic Medicos asserere. Verum Salm. c. 15 n. 74 hanc opinionem vocant nimis laxam, quia (ut inquit) prodigere semen humanum sine rationabili causa non potest excusari à mortali; certum dicunt ipsi Salm. l. c. ac Sanch. n. 5 et Spor. n. 493 cum Aversa, non tenêri Confessarium interrogare Conjugem de hoc se accusantem, an semen effusum sit, vel non, quia rarò (ut ajunt) accidit semen effundi; et sic etiàm ego plures audiavi ab eis, qui apud me in Confessione se accusabant, præposterè coivisse. Eos verò, qui coeunt stando, vel sedendo, vel mulierem incubam, putò esse in majori periculo semen effundendi. Sed per hoc non audeo damnare sententiam Sanch. Pontii, Palai, et aliorum ut suprâ; nam possent ipsi Salm. respondere, quod sine justa causa prodigere semen, sivè (ut melius Salm. dicere debebant) permittere, ut semen prodigatur, numquàm licet, quandò semen extrâ vas uxoris effunditur, non verò quandò intrâ immittitur, et per accidens, non autem ex ipso actu prodigitur; quia tunc matrix, ut dicunt AA. præfati, jam attrahit quod est sufficiens ad generationem, et reliquum tamquàm superfluum expellit. Utrùm autem teneatur Conjux addere alteri petenti debitum situ innaturali sine juxtâ causa? vide dicenda n. 946.

Quær. III. An peccent mortaliter Conjuges, si incepta copulâ cohibeant seminationem? Respondetur: si Conjuges ambo in hoc consentiunt, nec adsit periculum seminandi extrâ vas, id per se loquendo non est mortale; illa enim penetratio vasis fœminæ tunc

reputatur instar tactus verendorum, qui inter Conjuges permittitur, vel saltē non est mortalis, secluso periculo pollutionis; itā communiter S. Antonin. 3 p. tit. 1 c. 20 §. 6. Pont. l. 10 c. 11 n. 9. Pal. p. 4 §. 3 n. 3. Laym. l. 6 sect. 14 n. 19. Bonac. q. 4 p. 6 n. 15. Less. l. 4 c. 3 n. 55. Sporer n. 490. Salm. c. 15 n. 82 cum Aversa, et Dic. Boss. c. 9 n. 58 cum Fill. Hurt. et Perez, ac Sanch. l. 9. D. 19 n. 3 cum Pal. Cajet. Ang. Sa, Arm. Tasi. etc. Dixi 1. *si ambo consentiunt*; nam si alter se retrahit sine alterius consensu, certē graviter peccat, ut dicunt omnes AA. præfati. Dixi 2. *Per se loquendo*, nam sapienter advertit Sanch. l. c. cum Veracruz, id ordinariē esse mortale. quia ordinariē adest periculum ex tali retractione effundendi semen, nisi Conjuges experti sint oppositum: quo casu tamen puto nullo modo posse eos excusari saltē à veniali, quidquid dicat Sanch. ib. cum aliis.

Si verò foemina jam seminaverit, vel sit in probabili periculo seminandi, non potest quidem vir data operā à seminatione se retrahere, sine gravi culpa, quia tunc ipse est causa, ut semen uxoris prodigatur, communiter dicunt S. Anton. l. c. Salm. n. 81 Holzm. n. 451 et Sanc. n. 4 cum Palud. Caj. Ang. Sa, et alii passim. Hoc tamen non erit itā intrinsece malum, ut aliquo casu permitti non possit, puta si vir desisteret à copula ob periculum mortis, vel scandali aliorum; tunc enim licitē potest se retrahere etiā cum periculo pollutionis, quia hæc per accidens, et præter intentionem eveniret, et contra non tenetur cum periculo tanti damni generationem procurare; itā communiter Sanch. d. n. 4 Pal. n. 5 Dian. 3 p. tr. 4 R. 204 Boss. n. 60 cum Less. Aversa, et Perez, ac Salm. n. 81 cum Cajet. Dicast. Hen. etc. Hæc sunt certa apud omnes.

Si autem vir jam seminaverit, dubium fit, an foemina lethalter peccet, si se retrahat à seminando? aut peccet lethalter vir non expectando seminationem uxoris? *Prima* sententia affirmat, et hanc tenent Aversa, Hurt. et Ochagav. ap. Boss. c. 9 n. 51 et proba-

bilem putat Dian. pag. 5 tr. 14 R. 37. atque videtur cohærere Tab. et Arm. ap. Sanch. l. 9 D. 19 n. 5 dum indistinctè dicunt esse mortale, si altero seminante Conjux à seminatione se retrahit. Ratio, quia (ut ajunt) etiàm semen mulieris activè concurrit ad generationem, prout censent ex Medicis Hippocrates, Galenus, Valesius, et Petrus Matha ap. Sanch. l. 2 D. 21 n. 11 et ex Thologis Suar. t. 2 in 3 p. D. 10 sect. 1 v. Secundo inferitur, ubi ait: *Semen maternum simpliciter necessarium est ad concipiendum filium.* Item D. Bonav. et Major ap. Boss. d. n. 60 ac Caj. Abul. et plures alii ap. Sanch. l. c. et ipsi Sanch. et Boss. hanc opinionem satis probabilem putant; saltèm (ait Boss.) semen mulieris juxtà omnes valdè confert prolis perfectioni, cum ad hoc saltèm fuerit à natura institutum. *Secunda* verò sententia communior negat, et hanc tenent Sanch. l. 9 D. 19 n. 5 Pont. l. 10 c. 11 n. 2 Bon. p. 6 n. 14 et Salm. c. 15 n. 80. cum Caj. Henr. Dic. Veracr. etc. Hi contrario nituntur fundamento, nempe quod semen mulieris non sit necessarium ad generationem, ut asserunt Aristoteles, Avicenna, Galenus sibi contrarius, ac Hugo Senensis, et Alb. M. ap. Sanch. l. 9 D. 17 n. 9. qui ait, hanc esse sententiam communem Theologorum, exceptis Scottistis. Nec obstare dicunt AA. hujus secundæ sententiæ, quod semen foeminæ conferat perfectionem prolis; nam respondent, quod non teneantur Conjuges ad convenientiorem modum generandi, sed satis sit, si generationi non obstant. Quàmvis autem dicant præfati AA. non tenèri virum expectare seminationem mulieris, si ipse jam seminaverit: concedunt tamen ei posse continuare copulam, usquè dum seminet foemina, quia hoc pertinet ad complementum copulæ uxoris, ut censent Pont. et Dian. ll. cc. Bon. n. 14 cum Caj. et Sanch. D. 17 n. 11 cum Tab. et Graff. contra Henr. (ap. Bon. l. c.) qui sentit, virum non tenèri expectare seminationem foeminæ, quia periculum est, ut hoc pacto impediatur generatio, quod non videtur satis probabile, nec cohærens, nam si adesset

tale periculum, non debuisset dicere, non tenêri, sed non posse, quod nemo asserit, nemo enim hoc periculum supponit.

Sed redeundo ad primam quæstionem, esto secunda sententia sit quidem communior, et probabilior, ut videtur, censeo tamen cum Bos. l. c. n. 52, primam sententiam esse satis probabilem, et ideò in praxi tenendam. Ratio, quia non licet sequi opinionem probabilem cum damno tertii; cum autem hîc agatur de damno prolis sivè generationis adversùs naturam, quæ jus habet, ut non impediatur generatio, cum ad hoc instituerit actum conjugalem, propterea ubi est periculum impediendi generationem, non licet uti opinione probabili; ubi enim (ut diximus l. 1 n. 33.) agitur non de honestate actionis, sed de veritate rei, illicitum est sequi (ut omnes fatentur) opinionem probabilem pro libertate, adversùs aliam stantem pro lege. Hinc neque practicè probabile puto id, quod dicunt Sanch. n. 5 et Spor. n. 491 cum Perez, Escob. Dic. et Gob. nimirum posse mulierem in actu coitûs animum ad alia divertere, ne concitetur ad seminationem.

919 An autem, si vir se retrahat post seminationem, sed antè seminationem mulieris, possit ipsa statim tactibus se excitare, ut seminet? Negant Auctor Addit. ad Wigandt t. 16 post n. 106. ac Dian. et Rodr. ap. Boss. l. 9 n. 54 adhæretque Pal. p. 4 § 3 n. 6. (dicens id non esse licitum, si mulier posset se continere). Ratio, quia semen mulieris non est necessarium ad generationem; item quia effusio illa mulieris, utpotè separata, non fit una caro cum viro. Communiùs verò affirmant Wigandt tr. 16 n. 103 v. Solve. Less. l. 4 c. 3 n. 94 Bon. q. 4 p. 6 n. 17. in fin. cum Sanch. l. 9 D. 17 n. 10 Pot. t. 1 c. 4 n. 44. 10 Tamb. Dec. l. 1 c. 3 § 5 n. 18 Salm. c. 15 n. 80. in fin. cum Dic. Fill. tr. 10 n. 330 Spor. n. 491 Boss. c. 9 n. 55. cum Aversa, Perez, Fag. et Lean. ac Elb. p. 479 n. 425. cum Cleric. Hom. Dian. Gob. et Bosco; et non reprobatur Conc. p. 406 n. 11. Ratio, tum quia seminatio mulieris perti-

met ad complendum actum conjugalem, qui consistit in seminatione utriusque Conjugis; undè sicut potest uxor tactibus se præparare ad copulam, ita etiam potest actum copulæ perficere, tum quia, si mulieres saltèm post irritationem tenerentur naturam compescere, essent ipsæ jugiter magno periculo expositæ peccandi, cum frequentius viri, quia calidiores, prius seminant (sed hæc ratio non suadet, nam si hoc permetteretur uxoribus, deberet permitti etiam viris, easu, quo mulier post suam seminationem se retraheret, et vir maueret irritatus; at DD. communiter dicunt id vetitum esse viris, ut Sanch. n. 10 Wiggandt. et Bon. l. c.); tum quia, ut plures sentiunt, seminatio mulieris est necessaria, vel saltèm multum confert ad generationem: nihil enim à natura frustra neum agitur. Omnes autem concedunt uxoribus, quæ frigidioris sunt naturæ, posse tactibus se excitare antè copulam, ut seminant in congressu maritali statim habendo; vide Conc. n. 13.

* VII. Si in loco indebito, v. g. Sacro, qui indè⁹²⁰
 » violetur, vel in loco publico * (Vide dicta de hoc
 » puncto l. 3 num. 485. ubi diximus cum Navar.
 » Vasq. Tol. Azor. Con. Pont etc. *quod, licet probabile*
 » *sit, per copulam conjugalem occultam in Ecclesia non*
 » *committi sacrilegium, neque Ecclesiam pollui, pro-*
 » *babilius tamen est oppositum, nisi adsit necessitas,*
 » *cum Suar. Sanch. Less. Bon. Holzm. Croix, Salm.*
 » *etc. Etsi eo casu non tenentur Clerici ibi abstinere à*
 » *divinis officiis celebrandis, nisi concubitus ille habitus*
 » *publicetur, ut dicunt iidem AA. et probatur in hoc l.*
 » *6 n. 364. quia Ecclesia non censetur polluta quòdà*
 » *celebrationem Officiorum, nisi crimen sit notorium*
 » *notorietate facti.)**

» VIII. Si absque urgente causa fiat tempore inde-⁹²¹
 » bito, 1 in magna solemnitate, ut Paschæ, vel pri-
 » diè communionis. V. Per. d. 49 s. 2. 2. Quandò uxor
 » est gravida, saltèm, si sit periculum abortûs. Nav.
 » Sylv. Sanch. Conc. Fill. n. 337. Hoc enim si non
 » sit, non erit saltèm mortale: quod enim tunc fine

» suo frustretur semen, non sequitur per se ex actu:
 » Undè Dian. p. 3 tr. 1 R. 204 et Con. d. 34 dub. 9
 » nullum peccatum agnoscat. 3. Quando uxor la-
 » borat fluxu menstruo. Quod tamen non esse mor-
 » tale, contra Azor. docet Sanch. l. 9 d. 21 n. 2. Imò
 » aliqui apud Dian. l. c. ut Pont. l. 10 c. 11 et c. 14
 » n. 5 et 6. docent, nec veniale esse, si periculum
 » urgeat, quod Sanch. l. c. docet esse probabile; ad-
 » ditque M. Perez, si ob finem honestum fiat, nul-
 » lum esse; et tenèri reddere debitum uxorem, si
 » maritus exigat. Vide dist. 49 sess. 3. »

922 Quær. I. An liceat Conjugi coire die Communio-
 nis? Vide quæ fusiùs diximus hoc l. 6 n. 273 et 274.
 ubi tenuimus, esse veniale accedere ad Eucharistiam
 die copulæ habitæ ob voluptatem, nisi excuset ali-
 qua rationabilis causa. Si verò copula est habita cau-
 sâ procreandæ prolis, vel etiâ incontinentiæ vi-
 tandæ, tunc est solum consilii S. Communionis ab-
 stinere, ex c. Si vir 7 Canus 33 q. 7. Et sic pariter
 est consilii abstinere die, quo Coniux reddidit debi-
 tum; à quo autem reddendo, ordinariè loquendo, prop-
 ter Communionem non potest eximi; nam aliquandò
 potest honestis precibus resistere. Quid autem debeat
 Confessarius respondere Conjugi interroganti, an te-
 neatur reddere die Communionis? Vide d. n. 274. v.
 Quid. Sed post Communionem sumptam nullum est
 peccatum reddere. An autem petere? Alii dicunt esse
 veniale; alii nullum; vide ib. v. Die autem.

923 Quær. II. An diebus festivis, vel jejunii aut Ro-
 gationum sit illicitus actus conjugalis Commune est
 non esse vetitum tunc debitum reddere cum D. Th.
 suppl. q. 64 art. 7. ubi dicit: *Cum mulier habeat po-
 testatem in corpore viri...et è converso, tenetur unus al-
 teri debitum reddere quocumque tempore, et quatumque
 hora.* An autem sit vetitum petere? *Prima* sententia
 affirmat, et hanc tenent D. Th. l. c. a. 1 S. Anton. 3
 p. tit. 1 c. 20 § 11 Conc. t. 10 p. 395 n. 10 item Mag.
 Sent Alb. M. Palud. Gers. Sylv. Tab. etc. ap. Sanch.
 l. 9 d. 12 n. 3. Hoc tamen sub culpa veniali, ut ait
 D. Th. cum aliis: non verò sub mortali, ut aliqui im-

probabiliter tenent apud Sanch. quia tempus sacrum *non est circumstantia* (ratio S.D.) *trahens in aliam speciem peccati, unde non potest in infinitum aggravare.* Rationem autem, cur sit veniale. assignat idem Angelicus dicens : *Actus matrimonialis, quàmvis culpâ careat : tamen, quia rationem deprimit propter carnalem delectationem, hominem reddit ineptum ad spiritualia. Et ided in diebus in quibus præcipue spiritualibus est vacandum, non licet petere debitum.* Secunda verò communior negat esse illicitum, et hanc tenent Sanch. l. 9 d. 12 n. 5 cum S. Bon. Scoto, Cajet. Arm. Soto, Ang. Valent etc. item Pont. l. 10 c. 9 per totum. Pal. p. 4 § 4 n. 5. Bon. p. 4 p. 6 n. 28. Sal. c. 15 n. 58 cum Henr. Dic. Con Aversa, Led etc. ac Boss. c. 7. n. 84 cum Azor. Reg. Fill. Perez ; etc. Ratio, quia id non habetur vetitum ullo jure : non divino, quia in festis sola opera servilia prohibentur ; non ecclesiastico, quia diebus festis et jejunii, non obstante congressu maritali, possunt Conjuges servare ea, quæ sunt de præcepto. Quod si Canones et SS. Patres videantur iis diebus expressè prohibere usum conjugii, dicunt præfati AA. id intelligi de consilio, non de præcepto, ut multis nititur probare Sanch. cum Gloss. in Canones, et aliis Interpretibus.

Quær. III. An liceat coire Conjugibus tempore prægnationis ? Commune est, id non esse mortale, nisi ad-⁹²⁴ sit periculum abortûs ; ita omnes cum Sanch. l. 9 d. 22 n. 3. Pont. l. 10 c. 14 n. 7 Pal. p. 4 §. 4 n. 12 Salm. c. 15 n. 78. Ronc. p. 184 q. 3 R. 2 et Boss. c. 9 n. 33 ex D. Augustino de Bono Conjug. c. 6 ubi : *Conjugalis enim concubitus generandi gratiâ non habet culpam : concupiscentiæ verò satiandæ, sed tamen cum Conjugæ, propter fidem tori, venialem habet culpam.* Idem docet D. Ambrosius in Luc. c. 1 ibi : *At verò homines nec conceptis ipsis, nec Deo parent, illos contaminant, hunc exasperant.* Notato contaminant ; ergò supponit S. Doctor periculum abortûs. Item D. Hieron. in c. Origo, 32 q. 4. *Postquàm venter intumuerit, non perdant filios.* Item D. Th. in 4 dis. 81 in fin. in expos. lit. ibi : *Ided Hieronymus vituperat accessum viri ad uxorem imprægnatam,*

non tamen ità quod semper sit peccatum mortale , nisi fortè quandò probabiliter timetur de periculo abortûs.

Censent autem Sylvest. Ang. et Tab. apud Sanch. l. c. n. 1, adesse periculum abortûs , si copula habetur circa initium conceptionis , quia ex novo coitu materia illa nondum plenè formata , facilè dispergitur : nam licet matrix post conceptionem statim claudatur , tamen (ut ait Avicenna) ex vehementi delectatione coitûs irritata , aliquandò aperitur , et materia effunditur. Hoc tamen non obstante , dicunt Pontius dict. n. 7 Pal. n. 11. Sanch. dict. n. 1 cum Ang. et Sylvest. (contra Tabien.) ac Boss. n. 18 cum Fill. Hurt. Perez, et Raynaud. quod coire cum tali periculo non reputetur mortale , quia (ut ajunt Sanch. et Bossius) cum materia non sit adhuc formata , et conjuges dent operam rei licitæ , utendo jure suo , modò abortum non intendant , damnum illud non est tantum , ut lethalem constituat culpam. Sed hæc ratio mihi non probatur , quia cum per copulam noceatur vitæ , vel formationi prolis , Conjux tunc non habet jus ad copulam. Potiùs videtur dicendum non adesse tale periculum , quia (ut dicunt idem Sanch. n. 7. Pal. d. n. 11. Boss. d. n. 18 Holzm. p. 463 cum Illsung. et Bon. q. 6 part. 6 n. 12 cum Con. et Reg.) communiter non adest tale periculum , dum matrix recepto semine arctissimè constringitur , nec ordinariè reseratur per coitum , ut tradunt ipse Avicenna et Valverduus apud Boss. loco citato , cum Conjuges indiscriminatim accedant , et tamen abortus non succedant ; undè ait Boss. quod , usquedùm non constet experientiâ , aliquam uxorem ex coitu pluries foetum emisisse , non sit præsumendum periculum abortûs. Tantò minùs autem aderit tale periculum , si habeatur copula tempore proximo partui , ut perperam aliqui dixerunt , putantes , tunc exponi prolem discrimini suffocationis ; nam veriùs (ut ait Boss. num. 30 cum Raynaudo) foetus humanus ità secundinis involvitur , ut eum non possit semen contingere. Hinc ait Pet. t. 4 p. 447 , periculum abortûs non ità facilè præsumendum ; et ideò non esse vexandos Conjuges im-

portunis interrogationibus , ut abstineant tempore prægationis : *Quæ enim (ait) spes eos à concubitu avocandi? et quale non timendum periculum , si à sua bona fide perturbentur?*

Utrùm autem , secluso periculo abortûs , sit culpa venialis habere coitum cum prægante? Affirmant D. Antonin. 3 p. tit. 1 c. 20 § 4 item Sotus , Palud. Alens. Palac. et apud Sanch. d. D. 22 n. 4. quia stante foetu concepto , frustratur semen suo fine generationis. Idque confirmant ex auctoritate plurium SS. Patrum. Negant verò Sanch. l. c. n. 6. cum Gabr. et Henr. Bon. p. 6 n. 11. cum Fill. Pal. p. 4 § 4 n. 12. Ronc. p. 154 q. 3 R. 2. Holzm. n. 463. Elbel num. 390. et Salm. c. 15 n. 78. cum Dic. Aversa , et Diana , tum quia nullibi habetur , id per se esse vetitum; tum quia esset onus gravissimum , et res exposita innumeris periculis peccandi venialiter , si Conjuges tenerentur tamdiù abstinere ab usu conjugii , manendo in eodem toro. Respondent autem ad rationem oppositam , quod , ut coitus sit licitus in Matrimonio , sufficiat , ut per se actus sit ad generationem idoneus; quod autem ipsa non eveniat , per accidens se habet. Cæterùm mihi arridet sententia , quam tenent Pont. l. 10 c. 14 n. 7. Azor. t. 3 c. 31 q. 14 Boss. c. 9 n. 36. cum Guil. Paris. Perez , Con. Barb. Fill. Hurt. Avers. etc. et huic se adnectunt etiàm Pal. et Ronc. ll. cit. nempè quod coitus cum prægante non possit excusari à culpa veniali , nisi adsit periculum incontinentiæ , vel alia honesta causa , juxtà dicta n. 882. Dub. 1 etc.

Quær. IV. An licitum sit Conjugibus coire tempore menstrui? Hîc prænotandum , quod fluxus mulieris⁹²⁵ alius sit naturalis et ordinarius , et iste propriè dicitur menstruus , quia communiter singulis mensibus solet in scæminis accidere , et durat ut plurimùm per duos vel tres dies. Alius extraordinarius , proveniens ex aliquo morbo diuturno , qui aliquando durat usque ad 12 dies et ultrà. Tempore fluxûs extraordinarii certum est , licere tam reddere quàm petere : ita comuniter Sanch. l. 9 D. 21 n. 7. Pont. l. 10 c. 14 n. 6. Holzm. n. 462. Salm. c. 15 n. 76. et Boss. c. 9 n. 13.

cum Azor. Reb. Fill. Hurt. etc. ex D. Th. in 4 D. 3a q. un. art. 2 q. 2 ubi expressè hoc docet, et rationem adducit, dicens: *In fluxu menstruorum innaturali non est prohibitum ad menstruatam accedere in lege nova, tum propter infirmitatem, quia mulier in tali statu concipere non potest; tum quia talis fluxus est perpetuus et diuturnus, undè oportet, quod vir perpetuò abstineret.* Tempore autem fluxûs naturalis adsunt tres sententiæ. *Prima* damnat coitum de mortali, et hanc tenent idem D. Th. l. c. q. 3 ad 1 ubi dicit, tempore hujus menstrui peccare mortaliter tam virum voluntariè peitentem, quàm uxorem voluntariè reddentem; excipit a mulier quasi coacta debitum redderet. Eamdem sententiam tuentur S. Ronch. Alens. Scôtus, Tab. Palac. etc. apud Boss. c. 9 n. 16. Probatur 1 ex Levit. c. 20 v. 18 ubi dicitur: *Qui coierit cum muliere in fluxu menstruo: et revelaverit turpitudinem ejus, ipsaque aperuerit fontem sanguinis sui, interficientur ambo.* Obijciunt huic Sanch. l. c. n. 2. et Boss. n. 16. quod lex illa fuerit cæremonialis, et ideò non obliget in Lege Evangelica. Sed respondet D. Th. dict. qu. 2 quod, licet illud præceptum fuerit cæremoniale quoad immunditiam, fuerit tamen morale quantum ad *nocumentum* (verba S. D.) quod in prole ex hujusmodi commixtione frequenter sequebatur. Probat. 2 ex Can. fin. Dist. 5 ubi Gregor. Papa: *Cum et sine partûs causa, cum (uxores) in consuetis menstruis detinentur, viris suis misceri prohibeantur.* Probatur 3 ratione, tum quia proles eo tempore nascitura exponitur periculo nascendi leprosa, et monstrosa; tum quia adest periculum semen frustra effundendi, cum rarò vel numquam eo tempore Mater sit apta conceptioni.

Secunda sententia totaliter opposita dicit, accessum ad menstruatam omni culpa carere; hanc tenent Glossa in Can. Si Caus. v. Conceptus. 33 q. 14 item Perez, Fill. et Hurt. apud Boss. n. 20. eamque Sanch. l. 9 D. 21 n. 7. putat æquè probabilem ac tertiam, quam mox referemus. Ratio, quia hodiè id nullo jure prohibetur; non Divino, cum lex Levitici, adveniente

lege nova, jam cessaverit. Nec ob stare dicunt, quod prohibitio illa non cessaverit, quatenus fuit moralis propter vitandum damnum prolis, nam respondent, quod testetur S. Hier. in 18. Ezech. rationem prohibitionis in Levitico fuisse, quia illo tempore, ob sanguinem foemineum infectum ex coitu, foetus leprosi, et elephantiaci nascebantur; sed hodiè incertum est adesse damnum, et multò certius est, mulierem tempore menstrui non concipere, ut dicunt Sanch. Pal. Boss. et Salm. ll. cc. ac demùm, etiàmsi concipiat cum aliquo damno prolis, dicunt Sanch. l. 9 D. 21 n. 7. et Boss. c. 9 n. 22. id non ob stare, quia melius est prolem sic nasci, quàm non nasci; sortè enim postmodum non gigneretur, vel non esset eadem proles, undè proles beneficium recipit, non damnum; nec obstat dicere, quod, si non proli, saltèm sic inferatur damnum naturæ, quæ postulat, ut proles modo convenientiori generetur: nam respondent, quod, si non inferatur damnum proli, neque inferatur naturæ. Non prohibetur igitur jure Divino; non jure Ecclesiastico, nam ad textum Gregorii respondet Pontius l. 10 c. 14 n. 6. prohibitionem illam Ecclesiasticam hodiè exolevisse; imò verbum illud Pontificis, *prohibeantur*, explicatur ab aliis, ut dicit ibi Glos.: *prohibeantur, idest sub forma prohibitionis dissuadeantur*. Nec jure naturali, quia licet sit facile periculum eo tempore frustrandi semen, tamen ad coitum cohonestandum non requiritur, ut ex eo sequatur generatio, sed sufficit, quod coitus ille per se sit aptus generationi, esto per accidens semen dispergatur, ut accidit in accessu ad mulierem prægnantem, aut sterilem. Neque (ajunt) in tali coitu adest indecentia culpabilis, nam (ut dicit Perez) illa est potius materialis. Hinc concludunt, nullo modo peccare Conjuges, si eo tempore coeant, non jam ex affectu libidinis (quod non posset excusari à veniali,) sed ut utantur jure suo cum moderata delectatione.

Tertia demùm sententia communissima et probabilior dicit, coitum tempore menstrui non esse mortale, sed non excusari à veniali; ità S. Antonia. 3

part. tit. 1 c. 20 § 3. Nav. c. 16 n. 32. Conc. p. 398 n. 20. Pont. l. 10 c. 14 n. 6. Pal. p. 4 § 4 n. 8. Ronc. p. 184 q. 3. Resp. 3. Holz. n. 462. Bon. p. 5 n. 9 cum Henr. Led. et Rodr. Salm. c. 15 n. 76. cum Aversa. Vivald. Cornejo, et Soto, Bossi c. 9 n. 22. cum Sa, Con. Palud. Reg. Vill. Vega, Graff. etc. ac Sanch. Dict. D. 21 n. 5. et cum Cajet. Abul. Arm. Vict. et Lopez. Quod non sit mortale, probat ratio adducta mox suprâ pro secunda sententia. Quod autem sit veniale probatur, quia talis concubitus, cum nolint Conjuges expectare tempus generationi aptius, et jam brevi adventurum, involvit quamdam turpitudinem, et deordinationem, cum scœmina tunc sit inepta commodæ receptioni et retentioni seminis, et ideo coitus tunc minùs convenit fini generationis. Conveniunt autem Nav. Pal. Sanch. Salm. ll. cc. et Boss. n. 15. cum Hurt. quod nullum sit peccatum coire tali tempore, si adsit aliqua causa turpitudinem illam cohonestans, nempe ad vitanda dissidia, aut incontinentiam in se vel in altero, aut alia similia.

An autem casu, quo nulla adsit causa, uxor menstruata possit, et teneatur debitum reddere, si maritus monitus nolit desistere? Affirmant Pal. p. 4 § 4 n. 9. cum Con. Salm. c. 15 n. 77. et Sanch. D. 21 n. 96 cum Pal. Soto, Led. etc. qui citat pro se etiâ D. Th. D. 32 art. 2 q. 3 sed non benè, ut mox videbimus. Verùm probabilius negandum cum Pontio c. 14 n. 5. et Bon. p. 6 n. 10. qui citat Sylv. Reb. et Henr. Ratio, quia cum culpa, etiâ si venialis, se teneat ex parte actûs, probabilius non tenetur conjux, neque potest licitè debitum reddere: vide dicenda n. 946. Nec contrarius est nostræ sententiæ D. Th. nam l. c. in resp. ad 3 dicit, tunc uxorem posse et tenèri ad reddendum, *quando majus periculum timeretur in non reddendo*. Sed hoc non supponitur in nostro casu.

926 Quær. V. An sit illicitum coire tempore purgationis post partum? Certum est non tenèri Conjuges hodiè observare tempus purgationis præscriptum Lev. 12 ubi, cum mulier arcebatur ab ingressu Templi per

40 dies in partu masculi, et 80 foeminae, videtur eo tempore fuisse ei etiam interdictus Conjugii usus. Sed hoc præceptum jam cessavit, et sicut hodiè puerperæ non tenentur abstinere ab ingressu Ecclesiæ, ut dicitur in c. un. de Purific post part. ita nec à Conjugii usu, ut communiter dicunt Sanch. l. 9 d. 22 num. 8 Boss. c. 7 n. 130 et alii passim cum S. Anton. 3 part. tit. 1 c. 20 § 4 in fin. qui tamen addit, hoc non obstante, posse mulierem abstinere ab Ecclesiæ ingressu et auditione Missæ, ubi talis est consuetudo, toto eo tempore, vel saltè per sex hebdomadas, ut testantur esse communem usum, Sporer, et Elbel, vide dicta l. 3 n. 330. ver. Benè. Cìrà quæsitum autem triplex adest sententia. *Prima* dicit, esse mortale, et hanc tenent Butrius, et Alexander de Nevo, apud Sanch. l. c. D. 22 n. 9. Ratio, tum quia in c. c. fin. Dist. 5. D. Gregorius id expressè vetitum declaravit, dicens : *Nisi purgationis tempus prius transierit, viris suis non debent admisceri.* Tum quia damnum inferitur proli, si eo tempore concipiatur, ut ait Galenus ap. Pontium l. 10 c. 14 n. 8. *Secunda* sententia dicit, nulum esse peccatum; ita Sanch. n. 11. cum Ang. Henr. Palac. Turrecr. Holzm. n. 464. ac Fill. Perez, Vill. et Hurt. apud Boss. c. 9 n. 42. Quia (ut ajunt) hujusmodi immunditia est tantum materialis, non moralis. *Tertia* sententia probabilior, et communior, quam tenet S. Antonin. l. c. cum Ricch. et Pet. de Palud., Pont. d. n. 8. Pal. p. 4 § 4 n. 16. Ronc. p. 184 q. 3 R. 3. Boss. n. 44. cum Azor. Ochag. et Led. item Sot. Palud. Tab. Lop. etc. apud Sanch. n. 10. dicit, esse veniale, non autem per se mortale. Est veniale, quia talis coitus continet aliquam indecentiam; Undè nisi excuset causa honesta, nempe periculum incontinentiæ, vel dissidii, vel alia similis, nequit ab omni culpa excusari. Non autem est mortale per se loquendo, quia talis indecentia non videtur tanta, ut mortalem culpam inducat. Ad prohibitionem verò D. Greg. respondet Pont., illam hodiè exolevisse; At D. Ant. cum Guil. respondet, eam fuisse de congruitate,

non de præcepto. Ad rationem autem nocimenti prolis respondetur, quod non sit futurum, ut talis damnum accadat, cum difficile sit eo tempore mulierem concipere; vel non sit futurum grave. Dicitur autem *per se loquendo*, nam poterit aliquando esse mortale, si ex concubitu gravis morbus, vel notabilis aggravatio morbi immineret, ut dicunt S. Anton. et Sanch. n. 11. cum Palud. Sylves. Ang. etc. Hujusmodi periculum etiam prudenter timeri potest, ut ait Ronch. si coitus habeatur statim post partum; nempe eodem die vel sequenti, ut Medicus valde peritus mihi asseruit.

- 927 « Ex dictis casibus consequenter resolvitur, licitum esse uti Matrimonio. I. Prolis causâ, etsi hæc non necessario debeat intendi, dum exercetur, dummodo positivè non impediatur. Imò etiam aliquando simplici affectu licitè excludatur, v. gr. à paupere, ne nimium prolibus gravetur. II. ad vitandum periculum incontinentiæ in se, vel com- parte, Mart. Perez d. 40 s. 2 ex Conin. Pont. Hurtad. etc. contra Sanch. qui vult esse veniale, nisi tamen stimuli carnis aliter sedari non possint. » * (Vide dicta n. 882 D. 1 *eadem enim fines, quos habere licet ad Matrimonium contrahendum cohones- tant etiam petitionem copulæ.*) * III. Valetudinis causâ, vel propter alios fines extrinsecos: quia honestum ex natura sua, et relatum ad unum finem, licitè refertur ad alium, isti non repugnantem, ut docent Sa. Conin. Laym. l. 5 t. 1 p. 3 c. 4. Mart. Perez d. 49 sect 2 n. 4. Vide Diana, p. 2 t. 4 R. 218. Soli tamen sanitatis causâ uti, probabile est esse veniale, ut docent S. Th. Henr. Laym. l. c. contra Mart. Per. etc. II. cc. * (V. n. 883. Dub. 2.) * »

- 928 Hic quæritur I. An aliquando vir teneatur petere? Per se loquendo non tenetur petere; tenetur verò per accidens, nimirum si uxor tacitè exigat; puta si ostendat aliquod indicium, quo tacitam petitionem sufficeret; quia in mulieribus ob innatam etiam verecundiam talia signa habentur pro vera petitione, ita communiter Sanch. l. 9 D. 2 n. 3 et alii universè ex

D. T. Suppl. 3 q. 64 art. 2 ubi : *Quando vir percipit per aliqua signa , quod uxor vellet sibi debitum reddi , sed propter verecundiam tacet...tenetur reddere.* E converso rectè dicit Sanc. num. 5 cum Solo et Palao. ex eodem D. Th. in 4 D 32 q. un. art. 3 ad 2, non tenèri mulierem reddere viro , nisi hic expressè petat , cum enim non pudeat viros expressè exigere , benè possunt uxores præsumere , quod viri expressè non petentes nolint ipsas obligare ad petendum ; imò ego sentio , nec posse , quia nequit maritus obstringere mulierem , ut cum tanta sua erubescencia debitum petat. Rectè tamen excipit Sanch. l. c. cum S. Anton. Nav. Sylv. et Manuel , nisi talis erubescencia potius præsumatur aliquandò (quod cæterum rarò accidit) esse ex parte viri , quam foeminæ ; puta si illa esset maximæ auctoritatis , aut feræ conditionis , et vir valdè pusillanimis ac verecundus. Regulariter tamen (benè subdit Sanchez) non tenetur uxor reddere , nisi evidenter ei constet de hac pusillanimitate et pudore mariti.

Quær. II. An uxor teneatur aliquandò petere debitum ? Certum est primò , ordinariè non tenèri Uxorem ad petendum , quia hoc est mulieribus notabiliter invereendum. Certum secundò , quod , cum alter Conjux est in periculo incontinentiæ , tam vir quàm uxor teneantur petere , ad liberandum alterum à periculo ; ità commuiter Pontius l. 10 c. 2. nu. 3. Sanch. l. 9 D. 2 n. 9 cum Soto , Adr. etc. ac Boss. c. 1 n 17. cum Fill. Henr. etc. Sed dubium fit , an teneatur uxor tunc petere ex charitate , vel ex justitia ? *Prima* sententia , quam tenent Pontius l. c. et Boss. n. 21 cum Led. Henr. Diana , et P. Soto , dicit , tenèri ex justitia. Ratio , quia , cum teneantur Conjuges servare bonum fidei , quandò alter est in periculo incontinentiæ , tunc esto non petat alter , ipsa tamen necessitas petit , ut bonum fidei servetur vitando alterius incontinentiam ; ideòque tunc potius est redditio , quàm petitio debiti. Confirmatur exemplo , si enim Medicus teneatur ex contractu mederi ægroto , tenetur ex justitia exhibere ei medicinam , quàmvis ille non petat. Et huic sepi-

tentiæ videtur adhærere D. Thom. Suppl. q. 49 a. 3 ad 2 ubi dicit : *Si aliquis per actum Matrimonii intendat vitare fornicationem in Coniuge, non est aliquod peccatum, quia hæc est quædam redditio debiti, quæ ad bonum fidei pertinet.* Secunda verò sententia, quæ videtur probabilior, et quam tenent Sanch. dict. D. 2 n. 7 cum Pal. et Durando, ac Con. apud Boss. n. 22 dicit tenèri tantum ex charitate. Ratio, quia ubi nulla est petitio alterius Coniugis expressa vel tacita, nulla adest obligatio iustitiæ ad reddendum. Ad bonum autem fidei Matrimonii spectat quidam, ut Coniux non adulteretur, non verò ut avertat alterum ab adulterio; licet enim hoc etià quodammodo pertineat ad bonum fidei, non tamen ita pertinet, ut strictè obliget ex iustitia ad petendum; ideò à D. Thom. huiusmodi petitio non dicitur absolutè redditio, sed *quædam redditio debiti*; et hoc adducit S. Doctor tantum ad excusandum petentem. si petat ad vitandam incontinentiam in altero, non verò ad obligandum ut petat. Nec obstat exemplum Medeci: Medicus enim tenetur utique præbere medicinam infirmo non petenti, quia ex contractu se obligavit ad eum curandum; Coniux autem se obligavit ad non frangendam fidem, non verò ad impediendum alterum, quominus fidem frangat. Ex hac sententia infertur, quod Coniux, cum non teneatur ex iustitia, sed tantum ex charitate eo casu ad petendum, non teneatur petere cum magno incommodo; hinc probabiliter tunc excusatur uxor à petendo, si in hoc magnam verecundiam subire deberet.

930 Quær. III. An Coniux prohibitus à petendo ratione voti, vel affinitatis aut cognationis spiritualis post Matrimonium contractæ, possit quandoque licitè exigere debitum? id admittunt communiter DD. cum Sanch. l. 9 D. 7 n. 5. (qui citat. Jo, Andr. Præpos. Adrian. Victor. etc.) si adsit periculum incontinentiæ in altero Coniuge: Imò dicunt Boss. c. 1. n. 261. et idem Sanch. n. 11 cum Pe. Sot. Henr. Palac. Angles. etc. tunc tenèri petere, quia hæc obligatio oritur ex ipsa institutione Matrimonii. Idem admittunt etià

communiter S. Thom. in 4 D. 38 q. 1 a. 3 q. 2 ad 4. Boss. c. 1 n. 261 et Sanch. D. 8 nu. 1 cum Sa, Sylv. Ang. Turrecr. Henr. Led. etc. posse Conjugem impeditum petere, si alter interpretativè exigat. nempe quandò *mulier* (ut ait Thom.) *verecunda est, et vir sentit ejus voluntatem de debiti redditione*. Tunc enim potest Conjux impeditus se offerre, quia tunc potius est reddere, quàm petere. Quoties autem liceat ei se offerre? Led. apud Sanch. dicit, hoc licere quater in Mense; sed melius Boss. n. 260 et idem Sanch. cum Victoria, dicunt, id ex circumstantiis esse pensandum, nempe ex majori vel minori propensione alterius ad venerem. Censent autem idem Boss. n. 263 et Sanch. n. 2 cum Ang. non licere marito voto impedito se ad coitum offerre, quandò uxor ei concessit licentiam vivendi castitatem, quia tunc censetur ipsa cessasse jure suo, nempe quod vir in ejus gratiam debitum petat; nisi (excipiunt Sanch. et Bossius, contra Conin. et Pal.) uxor esset in periculo incontinentiæ, quo caso dicunt, quod vivens teneatur petere ex obligatione orta, et suprà dictum est, ex ipsa institutione Matrimonii.

An autem liceat petere Conjugi impedito, si ipse sit in periculo incontinentiæ? Affirmant Viguerius, et Quintanad. apud Boss. n. 262 maxime si ille esset impeditus ratione affinitatis, vel cognationis spiritualis, et commodè non posset haberi dispensatio, esset que periculum in mora, quia lex Ecclesiastica in tanto discrimine non obligat. Negant verò Sanc. nu. 7 cum Guttier et Cov. Boss. n. 262 cum Coninc. etc. quia periculum incontinentiæ est quidem justa causa dispensandi, non autem coeundi. Sed prima sententia respectu ad impedimentum ab Ecclesia impositum, mihi non videtur improbabilis, si reverà dispensatio brevi obtineri nequeat, et magnum periculum sit in mora; idque magis firmatur ex quæst. seq.

Quær. IV. An liceat Conjugi excommunicato petere debitum? et an petere ab excommunicato? Quod liceat Conjugi petere ab excommunicato, certum est ex

c. Quoniam multos Caus. 11 q. 3 ubi D Greg. VII. expressè id concedit. An autem liceat excommunicato etià petere? Negat Glos. in c. cit v. Uxores, et apertè videntur consentire Archid. Sylv. Lop. et Tab. apud Sanch. l. 9 D. 14 n. 19, quia in Bulla Martini V. *Ad evitanda*, excommunicatis, quodam communicationem cum Fidelibus, nullum privilegium conceditur. Sed communiter et verius affirmant Suar. de Censur. D. 15 sess. 4 n. 9. Bon. eod. tit. 2 D. 2 p. 6 § 2 n. 20 Sanch. n. 20 cum Henriq. et Ugol. ac Boss. o. 1 n. 282 cum Palud. Sayr. Con. Avila, Fill. Bordon. etc. Ratio, quia lex Ecclesiastica non obligat cum tanto periculo, in quo esset quidem excommunicatus, se ipse non posset separari ab altero Coniuge (ut reverà non potest), et non posset petere.

- 932 « Quæres, an, et quandò liceant tactus, aspectus, et verba turpia inter conjuges?
 » Resp. Tales actus per se iis licent; quia cui licitus est finis, etià licent mediæ, et cui licet consummatio, etià licet inchoatio? Undè licitè talibus naturam excitant ad copulam. Quod si verò separatim, et sine ordine ad copulam, verbi gratiâ, voluptatis causâ tantùm fiant, sunt venialia peccata, eò quod ratione statûs, qui illos actus cohonestat, habeant jus ad illos: nisi tamen, ut sæpè contingit, sint conjuncti cum periculo pollutionis, aut conjuges habeant votum castitatis, tunc enim sunt mortalia, ut dictum suprâ l. 3 t. 4 c. 2 d. 4. Dian. p. 3 t. 4 R. 204 et 218.

Undè resolves.

- 933 • 1. Coniux venialiter tantùm peccat 1. Tangendo
 » seipsum ex voluptate, ex tactum non ità expressè referendo ad copulam, ut contra Vasq. et alios probabiliter docet Sanch. l. 9 d. 44. 2. Oblectando se venereè, sine periculo pollutionis de actu conjugali cogitato, dum abest compars, vel actus exerceri non potest. Fill. Laym. Tann. Malder cum Dian. p. 3 t. 4. Res. 224 contra Navar. Azor, etc.

» 2. Peccat graviter, 1. Vidua, quæ se veneret
 » oblectat de copula olim habita: quia est illi illicita
 » per statum. 2. Bigamus, qui in actu conjugali, cum
 » secunda exercito; repræsentat sibi priorem, et de ea
 » carnaliter delectatur, quia est permixtio cum aliena.
 » Laym. l. 1 t. 9 c. 6 vide suprâ l. 3 t. 4 c. 2 et l. 5
 » c. 1 d. 2 a. 2* (Et idem diximus l. 5 n. 24 de Spon-
 » sis, quibus illicitum est delectari de futura, etiam ex
 » appetitu rationali, etsi non carnali.) * »

Quær. I. An sint mortales tactus et aspectus turpes inter Conjuges propter solam voluptatem, sine ordine ad copulam, si non adsit periculum pollutionis? Affirmant S. Antonin. Sylv. Margar. etc. apud Sanch. l. 9. D. 44 n. 11. quia (ut dicunt) omnis actus venereus, non relatus ad copulam conjugalem est mortalis. Negat verò sententia communis et verior, eamque tenent Laym. l. 3 s. 4 n. 12. Pal. p. 4 §. 2. Less. l. 4 c. 3 n. 125. Bonac. q. 4 p. 8 n. 12. Sporer n. 502. Sanch. dict. D. 44 n. 12 cum Albul. Vict. Ang. Arm. Sa, Medi Led. etc. Salm. c. 15 n. 84 cum Henr. Aversa, Perez, et Diana. Boss. c. 7 n. 157 cum Vasq. Fagn. Vill. et Hurt. ac Croix n. 341 cum Soto, Tol. Cajet. Con. Fill. et pluribus aliis. Ratio, quia status conjugalis sicut dishonestat copulam, ita etiam hujusmodi tactus et aspectus; alias enim, cum sit tanta inter Conjuges societas, et ipsi multoties non possint coire, jugibus periculis essent expositi, si tales actus essent eis graviter illiciti. Sicut autem delectatio quæ sita in copula culpam venialem non excedit, ita etiam in his tactibus et aspectibus. Et hoc etiam si copula tunc ipsis esset vetita ob morbum, vel esset impossibilis ob impotentiam quæ supervenisset, ut dicunt Sanch. n. 20 et 22 Croix n. 339 et Boss. 199 cum Con. Fag. Avers. Fill. Vill. etc. quia cum copula sit licita inter Conjuges, tactus inter ipsos non possunt esse graviter illiciti. Secus verò dicendum, si Conjuges esset ligatus voto castitatis, quia tale votum excludit omnem voluptatem veneream voluntariè captam; ita communiter Sanch. d. D. 44 n. 26 et Boss. c. 7 n. 201 cum Vasq. Fil. Con. et aliis.

An autem idem procedat, si Conjux sit impeditus à copula ob affinitatem vel cognationem spiritualem contractam? Affirmat Aversa apud Boss. n. 200, quia cui vetita est copula, vetiti etià sunt tactus, qui sunt dispositiones ad copulam. Sed negat Bossius ibi cum Fag. Fill. et Perez, quia lex prohibens copulam, cum sit poenalis, aut inhibitiva, non est extendenda ad tactus. Cæterum in praxi impeditus ordinariè debet abstinere ab hujusmodi tactibus, præsertim turpibus, ob periculum proximum vel pollutionis, vel petitionis copulæ, contra prohibitionem petendo.

34. Quær. II. Quid, si Conjuges ex his turpibus actibus prævideant pollutionem secuturam in se vel in altero. Plures adsunt sententiæ. *Prima* sententia, quam tenent Sanch. l. 9 D. 45 ex n. 34 Fill. tr. 3 c. 9 n. 356. Viva q. 7 art. 4 n. 4 Escob. l. 26 n. 207 Elbel n. 393. cum Herinex et Spor n. 500. cum Perez, et Gob. id excusat ab omni culpa etià in potente, si pollutio non intendatur, nec adsit periculum consensûs in eam; et modò tactus non sit adeò turpis, ut judicetur inchoata pollutio (proût esset digitum morosè admovere intrà vas, foemineum); ac prætereà adsit aliqua gravis causa talem tactum adhibendi, nempè ad se præparandum ad copulam, vel ad fovendum mutuum amorem. Ratio, quia tunc justa illa causa tales actus cohonestat, qui alioquin non sunt illiciti inter Conjuges; et si pollutio obvenit, hoc erit per accidens. Dicitur *si adsit gravis causa*, nam si non adsit, prædicti actus non excusantur à mortali. *Secunda* sententia. quam tenent Pal. p. 4 § 2 n. 2 Bos. c. 7 n. 213 et Salm. c. 15 n. 86 cum Soto, Cajet Dec. Led. Hurt. Aversa, et communi, ut asserunt, distinguit et dicit esse mortale tactus impudicos, si prævideatur pollutio ex eis proventura; quia, cum hi proximè influant ad pollutionem, et non sint per se instituti ad fovendum affectum conjugalem, censentur voluntarii in causa; secùs si sint pudici, ut oscula et amplexus, quia actus isti per se inter Conjuges sunt liciti, cum per se apti sint ad fovendum conjugalem amorem. *Ter-*

ita sententia, quam tenet Diana p. 6 tr. 7 R. 65. cum Propos. et Vil. dicit, tactus tam impudicos quam pudicos esse mortalia, si praevideatur periculum pollutionis. Ratio, quia ideò tactus licent inter Conjuges, in quantum quærentur intrà limites Matrimonii, in quantum nihil sequitur repugnans fini et institutioni seminis: cum autem praevidetur seminis dispersio, licet non intendatur, qualescumque tactus sunt illiciti.

His sententiis positis. puto probabilius dicendum, quod tactus turpes inter Conjuges cum periculo pollutionis, tam in petente quam in reddente sint mortalia: nisi habeantur, ut Conjuges se excitent ad copulam proximè secuturam, quia cum ipsi ad copulam jus habeant, habent etiam jus ad tales actus, tametsi pollutio per accidens copulam praeveniat. Tactus verò pudicos etiam conseo esse mortalia, si fiant cum periculo pollutionis in se vel in altero, casu quo habeantur ob solam voluptatem, vel etiam ob levem causam; secùs si ob causam gravem, puta si aliquandò adsiturgens causa ostendendi indicia affectûs ad fovendum mutuum amorem, vel ut Conjux avertat suspicionem ab altero, quod ipse sit ergà aliam personam propensus. Probabiliter dicunt Sanch. d. D. 45 n. 34. Boss. d. n. 203 et Escob. n. 207. In reddente tactus etiam impudicos, nisi sint tales, ut videantur inchoata pollutio, esse licitos, quàmvis adsit periculum pollutionis in alterutro, quia tunc reddens dat operam rei licitæ, ad quam obligatur propter jus petentis, qui tametsi peccet, non tamen jus amittit, cum culpa se teneat ex parte personæ, juxta dicenda ex n. 944.

An autem sit semper mortale, si vir immittat pu-⁹³⁵ denda in os uxoris? Negant Sanch. l. 9 D. 17 n. 5 et Boss. cap. 7 n. 175 et 193. cum Fill. ac Perez, modò absit periculum pollutionis. Sed veriùs affirmant Sporer de Matrim. n. 498 Tamb. lib. 7 c. 3 § 5 n. 33 et Diana p. 6 tract. 7 R. 7. cum Fagund. tum quia in hoc actu ob calorem oris adest proximum periculum pollutionis, tum quia hæc per se videtur nova species luxuriæ contra nuturam (dicta ab aliquibus *irrum-*

natio); Semper enim ac quæritur à viro aliud vas, præter vas naturale ad copulam institutum, videtur nova species luxuriæ. Excipit tamen Sporer l. c. cum Fill. et Marchant. si id obiter fiat; Et hoc reverà sentire videtur etià Sanch. dum excusat actum illum à mortali, si cesset omne periculum pollutionis. Excipit etià Pal. p. 4 § 2 n. 6. si vir hoc faceret, ut se excitet ad copulam naturalem; Sed ex prædictis neutrum admittendum puto. Eodem autem modo Sanch. l. c. n. 32. in fin. damnat virum de mortali, qui in actu copulæ immitteret digitum in vas præposterum uxoris, quia (ut ait) in hoc actu adest affectus ad sodomiam. Ego autem censeo, posse quidem reperiri talem effectum in actu, sed per se loquendo hunc effectum non agnoscere in tali actu insitum. Cæterum graviter semper increpandos dico Conjuges hujusmodi fœdum actum exercentes.

986 Quær. III. An sint mortalia tactus turpes, quos Conjux habet cum seipso, altero absente, et secluso periculo pollutionis? *Prima* sententia negat, quam tenent Pal. p. 4 §. 2 n. 5, Escob. n. 201. Boss. c. 7 n. 205 et 297 cum Perez, Hurt. et Ochag. ap Sanch. lib. 9. D. 44 n. 15 cum Palud. et Lopez; et pro hac sententia Salm. c. 15 n. 87 citant etià D. Th. qu. 6 de Bon. Matr. dub. 26 n. 188. Ratio; quia hujusmodi tactus ab ipso statu conjugali cohonestantur, cum de natura sua ordinentur ad copulam; et ideò, secluso periculo pollutionis, non possunt esse in Conjuge graviter illiciti, etsi copulam de præsentī ipse non posset consummare. *Secunda* verò sententia probabilior, et in praxi omninò suadenda affirmat, et hanc tenent Laym. tr. 3 c. 6 n. 12 in fine, Diana p. 3 tr. 4. R. 215 (quàmvis hic Auctor sit valdè benignus) Spor. n. 503 cum Arm. et Vasq. ac Salm. cum Avers. Sanctio, Salas, Montessin. Dic. et Ant. à Sp. S. Ratio, tum quia Conjux non habet jus per se in proprium corpus, sed tantum per accidens, nempe tantum, ut possit se disponere ad copulam; undè cum copula tunc non sit possibilis, tactus cum seipso omninò ei sunt illiciti; tum quia

tactus pudendorum, quando fiunt morosè, et cum commotione spirituum, per se tendunt ad pollutionem; suntque proximè connexi cum ejus periculo.

Quær. IV. An sit mortalis delectatio morosa in Con-⁹³⁷
juge de copula habitæ vel habenda, quæ tamen non possit haberi de præsentî? Adsunt tres sententiæ. *Prima* sententia affirmat, et hanc tenent Pont. l. 10 c. 16 n. 21. Wigandt tr. 4 n. 59. Sylv. ac Vega, Rodr. et Dic. apud Salm. c. 15 n. 88, qui probabilem vocant. Ratio, quia talis delectatio est quasi inchoata pollutio, quæ, cum eo tempore non possit haberi modo debito, omninò fit illicita. *Secunda* verò sententia communior negat, eamque tenent Pon. p. 4 qu. 8 n. 12. Escob. n. 204. Spor. n. 505. Croix n. 337 cum Suar. et Gers. Boss. c. 1 n. 215 cum Fill. et Perez, et Sanch. l. 9. D. 44 n. 3 cum S. Anton. Palud. Arm. Cajet. Met. Viguer. Tab. et communi, ut asserit, utque fatetur etià Pontius, item Conin. Avers. Gabr. et Dian. apud Salm. c. 15 n. 89, qui etià *probabilem* putant. Hæc sententia dicit, talem delectationem non esse mortalem, si absit periculum pollutionis, sed tantùm venialem. Est venialis, quia ipsa caret debito fine, cum non possit ordinari ad copulam præsentem. Non est autem mortalis, quia delectatio sumit suam bonitatem vel malitiam ab objecto; et cum copula sit licita Conjugatis, non potest esse eis graviter illicita illius delectatio. Et huic expressè favet id quod ait D. Th. de Malo q. 15 art. 2. ad 17 ubi: *Sicut carnalis commixtio non est peccatum mortale conjugato, non potest esse gravius peccatum consensus in delectationem, quàm consensus in actum.* Idque admittit Spor. etià si habeatur delectatio venerea orta ex commotione spirituum. *Tertia* demùm sententia, quam tenent Salm. d. c. 15 n. 90 distinguit et dicit, quod, si delectatio sit absque commotione spirituum, non erit mortalis; secùs si cum commotione et titillatione partium.

Ego meum judicium proferam. Si delectatio habeatur non solum cum commotione spirituum, sed etià cum titillatione seu voluptate venerea, sentio cum

Conc. p. 498 n. 10 (contra Sporer ut supra) eam non posse excusari à mortali, quia talis delectatio est proximè conjuncta cum periculo pollutionis. Secus verò puto dicendum, si absit illa voluptuosa titillatio, quia tunc non est delectationi proximè annexum periculum pollutionis; etiàmsi adsit commotio spirituum; et sic reverà sentit Sanch. l. c. n. 4 cum Vasq. cum ibi non excuset delectationem cum voluptate venerea, sed tantum (ut ait) cum commotione et alteratione partium absque pollutionis periculo. At quia talis commotio propinqua est illi titillationi voluptuosæ, ideò maximè horrandi sunt Conjuges, ut abstineant ab hujusmodi delectatione morosa: Item advertendum, eam esse omninò illicitam in Coniuge, qui esset obstrictus voto castitatis, ut dicunt communiter Sanch. d. D. 44 n. 26 et Boss. c. 7 n. 201 cum Vasq. Fill. et aliis.

ARTICULUS II.

An Actus conjugalis sit præceptus, et debitus.

938 *Conjuges per se tenentur reddere, et quandoque etià petere.*

939 *Tenentur etià ad cohabitationem, nisi adsit justa causa excusans. Dub. 1. An possit Vir expellere uxorem ob dotem non solutam? Dub. 2. An teneatur eam alere, non soluta dote? Dub. 3. An si ipsa adulterium commiserit?*

940 *De obligatione reddendi debitum. Q. I. An sit mortale negare debitum semel, vel bis? Quid si alter remissè petat, vel si precibus cedat? Quid si immoderatè petat? Quid si alter differat reddere ad breve tempus?*

941 *Q. II. An multiplicitas filiorum possit esse causa justa negandi debitum?*

942 *Peccat Coniux reddens se impotentem.*

943 *Qu. I. An Coniux teneatur reddere alteri illicitè petenti?*

944 *Dub. 1. Quid si culpa se tenet ex parte petentis, nempe si ille habeat votum castitatis, etc.?*

945 *Dub. 2. Quid si petens sit incestuosus?*

946 *Qu. II. An Coniux teneatur reddere petenti cum sola culpa veniali?*

947 *Qu. III. An liceat reddere vel petere à viro volente seminare extrà vas post copulam inceptam?*

948 *An Conjux teneatur et possit reddere, si mutuo cum altero voverint castitatem? Quid si alter sit amens, vel ebrius?*

949 *Incestuosus, et vovens castitatem non potest petere, sed tenetur reddere.*

950 *Conjux non tenetur reddere cum gravi damno suo, vel prolis. An teneatur reddere alteri laboranti morbo contagioso? Quid si damnum sit leve, et alter sit leprosus? Quid si damnum sit grave? An tunc possit reddere? Ex quibus causis possit Conjux reddere cum gravi periculo salutis?*

951 *An Conjux possit reddere cum periculo prolis?*

952 *An teneatur reddere uxor laborans febre, vel tempore menstrui, aut prægationis, aut si alter petat modo in-naturali?*

933 *Quid, si uxor experta sit in pariendo periculum mortis, vel, se filios parere mortuos?*

954 *An aliquandò liceat impedire generationem? Quando peccet uxor surgens, aut mingens statim post copulam? Dub. 1. An puella oppressa possit statim expellere semen? Dub. 2. An liceat copulari senibus, vel infirmis, plerumque non valentibus seminare intra vas.*

» **RESP. I.** Etsi conjuges nulla lege obligentur ad⁹³⁸
» usum Matrimonii, tenentur tamen per se ex justi-
» tia sibi reddere debitum, si alter ab altero expressè,
» vel tacitè, verecundiâ scilicet obstante, petat. Ratio
» prioris est, quia non tenetur uti suo jure. Ratio pos-
» terioris sequitur ex natura contractûs mutui. S. Th.
» in 4 d. 32 q. 1 art. 2 etc. communiter ex 1. Cor. 7.

Undè resolves.

» 1. Neuter tenetur, per se loquendo, ad peten-
» dum debitum, etsi per accidens aliquandò teneatur,
» vel ex charitate, v. g. ad avertendum periculum in-
» continentie imminens conjugi: Vid. Perez. d. 50 s.
» 2. n. 4 et 5. * (Vide dicta n. 928 et 929) vel ex jus-
» titia legali, eò quod salus publica periclitetur, nisi
» proles nascatur.

» 2. Conjuges tenentur ad cohabitationem, nec⁹³⁹
» potest alter ab altero invito diutius abesse, sine ne-
» cessitate; quia hæc obligatio sequitur ex obligatione

• reddendi debitum Sanch. l. 9 d. 4. Conin. d. 2 n.
 » 19. Perez d. 50 n. 3. »

Certum est, Conjuges tenêri ex obligatione justitiæ ad cohabitandum in eadem domo, mensa, ac toro; vide Sanch. l. 9. D. 4 n. 2 et Boss. c. 6 § 7 ex n. 2. Hinc infert, neutrum conjugum posse aliò discedere, altero invito, ad longum tempus, ut habetur ex c. 1 de Conj. lepros. Nisi adsint justæ causæ, nempè ob bonum publicum, vel ad alendum aut tuendum familiam, vel ad vitandum damnum ab inimicis, ut dicunt Sanch. n. 12. Laym. c. 1 n. 3. Pal. p. 5 §. 1 et Boss. n. 4 et 6 cum Aversà, Vill. et aliis. Dixit autem Boss. n. 12 cum Tolet. et Sayro, quod, si vir diù deberet alibi manere, teneretur, si commodè potest, uxorem eò adducere, ut secum cohabitaret. An autem uxor teneatur sequi virum propter cohabitationem? Vide dicenda n. 976.

Vir potest suscipere brevem peregrinationem devotionis causâ, etiâ invita uxore; hoc tamen non potest uxor sine consensu viri, cum ipsa sit subjecta illius voluntati, et non deceat statum mulierum peregrinari; itâ Sanch. n. 15. Pal. n. 3. et Boss. n. 8 cum Laym. Vill. Fag. et Perez ex D. Th. Quodlib. 4 art. 11. Ex mutuo autem consensu possunt Conjuges ab invicem separari, modò absit periculum incontinentiæ, et nocumentum proli educandæ; Sanch. n. 5 et Boss. n. 18 cum Fil. Vill. Perez, Fag. et aliis, ex illo Apostoli (1. Cor. 7.) : *Nolite fraudare invicem, nisi fortè ex consensu ad tempus, ut vacetis orationi; et iterùm revertimini in idipsum, ne tentet vos Satanas.*

Dubit. 1. An liceat viro non cohabitare cum uxore, eamque expellere è domo ob dotem promissam et non solutam? Affirmant Panormit. Armilla, Tab. et Gomez ap. Boss. c. 6 n. 26, quia vir non tenetur alere uxorem, si dos non sit soluta; ergò neque tenetur cohabitare, quàmvis tenetur reddere debitum. Sed negant probabilius et communius Sanch. l. 9. D. 5 n. 17. Pal. § 2 n. 5. Mol. de Just. D. 245. § 8i marito, Boss. c. 6 n. 28 cum Reb. Henr. Reg. Vill. Fag. etc. Ratio, quia obligatio cohabitandi non oritur ex solu-

tionem dotis, sed ex ipsa lege naturali et divina, quibus vir tenetur debitum reddere uxori, et ideo cum ea habitare; unde dicunt AA. præfati (contra Mol. et Reb.) quod etiam si vir non adhuc uxorem traduxerit in domum suam, teneatur traducere, non obstante, quod dos non fuerit soluta.

Sed hic dubitatur, 2, an vir teneatur alere uxorem, non soluta dote? Communiter negant DD. si culpa promittentis intervenit: ita Sanch. l. 9. D. 5 n. 8. Bon. p. 7 n. 9 Boss. c. 6 n. 29 et Salm. de IV. Præc. c. un n. 50 et 53 cum Fag. et Trull. ac alii passim ex l. Pro oneribus C. de jure dotis, ubi dicitur ideo constitui dos, ut ex ea vir uxorem alatur. Excipe tamen 1. Nisi vir duxerit sine promissione dotis Sanch. n. 8 cum Host. Præp. et Sylv. ac Salm. l. c. cum Abb. Mol. Bon. etc. Excipe 2. Si uxor sit in viri obsequio, tunc enim saltem ut famulam tenetur eam alere; Salm. ib. cum Abb. Lupo, etc. ap. Sanch. n. 6. qui tamen cum Surdo, et aliis id non admittit, quia (ut ait) uxor tenetur et dotem, et obsequia præstare viro; unde non necessario alenda est, tantum obsequia præstando. Sed magis adhæreo oppositæ sententiæ, quia ipsum jus Naturæ dictat, ut alaseam, quæ ad tibi famulandum occupatur. Excipe 3: si uxor ex sua culpa cum viro non cohabitaret; secus si ob justam causam; Salm n. 51. cum iisd. Cæterum quando sive vir, sive uxor est verè pauper; puta si dos fortuito perierit, tenetur alter alterum alere; Sanch. n. 10. Bon. n. 8. Salm. n. 53 cum Mol. Trull. etc. ex l. Si maritus ff. Solutio Matr. ibi, *Quid enim tam humanum est, quàm fortuitis casibus, mulieris maritum, vel uxorem viri participem esse?* Hic autem notandum 1. quod ob dotem non solutam nequeat vir debitum negare uxori, Sanch. l. c. n. 1 et Salm. n. 52 cum Mol. Sylv. etc. Notandum 2, quod in extrema necessitate prius subveniendum sit Parentibus, qui diligendi sunt ratione principii, quàm Conjugi, ut D. Th. 2. 2 q. 26 art. 11 et Salm. n. 51 contra Laym. Bon. Pal. etc. apud Boss. c. 22 n. 1235. Et prius etiam filiis, cum ipsi sint pars Parentis; Salm. n. 51 cum

aliis. In necessitate verò gravi priùs succurrendam Conjugi. quàm Parentibus, et filiis, quia quòdam domesticam administrationem maior est conjunctio inter Conjuges, cum ipsi sint una caro; Sanch. l. 9. D. 29 n. 4. Bon. p. 7 n. 19 et Salm. ibid. cum Tolet. Bann. Trull. et aliis.

Dubit. 3. an vir teneatur alimenta præstare uxori adulteræ? Alii affirmant, ut Clarus, et Ant. Gabr. apud Salm. de IV. Præc. n. 54, quia uxor adultera non desinit esse uxor. Alii, ut Sylv. vers. Dos q. 14. Dist. 9 et Ang. ac Surdus apud Salm. ibid. negant; si adulterium est publicum, quia tunc potest vir uxorem e domo expellere, secùs si occultum, tum enim expellere nequit Alii verò communius et probabilius, ut Sanch. l. 1. D. 8 n. 25 et Salm. n. 55 cum Soto, Man. Fag. et Trull. negant tenèri, si vè adulterium fuerit publicum, si vè occultum. Ratio, quia adhuc concesso quod ob adulterium occultum uxor non posset expelli, ne ejus crimine prodatur, utque scandalum vitetur (in quo tamen quæstio est; vide dicenda n. 968); nihilominus ratio hæc non militat in negatione alimentorum; quæ sine scandalo et infamia uxoris negari possunt. Idque dicunt esse probabile Salm. cum Lara, et Surdo, etiãmsi uxor admiserit tantum oscula ab alio, si sint notoria; vel si occulta, si sint nimis lasciva, aut si uxor sit nobilis.

940 « 3. Peccat mortaliter, qui conjugii seriò, et instanter petenti debitum negat, quia est res gravis
 » et debetur ex justitia intellige; nisi petens precipue, aut alia ratione honesta averti possit, et petiti-
 » tio non sit immoderata (nam, si sæpè petenti semel vel bis negetur, citrà periculum incontinen-
 » tiæ, videtur esse tantum veniale, ob levitatem
 » materiæ: et aliquandò, si nimis immoderatè, et
 » justo sæpiùs petat, nullum, secundum Perez d. 50
 » s. 4 nec sit alia justa causa negandi. Bon. q. 4 p. 1
 » ex Sanch. Fill. (eto.) Justam autem, secluso peri-
 » culo incontinentiæ utriusque, esse censet M. Perez
 » l. c. n. 6 si plures nascantur filii, quàm possint
 » alere.

Quær. I. An peccet graviter Conjux negans debitum una vel altera vice? *Prima* sententia negat, modò absit periculum pollutionis, et hanc tenet Pont. l. 10 c. 2 n. 5 cum Sa, Sanch. l. 9 D. 2 n. 11 cum Bonac. p. 1 ac Avers. Hurt. Corn. et Ochag. apud Boss. c. 1 n. 40, quia id non videtur materia tam gravis, ut culpam lethalem constituat. *Secunda* verò sententia, quam tenent Pal. p. 4 § 1 n. 5. Tamb. l. 7 c. 3 § 5 nu. 20. Boss. c. 1 n. 41 cum Tann. et Croix n. 391 cum Gob. dicit etià negare semel, vel differre debitum seriò et instantè petenti, per se loquendo esse mortale, adhuc remoto periculo pollutionis. Ratio, quia hoc videtur materia satis gravis, tum ratione prolis, quæ ex unica copula gigni potest; tum ratione discordiæ, et periculi incontinentiæ, quæ ex tali negatione potest sequi. His tamen non obstantibus, prima sententia non videtur improbabilis, cum gravitas materiæ pendeat ab hominum æstimatione, et tot graves DD. censeant hanc esse materiam levem, ipsimet autem id dicunt, supponendo, quod absit periculum incontinentiæ, vel magni dissidii; cæterum procreatio prolis pro illa vice est valde incerta. Conveniunt autem communiter, non peccare uxorem negando, si vir benevolè, aut remissè petat; ità Pont. l. c. n. 4 et 5. Bon. d. n. 1. Croix n. 391. Ronc. p. 183 q. 2. R. 1. Tamb. n. 21 eum Cor. et Ochag. Laym. c. 1 n. 1 ac Bos. c. 1 n. 35 cum Sot. Reb. Rodr. Henr. Reg. Lop. Fag. Hurt. Vill. Avers. et Dian. Item, si Conjux petens, adhuc instantè cedat precibus negantis, qui negat cum justa causa; aliàs etià venialiter saltè peccaret; ità Sanch. d. D. 2 n. 13 cum Nav. Sylv. Margar. Philiarch. etc. Nisi preces essent ità importunæ. ut alter quasi coactus videretur cedere; Vel nisi adesset in altero periculum incontinentiæ; tunc enim nec etià precibus, sine causa gravi, liceret eum avertere; ità Sanch l. c. cum Nav. Sylv. Lop. D: Th. in 4. D 32 q. 1 art. 2 ad 4.

Præterea non peccat negans, quandò alter immoderate petit, sine periculo tamen incontinentiæ, et in

hoc etià omnes conveniunt, vide Boss. n. 18. Hinc dicunt Laym c. 1 n. 1. Croix n. 396. Holzm. n. 468. Spor. n. 513. cum Rodr. et Gloss. non esse mortale, post tertiam copulam in eadem nocte habitam, negare quartam Imò addunt Tamb. n. 22. Spor. l. c. et Sanch. n. 11 cum Led. nec esse mortale petenti quinquies in mense, negare semel; sed huic non acquiesco, cum ex una parte petere quinquies in mense sit valdè moderatum, et ex altera negare semel in mense videatur materia sat gravis. Item non videtur peccare uxor, si differat reddere ad breve tempus, nempe usque ad noctem; ut Pon. c. 2 n. 5. Sanc. d. n. 11 cum Vic. Ron. l. c. Spor. n. 513 cum cumuni, et Croix n. 391 cum Perez, Gob. et Dian. Vel si à nocte differat ad mane, ut Boss. num. 37 cum Sauch. Pont. Vict. Hurt. Villal. Led. etc. excluso tamen semper periculo incontinentiæ. Non potest autem, post copulam habitam in die, negare in nocte.

- 94^a Quær. II. An sit justa causa negandi debitum, si plures nascentur filii, quàm Conjuges possint alere? *Prima* sententia negat, et hanc tenent Laym. tr. 16 c. 1 n. 16. Ronc. p. 183 q. 2. R. 1. Spor. n. 516. (qui excipit solum casum, quò Conjuges multiplicata prole ad extremam necessitatem redigerentur) item Pal. p. 4 § 10 n. 8 cum Sylv. Con. Nav. Ang. Reb. Marg. Lop. et Graff. Ratio, tum quia procuratio prolis spectat ad præcipuum finem Matrimonii, cui postponendum quodvis incommodum, melius enim est, ut proles vivat inops, quàm ut omninò non sit; tum quia aut Conjux negaret diù, aut aliquandò; si diù, exponeret alterum periculo incontinentiæ: si aliquandò, frustra negaret; nam Conjuges rarius coeundo faciliùs concipiunt. *Secunda* verò sententia affirmat, et hanc tenent Sanch. l. 9. D. 25 n. 3. Pont. l. 10 cap. 3 n. 7. Dian. p. 9 tr. 7. R. 3. Bonac. p. 1 n. 13 cum Led. Rodr. et Sa, ac Boss. e. 1 n. 220 cum Sot. Comit. VIII. Peg. Hurt. et Fag. et probabilem putant Tamb. l. 7. c. 3 § 5 n. 3 et Spor. l. c. Ratio, tum quia multiplicitas prolis futuræ cederet in nocumentum filiorum

jam genitorum, tum quia in omnibus debitis magna difficultas excusat à solutione. Conveniunt tamen omnes, esse obligationem reddendi, si adsit in altero periculum incontinentiæ: quod reverà (ut benè advertit Conin.) vix non aderit, si in eodem toro Conjux habitet, et alter debitum petat; et idè prima sententia magis mihi arridet.

- 4. Peccat graviter vir, vel mulier, si se impoten-⁹⁴²
 » tem reddat, etiàm mediis aliàs licitis, v. g. jeju-
 » niis, etc. invita comparte: imò si alter non possit
 » reddere debitum, licitè non observat jejunia Eccle-
 » siæ (Vide dicta l. 3 n. 1034. v. 3 *Excusandum; ubi*
 » *diximus id procedere de viro; nam uxorem, difficile*
 » *videtur, per jejunia fieri impotentem ad reddendum, ut*
 » Salm. de 4. Præc. n. 49.) *; sicùt et uxor, si nota-
 » biliter iis fiat deformior. Bon. l. c. Sanch. l. 9. d. 3
 » n. 11. Reg. Con. Fill. n. 306 etc Perez d. 50 s. 2.
 » 5. Conjux tenetur reddere debitum, quàmvis il-⁹⁴³
 » licitè petenti, si redditio hîc, et nunc non sit illi-
 » cita, v. gr. petenti voluptatis causâ, vel ligato cas-
 » titatis voto, vel die festo, etc. V. Sanch. l. 9. d. 6.
 » Pont. l. 9 c. 3. Con. d. 34. d. 6. Perez d. 50 s. 5.
 » Quia malitia alterius non dat illi jus negandi, quod
 » suum est. Non tamen tenetur reddere petenti, si-
 » ne gravi causa, modo innaturali, vel in loco publi-
 » co, vel sacro, etc. »

Certum est, Conjugem non tenèri ad reddendum debitum cum peccato proprio, et etiàm veniali, cum nemo possit esse obligatus ad peccandum; ità communiter Pal. p. 4 § 11 n. 1. Bon. p. 3 n. 3 et 4. Laym. c. 1 num. 17. Spor. n. 517. Boss. c. 1 n. 226. et alii passim. Sed quær. I. Utrum liceat reddere illicitè petenti cum peccato mortali? Si culpa se tenet ex parte actûs, puta si alter petat in loco sacro, vel publico, vel si cum periculo abortûs, vel sanitatis propriæ, aut alterius, omnes conveniunt, non tenèri Conjugem, nec posse reddere sine gravi culpa; tunc, cum actus sit per se malus, alter injustè petit, eò quod non habeat jus petendi, ità Sanch. l. 9 c. 6 d. 16 n. 8.

Pont. l. 10 c. 3 n. 3. Salm. c. 15 n. 21. cum D. Th. Con. Bon. Henr. et aliis passim. Sed

944 Dubit. 1. Si culpa se tenet ex parte personæ exigentis, nempe si ille sit obstrictus voto castitatis, aut petat ob prævum finem, an alter possit reddere? *Prima* sententia communis dicit, non solum posse, sed etiam teneri; et hanc sequuntur Suar. de Censur. D. 15 sect. 4 n. 9. Lugo de Sacram. D. 8 n. 182. Contin. Tournel. t. 3 p. 335 v. Resp. Cone. p. 369 n. 2. Laym. l. 5 tr. 10 p. 3 c. 1 n. 17. Bonac. qu. 4 p. 3 n. 3. Pal. p. 4 § 11 n. 3. Spor. n. 517. Holzm. n. 467. v. Tertio; Elbel n. 416. Escob. l. 25 n. 91. cum Sylv. Con. Cov. et Henr. Sanch. d. D. 6 num. 7. cum Ang. Led. Manuel. P. Soto, Veracr. et Met. Boss. c. 1 n. 241. cum Perez, Diana, Fill. et Vill. ac Salm. c. 15 n. 18. cum Avers. Reb. Dic. etc. Ratio, quia Conjux ille per votum non amisit jus petendi, unde quàmvis illicitè, non tamen injustè debitum exigit. *Secunda* verò sententia, quam tenent Pont. l. 10 c. 3 n. 3. et Croix l. 6 p. 3 n. 353. cum Sylv. Comit. et aliis paucis, dicit, quod, sive culpa se teneat ex parte actus, sive ex parte personæ petentis, non liceat ei reddere (nisi sit in potestate petentis ab illa prava circumstantia se liberare, puta si exigeret ob malum finem). Ratio, quia, posito impedimento voti, actus conjugalís necessariò est illicitus petenti, cui cooperari alteri non licet. Nec petens eo casu habet dominium in corpus alterius, tum quia dominium tunc est impedimentum à voto; tum quia Conjux non habet jus nisi ad usum licitum Matrimonii. Huic autem congruunt dicta de Restit. n. 697 ubi dicunt Lugo de Just. D. 21 n. 62. et Croix, cum Less. Mol. Soto, Nav. etc. quod debitor non teneatur restituere Domino rem, quâ ille est abusurus ad peccandum; quod expressè etiam tradidit D. Th. 2. 2 q. 62 art. 5 ad. 1 ubi: *Quando res restituenda apparet esse graviter nociva ei, cui restitutio facienda est, non ei debet tunc restitui, quia restitutio ordinatur ad utilitatem ejus cui restituitur.* Dicit tamen Lugo l. c. quod, cum hæc obligatio sit tantum charitatis, non oblige-

tur debitor ad negandum, si non possit negare sine gravi incommodo. Hæc sententia est quidem probabilis, sed prima videtur probabilior, saltèm extrinsecè; gravi utique nititur ratione, quia obstrictus voto adhuc retinet jus ad petendum, et consequenter tenetur alter ei reddere, prout si quis votum emitteret non exigendi à te pecuniam debitam, si ille postea petit, tenêris tu reddere, quia per votum creditor non amisit jus suum, et eo casu tu reddendo minimè cooperaris formaliter ejus peccato, cum non sis causa, cur ille debitum exigat, sed tantum concurras ad materiale peccati, quod tu non potes impedire, cum debes rem suo domino reddere; ideò nec tenêris impedire, quia impediendo actum injustitiæ committeres. Nec obstat dicere, quod nemo habeat jus ad actum illicitum; nam responderetur, quod, esto Conjux ille petens non habeat jus ad petendum cum peccato, habeat tamen jus ad actum conjugalem, qui per se est honestus, undè alter reddendo non peccat, quia dat operam, non alterius peccato, sed actui licito, ex justitia debito. Hinc dicunt Sanch. l. 9 D. 36 n. 11. cum Palud. Henr. Man. et Led. ac Salm. c. 15 n. 20. cum Con. et Bon. quod, licet Conjux voverit ex consensu alterius, si tamen expressè non cessit jure suo petendi, etiàm teneatur alter debitum reddere. Imò etiàm si ad invicem voverint, non intendentes cedere jure suo; adhuc tenetur alter petenti reddere, ut dicunt idem Salm. l. c. cum Sanch. Less. Bon. et Henriquez.

Benè tamen advertunt Sanch. l. 9 D. 6 n. 5. cum Cov. et Adrian. ac Boss. c. 1 n. 248. cum Con. Reb. et Vill. quod eo casu teneatur Conjux monere petentem ligatum voto, ut à petitione desistat, modò possit monere sine timore magni dissidii, vel indignationis, aut incontinentiæ alterius: quæ incommoda, dicunt Sanchez., et Bossius, ut plurimum adesse. Quandò autem Conjux prævidet, quod alter impeditus vero vel alio impedimento illicitè petet, tunc tutius erit, ut ipse præveniat, et si ille jam petierit, ipse

tunc etià petat, dicens, *volo ut tu mihi reddas*: Sed ad hoc meritò ait Sanch. d. n. 5. uxores rarò obligari, quia magnum onus esset eis ob naturalem mulierum verecundiam tenèri ad semper petendum. Præterea advertendum cum Boss. n. 252 et 273. quod, si Conjux impeditus petat infrà primum bimestre, non teneatur, nec possit alter ei reddere; cum eo tempore ille non habeat jus ad petendum.

945 Dubit. 2. An Conjux possit et teneatur reddere debitum incestuoso petenti? Adsunt tres sententiæ Alii ut Hostiensis, et Lopez apud Boss. c. 1 n. 249 dicunt tenèri. Alii ut Pontius l. 10 c. 3 n. 3. et Palac. ac P. Led. apud Sanch. l. 9 D 6 n. 11. dicunt nec tenèri, nec posse, quia cum incestuosus sit privatus jure petendi, alter reddendo illicitè cooperaretur illius peccato. Alii verò communius, et probabilius dicunt non tenèri, sed posse; ità Sanch. n. 12. Pal. p. 4 § 6 n. 7. Bon. q. 4 p. 3 num. 3. Salm. c. 15 n. 15. Boss. c. 1 n. 250. cum S. Anton. Palud. Sylv. Laym. Cov. Vict. Reg. Vill. etc. Ratio, quia licet incestuosus sit privatus jure suo, Conjux tamen innocens, cum habeat jus petenti, à fortiori habet jus reddendi, alioqui grave onus deberet subire (maximè uxor), si semper deberet petere; imò magis scrupulis deberet angì, existimans, ne fortè moveatur ad reddendum ex tacita petitione alterius; hoc autem onus satis excusat à cooperatione ad materiale peccati, quod committit incestuosus. Tutiùs autem erit (ut diximus), ut Conjux innocens tunc ipse petat.

946 Quær. II. An petenti cum sola culpa veniali teneatur alter reddere? Alii affirmant ut Boss. c. 1 n. 230. Escob. l. 25 n. 93. Sporer n. 518. Sanch. l. 9 D. 6 n. 6. et D. 16 n. 8. cum Cajet. et P. Soto; Laym. c. 1 n. 18. cum Do. Soto, et Nav. ac Boss. c. 1 n. 230. cum Con. etc. Ratio, tum quia vinculum justitiæ, quo Conjuges tenentur reddere, fortiùs stringit, quàm vinculum charitatis, quo tenentur vitare peccatum alterius; tum quia semper (ut ajunt) adest justa causa reddendi, scilicet ne exigenti displiceat, vel saltè

(ut dicit Sanch.) ne privetur jure suo reddendi. Alii tamen (ut Bon. q. 4 p. 3 n. 10. cum Armilla) dicunt, non tenêri, nisi adsit justa causa ex parte petentis. Ego dico omninò distinguendum : actus est illicitus ex parte personæ petentis, puta si petat ob voluptatem, vel alium finem leviter malum, vel die quo vult Eucharistiam accipere, tunc tenetur reddere; quia, cum actus sit per se honestus, tenetur ex justitia ad reddendum, etiãsi exigens peccet graviter in petendo, ut diximus n. 944. Dub. 1. Si verò actus est venialiter illicitus ex parte ipsius actus seu copulæ, ut si petatur situ innaturali, vel tempore menstrui, aut puerperii, tunc quando adest justa causa, potest quidem reddere, cum quælibet justa causa excuset à veniali. Justa autem causa erit, v. g. ne incurrat indignationem alterius sive rancorem illius quodammodo notabilem, et non possiteum commodè evertere. Causa verò quam adducit Sanchez, nempe ne Conjux privetur suo jure reddendi, non videtur sufficiens, nam sicut petens tunc non habet jus ad sic petendum, ita nec alter jus habet ad sic reddendum. Dixi, *potest reddere*, sed non tenetur, quia licet vinculum justitiæ fortius sit vinculo charitatis, attamen cum actus sit tali modo per se illicitus, alter non habet jus ad illum, et sic responderetur ad rationem primæ sententiæ; ita Busemb. ut suprâ n. 934. ac Less. l. 3 c. 3 n. 89. item Palac. et Led. apud Sanch. d. D. 16 n. 8. et probabilem putant Croix n. 356. cum S. Antonin. 3 p. tit. 1 c. 2 § 7, ubi ait, tunc tenêri Conjugem ad reddendum, quando alter petit modo naturali; ergò, si innaturali, non tenetur. Sanè verò teneretur reddere, si petens haberet justam causam etiã ex sua parte sic petendi, puta si peteret copulam situ innaturali, eò quod uxor sit prægnans, aut ipse sit pinguis, vel alioquin immineret periculum scandali; vide dicta n. 917. Vel si petat tempore menstrui, aut puerperii cum periculo incontinentiæ; juxtà dicta n. 925. circa fin.

An autem Conjux teneatur reddere petenti statim

post prandium? Vide dicta n. 910. v. Videtur. An petenti die Communionis? Vide n. 922. ac in Tract. de Euch. n. 274. An petenti die festivo, jejunii, et Rogationum? Vide n. 923.

- 947 Quær. III. An liceat uxori reddere debitum vel petere à viro volente seminare extrà vas post copulam inceptam? *Prima* sententia affirmat, et hanc tenent Pont. l. 10 c. 11 n. 8. Tamb. Dec. l. 7 c. 4 § 5 n. 4. et Sporer p. 356 n. 490. quia (ut ajunt) cum mulier reddit, aut petit, dat operam rei licitæ, nec ipsa propter malitiam viri debet suo jure privari. *Secunda* sententia, quam tenent Roncag. p. 187 q. 10 R. 2 et Elbel p. 471. n. 394. dicit, uxorem non posse nec petere nec reddere, nisi adsit gravis causa, quæ ipsam excuset in permittendo peccatum viri, et in cooperando ad materiale peccati illius, aliàs tenetur ex charitate, cum possit sine gravi incommodo viri peccatum impedire. Ego tamen distinguendum puto: Si agatur de reddendo debito, dico, uxorem probabiliter posse et tenèri negare debitum, si possit sine gravi incommodo, juxtà secundam sententiam allatam n. 944. quia abusus re sibi debita non habet jus ad rem sibi vindicandam; sed probabilius apparet, uxorem non solum posse reddere, ut dicit prima sententia, quam sequitur etià Sanch. l. 9 D. 16 n. 3. sed etià tenèri. Ratio, quia juxtà dicta cit. n. 944.) quando culpa se tenet ex parte personæ petentis, cum ipse habeat jus ad copulam, nequit alter sine injustitia debitum negare, si non possit monendo à tali culpa illum avertere, et tunc patet, quod reddens ne materialiter quidem cooperetur peccato illius, cum non cooperetur seminationi extrà vas, sed tantum copulæ inceptæ, quæ per se omnino utrique est licita. Si verò agatur de petitione debiti, dico cum secunda sententia, uxorem non posse petere, si non adsit justa et gravis causa, tunc enim reverà tenetur ex charitate impedire peccatum viri. Justam autem causam haberet petendi, si ipsa esset in periculo incontinentiæ, vel si deberet aliàs privari suo jure petendi plusquam

semel vel bis, cum perpetuo scrupulo an ei sit satis grave incommodum, vel ne, tunc se continere; Vide dicta in pari casu l. 2 n. 53 v. Si vere.

« 6. Non tenetur reddere 1. Si alter alteri debitum, 748
 » remiserit, v. g. si consensu mutuo voverint castita-
 » tem * (*Sed oppositum est probabile, si non intende-*
 » *rint cedere jure suo, juxta dicta n. 944. circa fin.*) *,
 » vel auctoritate publica celebrarint divortium. 2. Si
 » petens sit amens; quia talis non est capax usûs
 » dominii; nec petit cum ratione, et humano modo.
 » Quod etiâ valet in ebrio. Simpliciter tamen, uti
 » petere, ita reddere licet tam ebrio, quàm amenti;
 » nisi esset periculum foetus enecandi. Nav. c. 16
 » Sylv. Laym. c. 1 n. 9. Si alter mœchatus sit, quia
 » *frangenti fidem fides frangatur eidem*; nisi tamen
 » ipse quoque sit adulter, vel causa adulterii. * (Vi-
 » de dicenda n. 956.) *. »

Quær., an Conjux teneatur reddere debitum amen-
 ti, vel ebrio? Affirmant Nav. c. 16 n. 26. et Sylv.
 Ang. Graff. Led. etc. apud Boss. c. 1 n. 293. quia
 Conjux ebrius, vel factus amens adhuc retinet do-
 minium acquisitum in corpus alterius; nec officit
 amentia ad procurationem prolis. Negant verò com-
 munissimè et probabilius cum Busemb. ut supra
 Laym. c. 1 n. 9. Pal. p. 4 § 4 n. 19. Bon. p. 1 n. 10.
 Sanch. l. 9 D. 22 num. 9. Conc. p. 402 n. 31. Croix
 n. 394. et Boss. n. 294. cum Soto, Con. Fill. Victor.
 Lop. Henr. Reg. Aversa, Hurt. etc. Ratio, quia licet
 isti dominium retineant, sunt tamen incapaces usûs
 dominii. Excipe 1. si in eis sit periculum prodigendi
 semen, quia tametsi ipsi non peccent, est tamen im-
 peditus actus materialiter malus. Excipe 2 si quis non
 esset universè amens, sed in una tantum vel altera
 materia; Sanch. n. 6. Boss. n. 297. Vel si ille esset
 tantum fatuus, non verò omnino mente captus; vel
 si petat, dum habet lucidum intervallum; Boss.
 n. 298 et 299. cum Sanch. Ricc. et Con.

Quamvis autem non sit obligatio reddendi Conjugi
 amenti, vel ebrio, licitum est tamen ei reddere, ut

communiter dicunt præfati AA. cum usus Matrimonii per se sit licitus, et proles educari possit à Coniuge sanæ mentis. Modò (intelligendum) absit periculum scandali, vel abortûs; Undè benè addunt Sanch. n. 7 et Boss. n. 302, quod non liceat coire cum uxore amente furiosa, nisi ipsa experientiâ noscatur sterilis. Peccaret etiàm qui conjungeret ad copulam Coniuges ambos amentes, quia esset causa, ut filii carerent debita educatione; Sanch. n. 5 cum Led. et Lop. et Boss. et 303 cum Bonac. Con. Laym. P. Soto, Fill. etc.

- 949 » Etsi is, qui Matrimonio contracto sciens prudens
 » voluntariè cognovit consanguineam uxoris in primo, vel secundo gradu, non possit petere debitum
 » * (ex c. 1 de Eo qui cogn. etc. Vide dicenda ex n. 1070)* tenetur tamen reddere. Idem est de eo, qui,
 » inscia comparte, vovit castitatem, post Matrimonium consummatum Si tamen antè vovisset, videtur obligari ad ingressum Religionis saltè primo bimestri (nisi tamen Matrimonium consummaverit) : imò etiàm post, si uxor consentiat, de quo
 » plura vide apud Laym. c. 11 n. 10.

» Resp. 2. Coniux non tenetur reddere debitum,
 » si indè grave damnum, vel periculum sibi, vel proli meritò timeat, Perez dist. 50 sess. 4. Undè
 » non tenetur sequentibus casibus.

- 950 » 1. Si illud petat maritus morbo contagioso laborans, verb. gr. gallico, peste, lepra, etc. (nisi tamen hæc antè Matrimonium fuerit cognita, et non sit nimis gravis) Bon. q. 4 p. 1 n. 8. Perez d. 50. Sanch. l. 9 d. 14. Laym. l. 5 tr. 10 p. 3 c. 2. »

Quær. an Coniux tenetur reddere debitum alteri laboranti aliquo morbo contagioso, puta lepra, peste, phthisi, morbo gallico, et simili? Certum est 1. Coniuges tenèri ad reddendum cum levi suo damno, huic enim præponderat lex iustitiæ, obligans quidem sub gravi, cum redditio debiti gravis sit materia; ità communiter Sanch, l. 9 D. 24 n. 2 cum Soto, Navar. etc. ac Boss. l. 2 c. 1 num. 168 in fine cum Bon. Reb. et Vall. Undè dicunt D. Th. 3 pag. q. 64 art. 1 ad. 4 et

D. Bonav. Ric. et alii apud Sanch. l. c. n. 15 uxorem tenêri ad reddendum debitum viro leproso, ex c. 2 de Conjug. lepros. ubi : *Quod si virum, sive uxorem, leprosum fieri contigerit, et infirmus à sano carnale debitum exigit, generali præcepto Apostoli, quod exigitur est solvendum; cui præcepto in hoc casu nulla exceptio invenitur.* Ratio, quia, cum copula brevi fit, non imminet ex ea periculum infectionis : et ideò ait D. Thom. sup. q. 64 a. 1 ad 4 *Tenetur reddere.... non tamen.... cohabitare, l. c. quia non ità citò inficitur ex coitu, sicut ex frequenti cohabitatione.* Communiter tamen id limitant 1. DD. si ex tali coitu iudicio Medicorum adsit periculum infectionis notabiliter noxiæ ; ità Boss. c. 7 n. 181 cum Laym. et Sanch. d. D 24 n. 17 cum S. Anton. Nav. Soto, Palud. Caj. Vict. et aliis. Limitant 2 si Coniux sanus tantum horroris habeat ad coeundum cum leproso, ut id sit moraliter impossibile ; impossibilium enim nulla est obligatio ex l. Impossibilium ff. de Reg. jur. ità Sanch. n. 21 et Boss. n. 149 cum Host. Panorm. Sylv. pont. Soto, Barb. Laym. Reg. Vill. etc.

Certum est 2, non tenêri Conjugem reddere debitum cum gravi periculo propriæ vitæ, aut sanitatis ; ità D. Th. sup. q. 64 art. 1 ubi : *Vir tenetur uxori debitum reddere, .. salva tamen prius personæ incolumitate.* Et ità communiter omnes (vide Sanch. d. D. 24 n. 2.) Ratio, quia (ut ait D. Th.) *hic est ordo naturalis, ut prius aliquîd in seipso perficiatur, et postmodum alteri de perfectione sua communicet; et hic est etiàm ordo charitatis, quæ naturam perficit.*

Certum est 3. Conjugem, non solum non tenêri ; sed nec etiàm posse reddere cum gravi periculo suæ salutis, quia nemo est dominus vitæ suæ ; ità communiter Pal. p. 4 § 10 n. 4. Pont. l. 10 c. 14 n. 3. Sanch. l. 9 D 24 n. 8 cum Soto, Caj. Arm. Led. etc. ac Boss. c. 1 n. 199 cum Laym. Con. Fill. etc. Et hoc etiàm si illud grave damnum immineret soli petenti, ut dicunt Sanch. n. 9 et Boss. n. 209 cum Soto, Arag. etc. eo enim casu reddens tantum excusari posset, si ab altero timeretur proximum periculum occisionis. Limi-

tant verò Sanch. num. 22 cum Ledesm. Palac. Vega, Man. etc. ac Laym. Azor. Fill. apud Boss. c. 1 n. 189 si Conjux sanus antè Matrimonium jam noverit alterius morbum contagiosum; quia (ut ajunt) in omnibus contractibus, quandò detegitur vitium rei, non minùs obligantur contrahentes, quàm si res vitio careret. Sed meritò hanc limitationem rejiciunt Pal. l. c. et Ang. ac Vill. apud Boss. n. 189, quia emens rem, quam scit vitiosam, cedit jure suo, quia cedere potest; sed Conjux (ut diximus) non potest cedere jure servandæ suæ salutis.

Probabiliter tamen poterit Conjux reddere alteri infecto, etiàm cum periculo gravi propriæ sanitatis. I. Si prolessit necessaria ad bonum commune; Sanch. d. D. 24 n. 11 cum Ledesma, nemine contradicente, ut asserit, II. Si Conjux infectus petens esset in probabili periculo incontinentiæ, nam licet sanus nec etiàm eo casu teneatur reddere cum periculo suæ sanitatis, ut dicunt Laym. c. 1 n. 5. Pont. l. 10 c. 14 n. 2. Sanch. D. 24 n. 12. Boss. n. 204 et 205 cum Major. Reg. Comit. et Vill. ac Pal. p. 5 § 10 n. 4 cum Con. (contra Gabr. Led. et Rodr.) tum quia charitas non obligat cum tanto onere, tum quia alter non est in extrema necessitate, cum possit aliter sibi subvenire; attamen licetè potest reddere, et tale periculum subire ex motivo charitatis, quia, esto homo non sit dominus suæ vitæ, potest tamen propter charitatem illam exponere, ut Pont. l. c. n. 4 et c. 2 n. 7. Sanch. p. 12. Bon. q. 4 p. 1 num. 3 et 4 et Boss. n. 294 cum Major. Vill. Con. Aversa, P. Soto, Laym. Hurt. Comit. et Reg. III. Si redderet ad vitanda magna dissidia vel ad fovendum amorem conjugalem, et etiàm ad vitandum periculum incontinentiæ propriæ, et tunc potest etiàm petere; quia vitatio incontinentiæ, aut conservatio pacis familiæ ac amoris jugalis prævalet obligationi vitandi infectionis periculum. Hæc tamen omnia intelligenda (ut diximus n. 909. si morbus sit diuturnus et quasi habitualis, ut lepra, morbus gal-

licus, phthisis, etc. non verò si sit de illis, qui de brevi et facili solent mortem afferre, ut est infectio pestis, aut lepræ leoninæ. IV. addo; si Conjux sanus possit præservativis facillè vitare contagium sive ejus periculum.

Sicùt autem non potest Conjux sanus reddere infirmo cum periculo propriæ salutis, sic etià infectus nec potest reddere sano cum periculo salutis illius; etià si ille petat jam conscius sui periculi: prout non licet reddere gladium volenti se necare, cum nemo sit dominus suæ vitæ; ita Sanch. l. 9 D. 6 n. 17. Pont. l. 10 n. 2 in fin. et Boss. c. 1 n. 209 cum Soto, Con. Azor. etc. communiter. Probabiliter tamen excipiunt Busemb. n. 909 cum Perez, Bon. p. 6 n. 8. Sanch. D. 24. n. 23 cum Cajet. P. Soto, et Crass. ac Boss. d. n. 209 in fin. (se remittens ad num. 195) cum Laym. Pont. et Reg. si reddat ad vitandum periculum incontinentiæ in se vel in altero, vel ad vitanda dissidia, aut ne diù privetur usu conjugii, quod vix esse potest sine periculo incontinentiæ. Hocque etià intelligendum, si ejus morbus sit diuturnus, et non proximè ad mortem tendens; itemque si alter sanus petens jam ejus morbi sit conscius, juxta dicta n. 909 Dub. 1.

An autem Conjux possit et teneatur reddere quando⁹⁵⁴ timetur damnum prolis nascituræ? Negant Medina, et Palacius apud Sanch. l. 9 D. 24 n. 24, quia nemo tenetur, nec potest reddere debitum cum damno innocentis. Sed communiter et veriùs affirmant D. Th. in 4 D. 32 q. un. art. 1 ad 4. S. Anton. 3 p. tit. 1 c. 20 § 10 circa fin. Sanc. n. 25 cum S. Bonav. Palud. Sylv. Led. etc. ac Boss. 1 n. 136 cum Soto, Layman. Reb. Fill. Reg. Vill. etc. Ratio assignatur à D. Thom. l. c. ubi: *Uxor tenetur viro leproso reddere debitum; et quàmvis proles gigneretur infirma, tamen melius est et sic esse, quàm penitus non esse.* An verò liceat reddere tempore prægnationis, vel menstrui, aut purgationis post partum? Vide dicta n. 924, 925 et 926.

• 2. Si petat ab uxore laborante febri, vel alio⁹⁵⁵ morbo, cui copula noceret? Bon. q. 4 p. 1 num. 4.

» ex Sanch. etc. item Perez l. c. * (*Sive post balnea, aut*
 » *sectionem venæ; vide dicta n. 901.*) Vel, ut quidam
 » volunt, tempore menstrui: Bon. q. 4 p. 3 n. 11 et
 » p. 6 num. 10 contra Sanch. Hurt. Per. d. 49 s. 3.
 » (Vide dicta n. 925.) Aut cum uxor est gravida, et
 » ex redditione periculum mortis (vel etiã abortus)
 » probabile timetur proli jam conceptæ: imò
 » tunc nec petere, nec reddere licitum est, ut per se
 » patet, ait Laym. c. 1 n. 7 et esse mortale dicit:
 » Perez dist. 47 s. 3 (addens ex Sanch. Conin. et
 » Hurt. cessante periculo prolis usum matrimonii
 » licitum esse) * (Vide dicta n. 924.) * Aut si non
 » possit uxor edere foetum, nisi mortuum. Bon. q. 4
 » p. 1 et 2 n. 14. (Laym. tamen c. 7 n. 7 dicit, eo
 » casu licere reddere, imò et petere; quod Bon. l. c.
 » concedit, si fiat ob periculum incontinentiæ) aut
 » non possit edere, nisi cum præsentis periculo vitæ.
 » Bon. l. c. n. 7. Laym. l. c. n. 6. Quod tamen ad
 » vitandum incontinentiam, aut alia gravi ex causa,
 » eam posse permittere et debitum reddere, insinuat
 » Laym. l. c. ex Sanch. l. 7 d. 102 n. 11 * (Vide di-
 » cenda n. seq. 953.) Denique propter grave pericu-
 » lum mortis (a) (non tamen propter ordinarios dolores
 » partus) potest Conjux negare debitum, etiã si in
 » altero esset periculum incontinentiæ. Sanch. Præp.
 » Pal. Dian. p. 6 t. 7 R 64 et p. 9 t. 7 R 4. * (Vide
 » dicta mox sup. n. præc. vers. Probabiliter ad II.

» 3. Si alter debitum exigat innaturali modo, nisi
 » tamen ex negatione timeantur graviora mala, v. g.
 » rixæ, odium, incontinentia * (Vide dicta n. 946.) *

Commune est, non tenêri uxorem reddere debitum,
 953 si experta sit, se non posse parere sine probabili pericu-
 lo mortis: ita Laym. c. 1 n. 6. Bon. p. 1 nu. 7. Sanch.
 l. 7 D. 102 n. 9 et Bôss. c. 1 n. 172 cum Conin. Rec.
 Fill. et Rod. quia solutio debiti non obligat cum tan-
 to detrimento. Quid si mater experta sit, se filios parere
 mortuos? Hoc casu Laym. n. 7 dicit, quod benè pote-
 rit uxor reddere, quia illa mors foetus per accidens

(a) Textus P. Busembaum habet *morbis*.

evenit ; et præterea melius est puero esse cum culpa originali , quàm omninò non esse ; attamen Boss. l. c. et Bon. n. 14 cum Rodr. Vict. Led. et Reg. tenent, eam non posse reddere , quia Mater ex morte prolis (ut ait etiàm Bossius) exponitur magno periculo vitæ. Excipit tamen Bon. l. c. cum aliis, nisi adsit periculum incontinentiæ , et huic consentit Sanch. l. 7 D. 102 n. 8 addens, quod , si perpetuò propter hanc causam deberent Conjuges ab usu Matrimonii abstinere , essent ipsi in maximo incontinentiæ periculo. An autem uxor , quæ non possit reddere propter arctitudinem vasis , teneatur pati incisionem ? Vide dicenda n. 1099.

» Quæres, an aliquandò liceat impedire prolis generationem ?

• Resp. Possunt quidem Conjuges ex gravi causa aliquid facere , ex quo per accidens sequatur effusio seminis : peccant tamen , si in usu Matrimonii , vel post usum faciant aliquid, quo impediatur conceptio , aut semen conceptum rejiciatur. Ratio prioris est, quia non impeditur generatio , ne indirectè quidem , sed tantum permittitur , ut non fiat, quod licet ex causa rationabili. Ratio posterioris est , quia agunt contra fidem , et finem principalem matrimonii. Undè tales non excusat paupertas imminens , aut periculum ex partu. Undè resolves.

• Licite interruptitur actus conjugalis ; etsi ex naturæ concitatione secutura sit pollutio, dummodò sit justa causa interrumpendi , v. g. si ex continuatione immineat periculum morbi, vel mortis ab hoste , vel aliquis alius interveniat. Vid. Per. d. 49 s. 9. * (Ità etiàm Sanch. l. 9 D. 19 n. 4. Pal. p. 4 § 3 n. 3 et Boss. c. 9 n. 60 cum Less. Perez, et Aversa ac Salm. c. 15 n. 81 cum Cajet. Dic. etc.) *

• Peccat probabiliter scœmina , quæ in usu matrimonii animum aliò distrahit, ne natura excitetur , venialiter tamen ; ut ex Per. l. c. num. 7. docet Sanch. * (Sed verius est, id esse mortale, juxta num. 918. v. Sed redeundo) *.

Dicunt Sanch. l. 9 D. 20 n. 3. Pont. l. 10 c. 13 n. 1. Salm. c. 15 n. 75. Bon. p. 6 n. 18. cum Reb. Hurt. et Reg. ac Boss. c. 9 n. 3. cum Fill. Fag. Diana, et Vil. quod uxor peccatura sit mortaliter, si statim post copulam mingit, aut surgit, vel aliud aliquid facit, animo, ut semen receptum expellat, quia frustrat finem, ad quem semen est à natura institutum; ita præfati AA. contra Tamb. Dec. l. 7 c. 3 § 5 n. 14, qui cum Bellochio id excusat à mortali, eo quod matrix mulieris, semine effuso, semper retineat id, quod necessarium est ad generationem. Dictum est autem, si mulier id facit *statim, et animo expellendi semen*, nam si id faceret ex aliqua necessitate, puta ad vitandum periculum mortis, aut scandalum aliorum, omnes dicunt, eam non peccare; Sic ut etià conveniunt, non opus esse, ut uxor post copulam diù immota et resupina maneat, eò quod brevi tempore matrix semen attrahat, et arctissimè claudatur.

Dubatur autem hinc, an puella violenter oppressa, possit expellere incontinenti semen viri immissum, ne concipiat? Affirmant Sanch. l. 2 D. 22. n. 17. et Boss. c. 9 n. 5. cum Raynaud. Marchant. ac Diana, et non improbabile putat Escob. l. 25 n. 301. quia (ut ajunt) tunc puella licitè expellit semen tamquam sui honoris aggressorem, cum illud non adhuc sit in pacifica possessione uteri. Sed rectiùs id non admittunt Pontius l. 9 c. 10 n. 4. Tamb. Dec. l. 7 c. 3 § 5 n. 14. et hanc tenet etià ut veriore Escob. l. cit. cum Leand. Huic ego etià adhæsi l. 3 num. 394. v. Dicunt, et hinc quoque adhæreo, quàmvis diversa ratione ductus. Ratio, cur hæc sententia mihi probeatur, est quia numquàm licet ejicere semen effusum, atque receptum in utero, ubi statim ac recipitur (quod puto quidem statim recipi) habet suam pacificam possessionem; undè non potest mulier id ab eo expellere, quia injuriam irrogaret Naturæ, sive speciei humanæ, cujus propagatio impeditur. Merito tamen et communiter dicunt AA. tam primæ, quàm secundæ sententiæ, quod mulier vi oppressa pos-

sit se vertere (imò dico teneatur), et coitum interrumpere, quàmvis semen viri esset extrà vas effundendum; tunc enim non expellitur semen immissum. sed impeditur, ne immittatur, et ideò tunc licitè illud repellitur tamquàm violentus honoris aggressor.

Dubit. 2 an liceat Conjugibus copulari, si ob senectutem vel aliam dispositionem plerumque accadat, quod semen extrà vas effundatur? Affirmant probabiliter Boss. c. 7 n. 190. Bon. p. 6 n. 17. Spor. n. 122. Laym. l. 3 Sect. 4 n. 19. Sanch. l. 9 D. 17 n. 24. cum Henr. et Croix n. 318. cum Gab. modò adsit spes probabilis seminandi intrà vas, quia semper ac adest talis spes, jus habent ad copulam, et si semen effunditur, hoc per accidens evenit: vide dicenda n. 1066. in fin.

DUBIUM III.

An, et quibus ex causis possit fieri divortium?

955 *Fit divortium quòdàd Vinculum. I. Si habentur sufficientia indicia de morte Conjugis. II. Si alter convertatur ad Fidem. III. Si fit Religiosus antè consummationem. IV. Si Papa dispenset in Matrimonio rato.*

956 *De Indissolubilitate Matrimonii.*

957 *An, si Infidelis nolit converti, liceat Fideli transire ad alias nuptias?*

958 *Inter Fideles Matrimonium ratum solvitur tantùm per professionem Religiosam.*

959 *An solvatur etiàm per dispensationem Papæ?*

960 *Permittitur autem divortium quòdàd Torum, I. ob adulterium Conjugis.*

961 *Qu. I. An ad divortium sufficiat suspicio de adulterio?*

962 *Qu. II. An liceat facere divortium ob sodomiam, vel bestialitatem commissam à Conjuge? Qu. III. An ob copulam sine seminatione?*

963 *Qu. IV. An vir, cognito adulterio uxoris, teneatur eam dimittere?*

964 *Qu. V. An uxor teneatur divertere à viro adultero?*

965 *Et an Conjux innocens teneatur recipere alterum adulterum emendatum?*

966 *Qu. VI. In quibus casibus Conjux nequeat divertere ab adultero? I. Casus, si uterque sit reus adulterii. II. Si conjux consensiat in adulterium alterius. III. Si*

adulterium accadat sine culpa. IV. Si injuria remittatur.

- 967 *Dub. 1. An, facto divortio per sententiam Judicis, possit Conjux innocens adulterum ad se revocare? Dub. 2. Quid, si facto divortio, innocens etiã adulteretur?*
- 968 *Dub. 3. An vir possit adulteram dimittere propria auctoritate?*
- 969 *Facta juridica separatione, vir potest ingredi Religionem, aut fieri Sacerdos, invita adultera, adultera verb id non potest nisi de licentia alterius.*
- 970 *Permittitur II. divortium ob sævitiam alterius.*
- 971 *Qu. 1. An ob hanc causam possit Conjux recedere propria auctoritate? Qu. 2. An possit fieri Religiosus altero invito? Qu. 3. Qualis timor sufficiat ad faciendum divortium ob sævitiam?*
- 972 *Qu. 4. An sola verbera sint justa causa divortii?*
- 973 *Permittitur III. divortium Conjugi, si alter trahat eum in peccatum.*
- 974 *Permittitur IV. imò aliquando præcipitur divortium ob hæresim alterius.*
- 975 *Permittitur V. ob mutuum consensum.*
- 976 *Facto divortio, apud quem sint filii educandi? Et cujus conjugis expensis?*
- 977 *An uxor teneatur sequi virum ad cohabitationem?*

- 955 « **R**ESP. I. Etsi Matrimonium consummatum inter
 » Christianos nullo casu solvi possit, quoad vincu-
 » lum, vivente utroque conjuge (V. Sanch. et Per.
 » d. 25 s. 9 et d. 55 s. 4), divortium tamen, seu po-
 » tius separatio quoad torum * (*Hic error irrepsit,*
 » *nam pro verbo torum, debet dici vinculum, aliàs*
 » *enim non congruunt ea, quæ sequuntur.*)* fit sequen-
 » tibus casibus.
- » I. Si alter conjux moriatur. De quo si est cer-
 » tum, rursus nubere potest; quod si interim alter
 » mortuus non sit, fama tamen, et indicia sufficien-
 » tia habeantur, excusatur nubens, neque ex dubio
 » superveniente, an prior vivat debent separari,
 » cum fortè non vivat, adeoque Matrimonium sit va-
 » lidum. * (Vide dicta n. 206. Dub. 3.) *
- » II. Si ex conjugibus infidelibus, altero ad fidem
 » converso, alter maneat infidelis (saltèm nisi paci-

» ficē cohabitare velit, sine contumelia Creatoris);
 » idque ex dispensatione divina, in favorem fidei,
 » ut patet ex 1. Cor. 7. v. 15. Perez. d. 26 s. 4 etc.
 » commun.

» III. Si antē matrimonii consummationem (ad
 » quam intrā primum himestre, quod ad delibera-
 » tionem datur, non tenentur, nec cogi possunt sine
 » injuria) alter intret Religionem, in eaque profi-
 » teatur. Perez. l. c. etc. communiter.

» IV. Si Papa ex alia justa causa dispenset antē
 » consummationem, sicuti eum posse probabilior
 » sententia affirmat. Nav. Bell. Perez. d. 20 sect. 7. »

Certum est 1 quod inter Catholicos Matrimonium⁹⁵⁶
 sit indissolubile, ut declaravit Trident. sess. 24 in
 princ. Et hoc per se verum est, non solum de Matrimo-
 nio consummato, sed etiā de tantum rato, vide
 Salm. c. 4 ex n. 11; Hæc autem indissolubilitas est
 ab ipso jure naturali, quia necessarium est ad proliis
 educationem, ut Parentes perpetuo ejus bono incum-
 bant; ita communissime D. Th. 3 p. q. 67 a. 1. Bell.
 de Matr. l. 1 c. 12. Pont. l. 1 c. 12. Bon. p. 11 n. 2.
 et Salm. c. 4 n. 16. cum Pal. Becan. Led. etc. Con-
 tra Sanch. l. 2 D. 15 n. 7. qui cum aliis tenet (sed
 minus probabiliter) ex se præcisè Matrimonium non
 esse necessario indissolubile. Quamvis autem olim
 apud Judæos permissus erat Libellus repudii, ex
 Deuter. 24, in Lege tamen Nova interdictus fuit à Chris-
 to Domino, Matt. 19 v. 9. ubi: *Quicumque dimiserit ux-
 rem suam, nisi ob fornicationem, et aliam duxerit, mæcha-
 tur*. Ubi nota, quod *To nisi ob fornicationem* (ut com-
 munitè explicant Interpretes, vide Corn. à Lap.) non
 intelligatur, quod, fornicatione interveniente, possit
 vir aliam ducere, sed tantum quod possit ab ea se-
 parari. Certum est 2, quod inter infideles validum sit
 Matrimonium, si fuerit legitimum, idest juxta leges
 celebratum, ut patet ex e. De Infidel. de Consanguin.
 Certum est 3, quod si uterque Conjux ad Fidem con-
 vertitur, Matrimonium fiat ratum, idest indissolubile
 ex c. Quanto de divor. Modò sit consummatum post

conversionem, aliàs Papa in aliquo casu ex urgentissima causa potest in eo dispensare, ut diximus num. 897. vers. Prob. 1. ex Decr. Urbani VIII. et fusè defendit Bened. XIV. in quadam Dissert. quam innuit de Synodo l. 6 c. 4 n. 5. ubi asserit, S. Pium V. et Gregor. XIII. id in praxim deduxisse. Certum est 4 quod, si unus convertitur, et alter non vult cohabitare, nisi cum injuria Creatoris, sive cum blasphemia Divini Nominis, tunc Fidelis liberè possit alias nuptias inire, ut expressum est in eod. c. Quanto, ubi dicitur, ex triplici causa posse Fidelem transire ad alias nuptias, 1 si Infidelis renuat cum eo habitare, 2 si velit habitare, sed non nisi cum injuria Creatoris, 3 si eum vult pertrahere ad peccatum mortale.

Quær. an, si Infidelis nolit converti, sed tamen
 657 velit pacificè cohabitare, sine injuria Creatoris, liceat Fideli ab eo separari, non solùm quoad torum, sed etiàm quoad vinculum? Adsunt tres sententiæ. *Prima* absolutè negat et hanc tenet D. Th. in 4 D. 36 q. un. a. 5 Estius in 4 D. 39 § 6. Petrocor. tom 4 p. 331 Reg. 4 item S. Bonav. S. Anton. Palud. Gabr. etc. apud Sanch. l. 7 D. 74 num. 8. Idque probant ex Apost. 1. Cor. 7 v. 12 ubi: *Si quis frater uxorem habet infidelem, et hæc consentit habitare cum illo, non dimittat illam.* *Secunda* sententia absolutè affirmat, et hanc tenet Bellarminus de Matr. c. 12. Ratio hujus mox adducetur in tertia sententia: Dicit autem Bellarm. textum mox relatum D. Pauli non continere præceptum, sed tantùm consilium, cum Apostolus statim ad prædicta verba subdiderit; *Cæteris ego, non Dominus.* *Tertia* demùm sententia communior et probabilior, quam tenent Sanch. l. c. n. 9. Conc. p. 224 n. 5. Pont. l. 9 c. 4 n. 22. Tourn. Prælect. Theol. t. 11 p. 119 et alii apud Salm. c. 4 n. 43. dicit, olim, si nullum aderat periculum perversionis, non potuisse Fidelem transire ad alias nuptias, quia non aderat causa discedendi à Conjuge infideli, cum per miracula, quæ frequentius tunc per Fideles fiebant; plures Infideles ad Fidelem convertebantur; Sed hodiè, cum cessaverint mi-

racula tam frequentia, illicitum est cohabitare cum Coniuge Infideli ex recepta Ecclesiae consuetudine, quae introducta est ex eo, quod experientia docuit, non modicum perversionis periculum imminere ex consortio Infidelis; nisi (excipiunt Tourn. l. c. et Sanch. D. 75 n. 13.) Episcopus dispenset ad cohabitandum propter probabilem spem conversionis illius. Verumtamen advertendum 1 cum D. Th. l. c. Conc. p. 225 n. 7. et Petrocor. d. p. 431 ex cit. cap. Quanto, quod Matrimonium illud non solvatur, donec Fidelis ad alias nuptias transeat. Advertendum 2 quod, antequam Fidelis cum alia Matrimonium contrahat, debeat monere Infidelem, si velit ad Fidem converti, ex praecocepto Greg. XIII. et S. Pii V. ut dicunt Pont. l. 7 c. 48 n. 23. Sanch. D. 74 n. 12. et Croix n. 408. Excipit tamen Sanch. n. 13 et 14. cum aliis, contra Pont. si constet, Infidelem esse pertinacem, vel si multum distet. Notat autem Croix l. c. quod casu, quo infidelis non possit moneri, ad contrahendas alias nuptias requiratur dispensatio Pontificis; ut asserit jam praescripsisse praefatum Greg. XIII.

Matrimonium autem inter Fideles numquam solvi-⁹⁵⁸ tur, nisi alter Coniugum intra bimestre à Matrimonio contracto, et non consummato Religionem ingrediatur, ut habetur in c. Si quis conjugatus. 27 q. 7 et in Trid. sess. 24 Can. 6. Hoc tamen intelligitur, prout diximus n. 870 in fine, modò Matrimonium non esset necessarium ad legitimandam prolem, vel reparandum scandalum, aut honorem Sponsae, tunc enim non posset vir fieri Religiosus, relinquendo Sponsam, quae ob infamiam nequiret amplius Nuptias invenire. Dicunt autem Sanch. l. 2. D. 25 n. 7. Pont. l. 9 c. 9 n. 7 et Salm. c. 4 n. 90 cum Corn. Trull. et Dic. quod, si transacto bimestri conjux ingrediatur Religionem, illicitè hic profiteretur, sed validè, quia Concil. in d. Can. 6 indistinctè sic pronunciavit; *Si quis dixerit, Matrimonium ratum non consummatum per solemnem Religionis professionem alterius Coniugum non dirimi, anathema sit.* Ut dicatur autem Matrimonium consum-

matum, non sufficit penetratio vasis foemineæ, sed requiritur effusio seminis in illud; ita communiter DD. cum Conc. p. 252 n. 4 et D. Th. vide dicenda n. 1036 v. Hic autem. Quilibet verò Conjugum licite potest intra bimestre debitum negare, quamvis non habeat animum intrandi Religionem; quia utitur jure suo; ita communiter Pal. p. 2 §. 5 n. 7 et Salm. n. 91 cum Soto Con. Led. Henr. Dic. et Trull. Peccaret tamen (ut diximus n. 870. D. 2 in fine) Sponsus qui Matrimonium contraheret animo intrandi Religionem.

959. An verò possit Papa ex dispensatione solvere Matrimonium ratum; et non consummatum? Adest duplex sententia probabilis, *Prima* negat, et hanc tenent Pont. l. 9 c. 3 n. 3. Pal. D. 3 p. 2 §. 2 n. 3. Gonet. D. 5 n. 13 item S. Bonav. Scot. Val. Soto, Led. etc. apud Salm. §. 5 n. 58. Ratio, quia Matrimonium ratum ejusdem est naturæ ac consummatum, cujus indissolubilitas (ut declaravit Trid. sess. 24 in princ.) est de jure Divino, in quo nihil potest Pontifex. *Secunda* verò sententia affirmat, et hanc tenent cum Bus. Sanch. l. 2. D. 14 n. 2. Bellar. l. 2. de Monach. c. 8. Navarrus. c. 22 num. 21 et Salmantic. c. 5 num. 61 cum Cajet. Vasq. Con. Bon. Reb. Bec. etc. Ratio, tum quia Pontifices pluries hoc in usum deduxerunt dispensando in Matrimonio rato, ut referunt de propria scientia Navarr. Cajet. tum quia summus Pontifex tamquam Christi Vicarius, cui regimen Ecclesiæ est commissum, potest ex justa causa dispensare in aliquibus, quæ sunt de jure Divino, et humanos actus concernunt. Causa autem justa (ut dicunt præfati AA.) esset vel impotentia superveniens, aut scandalum imminens, vel sterilitas de novo cognita, quando opus esset ad bonum publicum, ut proles gigneretur. Addunt etiam, si adsint disparitas conditionis, morbus contagiosus, dissensiones prævisæ, mutus Conjugum consensus; Sed has quatuor causas non admittit Conc. p. 247 ex n. 20 et merito, saltèm nisi urgeat necessitas boni publici; nam alias, istis admissis, pauca Matrimonia rata et firma stare possent.

« Resp. 2. Manente vinculo Matrimonii, licite fit
» divortium, et separatio quoad torum, et cohabitati-
» onem, ad tempus, vel in perpetuum, ob gravem,
» et justam causam, qualis est :

» I. Alterius conjugis culpabile adulterium (per
» quod hic etiam intelligitur omnis species luxuriæ, in
» qua caro cum alia dividitur, qualis est bestialitas,
» sodomia etiam intrà eundem sexum. Bon. q. 4 p.
» 5 n. 2 contra Fill. Sanch. Perez d. 56 s. 1 et 2 ex
» Matt. 5 et ex c. Gaudemus c. Ex litteris. Non tamen
» mollities, vel pollutio, oscula, tactus, vel amplexus
» impudici. Bon. Sanch. Per. l. c. licet propter simi-
» lia ad tempus possit aliquandò fieri separatio, ut
» nocens emendetur)* (ut Salm. c. 16 n. 14 cum Sanch.
» Trull. et oom.)*; tunc enim innocens Religionem
» ingredi, aut Sacros etiam Ordines suscipere potest:
» nocens verò non, nisi cum innocentis consensu.
» Excipitur tamen ab hoc casu 1. Si uterque conjux
» particeps sit ejusdem criminis, vel æqualis. Sanch.
» l. 10 d. 6. Bon. l. c. Nisi innocens alteri condonabit,
» Quod aliqui eum fecisse censent, si eam post adult-
» terium intellectum rursus cognoverit. Bon. ex Conc.
» Henr. Fill. Per. s. 3 ubi vide plures casus exceptos. »

Certum est, virum posse dimittere uxorem adultera-
ram, ut docuit Christus Dom. Matth. 5. 19 et expres-
sum habetur in c. Gaudemus c. Ex litteris etc. Signifi-
casti de Divort. Idem communiter dicunt DD. de viro
adultero, quem uxor potest relinquere; ita Sanch. l.
10. D. 3 n. 6. Pont. l. 9 c. 16 et Salm. c. 16 n. 2 cum
Cou. Bon. Trull. ex c. Prætereà 32 q. 5 et c. Idolola-
tria 36 q. 1.

Quær. I. An ad divortium faciendum sufficiat sus-
picio de Conjugis adulterio? Quod sola suspicio suffi-
ciat, habetur expressum in c. Dicit Dominus. 32 q. 1
ubi D. Hieronymus dixit: *Ubi cumque est fornicatio,
vel fornicationis suspicio, liberè dimittitur uxor.* Com-
muniter tamen advertunt D. Th. in 4. D. 35 q. un. at
3 ad 4. Viva q. 8 a. 2 n. 4. Sanch. l. 10. D. 12 n. 4
cum S. Bonav. S. Antonin. Palud. Soto, Innoc. Hoe-

tiens. Abb. et aliis, non sufficere quamcumque probabilem suspicionem, sed requiri violentam, quæ moralem certitudinem fundet, prout si probetur visus fuisse solus cum sola, et nudus cum nuda, ut dicitur in c. cæteris. 12 de Præsumptionib. Dicit autem Pal. p. 6 §. 4 n. 8 cum Farinac. Gutt. etc. hoc requiri ad divortium faciendum auctoritate Ecclesiæ, nam quoad forum internum ait sufficere suspicionem probabilem, modò sit vehemens. Sed hoc intelligendum, quod, licet in foro interno non requiratur tanta certitudo quanta in externo, semper tamen requiratur talis suspicio, ut habeatur non sola probabilitas, sed moralis etiã certitudo de adulterio patrato; aliàs (benè ait Viva l. c.) per solam probabilem nequit alter privari sua certa possessione. Hinc, nisi aliæ adsint circumstantiæ, non sufficiunt amplexus, tactus, et oscula ad faciendum divortium; ità Pontius l. 9 c. 16 n. 5. Viva l. c. Sanch. n. 47 cum Nav. Palud. Perez, Barb et Lop. et ipse Pal. p. 6 §. 1 n. 2 cum Con. Hurt. etc. Item non sufficit, quod inveniatur solus cum sola in loco secreto, ut Sanch. n. 45 cum Nav. contra Menoch. sufficit verò in foro conscientiæ, si vir fide dignissimus testetur de adulterio, vel de violento indicio; ut Sanch. n. 51: Viva l. c. et Pal. p. 6 §. 4 n. 8 cum Gutt. Menoch. etc. sufficiunt etiã, ut ait Pal. §. 4 n. 8 cum Menoch. litteræ amatoriæ uxoris, quibus adulterium præteritum fatetur. Et sic puto etiã sufficere, si aspiciatur aliquis solus cum sola in eodem lecto.

962 Quær. II An liceat facere divortium ob sodomiam, aut bestialitatem commissam à Coniuge? *Prima* sententia negat, quam tenet Innoc. Abul. et Palac. ap Sanch. l. 16. D. 4 num. 2. hanc sequitur, speculative loquendo, etiã Pont. l. 9 c. 16 n. 5. Ratio, tum quia per solam fornicationem caro dividitur; tum quia lex pœnalis, qualis hæc est, non debet extendi de casu ad casum; textus autem in c. Gaudemus, et c. Litteris de Divor. ut suprâ, de sola fornicatione loquuntur. *Secunda* verò sententia communior et probabilior (saltem extrinsecè) affirmat, et hanc tenent D. Th.

Suppl. q. 62 a. 1 ad 4. Sanch. l. c. n. 3. Pal. p. 7 § 1 n. 2. Conc. p. 255 n. 7. Salm. c. 16 n. 9 cum Soto, etc. Ratio, quia ex jure naturali uterque Conjux tenetur fidem servare non dividendi carnem suam cum alia, quæ verè dividitur, cum habetur concubitus sodomæ, vel bestialitatis. Nec obstat, quod lex pœnalis non sit extendenda, nam jus discedendi ab adultero, qui cum alia carnem suam dividit, non oritur ex lege positiva, sed ex ipso jure naturali, quod prohibet, ne conjux cum alia carnem dividat. Sed AA. primæ sententiæ semper replicare possent, verè non dividi carnem sine copula naturali. Cæterum benè ait Pont. l. c. ab hac sententia non recedendum, cum sit communis, sed reverà eam non probari.

Quær. III. An copula habita cum aliena sinè seminis effusione, sit causa sufficiens ad divortium. *Prima* sententia affirmat, et hanc tenet Conc. p. 255 n. 9 citans S. Bonav. Sotum, Sylv. Palud. Vega et Henr. Rationem non assignat, sed ratio videtur esse, quia fornicatio sinè seminatione vera fornicatio est, licet non consummata, quâ verè dividitur caro; Citat etiàm D. Th. et Bonac. sinè locis, sed Bonac (ut infra) expressè oppositum tenet, et locum D. Th. ubi id tradat, non potui invenire. *Secunda* verò sententia probabilior negat, eamque tenent Sanch. l. 10. D. 4 n. 13. Bonao. q. 4 p. 5 n. 2. Escob. l. 25 n. 131 et Salm. c. 16 n. 10 cum Fill. Trull. et Led. Ratio, quia nomine fornicationis intelligenda est fornicatio in suo genere perfecta, nempe consummata per seminationem, aliàs non adest vera divisio carnis, sed potius divisio attentata, per solam enim seminationem fornicantes fiunt una caro.

Quær. IV. An vir, cognito adulterio uxoris, teneatur eam dimittere? Ratione adulterii certè non tenetur, dum hæc dimissio à Christo Dom. tantùm sit permessa, non præcepta, ità D. Th. Suppl. q. 62 a. 2 et alii omnes ex c. Idololat. 27 q. 1 ubi D. Aug. sic dixit: *Dominus autem permisit causâ fornicationis uxorem dimitti, sed quia permisit, non jussit, dedit locum Apost-*

tolo monandi, ut qui voluerit, non dimittat uxorem infidelem. Ratio patet, quia divortium introductum est in favorem innocentis, undè non debet in ejus poenam veri. Tantùm verò potest vir tenèri ad dimittendam adulteram ratione correptionis fraternæ, aut scandali vitandi, ut docent S. Th. l. c. Pal. p. 6 §. 3 n. 3. Bon. p. 5 n. 15. Salm. c. 16 n. 5 et alii ex e. Si vir de Adul. ubi dicitur: *Si vir, sciens uxorem suam deliquisse, quæ non egerit poenitentiam, sed permanet in fornicatione; vixerit cum illa, reus erit, et ejus peccati particeps.* Sed quod ad obligationem correptionis pertinet, communiter dicunt DD. non tenèri virum dimittere uxorem, si alia viâ, nempe verbis, aut verberibus possit eam corrigere: ità D. Th. l. c. ad. 1. Salm. n. 7. ac S. Bonav. Cajet. Sylvest. Arm. Covar. Barb. Manuek etc. ap. Sanch. l. 10. D. 13, n. 9. Item nec tenetur, si ex tali dimissione timeat gravia incommoda, nimirum periculum propriæ incontinentiæ, vel rixas cum propinquis uxoris, vel infamiam, aut jacturam gubernationis domesticæ, et similia, quia præceptum correptionis non obligat, cum gravi incommodo, ità S. Anton. 3. p. tit. 2. c. 20. § 9. Pontius l. 9. c. 17 n. 4. Pal. n. 3. Escob. n. 136. Nav. c. 16 n. 28. Bon. d. n. 13. Salm. n. 7. et Sanch. n. 8. cum. Soto, Palud. Led. etc. Cæterum bonè ajuat Laym. c. 7 n. 15. Viv. q. 8 a. 2 n. 5., quod, si putet vir, hac sola via adulteram corrigendam esse, eo casu teneatur ex charitate (intellige si possit absque gravi incommodo) ad tempus eam dimittere.

Quod ad scandalum autem pertinet, tenetur etiàm vir uxorem dimittere, ne videatur ipse peccato uxoris consentire, ut docent D. Th. l. c. Sanch. n. 10. Pont. n. 3. et Salm. n. 7 cum aliis, ex cit. Si vir, ubi maritus retinens uxorem pertinacem declaratur *reus, et ejus peccati particeps.* Et idem dicitur in c. Non solum, 6. Caus. 28. q. 1 ibi: *Quod si in his factis perseverat, recede ab illa. Sin autem, et tu particeps peccati illius eris.* Hoc tamen intelligitur et ut dicunt S. Anton. l. c. Sanch. n. 21. Pontius, et Salm. l. c. si adulterium est

notorium, non verò si occultum. Intelligitur 2. ut dicunt Laym. d. n. 5. Pal. n. 3. Pont. n. 3. Sal. n. 7 cum Dic. et Per. ac Bonac. n. 13 cum Syl. Tol. Con. Caj. Reg. Gutt. Reb. Fill. et Led. si vir aliquo modo nequeat scandalo occurrere; secus verò si posset alia via, nempe uxoris reprehensione, reclusionem, verberationem, aut alia moderata coercionem. Quod si, his mediis adhibitis, scandalum perseverat, erit vir excusatus, si uxorem non dimittit ex justa causa, nempe ratione periculi suæ incontinentiæ, vel si laboret inopia, aut morbo, et ideò indigeat ope uxoris; vel si aliàs deberet grave damnum subire; vel si aliàs uxor deterior evaderet, aut illi immineret notabile detrimentum sanitatis, aut si adsit probabilis spes fore, ut brevi uxor resipiscat, prout docent S. Ant. 3 p. t. 1 c. 20 § 9 Pal. n. 3. Salm. n. 7 et Sanch. . . D. 13 ex n. 19 cum Soto, Navarrus. Palud. Major. Tab. Led. Palác. Philiare. Gabr. Ang. Sylv. Lop. Arm. Ric. et Abul. etsi non omnes AA. citati omnes præfatas causas excusantes proponant. Addunt Salm. l. c. sufficere insuper causam, si plures expensæ essent impendendæ, ut divortium fieret auctoritate Judicis; vel si ex divortio contentiones timeantur. Demùm D. Anton l. c. sic concludit: *Ergò vir cum detrimento juris sui, et periculo non tenetur (uxorem) expellere.* Ità præfati AA. sed alii probabiliter dicunt, quod, si vir jam præbuerit sufficientia indicia, quod ipse ægre ferat uxoris adulterium, non teneatur eam dimittere ratione scandalii; quia si nihilominus alii scandalizantur, scandalum ipsorum erit pharisaicum, quod non tenetur ipse vitare; ità Pal. n. 3. cui consentit etiàm Laym. d. n. 17. cum Palud. qui ait: *Si explicet Maritus, quod non foveat illam in crimine, sed juxta se retineat, ut cohibeat à peccato. Quod si nihilominus aliquis scandalizatur, scandalum est ex malitia, quod contemnitur.* Idem sentit Glossa in c. Non solum, suprà citato, ubi ad verba, *sin autem, et tu particeps peccati illius eris*, explicat: *Idest, si non revocas eam à proposito.* Ergò vir, qui revocat adulteram à proposito, non est repu-

tandus particeps peccati illius. Clariùs id docet D. Anton. l. c. dicens : *Propter scandalum pharisæorum non tenetur homo dimittere jus suum ; prius debet (Maritus) exponere , quod non foveat illam in crimine , sed magis , ut eam meliùs cohibeat à peccato , juxtà se retineat ; et cum hoc sit verisimile , si quis ex hoc scandalizatur , non erit scandalum pusillorum , et cum non potest dimittere sine periculo suo , licitè potest retinere.* Hinc ex omnibus Prædictis benè inferunt Pal. l. c. Sanch. n. 26. cum Led. et Abb. et Salm. n. 7. cum Soto, Pont. Dec. Perez , Trull. etc. quod propter hanc causam scandalì rarò teneatur vir uxorem adulteram dimittere.

964. Quær. V. An uxor teneatur divortium facere à viro adultero ? *Prima* sententia , quam tenent S. Anton. 3 p. tit. 1 c. 20 § 9 in fin. et Sanch. l. 10 D. 14 n. 29 cum Pal Syl. Soto, Tab. Arm. Sa, Led. etc. dicit, eam numquàm tenèri , non ratione scandalì , quia numquàm præsумitur uxor consentire in viri adulterium ; non ratione corruptionis , quia tantum Superioris est corrigere facto ; uxor autem est subdita viro , undè ipsa (ait D. Antonius) *non debet virum corrigere facto , sed verbo.* *Secunda* tamen sententia mihi verior , quam tenent Bon. p. 5 n. 13. Can. p. 256 n. 16. Nav. c. 22 n. 21. Antoine p. 587 q. 9. Salm. c. 16 n. 7 cum Dic. et Perez , item Pet. Soto , Palao , Gabr. Led. etc. apud Sanch. n. 27 dicit, eam etiàm tenèri aliquandò divertere à viro adultero , quia aliquandò tenetur etiàm subditus , si potest sine gravi incommodo , corrigere Superiorem modo quo potest ; et à fortiori ad id tenetur uxor , cui jam concessum est relinquere virum adulterum ; dummodò tamen (ait Antoine) ipsa sciat , virum hoc medio certò emendandum : sed meliùs dicit Conc. si probabilis sit spes emendationis , quia correctio benè debet fieri ubi spes probabilis intervenit ut dicunt Salm. in tr. 21 de Corrupt. frat. c. 7 n. 66 cum Suar. Pal. Diana , etc. Meritò verò dicunt præfati AA. ad hoc rarò sive rarissimè tenèri uxorem , tum quia rarissimè uxor potest corripere virum ; tum quia rarissimè poterit uxor à viro disce-

dere sine gravi incommodo. Et ideò nec etià tenetur ei debitum negare : tantò magis , quia negando vir deterior fieret , ut docent S. Anton. et Bonac. l. c. cum Sanch. Fill. et aliis.

Utrùm autem teneatur Conjux innocens recipere ⁹⁶⁵ alterum ex adulterio emendatum ? Affirmant Conc. 2 ac Buss. infrà n. 5 cum Laym. et Perez, eum ad hoc tenèri ex charitate , si aliàs ille sit in periculo relabendi. Sed ego minimè auderem innocentem ad hoc obstringere sub culpa , cum ex una parte Christus Dom. eum perpetuò liberaverit ab obligatione cohabitandi cum adultero , et ex alia non videtur charitas ad tantum onus obligare , ut Conjux recipiat alterum , qui fregit sibi fidem. Undè meritò dicunt Salm. c. 16 num. 21 tantum ex honestate et decencia debere innocentem sibi reconciliare emendatum , si commodè potest. Nec obstat quod in c. Si vir Adult. dicatur ; *Debet , sed non sæpè recipere peccatricem* : nam Glossa To *debet* explicat : *Debet debito honestatis , non necessitatis*.

Quær. VI. In quibus casibus illicitum sit Conjugi ⁹⁶⁶ divortium facere ab altero in adulterium lapso ? Primus est , si uterque reus sit adulterii , tunc enim neuter jus habet ad divortium , etsi unus semel peccaverit et occultè , alter verò oenties et publicè ; ità Sanch. l. 19 D. 6 n. 8. Pont. n. 9 et Salm. c. 16 n. 12 cum Soto , Con. Trull. Dic. et aliis passim , ex D. Thom. in 4 D. 35 qu. un. art. 6 ad 5. Dubitatur autem hñc , an in tali casu Conjux emendatus possit divortium facere ab altero in adulterio perseverante ? Adest duplex sententia probabilis ! *Prima* negat , nisi condonationem sui criminis jam obtinuerit ; quia emendatio illius , ut dicunt , injuriam alteri (vel semel factam) non extinguit. Ità Pont. l. 9 c. 17 in fin. Dic. Led. Hurt. Bus. apud Salm. c. 16 n. 13. *Secunda* autem sat probabilis sententia , quam tenent Sanch. l. 10 D. 7 n. 4. Viva q. 8 art. 1 n. 6. Avers. Trul. Con. Bonacin. Reg. Henr. etc. ac Salm. n. 14 dicit , quod emendatus possit separari ab altero , qui post cor-

rectionem non respiscit, Ratio, quia (ut dicunt) si post crimina ambo Conjuges se reconciliarent, tunc, uno relabente, posset alter certè recedere: ità pariter in præsenti casu, nam emendatus per ipsam correptionem jam virtualiter offert reconciliationem, quam alter admittere tenetur, et sic terminus jam imponitur compensationi: ità ut alter non amplius habeat jus in posterum compensandi novum peccatum cum præterito Conjugis emendati: et ideò ob novum adulterium justè tribuitur emendato jus recedendi.

Secundus casus est, si Conjux consentiat in adulterium alterius: tunc enim amittit jus recedendi ex c. Discretionem de Eo, qui cog. etc. Et est communis sententia cum Sanch. lib. 10 D. 5 n. 4. Bon. p. 5 n. 14 et Salm. c. 16 n. 15. Con. Trull. Per. etc. D. Th. Suppl. qu. 62 art. 1. Notandum tamen hio uniformiter, quod non sufficiat ad præsumentum consensum viri, si ille prudenter dissimulàrit; vel non averterit adulterium uxoris: eò quod non potuerit sine magno incommodo: vel si causam tantum remotam præbuit, ut si malè eam tractavit; in allatis enim textibus statuit non excusari scæminam adulterantem, etiàmsi à viro sit injustè dimissa.

Tertius casus est, si Conjux sine culpa formali adulteretur, puta, ob errorem inculpabilem, vel si violenter cognita sit; ità communiter D. Th. l. c. ac Sanch. Con. etc. cum Salm. n. 17. Secùs verò, ut notat Sanch. n. 15, si per metum consentiret, quia propter metum non excusatur à culpa. Notat etià Dic. apud Sanch. ib. quod, si uxor putans virum esse mortuum, extrà Matrimonium fornicetur, etià vir possit eam dimittere; secùs si vir fornicetur putans mortuam uxorem.

Quartus casus est, si injurià sit remissa, sive antè, sive post divortium. Si autem post remissionem relabatur vel reconciliatus, vel reconcilians, alter jam dimittendi jus habet. Sanch. D. 6 n. 7. Salm. n. 18 et alii. Præsimitur autem facta remissio, vel ex verbis, vel factis, ut si Conjux innocens, conscius et memor adulterii, omninò spontè coëat cum adultero, ut do-

cent S. Thom. sup. q. 62. art. 1. Sanch. D. 6 n. 19 et D. 14 n. 6. Salm. n. 19 cum Dic. Trull. Avers. et aliis apud Bus. Signa pariter sunt remissionis, si maneant in eadem domo, mensa, lecto, maxime si interveniant oscula, tactus, amplexus. Notandum tamen; quod, si Conjux innocens per hæc verè animum non habeat remittendi, in conscientia semper recedere possit, quàmvis in foro exteriori divortium ei negetur; ità Sanch. D. 14 n. 21 et Fill. Avers. Trull. Vill. cum Salm. d. n. 19.

Sed dubitatur hîc 1. An, facto divortio per sententiam Judicis, possit innocens adhuc adulteram cogere, ut ad se redeat? Duplex est sententia. *Prima* quam tenent Soto, et Led. apud Sanch. lib. 10 D. 10 n. 2 qui probabilem vocat, dicit, quod per sententiam etià adultera remaneat soluta ab obligatione cohabitandi, et reddendi debitum. *Secunda* verò sententia, et communis, quam tenent Sanch. n. 3 cum Sylv. Henr. Led. Sa, et pluribus aliis, item Pal. p. 6 § 7 n. 1. Pont. l. 9 c. 19. Bon. p. 5 n. 16 et Salman. c. 16. n. 22 cum Con. Gutt. Reg. Aversa etc. docet, quod semper ac status utriusque Conjugis non sit mutatus, nempe si neuter voverit castitatem, etc. teneatur adultera redire, quia innocens suum jus non amittit per sententiam, quæ tantum in poenam adulteræ, non in favorem emanatur; ità expressè docet D. Th. sup. qu. 62 a. 6 ad 3 ubi: *Cum divortium sit inductum in favorem viri, non aufert ei jus petendi debitum, vel revocandi uxorem; undè uxor tenetur ei reddere, et ad eum redire, si fuerit revocata, nisi de licentia ejus votum continentiae emiseric.* Et ad hoc, ut adultera teneatur redire, rectè dicit Sanch. n. 24 (contra Pal.) non requiri novam sententiam judicis. Meritò verò ait Pal. p. 6 § 7 n. 3 cum Gut. rarò posse compelli uxorem adulteram, ut redeat ad virum, propter prudentem timorem mortis, aut sævitiae faciliè ab illo inferendæ.

Dubit. 2. Si Conjux innocens, facto divortio per sententiam, labitur in adulterium, utrùm is amittat jus ad divortium, ità ut, altero petente, teneatur ad

eum redire. *Prima* sententia affirmat, quia injuria jam est compensata, nec sententia ita abstulit adultero jus, ut innocens post divortium possit adulterari; ita Pont. l. 9 c. 20 num. 6 item apud Salm. c. 16 n. 23. S. Anton. S. Bonav. Per. Dic. Con. Avers. Sot. Dian. Leand. et probabilem vocant Salm. c. 16 n. 23. *Secunda* tamen sententia, quam longè probabiliorem censeo, et tenent S. Th. sup. q. 62. a. 6 ad 4. Sanch. l. 10 D. 10 num. 30 et Salm. n. 25. Fill. Reg. Bon. Led. et alii, dicit, eum non tenèri: quia per sententiam absolutè latam jam innocens absolutus mansit à servitute, et adulter jure suo privatur. Hoc tamen non obstante, D. Th. l. c. ad 4 sic advertit: *Secundùm æquitatem juris Judex ex officio suo debet eum cogere*, (a) *ut caveat periculo animæ ejus, et scandalo aliorum, quamvis uxor non possit reconciliationem petere.* Et in hoc omnes conveniunt, ut dicunt Salm. n. 14.

⁹⁶⁸ Dubit. 3. An Conjux possit adulteram dimittere propria auctoritate? Adsunt tres sententiæ satis probabiles. *Prima* sententia absolutè negat, et hanc tenent D. Thom. sup. q. 62. art. 3 ubi: *Divortium non potest celebrari, nisi judicio Ecclesiæ.* Conc. p. 256 n. 14 ac Bellarm. Aversa apud Salm. c. 16 n. 46. Ratio, quia separatio Conjugum est actio publica, pertinens ad externam gubernationem; undè non potest fieri privata auctoritate sine perturbatione. *Secunda* sententia, quam tenent Laym. c. 7 n. 8 et 9. Pont. c. 18 n. 2 et 6, et Salm. n. 47 cum S. Ant. Soto, Corinch. Henr. Vill. etc. distinguit; et affirmat, si adulterium est notorium; negat verò si occultum, quia tunc fama Conjugis adulteri injustè proderetur. Idque confirmant ex c. Significasti 4 de Divort. ubi dicitur: *Si notorium est, mulierem adulterium commississe, ad eam recipiendam præfatus vir cogi non debet, nisi constaret, ipsum cum alia adulterium commississe.* Item ex c. Ex parte 9 de Spons. ibi: *Nemini licet uxorem suam sine manifesta causa fornicationis dimittere.* *Tertia* demùm sententia absolutè affirmat posse fieri

(a) Aliàs monère.

divortium sine sententia, sive adulterium sit publicum, sive occultum, modò sit certum, et ex separatione non interveniat scandalum, quod non possit aliter reparari; ità Sanch. l. 10 D. 12 n. 31 et 32 cum Soto, Palac. Henr. Abb. etc. ac Bon. p. 5 n. 10 cum Sa, Led. Beg. Con. et Fill. probatur: ex c. Dixit Dominus 32 q. 1 ibi: *Ubicumque fornicatio est, vel fornicationis suspicio, liberè dimittitur uxor.* Nota To liberè, quod denotat, nullam requiri sententiam, aut licentiam. Et ratio est, quia absolutè consessum est à Christo Domino dimittere Conjugem adulterantem. Hæc sententia mihi probabilior est, saltèm si adulterium sit ex parte foeminæ; durum enim esset cogere virum certum de adulterio uxoris, ut publicum faciat illius crimen in judicio cum suo perpetuo dedecore. Benè tamen advertit Bon. l. cit. quod, si post divortium Judex cogat Conjugem ad cohabitandum. teneatur obedire; sed juxtà hanc sententiam non teneatur reddere.

Notandum autem hîc, quod, facta juridica separatione, vir innocens possit ingredi Religionem, etiàm invitâ adulterâ, c. Agatosa 27 qu. 2. Possitque etiàm Ordines Sacros suscipere, ut Salm. c. 16 n. 50. cum communi, manente tamen vinculo Matrimonii; Quare, si is, suscepta Religione, vel Ordinibus Sacris, cum alia coiret, licet tunc non detur ampliùs criminis compensatio, attamen verum adulterium committeret. Item, si uxorem cognosceret, peccaret quidem peccato sacrilegii, sed non fornicationis. Hoc autem esset, si Matrimonium jam consummatum fuerit, nam aliàs Matrimonium per Professionem Religiosam (non autem per Ordines Sacros) etiàm quòdā vinculum dissolvitur; Salm. c. 16 n. 50 et 51. et commun. Rectè autem advertunt Salm. n. 53. quod, si conjux innocens absque sententia judicis separetur ab adultera, vix umquàm possit, etiàm juxtà primam opinionem ut snprà, Sacerdotium suscipere: quia difficulter hoc fieri posset absque scandalo.

E converso adulter, nec etiàm facto divortio juri-

dico, potest Religionem ingredi, aut Sacerdotium suscipere, nisi de licentia alterius; vel nisi jam alter statum irrevocabilem assumpserit. Aliàs, si Religionem aut Sacerdotium suscipere velit, esto jam assumpserit, potest ab illo repeti, et tenetur reddere. Sed sufficit ad hoc licentia tacita, ut si alter sciens, hunc velle mutare statum, non impediat, cum commòdè possit. Et sufficit etiàm, si alter requisitus neget reconciliationem, ut dicunt Sanch. l. 10 n. 15 et 19 et Salm. c. 16 n. 54 cum Con. Avers. Dic. Dian. Bon. Led. ex c. Gaudemus de Conversione Conj. Addunt Pont. l. 9 c. 6 n. 3 Sanch. n. 8 cum aliis, et Pal. p. 6 § 7 n. 2. quod si post biennium adulter non revocatur, potest liberè Religionem ingredi, vel sacris initiari, quia tunc censetur alter in hoc ei consentire, jure sic disponente in Authentica, Sed hodiè. C. ad l. Jul. de Adult.

- 970 " II. Sævitia mariti, vel uxoris. Ex qua, si grave
 " periculum comparti immineat, potest separatio peti
 " à judice; imò, si mortem minetur, vel venenum
 " paret, potest divertere antè judicis consensum. Vide
 " Bonac. l. c. Laym. Per. s. 5. "

Constat ex c. ex transmissa, de Rest. Spol. ob sævitiam Conjugis, posse alterum separari, quàmvis iste ob aliquod suum crimen fuerit causa sævitiae illius, c. de Bènd. 32 q. 1. Non tamen sine sententia Judicis, et postquàm crimen sit plenè probatum, ut ex Conc. Carthag. in c. Sæculare 33 q. 2.

- 971 Sed quæritur 1. an tunc possit recedere propria auctoritate? affirma, si periculum sit in mora (ut ait hîc Busemb.) vel si non posset litigare, aut Judicem adire, vel facillè sævitiam probare, ità Sanch. l. 10 D. 18 n. 3 Anacl. p. 667 n. 110. et Salm. c. 16 n. 38. cum Aversa, Trull. Vill. Si verò possit Judicem adire, et sævitiam probare, tenetur expectare sententiam, ut dicunt Sanch. l. c. Pal. § 4 n. 7 Pont. l. 9 c. 23 n. 7 et Salm. d. n. 38. c. Significasti, de Divort. contra Frull. et Hurt. Ratio, tum quia exigitur sententia, ne passim divortia fiant; tum quia causa hæc sævitiae introducta est auctoritate Ecclesiæ; et ideo æquum est,

ut nemo eâ utatur ad discedendum sine Ecclesiæ auctoritate.

Quær. 2. an talis justè recedens possit, invito Conjuge, Religiosus fieri? Negatur, nisi timor de damno gravi sit talis, ut numquàm depõni possit, ex c. Litt., de Rest. spoliat. Aliàs divortium tantùm ad tempus erit, donec cesset periculum, data cautione in judicio; ità Sanch. l. 10 D. 18 n. 5 Salm. n. 37. cum Bas. Trull. Fill. Dic. Notant autem Salm. n. 40. cum Dic. in praxi vix credi posse, quod cesset umquàm periculum, si Conjux fuerit amens et furiosus, vel ità pronus ad iram, ut sæpè intervenerit periculum damni, et aliquandò uxorem vulneraverit; vel si dederit venenum, etiàm semel.

Quær. 3. qualis timor sufficiat ad divortium ratione sævitiae. Resp. Sufficit, ut prudenter timeri possint quæcumque mala gravia à Conjuge, vel ab ejus propinquis; ut si adessent comminatio mortis, verba injusta, frequentia convicia, et jurgia, ex quibus nimis molesta redderetur cohabitatio, vel esset periculum abortus intentati, vel mali gravis in aliis filiis, aut consanguineis, etc. Ità Sanch. l. 10 D. 18 n. 11 et 12 ac Salm. c. 16 n. 41 cum communi. Rectè tamen advertunt Salm. ib. quod aliqua ex his, quæ respectu sceminae nobilis essent gravia, respectu alterius humilis conditionis levia sint futura. Item advertunt Sanch. n. 13 et Rbr. p. 180 q. 5 R. 1, non sufficere solas minas, nisi Conjux solitus sit illas exequi; Quapropter Judex benè perpendere debet minantis conditionem, et modum, ex l. Hæc autem 5. ff. Si cui plus etc.

Quær. 4 an sola verbera sint causa justa divortii? 972
Alii affirmant, Bart. Bald. Lupus, Graff. etc. ap Sanch. D. 18 n. 14. Alii negant; nisi ex verberibus probabiliter timeatur periculum mortis; ut Cujac. etc. ib. n. 5. Alii verò communissimè, ut Pont. l. 9. c. 25 n. 5. Ronc. p. 180 q. 5. R. 1 et Sanch. num. 16 cum Host. Abb. Ang. Sylv. Henr. Arm. Tab. etc. dicunt, licitum esse viro verberare uxorem, modò non fiat frequenter, nec ex levi causa, nec acriter, quàmvis causa sit magna, sed rarò, et mediocriter. Undè probabiliter

ait Sanch. non posse uxorem discedere, si verberatio est levis, etiãmsi sine causa verberata fuerit (excipiunt Salm. c. 16 n. 41. nisi mulier esset nobilis.) Item addunt Ronc. l. c. Bon. p. 5 n. 5. Pal. p. 6 § 9 n. 8 et Sanch. n. 16 cum Rol. et Rimin. non licere uxori divortium facere ex una verberatione, etsi gravi, sed requiri saltẽm binam, nisi probabiliter timeatur, ne maritus verberationes replicet, attentã illius natura, et circumstantiis, puta si ipse domi vel etiãm extrã domum detineat concubinam.

- 973 » III. Si conjux compartem trahat in peccatum, v. g.
 » sollicitet ad hæresim, veneficium, etc. *Adde si vir alios*
 » *in domum introducat cum periculo, quod tentet ad adul-*
 » *terium. Vel si vir velit exercere sodomiam cum uxore,*
 » *etsi ipsa consentire renuerit*, ut Sal. n. 35 cum Sanch.
 » Bas Soto.) * tunc enim innocens potest se separare,
 » imò tenetur, si periculum sit grave. Laym. l. 5 t. 10
 » p. 3 c. 7 n. 16.

» IV. Morbus contagiosus, v. g. lepra * (Ut D. Th.
 » sup. q. 64 a. 1 ad 4 ubi. Uxor viro leproso tenetur
 » reddere debitum, non tamen tenetur ei cohabitare.
 » *Hoc autem rectẽ ait Sanch. l. 9 D 24 n. 29 cum S. Ant.*
 » *et aliis intelligi, si ex cohabitatione probabiliter im-*
 » *mineat periculum infectionis. Item justa erit causa*
 » *discedendi, si alter Conjux sit furiosus, aut maleficus,*
 » *aut energumenus, ut Salm. c. 16 n. 35 cum commu-*
 » *ni. Quod si tamen sine gravi detrimento possit coha-*
 » *bitare, ad id tenetur, aut saltẽm adhabitare, et*
 » ministrare, nisi alter remittat.

- 974 » V. Hæresis, vel apostasia superveniens matrimo-
 » nio. Quo casu, si separatio facta sit judicio Eccle-
 » siæ, non tenetur conjugem conversum recipere,
 » saltẽm ex justitia: nam ex charitate aliquandò te-
 » netur, ut si sit periculum incontinentiæ. Bonac.
 » Laym. l. c. Per. d. 57 s. 1. * (*Nota hic, quod non*
 » *ob quæcumque crimina Conjugis possit alter separa-*
 » *ri, sed tantũ ob pernicioſa. Potest autem ab hære-*
 » *tico discedere, etsi hæresis sit occulta: imò tenetur,*
 » *si sit in periculo perversionis; vide Salm. c. 16 ex*
 » *n. 26. Et si crimen sit declaratum, potest alter etiã*

» *feri Religiosus, ut Salm. n. 34. modò judicio Eccle-*
 » *siaè discesserit, ut patet ex c. de illa, de Divort. ubi*
 » *hoc divortium declaratur esse perpetuum.) **

» VI. Mutuus consensus. Ex quo licitè se separant⁹⁷⁵
 » vel toro, sivè ad tempus, sivè in perpetuum, ob
 » finem spiritualem, vel etiàm habitatione. Quod
 » tamen non solet permitti, nisi uterque ingrediatur
 » Religionem, vel uxore ad Religionem transeunte
 » (aut si yetula sit, id est sexagenaria, Azor. etc.
 » vel saltèm quinquagenaria, Sanch. Bon. Barb.
 » Dian. p. 3 t. 4 R. 73 manente in sæculo in voto con-
 » tinentiæ) maritus suscipiat sacros Ordines. *(Si autem*
 » *Conjux remanens in sæculo nesciebat, se tenèri eo casu*
 » *ad emittendum votum castitatis, dicunt Sanch. Fagn.*
 » *etc. (contra Anacletum) ap. P. Ferraris Bibl. verb.*
 » *Conjux n. 23. quod ille, adhuc præstito consensu,*
 » *possit ad se revocare Conjugem etiàm in Religione*
 » *professum.) ** Porro, apud quem, et cujus expen-
 » sis, facto divortio, liberi sint educandi? Vide Laym.
 » hñc l. 1 et Sanch. Vid. Per. d. 58 et 59. Bon. q. 3
 » p. 5 n. 11. »

Conveniunt DD. quod, facto divortio juridico, filii⁹⁷⁶
 sint educandi apud Conjugem innocentem. Quoad
 expensas verò, si divortium fit culpà Patris, ejus ex-
 pensis educanda est proles, ex Authent. Si Patet. C.
 Divortio facto, ubi: *Si Pater causam divortii præstiterit,*
apud Matrem, ad secundas nuptias non venientem,
liberi nutriantur Patris expensis. Et contrà expensis
 Matris, si divortium fit culpà Matris; ità Glossa in
 dicta Authent. Pal. p. 6 § 10 n. 5 Laym. c. 7. in fin.
 et Sanch. l. 10. D. 20 n. 7. cum Bart. Pal. Hist. Syl.
 Henr. Gut. etc. ex ea. Aut. ubi legitur; Si verò contra,
tunc apud Patrem, Matris locupletis expensis; nisi
Pater minùs idoneus sit, tunc enim apud Matrem lo-
cupletem nutriantur. Sed negant Salicit. Boerius, et
 Alex. apud Sanch. l. c. n. 5. quod asserant prædicta
 verba non esse in textu originario (ut fatetur ipsa
 Glossa) sed inserta fuisse ab Irnerio. At hoc non ob-
 stante, non discedendum à sententia communi, ut
 ait eadem Glossa; quia cum Matri adulteræ dos, facto

divortio, restituitur, jus naturale postulat, ut ipsa Matrimonii onera sustineat; aliàs commodum ex suo crimine reportaret. Ad hoc tamen, benè advertit Sanch. n. 8 cum communi omnium, omninò requiri sententiam Judicis. Quando autem alter Conjugum esset infidelis, vel hæreticus; proles semper apud fidelem educanda est, quàmvis fidelis fuerit in culpa, ut Sanch. n. 3. Pal. l. c. cum aliis.

977 » Quæres, an uxor teneatur sequi virum ad cohabitationem?

» Resp. Tenêri, quia vir est caput familiæ; et uxoris,

Excipiuntur tamen sequentes Casus.

» 1. Si ex sequela timeatur grave onus, vel periculum, v. g. vitæ, pudicitiae, vel salutis; vel uxor à viro peregrè non alatur.

» 2. Si vir post matrimonium factus sit vagus, nec facile sit sequi; secùs tamen, si antè fuit vagus; idque ipsa scivit.

» 3. Si in contractu Matrimonii additum fuerit pactum de non mutando domicilio, et nulla gravis necessitas urgeat. »

Regulariter uxor tenetur sequi virum mutantem domicilium, etiàmsi mutet sine justa causa; modò causa non sit turpis, Sanch. l. 1. D. 40 n. 2 et 6. Et hoc etiàmsi alicubi adsit contraria consuetudo, quæ non potest derogare juri Divino, quod constituit virum caput uxoris, ut 1 ad Cor. c. 1 v. 3. Itèmsi vir longe discedat, et ibi per longum tempus sit moraturus; secùs verò si brevi indè revèrsurus sit: ità Sanch. l. c. D. 41. n. 11. cum Panorm. et Alex. de Nevo, ac Boss. c. 6 n. 34 cum Suar. Bar. et Farin. tunc enim nec uxor tenetur sequi virum, nec vir secum ducere uxorem, ut dicunt Salm. de 2. Præc. c. un. n. 48 cum Sanch. Tol. Bon. Sayr. Fill. etc. Prout nequè tenetur vir eam secum ducere, etiàmsi longe discedat, si magnæ expensæ requirerentur ad eam illuc transvehendam: Salm. ib. cum AA. citatis. E converso uxor non tenetur sequi virum, si ille velit eam pertrahere ad

peccatum, vel uxor per discessum exponeretur gravi periculo vitæ, ut Sanch. l. 1. D. 41. n. 5. cum Sylv. Nav. Arm. Ang. etc. aut periculo gravis detrimenti, ut Boss. c. 6 n. 38 cum Laym. et aliis communiter. Sic pariter non tenetur uxor sequi virum vagantem, nisi uxor antè Matrimonium id sciverit, ut Sanch l. c. n. 7 cum Sylv. Ang. Nav. Lopez. Man. et Boss. n. 48. cum aliis communiter. An autem uxor teneatur sequi virum ad exilium condemnatum? Probabiliùs affirmandum cum Sanch. l. 1. D. 41 n. 13. Bos. c. 6 n. 46 et aliis. Vide dicta l. 3. n. 353.

FINIS TOMI SEXTI.



INDEX

TRACTATUUM ET CAPITUM TOMI VI.

Capita.

Paginæ.

LIBER VI.

PROSECUTIO TRACTATUS IV. — *De Pœnitentia.*

2 De Ministro Sacramenti Pœnitentiæ.....	3
3 De adjunctis Pœnitentiæ.....	133

TRACTATUS V. — *De Extrema-Uctione, et Ordine.*

1 Quid sit Extrema-Uctio, et quæ circà eam observanda etc.....	211
2 Quid sit Ordo, quotuplex, et quæ ejus Materia etc.	243

TRACTATUS VI. — *De Sponsalibus et Matrimonio.*

1 De Sponsalibus	350
2 De Matrimonio secundùm æ.....	420

Observanda utentibus Editione Bassanensi Anni 1816.

N.º 602 legant : *illimitatè eos approbare.*

604 loco : *quarum cuique se apparet probabilior, legant : quarum utrique sua opinio apparet probabilior.*

664 loco : *quæ non ex majori commoditate etc. legant : quâ non ex majori commoditate æger, ut, si podagrâ, aut alio consimili affectu laboret, sed ex necessitate lectum petit.*

Videant, quàm exactè textus S. Thomæ n.º 804 citatus sit.


N.º 869 loco *secundùm*, legant : *ad sæculum redeat, licet Præp. etc.*

916 loco *delectam*, legant : *deletam.*


In hoc Tomo plurimi Textus fuère correcti numeris
560. 562. 564. 376. 581. 585. 589. 594. 602. 607. 610.
625. 646. 651. 675. 685. 701. 706. 707. 708. 709. 710.
713. 715. 731. 732. 755. 734. 735. 737. 749. 763. 780.
785. 787. 788. 790. 791. 795. 796. 798. 802. 803. 804.
806. 815. 822. 825. 827. 849. 873. 882. 895. 897. 923.
928. 944. 950. 956. 958. 967. 968. 973.

[illegible]









This book should be returned to
the Library on or before the last date
stamped below.

A fine of five cents a day is incurred
by retaining it beyond the specified
time.

Please return promptly.

DU MAY 11 1937

